

JUS NATURÆ

METHODO SCIENTIFICA

PERTRACTATVM

P A R S S E X T A

DE

DOMINIO VTILI,

IN SPECIE DE FEVDO,

ACCEDIT DOCTRINA

DE INTERPRETATIONE,

DE IURE EX COMMVNIONE PRIMÆVA

RĒSIDVO,

DE OFFICIIS ERGA MORTVOS,

NONDV M NATOS ET POSTEROS

NEC NON ERVDITORVM.

A V T O R E

CHRISTIANO L. B. DE WOLFF,

POTENTISSIMI BORVSSORVM RĒGIS CONSILIARIO INTIMO, FRIDERICIA-

NÆ CANCELLARIO, IVRIS NATVRÆ AC GENTIVM ATQVE MATHEMATVM

PROFESSORE ORDINARIO, PROFESSORE PETROPOLITANO HONORARIO,

ACADEMIÆ REGIÆ SCIENTIARVM PARISI NÆ, BRITANNICÆ

ATQVE BORVSSICÆ MEMBRO.

C V M P R I V I L E G I I S.

HALÆ MAGDEBVRGICÆ MDCC XLVI

PROSTAT IN OFFICINA LIBRARIA RENGERIANA.

SERENISSIMO AC POTENTISSIMO
PRINCIPI
AC DOMINO
DOMINO
FRIDERICO

REGI BORVSSIÆ, MARGGRAVIO
BRANDENBVRGENSI, SACRI ROMANI IMPERII
ARCHI - CAMERARIO ET PRINCIPI ELECTORI, SVPREMO
SILESIE DVCI, PRINCIPI SVPREMO ARAVSTONENSI, NOVI
CASTRI ET VALENGIÆ, NEC NON COMITATVS GLACENSIS,
GELDRIE, MAGDEBVRGI, CLIVÆ, JVLIAE, MONTIVM, STE-
TINI, POMERANIE, CASSVBJORVM, VANDALORVM ET ME-
GAPOLIS, NEC NON CROSNÆ DVCI, BVRGGRAVIO NORIM-
BERGENSI, PRINCIPI HALBERSTADII, MINDÆ, CAMINI, VAN-
DALII, SVRINI, RACEBVRGI, OSTERISIE ET MVRsii, CO-
MITI HOHENZOLLERÆ, RVPPINI, MARCÆ, RAVENSBERGI,
HOHENSTEINII, TECKLENBVRGI, SVRINI, LINGÆ, BVRÆ ET
LEERDAMI, DOMINO RAVENSTEINII, ROSTOCHII, STAR-
GARDIÆ, LAVENBVRGI, BVTOLVÆ, ARLAYÆ
ET BREDÆ

&c. &c. &c.

REGI AC DOMINO MEO LONGE
CLEMENTISSIMO

REX AUGUSTE,



uamvis vix quisquam reperia-
tur, qui non exploratum ha-
beat, inter arma filere leges,
sub regimine tamen MAJE-
STATIS TVÆ, prorsus
singulari, quemadmodum alia multa,
quæ certa ac comperta existimantur,

ita

DEDICATIO

ita quoque effatum istud exceptionem
habet. Non siluerunt Musæ nostræ,
cum Mars; atrocissimas minas jactaret.
Cum flammis jam toti induerentur fines
nostri; nostræ tamen Musæ minime re-
bantur tum suam rem agi, cum paries
proximus ardet. Quæcunque rumor
indies narrabat de crudelissimo ac lu-
ctuosissimo exitio sedi Musarum nostra-
rum comparando, ea nequaquam im-
pedire potuerunt, quo minus eadem
loquerentur ac avidis auribus audiren-
tur. Nullus terror panicus invadebat a-
nimos eorum, qui discendi causa ad nos
accesserunt, ut tempestive sibi fuga
consulerent, & docentes quieto ac tran-
quillo animo labores suos consuetos

DEDICATIO.

tam publicos, quam privatos non interrupta serie continuabant. Nimirum Te, Heros Invictissime, providentia divina orbi datum esse intelligebant omnes, ut pacem restitueres, & Musis otia faceres, ac conservares. Ex virtute igitur tua veloci præsidium sibi petebant, nec spes quenquam fefellit. Hoste enim ultima audente veniebas, videbas, vincebas &, antequam expectari poterat, feliciter perfeceras, quod generoso animo TIBI proposueras, scilicet ut Germaniæ tot belli calamitatibus jam defessæ pacem dares ac discordiam tolleres. MAJESTATI TVÆ ego quoque acceptum fero, quod turbulento hoc rerum statu inceptum opus

DEDICATIO.

pus destituere non fuerim coactus, sed
ejus Tomum Sextum nunc in publicum
proferam, quí cum antea jam Tuus sit,
nunc nova ratione Tuus factus est. Pa-
tere igitur, ut eum non tantummodo
mente venerabunda sicuti anteriores,
verum etiam grata & gratulabunda an-
te pedes MAJESTATIS TVÆ de-
ponam. Ceterum Tu quoque, REX
PHILOSOPHE, qualem optavit an-
tiquitas, ut beata foret Resp. sed non
vidit, inter medios armorum strepitus
aditum facilem ad Te dedisti Musis, &
consiliis bellicis maxime intentus, ut de
rebus ad illas pertinentibus cogitares
minime molestum accidit. Rerum te-
stimo-

DEDICATIO.

Stimonium domesticum mihi est, id-
 que satis luculentum, ut ad alia provo-
 care mihi non sit opus. Cum enim Se-
 renissimus Bavariæ Elector in admini-
 strando Vicariatu Imperii suam in Mu-
 sas propensionem orbi erudito demon-
 straturus me nihil tale cogitantem una-
 cum posteris meis ad dignitatem Liberi
 Baronis S. R. I. proprio motu eve-
 xisset, & postquam hoc mihi significat-
 um fuerat, ego rem omnem ad MA-
 JESTATEM TVAM referrem, illo
 ipso tempore, quo hostem in Bohemia
 profligabas & de exercitu in Silesiam re-
 ducendo cogitabas, ut, quemadmo-
 dum debebam, in honoribus mihi de-
cretis

DEDICATIO.

cretis totus a voluntate Tua depende-
rem ; Tu REX INDVLGENTISSI-
ME, non modo hoc vehementer pro-
basti, verum etiam confirmasti & sum-
mis negotiorum publicorum Admini-
stris eam curam statim demandasti, ut in
terris tuis ac in specie in Fridericiana tua
inter Professores amplissima hac digni-
tate emerem. Taceo cetera, quæ
modestia reticere iubet. Quantum,
REX SAPIENTISSIME, Musis fave-
as, sicuti aliis jam antea multis docu-
mentis, ita etiam hoc prorsus singula-
ri probasti, quod adeo publice grato a-
nimo prædicari & posterorum memo-
riæ commendari debebat. Deus T.

b

O. M.

DEDICATIO.

O. M. qui hætenus omnibus Tuis
consiliis & actis eventum respondere
jusfit, eodem nunquam in posterum
illa destitui velit ! Ita vovet

AVGVSTÆ
MAJESTATI TVÆ

Subjctissimus ac fidelissimus

CHRISTIANVS DE WOLFF.



PRÆFATIO.

CUM anno superiori Tomum quintum Juris Naturæ publici juris facerem, monui me in Tomum Sextum rejicere coactum fuisse ea, quæ de dominio utili demonstranda adhuc erant, antequam omnia jura, quæ a dominio descendunt, absoluta essent. Ea igitur in præsentî volumine primo loco comparent. Præcipuæ species dominiî utilis sunt emphyteusis atque feudum, & illi agnatum est jus libellarium, census ac jus superficiarium. De hisce igitur singulis ea demonstravimus, quæ Juri naturæ consentanea sunt. Inprimis prolixa est de feudo tractatio, cum nihil prætermittendum esse duxerimus, quod ad hoc Jus intime perspiciendum fa-

PRÆFATIO.

cit. Quamvis enim facile largiamur jus istud a Germanis originem suam deducere, non tamen propterea existimandum est, quasi idem ignoret Jus naturæ, ac æterna ista & immutabilis lex, quæ a voluntate hominum minime dependet, nihil de eodem præcipiat ac prohibeat. Quemadmodum ea regit omnes actus humanos; ita quoque eidem subest feudum. Jus hoc possibile fuit, antequam de eodem cogitarent mortales, nec id introducere potuissent, nisi possibile fuisset. Etsi adeo homines eodem uti cœperint, cum antea ignoraretur; lege tamen naturæ ab æterno jam sancitum fuerat, quod in eo constituendo & exercendo observari debeat, vel liceat. Neque hoc singulare est in feudo: vidimus enim id obtinere in aliis quoque actibus humanis, & porro videbimus, quando ea tradituri sumus, quæ ad imperium tam privatum, quam publicum pertinent. Jura homines acquirunt per pacta & sese invicem ad certas præstationes obligant per promissa. In pactis vero atque promissis pro vero habetur quod dictum est, vel alio modo sufficienter

PRAEFATIO.

enter indicatum. Quamobrem ut certum sit, quodnam jus ab altero acquisiveris, vel quantum eundem sibi, aut tu te ipsi obligaveris; omnis tandem quaestio huc redit, quid per verba aut signa alia indicatum fuerit. Opus igitur est interpretatione, ac id habetur pro vero, quod recta interpretatio suggerit. Quanam vero recta sit, lex naturae docet, quippe quae praecipit, quomodo ea fieri debeat. Postquam igitur de pactis, seu contractibus egimus, regulae quoque interpretationis demonstrandae erant, quibus cavetur, ne quis pro lubitu fidem datam fallere possit absque perfidia nota. Tuetur nimirum jus naturae jura hominum etiam per ea, quae de interpretatione praecipit, ut adeo doctrina de interpretatione haud postrema Juris naturae pars sit. Facile autem patet, quae de pactorum & promissorum interpretatione dicuntur, de legum quoque interpretatione accipienda esse. Sunt enim pacta & promissa leges singulares, quibus ad certos actus personae singulares obligantur & eorum libertas quoad eos ita restringitur, ut alterius juri sint

b 3

sub-

PRÆFATIO.

subjecti, quam pactorum & promissorum cum legibus convenientiam in ipso opere demonstravimus. Supererant vero etiam adhuc alia nonnulla, de quibus in anterioribus commode dici non poterat, quæ tamen prætermittenda non erant. Ea igitur in præsentī volumine addere visum fuit. Pertinet huc Jus ex communione primæva residuum, quod eadem sublata & dominiis introductis tacite reservatum est, cum hæc sine illius reservatione introduci haud quaquam permiserit Jus naturæ. Eminent hic jus necessitatis, quod ut penitus perspici posset, de Jure quoque necessitatis in genere nobis agendum fuit. Ad jus istud necessitatis referendus est jactus navis levandæ causa in mari factus, ut commune periculum evitetur. Quæ igitur lege Rhodia de jactu præcipiuntur, hic quoque ad normam Juris naturæ exiguntur. Neque hic opus est, ut lex Rhodia ad casus similes extendatur, quemadmodum ab interpretibus Juris civilis fieri solet, cum de iisdem casibus ipsa lex naturæ præcipiat, quid fieri debeat, aut facere liceat.

Ad

PRÆFATIO.

Ad jura ex communione primæva residua pertinet quoque Jus innoxie utilitatis, quæ plura particularia sub se continet, de quibus singulis dictum est, quatenus iisdem locus est, antequam imperia introducta supponantur. Quæ enim ab hisce dependent, suo demum loco demonstrabuntur. Equidem officia potissimum debentur vivis, cum vivus vivo utilis sit, mortui autem ope ac auxilio nullius habeant opus; sunt tamen quædam adhuc officia, quæ etiam mortuis præstari possunt ac debent. Nostrum adeo fuit nec hæc intacta relinquere. Debemus mortuis officium laudis, debemus etiam post fata gratiam benefactoribus, ita ut non modo gratias agere iisdem teneamur, verum etiam gratiam *rependere in aliis*. Cumque dominia & alia jura ab illis pendentia ab hominibus amittantur, quamprimum moriuntur, morte tamen eorundem cum iisdem adherentibus obligationibus non extinguantur; de eorum quoque transmissione in alios generalia principia tradenda fuerunt. Quamvis vero hic locus videri poterat

agen-

PRÆFATIO.

agendi de successione ab intestato & testamentis ; nostra tamen methodus hoc argumentum in alium differri iussit. Quid enim lex naturæ cum de testamentis , tum de successione ab intestato præcipiat ; ea tum demum intelligi poterunt , ubi de imperio privato in personas fuerit actum : ex hoc enim deducendum est , quid juri naturæ tum quoad testamenta , tum quoad successionem ab intestato conveniat. Amor quoque universalis , quo promiscue homines omnes prosequi debemus , morte non extinguitur , danturque actus , quibus etiam erga mortuos eundem demonstrare valemus. Est etiam honoris quoddam officium , quod mortuis adhuc deferri potest & huc quoque referendus honor humanitatis , qui in actibus consistit , quibus significamus nos agnoscere , quod alter æque homo sit , ac eundem a brutis & aliis rebus distinguimus. In hoc rationem sufficientem agnoscit jus sepulturæ universale , quod determinatiões particulares sortitur ab officiis ceteris erga mortuos. Quamvis adeo *Grotius* jus sepulturæ
ad

PRÆFATIO.

ad jus istud gentium voluntarium retulerit, quod nonnisi moribus introductum, nos tamen idem altius repetere ac ex genuino suo fonte naturali deducere volumus, non neglectis iis, quæ de ceremoniis ac ritibus funebribus tenenda sunt, ne in hisce quoque ab ea rectitudine recedamus, quam Jus naturæ imperat. Cum denique promiserimus, nos in præsentî volumine de officiis ac jure eruditorum ex instituto acturos; fidem quoque nostram liberavimus. Equidem non alia sunt eruditorum officia, quæ lex naturæ ab iisdem exigit, quam quæ homines ceteri sibi invicem debent; ea tamen eruditi etiam qua eruditi applicare tenentur in iis, quæ ipsis agenda sunt. Quoniam vero vulgo hoc fieri non solet, ita ut dudum in proverbium abierit, quous eruditior est, eo perversior eundem esse; tanto magis e re esse videbatur in præcipuis saltem capitibus ostendere, quomodo officiis, quæ humanitati debentur, sit satisfaciendum, nisi in æternam istam ac inviolabilem legem delinquere velis. Ostendimus enim eruditum quoque

PRÆFATIO.

que qua eruditum ad perficiendum voluntatem obligari, ita ut, quo quis eruditior, eo virtuosior esse debeat. Dedecent maxime mores præposteræ ac perversi eruditos, iidemque gravius peccant, quando a tramite virtutis recedunt, quam alii, quos infirmitas humana & alia magis excusant. Dolendum vero, quod qui studiis literariis operam navant, de voluntate emendanda ac perficienda parum solliciti sint, quasi virtus sua sponte in animis hominum nascatur, vel imperari possit. Eruditorum est veritatem latentem detegere, detectam ab aliis cognoscere, cognitam applicare ad utilitatem generis humani & ad alios propagare. Unusquisque in hisce tantum præstare debet, quantum potest, cumque immensus sit rerum, quæ cognosci possunt, numerus, unusquisque agere debet, quod suum esse natura voluit. Non omnia possunt omnes, atque ideo nihil absurdius cogitari potest, quam si quis suam adeo amet Minervam, ut, qui eandem non colunt, eos contemnat, quasi generi humano satis consultum sit, si unica saltem scientia excolatur, ceteræ desertæ jaceant atque incultæ. Unicuique sua tribu-
enda

PRÆFATIO.

enda est laus, uniuscujusque agnoscenda atque
predicanda sunt merita diversi licet generis, & qui
personam suam, quam ipsi natura atque fortuna
tuendam tribuit, recte gerit, in eo, quod reprehendas,
non invenitur. Orbis quoque eruditus veluti
theatrum est, in quo materia laudis non desumitur
a persona, quam quis tenet, sed a modo, quo
eam fert, ita ut ei, qui mendicum bene exprimit,
magis applaudatur, quam illi, qui Regem
male, & si uterque personam suam recte gerit, æ-
quali, quamvis diversa condecoretur laude. Sto-
lidus autem factus est, si quis sese extollere velit
supra alios ob ea, quæ naturæ ac fortunæ acce-
pta terre debet, & magna laudum diversarum
confusione affectare eam, quæ ipsi non debetur,
vel alteri invidere suam, quam ipse meretur.
Si cui decernitur honor ob merita in ge-
nus humanum, vel in Remp. eundem ob inge-
nii præstantiam & acumen sine ratione præten-
dit alius, adeoque vesanæ sunt querelæ, quas
hic movet, quod alter honoribus & præmiis
amplissimis decoretur, quibus ipse non ornatur.

PRÆFATIO.

Improbum vero est, ubi quis ea de causa alterius famæ detrahere, aut eandem profus laceſſere non erubeſcat, quaſi inde propriae famæ accederet illuſtre incrementum. Vere eruditus is demum habendus, qui virtutem cum rerum cognitione conjungit & in eo vitæ genere, quod ſequitur, perſonam ſuam bene gerit. Sed hoc non ante capient eruditi, nec perverſis ac præpoſteris eorum moribus erit finis, quamquam ubi ſtudioſam juventutem eo perduxeris, ut cum cultura ſaculatum cognoſcendi culturam voluntatis conjungant. Nobis virtus & veritas æque chara eſt, & ut omni erudito ſit vehementer optamus. Placet veritas omnis, ſed non eodem modo cenſetur atque æſtimatur, quando ad uſum ſaculatum animæ refertur, ſine quo inveniri aut inventa cognoſci nequit, vel quando ad utilitatem, quam aſſert generi humano. Nihil proſecto abſurdius cogitari poteſt, quam ſi quis prætendat, ut omnes eruditi, qui bene de humano genere mereri volunt, idem agant, vel etiam ut qui aliud agit, in eo genere

PRÆFATIO.

nerē scientiarum, quod ipse colit, paria præstare debeat, aut si contemnat eum, qui diverso studio se dedit. Cum eruditi, quemadmodum ceteri homines in universum omnes non sibi, sed aliis vivere debeant, unusquisque eorum ad commodum, utilitatem ac felicitatem generis humani symbolum suum conferre tenetur. Sunt veluti membra unius corporis, quorum unumquodque propriam sibi habet functionem, & dum unumquodque agit, quod suum est, toti confertur corpori. Alia oculi, alia prorsus ventriculi functio est, sed illa non minus, quam hac indiget homo. Et vel abjectissimarum partium, quæ vulgo putantur, functiones non minus necessariae sunt, quam illarum, quæ nobiliores habentur. Ita quoque genus humanum, ut salvum ac felix sit, non minus indiget opera eruditi, qui hoc vitæ genus sequitur, quam qui aliud. Quodsi ergo omnes vel in lineis & calculis algebraicis ætatem omnem consumere vellent, vel in literis, quas elegantiores appellare fuerunt, tempus implere; parum pro-

PRÆFATIO,

perfecto consuleretur generi humano, quamvis stupenda & prorsus inexpectata præstarent. Fieri autem non potest, ut, dum hoc agis, aliud quoque agas, etsi ad utrumque paratus. Quamobrem absolum est, si quis sibi persuadeat, quasi alter paria secum præstare non potuisset, si studium suum eidem scientiæ impertire voluisset, quod in alio genere collocat. Immo censuram potius merentur, qui, ubi jam plures sunt, qui scientiæ alicui totos sese consecrant, quam e re generis humani esse videtur, ipsi quoque ad eandem multum studii adhibent, quod ad alia utilius convertere poterant, quæ deserta adhuc & inculta jacent. Non est eruditi, ut eo tendat, quo sua eum trahit voluptas, vel fortuna ducit. Æterna illa ac inviolabilis lex, cui subsunt omnes omnino hominum omnium actiones, præcipit, ut unusquisque agat id, ad quod maxime aptus est &, ubi ad plura æque aptus fuerit, quo maxime indiget genus humanum. Ast de hisce apertius dicendum erit in Philosophia morali. Ceterum nunc absolvimus, quæ ad officia

PRÆFATIO.

officia hominum, quæ humanitas exigit, & jura inde atque a dominio descendentiâ pertinent, si ea excipias, quæ imperium privatum supponunt, veluti successionem in bonis defuncti, de qua in Tomo sequente acturi sumus. Ex iis nimirum, quæ hæctenus demonstravimus cum in parte prima Philotophiæ practicæ universalis, tum in integris sex Tomis de Jure naturæ, qui hæctenus prodierunt, patet, hominem per ipsam essentiam atque naturam suam obligari ad certa officia erga se, erga alios & erga ipsum Deum. His ut satisfieri possit, natura nobis tribuit certa jura tum ad res, tum ad certos actus. Ea ab initio fuisse communia, sed legi naturæ convenienter propria fuisse facta, ita ut tam res, quam actiones liberæ subjectæ fuerint singulari juri, quod dominium appellatur. Dominium officiis convenienter esse exercendum, & ea de causa opus fuisse, ut dominia vel plena, vel particularia quædam jura sub iis contenta in alios transferrentur. Atque ita a dominio descendisse multa jura, de quibus abunde dictum est. Quemadmodum adeo osten-

PRÆFATIO.

stendimus, quomodo dominia fuerint orta ac inde omnia jura rerum, quæ privatis competunt, deduximus; ita nunc porro demonstrandum erit, quomodo jura in personas acquirantur, cum homines omnes natura liberos esse constet, nulli prorsus juri alterius subjectos, ut adeo quoque jura personarum in aprico constituentur. De his igitur agendum erit in sequentibus, ac iis absolutis tandem constabit, quam pulchro nexu omnia jura & omnes obligationes hominum inter se cohæreant, & istiusmodi Institutiones Juris Naturæ ac Gentium adornare dabitur, quales in præfatione Tomi quinti promissimus. Halæ d. 9. Aprilis A. 1746.





JURIS NATURÆ

PARS SEXTA.

DE

DOMINIO UTILI ET JURIBUS AC OBLIGATIONIBVS NONNVLLIS MISCELLANEIS.

CAPVT I.

De Dominio utili & ejus Speciebus quibusdam.

§. 1.

Dominium utile dicitur, in quo jus utendi fruendi prorsus liberum, seu nullo modo restrictum, proprietas utile quod-
vero aliquo modo restricta est ad alium. Idiomate nam dicitur.
patrio dicitur das *Stugbahr-Eigenthum*, item *Winder-Eigenthum*.

Continet nimirum dominium proprietatem, jus utendi & jus fruendi (§. 136. *part. 2. Jur. nat.*), & si plenum fuerit, eidem inest proprietas, ac jus utendi fruendi nulla ex parte diminutum (§. 137. *part. 2. Jur. nat.*). Quodsi ergo quis habuerit jus utendi ac fruendi prorsus liberum, aut proprietatem non
(*Wolfii Jur. Nat. Pars VI.*) A prorsus

prorsus liberam, sed ex parte ab alio quodam pendente, qui quidpiam ejus participat; dominium erit utile, ac ita dicitur, quia qui id habet, omnem ex repercipit utilitatem, quæ ex ea quomodocunque percipi potest, solus.

§. 2.

Dominus utilis quinam sit & jus ejus.

Qui dominium utile habet, *dominus utilis* appellatur. Quamobrem cum in dominio utili jus utendi fruendi sit prorsus liberum, proprietas vero aliquo modo restricta ad alium (§. 1.); *dominus utilis de usu & fructu rei pro arbitrio suo disponere potest, de ipsa autem substantia non prorsus pro arbitrio suo disponere valet* (§. 118. part. 2. *Jur. nat.*), consequenter *re uti ac frui potest, non modo sicuti est, verum etiam prouti valet, quamdiu non nocetur juri alterius, ad quem proprietas restricta est, omnemque ex re utilitatem solus capit.*

Nimirum ex modo, quo restringitur proprietas, judicium sumitur de eo, quod facere non licet domino utili (§. 910. part. 1. *Jur. nat.*). Naturaliter nulla adest necessitas, ut proprietas certo modo restringatur; sed pendet restrictio a voluntate eorum, qui quicquam juris sui in alium transferunt. Originarie enim dominium plenum est, nec ullo modo restringitur; at quando dominia rerum in alios transferri ceperunt, cum modus transferendi vi ipsius dominii pendeat a voluntate transferentis (§. 111. part. 3. *Jur. nat.*), transferentium quoque voluntas dedit legem restrictionis proprietatis. Quamobrem in genere definiri nequit, quomodo in dominio utili restringenda sit proprietas. Non tamen propterea jura & obligationes, quæ ex dominio utili descendunt, arbitraria sunt: posita enim lege restrictionis, necessario resultant ac ideo inde demonstrari possunt, & quæ hinc demonstrari possunt, ea sunt juris naturalis, quamvis ab hominibus, non invito Jure naturæ, pro arbitrio immutari queant, si ita visum fuerit. Quæ enim in origine sua pendent ab hominum voluntate, cui ipsa lex naturæ eadem subjecit; ea quoque eidem non subducit lex naturæ in progressu, quoad ea scilicet, quæ ex prima voluntate conse-

consequuntur, modo nemini invito auferatur jus semel acquirum (§. 336. part. 2. Jur. nat.), nec quicquam committatur, quod contra idem est (§. 910. part. 1. Jur. nat.).

§. 3.

Dominium directum est pars proprietatis, quæ per ejus restrictionem domino utili adempta ad alium pertinet. *Dominium directum* e patrio dicitur das Grund-Eigenthum, item Mehreres Eigenthum. *quid sit.*

Nimirum proprietates restringi potest vel quoad exercitium, ita ut de substantia rei vel prorsus non disponi possit, vel certo modo disponi nequeat, tumque ipsum dominium in se minime mutatur; vel quoad ipsum jus, ita ut facultas quædam disponendi de substantia rei prorsus adempta sit, & alii subjecto inhæreat, tumque dominium in se mutatur. Atque ideo dominium minus plenum, quod latius patet dominio utili, dividitur in utile ac directum non sine ratione: sit ita, quod interpretes nonnulli Juris Romani distinctionem hanc tanquam ineptam rejiciant & flammis cremandam chimæram appellent, quamvis negare nequeant, eam in foro ac communi loquendi usu receptam esse. Hoc nobis sufficit, ut terminos istos in Jure naturæ retineamus. Sane aliud est restringere exercitium juris; aliud ipsum jus. Si exercitium juris restringitur, jus quidem habes, sed non prorsus pro arbitrio tuo idem exercere vales: *est si ipsum jus restringitur, pars quædam ejus auferatur, ut non tibi, sed alteri competat.*

§. 4.

Qui dominium directum habet, *Dominus directus* vocatur. *Dominus directus* Quamobrem cum dominium directum sit pars proprietatis (§. 3.), proprietates vero sit jus disponendi de ipsa substantia rei (§. 131. part. 2. Jur. nat.); *dominus directus pro ea jus* parte proprietatis, quæ ipsius est, de ipsa substantia rei disponere potest, & quando ipso invito ac invito dominus utilis disponere audeat, actus ipso jure nullus est.

E. gr. Ad proprietatem spectat jus alienandi (§. 664. part. 2. Jur. nat.). Quodsi ergo hoc domino directo competit, dominus utilis rem alienare nequit sine ipsius consensu. Quando enim consensum requisitum impetrat; dominus directus exercet jus suum per dominum utilem. Si vero hic alienare audet proprio motu, alienatio ipso jure nulla est, adeoque per se subsistere nequit.

§. 5.

Quanam Proprietas non continet nisi jus rem alienandi & eam, quæ jura proprie-
usum non consumitur, præsertim si immobilis fuerit, immutandi; si
tas continet vero usum consumitur, jus utendi a proprietate inseparabile. Ete-
at. nim rem in Jure facit usus, quem ea habere potest (§. 495. part. 1. Jur. nat.), adeoque tam simplex, quam cum fructu conjunctus. Quamobrem si de re ipsa, vel substantia ejus disponere velis, necesse est, ut vel omne jus tuum, quod in ea habes, adeoque dominium rei, qualis est, in alium transferas, ut tua esse desinat, ac sit alterius (§. 124. part. 2. Jur. nat.), vel ut eam retineas, ac alii usui aptam efficias, quam quem nunc habere potest, id quod in rebus immobilibus facilius succedere videmus. Quamobrem cum translatio domini, quod in re habes, alienatio sit (§. 662. part. 2. Jur. nat.), & quando res alii usui, quam quem nunc habet, apta efficitur, immutatio ejusdem (§. 657. part. 2. Jur. nat.); qui de substantia rei, quæ usui non consumitur, disponere vult, aut eam alienare, aut immutare debet. Quoniam itaque proprietas est jus disponendi de ipsa substantia rei (§. 131. part. 2. Jur. nat.); de substantia vero aliter disponi nequit, quam ut vel alienetur, vel, si usui non consumitur, alii usui destinetur, quam quem habere potest, seu immutetur per demonstrata; proprietas non continet nisi jus rem alienandi & eam, quæ usui non consumitur, præsertim si immobilis fuerit, immutandi. *Quod erat unum.*

De Dominio utili & ejus Speciebus quibusdam. 7

Enimvero si res usu consumitur, per se patet, quod qui de usu rei disponit, de ipsa etiam substantia disponat. Quoniam itaque proprietatis est de ipsa substantia rei disponere (§. 131. part. 2. Jur. nat.); jus utendi a proprietate inseparabile est. *Quod erat alterum.*

Nimirum quæcunque ex proprietate fluunt, ea vel ex jure alienandi, vel ex jure rem immutandi derivantur. Quoniam vero diversi sunt alienandi modi, quemadmodum ex iis intelligitur, quæ de modo transferendi dominium cum in genere, tum in specie in partibus præcedentibus demonstrata sunt, diversis quoque modis res, quæ usu non consumuntur, immutari possunt; jus alienandi ac rem immutandi in varias abit species pro diversitate casuum. Ceterum notandum, res, quæ usu successive consumuntur, æquiparari rebus, quæ usu non consumuntur, quatenus ex materia, qua constant, alia fieri potest species, alii usui apta, veluti si ex pallio fiat vestis.

§. 6.

Quoniam proprietates non continent nisi jus alienandi & Quot modis jus rem immutandi (§. 5.); si proprietates restringitur, aut ea restringitur quoad jus alienandi, aut quoad jus rem immutandi, aut possit proprietates quoad utrumque.

Obtinet hoc, si proprietates restringatur quoad exercitium, si restrictio inest ipsi proprietati. E. gr. Ponamus, me piscinam tibi donare ea lege, ne in agrum convertas. Cum jus alienandi tibi non sit ademptum, nec jus piscinam in agrum immutandi mihi reservaverim; proprietates piscinæ utique tibi competit, sed quoad exercitium jus piscinam immutandi restrictum est. Similiter si tibi dono agrum ea lege, ne vendere possis, liberum tamen tibi relinquo, ut alii donare valeas; proprietates restringitur quoad exercitium juris alienandi, quoniam jus vendendi agrum, vel titulo oneroso alio dominium ejus transferendi, nec mihi reservatum, nec alii concessum. Quod si donem ea lege, ut, si vendere velis, eam vendere debeas Sempronio, aut hæredibus ejus; proprietates denuo restricta est quoad exercitium juris alienandi.

A 3

§. 7.

§. 7.

*Quomodo
restringatur
proprietas
ad alium
quoad jus a-
lienandi.*

Si proprietati inest restrictio quoad jus alienandi, aut dominus utilis per se rem prorsus alienare nequit, aut nonnisi certa lege alienare potest. Etenim si proprietati inest restrictio quoad jus alienandi, necesse est ut jus alienandi totum ademptum sit domino utili, aut ut nonnisi certa lege concessum, adeoque ad dominum directum vel totum pertineat, vel quatenus lege definitum (§. 3.). In priori itaque casu dominus utilis per se rem prorsus alienare nequit, in posteriori autem nonnisi certa lege alienare potest.

Nimirum si jus alienandi restringitur ad alium, ut restrictio inest ipsi proprietati; necesse est ut jus alienandi inhæreat vel duobus subjectis, vel saltem uni, cui dominium utile non competit. Accidit prius, in eo casu, quo nonnisi certa lege alienatio permissa dominio utili, veluti si alienatio fieri nequit nisi certo hæredum numero existente, aut cum onere præstandi certi canonis annui, aut akerius præstationis: posterius vero in hoc casu, si alienatio simpliciter prohibita, adeoque fieri nequit, nisi impetrato consensu domini directi, ut ipse rem per dominum utilem alienare censeatur.

§. 8.

*De inutilitate restrictio-
nis juris im-
mutandi si-
ne jure alic-
nandi ad ali-
um.*

Jus immutandi sine jure alienandi inutiliter restringitur ad alium. Ponamus enim mihi competere jus alienandi prorsus irrestrictum, tibi vero jus immutandi ac præterea nihil. Quoniam mihi jus alienandi prorsus irrestrictum est, ego pro arbitrio meo te inconsulto ac invito rem alienare possum, & quia vi domini utilis omnem utilitatem ex ea solus capio, quæ parum refert, quamnam utilitatem ex eadem capiam, consequenter num huic, an alii usui res sit apta. Quamobrem cum res immutetur, si alii usui apta efficiatur (§. 657. part. 2. Jur. nat.); jus immutandi sine jure alienandi ad alium inutiliter restringitur.

E. gr.

E. gr. Si tibi competat dominium utile in piscina, salvo omni jure alienandi, mihi vero jus immutandi fundum; tu piscinam in agrum convertere nequis sine meo consensu, ast ego hoc facere possum te invito, seu te cogere, ut convertas. Mea autem parum interest, five piscina, five agro utaris fruaris, cum nullam ex piscina, nullam ex agro percipiam utilitatem, nec mihi spes aliqua superfit fore, ut dominium utile ad me redeat, quippe alienandi facultate prorsus libera. Proprietas adeo quoad jus immutandi fundum prorsus inutiliter ad me restringitur. Aliud est, si certo casu alienare non possis, ut dominium utile ad me redire queat, & ego malim piscinam habere, quam agrum, aut in genere rem huic potius usui, quam alii aptam. An vero fundi immutationem certo casu prohibere possit Rector civitatis, alia quaestio est, quæ huc non pertinet: pender enim hoc a dominio eminente, quod eidem competit, de quo suo loco agemus.

§. 9.

Jus immutandi una cum jure alienandi utiliter ad alium restringi potest. Etenim si jus alienandi ea lege ad te restringitur, ut certo casu dominium utile ad te pervenire possit, tua interesse potest, ut res huic potius usui apta sit, quam alii: id quod per se patet. Quamobrem cum res immutetur, si alii usui apta efficiatur, quam nunc est; cum jure alienandi jus immutandi utiliter ad te restringi potest. *Quando restringitur jure immutandi utiliter fiat.*

Exemplum, quod modo dedimus (not. §. 8.), propositionem præsentem quoque illustrat.

§. 10.

Qui dominium plenum habet, vel dominium directum in aliam transferre potest sub ea, qua visum fuerit, lege, reservato sibi vel alii dominio utili, vel dominium utile, reservato sibi vel alii directo sub lege quacunque. Quomodo dominium directum ac utile constituitur. Etenim qui dominium plenum habet, ei competit proprietas ac jus utendi fruendi nullatenus. *La ex parte deminutum (§. 137. part. 2. Jur. nat.), & omnes proprie-*

proprietate, jure utendi ac jure fruendi excludit (§. 138. part. 2. Jur. nat.), consequenter idem tam de proprietate, quam de jure utendi fruendi prorsus pro arbitrio suo dispo- nere potest (§. 118. part. 2. Jur. nat.). Quamobrem ab ipsi- us unice arbitrio pendet, num jus utendi fruendi plenum cum proprietate certo modo restricta in alium transferre, partem vero proprietatis reliquam sibi reservare, an vero hanc transferre in alium, istud sibi reservare velit. Qui adeo do- minium plenum habet, directum in alium transferre potest ea, qua visum fuerit, lege, utili sibi reservato, vel utile trans- ferre in alium, directo sibi reservato (§. 1. 3.).

§. 11.

*Quomodo
dominium
utile ac di-
rectum ac-
quiratur.*

*Dominium utile, vel directum ab eo, qui plenum habet, ac-
quiratur pactione.* Etenim qui dominium plenum habet, pro arbitrio suo vel directum, vel utile in alium transferre potest (§. 10.). Quoniam vero nemo jus quoddam ab alio requi- rere valet sine acceptione sua (§. 7. part. 3. Jur. nat.), nec ea plus juris ab altero acquiritur, quam is transferre vult (§. 382. part. 3. Jur. nat.); necesse est ut de modo transferendi dominium utile vel directum inter se conveniant, ac ad legem, qua restrin- gitur proprietas (§. 1.), servandam sese invicem sibi obligent. Quoniam itaque istiusmodi conventio pactio est (§. 293. 294. part. 3. Jur. nat.); dominium utile vel directum ab eo, qui plenum habet, acquiritur pactione.

Nimirum loquimur hic de originaria domini utilitatis vel dire- cti acquisitione. Quemadmodum enim dominium utile ac di- rectum concipi nequit, antequam supponatur dominium ple- num, ut adeo utrumque ab hoc ortum suum ducat; ita ori- ginarie quoque dominium plenum vel directum acquiri nequit nisi ab eo, qui plenum habet, dum scilicet is jus suum dividit in partes potentiales, quas habet, & unam in alium transfert, alteram sibi vel alii reservat. Unde ipsa originaria acquisitio domini

dominii utilis, vel directi supponit pactioem, sine qua concipi minime potest. Modus autem, quo dividendum dominium plenum in partes potentiales, & legem, qua transferri debet pars una in alium, altera vero reservari transferenti aut alii, ista pactio definit. Natura hic nihil definit, sed libertati paciscentium relinquit, quomodo inter se convenire velint, nisi quod intra terminos possibilitatis divisionem proprietatis contineat nec extra terminos utilitatis eam vagari permittat.

§. 12.

Emphyteusis est dominium utile in re immobili sub conditione certæ pensionis annuæ in recognitionem dominii directi præstandæ concessum, cum proprietate certa lege restricta. Idiomate patrio dicitur *Erbzins-Recht*, item *Erbleibe*. *Emphyteusis quid sit.*

In concessione dominii utilis duo inprimis spectanda sunt, nimirum lex, seu conditio, sub qua id conceditur, & lex, sub qua proprietas restringitur inter dominum directum ac utilem divisa. Lex, sub qua dominium utile conceditur, diversas ejus species constituit, atque adeo emphyteusi proprium est, ut id concedatur sub conditione certæ pensionis annuæ in recognitionem dominii directi solvendæ: qua ipsa lege, tanquam differentia specifica, distinguitur ab aliis speciebus dominii utilis. Unde in Jure naturæ sumitur concessio dominii utilis sub conditione pensionis in recognitionem dominii directi solvendæ, quia possibilis est, cum domino competat facultas de re sua omni possibili modo disponendi (§. 118. part. 2. *Jur. nat.*). Quoniam vero dominium utile non concipitur sine restrictione proprietatis, quæ ipsi proprietati inest, inter dominum utilem ac directum certo quodam modo dividendæ (§. 1. 3.), hæc vero omni possibili modo fieri potest a domino (§. 118. part. 2. *Jur. nat.*); consensu domini directi ac utilis naturaliter definienda est lex, qua proprietas restringenda (§. 11. b. & §. 11. part. 3. *Jur. nat.*). Atque adeo in Jure naturali sumi nequit, nisi quod placuerit paciscentibus, quamvis in Jure civili proprietas saltem restringatur quoad jus alienandi & certa huic restrictioni

(*Wolffii Jur. Nat. Part. VI.*) B restrictio-

strictioni lex detur. Sufficit itaque naturaliter proprietatem ita restringi, ut inter dominum directum & utilem sit quodammodo divisa, lex autem, qua restringitur, pro arbitrio paciscendum constitui potest, nec diversitas ejus diversam parit Juris speciem, cum præter necessitatem alias res multiplicarentur.

§. 13.

Emphyteuti- Res, in qua emphyteusis constituta, dicitur *emphyteu-*
ca res, em- *tica*, vel *emphyteuticaria*, seu *bonum emphyteuticarium*, vernacu-
phiteuta & lo sermone *Erbzins-Gut*. Is, qui emphyteusin in re habet,
dominus em- *Emphyteuta* vocatur, idiomate patrio *der Erbzins-Mann*:
phiteuseas. is vero, a quo emphyteusin habet, *Dominus emphyteuseus* ap-
pellatur, nostro sermone *der Erbleihe-Herr*, vel *Erbzins-*
Herr.

Nimirum qui in genere dicitur dominus utilis (§. 2.); in emphyteusi speciali nomine emphyteuta appellatur, & qui in genere Dominus directus audit (§. 4.), in emphyteusi Dominus emphyteuseus vocatur.

§. 14.

Canon: quid
sit.

Pensio, quæ in recognitionem domini directi solvitur, *Canon* appellatur, & cum addito *Canon emphyteuticus*.

Differt adeo canon a mercede, seu pensione, quæ solvitur in locatione conductione pro usu rei, cum is nullo modo respiciat rei usum, ut adeo nec hujus in eodem determinando habenda sit ratio.

§. 15.

Contractus
emphyteuti-
cus quinam
sit.

Contractus emphyteuticus vocatur, quo emphyteusis constituitur & acquiritur, consequenter quo dominium utile sub conditione canonis certi in recognitionem domini directi præstandi in alterum transfertur, cum proprietate certa lege restricta (§. 12.).

Nimirum dominium utile acquiritur ab eo, qui plenum habet, pactione (§. 11.). Atque adeo quando emphyteusis constituitur.

stituenda & acquirenda, pactioem inire debent dominus emphyteuseos & emphyteuta, quæ speciali nomine contractus emphyteuticus appellatur. Quoniam in Jure Romano contractus hic constitutione Zenoniana demum introductus est atque formam suam accepit; in Jure civili inter contractus innominatos referri solet. Sed cum differentiam inter contractus nominatos ac innominatos ignoret Jus naturæ, quippe quæ Juri Romano propria est (not. §. 879. part. 4. Jur. nat.); nec ad contractum emphyteuticum applicanda sunt, quæ contractibus innominatis in Jure Romano propria sunt, nisi quatenus ipso jure naturali omni contractui insunt. Facile quoque apparet, formam a Zenone præscriptam esse mere civilem, quamvis valeat jure naturali, siquidem in eandem consenserint expresse emphyteuta & dominus emphyteuseos, consequenter emphyteusis Zenoniana tantummodo casus particularis est emphyteuseos naturalis. Nobis adeo demonstrandum est, quid jure naturæ de emphyteusi constitutum.

§. 16.

Canon in emphyteusi mutuo consensu emphyteuta ac domini emphyteuseos definiendus, nec ejus quantitas proportionanda utilitati canon defici, quam ex re emphyteutica percipit emphyteuta. Quomodo canon definiendus in datur in recognitionem domini directi (§. 14.), adeoque emphyteusi, non solvitur in compensationem usus cum fructu conjuncti, qui totus ad emphyteutam pertinet (§. 1. 12. 13.). Quamobrem a sola voluntate domini emphyteuseos pendet, sub quanti canonis solvendi conditione emphyteusin constituere velit, & a voluntate emphyteutæ, num sub ea emphyteusin accipere velit (§. 15.). Canon igitur in emphyteusi mutuo consensu emphyteutæ ac domini emphyteuseos definiendus. *Quod erat unum.*

Et quoniam non solvitur in compensationem usus cum fructu conjuncti, per demonstrata; hujus quoque in ejus quantitate definienda nulla habenda est ratio, consequenter nec

quantitas utilitati proportionanda, quam ex re emphyteutica percipit emphyteuta. *Quod erat alterum.*

Solutio canonis, quæ fit in recognitionem domini directi, tantummodo probare debet, emphyteutam agnoscere, quod is, cui eundem solvit, fit dominus emphyteuseos, adeoque ipsi competat in re emphyteutica dominium directum. Obtinetur hoc ipsa canonis solutione, nec quicquam huc confert canonis quantitas. Ejus adeo determinatio prorsus arbitraria est, atque ea de causa, cum pactioe acquiratur emphyteusis (§. 11. 12.), mutuo consensu pacipientium definiendus. Quoniam Jus Romanum ad essentiam emphyteuseos requirit solutionem canonis in recognitionem domini directi; quæ in præfenti propositione demonstrantur, isto quoque Jure valent.

§. 17.

De inaequalitate canonis a diversis emphyteutis solvendi.

Quoniam canon in emphyteusi mutuo emphyteutæ ac domini emphyteuseos consensu definitur, prouti placuerit, nec ejus quantitas utilitati proportionanda, quam ex re emphyteutica percipit emphyteuta (§. 16.); *canon exiguus solvi potest, etiamsi magna ex re emphyteutica percipiatur utilitas, nec aequitati adversatur, si emphyteuta exiguam utilitatem ex re emphyteutica percipiens multo majorem canonem solvat, quam alius qui multo majorem utilitatem percipit.*

Nihil scilicet interest, utrum in multo, an in modico canon consistat. Sufficeret adeo pro canone vel unicus nummus, etsi reditus mille thalerorum ex prædio emphyteuticario perciperetur. Quodsi enim emphyteuta exiguum istum canonem solvit, facto suo non minus eum, cui solvit, dominum directum agnoscit, quam si centum solveret thaleros. Atque adeo quantitas nihil facit ad finem, cujus gratia canon solvitur, obtinendum (*not. §. 16.*).

§. 18.

An canon

Similiter quia quantitas canonis nullum respectum habet ad utilitatem, quæ ex re emphyteutica percipitur (§. 16.);

(§. 16.); canon augetur minime debet ob meliorationem, seu redditu-
um incrementum. menta.

Initio fundi inculti ac steriles in emphyteusin dabantur, ut colerentur, ac meliorarentur. Poterant igitur dari gratis; sed ad conservandam memoriam domini directi opus erat canone, qui cum sufficeret, quantuluscunque esset, nec ulla ratio suadebat, ut ob meliorationem factam augetetur.

● §. 19.

Denique quia canon ab emphyteuseos domino & em-
phyteuta definiri potest, prouti visum fuerit (§. 16.); idem consistere
consistere potest tam in pecunia, quam in rebus quibuscunque, velu-
ti frumento, vino, oleo, ovibus, vitulis, gallinis, anseribus, ovis,
burro ac ita porro.

Solutio probat domini directi recognitionem, adeoque nihil huc facit qualitas ejus, quod solvitur, modo quod solvitur solvatur in recognitionem domini directi, seu tanquam canon emphyteuticus. Qui rem quamcunque solvit in recognitionem domini directi, eo ipso confiteretur se esse emphyteutam & eum, cui solvitur, dominum emphyteuseos. Atque sic obtinetur finis, cujus gratia canonis solutio ad essentiam emphyteuseos requiritur (not. §. 16.).

§. 20.

Emphyteuta obligatus est ad canonem quotannis solvendum & De solutione
domino emphyteuseos competit jus eum ad solutionem adigendi. Na-
turaliter vero emphyteusin ob solutionem neglectam, vel detrecta-
tam, non amittit, nisi expresse ita fuerit convensum. Etenim
emphyteusis conceditur sub conditione canonis præstandi (§. 12.) & ab emphyteuta acquiritur ex contractu (§. 15.).
Quamobrem cum ex contractu oriuntur obligationes perfe-
ctæ (§. 793. part. 3. Jur. nat.); emphyteuta obligatus est ad
canonem quotannis solvendum. Quod erat primum.

Enimvero quando solutio non fit eo die, quo quid de-
betur,

betur, eodem præterlapso debitor compelli potest ad solvendum debitum (§. 667. part. 5. Jur. nat.), consequenter si emphyteuta canonem quotannis non solvit, dominus emphyteuseos eum ad solutionem compellere potest. Competit igitur eidem jus emphyteutam ad solutionem adigendi (§. 156. part. 1. Phil. præct. univ.). *Quod erat secundum.*

Quoniam itaque ex obligatione solvendi canonem non nascitur naturaliter nisi jus adigendi emphyteutam ad solutionem *per demonstrata*; naturaliter emphyteusin non amittit emphyteuta, si canonem solvere negligit, vel detrectat. *Quod erat tertium.*

Enimvero si expresse ita convenitur, ut, si certo tempore non solvatur canon, emphyteusis amissa esse debeat, contractui emphyteutico adjicitur pœna (§. 606. part. 3. Jur. nat. & §. 15. h.). Quamobrem cum contractus sint adimplendi (§. 789. 794. part. 3. Jur. nat.); emphyteuta emphyteusin amittit, ob solutionem canonis neglectam, vel detrectatam. *Quod erat quartum.*

Quod in Jure Romano emphyteusis amittatur, si canon intra triennium non solvatur, pœnale ac mere civile est. Quamvis enim jure naturali etiam valeat pœna conventionalis; non tamen præcise ad triennium restringitur, sed tempus caducitatis pro arbitrio paciscentium determinari potest: quodsi vero nullum fuerit determinatum, nec de pœna expresse convenum, ea quoque locum habere nequit.

§. 21.

An canon fructibus respondeat Non repugnat, ut canon respondeat fructibus: in dubio tamen hoc in casu locatio præsumitur. Etenim canon mutuo consensu emphyteutæ ac domini emphyteuseos definitur, prouti videtur, & quid sum fuerit (§. 16.), & emphyteuta obligatur ad canonem conventum solvendum (§. 20.), sive in multo, sive in modico consistat (§. 17.). Quodsi ergo consentiatur in canonem, qui fructibus

fructibus ex re emphyteuticaria percipiendis respondet; emphyteuta quoque ad hunc canonem solvendum obligatur. Patet itaque non repugnare, ut canon fructibus respondeat.

Quod erat unum.

Enimvero si canon respondet fructibus, quantitas ejus proportionatur utilitati, quam ex re emphyteuticaria percipit emphyteuta. Quamobrem cum non opus sit, ut hoc fiat (§. 16.), sed etiam in modico consistere possit canon, quamvis magna ex re emphyteutica percipiatur utilitas (§. 17.); ordinarium non est, ut canon fructibus respondeat. Quoniam vero in locatione conductione is animus esse videtur contrahentibus, ut servetur æqualitas, nisi rationes fortes in contrarium profuerint (§. 12 & 9. *part. 4. Jur. nat.*), adeoque ordinarium est, ut quantitas mercedis proportionetur utilitati ex re locata percipiendæ, seu ut ea fructibus respondeat, ordinarium vero præsumitur, non quod rarius fit (§. 248. *part. 2. Jur. nat.*); si canon fructibus respondeat, in casu dubio non emphyteutis, sed locatio præsumitur. *Quod erat alterum.*

Ut canon excedat fructus, seu utilitatem ex re emphyteuticaria percipiendam, emphyteusi repugnat, quippe emphyteuta, tanquam dominus utilis (§. 12.), omnem ex re utilitatem solus percipere debet (§. 2.), canone in recognitionem domini directi (§. 14.), adeoque non in compensationem ususfructus soluto. Quodsi vero canon excederet fructus, seu utilitatem perceptam, emphyteuta non modo nullam ex re emphyteuticaria caperet utilitatem, verum insuper continuo damnum pareretur. Facile adeo apparet, in istiusmodi canonem non consenturam emphyteutam, aut si forsitan contingat eum per errorem consensisse, sum emphyteusim derelicturum: quod ipsum facere posse postea ostendetur. Emphyteusi non satis convenit, ut canon respondeat fructibus, quamvis hoc eidem non repugnet; magis convenit, ut ab his deficiat (*not. §. 17.*), & quo minorem rationem ad eos habet, eo magis emphyteusi respondet,

respondet, præsertim si ea meliorationis causa constituta, quemadmodum initio obtinebat apud Romanos, quando agri inculti aut steriles in emphyteusim dabantur.

§. 22.

An canon remittendus ob utilitatem cessantem.

Emphyteuta canonem annum solvere tenetur, etiamsi eo anno parum aut nihil ex re emphyteuticaria perceperit utilitatem, nisi de remittendo aut minuendo certo casu canone expresse fuerit conventum. Etenim emphyteuta canonem solvit in recognitionem dominii, non vero in compensationem usus rei emphyteuticæ, seu ad communicandum utilitatem rei (§. 14.). Quamobrem cum ratio solvendi canonis subsistat, quamdiu emphyteusis subsistit, nec per hoc tollatur, quod casu quodam contingat, ut parum aut nihil utilitatis ex re in emphyteusim data percipiatur, veluti ob sterilitatem, aut incurSIONem hostium; emphyteuta canonem annum solvere tenetur, etiamsi eo anno parum aut nihil ex re emphyteuticaria perceperit utilitatem (§. 18. *Ontol.*). *Quod erat unum.*

Enimvero cum emphyteuta ultra voluntatem suam domino emphyteuseos non obligetur (§. 382. *part. 3. Jur. nat.*); si in contractu emphyteutico, quo emphyteusis constituta & acquisita (§. 15.), expresse fuerit conventum de canone certo casu remittendo vel minuendo, emphyteuta quoque casu isto existente canonem non solvere tenetur, aut de eodem detrahere potest, quantum fuerat conventum. *Quod erat alterum.*

Conventio istiusmodi superflua foret, si in modico consistat canon, ita ut utilitate per alios annos percepta aut percipienda abunde compensetur modicum istud, quod solvitur absque ulla utilitate. At si in multo idem consistat, ut, quod in recognitionem dominii directi datur, censeri etiam possit ad communicandam utilitatem dari; conventio de canone remittendo vel minuendo, prout casus tulerit, æquitati minime adversatur, quæ damnum commune esse suadet, quando commodum

com-

commune est: quod ut clarius appareat, propositionem sequentem addere lubet.

§. 23.

Si canon in multo consistat; jure interno dominus emphyteu- Quando ca-
ta eandem remittere debet, quando nullam ex re emphyteutica non totus
percepit utilitatem, aut partem remittere, si exiguam tantummodo vel ex parte
do utilitatem capere potuerit. Etenim canon in multo con- remittendus
sistat, ut adeo ad mercedem pro usu rei solvendam prope- jure interno.
modum accedat; quamvis in recognitionem dominii directi
stipuletur ac promittatur (§. 15.), in eo tamen definiendo
contrahentes respexisse intelliguntur ad utilitatem, quæ ex re
emphyteutica percipitur (§. 17.). Quamobrem etsi expres-
se non fuerit conventum, ut canon solvi non debeat, quan-
do nulla ex re emphyteutica percipitur utilitas, aut ut mi-
nuatur, si parum utilitas percipitur; cum tamen unusquisque
non minus ab altero, quam a se damnum avertere debeat
(§. 493. 495. part. 2. Jur. nat.), dominus emphyteuseos ca-
nonem remittere debet, si emphyteuta nullam ex re perci-
pere potuit utilitatem, aut partem remittere, si exiguam uti-
litatem tantummodo capere potuerit & benigna mentis in-
terpretatione hoc, cum contraherent, voluisse intelliguntur.

Cessat ratio, si canon in modico consistit, quemadmodum patet per ea, quæ modo annotavimus (not. §. 22.), & unusquisque per se facile assequitur. In hypothesi autem propositionis presentis emphyteusis quodammodo accedit ad locationem, ut, quæ de mercede vel integra, vel pro rata remittenda demonstrata sunt (§. 1294. part. 4. Jur. nat.), ad emphyteusum quoque applicari debeant. Etenim canon major mixtum quid est ex canone emphyteuticario & mercede, ut detur quidem in recognitionem dominii directi primario, sed simul ad communicandam utilitatem secundario. Quod si enim non nisi recognitio dominii directi intenderetur, sufficere poterat canon valde exiguus, veluti unicus nummus (not. §. 17.).

(*Wolffii Jur. nat. Pars VI.*),

C

§. 24

§. 24.

Quale jus sit jus exigendi canonem.

Jus exigendi canonem, quod domino emphyteuseos competit, est jus in re. Etenim canon solvitur in recognitionem dominii directi (§. 14.), consequenter domino emphyteuseos competit vi dominii directi, adeoque vi proprietatis, quam in re emphyteutica habet (§. 3). Quamobrem cum proprietatis sit jus ad dominium pertinet (§. 136. part. 2. *Jur. nat.*), dominium vero sit jus in re (§. 779. part. 3. *Jur. nat.*); jus exigendi canonem, quod domino emphyteuseos competit, est jus in re.

Non adeo demum nascitur ex contractu emphyteutico, etsi ex eo emphyteuta obligetur ad præstandum canonem, quem jure suo exigere poterat dominus de re sua pro arbitrio disponens (§. 118. part. 2. *Jur. nat.*), & quantitas canonis mutuo consensu determinetur (§. 16.). Aliud est jus exigendi mercedem in locatione, ubi nihil proprietatis transit in conductorem, sed res tota maneat locatori propria. Tum enim fieri non potest, ut ratione mercedis pro usu præstandæ ex ipsa re satisfiat locatori, consequenter is nonnisi conductorem sibi obligatum habere potest. Enimvero in emphyteusi omnis utilitas ad emphyteutam pertinet, adeoque ex ipsa re satisfieri potest domino emphyteuseos, si canon non fuerit solutus. Immo ob hanc rationem civiliter constitui potuit, ut, canone non soluto per certum tempus, emphyteusis amittatur; id quod ex sequentibus uberius elucescet.

§. 25.

Ab canonem non solum ab alio possessore exigere possit dominus emphyteuseos.

Canonem ab emphyteuta non solum dominus emphyteuseos exigere potest a quocunque possessore. Etenim jus exigendi canonem, quod domino emphyteuseos competit, est jus in re (§. 24.), adeoque in rem ipsam eidem competit (§. 778. part. 3. *Jur. nat.*). Quodsi ergo canon ab emphyteuta non fuerit solutus, rem ipsam pro eodem sibi obligatam habet, quæ adeo eundem debere intelligitur (§. 170. part. 1. *Phil. pract.*

pract.

pract. univ.). Quicumque itaque rem possidet, is canonem ex re solvere tenetur, consequenter dominus emphyteuseos eundem exigere potest a quocunque possessore.

Videbimus mox, emphyteusin posse alienari, adeoque rem emphyteuticam jure possideri ab alio, quam ab emphyteuta originario. Quodsi ergo hic canonem non solvit, quemadmodum debebat, novus emphyteuta eundem solvere debet, nec dominus emphyteuseos ad solvendum compellere tenetur emphyteutam priorem tanquam debitorem.

§. 26.

Quomodo restricta esse debeat proprietas, mutuo consensu emphyteuta ac domini emphyteuseos in contractu emphyteutico definiendur endum. Etenim a sola domini, qui emphyteusin constituit, *restrictio* voluntate pendet, quomodo dominium utile in emphyteu- *proprietas* tam conferre velit (§. 11. *part. 3. Jur. nat.*), adeoque pro- *in emphy-* prietatem restringere, utpote per essentiam emphyteuseos *sensu.* non definita restrictione (§. 12.). Quoniam tamen nemo alterum sibi obligare potest ultra voluntatem suam (§. 38. *part. 3. Jur. nat.*); necesse est ut in restrictionem consentiat emphyteuta (§. 658. *part. 1. Phil. pract. univ.*). Quamobrem cum in contractu emphyteutico determinetur lex, qua proprietas restringenda (§. 15.); quomodo ea restricta esse debeat, *mutuo consensu* emphyteutæ ac domini emphyteuseos in contractu emphyteutico definiendum.

Contractu emphyteutico opus est, ut jura & obligationes tam emphyteutæ, quam domini emphyteuseos definiantur, quippe quæ per naturam rerum definita non sunt, sed quorum definitio a constituentis & primi acquirentis voluntate potissimum pendet. Neque enim solum agitur de eo, utrum quis emphyteusin acquirere velit, nec ne; verum etiam de quantitate ac qualitate canonis solvendi, & lege solutionis ejusdem ac proprietatis restringendæ, nec non de modo concessionis emphyteuseos.

§. 27.

Unde meti- Quoniam mutuo consensu emphyteutæ ac domini em-
endum sit phyteuseos in contractu emphyteutico definiendum, quo-
jus emphy- modo restricta esse debeat proprietas (§. 26.), ex contractu
teutæ ac do- autem nascuntur obligationes (§. 793. part. 3. Jur. nat.), adeo-
mini emphy- que etiam jura contrahentium (§. 23. part. 1. Jur. nat.); jus
teuseos quo- emphyteuta & domini emphyteuseos quoad proprietatem ex contra-
ad proprie- ctu emphyteutico metiendum.
tatem.

Loquimur hic de eo, quod naturaliter valet. Jus enim ci-
 vile, quod formam dare potest emphyteusi, etiam legem restri-
 ctionis proprietatis præscribere potest, a qua recedere neque-
 unt contrahentes, nisi hoc fuerit permittum, &, quando hoc
 permittitur, non recessisse intelliguntur, siquidem de eo in con-
 tractu emphyteutico nihil fuerit expresse dictum. Ratio pate-
 bit suo loco, quando de theoria legum civilium naturali a-
 gemus.

§. 28.

Unde con- Similiter quia mutuo consensu emphyteutæ ac domi-
stet, quale ni emphyteuseos in contractu emphyteutico definien-
sit jus em- da est proprietatis restrictio (§. 26.), proprietas vero restrin-
phyteuseos in gi potest cum quoad jus alienandi, tum quoad jus rem im-
re alienanda mutandi (§. 6.); *quale jus competat emphyteuta in re alienanda*
& immutan- & immutanda, ex contractu emphyteutico æstimandum.
da.

Valent hic eadem, quæ ad propositionem præcedentem mo-
 do annotavimus (not. §. 27.).

§. 29.

De modo, quo Emphyteusis concedi potest ad certum tempus, aut in perpetu-
emphyteusis um sive simpliciter, sive determinative, nominatis personis, ad quas
conceditur. transmitti queat. Etenim a sola domini emphyteusini con-
 stituentis voluntate pendet, quomodo dominium utile in
 emphyteutam conferre velit (§. 11. part. 3. Jur. nat.), nec
 plus juris acceptatione sua ex contractu emphyteutico acqui-
 rere

ere valet emphyteuta, quam in eum conferre voluit dominus (§. 382. part. 3. Jur. nat.). Quamobrem cum in se non repugnet, ut emphyteusis constituatur vel ad certum tempus, vel in perpetuum, & si in perpetuum constituatur, ut aut simpliciter constituatur, aut saltem pro certis personis, ad quas ea transmitti possit; emphyteusis utique concedi potest tam ad certum tempus, quam in perpetuum, sive simpliciter, sive determinative, nominatis illis personis, ad quas transmitti debeat.

Clarius hæc evadent ex jure hæreditario, de quo suo loco dicemus: neque enim doceri potest, quænam naturaliter de jure hæreditario tenenda sint, antequam de imperio privato actum fuerit.

§. 30.

Si alienandi potestas emphyteuta ademta, alienatio ab eo facta nulla est: naturaliter tamen jus emphyteuticum non amittitur, alienandi nisi expresse ita fuerit convenitum. Consensu vero domini emphyteutæ teuseos etiam in hoc casu emphyteuta emphyteusim alienare potest. ademta. Etenim cum ex contractu emphyteutico non plus acquiriverit emphyteuta, quam in eum conferre voluit constituens (§. 382. part. 3. Jur. nat.); si alienandi potestatem eidem ademta, nec emphyteusim alienare licet (§. 170. part. R. Phil. pract. univ.). Quodsi ergo hoc non obstante alienare is audet, alienatio nullo fit jure, adeoque nulla est. *Quod erat primum.*

Enimvero etsi alienatio subsistere non possit, ut nullum fit jus ejus, in quem jus suum transferre voluit emphyteuta; ex eo tamen minime sequitur, quod jus suum amittat, sed tantummodo quod ad eum redire debeat, aut, si ipse habere nolit, ad eos, ad quos transmitti potest ex contractu. Naturaliter itaque jus emphyteuticum non amittitur, si alienatio fiat, alienandi potestate per contractum ademta. *Quod erat secundum.*

Quodsi vero expresse ita fuerit conventum, ut emphyteusis amitti debeat, si alienetur; poena contractui adjecta est (§. 606. part. 3. Jur. nat.). Quamobrem cum dandum sit, quod poenæ nomine promissum (§. 611. part. 3. Jur. nat.); si emphyteutæ alienandi potestas sub poena caducitatis adempta & is nihilominus emphyteusiam alienet, ea amittitur. *Quod erat tertium.*

Denique cum quilibet jus suum remittere possit, quando nil facit contra jus tertii (§. 117. part. 3. Jur. nat.); dominus quoque emphyteuseos jus suum prohibendi aut irritam faciendi alienationem emphyteuseos remittere potest, si voluerit. Quamobrem cum hoc faciat, si in alienationem consentit (§. 658. part. 1. Phil. pract. univ. & §. 95. part. 3. Jur. nat.); quin consensu domini emphyteuseos ea alienari possit, etiamsi in contractu emphyteutico jus alienandi emphyteutæ fuerit ademptum, dubitandum non est. *Quod erat quartum.*

Perinde est, siue dominus emphyteuseos in alienationem consentiat nondum factam, an in jam factam: casu enim priore eam permittit, casu autem posteriore ratihabet. Utroque modo jus suum remittit, seu declarat, emphyteutam ad non alienandum sibi non esse debere obligatum (§. 95. part. 3. Jur. nat.).

§. 31.

*Si alienandi potestas permissa emphyteuta vel cum, vel sine consensu domini emphyteuseos; in casu priori alienatio sine consensu alienandi domini facta invalida, in posteriori novum emphyteusiam invitata emphyteusiam suscipere tenetur, nisi quid committatur juri ipsius adversum. Etenim si alienandi potestas non permissa emphyteutæ nisi cum consensu domini emphyteuseos; emphyteutæ non competit jus alienandi sine ejusdem consensu (§. 382. part. 3. Jur. nat.), consequenter cum alienatio nullo jure fiat, quæ sit absque consensu domini directi, absque ejusdem consensu facta nulla est. *Quod erat primum.**

Ast

Ast si alienandi potestas absque consensu domini emphyteutæ permiffa, in hujus arbitrio positum est, in quemnam jus suum transferre velit. Quoniam itaque domino emphyteuseos nullum competit jus contradicendi (§. 29.), novum emphyteutam is invito suscipere tenetur. *Quod erat secundum.*

Quoniam vero nemo quicquam facere potest, quod est contra jus alterius (§. 910. *part. 1. Jur. nat.*); si emphyteusis in eum transferri nequit, in quem eam transferre vult emphyteuta, nisi dominus emphyteuseos admittere debeat, quod juri suo adversatur, novum emphyteutam suscipere non tenetur. *Quod erat tertium.*

Civile adeo est, non naturale, quod domini consensus semper sit requirendus; si tamen is intra duos menses consentire nolit, etiam ipso dissentiente alienare liceat. Videtur equidem consensus domini semper requirendus, si eum cum nonnullis a dominio directo, seu parte proprietatis domino competente (§. 3.) derivare velis: quoniam tamen proprietas hæc restricta est (§. *cit.*), restrictio vero in contractu emphyteutico definienda (§. 26.), & ex hoc æstimandum est jus emphyteutæ ac domini emphyteuseos (§. 27.); naturaliter standum est eo, quod conventum fuerit (§. 789. *part. 3. Jur. nat.*). Et, si vel maxime detur, quod tamen dari minime potest, ex dominio directo fluere, necessitatem consensus ad alienationem requirendi; cum tamen quilibet jus suum remittere possit (§. 117. *part. 3. Jur. nat.*), illud non obstat, quo minus conveniri possit, absque consensu domini licitam esse debere emphyteuseos alienationem.

§. 32.

Emphyteuta se obligare tenetur, quod dominum emphyteuseos De dominio pro domino superiori recognoscere velit. Etenim emphyteuta se superiori obligat domino emphyteuseos ad canonem in recognitionem domini directi solvendum (§. 20. 14.). Quamobrem
etiam

etiam sese obligare tenetur, quod eum pro domino directo seu superiori recognoscere velit.

Nimirum emphyteuta recognoscit dominium directum, quatenus agnoscit, rem emphyteuticam non prorsus sibi propriam esse, adeoque sibi standum esse contractu emphyteutico, nec quicquam faciendum, quod eidem adversatur (§. 28.), consequenter in iis, quæ in eodem contractu sibi reservavit, vel in sui commodum pactus est dominus emphyteuseos, sequendam esse hujus voluntatem.

§. 33.

*De contra-
ctu emphy-
teutico cum
novo emphy-
teuta ren-
vando.*

Contractus emphyteuticus cum novo emphyteuta renovandus.
Etenim novus emphyteuta se obligare tenetur, quod dominum emphyteuseos pro domino superiori recognoscere velit (§. 32.), adeoque huic competit jus ab illo exigendi, ut hoc faciat (§. 23. part. 1. Jur. nat.). Quoniam itaque hoc jus invito auferri minime potest (§. 336. part. 3. Jur. nat.); necesse est, ut etiam novus emphyteuta se obliget domino emphyteuseos, quod eum pro domino superiori recognoscere velit, consequenter nil quicquam facere, quod contractui emphyteutico adversum. Necesse igitur est, ut contractus emphyteuticus cum ipso renovetur (§. 393. 788. part. 3. Jur. nat.).

Non est quod inde inferas, consensum domini semper requirendum esse ad alienationem emphyteuseos: renovatio enim contractus emphyteutici fieri potest, etiamsi absque consensu domini emphyteusis fuerit translata, quippe qui novum emphyteutam suscipere tenetur (§. 31.), consequenter contractum emphyteuticum etiam invitus renovare debet.

§. 34.

*Laudemium
quid sit.*

Honorarium, quod pro renovatione contractus emphyteutici domino directo solvendum, dicitur *Laudemium*, idiomate patrio *Lehnwahr*, vel *Lehngeld*.

Quoniam *laudemium* vocabulum barbarum est; honorarium

um istud Latinius dici quidam existimant laudativum, ad imitationem donativi. Enimvero cum plura sint vocabula barbara in Jure recepta, quæ ex eo extirpare velle ridiculum foret; ideo nulla quoque ratio suadet, cur vocabulum laudemium rejicere velimus (§. 147. *Disc. pralim.*). Immo quamvis laudativum adjective usurpetur, non tamen substantive in eo significato occurrit apud Autores Latinos, quem vi definitionis habere debet, ut adeo non sine ratione dubitetur, num Latinus loqui putandus sit, qui vocabula in sermone Latino recepta in alio significato adhibet, quam quem in eodem habent. Absolutum vero est in verbis esse nimis scrupulosum, ubi soli veritati litatur. Sunt qui relevium, seu relevamentum, aut etiam foriscapium appellare malunt, quod nomina hæc magis convenire videantur honorario nostro. Ast quis hanc legem terminis imponet, ut nomina vi derivationis convenire debeant rebus suis? Acquiescendum igitur est in terminis receptis, qualescunque tandem fuerint.

§. 35.

Quoniam laudemium honorarium est, quod pro renovatione contractus emphyteutici domino directo solvendum (§. 34.), honorarium vero donum pecuniarium, quod remunerandi animo datur (§. 731. *part. 4. Jur. nat.*); laudemium sine consistit in pecunia numerata consistit, consequenter si dominus emphyteutatus, seu velis, ut novus emphyteuta sibi solvat laudemium, ex proprietate, quam retinet, commodum quoddam percipere vult, quoties emphyteusis in alium transfertur, seu alienatur.

Si laudemium a novo emphyteuta solvendum, & canon quotannis solvendus non in modico consistat; dominium directum non profus sterile est, sed lucrosus, etiamsi non eadem sit domini utilis ac directi utilitas.

§. 36.

An laudemium dari debeat & quando ac quantum dari debeat Quomodo ac, nullo consensu domini emphyteusis constituentis ac primi ac-jus ad laudemium acquirere.

D

mius ac- *quirentis in contractu emphyteutico determinandum.* Quoniam
quiratur & enim laudemium commodum est, quod ex proprietate, quam
ejus quanti- retinet dominus emphyteuseos, percipit, quando ea aliena-
tas determi- tur, seu in aliam personam transfertur (§. 35.); an dari de-
netur. beat laudemium & quando ac quantum dari debeat, ad eam
 legem pertinet, qua proprietas in emphyteusi restringitur (§.
 12.). Quamobrem cum mutuo consensu emphyteutæ ac
 domini emphyteuseos in contractu emphyteutico, quo em-
 phyteusis constituitur & acquiritur (§. 15.), definiendum sit,
 quomodo proprietas restricta esse debeat (§. 26.); an laude-
 mium dari debeat & quando ac quantum dari debeat, mu-
 tuo consensu domini emphyteusini constituentis ac primi ac-
 quirentis in contractu emphyteutico determinandum.

De essentia igitur emphyteuseos non est, ut laudemium a
 nova emphyteuta solvatur, cum unice pendeat a voluntate con-
 stituentis ac primi acquirentis. Quamobrem locorum quoque
 consuetudines variant, ut alibi laudemium saltem solvatur in
 translatione in extraneum, alibi vero etiam si in liberos vel ali-
 os hæredes emphyteusis transmittitur, immo alicubi nullum
 solvatur, nisi ex partium conventionione. Similiter quantitas lau-
 demii variat civiliter. Olim erat pars quinquagesima pretii,
 l. ult. C. de jur. emphyt. hodie regulariter pro singulis centen-
 is pretii præstantur quinque, alicubi vero decem. Naturaliter
 cum laudemium omne sit conventionale, *vi prop. præf.* quan-
 titas quoque arbitraria est.

§. 37.

De obligati- *Si laudemium solvendum, emphyteuta non nisi sub hac condi-*
one novem- *tionem emphyteusini alienare potest, ut novus emphyteuta solvat.*
phyteuta, ut Potest tamen cum eo convenire, ut laudemium pro rata inter se ac
laudemium novam emphyteutam dividatur, vel ut ipse solvat: sed non ob-
solvat. stante hac conventionione dominus emphyteuseus habet sibi obligatum
 novam emphyteutam ad laudemium præstandum. Etenim cum
 in contractu emphyteutico conveniatur, quod laudemium

sol-

solvi debeat & quantum debeat solvi (§. 36.); dominus emphyteutam sibi obligat ad non transferendum emphyteusin in alium nisi sub conditione laudemii præstandi. Quamobrem nonnisi sub hac conditione alienare potest (§. 118. *part. 1. Phil. pract. univ.*). *Quod erat primum.*

Enimvero cum domino emphyteuseos perinde sit, sive laudemium ipsi solvatur ab emphyteuta novo, sive a vetere, sive ab utroque simul, modo ipsi solvatur; nil quoque obstat, quo minus inter utrumque ita conveniri possit, ut laudemium vel totum, vel pro parte solvatur a transferente. *Quod erat secundum.*

Quoniam tamen vi contractus emphyteutici alienatio fieri nequit nisi sub hac conditione, ut novus emphyteuta laudemium solvat *per demonstrata*, adeoque ex eodem jus habet dominus emphyteuseos exigendi ab hoc laudemium (§. 27.), quod invito auferri nequit (§. 336. *part. 2. Jur. nat.*); non obstante conventionione de laudemio vel parte ejus a transferente solvenda novum emphyteutam sibi obligatum habet ad solvendum laudemium integrum. *Quod erat tertium.*

Aliud est accipere solutionem ab alio, aliud est non habere sibi obligatum ad solvendum eum, qui debet, sed alium. Conventio de laudemio vel parte ejus a transferente solvenda pertinet tantummodo ad transferentem & novum emphyteutam, qua convenitur ut ille pro hoc solvat, non vero ad dominum emphyteuseos, ut is non novum emphyteutam, sed transferentem sibi habeat obligatum vel in solidum, vel pro parte: quæ obligatio nasci nequit sine ipsius consensu (§. 393. *part. 3. Jur. nat.*), etsi novus emphyteuta liberetur, si vetus solvat (§. 716. *part. 5. Jur. nat.*), nec ulla adsit ratio, cur solutionem accipere recuset emphyteuseos dominus, consequenter irritam faciat conventionem. Ipsi nimirum non interest, quomodo de solutione laudemii inter se conveniant transferens ac novus emphyteuta (§. 622. *part. 3. Jur. nat.*); conventio

tamen ista fieri nequit, nisi salvo jure domini, ne debitor in-
vitus ipsi obtrudatur.

§. 38.

*Jus exigen-
di laudemii
um quale sit.*

Jus exigendi laudemium est jus in re. Quoniam enim de-
minus emphyteuseos laudemium sibi solvi vult, ut commo-
dum aliquod percipiat ex proprietate, quam retinet (§. 35.);
jus id exigendi a novo emphyteuta ipsi competit vi propri-
etatis, quam in re habet (§. 3.). Unde porro patet, ut
supra de canone (§. 24.), jus exigendi laudemium esse jus
in re.

Jus adeo hoc non nascitur ex contractu emphyteutico, sed
in eodem tantummodo reservatur domino emphyteusini con-
stituenti, qui vi proprietatis jus in re sibi reservare potest,
quodcumque visum fuerit (§. 131. *part. 2. Jur. nat.*). Unde
etiam hinc sequitur, novum emphyteutam manere obligatum
ad solvendum laudemium, etiam si transferens onus ejus subbeat,
vel conventionione inter transferentem ac novum emphyteutam
idem dividatur. Equidem vulgo jus exigendi laudemium non
habetur pro reali ab interpretibus Juris civilis: sunt tamen in-
ter eos, qui dissentiunt. Nec contrariatur propositioni præ-
senti, quod quibusdam in locis, teste *Franzko* de laud. c. 23. n.
3. venditor laudemium solvere cogatur, & teste *Knebenio* de
pact. investit. p. 2. c. 4. n. 190. moribus Fuldensibus idem in-
ter emtorem ac venditorem dividatur, jure enim positivo tam
scripto, quam non scripto jus quoddam adimi potest, quod
naturaliter competere debebat.

§. 39.

*Laudemium
quando exi-
gendum.*

*Laudemium statim exigi potest, quando contractus emphyteu-
ticus renovatur.* Datur enim pro renovatione contractus
emphyteutici (§. 34.), consequenter eodem renovato statim
debetur. Quamobrem cum debitor ad solvendum statim
compelli potest, die præterlapso, quo quid debetur (§. 667.

part. 5.

part. 5. Jur. nat.) ; laudemium statim exigi potest, quando contractus emphyteuticus renovatur.

§. 40.

Naturaliter laudemium debetur, domino emphyteuseos mutato, si ita fuerit conventum: non debetur, si expresse ita conventum non fuerit. Etenim in contractu emphyteutico determinandum, quando solvi debeat laudemium (§. 36.) & ex eo jus domini emphyteuseos metiendum (§. 27.). Quod si ergo ita conventum fuerit, ut laudemium debeat, domino emphyteuseos mutato, casu existente debetur: sin vero ita conventum non fuerit, nec debebitur.

Neque vero absurdum est, ut laudemium debeat, domino emphyteuseos mutato. Datur enim pro renovatione contractus emphyteutici, qua opus est, si dominus emphyteuseos mutetur.

§. 41.

Si dominus emphyteuseos mutatur, contractus emphyteuticus renovandus, nisi in eodem expresse contineatur, quod non modo dominum presentem pro domino superiori recognoscere velit, verum etiam futurum aliam quemcumque, seu quemcumque successorem ejus contractus legitimam. Etenim emphyteuta se obligare tenetur, quod dominum emphyteuseos pro domino superiori recognoscere velit (§. 32.). Quamobrem si dominus emphyteuseos mutetur, necesse est ut huic quoque sese ad hoc obliget emphyteuta, consequenter ut cum eodem contractus emphyteuticus renovetur (§. 393. 788. part. 3. Jur. nat.). Quod cras

Enimvero si in contractu emphyteutico vetere emphyteuta sese jam obligaverit, quod non modo dominum presentem pro domino superiori recognoscere velit, verum etiam futurum aliam quemcumque, seu quemcumque ejus successorem legitimam; non opus est, ut domino novo se de-

novo obliget, consequenter nec necesse est, ut contractus emphyteuticus renovetur. *Quod eras alterum.*

Nimirum si emphyteuta promittit, quod etiam successorem legitimum quemcunque alium pro domino superiori recognoscere velit; promissio fit sub conditione, si contingat dominium directum in alium transferri. Conditione igitur hac existente, obligatio statim sese actu exerit (§. 482. *part. 3. Jur. nat.*), neque adeo opus est, ut tum demum contrahatur. Hoc tamen non obstante, cum novo domino contractus non inutiliter renovatur, quoniam obligatio, quæ ab eventu suspensa nunc fit valida & ad personam certam restringitur, contractu renovato confirmatur. Quod si ergo non inutile videatur obligationem, quæ jam adest, juramento confirmari (§. 902. *part. 3. Jur. nat.*); nec inutile existimari potest in casu presenti obligationem confirmari expressa promissione in eam personam collata, cui obligatus esse debet emphyteuta: ita scilicet perinde ac per juramentum arcentur omnes tacite exceptiones ac conditiones (§. 908. *part. 3. Jur. nat.*).

§. 42.

Ad dominium directum sensu emphyteuta. Etenim dominus emphyteuseos, cui *consensus emphyteute* ab emphyteuta, quemadmodum hic dominium utile (§. 13.), *trans-* cum proprietas per se ad eundem spectet (§. 32.). *ferri possit.* Quamobrem nulla ratio est, cur sine consensu emphyteutæ de jure suo disponere minime possit (§. 851. *Ontol.*). Ad dominium adeo directum transferendum consensus emphyteutæ minime requiritur.

Quod si dicas, non repugnare, et si rarius, aut forsitan nunquam contingat, ut quis dominium directum in alium transferat, ac utile sibi reservet, adeoque dominus emphyteuseos jus suum habeat ab emphyteuta; dubium hoc nullum est. Etenim si tale quid fieri poterit, dominium plenum sub conditione emphyteuseos constituendæ in alterum transfertur, cum alias pro domino superiori agnosci

gnosci minime posset, atque adeo tum quoque emphyteuta jus suum habet a domino emphyteuseos, hic vero jus suum possidet independenter ab eodem. Hæc nimirum tantummodo differentia est, quod emphyteuta legem præscribere possit, sub qua emphyteusini sibi constitui velit, cum alias potior in eo sit voluntas constituentis.

§. 43.

Emphyteusis est jus in re. Est enim dominium utile (§. Quale jus 12.), adeoque continet jus utendi fruendi prorsus irrestrictum emphyteuta una cum parte quadam proprietatis (§. 3.). Enimvero sensus jus utendi fruendi & proprietatis domini partes sunt (§. 136. part. 2. Jur. nat.), dominium vero est jus in re (§. 779. part. 3. Jur. nat.). Emphyteusis itaque jus in re est.

Dominium inter emphyteutam & dominum emphyteuseos dividitur in partes potentiales, ita ut quoad commodum emphyteutæ jus sit potius, quoad proprietatem vero domini emphyteuseos, qui ideo etiam dominus superior audit. Habet adeo uterque jus in re; non tamen commune, sed separatum, quia dominium in partes potentiales actu divisum, ita ut aliud jus sit emphyteutæ, aliud domini emphyteuseos.

§. 44.

Si emphyteusis conceditur ad certum tempus, tempore elapso Quando extinguitur. Etenim si emphyteusis conceditur ad certum emphyteusis tempus, veluti ad decem, vel viginti annos, per se patet, temporaria constituentem noluisse, ut ultra hoc tempus jus emphyteutæ extingueretur. Quamobrem cum acceptance sua plus juris in re emphyteutica acquirere non potuerit emphyteuta, quam in eam conferre voluit constituens (§. 382. part. 3. Jur. nat.); nec ultra hoc tempus jus emphyteutæ durare valet. Tempore legitur, ad quod emphyteusis fuit contracta, elapso, eadem extinguitur.

Emphyteuta jus suum habet ex contractu emphyteutico (§. 11. 15.), adeoque ex eo æstimanda ejus duratio. Si igitur

tu emphyteusin non contraxisti nisi ad decennium, decennio elapso tibi amplius competere nequit.

§. 45.

Quando emphyteusis ad certas personas restricta extinguatur.

Si emphyteusis conceditur pro certis personis, his omnibus extinctis & ipsa extinguitur. Etenim si emphyteusis conceditur pro certis personis, evidens est, constituentem non modo voluisse, ut ea, cum qua contraxit, persona emphyteusin habeat, verum etiam in personas alias, quæ nominantur, successive transmittatur. Quamobrem primus acquirens non modo sibi eandem acquirit, dum cum constituente contrahit (§. 11. 15.), verum etiam ceteris, quæ nominantur, personis, in quas ea successive transmittenda, quemadmodum contractum fuit. Quoniam vero ultra personas nominatas nemini jus quoddam acquirere potuit primus acquirens (§. 382. part. 3. Jur. nat.); si emphyteusis conceditur pro certis personis, his omnibus extinctis & ipsa extinguitur.

E. gr. Si emphyteusis acquiritur pro te & omnibus descendibus tuis; emphyteusis successive transmittitur ad descendentes, quamdiu tales existunt. Quodsi ultimus descendendum moriatur, cum nemo amplius sit, pro quo emphyteusin acquisiverit primus acquirens; ea cum ultimo descendente extinguitur. Quodsi emphyteusis contracta tantummodo pro descendentibus masculis, cum ultimo masculino ipsa extinguitur; si promiscue pro omnibus descendentibus, non extinguitur, quamdiu feminae a primo acquirente descendentes supersunt.

§. 46.

Quando emphyteusis simpliciter in perpetuum contracta extinguitur.

Si emphyteusis in perpetuum simpliciter contrahitur; pro omnibus personis contracta intelligitur, ad quas jus aliquod in re ab acquirente transmitti potest, nec extinguitur, quamdiu istiusmodi persona extat. Etenim si emphyteusis in perpetuum simpliciter contrahitur, cum certæ personæ non nominentur, pro quibus contracta esse debeat, neque ad solam personam primi acquirentem

quirentis ea restringatur; necesse omnino est, ut pro omnibus personis contracta intelligatur, ad quas jus in re, quale est emphyteusis (§. 43.) ab acquirente transmitti potest. *Quod erat unum.*

Quoniam itaque emphyteusis vi contractus emphyteutici ab acquirente successive transmittitur in eas personas, in quas jus in re ab ipso transmitti potest (§. 11. 15.); ea extingui nequit, quamdiu persona istiusmodi extat. *Quod erat alterum.*

Jus in re, quod habemus, transmitti ad personas alias, nobis mortuis, suo ostenditur loco, quando de jure hereditario acturi sumus. Quoniam vero de hoc jure nondum agere licuit, principiis, a quibus dependet, nondum demonstratis; hæredum quoque mentionem facere nolimus, in quos transmittitur jus omne defuncti, quod ex dominio descendit, nec mere personale est. Sufficit itaque hic supponi transmissionem juri in re in personas alias, nobis mortuis, tanquam possibilem, etsi suo demum loco constare possit, hoc recte sumi. Facile autem patet, si tanquam nota supponere velis, quæ alio demum loco demonstrari possunt, propositionem præsentem hunc habere sensum, quod emphyteusis in perpetuum simpliciter contracta transeat ad omnes ab intestato hæredes, nec extingatur, quamdiu hæres ab intestato existit, qui cognatione primum acquirentem quocunque gradu attingit.

§. 47.

Si emphyteusis pro certis personis constituitur & alienandi potestas conceditur; naturaliter ita conveniri potest, ut ad alienationem requiratur consensus eorum, ad quos transmitti debebat, remeas pro emphyteuta mortuo, vel ut eorum consensu non sit opus. De alienatione emphyteuticæ pro certis personis constituta. Etenim certis personis consuetudo emphyteuticæ in re alienanda, ex contractu emphyteutico æstimandum (§. 28.). Quamobrem cum ea. & voluntate constituentis pendeat, quomodo jus, quod erat suum, (Wolffii Jur. Nat. Pars VI.) E suum,

fiuum, in emphyteutam conferre velit (§. 111. part. 3. Jur. nat.), consequenter num is sine consensu eorum, ad quos mortuo emphyteuta emphyteusis transmitti debebat, an vero nisi cum horum consensu alienandi potestatem habere debeat, nec emphyteuta acceptatione sua plus juris acquirere possit, quam in eum conferre vult constituens (§. 382. part. 3. Jur. nat.); quin naturaliter ita conveniri possit, ut ad alienationem requiratur consensus eorum, ad quos emphyteusis transmitti debebat, emphyteuta mortuo, vel ut horum consensu ad eandem opus sit, si emphyteusis pro certis personis constituitur cum alienandi potestate, dubitandum non est.

Civile adeo est, quod ad alienationem nunquam requiratur consensus eorum, pro quibus contracta erat.

§. 48.

Quid in casu dubio præsumendum.

Si de consensu eorum in alienationem, ad quos transmittenda erat emphyteusis, in contractu emphyteutico nihil expresse dictum; naturaliter præsumtio est contra consensum, præsertim si alienandi potestas sine consensu domini emphyteuseos concessa. Etenim si ad alienationem requirendus esset consensus eorum, ad quos emphyteusis transmitti poterat, constituens jus alienandi magis restringere voluit, quam si alienatio absque illorum consensu permittitur, quod per se patet. Quod si ergo de consensu eorum ad alienationem requirendo nihil expresse dictum in contractu emphyteutico, nec ita constituens potestatem alienandi restringere voluisse videtur, ut consensu isto ad alienationem sit opus. Quamobrem naturaliter præsumtio est contra consensum. Quod erat unum.

Quod si alienandi potestas sine consensu domini emphyteuseos concessa; constituens quam minimum eandem restringere voluit; consequenter multo magis præsumitur, nec ita restringere voluisse eandem, ut consensu eorum, ad quas

ab

ab eo transmitti poterat, sit opus. *Quod erat alterum.*

Quomodo restricta esse debeat proprietas, mutuo consensu emphyteutæ ac domini in contractu emphyteutico definiendum (§. 26.). Quod adeo voluntarium est, de eo expresse conveniendum, consequenter nec admittendæ sunt restrictiones, de quibus expresse nil dictum. Sane si tibi simpliciter conceditur alienandi potestas, libera tibi concessa intelligitur, ita ut domini emphyteuseos ad alienationem consensu non sit opus: si enim velit constituens, ut sine suo consensu alienatio fieri non possit, id expresse indicandum. Eodem igitur modo si alienandi potestas tibi conceditur, quæ pro certis personis contracta, libera tibi concessa intelligitur, ut harum consensu ad alienationem non demum sit opus. Quodsi ponamus fundos steriles meliorationis causa in emphyteusin datos, aliæ adhuc præstationis rationes dari poterant, de quibus tamen ut dicamus opus non est.

§. 49.

Si emphyteusis ad certum tempus concessa, mortuo emphyteuta transmittitur ad eum, qui in bonis defuncti succedit, & mortuus testa mortuam pro suo arbitrio in alium transferre potest in eventum mortis, ante nisi obstat jus tertii. Etenim si emphyteusis ad certum tempus contracta, antequam id præterlapsum fuerit, jus hoc emphyteutæ auferri invito nequit (§. 336. part. 2. Jur. nat.), tenus concedo adeoque in bonis ipsius est (§. 451. part. 2. Jur. nat.). Quamobrem qui succedit, emphyteuta mortuo, in bonis ipsius, is etiam succedit in emphyteusi, seu emphyteusis ad eum transmittitur. *Quod erat unum.*

Et quoniam emphyteusis ad certum tempus concessa non conceditur pro certis personis, ad quas adeo emphyteuta mortuo transferri debeat; liberum est emphyteutæ, in quem eam in eventum mortis transferre velit, quatenus id salvo jure tertii fieri potest (§. 910. part. 1. Jur. nat.). Mortuus itaque emphyteusin pro arbitrio suo in alium transferre

in eventum mortis potest, nisi obstet jus tertii. *Quod erat alterum.*

Quando de jure hæreditario acturi sumus, ostendemus, quatenus libera sit in eventum mortis disponendi de bonis suis potestas. Accidere quoque potest, ut moriens ex ære alieno laboret, neque adeo in præjudicium creditorum de emphyteusi, etsi temporaria, disponere possit. Ne igitur sciolis cavillandi ansum demus, restrictionem addere libuit in altera propositi-
onis præsentis parte.

§. 50.

*Qua lege
emphyteusis
alienatur
vel trans-
mittatur.*

*Emphyteuta emphyteusim sub ea lege alienat, sub qua primum contracta fuit, vel in alium transmittit, seu talis alienatur aut transmittitur emphyteusis, qualem ex contractu emphyteutico acquisivit primus acquirens. Potest tamen in alienatione adjicere legem, quæ priori, qua contracta, non contrariatur, seu eadem salva adjici potest. Jus enim tam emphyteutæ, quam emphyteuteos domini metiendum est ex contractu emphyteutico (§. 27.), quo emphyteusis constituta & acquisita (§. 15.), seu contracta fuit. Quamobrem cum per se pateat, non aliud jus ab emphyteuta in alium transferri, aut transmitti posse, quam quod habet; emphyteusis talis alienatur aut transmittitur, qualem primus acquirens ex contractu emphyteutico acquisivit, seu sub ea lege alienatur, aut transmittitur, sub qua primum contracta fuit. *Quod erat primum.**

Et quoniam domino emphyteuteos jus suum, quod ex contractu emphyteutico sibi reservatum, auferri nequit (§. 236. part. 3. Jur. nat.); in alienatione emphyteuteos adjici nequit lex, quæ legi, sub qua primum contracta fuit, adversatur. *Quod erat secundum.*

Quia vero emphyteuta de jure suo disponere potest pro suo arbitrio, quamdiu nil facit, quod est contra jus domini emphyteuteos (§. 11. part. 3. & §. 910. part. 1. Jur. nat.); dum emphyteusim

teusin in alium transfert, seu alienat (§.662. part. 2. Jur. nat.), ei legem novam adjudicare potest, quæ priori, sub qua contracta, non contrariatur. *Quod erat tertium.*

E. gr. Si quis emphyteusin vendit, eam vendere potest sub pacto retrovenditionis, quia retrovenditio non est contra jus domini emphyteuseos.

§. 51.

Quoniam emphyteusis alienari nequit nisi sub ea lege, *De tempore, sub qua primum contracta fuit, seu talis, qualis ex contractu ad quod emphyteutico primum acquisita (§.50.); Si emphyteusis ad certum tempus concessa, ultra istud tempus in alium transferri, vel temporaria transmitti nequit, consequenter tempore isto elapso, novus emphyteusis alienatur. senta eadem amittit (§. 44.).*

Nimirum emphyteusis temporaria alienando converti nequit in perpetuam nec ad certum annorum numerum restricta ad plures annos ultra extendi potest.

§. 52.

Ex eadem ratione si emphyteusis in perpetuum simpliciter *Quomodo contracta, vel determinative pro certis personis concessa; in pri- emphyteusis ori casu simpliciter, in posteriori determinative pro istiusmodi perso- perpetua; si nis, quales nominata fuerant in prima acquisitione, alienatur, con- alienatur, sequenter in quales personas transmitti poterat a primo acqui- transmitti rente, in tales etiam eodem ordine transmitti potest ab emphyteu- possit. ta novo.*

E. gr. Si emphyteusis contracta pro liberis cujuscunque gradus alienatur; a novo quoque emphyteuta transmitti potest in liberos suos. Quodsi illa contracta fuerit pro omni hærede ab intestato; ab emphyteuta quoque novo in eum transmittitur, qui ab intestato hæres ipsi existit. Nimirum emphyteusis contracta in perpetuum simpliciter, transmissibilis est ad quemlibet successorem ab intestato. Ea igitur etiam transfertur in alium tanquam transmissibilis ad quemlibet ipsius successorem.

Similiter emphyteusis contracta pro liberis cujuscunque gradus transmissibilis est ad liberos cujuscunque gradus. Quamobrem etiam ut transmissibilis in liberos cujuscunque gradus transfertur in alium. Facile apparet, si rem penitus inspicere libuerit, quando emphyteusis constituitur in perpetuum, vel pro quolibet successore ab intestato, vel pro certis personis, veluti descendentes masculis, aut masculis & foeminis simul, non intelligi praecise successores, vel descendentes primi acquirentis; sed potius eos, qui emphyteuta morienti exituri sunt successores ab intestato, vel ab eo descendentes. In alienatione itaque lex, juxta quam transmitti debet ab emphyteuta moriente emphyteusis in alium, minime mutatur. Atque hoc modo intelligitur, quod in alienatione emphyteusis nihil committatur ab emphyteuta, quod sit contra jus eorum, qui ipsi ab intestato succedunt. Quamdiu enim emphyteusis non alienatur, non nisi spem conditionatam habent succedendi in eadem, si ante mortem ea alienata non fuerit, quae adeo non ante in jus erigitur, quam emphyteuta mortuo & emphyteusi non alienata. Quamprimum vero ea alienatur, spes incerta, quam habebant, evanescit, nec jus suscitare potest.

§. 53.

*Ad laudemium
solvendum ab eo,
qui in emphyteusi suc-
cedit.*

Si emphyteuta mortuo emphyteusis transmittitur in alium, novus emphyteuta laudemium solvere tenetur. Idem fieri debet, si adhuc vivus emphyteusis in eum transfert, in quem post mortem ipsius transmitti debebat. Etenim in utroque casu novus emphyteuta succedit in locum anterioris, quod per se patet. Quamobrem cum contractus emphyteuticus cum novo emphyteuta sit renovandus (§. 33.), pro renovatione autem contractus emphyteutici solvendum sit laudemium (§. 34.); in utroque etiam casu propositionis praesentis laudemium solvendum.

Aliud est, si expresse in contractu emphyteutico laudemium ad eum casum fuerit restrictum, quo in extraneum transfertur emphyteusis: quod fieri utique potest (§. 36.).

§. 54.

Si emphyteusis alienata modo quocunque iterum ad te redeat; An laudemium quando eam denuo acquiris, laudemium solvere teneris. Etenim cum solvens si emphyteusis quomodocunque alienatur, qui alienat emphyteuta, si emphyteuta esse desinit, & qui eam acquirit, emphyteuta fit; quod si vero ad eum, qui alienaverat, iterum redit, is jam rursus emphyteuta fit emphyteuta (§. 13.). Quamobrem cum novus emphyteuta laudemium solvere teneatur, quicumque fuerit (§. 37. *lienansens.* 53.); non modo is laudemium solvere tenetur, qui a te emphyteusum acquirit, sed tu etiam solvere teneris, si alienata quocunque modo ad te iterum redit.

E. gr. Ponamus te emphyteusum vendere Titio cum pacto de retrovendendo. Quod si eandem a Titio rursus emis, laudemium solvere teneris, quemadmodum solverat Titius, cum a te emisset. Similiter ponamus te emphyteusum transferre in filium tuum, in quem te mortuo transmitti debebat. Ponamus porro, filio tuo mortuo emphyteusum ad te redire. Tu solvere teneris laudemium, quemadmodum solverat filius tuus, cum illam a te acciperet. Nimirum si laudemium solvendum, emphyteusum vendere nequis Titio nisi sub hac conditione, ut laudemium solvat (§. 37.), nec pactum de retrovendendo quicquam detrahere potest juri domini emphyteuseos, sed ejus respectu pro non adjecto habetur (§. 50.). Quod si ergo emphyteusum iterum a Titio emis, quoad dominum emphyteuseos perinde est, sive is ad vendendum tibi fuerit obligatus, sive ultro faciat, & utrum tibi, an alii vendat. Quoniam itaque ipse tanquam emphyteuta emphyteusum alienare nequit, nisi sub conditione, ut novus emphyteuta, seu qui emphyteusum ab eo acquirit, laudemium solvat (§. 37.); tu utique laudemium solvere teneris. Similiter quando in filium tuum emphyteusum transfers, in quem te mortuo transmitti poterat, si eam ad finem usque vitæ retinisses (*not.* §. 52.); in eum transferre nequis, nisi sub hac conditione, ut laudemium solvat (§. 37.). Quod si vero eodem mortuo emphyteusum in te transmittitur,

tu ad laudemium solvendum obligatus es (§. 53.). Neque transferri potest sub hac conditione, ut si ad te redire contingat emphyteusin laudemium, non denuo sit solvendum, cum tale pactum alienationi adjici repugnet (§. 50.). Equidem non ignoro, dissentire inter se quoad propositionem præsentem interpretes Juris civilis; sed cum lege positiva nil sit definitum, standum est eo, quod naturali ratione constitutum, adeoque verior est eorum sententia, qui nobiscum sentiant.

§. 55.

*Quid fiat
emphyteusi
finita.*

Si emphyteusis finitur, seu nemo amplius est, cui ea competere possit, dominus emphyteuseos fit rei, qua emphyteutica fuerat, pleno jure dominus. Etenim quando emphyteusis constituitur, ea vel constituitur ad certum tempus, vel in perpetuum, sive simpliciter, adeoque pro omni successore, vel determinative pro certis, quæ nominantur, personis (§. 29.), & tempore elapso, vel nullo successore existente emphyteusis extinguitur (§. 44. & seq.). Quamobrem constitui nequit nisi ea lege, ut, quando emphyteusis finitur, dominium utile, quod in emphyteusis constitutione separatur a directo (§. 33.), non amplius separatum esse debeat. Quoniam itaque dominium utile continet jus utendi fruendi cum parte quadam proprietatis (§. 1.), directum vero partem proprietatis reliquam (§. 3.), plenum autem dominium jus utendi fruendi ac omnem proprietatem continet (§. 136. part. 2. Jur. nat.); quando emphyteusis finitur, qui erat dominus directus, adeoque partem tantummodo proprietatis habebat (§. 4.), dominium plenum ipso jure habet, consequenter pleno jure rei, quæ emphyteutica fuerat, fit dominus.

Proprie dici nequit, jus emphyteutz conjungi cum jure domini emphyteuseos, quoniam illud extinctum est, ac ideo quia extinguitur, dominium, quod erat divisum, plenum iterum est, quodque divisum in duobus subjectis existebat, jam indivisum in uno subjecto subsistit. Acquirunt vero plenum domini-
um

um ab eo, qui directum habet, ex lege constitutionis. Quodsi emphyteusis non extingueretur, sed subsisteret, nullo successe existente, nec ea esset lex constitutionis, ut, qui dominium directum habet, jam pleno jure fit dominus; emphyteusis evaderet res nullius, quemadmodum suo loco constabit, quando de successione ab intestato acturi sumus: quod tamen dici haudquaquam potest.

§. 56.

Quoniam emphyteusi finita dominus emphyteuseos fit rei, Quale jus quæ emphyteutica fuerat, pleno jure dominus (§. 55.) idem ad rem emphyteusis conditionatum ad rem emphyteuticam habet pleno jure possessionem emphyteuticam, aut si majoris spei rem emphyteuticam pleno jure possidendi, habeat dominium emphyteuseos.

Non repugnat, ut dominus emphyteuseos habeat & jus in re, & simul jus ad rem: jus enim in re habet, quatenus ipsi competit proprietas, etsi restricta, in re emphyteutica, jus vero ad rem, quatenus eam pleno jure possidere debet, emphyteusi finita, seu plenum dominium rei, quæ emphyteutica fuerat, ipso jure acquirere, quod dominium directum, quod jam habet, absorbet. Jus autem hoc non nisi conditionatum est, cum suspendatur a casu, quo nemo existit, cui emphyteusis competere possit.

§. 57.

Si emphyteusis finitur, seu nemo amplius est, cui ea competere possit; consolidatio fit. Etenim si emphyteusis finitur, ut nemo amplius sit, cui ea competere possit, dominus emphyteuseos fit rei, quæ emphyteutica fuerat, pleno jure dominus (§. 55.), seu dominium plenum acquirit ex lege constitutionis (not. §. cit.). Quoniam itaque dominium plenum continet proprietatem omnem cum jure utendi fruendi (§. 136. pars. 2. Jur. nat.), eam quoque partem proprietatis, quam dominus emphyteuseos ante habebat, & in qua dominium consolidatio fit.

(Wolffii Jur. nat. Pars VI.), E dire-

directum consistebat (§. 12. 13. 3.), idem continet. Quamobrem cum consolidatio fiat, si jus acquiris, quo id, quod jam ex alia causa habes, continetur (§. 136. part. 5. *Jur. nat.*); quando emphyteusis finitur, ut nemo amplius sit, cui ea competere possit, consolidatio fit.

Equidem vulgo dicitur, consolidatione finiri emphyteusin, quando moritur emphyteuta sine successore, ut adeo consolidatio allegetur tanquam ratio emphyteuseos finitæ, non vero extinctio emphyteuseos tanquam ratio consolidationis. Qui vero ita sentiunt, emphyteuta sine successore mortuo emphyteusin ad dominum emphyteuseos reverti & ita dominium utile cum directo in uno subjecto conjungi putant, ut adeo emphyteusis, quæ duo subjecta requirit, in quibus dominium directum & utile separatim existunt, subsistere amplius nequeat, consequenter necessario finiri debeat. Nobis vero convenientius visum, rem paulo aliter concipi. Nimirum emphyteusis constituitur & acquiritur contractu, quo contrahentes conveniunt in separationem domini directi ac utilis (§. 15.), vel ad certum tempus, vel in perpetuum five simpliciter, pro quolibet scilicet successore, vel determinative, pro certis personis (§. 29.). Quando itaque nemo existit, cui ex contractu emphyteutico emphyteusis debetur, ea utique extinguitur, aut, si mavis, vi ipsius contractus finitur. Quamobrem contractui emphyteutico non tam tacite inest ea lex, quod illo casu emphyteusis ad dominum directum reverti, quam quod hic pleno jure dominus esse debeat. Neque enim dominus emphyteuseos succedit in jus emphyteutæ, ut cum dominio directo conjungatur; sed emphyteusi extincta dominium plenum acquirit, quod directum, ut ante dicitur (*nat.* §. 56.), absorbet. Quod si vero rem ita concipias, quod jura ista, quæ dominium directum ac utile constituerent, simul sumta constituent dominium plenum, adeoque si in uno subjecto coalescant, dominium, quod erat deminutum in uno subjecto, jam redimetretur; dici quidem potest, emphyteuseos constitutioni tacite inesse debere hanc legem, ut emphyteusi extincta, dominium utile revertatur ad dominum

dominium directum, consequenter hoc modo fieri consolidationem (§. 1509. *part. 5. Jur. nat.*), non tamen satis apte dicitur, consolidatione finiri seu extinguí emphyteusín: neque enim emphyteusís revertitur ad dominium directum & quia cum dominio directo conjungitur, extinguitur, sed potius jus, quod in emphyteuseos constitutione ac dominio pleno fuerat separatum, ad jus, quod constituenti aut ab eo alii reservatum fuerat, revertitur, quia emphyteusís extinguitur. Atque hoc modo conjunctione jurium separatorum fit consolidatio, quæ efficit dominium plenum, quod ex lege constitutionis acquirere debet, qui erat dominus directus. Non inanes fingimus subtilitates, cum sine iis non satis intelligantur, quæ dicuntur, nec quæ dicuntur, satis inter se cohæreant, si ad distinctas notiones revocentur. Atque hinc patet, quo sensu admitti possit, consolidationem fieri conjunctione jurium (§. 1509. *part. 5. Jur. nat.*), quo sensu autem ista conjunctio magis spectanda sit tanquam consequens consolidationis (*not. §. 1136. part. 5. Jur. nat.*). Eo utique animo contrahitur emphyteusís, ut, si nemo fit, cui vi contractus emphyteutici competere queat, jura, quæ dominium directum & utile separatim constituebant, iterum dominium plenum efficere debeant, sed vel ideo hac ipsa lege, ut dominium plenum tum fit ejus, qui habuerat directum. Eadem voluntate, qua jura a se invicem separata fuerunt, itidem conjunguntur, cum utrumque pendeat a contractu emphyteutico, adeoque a voluntate emphyteusín contrahentium proficiscatur.

§. 58.

Si emphyteusís alienatur, jus protimiseos naturaliter non competit domino emphyteuseos, nisi expresse ita fuerit conventum. *An dominus emphyteuseos habeat jus protimiseos, si emphyteusís alienatur.*
 Quale enim sit jus emphyteutæ, ex contractu emphyteutico dijudicandum (§. 28.). Quod si ergo expresse non fuerit conventum, ut domino emphyteuseos jus protimiseos competere debeat, si emphyteusís alienatur, nec hoc jus eidem competere potest. Quamobrem patet, naturaliter domino

non competere jus protimiseos, si emphyteusis alienatur, nisi expresse ita fuerit conventum.

Quando ita convenitur, ut dominus emphyteuseos habeat jus protimiseos, potestas alienandi magis restringitur, quam si libere alienare possit, cuicumque voluerit. Quomodo igitur restricta esse debeat potestas alienandi emphyteutæ concessa, ex contractu emphyteutico utique æstimandum, neque magis restringi potest, quam in eodem fuerat restricta. Civile adeo est, quando absque speciali conventionione jus protimiseos tribuitur domino emphyteuseos, quando in extraneum alienatur, sive simpliciter, sive tantummodo quando venditur.

§. 59.

*De remissione
emphyteuseos.*

Emphyteuta in gratiam domini emphyteuseos emphyteusim remittere potest, & quando hoc facit, dominus emphyteuseos sic jure pleno dominus rei emphyteuticæ: remissio tamen hæc fieri nequit, domino emphyteuseos invito. Quilibet enim jus suum remittere potest, quando nil sit contra jus tertii (§. 117. part. 3. Jur. nat.). Quoniam ergo emphyteuta in gratiam domini emphyteuseos, adeoque voluntate ipsius, emphyteusim remittens, nihil facit, quod est contra jus ejusdem, ex iis autem, quæ de emphyteusi demonstrata sunt, abunde patet, nec quicquam fieri, quod sit contra jus tertii cujusdam; quin emphyteuta in gratiam domini emphyteuseos emphyteusim remittere possit, dubitandum non est. *Quod erat primum.*

Enimvero quando emphyteuta emphyteusim remittit, eadem extinguitur (§. 97. part. 3. Jur. nat.). Quamobrem cum dominus emphyteuseos, rei emphyteuticæ pleno jure dominus fiat, quando ea extinguitur (§. 55.); quando emphyteuta in gratiam domini emphyteuseos emphyteusim remittit, hic rei, quæ emphyteutica fuerat, pleno jure fit dominus. *Quod erat secundum.*

Denique:

Denique cum emphyteuta emphyteusin acquisiverit ex contractu (§. 15.), quem servare obligatur (§. 789. 794. part. 3. *Jur. nat.*), consequenter a quo recedere nequit, domino emphyteusebs invito; nec eodem invito emphyteusin remittere potest. *Quod erat tertium.*

Vulgo emphyteuta jus suum cedere dicitur domino emphyteuseos, vel etiam eidem renunciare: ast prius non satis convenit notioni cessionis (§. 81. part. 3. *Jur. nat.*), posterius rite explicandum, nimirum ut intelligatur jus a dominio pleno separatum ad constituendum dominium utile, non vero in specie emphyteuticum (§. 103. part. 3. *Jur. nat.*). Ut igitur rectius omnia inter se consentiant, dicere maluimus, quod emphyteuta jus suum remittat, hoc est, quod declaret, nolle sese, ut dominus emphyteuseos patiatur, se omnem utilitatem ex re emphyteutica percipere, seu eadem uti frui, & de eadem disponere, quemadmodum vi contractus emphyteutici disponere poterat.

§. 60.

Quando emphyteuta in gratiam emphyteuseos domini emphyteusin remittit, consolidatio fit. Quando enim emphyteuta emphyteusin in gratiam domini ejus remittit, hic rei, quæ emphyteutica fuerat, fit pleno jure dominus (§. 59.). Unde *consolidatio* porro eodem modo, quo ante (§. 57.), patet, *consolidationem fieri.*

Relegenda hic sunt, quæ paulo ante (*not. §. 57.*) annotavimus. Notandum vero remissionem fieri posse vel gratis, vel pro certo pretio. Quando enim dicitur emphyteuta jus suum donare domino, id intelligendum est de remissione gratuita; quando vero dicitur vendere, de remissione pro certo pretio facta. Unde jus protimiseos, quod domino emphyteuseos competit, aliter explicari non potest, quam quod emphyteuta remittere velit emphyteusin, si solvat pretium, quod alius emittit offert, aut si det pretium donatario, quod solveret emtor,

siquidem vendi deberet, aut quod vulgo dicitur, pretium æquum. Ceterum etsi nobis accurate sit loquendum, qui terminis singulis determinatum tribuimus significatum, cum methodus nostra non ferat inconstantiam loquendi; in verbis tamen non sumus scrupulosi, ut propterea alios erroris redarguere, vel cum iis serram contentionis reciprocare velimus. Patet vero etiam non in hoc casu emphyteusin finiri, quia consolidatio fit; sed potius ex aduerso consolidationem fieri, quia emphyteusis extinguitur. Interpretes Juris Romani in eo non consentiunt, num emphyteusis cedi, aut, ut nos loqui amamus, remitti debeat domino emphyteuseos jure protimiseos, quando extraneo donatur; ast naturaliter utrumque conveniri posse patet, prouti visum fuerit contrahentibus (§. 28.).

§. 61.

*De dominio
directo ad
utile accedente.*

Si emphyteuta dominium directum acquirit; pleno jure rei, que emphyteutica fuerat, fit dominus & emphyteusis extinguitur. Quodsi enim emphyteuta dominium directum acquirit, eam partem proprietatis acquirit, quæ cum in constitutione emphyteuseos dominium utile accepisset (§. 12.), eidem fuerat adempta (§. 3.). Quoniam itaque dominium utile accedente directo efficitur plenum, quale erat ante emphyteuseos constitutionem; emphyteuta pleno jure rei, quæ emphyteutica fuerat, fit dominus. *Quod erat unum.*

Quoniam itaque dominium non amplius divisum est, nec divisum in duobus subjectis subsistit, ut alius sit dominus directus, alius utilis, quemadmodum emphyteusis requirit (§. 12.); nec ea amplius subsistere potest, adeoque per se extinguitur. *Quod erat alterum.*

Dominium directum cum dominio emphyteuseos confundendum non est: etenim dominium emphyteuseos est dominium directum qualificatum per contractum emphyteuticum (§. 27.), & ipsam naturam emphyteuseos (§. 12.). Nimirum vi naturæ emphyteuseos ad proprietatis partem, in qua consistit

fit dominium directum (§. 3.), accedit jus exigendi canonem, & per contractum emphyteuticum jus exigendi præcise tantum canonem atque laudemium, una cum jure sub certa conditione emphyteutam privandi emphyteusi, si ita visum fuerit, aliisque juribus conventionalibus, quæ pro arbitrio contrahentium variare possunt. Abunde igitur patet dominium emphyteuseos, quod domino ejusdem competit, plurimum differre a dominio directo, ac multo latius patere. Omnia autem ista jura, quæ ad dominium directum accedunt, ut in emphyteuseos constitutione certam acquirat formam, quam per se non habet, respectiva sunt, nec sine emphyteusi, ad quam referuntur, concipi possunt. Jus adeo domini emphyteuseos, quod in dominio directo qualificato consistit, in emphyteutam transferri nequit; sed cum in eum transfertur aut transmittitur dominium directum, quale per se est, hoc est, quatenus consistit in ea proprietatis parte, quæ dominio utili adhuc deest, ne sit plenum, omnia ista jura, quæ ad dominium directum accesserunt, ut dominium emphyteuseos prodiret, expirant, cum non habeant subjectum, in quo subsistere possunt. Extinguuntur autem vel voluntate domini, qui, dum dominium directum in emphyteutam transfert, ea remittere tenetur (§. 97. part. 3. *Jur. nat.*), vel voluntate legis, quæ successionem in dominio directo emphyteutæ defert, quemadmodum suo loco constabit. Alia igitur est ratio domini directi ad utile, quam utilis ad directum accedentis, quando emphyteuta moritur nullo successore relicto, prouti abunde patet ex iis, quæ supra annotavimus (*not. §. 57.*). Dum vero omne jus, quod dominus emphyteuseos qua talis habet, extinguitur; omnis quoque extinguitur obligatio emphyteutæ (§. 97. part. 3. *Jur. nat.*), ex qua illud ortum suum habet (§. 23. part. 1. *Jur. nat.*). Quando vero dominium utile liberatur ab istis obligationibus, jus emphyteuticum esse desinit, ac contractus emphyteuticus finitur (§. 15.). Quod si ea perpendas, quæ passim annotamus; haud difficulter apparet, si singula minutim persequi vellemus, multo majore prolixitate opus fore, non invita methodo nostra, quam usi sumus, ut adeo non habeant, quod de eadem conquerantur, qui

regiam ad scientiam viam desiderant, qualem non dari recte jam olim dixit *Euclides*,

§. 62.

De domino emphyteuseos moritur sine successore, dominium emphyteuticum non accedit ad emphyteutam, nisi expresse ita fuerit conventum sine successore; sed dominium emphyteuseos res nullius evadit. Etenim cessore mortuo. *emphyteutæ jus metiendum est ex contractu emphyteutico (§ 27.).* Quando emphyteusis constituitur, dominium saltem utile sub conditione certi canonis in recognitionem domini directi præstandi cum proprietate certa lege restricta, quæ scilicet contrahentibus placuerit, in emphyteutam confertur (§. 15.). Quod si ergo in contractu emphyteutico non fuerit dictum, quod dominium directum ad utile accedere debeat, si dominus emphyteuseos moriatur sine successore; nec hoc jus sibi arrogare potest emphyteuta. *Quod erat primum.*

Quod erat primum. Ast si expresse ita fuerit conventum, ut dominium directum ad utile accedere debeat, domino emphyteuseos sine successore mortuo; cum jus ex contractu acquisitum emphyteutæ auferri minime possit (§. 336. part. 2. *Jur. nat.*); mortuo domino emphyteuseos sine successore, dominium directum statim accedit ad emphyteutam. *Quod erat secundum.*

Quod erat secundum. Quoniam vero in casu primo dominium directum ad emphyteutam non accedit, *per demonstrata*, adeoque ab utili separatum manet, nemo tamen existit, in quem transmittatur, *per hypoth.* cum subsistente emphyteusi dominium emphyteuseos quoque subsistat, hoc evadit res nullius (§. 6. part. 2. *Jur. nat.*). *Quod erat tertium.*

Quod erat tertium. Quoniam domino emphyteuseos sine successore mortuo dominium emphyteuseos fit res nullius (§. 62.), res nullius vero

§. 63.

Quinam Quoniam domino emphyteuseos sine successore mortuo *zum domini-* dominium emphyteuseos fit res nullius (§. 62.), res nullius vero

vero acquiritur occupando (§. 174. part. 2. Jur. nat.); domino emphyteuseos sine successore mortuo, dominium emphyteuseos occupando acquiritur ab eo, qui occupandi jus habet, consequenter cum jus occupandi naturaliter promiscue competat omnibus (§. 179. part. 2. Jur. nat.), domino emphyteuseos, sine successore mortuo, dominium emphyteuseos occupare potest, qui voluerit, & qui occupat, statim fit dominus emphyteuseos; Quodsi vero emphyteuta idem occupet, cum non possit habere animum nisi acquirendi dominium directum, sine quo cetera jura ad dominium emphyteuseos spectantia subsistere nequeunt (not. §. 61.), dominium directum acquirit, ceteris nimirum juribus, quæ ad dominium emphyteuseos spectant, evanescentibus, atque emphyteusis extinguitur (§. 61.).

Hæc quidem ita sese habent naturaliter: civiliter vero vel disponi potest, ut dominium directum accedat ad utile, ficque emphyteusis extinguatur, vel dominium emphyteuseos accedat filco, aut alii, cui jus lege tributum, prouti suo loco clarius elucescet.

§. 64.

Si emphyteuta emphyteusin alienat, id domino denunciandum est, & quidem ante alienationem perfectam, si absque consensu ejusdem fieri nequit, vel eidem jus protimiseos competit, aut etiam ea jam perfecta, si consensu domini ad alienandum non sit opus, nec domino jus protimiseos competit. Etenim si emphyteusis alienatur, dominus novum nanciscitur emphyteutam, cum quo contractus emphyteuticus renovandus (§. 33.), & qui canonem emphyteuticum eidem solvere posthac tenetur (§. 20.). Necessè igitur est, ut dominus emphyteuseos norit, quemnam emphyteutam sit habiturus, consequenter si emphyteuta emphyteusin alienat, id domino denunciandum. *Quod erat primum.*

(Walfi Jur. Nat. Pars VI.)

G

Quodsi

Quodsi emphyteuta emphyteusin alienare nequit sine consensu domini, per se patet, quod ipso inscio alienari non possit. Atque adeo cum alienatio sine consensu domini foret invalida (§. 31.); necesse omnino est, ut emphyteuta domino denunciaret se alienare velle & consensum ejus ad alienationem requiratur, consequenter denunciatio fieri debet, antequam eadem fuerit perfecta. *Quod erat secundum.*

Quodsi jus protimiseos domino emphyteuseos competit, si is idem pretium emphyteutæ dare velit, quod alius emtor offert, alienatio in extraneum fieri nequit (§. 1108. part. 4. Jur. nat.). Idem intelligitur, si pretium æquum dare velit, quando emphyteuta emphyteusin extraneo donare vult. Patet adeo denuo denunciationem fieri debere, antequam alienatio perficiatur. *Quod erat tertium.*

Enimvero si consensu domini ad alienationem non sit opus, nec jus protimiseos eidem competat; cum denunciatione tantummodo opus sit, ut norit dominus, quem habiturus sit emphyteutam novum, per demonstrata n. i. ea utique fieri potest alienatione jam perfecta. *Quod erat quartum.*

Potest tamen etiam ita conveniri, ut in omni casu denunciatio fieri debeat ante alienationem perfectam honoris causa, ita ut eam irritam facere possit dominus, si illa fuerit amissa (§. 28.).

§. 65.

*De denuncia-
tione fran-
dulenta.*

Non licet in denunciatione pretiam minus nominare, quam decti emtor, ut laudemium minus solvatur; nec majus, quam emtor offert, ut dominus velit uti jure protimiseos. Etenim utrumque sit animo fraudandi dominum emphyteuseos (§. 147. part. 5. Jur. nat.). Quamobrem cum nemo alterum fraudare debeat (§. 148. part. 5. Jur. nat.); nec in denunciatione

nomi-

nominare licet pretium minus, quam dedit emtor, ut laudemium minus solvatur (not. §. 36.), neque etiam majus, quam emtor offert, ut dominus nolit uti jure protimiseos.

§. 66.

Ob denunciationem fraudulentam, qua vel ad diminuendum laudemium pretium minus, vel ad impediendum exercitium juris protimiseos pretium majus nominatur, quam offert emtor, emphyteuta naturaliter non amittitur, nisi expresse ita fuerit conventum: alias in casu priori tantummodo laudemium supplendum, in posteriori dominus alienationem rescindere potest, si verum pretium offerre velit. Etenim si pretium minus fuerit nominatum in denunciazione, ut laudemium minus solutum fuerit, quam solvendum fuerat; emphyteuta damnum dat dolo suo domino (§. 488. part. 2. Jur. nat.). Quamobrem cum damnata dolo datum sit refarciendum (§. 580. part. 2. Jur. nat.); emphyteuta non obligatur nisi ad damnum datum refarciendum, consequenter naturaliter emphyteuta ob denunciazioneem fraudulentam ad diminuendum laudemium factam non amittit. *Quod erat primum.*

Quoniam vero damnum refarcitur, si defectus laudemii suppletur (§. 572. part. 2. Jur. nat.); emphyteuta quoque ex denunciazione fraudulenta ad diminuendum laudemium facta non tenetur, nisi ad laudemium supplendum. *Quod erat secundum.*

Quando in denunciazione fraudulenta pretium majus nominatur, quam offert emtor, ad impediendum exercitium juris protimiseos; denunciazione fit contra jus domini emphyteuteos (§. 239. part. 1. Phil. pract. univ.). Sed ex eo, quod emphyteuta quid facit, quod est contra jus domini, veluti quod impedire conetur, ne jure protimiseos utatur, minime sequitur, quod emphyteuta amittere debeat, cum hoc ratio

sufficiens amissionis non fit (§. 56. *Ontol.*). Naturaliter itaque emphyteusis non amittit emphyteuta ob denunciationem fraudulentam, quæ tendit ad impediendum exercitium juris protimiseos. *Quod erat tertium.*

Quoniam vero dominus errore inducitur, ut nolit jure protimiseos uti; nonnisi sub hac conditione declarasse intelligitur, se eodem uti nolle, si tantum pretium offeratur ab emptore. Quamobrem cum conditionate tantummodo renunciet juri protimiseos (§. 103. *part. 3. Jur. nat.*), idem vero invito auferri minime possit (§. 336. *part. 2. Jur. nat.*); hac denunciatione non obstante idem adhuc salvum manet. Quodsi ergo fraude detecta eodem adhuc uti velit, uti potest, adeoque alienationem rescindere, si verum pretium dare velit (§. 1108. *part. 4. Jur. nat.*). *Quod erat quartum.*

Quodsi denique expresse ita conveniatur, ut emphyteusis amissa esse debeat ob denunciationem fraudulentam, eodem modo patet eam amitti, quo supra (§. 20.) ostendimus in simili casu amitti emphyteusis ob canonem non solum. *Quod erat quintum.*

Non inutiliter ita convenitur, ut emphyteusis ob fraudulentam denunciationem amittatur: quoniam hoc modo impeditur, ne facile fraus committatur. Neque enim pœna conventionali in genere, ac caducitatis hic in specie aliud intenditur, quam ut magis securi simus, ne alter debeat obligationi suæ.

§. 67.

An ius protimiseos alii tenentem jus domini emphyteuseos metiendum est ex contractu emphyteutico (§. 27.). Quodsi ergo in eodem expresse fuerit conventum, quod domino emphyteuseos jus protimiseos competere debeat; cum hoc pacto potestas alienandi restringatur, jus protimiseos domino emphyteuseos qua domino reservatum ad personam ejus ita restrictum intelligitur, ut

ut in alium transferri minime possit. Quamobrem cum cessione in alium transferatur (§. 81. *part. 3. Jur. nat.*); dominus emphyteuseos jus protimiseos alii cedere nequit.

Aliud omnino est in hoc consentire, ut, si dominus emphyteuseos idem offerat pretium, quod alius emtor extraneus, vel si donatario pretium æquum solvere velit, emphyteusis in extraneum transferri non possit; aliud vero, ut, si dominus emphyteuseos alium emtorem nominet, qui idem pretium solvere, aut donatario pro re pretium solvere velit, is sit præferendus. Quodsi dominus jus protimiseos alii cedere possit, cum cessionarius acquirat jus cedentis (§. 84. *part. 3. Jur. nat.*), perinde omnino foret, ac si præferendus esset emtor, quem dominus habet, emtori, qui est emphyteutæ. Quamobrem dici nequit, dum domino emphyteuseos in contractu emphyteutico reservatum fuit jus protimiseos, id actum esse, ut etiam idem jus competere debeat ei, cui dominus idem cedere voluerit. Equidem non nego, naturaliter nil obstare, quo minus ita conveniri possit; sed tacite hoc conventum fuisse, cum jus protimiseos domino emphyteuseos reservatum, pernego.

§. 68.

*Si ad alienationem emphyteuseos consensus domini requirendus; sub clausula: salvo consensu domini alienari potest. Etenim si alienatur sub clausula: salvo consensu domini; alienatio non fit nisi sub conditione ratihabitionis, ut scilicet subsistat, vo consensu si dominus eam ratihabuerit, seu in jam factam consentiat, domini facta vero noluerit consentire, aut jure protimiseos ipsi competente uti, alienatio non valeat. Quoniam itaque alienatione sub hac clausula facta domino jus suum non adimitur, nec ullo modo diminuitur, adeoque nil committitur, quod est contra jus ipsius (§. 239. *part. 1. Phil. pract. univ.*), quod facere non licet (§. 910. *part. 1. Jur. nat.*); nil sane obstat, quo minus emphyteusis alienari possit sub hac clausula: salvo con-*

sensu domini, etiamsi fuerit conventum, seu emphyteusis sub hac lege contracta, ne alienatio fieri possit sine consensu domini.

Si domino competit jus protimiseos; salvo ejus consensu, salvum etiam est jus istud. Etenim si jure protimiseos uti voluerit, alienationem jam factam non ratihabet, dissentu suo declarato, atque adeo alienatio non subsistit & ipse jure protimiseos utitur.

§. 69.

*An alienatio
ista liberet a salvo consensu domini, si ad eam ejus consensus requirendus (§. 68.); ubi alienatio sine consensu domini sub pena caducitatis, fuerit prohibita, emphyteusis non committitur; seu in penam commissi.*

Quoniam emphyteusis alienari potest sub clausula: *salvo consensu domini*, si ad eam ejus consensus requirendus (§. 68.); ubi alienatio sine consensu domini sub pena caducitatis, fuerit prohibita, emphyteusis non committitur; seu in penam commissi non incidit emphyteuta, siquidem alienatio fiat sub clausula: salvo consensu domini.

Pœna commissi supponit violationem juris, quod alter respectu rei, quæ amittitur, habet. Si vero in casu præsentis alienatio fit salvo jure domini, jus ejus non violatur, consequenter pœnæ commissi locus non est, etsi fuerit conventa.

§. 70.

Deve ab emphyteuta non deterioranda.

Emphyteuta rem emphyteuticam deteriorare non debet. Proprietas enim in emphyteusi inter dominum emphyteuseos & emphyteutam divisâ (§. 12. 3.), consequenter jus disponendi de ipsâ substantia rei inter utrumque divisum (§. 131. part. 2. Jur. nat.). Quoniam vero emphyteusis ita concessa, ut dominus emphyteuseos certo casu pleno jure rem emphyteuticam habere debeat (§. 55.); ipsius interest, ne res deterioretur (§. 622. part. 3. Jur. nat.). Quamobrem cum nemo quicquam facere debeat, quod est contra jus ipsius (§. 910. part. 1. Jur. nat.), nec rem alienam deteriorare liceat (§. 647. part. 2. Jur. nat.); nec emphyteuta rem emphyteuticam deteriorare debet.

Res

Res emphyteutica etsi sit quodammodo sua, non tamen prorsus suam dicere potest emphyteuta, cum ea etiam sit domini emphyteuseos, cujus jus quoad proprietatem potius jure emphyteutæ. Quando itaque emphyteusis concessa, in emphyteutam equidem translatum est jus omnem utilitatem ex re emphyteutica percipiendi, nec eam participat dominus emphyteuseos, & hic canonem accipit conventum, sive majorem, sive minorem utilitatem percipiat emphyteuta (§. 18. 22.); non tamen jus utendi fruendi liberum prorsus ac irrestrictum in emphyteutam collatum intelligitur, nisi salva substantia, adeoque sub hac lege, ne res emphyteutica ab emphyteuta deterioretur. Quoniam ab initio fundi steriles ac inculti meliorandi causa in emphyteusim dabantur; tam per se patebat, quod emphyteuta non liceat fundum deteriorare, quam quod meliorare debeat. Quamobrem posthac etiam lege positiva cautum, ut ob deteriorationem insignem emphyteusis committatur.

§. 71.

Naturaliter dominus emphyteuseos pati non debet, ut emphy. De jure data rem emphyteuticam deteriore reddat; ob deteriorationem minime, si res tamen jure suo non cadit emphyteuta, nisi expresse ita fuerit conventum: tenetur tamen domino ad id, quod interest. Etenim ea deteriorare emphyteuta rem emphyteuticam deteriorare non debet (§. tur. 70.). Quamobrem cum ex obligatione emphyteutæ nascatur jus domino emphyteuseos (§. 23. part. 1. Jur. nat.); dominus pati minime debet, ut emphyteuta rem emphyteuticam deteriore reddat. *Quod erat primum.*

Enimvero quoniam ipsi competit jus non patiendi, ut emphyteuta rem emphyteuticam deteriore reddat, *per demonstrata*, adeoque eum adigendi, ne faciat (§. 23 §. part. 1. Phil. pract. univ.); ex eo minime sequitur, quod jure suo cadere debeat emphyteuta, si rem insigniter deteriore reddat. Naturaliter itaque ob insignem rei deteriorationem emphyteuta suo jure non cadit. *Quod erat secundum.*

Quodsi

Quodsi vero expresse ita fuerit conventum, ut ob insignem rei deteriorationem emphyteusis committatur; contractui emphyteutico pœna adjecta est (§. 606. *part. 3. Jur. nat.*). Quamobrem si res insigniter ab emphyteuta deterioretur, emphyteusis committitur, seu emphyteuta eam amittit (§. 611. *part. 3. Jur. nat.*). *Quod erat tertium.*

Denique si emphyteuta rem deterioiorem reddat, obligationi suæ non satisfacit (§. 70.). Quamobrem cum certo casu res emphyteutica ad dominum pleno jure redire debeat (§. 55.), ex re autem deteriorata minor utilitas percipiatur, quam percipi poterat, si deteriorata non fuisset, ipsaque res minoris pretii fiat, quod per se patet; damnum utique incurrit dominus ac lucrum, quod ad ipsum pervenire poterat, cessat, si emphyteuta rem deterioiorem reddat, quia hic obligationi suæ non satisfacit. Tenetur itaque emphyteuta domino emphyteuseos ad id quod interest (§. 629. *part. 3. Jur. nat.*). *Quod erat quartum.*

Quoniam molestum est adigere emphyteutam, ne rem deterioiorem reddat, & sicubi reddiderit, ut interesse prætet; consultum est ut pœna conventionalis adjiciatur, sive ut emphyteusis amittatur, sive ut in alium voluntate domini sit transferenda, prouti circumstantiæ particulares æquitatem pœnæ definiverint.

§. 72.

Si fundus meliorationis causa in emphyteusim datur, emphyteuta tamen eundem meliorem non reddit, sed potius deterioiorem; nis causa in dominus emphyteuseos eidem jus suum auferre potest. Etenim si *emphyteusim fundus meliorationis causa in emphyteusim datur, inter emphyteutam & dominum emphyteuseos convenitur, quod is fundum meliorare, & propterea in eodem emphyteusis ipsi constituta esse debeat, ut adeo unica ratio sit, cur omnem utilitatem solus percipiat, quia fundum meliorem reddit, ac reliqua*

reliqua jura consequatur, quæ ex contractu ad emphyteusin spectant. Enimvero si pacta mutuas præstationes continent, & unus paciscentium præstare nolit, quod debet, nec alter ad id præstandum tenetur, quod ipse debet (§. 827. part. 3. *Jur. nat.*). Quamobrem si emphyteuta fundum meliorem reddere negligat, immo potius eundem prorsus deteriorem reddat; nec dominus emphyteuseos concedere tenetur, ut ipse dominium utile in fundo habeat. Jus igitur suum emphyteutæ auferre potest (§. 12.).

Quoniam apud Romanos primum fundi steriles meliorationis causa in emphyteusin dabantur; ideo ipsa naturæ lege ob deteriorationem fundi jure suo privari poterat emphyteuta: id quod deinde universaliter receptum, etiam ubi fundi non steriles in emphyteusin dari coeperunt.

§. 73.

Si meliorationis causa emphyteusis constituta, & fundus immutatione melioresur; cum immutare licet, nisi expresse fuerit conventum, ne immutetur: ex adverso cum immutare non licet, emphyteusis immutatione deterioretur, nisi quid de immutatione specialius fuerit conventum. Etenim si meliorandi fundi causa emphyteusis constituta, emphyteuta obligatur ad dandum operam, ut fundum pro virili meliorem reddat, quod per se patet. Quod si ergo fundus immutatione meliorari possit; quin hoc naturaliter facere liceat dubitandum non est (§. 159. part. 1. *Phil. præct. univ.*). *Quod erat primum.*

Quoniam tamen jus emphyteutæ metiendum est ex contractu emphyteutico (§. 28.); si expresse fuerit conventum, ne fundus immutetur, nec hoc facere licet. *Quod erat secundum.*

Ex adverso cum emphyteuta rem emphyteuticam deteriorare non debeat (§. 70.); si fundus immutatione deterioretur, emphyteuta eum immutare nequit. *Quod erat tertium.*

Si vero de immutatione fundi specialius quid fuerit conventum; eodem standum esse, patet ut ante (n. 2.). *Quod erat quartum.*

E. gr. Naturaliter non repugnat, ut solius immutandi fundi causa emphyteufis constituatur, veluti si piscina, vel sylva in agrum convertenda, non habita ratione, utrum major utilitas ex agro, quam ex piscina, vel sylva percipiatur. Ex adverso etiam si meliorandi fundi causa emphyteufis constituta, & major utilitas ex agro, quam ex piscina, vel sylva percipi possit; conveniri tamen potest, ne piscina, vel sylva immutetur, quamvis piscinam vel sylvam qua talem, quantum tibi datur, meliorare debes.

§. 74.

Cujusmodi sit fructuum periculum.

Periculum fructuum omne ad solum emphyteutam spectat. Etenim emphyteuta competit dominium utile (§. 12.), adeoque ex re emphyteutica omnem utilitatem percipit solus (§. 2.). Quod si ergo damnum in fructibus contingat, nulla ratio est, cur id participare debeat dominus emphyteuseos, ad quem nihil fructuum pervenit. Periculum adeo fructuum omne ad solum emphyteutam spectat.

Canon nimirum solvitur in recognitionem dominii directi (§. 14.), minime autem pro usu rei (not. §. cit.). Quid tamen juri interno conveniat, si canon in modico non consistat, ut quidem primario detur in recognitionem dominii directi, secundario autem simul ad communicandam utilitatem; supra jam demonstravimus (§. 23.).

§. 75.

De oneribus ad emphyteutam spectantibus.

Emphyteuta omnia onera ferre debet. Etenim omnem utilitatem ex re emphyteutica solus percipit (§. 12. 2.) & tanquam dominus utilis (§. 12.) proprietatem quoque in re habet, etsi certa conventionione restrictam (§. 1. 26.), consequenter fructus ex re percipit tanquam sua. Quamobrem si qua onera

onera præstanda sint sive ratione fructuum, sive ratione rei ipsius; ea ferre debet emphyteuta.

Emphyteuta dominus est rei emphyteuticæ, etsi dominium habeat dependens ab alio, quo facultas ejus disponendi de substantia rei certo modo restringitur, quemadmodum ex hætenus demonstratis abunde patet. Ex re igitur sua omnia sentit tam incommoda, quemadmodum commoda percipit. Pars proprietatis, quæ dominum directum facit dominum superiorum, minuit quidem proprietatem, non tamen utilitatem, ut adeo quoad usum rei ac pretium, quod propter eum eidem statuitur, perinde sit, ac si res prorsus esset emphyteutæ propria, cum ab alienante dominus directus eandem acquirere non possit, nisi soluto pretio, quod alius emtor offert. Nulla igitur foret ratio, cur ullum onus imponendum sit domino directo. Quodsi dicas, id fieri posse respectu canonis, si is non consistat in modico; cum canon mutuo consensu contrahentium constituitur (§. 16.) & quantumlibet exiguus sufficiat (§. 17.), absolum utique foret magnum solvi canonem & respectu hujus dominum directum obligatum esse ad onera participanda. An vero juri interno conveniat & quando, ut canon, vel pars ejus remittatur ob onera extraordinaria, quæ omnem propemodum utilitatem consumunt, dijudicandum est ex iis, quæ supra demonstravimus (§. 23.).

§. 76.

Si res tota interit, emphyteusis extinguitur. Si enim res *De totali rei interit*, dominium, quod in ea habemus, interit (§. 352. *emphyteusis-part. 2. Jur. nat.*), adeoque nec alius utile, alius directum in ea *interita*. ea amplius habere (§. 1. 3.), consequenter nec in recognitionem directi, quod nullum est, canon aliquis solvi potest. Quoniam itaque emphyteusis est dominium utile in re immobili sub conditione certæ pensionis annuæ in recognitionem domini directi præstandæ, qui canon dicitur (§. 14.), concessum (§. 12.); emphyteusis utique extinguitur, si res tota interit.

Interit cum re & directum, & utile dominium, quoniam utrumque sine ea consistere nequit. Quamobrem tam dominus directus, quam emphyteuta jus suum amittit, nec ulla amplius subsistere potest obligatio ex contractu emphyteutico enata,

§. 77.

*De particu-
lari res em-
phyteutica
interitu.*

Si pars rei emphyteutica perit, damnum sentit emphyteuta, nec de canone propterea quicquam remittendum, nisi is fructibus respondeat, quibus diminutis & ipse diminuendus, vel in specie circa casus fortuitos in contractu emphyteutico quid fuerit conventum. Etenim emphyteuta habet dominium utile (§. 12.), cui tantummodo deest pars quædam proprietatis, ne sit plenum (§. 1.), & dominium directum, quod in hac proprietatis parte consistit (§. 3.), domino emphyteuseos tantummodo tribuit spem, plerumque admodum incertam, fore ut res emphyteutica pleno jure ad ipsam revertatur (§. 56. & §. 44. & seq.). Quoad emphyteutam adeo res emphyteutica parum differt a re prorsus propria. Quodsi ergo pars rei perit, adeoque damnum in re contingit; hoc utique ad emphyteutam spectare debet, cum ratio nulla sit, cur cum domino emphyteuseos communicari debeat. Quod erat primum.

Quodsi igitur canon fructibus non respondeat, sed in modico consistat; is unice datur in recognitionem dominii directi (§. 12. 17.). Quamobrem cum parte rei emphyteuticæ pereunte emphyteusis subsistat in ea, quæ superest parte; canon adhuc solvendus erit in recognitionem dominii directi, nec propterea minuendus, quamvis minorem jam percipiat utilitatem emphyteuta (§. 17.). Quod erat secundum.

Enimvero si canon fructibus respondeat, non unice in recognitionem dominii directi, sed & ad communicandam utilitatem ex re emphyteutica percipiendam dari intelligitur (§. 17.). Quamobrem cum parte rei emphyteuticæ in-

tereun-

tereunte minorem utilitatem percipiat emphyteuta, quam ante perceperat; in hoc omnino tacite consensisse videntur contrahentes, ut, si pars rei emphyteuticæ intereat, nec tanta amplius ex eadem utilitas percipi possit, quanta ex integra percipiebatur, canon pro rata minuatur. Parte igitur intereunte, canon, qui fructibus respondet, diminuendus. *Quod erat tertium.*

Quodsi denique in contractu emphyteutico circa casus fortuitos expresse quid fuerit conventum, cum ex eodem metiendum sit omne jus emphyteutæ ac domini emphyteuseos (§. 15.); quod erit conventum, id valebit. *Quod erat quartum.*

Nihil in hisce difficultatis est, modo ea ad animum revoces, quæ paulo ante uberius annotavimus (not. §. 75.). Si ædificia, veluti horrea aut stabula, in prædio emphyteutico deflagrent; damnum hoc utique sentit emphyteuta, nec ulla ratio suadet, cur ad dominum quoque directum aliquo modo id pertinere debeat propter eam proprietatis partem, quæ ipsi nonnisi spem incertam prædium istud aliquando obtinendi pleno jure tribuit. Nimis remota est ista utilitas, quam ut propter eam præsens damnum participare debeat. Si canon fructibus non responderet, nec haberetur ratio magnitudinis rei emphyteuticæ, sive adeo casu quodam diminuatur, sive augeatur, canon propterea nec augetur, nec diminuitur. Quemadmodum vero jura istiusmodi pendent originarie a voluntate constituentium; ita mirum non est, quod hominum quoque voluntate per pacta pro lubitu immutari possint. Et hoc modo dici potest, homines sibi constituere jura pro utilitate sua: ut tamen licite ita constitui possint, a jure immutabili omnino arcessendum. Sed de his apertius dicemus suo loco.

§. 78.

Si emphyteuta rem emphyteuticam sine consensu domini emphyteuseos alienare potest, sine ejus consensu eandem etiam oppignorare ratione rei potest. Quodsi enim res oppignoratur, seu hypotheca in ea

dem constituitur; in creditorem confertur jus rem oppignoratam vendendi sub ea conditione, nisi statuto tempore solvatur (§. 1145. part. 5. Jur. nat.) & creditor, nisi debitum solvatur statuto tempore, rem oppignoratam vendere potest (§. 1144. part. 5. Jur. nat.). Quodsi ergo emphyteuta rem emphyteuticam sine consensu domini emphyteuseos alienare potest, nil sane obstat, quo minus etiam eandem sine illius consensu oppignorare possit: quodsi vero sine consensu domini alienare nequit, nec sine ejusdem consensu jus vendendi conditionatum in alium transferre, consequenter nec rem emphyteuticam sine illius consensu oppignorare potest.

Equidem interpretes Juris civilis vulgo simpliciter affirmant, emphyteutam rem emphyteuticam sine consensu domini emphyteuseos oppignorare posse, etsi jure civili alienatio sine consensu domini facta pœnam caducitatis adjunctam habeat; hæc tamen inter se minime cohærent, adeoque mirum videri minime debet, quod in Jure naturæ, in quo una concordia, una consequentia locum habet, in diversam sententiam abeamus, nec desint inter illos, qui jure civili consensum domini ad oppignorationem requirunt. Ceterum non nego, in Jure civili oppignorationem, sine consensu domini cum alienatione absque consensu domini sub pœna caducitatis prohibita conciliari posse. Nimirum jure civili consensus domini directi potissimum requiritur honoris gratia, & ut deliberare queat, num jure proximo uti velit, consensum autem sine justa causa denegare minime valet, sed invitus novum emphyteutam suscipere tenetur. Oppignoratio itaque jure civili, si rem penitus inspicias, fieri potest sine consensu domini, ut nihil committatur, quod est contra jus ipsius. Etenim si contingat, rem emphyteuticam vendi debere, antequam venditio perficiatur consensus domini honoris gratia requiri & spatium deliberandi lege definitum concedi potest, num ipse pretium solvere velit, quod offert emtor alius. Naturaliter vero consensus, de quo in contractu emphyteutico conventum, ad alienationem necessario requiritur,

quiritur, ut sine eo alienatio non sit valida: si vero nihil de eo fuerit conventum, libertas alienandi prorsus irrestricta competit emphyteutæ, cujus jus quoad alienationem naturaliter unice ex contractu emphyteutico metiendum (§. 27.). Contractum autem naturaliter quoad ea, quæ eidem tacite insunt, aliter interpretari non licet, quam ut principiis Juris naturalis consentiat. Id vero notari adhuc meretur, quamvis admittatur, jure civili oppignorationem sine consensu domini emphyteuseos fieri non debere; non tamen hinc sequi, quod pœna caducitatis, cui subest alienatio absque consensu domini emphyteuseos facta, etiam ad oppignorationem absque ejusdem consensu factam trahenda sit: neque enim aliud inde sequitur, quam quod oppignoratio, tanquam nullo jure facta, sit ipso jure nulla, ita ut nec pœna pecuniaria coërceri possit, nisi expresse ita fuerit lege constitutum, quemadmodum sancitum est in Ordinat. provinc. Württemberg. tit. 16. §. 1. 2.

§. 79.

Si dominus emphyteuseos in oppignorationem consentit; eo ipso non renunciat juri protimiseos, quod ipsi competit. Quando enim dominus emphyteuseos in oppignorationem consentit, eo ipso declarat, se consentire, ut, nisi emphyteuta debito tempore solvat, inde satisfiat creditori, adeoque res emphyteutica vendatur, a deo que res emphyteutica vendatur, si in oppignorationem consentit, quod, siquidem contingat rem oppignoratam vendi, ipse pro eo, quod emtor offeret, pretio eandem habere nolit. Quoniam itaque jus protimiseos in hoc consistit, ut dominus emphyteuseos præferatur alii emtori, si idem pretiumolvere velit, quod is offert (§. 1108. part. 4. Jur. nat.), nec juri suo renunciat, qui non sufficienter significat, se in gratiam alterius jus quæsitum habere nolle (§. 103. part. 3. Jur. nat.); dominus emphyteuseos non renunciat juri protimiseos, quod ipsi competit, si in oppignorationem consentit.

Tantum

Tantum abest, ex consensu in oppignorationem colligi posse animum renunciandi juri protimiseos, ut potius hoc ipsum jus motivum esse possit, cur dominus directus in oppignorationem consentiat, quando nimirum rem emphyteuticam pleno jure habere mallet, ac facile prævidet fore, ut emphyteuta rem emphyteuticam vendere cogatur, siquidem debitum solvere velit. Quamvis adeo consensus in oppignorationem contineat consensum in alienationem conditionatam; hic tamen consensus differt a consensu in alienationem puram præsentem; nimirum in casu præsentis alienatio conditionata non certam supponit personam, quemadmodum præsens pura, consensus autem in alienationem non continet renunciationem juris protimiseos, nisi consentias, ut in hanc personam, vel saltem in genere in personam aliam quamcunque res alienetur.

§. 80.

*Differentia
inter oppi-
gnoratio-
nem juris
rei emphy-
teuticæ.*

Si jus emphyteuticarium oppignoratur; creditori non competit jus nisi in jure emphyteuta: ast si res emphyteutica oppignoratur, eidem competit jus in ipsa re emphyteutica. Etenim si jus emphyteuticarium oppignoratur, jus creditori constituitur in jure, quod in re emphyteutica habet emphyteuta; ast si res emphyteutica oppignoratur, jus eidem constituitur in ipsa re emphyteutica (§. 1142. part. 5. Jur. nat.). Quamobrem cum creditor plus juris acquirere non potuerit, quam in eum contulit oppignorans (§. 382. part. 3. Jur. nat.); si jus emphyteuticarium oppignoratur, creditori non competit jus nisi in jure emphyteuticæ, ast si res emphyteutica oppignoratur, eidem competit jus in ipsa re emphyteutica.

Non inanis est distinctio inter oppignorationem juris emphyteuticarii & rei emphyteuticæ, qua etiam utuntur Dd. Etenim jus emphyteuticarium extingui potest salva ipsa re, præsertim jure civili, quo non una de causa committitur, atque tum non parum refert nosse, utrum jus emphyteuticarium oppignoratum fuerit, an vero res emphyteutica ipsa, prouti ex sequentibus elucescit.

§. 81.

Quoniam creditori non competit jus nisi in jure emphyteuticæ, nihil autem juris in ipsa re emphyteutica, quando jus emphyteuticum oppignoratur (§. 80.); si emphyteusis extinguatur, jus quoque creditoris in jure emphyteuticario sibi oppignorato extinguitur, seu pignus solvitur (§. 1240. part. 5. Jur. nat.). vii.

Nimirum si jus emphyteuticarium oppignoratur, & hoc extinguitur, res oppignorata perit, adeoque pignus solvitur (§. 1255. part. 5. Jur. nat.).

§. 82.

Similiter quia creditori competit jus in ipsa re emphyteutica, quando eadem ipsi oppignoratur (§. 80.); si emphyteusis extinguitur, jus creditoris in re emphyteutica sibi oppignorata saluum manet, adeoque eandem sibi adhuc obligatam habet. *Effectus oppignoratio nis rei emphyteutica.*

Patet adeo, plurimum referre, utrum res emphyteutica oppignorata fuerit, an saltem jus emphyteuticarium, cum in priori casu cum emphyteusi non extinguitur jus pignoris, vel hypothecæ, extinguitur vero in casu posteriori.

§. 83.

Si dominus emphyteuseos tantummodo consensit in oppignoracionem juris emphyteuticarii; emphyteusi finita, vel amissa, debitor non tenetur; ast si consensit in oppignoracionem rei emphyteuticæ, solvere tenetur. Quando enim jus emphyteuticarium oppignoratur, extincta emphyteusi jus quoque creditoris in eodem extinguitur (§. 81.). Quodsi ergo dominus emphyteuseos tantummodo consensit in oppignoracionem juris emphyteuticarii, dum finita, vel amissa emphyteusi res emphyteutica pleno jure ad ipsum revertitur (§. 55.), nulla sane ratio est, cur res emphyteutica pro debito obligata esse debeat, pro quo tantummodo obligatum fuerat jus emphyteuticarium. Dominus adeo emphyteuseos *De effectû consensu in oppignorati onem juris emphyteuti cæ.*

(Wolffii Jur. Nat. Pars VI.) I pro-

propterea quod jam pleno jure rei, quæ emphyteutica fuerat, dominus fit, creditori ad nihil tenetur, consequenter nec solvere debitum, pro quo ipsi obligatum fuerat jus emphyteuticarium. *Quod erat unum.*

Enimvero quando ipsa res emphyteutica oppignoratur, emphyteusi licet extincta, jus tamen suum in eadem retinet creditor (§. 82.). Quamobrem si dominus in oppignorationem rei emphyteuticæ, quæ sine consensu ipsius oppignorari non poterat *per hypoth.* consensit, quando amissa, vel finita emphyteusi rei, quæ emphyteutica fuerat, pleno jure dominus fit (§. 55.), jus creditoris, cui oppignorata fuit, in eadem adhuc subsistit. Dominus itaque creditori debitum, pro quo ea obligata fuit, solvere utique tenetur. *Quod erat alterum.*

Utrumque clarissime percipitur, si consensum in oppignorationem utramque distincte expendere velis. Etenim si dominus emphyteuseos non consentit nisi in oppignorationem juris emphyteuticarii, hoc ipso declarat, se consentire, ut, nisi debitum statuto tempore solvatur, ex jure emphyteuticario creditori satisfiat (§. 1142. *part. 5. Jur. nat.*), consequenter emphyteusis vendatur, ut de ejus pretio creditori satisfieri possit (§. 1145. *part. 1. Jur. nat.*). Quoniam vero emphyteusis extincta vendi nequit; per se patet, creditori ex jure emphyteuticario satisfieri non posse. At non minus liquet, consensum in oppignorationem juris emphyteuticarii non producere posse obligationem debitum solvendi, quando ex jure emphyteuticario creditori satisfieri impossibile est. Quod si enim dominus consentiens hunc animum haberet, in oppignorationem rei emphyteuticæ ipsius, non vero saltem, juris emphyteuticarii consensisset. Si is in oppignorationem rei emphyteuticæ consentit, tum declarat, se consentire, ut, nisi debitum statuto tempore solvatur, ex ipsa re satisfiat creditori (§. 1142. *part. 5. Jur. nat.*): quæ adeo cum voluntate ipsius obligata fit pro debito, etiam si extincta emphyteusi pleno jure redeat ad dominum.

emphyteuseos, non tamen redit nisi pro debito isto obligata, adeoque dominus debitum solvere tenetur. Quoniam civiliter emphyteusis multis modis amitti potest; ideo consultum est, ut dominus emphyteuseos in oppignorationem consentiens expresse declaret se non consentire nisi in oppignorationem juris emphyteuticarii, ne scilicet emphyteuta oppignoret, nisi quod suum est, non vero simul eidem oppignorare liceat, quod est domini directi.

§. 84.

Naturaliter sine consensu domini emphyteuseos jus quidem De consensu emphyteuticarium oppignorari potest; sed res ipsa emphyteutica oppignorari nequit. Etenim si jus emphyteuticarium oppignoratur, finita vel amissa emphyteusi, dominus emphyteuseos non tenetur solvere debitum, pro quo jus istud obligatum fuerat (§. 83.). Quando itaque emphyteuta jus emphyteuticarium, adeoque jus suum, alteri oppignorat; eo ipso nihil facit, quod est contra jus domini emphyteuseos (§. 236. part. 1. Phil. pract. univ.). Quamobrem nil obstat, quo minus sine consensu domini naturaliter jus emphyteuticarium oppignorari possit. *Quod erat alterum.*

Enimvero si res ipsa oppignorari debet, cum nemo oppignorare possit, quod est alterius (§. 1165. part. 5. Jur. nat.), necesse utique est, ut etiam dominus emphyteuseos, qui non minus jus in eadem re habet, quam emphyteuta (§. 12. 13.), in oppignorationem consentiat, alias enim non res per se, sed saltem qua emphyteutica pro debito obligata erit, consequenter re vera non ipsa res, sed saltem jus emphyteuticarium: quod est contra hypothesein. Atque adeo patet, repugnare naturaliter, ut sine consensu domini emphyteuseos ipsa res emphyteutica oppignoretur. *Quod erat alterum.*

Quando itaque emphyteuta conceditur potestas absque consensu domini alienandi emphyteusin; jus ipsi non est nisi jus emphyteuticarium absque ejusdem consensu oppignorandi, seu

rem qua emphyteuticam. Atque ita intelligendam esse propositionem superiorem de oppignoratione rei emphyteuticæ (§. 78.), patet. Ceterum vix est, ut moneamus, hæc ita sese habere, si in contractu emphyteutico non aliter fuerit conventum, utpote ex quo metiendum est jus emphyteutæ (§. 28.). Nil enim obstat, quo minus etiam ita conveniri possit, ut emphyteutæ liceat rem ipsam oppignorare absque consensu domini emphyteuseos, cujus alias intererat, ne fieret (§. 83.).

§. 85.

De oppignoratione rei emphyteuticæ absque consensu domini.

Quoniam absque consensu domini emphyteuseos non nisi jus emphyteuticarium, nequaquam vero res ipsa oppignorari potest (§. 84.); si emphyteuta rem, in qua emphyteuticam habet, absque consensu domini oppignoret, non nisi jus emphyteuticarium oppignorasse intelligitur, consequenter cum emphyteuti jus pignoris extinguitur (§. 81.).

Nimirum oppignoratio rei emphyteuticæ absque consensu domini factæ subsistere nequit tanquam rei simpliciter, subsistere tamen potest tanquam emphyteuticæ, seu quoad jus emphyteuticarium (§. 84.). Quamobrem cum contrahentes noluerint nihil egisse; contractus ipsorum subsistere debet, quantum valere potest. Emphyteuta igitur rem oppignorans, jus, quod in ea habet, oppignorasse censetur.

§. 86.

De servitute ab emphyteuta rei emphyteuticæ imposita.

Emphyteuta sine consensu domini emphyteuseos servitutem in re emphyteutica constituere potest; hæc tamen servitus cum emphyteuti extinguitur. Quando enim servitus constituitur in re emphyteutica, hæc vicino prædio, vel personæ cuidam utilitatem quandam præstat (§. 1267. 1270. part. 5. Jur. nat.). Quamobrem cum omnis rei utilitas ad emphyteutam, tanquam dominum utilem (§. 12.), solum spectet (§. 2.), quin de ea sine consensu domini, contra cujus jus nihil fit (§. 236. part. 1. Phil. pract. univ.), disponere pro lubitu suo, adeoque quam-

quamdiu jus emphyteuticarium durat servitutem in re emphyteutica constituere possit, dubitandum non est. *Quod erat unum.*

Enimvero si emphyteusis extinguitur, vel finitur, dominus emphyteuseos fit rei emphyteuticæ pleno jure dominus (§. 55.) & durante emphyteusi jam jus conditionatum habet pleno jure rem emphyteuticam possidendi (§. 56.). Quoniam igitur servitus omnis dominium diminuit (§. 1274. part. 5. *Jur. nat.*), nemo vero contra jus alterius, quidpiam facere potest (§. 910. part. 1. *Jur. nat.*); emphyteuta quoque servitutem prædio emphyteutico imponere nequit ultra tempus, quo emphyteuticarium jus subsistit, duraturam. Quamobrem quando servitutem imposuit, ea cum emphyteusi extinguendo omnino debet. *Quod erat alterum.*

Non est quod objicias, prædium servitute deteriorari (§. 1275. part. 5. *Jur. nat.*), emphyteuta vero prædium emphyteuticum deteriorare (§. 70.), consequenter servitutem eidem imponere non posse. Etenim dum servitus expirat, quando emphyteusis finitur; dominus directus rem emphyteuticam a servitute liberam accipiens minime deterioratam accipit, nec utilitati ejus ideo quidpiam decedit, quod solum durante emphyteusi servierit. Servitute ab emphyteuta prædio emphyteutico imposita, si rem penitus inspicias, non ipsum prædium, sed jus emphyteuticarium deterioratur.

§. 87.

Emphyteuticatio vocatur constitutio emphyteuseos in re *Emphyteu-* adhuc libera ab emphyteusi: est *subemphyteuticatio* appella- *tatio* & tur constitutio emphyteuseos in re, in qua emphyteusin ha- *subemphy-* bet constituens. Et emphyteusis in emphyteusi constituta *tenticatio* *subemphyteusis* appellatur. *quid sit.*

Quemadmodum nimirum sublocatio dicitur locatio rei sibi locatæ, quæ fit a conductore (§. 1208. part. 4 *Jur. nat.*); ita

etiam subemphyteuticatio vocatur emphyteuticatio rei, in qua quis emphyteusin habet, quæque adeo fit ab emphyteuta.

§. 88.

An subemphyteuticatio naturaliter licita.

Subemphyteuticatio naturaliter licita, seu emphyteuta alteri emphyteusin constituere potest in re, in qua ipse emphyteusin habet. Cum enim dominium utile emphyteutæ proprium fit (§. 12.), atque adeo eodem, quemadmodum ceteros omnes, ita quoque ipsum dominum directum excludat (§. 119. *part. 2. Jur. nat.*); nil sane obstat, quo minus emphyteuta de dominio utili, tanquam re sua, prouti sibi visum fuerit, disponat. Quod si itaque dominium utile alteri cuidam eadem lege concedere velit, ut se dominum directum agnoscat, a quo nempe jus suum habet, & in recognitionem domini directi quotannis certum canonem solvat; quin naturaliter hoc facere possit, dubitandum non est. Quamobrem cum istiusmodi concessio domini utilis emphyteusis sit (§. 12.); naturaliter emphyteuta emphyteusin constituere potest in re, in qua ipse emphyteusin habet, adeoque subemphyteuticatio naturaliter licita (§. 87.).

Quemadmodum conductor ædes, quas conduxit, vel integras, vel partem earundem sublocare; ita quoque emphyteuta rem, in qua ipse emphyteusin habet, vel integram, vel partem ejus subemphyteuticare potest. Affinis quodammodo est emphyteuticatio locationi, atque adeo non mirum, quod hanc etiam imiteretur quoad sublocationem.

§. 89.

Quomodo fieri debeat.

Subemphyteuticatio aliter fieri nequit, nisi salvo jure domini emphyteuscos. Etenim nil facere licet, quod est contra jus alterius (§. 910. *part. 1. Jur. nat.*), adeoque nec emphyteuta in subemphyteuticatione quicquam facere potest, quod est contra jus domini emphyteuscos. Quamobrem subemphyteuticatio

teuticatio aliter fieri nequit, nisi salvo jure domini emphyteuseos.

Permissum est emphyteutæ de jure suo disponere pro arbitrio suo, sed ita, ut nil committat quod est contra jus domini emphyteuseos, quippe quod facere non licet. Quando vero lex prohibitiva & permissiva inter se colliduntur, permissiva cedit prohibitivæ (§. 211. part. 1. *Pbil. pract. univ.*), ut adeo jam fieri non possit, quod alias licitum fuerat (§. 208. part. 1. *Pbil. pract. univ.*),

§. 90.

Quoniam subemphyteuticatio aliter fieri nequit, nisi *Contractus* salvo jure domini emphyteuseos (§. 89.); *contractus, quo subemphyteuticatio fit, nihil continere debet, quod contrarietur contractui emphyteutico, quo emphyteusis primum constituta ac postea qualis esse renovata.* *debeat.*

Quando res emphyteutica subemphyteuticatur, contractu perinde opus est, ac si emphyteusis primum perficitur. Ast cum emphyteuta nec seipsum ab obligatione, quam contraxit, liberare (§. 674. part. 3. *Jur. nat.*), nec jus ex contractu emphyteutico quaesitum domino emphyteuseos auferre possit (§. 336. part. 2. *Jur. nat.*); quando de subemphyteuticatione contrahitur, nihil conveniri potest, quod vel juri domini emphyteuseos, quod ex contractu acquisivit, vel obligationi emphyteutæ, quam contraxit, seu quæ ex isto contractu descendit, repugnat.

§. 91.

Quoniam *contractus subemphyteuticus* nil continere debet, quod contrarietur contractui emphyteutico (§. 90.); *is subsistat. Quatenus* quoad id, quod juri domini emphyteuseos ex contractu emphyteutico quaesito, vel obligationi emphyteuta ex eodem contractu descendenti repugnat, non subsistit, subsistit tamen quoad reliqua.

Naturaliter negotium quodlibet subsistit, in quantum subsistere potest. Qui enim voluerunt, ut subsistat totum, illi *etiam*

etiam voluerunt, ut subsistat quoad quamlibet partem, consequenter etiam quoad ea, quæ quo minus subsistant nihil impedit. Nulla vero ratio est, cur negotium totum irritum esse debeat, quia unum vel alterum subsistere nequit. Plura sunt, quæ simul promittuntur & ad quæ promittendo te obligas (§. 393. part. 3. *Jur. nat.*). Quodsi eorum quædam ita sint comparata, ut ad ea præstanda te obligare non potueris; hæc quidem valide promittere non potuisti, ast hinc tamen minime sequitur, quod nec ad ea te obligare potueris, quæ quominus valide promitteres, nihil obstabat. Contractus adeo subemphyteuticus subsistit, in quantum contractus emphyteuticus hoc permittit.

§. 92.

Quando totus nullus.

Quoniam contractus subemphyteuticus subsistere nequit quoad ea, quæ contractui emphyteutico repugnant (§. 91.); *si in contractu emphyteutico expresse dictum, ne subemphyteuticare liceat, contractus subemphyteuticus totus nullus est, nec valet subemphyteuticatio.*

Nimirum in casu præsentis emphyteuta sese obligavit, quod subemphyteuticare nolit, & dominus emphyteuseos sibi reservavit jus non patiendi, ut subemphyteuticaretur. Emphyteuta igitur subemphyteuticans facit, quod dominus emphyteuseos irritum facere potest, ipse autem nullo jure facit.

§. 93.

De canone facta subemphyteuticacione ad hanc solvendo.

Cum subemphyteuticatio aliter fieri nequeat, nisi salvo jure domini emphyteuseos (§. 89.), huic autem emphyteuta obligetur ad canonem quotannis solvendum (§. 12. 14.); *non obstante subemphyteuticacione emphyteuta domino emphyteuseos canonem quotannis solvere tenetur, ac si subemphyteuticacio facta non fuisset.*

Subemphyteuticatio negotium est, quod emphyteutam saltem respicit, nullo autem modo ad dominum emphyteuseos perinet, adeoque respectu hujus perinde est, ac si nulla esset sub-

subemphyteuticatio, consequenter emphyteuta præstare tenetur, ad quod ex contractu emphyteutico obligatus est. Canon, quem solvit subemphyteuta, solvendus est emphyteutæ, quem is pro domino directo suo agnoscit, quemadmodum sublocatione facta conductori tanquam locatori suo pensionem solvit, qui a conductore rem denuo conduxit; conductor autem pensionem, quam debet ex contractu locationis conductiois, locatori solvere tenetur, nulla habita ratione sublocationis.

§. 94.

Similiter quia subemphyteuticatio aliter fieri nequit, *An emphyteuta quam salvo jure domini emphyteuteos (§. 93.); emphyteuta, tenticatio non obstante subemphyteuticatione, manet respectu domini emphyteuteos emphyteuta & emphyteutis inter hosce subsistit.* *immutet in*

Quemadmodum sublocatio nihil immutat in locatione, sed *emphyteusi.* ea inter locatorem ac conductorem eodem modo subsistit, ac si sublocatio nulla facta fuisset; ita etiam subemphyteuticatio in emphyteusi primum constituta nihil immutat, sed emphyteutis inter emphyteutam & dominum emphyteuteos eodem modo subsistit, ac si subemphyteuticatio facta non fuisset.

§. 95.

Quoniam non obstante subemphyteuticatione emphyteutis inter dominum emphyteuteos & emphyteutam eodem *De translatione juris* modo subsistit, quo ante (§. 94.); *quando emphyteuta ex contractu emphyteutico emphyteusim in alium transferre, vel transmitte carii facta tere potest, jus suum quod ex contractu subemphyteutico ipsi quasi-sub emphyteutum in alium transfert, vel transmittit, cum in hac translatione.* one nil fieri possit contra jus subemphyteuticarium (§. 910. *part. I. Jur. nat.*), *respectu domini autem emphyteuteos ipsa emphyteutis translata, vel transmissa intelligitur.*

Nimirum sicuti dominus emphyteuteos jus suum retinet, facta subemphyteuticatione; ita quoque emphyteutæ jus suum *(Wolffii Jur. Nat. Pars VI.)* K *integrum*

integrum manet, quod ex contractu emphyteutico habet, nisi quatenus de eo in gratiam alterius disposuit in subemphyteuticatione. Respectu domini emphyteuseos perinde est, ac si in jure emphyteutico nihil prorsus fuisset immutatum, quæ enim in subemphyteuticatione accidit mutatio tantummodo emphyteutam & subemphyteutam respicit.

§. 96.

*Quomodo
subemphy-
teusis peri-
matur.*

Si emphyteusis quomodocunque finitur, cum eadem ipsa quoque subemphyteusis perimitur: subemphyteusis vero ex propria lege fini potest, stante adhuc emphyteusi. Quando enim emphyteusis quomodocunque finitur, dominus emphyteuseos fit rei, quæ emphyteutica fuerat, pleno jure dominus (§. 55.). Quoniam itaque subemphyteuticatio fieri nequit nisi salvo jure domini emphyteuseos (§. 89.); jus subemphyteuticarium subsistere nequit in re, quæ emphyteutica fuerat, emphyteusi finita, adeoque cum emphyteusi perimitur ipsa subemphyteusis. *Quod erat unum.*

Enimvero quando subemphyteuticatio fit, emphyteuta emphyteusin alteri constituit in re, in qua ipse emphyteusin habet (§. 87.), & jus ipsius tanquam domini directi & subemphyteutæ ex contractu proprio, nimirum subemphyteutico, metiendum (§. 27.). Quamvis adeo ex lege propria, quæ ex contractu subemphyteutico est, subemphyteusis finatur, ut adeo subemphyteutæ jus extinguatur; non tamen propterea extingui potest jus emphyteutæ, quod ex contractu sibi proprio habet, siquidem vi ejusdem adhuc subsistit. Subemphyteusis itaque ex lege propria fini potest, stante adhuc emphyteusi. *Quod erat alterum.*

Nulla in hisce difficultas est, modo emphyteusin originariam & subemphyteusin tanquam duas res diversas separatim consideres, nisi quatenus emphyteuta duplicem personam repræsentat, nimirum personam emphyteutæ quoad emphy-

emphyteusin originariam, seu primitivam, personam vero domini emphyteuseos quoad subemphyteusin, seu emphyteusin derivativam. Quando jus emphyteutæ extinguitur, quod in re emphyteutica habet; nullum quoque jus in eadem alteri concedere valet. Nihil adeo magis naturale est, quam ut emphyteusis derivativa cum primitiva, seu originaria simul perimatur, seu subemphyteusis cum emphyteusi finiatur. Enimvero quamvis jus desinat, quod in subemphyteuticatione alteri concessit emphyteuta; non tamen propterea jus, quod ipse in re habet, emphyteuticarium interire debet, cum jus suum minime dependeat a jure subemphyteutæ, quemadmodum dominus directus non amittit propterea jus suum in re emphyteutica, quod jus emphyteutæ in eadem expirat, quia illud ab hoc minime dependet.

§. 97.

Si subemphyteusis extinguitur, seu finitur emphyteuta jure emphyteuticario integro, quod in re emphyteutica habet, ipse frui- *De effectu subemphy-*
etur. Etenim quando subemphyteusis finitur, nemo amplius *teuseos fini-*
est, qui jus subemphyteuticarium in re emphyteutica habet. *ta.*
Quamobrem cum respectu subemphyteutæ emphyteuta representet personam domini emphyteuseos, tanquam eam constituentis (§. 13. 87.), finita autem emphyteusi dominus directus fiat rei, quæ emphyteutica fuerat, pleno jure dominus (§. 55.), adeoque eodem jure fruatur, quod ante concessionem emphyteuseos ipsi competebat; emphyteuta quoque finita subemphyteusi jure emphyteuticario integro, quod in re emphyteutica habet, ipse frui debet.

Nimirum in subemphyteuticatione jus emphyteuticarium originarium respondet dominio pleno, quod habet concedens in originaria emphyteuseos constitutione. Jus, quod concedens in constitutione emphyteuseos in alterum transfert, juri suo demitur: hac igitur extincta, cum non amplius ademtum sit, tale erit, quale fuerat ante emphyteuseos constitutionem.

Quemadmodum itaque finita emphyteufi originaria, dominus emphyteuseos, qui vel ipse concedens est, vel in locum ejus successit, plenum dominium habet; ita emphyteuta, finita subemphyteufi, jus suum emphyteuticarium integrum habet.

§. 98.

Contractus libellarius quinam dicitur.

Contractus libellarius dicitur, quo dominus alteri rem suam certo interveniente pretio ea lege dat, ut quotannis certum canonem solvat, ac stato tempore, possessore licet non mutato, contractum certo pretio vel arbitrario numerato renovet. Jus, quod ex isto contractu acquiritur, *libellarium* vocari solet.

In Jure feudali vero *contractus libellarius* appellari solet, quando emphyteuta vel Vasallus dat rem emphyteuticam vel feudalem alteri in emphyteusin vel feudum & subemphyteuticatio, quam supra diximus, *libellaria concessio* vocatur. Videatur *Schardius* in Lexico Juridico. Exemplum in eo significatu, qui vocabulo tribuitur in definitione, esto tale. Vendo tibi domum meam pro pretio mille thalerorum, ea lege, ut quotannis in festo Johannis Baptistæ mihi solvas canonem decem thalerorum & exacto quolibet quinquennio contractus renovetur, soluto pretio quinquaginta thalerorum. Convenit hoc jus in eo cum emphyteufi, quod quotannis certus canon fit solvendus, & contractus certo pretio numerato renovandus; differt tamen ab eadem, quod dominus jus libellarium alteri concedens nihil proprietatis in re retineat, ac renovandus fit contractus non mutato possessore.

§. 99.

Quodam pretium intervenire debeat in contractu libellario.

Quoniam dum *jus libellarium constituitur* præter pretium, quod domino pro re solvitur, solvendus etiam quotannis canon est ac solvendum præterea pretium pro contractu stato tempore renovandum (§. 98.); *pretium, quod pro re solvitur, immo debet pro ratione canonis ac pretii in renovatione contractus stato tempore solvendi.*

Nimis

Nimis ab æqualitate in contractibus naturaliter observanda, nisi aliter visum fuerit, recederetur, si quis vero pretio rem emeret, ac hoc non obstante non modo canonem annuum, verum etiam certum pretium stato tempore pro contractu renovando solvere teneretur. Facile adeo apparet, si æqualitas observari debet, quantum datur, summam, quæ prodit, si canon quotannis solutus, donec stato tempore renovetur contractus, per numerum annorum elapsorum multiplicetur & factum addatur pretio solvendo, quando contractus renovatur, non superare debere usuras legitimas fortis, qua deficit pretium pro re numeratum a pretio vero, per tantum annorum intervallum percipiendas. E. gr. Si domum tibi vendo pro pretio mille thalerorum, cum pretium verum sit 1400; deficit illud a vero 400, adeoque perinde est, ac si tibi domum ementi 400 thaleros credidissem, ut domum emere posses. Intervallo quinque annorum ego perciperem usuras 100, quotannis nempe 20. Quoniam vero mihi tantummodo singulis annis solvantur 10, iniquum non est, si quinquennio elapso solvantur præter decem in fine anni quinti adhuc quinquaginta. Quoniam vero naturaliter usuræ legitimæ determinandæ sunt ex utilitate, quam debitor ex usu pecuniæ percipit (§ 1411. *part. 4. Jur. nat.*); ideo si æquitatem naturalem spectes, quantitas canonis & pretii in renovatione contractus numerandi proportionanda est pensioni, quæ pro tanta utilitate solveretur, detracta rata pretio pro juris constitutione soluto conveniente. E. gr. ponamus, si agrum loces, te pensionem annuam accipere centum thalerorum. Pretium verum agri esse 2500, & me emtorem tibi solvere 1000 ea lege, ut canon quidam annuus constituatur & anno quovis quinto contractus certo pretio numerato renovetur. Cum perinde sit ac si tu solvisses pro agro communi 1500; tibi competent quasi socio quotannis 60, consequenter intrâ annos quinque accipere debes 300. Quodsi ergo canon annuus determinetur 20 thalerorum, in fine anni quinti tibi adhuc defunt 200. Quamobrem æquitati maxime convenit, ut in fine anni quinti præter canonem tibi solvantur thaleri 200, dum contractus renovatur. Ab æquitate adeo ne discedat

contractus, consultius est ut eundem ad quasi societatem reducas, præsertim si usurarum quantitas civiliter determinetur.

§. 100.

Dominus juris libellarii. & pretium pro renovando contractu libellario solvendum.

Dominum juris libellarii appellare lubet eum, cui canon & pretium pro renovando contractu libellario solvendum. Ita appellare lubet ad imitationem domini emphyteuseos (§. 13.): sicuti enim se habet dominus emphyteuseos ad emphyteusin, ita etiam sese habet dominus juris libellarii ad jus libellarium. Uterque nimirum est constitutor juris in re sua, & propterea ab eo, qui rem possidet, certam percipit pensionem annuam ac propter contractum renovandum pretium certum. Immo apte etiam dominum juris libellarii vocamus, cum jus exigendi canonem ac pretium pro renovatione juris fit res incorporalis, quæ est in dominio ipsius, ei autem, qui rem ex contractu libellario habet, inhæret obligatio solvendi canonem ac pretium pro renovatione juris, ex qua jus istud oritur (§. 23. part. 1. *Jur. nat.*).

§. 101.

Res libellaria quænam dicitur. *Rem libellariam* vocare lubet, quæ ex contractu libellario habetur, seu in qua jus libellarium constitutum. Fit hoc denuo ad imitationem rei emphyteuticæ.

§. 102.

Quale sit jus domini juris libellarii.

Dominus juris libellarii jus in re libellaria habet. Etenim onus solvendi canonem & pretium pro renovando contractu inhæret ipsi rei libellariæ, adeoque dominus juris libellarii rem libellariam ad hanc solutionem sibi quasi obligatam habet, & obligatio solvendi canonem ac pretium dictum a re derivatur in possessorem. Quamobrem cum ex hac obligatione nascatur jus domini (§. 23. part. 1. *Jur. nat.*); is utique jus in re libellaria habet (§. 778. part. 3. *Jur. nat.*).

§. 103.

§. 103.

Quoniam jus exigendi canonem & pretium pro reno- *De re alie-*
vatione contractus, quod competit domino juris libellarii nata, ubi
(§. 100.), est jus in re (§. 102.), adeoque, utpote rei inhæ- *canon non*
rens ac invito minime auferendum (§. 336. *part. 2. Jur. nat.*), fuit solutus,
cum re transit ad quemlibet possessorem; si canone non soluto nec contra-
nec contractu tempore stata renovato, res libellaria alienatur, novus etus renova-
possessor canonem non solutum ac pretium, quod pro renovando con-
tractu solvendum fuerat, ipse adhuc solvere tenetur.

Nihil hic singulare est: idem enim obtinet in omni jure in
re, quoties nimirum ex re tibi quidpiam præstandum, ut hanc
tibi obligatam habeas, & ex hac obligatio derivetur in posses-
sorem ejus. Aliud omnino est habere sibi obligatam perso-
nam per se, aliud verò habere sibi eandem obligatam per rem. Ibi
persona est certum individuum physicum; hic vero eadem de-
signatur per rem, quam possidet, adeoque quilibet ejus pos-
sessor est, qui præstare tenerur id, ad quod rem tibi obligatam
habet.

§. 104.

Qui rem ex contractu libellario habet, pleno jure dominus. Quale sit
est. Etenim dum de jure libellario contrahitur, dominus *dominium*
rem suam alteri dat pro certo pretio ea lege, ut quotannis *in re libella-*
certum canonem solvat, ac stato tempore, possessore licet non *ria.*
mutato, contractum certo pretio vel arbitrario numerato re-
novet (§. 98.). Patet adeo in hoc contractu dominium trans-
ferri cum onere quodam, nequaquam vero ullo modo res-
tricti. Quoniam itaque dominium nullo modo restrictum
plenum est, quod per se patet, qui rem ex contractu libella-
rio habet, pleno jure dominus est.

In jure igitur libellario nullum est dominium directum, nec
in hujus recognitionem solvitur canon, quemadmodum in em-
phyteusi.

phyteusi. Est potius contractus libellarius species quædam, aut, si mavis casus quidam particularis emtionis venditionis, qua ob pretium justo multo minus res emta perpetuo quodam onere afficitur, seu res cum onere venditur, quod cum eidem inhærere debeat, pretium ejus imminuit, prouti ex iis abunde claret, quod supra annotavimus (not. §. 99.).

§. 105.

An de libellaria re sine consensu domini juris libellarii alienare ac immutare sine illius consensu possit. Quoniam qui rem ex contractu libellario habet, pleno jure dominus est (§. 104.); sine consensu quoque, immo incio ac invito domino juris libellarii de re libellaria prouti visum fuerit disponere potest (§. 118. part. 2. Jur. nat.); adeoque etiam eandem alienare ac immutare sine illius consensu potest (§. 665. 660. part. 2. Jur. nat.).

Nihil enim fit contra jus domini libellarii juris, cui jus suum salvum manet, quomocunque res immutetur, & in quemcunque ea transferatur. Ab onere enim, quæ rei inhæreret, eandem nemo liberare potest (§. 336. part. 2. Jur. nat.), nisi dominus juris libellarii, qui jus suum remittere potest (§. 117. part. 3. Jur. nat.).

§. 106.

Effectus remissionis juris libellarii. Quoniam dominus rei libellariæ pleno jure dominus est (§. 104.), quando dominus juris libellarii jus suum remittit, nihil dominio accedit, quod in re habet ejus dominus, sed cum hac remissione jus libellarium extinguitur & dominus rei ab obligatione sua liberetur (§. 97. part. 3. Jur. nat.), res libellaria ab onere suo libera evadit ac libellaria esse desinit.

Parum refert, utrum remissio ista fiat gratis, an pro certo pretio: nec in casu posteriori dici potest, si accurate loquendum, dominum juris libellarii jus suum vendere domino rei libellariæ. Hoc enim jus huic foret inutile. Non aliud agi potest inter dominum juris libellarii & dominum rei libellariæ, si hic liberari velit ab onere solvendi canonem & renovandi statim tempore contractum pro certo pretio, quam ut jus libellarium

rium extinguatur & res ab onere suo liberetur. Hoc autem fit, quando jus suum remittit dominus juris libellarii, non vero per hoc, quod id acquirat dominus rei libellariz. Ecquis acquirere vult jus, quod sibi non modo prorsus inutile, sed quod ne quidem exercere potest? Immo si ponamus jus, quod erat domini libellarii, a domino rei libellariz acquiri; per hanc ipsam acquisitionem non definit esse jus a dominio rei diversum, ut adeo, qui erat dominus rei libellariz, nunc etiam sit dominus juris libellarii, adeoque duplicem representet personam: quod quam fit absurdum facile intelligitur, si animum advertere velis ad ea, quæ hinc porro consequuntur.

§. 107.

Si dominus juris libellarii rem libellariam acquiris; jus libellarium extinguitur. Etenim quando rem libellariam acquiris, in locum ejus succedit, qui eam ex contractu libellario habebat. Quamobrem cum hic sit pleno jure dominus (§. 104.); plenum dominium in re, quæ libellaria fuerat, consequitur. Quoniam itaque jam omnem ex re percipit utilitatem vi dominii (§. 136. part. 2. *Jur. nat.*); impossibile est ut ex ipsa re ipsi quid præstetur, consequenter obligatio solvendi canonem ac renovandi pretio certo numerato contractum per se expirat. Jus igitur libellarium extinguitur (§. 98.).

De jure libellario extincto, re libellaria a domino illius acquisita.

Onus rei impositum in gratiam tui subsistere nequit, quando res tua evadit. Absonum enim est rei suæ imponere onus in gratiam sui, dum manet sua. Quod ex re tibi præstandum foret, jam tuum est, neque adeo opus est, ut tibi des, quod jam habes. Ita absurdum foret, si quis obligatus sibi metipsum esse deberet ad solvendum canonem ex re sua, ex qua omnem utilitatem solus percipit, & ad renovandum cum seipso jus percipiendi canonem a seipso. Jus adeo libellarium sua sponte ruit, quamprimum dominus ejus pleno jure rem acquirat.

§. 108.

Census quid sit.

Jus censiticum est jus annui redditus ex re aliena immobili recipiendi: ipse autem redditus *Census* vocatur. Quando rem immobilem vendens dominus per pactum adjectum censum in eadem sibi reservat, *Census reservativus* appellari solet; quando autem quis censum in re aliena sibi emit, aut sibi donatum accipit, *Census constitutus* vocatur.

Distinctio inter censum reservativum & constitutum parum utilitatis habet. Sive enim eundem in re a te alienata tibi reserves, sive eundem in re aliena aut oneroso, aut lucrativo titulo acquiras, in ipsa substantia juris propterea nihil mutatur. Quod enim vulgo dicitur, censum reservativum solvi in memoriam pristini domini, est constitutum non item, nullum habet effectum juris. Per inconstantiam loquendi jus censiticum quoque *census* vocari solet.

§. 109.

Quale jus sit jus censiticum.

Quoniam census præstat ex re (§. 108.); *jus censiticum* ipsi rei inhæret, consequenter *quis jus censiticum habet, jus in re habet* (§. 778. part. 3. *Jur. nat.*), atque adeo rem ipsam ad præstandum censum sibi obligatam habet, qua adeo censum debet (§. 170. part. 1. *Phil. præct. univ.*).

Ex re adeo obligatio solvendi censum derivatur in ejus possessorem, a quo igitur exigitur, quicumque tandem fuerit.

§. 110.

Bona censitica, Dominus census.

Res immobilis, quæ censum debet, dicitur *Bonum censiticum*, ein *Zinsgut*: Qui censum solvere tenetur, seu bonum censiticum possidet, *Censualis*, ein *Zinsmann*, appellatur. Qui vero jus censiticum habet, *Dominum census*, den *Zins-Herrn*, vocare lubet.

E. gr. Erno redditum annuum quadraginta thalerorum mihi præstandum ex prædio tuo pretio mille thalerorum. Reditas
hic

hic erit census, mihi in prædio tuo competit jus censiticum, prædium tuum erit bonum censiticum, tu censualis es, ego dominus census sum. Enimvero possum etiam tibi constituere liberaliter jus quotannis percipiendi ex prædio meo quadraginta thaleros, tumque prædium meum efficio bonum censiticum, & reditus annuus quadraginta thalerorum erit census.

§. III.

Censualis est pleno jure dominus. Census enim est reditus *Censualis annuus, quem censualis ex re sua præstare tenetur alteri, vel quale habeat quia is hunc sibi reservavit, dum dominium in illum trans-* *dominium.* tulit, vel quia ipse censualis tanquam dominus sive liberaliter, sive pro certo pretio in re sua eundem constituit (§. 108.). Patet adeo præstationem census non esse nisi onus, quod vel alienationi, veluti venditioni, fuit adjectum, vel quod ipse dominus rei suæ, quam retinuit, ultro imposuit (§. 585. *part. 3. Jur. nat.*). Enimvero per hoc, quod onus rei imponitur, vel adjicitur, seu possessor ejus ad aliquid præstandum alteri obligatur (§. *cit.*), minime impeditur, quo minus is de ipsa re, & usu ac fructu ejus pro arbitrio suo disponat. Quamobrem cum dominium plenum habeat, qui de substantia, usu ac fructu rei suæ pro arbitrio suo disponere potest (§. 131. 135. 136. *part. 2. Jur. nat.*); censualis utique plenum dominium habet, adeoque pleno jure dominus est (§. 124. *part. 2. Jur. nat.*).

Atque in eo differt census ab emphyteusi, quod emphyteuta habeat tantummodo dominium utile, dominus vero emphyteuseos directum; censualis autem & utile, & directum, scilicet plenum. Melior adeo est censualis, quam emphyteutæ conditio, præsertim jure civili, quo multis modis emphyteusis committi potest. Bonum etiam censiticum præstat libellario, quoniam hic non opus est renovatione onerosa contractus, quemadmodum in jure libellario (§. 98.).

§. 112.

*Contractus
censualis.*

Contractus censualis appellatur, quo de censu convenitur.

Etenim census vel reservatur a domino rem suam alienante, aut alteri in re sua, quam retinet, constituitur (§. 108.). Utrobique censualis promittere debet se hunc censum præstare velle, & in alterum jus eum exigendi transferre. Conveniendum quoque est de quantitate census & de aliis huc spectantibus. Istiusmodi autem conventiones utique pactum sunt (§. 788. part. 3. *Jur. nat.*), vel, quod naturaliter perinde est, contractus (§. 793. part. 3. *Jur. nat.*). Atque adeo patet sine contractu nec acquiri jus censiticum, nec bona effici censitica, nec obligationem contrahi censualis.

§. 113.

*Census in
quonam con-
sistat.*

Census consistere potest tam in pecunia numerata, quam in re quacunque alia corporali mobili. Etenim census definitur conventionione inter dominum in re alienata eundem sibi reservantem & censualem, cui res alienatur, vel inter dominum in re sua alteri censum constituentem & alterum, cui constituitur (§. 108.). Quamobrem cum inter se convenire possint, quomodo ipsis visum fuerit; census tam in pecunia numerata, quam in re quacunque alia corporali mobili consistere potest, prouti scilicet placuerit contrahentibus.

Valet hic idem, quod de canone diximus superius, qui ab emphyteuta solvendus (§. 19.). Nimirum etiam census consistere potest in frumento, vino, oleo, ovibus, virulis, gallinis, anseribus, ovis, buryro ac ita porro. Cum pretia rerum varient, utilius est accipere res, quibus indigemus, quam pecuniam paratam, & censuali quoque haud raro commodius est solvere res alias, quas habet, quam paratam pecuniam. Sed hæc attenduntur in deliberationibus de censu definiendo; nullum autem in Jure momentum habent.

§. 114.

Si quis alteri censum constituit liberaliter in re sua, a constituto-
entis voluntate unice pendet, qualem & quantum constituere ve-
census desi-
lit. Idem intelligitur, si quis sibi censum in re alteri donata re-
niendus.
feruat. Quodsi census ematur, intra limites usurarum licitarum
contineri, vel utilitati ex re percipienda proportionari debet in ra-
tione pretii, quod solvitur, ad pretium verum rei. Quodsi vero
venditor sibi reservet censum in re vendita, pretium imminui de-
bet, quod ab emptore solvitur, detrahendo pretium aequum census
reservati. Si quis enim liberaliter, hoc est, gratis alteri cen-
sum constituit in re sua, cum jus censiticum donetur (§. 48.
part. 4. Jur. nat.), a constituentis utique voluntate pendet,
qualem & quantum constituere velit censum (§. 130. part. 4.
Jur. nat.). *Quod erat primum.*

Quodsi quis rem alteri donet ac censum sibi reservet,
cum a donatoris unice voluntate pendeat, qua lege donare
velit (§. 130. part. 4. Jur. nat.); denuo patet, ab ejus volun-
tate unice pendere, qualem & quantum censum sibi reserva-
re velit. *Quod erat secundum.*

Si quis censum emat, perinde est, ac si quis pecuniam
in perpetuum credat sub usuris in rem immobilem alterius,
ut adeo, quod quotannis solvendum, sit loco usurarum. Quan-
obrem patet censum intra limites usurarum licitarum conti-
neri debere. Quoniam itaque in hoc casu usuræ naturaliter
licitæ sunt, quæ habent ad mercedem fundi locati eam ratio-
nem, quam habet quantitas pecuniæ creditæ ad pretium
fundus (§. 1411. part. 4. Jur. nat.); quod tunc intra hunc
modum contineri debeat census patet. *Quod erat tertium.*

Quoniam denique si venditor sibi reservat censum in
re vendita, perinde est ac si in eadem sibi emeret censum,
postquam vendidit; omnino liquet, pretium census per

modo demonstrata n. 3. determinandum detrahendum esse a pretio vero rei venditæ. *Quod erat quartum.*

Quod supra annotavimus, cum de jure libellario ageremus (not. §. 99.), ad illustrandum quoque partem alteram propositionis præsentis applicari potest. Quodsi census proportionetur utilitati ex re percipiendæ; non præcise observanda est ratio pretii, quod solvitur, ad pretium verum rei, quando multum periculum sustinendum censuali, a quo liber est dominus census, quamvis hoc non obstet, quo minus ita possit contrahi, ut census habeat ad utilitatem ex re percipiendam eam rationem, quam habet pretium pro censu solutum ad pretium rei (not. §. 1411. part. 4. *Jur. nat.*). In contractibus rigor geometricus observari nequit, multo minus contractus pro invalido declarandus, qui eidem parum convenit, cum unicuique liberum sit de re sua statuere, prouti sibi visum fuerit (§. 118. part. 2. *Jur. nat.*), modo absit animus defraudandi alterum (§. 149. part. 5. *Jur. nat.*).

§. 115.

*De duratio-
ne juris cen-
sitici.*

Jus censiticum perpetuum est, nisi expresse aliter fuerit conventum, ut vel in certum tempus, vel pro certis personis census constitutus esse debeat. Etenim census redditus annuus est ex re aliena percipiendus, vel quia in re alienata sibi reservatur ab alienante, vel quia eundem sibi quis emit, aut liberaliter constitutum ab alio accipit (§. 108.). Quodsi ergo nihil dicatur in contractu censuali, quo de censu convenitur (§. 112.), quod tantummodo in certum tempus, vel pro certis personis constitutus esse debeat; is utique animus contrahentium fuisse videtur, ut census iste ex re perpetuo præstetur. Quamobrem jus censiticum perpetuum est, si non expresse aliter fuerit conventum. *Quod erat unum.*

Enimvero quoniam a voluntate domini pendet, qua lege dominium rei suæ in alterum transferre (§. 11. part. 3.

Jur.

Jur. nat.), vel jus quoddam in re sua alteri constituere velit (§. 984. *part. 3. Jur. nat.*); quin in contractu censuali ita conveniri possit, ut vel in certum tempus, vel pro certis personis census constitutus esse debeat, dubitandum non est. *Quod erat alterum.*

In certum tempus constituitur census, si is solvendus per annos quinquaginta, quibus elapsis bonum, quod fuerat censiticum, liberum evadit. Pro certis personis constituitur, si census solvendus ei, pro quo constituitur, & omnibus ex eo descendentibus masculis, vel omnibus hæredibus ab intestato. Etsi enim in hoc conveniat jus censiticum cum emphyteusi (§. 29.), non tamen propterea bonum censiticum efficitur emphyteuticum, cum emphyteusis in hoc potissimum differat a jure censitico, quod in illa dominium directum ac utile a se invicem sunt separata, in hoc autem dominium plenum sit penes censualem. Naturaliter valent pacta, prouti fuerit conventum, modo nihil contineant, de quo ita conveniri non licebat.

§. 116.

Si dominus census jus suum remittit, sive hoc faciat gratis, Quomodo sive pro certo pretio; bonum censiticum fit liberum, seu censiticum bonum censiticum esse definit. Quomodo sive pro certo pretio; bonum censiticum fit liberum, seu censiticum bonum censiticum esse definit. Quoniam enim dominus census jus censiticum habet (§. 110.), adeoque jus censum exigendi (§. 108.); quando jus suum remittit. (sive hoc faciat gratis, sive pro certo pretio, parum refert), jus censum exigendi extinguitur & censualis ab obligatione censum solvendi liberatur (§. 97. *part. 3. Jur. nat.*). Quoniam adeo bonum, quod censiticum erat, censum non amplius debet (§. 170. *part. 1. Phil. pract. nat.*), bonum autem censiticum non est, quod censum non debet (§. 110.); si dominus census jus suum remittit, bonum censiticum tale esse definit, adeoque liberum fit.

Jus censiticum censuali nec donari, nec vendi potest: utrumque enim requirit translationem ejus in censualem (§. 48. *part. 4. &*

4. §. 675. part. 2. atque §. 939. part. 4. *Jur. nat.*). Ast repugnat censuali jus exigendi censum e re sua & eundem sibi metipsum obligatum esse ad eundem ex re sua solvendum. Quamobrem dominus census in gratiam censuales tantummodo declarare potest; quod nolit censualem sibi esse obligatum ad censum solvendum, seu ex re ista censum sibi deberi, quod dum facit, jus suum remittit (§. 95. part. 3. *Jur. nat.*). Neque etiam aliud intenditur, dum bonum censiticum liberum esse vult censualis, vel etiam dominus census. Censualis enim liberari debet ab obligatione solvendi censum, quæ ex re sua in ipsum derivatur. Ut ab ea liberetur, non opus est, ut jus censiticum acquirat, sed sufficit, ut extinguatur: id quod fit remissione juris (§. 97. 99. part. 3. *Jur. nat.*). Quoniam in cessione juris id iterum in alterum transfertur (§. 81. part. 3. *Jur. nat.*); ideo nec dominus census jus suum censuali cedere potest. Equidem per inconstantiam loquendi, quæ ubivis regnat, quando termini non accurate definiuntur, nec in fixo constanter significatu adhibentur, dici etiam solet, jus censiticum cedi censuali: non tamen propterea in re a nobis dissentiant, qui ita loquuntur. Quodsi enim mentem suam distincte explicare debeant, tandem utique constabit, quod cessio juris non aliud significare debeat quam juris remissionem. Nobis vero non modo recte sentiendum, verum etiam recte loquendum, unumquodque proprio suo nomine efferendo.

§. 117.

*De pretio
pro remissione
census
solvendo.*

Si jus censiticum pro certo pretio remittitur; censualis idem pretium solvere tenetur, quod solveret emtor census. Etenim quoad dominum census perinde est, siue jus suum vendat, siue remittat pro certo pretio. Quamobrem cum æquum sit, ut pro eo pretio vendatur, quod solvendum foret emtori, si hunc censum in re aliena sibi constituendum emere vellet; si jus censiticum pro certo pretio remittitur, censualis utique solvere tenetur pretium idem, quod solveret emtor census.

Jus censiticum aliquid æstimabile est (§. 114.), ac ideo e-
mi potest constituendum, vendi quoque eodem pretio potest
constitutum. Et quia repugnat censualem emere jus censiti-
cum (not. §. 116.), quoad dominum census vero, qui gratis
jure suo carere non vult, perinde est, sive pretium accipiat pro
jure in alterum translato, sive pro eodem censuali remisso,
idem omnino pretium solvendum, quando jus censiticum re-
mittitur, quo æstimatur, quando in re aliena constituendum.
Ita nimirum observatur in contractu, quo de remissione juris
censitici convenitur, æqualitas, ut dominus census tantum re-
cipiat, quantum lucratur censualis. Contractus vero, quo de
remissione convenitur, est contractus do ut facias, seu facio ut
des (§. 160. 163. part. 5. Jur. nat.). Nec obstat, contractum
do ut facias spectari posse tanquam emtionem venditionem (§.
176. part. 5. Jur. nat.): etenim in eo factum merx est, quæ
emittitur, adeoque in præsentis casu, remissio juris. Quamvis
vero absolum sit censualem emere jus censiticum, seu jus exi-
gendi censum e re sua; non tamen absurdum est, eundem
emere remissionem juris. Atque in eo differt cessio juris cen-
sitici a remissione: quando enim contractus, quo de illa con-
venitur, & qui est contractus do ut des (§. 145. part. 5. Jur.
nat.), spectari debet tanquam emtio venditio, merx est jus
censiticum, quæ emittitur, non factum, seu cessio juris. Vide-
mus adeo, quam apte omnia inter se cohæreant, si termino-
rum significatum fixum tuemur, ita ut una sit concordia.

§. 118.

*Si dominus census bonum censiticum acquirit; jus censiti-
cum extinguitur.* Etenim si dominus census bonum censiti-
cum acquirit, tum fit pleno jure ejus dominus, quemadmo-
dum fuerat censualis (§. 111.), hujus nimirum jure in ipsum
translato. Quoniam itaque omnem ex re jam percipit uti-
litatem (§. 135. 136. part. 2. Jur. nat.), jus censiticum ve-
ro consistit in jure annuum quendam redditum ex re percipi-
endi (§. 108.); evidens omnino est jus censiticum cum ple-

*De jure cen-
sico extin-
cto per ac-
quisitionem
boni censiti-
ci.*

(Wolffii Jur. Nat. Pars VI.)

no dominio, quod quis in eadem re habet, consistere non posse. Illud igitur ab hoc petimitur, atque adeo jus censiticum extinguitur, si dominus census acquirit bonum censiticum.

Vidimus jam antea, jus censiticum & plenum dominium in eodem subjecto consistere non posse (not. §. 116.). Perinde nimirum est, siue utrumque conjungi debeat in persona domini census, siue in persona censuali, cum in utroque casu unusquisque sibi deberet ex re sua, quod jam suum est. Quemadmodum itaque jus censiticum extinguendum, ut liberum possideatur a censuali; ita dominium plenum per se perimit jus censiticum, quando illud acquirit dominus census, atque ideo ab eodem possidetur liberum. Non est quod dicas, dominum census bonum censiticum, quod acquirit, iterum qua tale alienare posse, salvo jure censitico, quod habet. Etenim jus censiticum ut in alienatione sibi reseruet, non opus est, ut bonum, quod alienatur, sit vel fuerit censiticum, sed hac ipsa reservatione censiticum efficitur, cum antea non esset (§. 108.). Pendet nimirum a voluntate alienantis, utrum sub lege censuali sem alienare velit, nec ne (§. 11. part. 2. Jur. nat.), etsi censitica non fuerit.

§. 119.

Extinctio *Si res censitica interit, jus censiticum extinguitur.* Etenim *juris censiti-* si res interit, ea non amplius existit (§. 541. *Onsol.*). Quo- *ci per interi-* niam itaque in re non existente jus nullum habere potes, *tionem* quod per se patet, jus quoque censiticum in re non ampli- *extinctio* us existente habere nequis. Cum res igitur censitica ipso *extinctio* jus censiticum interit, seu illa intereunte extinguitur.

Si res censitica interit, nemo amplius est, qui dominium in ea habet (§. 352 part. 2. *Jur. nat.*), consequenter nec est amplius, qui nisi obligatus sit ad censum solvendum. Inhabere *extinctio* jus censiticum ipse res, atque obligatus in possessorem, quod dicitur *extinctio* (§. 109.). Quid propterea, extra se interire jus, quod *extinctio* eadem

eidem inhaeret, & qui possessor esse definit, liberari ab obligatione, qua tanquam possessor tenetur?

§. 120.

Jus superficiei seu superficiarium est jus habendi suo sumtu ædificium in solo alterius. Per inconstantiam loquendi vocatur etiam Superficies, quod est ædificium solo impositum absque solo spectatum (§. 400. part. 2. Jur. nat.). Germanice dicitur Platz-Recht, & in oppositione dominium, quod in solo seu fundo retinet alter, das Grund-Recht. A nonnullis tamen vocabula Platz-Recht & Grund-Recht pro jure superficiei promiscue usurpantur. Qui jus superficiei habet Superficiarius, der Boden-Zinsmann appellatur; is qui dominium fundi habet, nomen Domini fundi, seu soli retinet, idiomate patrio der Grund-Herr.

In definiendo Jure superficiei non prorsus conveniunt interpretes Juris Romani. Nos retinemus eam, quam dedit Struvius in Jurisprud. Romana Germ. for. lib. 2. tit. 12. §. 17. & in hoc significato demonstrare lubet, quid jus naturæ de eodem disponat. Neque etiam anxie in hoc Jure laborandum est de definitione. Sufficit enim tale jus, quale hic definitur, constitui posse, adeoque non sumi, quod repugnat; denominatio vero arbitraria est.

§. 121.

Quoniam superficiario, dum jus superficiei in eum confertur, conceditur, ut habeat ædificium suo sumtu in solo alterius (§. 120.); si in solo nullam adhuc extat ædificium, ipsi tante, vel competit jus ædificium suo sumtu in solo alterius extruendi: si vero ædificium in eodem jam extat, necesse est ut dominium suum jus superficiei in eundem transferatur a domino, retento dominio in solo.

Uterque casus attenditur etiam in Jure Romano: neque est nimis opus est, ut propterea jura a se invicem distinguantur, si superficiarius vel ipse ædes extruat in solo alterius, vel jam extructas

trudat a domino soli accipiat. Habet nimirum in utroque casu ædificium suo sicut in solo alieno.

§. 122.

*Quale jus in solo competit superfi-
ciario.*

Quoniam ædificium seu superficies est superficiarii, solum vero, cui impositum, domini fundi (§. 120.) dominus fundi non concedit superficiario nisi usum fundi sui, scilicet, cum dominus fundi eodem uti non possit, jus utendi in eum transfert, ipse autem in superficie, seu ædificio imposito jus nullum habet (§. 120. part. 2. Jur. nat.).

Ædificium alias non intelligitur sine fundo, cui cohereret, ita ut solum, cui impositum, spectetur tanquam pars ædificii, & qui ædificium emit, emisse quoque intelligitur solum, cui cohereret, nisi expresse conveniatur, quemadmodum in presenti, ut dominium in solo retinere debeat venditor (§. 121.). Enimvero in casu presenti dominium in superficie distinguendum est a dominio in solo, ita ut duo sint dominia, quæ in diversis subjectis subsistunt, & propterea ædificium hic intelligitur sine fundo, etsi eidem ita cohereret, ut, salva substantia ab eodem separari nequeat. Quoniam vero dominus fundi suo uti nequit, quando alius ædificium in eo habet: ideo jus utendi, quod alias domino competit (§. 136. part. 2. Jur. nat.), in superficiarium utique conferre tenetur, quamvis ea lege, ut non aliter utatur, nisi ut ædificium in eo habeat. Equidem non ignoro, interpretes Juris Romani jus superficiarii non appellare dominium, sed jus dominio simile: nulla tamen ratio est, cur dominium superficiæ superficiario tribuatur, utpote qui ipsis non dissentientibus instar domini de superficie disponere potest. Non est dominus ædificii, quatenus ædificium complectitur & superficiem, & solum, cui cohereret, quemadmodum vulgo intelligitur: aut si spectatur tanquam in solo discretum, etsi actu ab eodem separari nequeat ac aliud in locum dimoveri, quemadmodum hic fieri debet, non minus dominus superficiæ est, quam si etiam dominus fundi esset.

set. In se autem non repugnat, cum superficies & solum, cui est imposta, sint res duæ diversæ, ut alius sit dominus superficies, alius dominus fundi.

§. 123.

A domini fundi voluntate pendet, utrum jus superficiarii su-
perficario gratis concedere, an vero vendere, aut pro certa pensio-
ne annua concedere velit. Et tunc dominus fundi superficies sit gra-
tio constituit jus in solo suo (§. 120.). Enimvero a domini
voluntate unice pendet, quale jus alteri constituere velit in
re sua (§. 984. part. 3. Jur. nat.). Quamobrem ab ipsius quo-
que voluntate pendet, utrum jus superficiarii alteri gratis, an
pro certo pretio, aut pro certa pensione annua concedere
velit.

Dum dominus soli jus superficiarii concedit superficiario, re-
versus ipsi non concedit, nisi perpetuum soli sui usum. De u-
su vero rei suæ dominus pro arbitrio disponere potest (§. 118.
part. 2. Jur. nat.). Potest eum concedere gratis, potest con-
cedere pro certa annua pensione, potest etiam concedere pro
certo pretio. In casu primo donat eundem (§. 48. part. 4.
Jur. nat.), in secundo locat (§. 1194. part. 4. Jur. nat.), in
tertio denique vendit (§. 937. part. 4. Jur. nat.). Hinc vulgo
dicitur, jus superficiarii constitui vel gratuita concessione, vel me-
diante venditione, aut locatione conductione.

§. 124.

Pensio annua, quam superficiarius domino fundi pro u-
su ejus solvit, vocatur *Solarium*, idiomate patrio *Boden Zins*, quid sit.
a nominalis etiam *Grund Zins*.

Solarium adeo non solvitur in recognitionem domini, quem-
admodum canon in recognitionem domini directi in emphy-
teusi (§. 14.), quamvis juri superficies maxime conveniat, ut
ad conservandam memoriam domini in solo *Solarium* solva-
tur, & retentio domini in solo *Solarium* videatur domino, nisi

solvatur solarium, siquidem jus superficiæ perpetuum esse debet, quale utique est, nisi pacto immutetur & duratio ejus modo quocunque restringatur.

§. 125.

*Quinam jus
superficiæ
constituere
possit.*

Nemo jus superficiarium alteri constituere potest nisi dominus soli. Etenim jus superficiarium est jus in solo alieno alteri constitutum (§. 120.). Sed nemo præter dominum alteri jus quoddam in re aliqua constituere potest (§. 983. part. 3. Jur. nat.). Ergo etiam nemo jus superficiarium alteri constituere potest nisi dominus.

Jus igitur superficiæ a non domino constitutum invalidum est, nec diutius durat, nisi quamdiu dominus non contradicit. Quodsi vero ædificium extractum fuerit in alieno fundo, consensu non domini, qui jus superficiæ concedere minime poterat; tunc obinet jus communionis (§. 402. part. 2. Jur. nat.).

§. 126.

*De aedibus in
solo jam ex-
tractis, in
quo jus su-
perficiæ con-
stituatur.*

Si jus superficiæ conceditur in solo, in quo aedes jam extractæ sunt, necesse est ut aedes superficiariis ante donentur, vel vendantur. Etenim si jus superficiæ conceditur in solo, in quo aedes jam extractæ, dominium superficiæ transferendum in superficiarium a domino, retento dominio in solo (§. 121.). Quoniam itaque dominium transferri potest vel gratis, vel pro certo pretio, adeoque superficies vel donari (§. 48. part. 4. Jur. nat.) vel vendi (§. 937. part. 4. Jur. nat.); si jus superficiæ conceditur in solo, in quo aedes jam extractæ sunt, necesse est ut aedes superficiario ante donentur, vel vendantur.

Non obstat, quod translatio domini in superficie & constitutio juris superficiæ in solo fiat simul, adeoque uno quasi actu: hoc enim non obstante manent duo distincti actus, quorum unus etsi non tempore præcedat alterum, per naturam tamen utriusque præcedere intelligitur. Contractui enim emptionis venditionis ædium adjicitur pactum de retinendo dominio

nio in solo, quod cum ad contractum accedit, hoc ille prior natura sua intelligitur. Atque adeo nisi emtione venditione perfecta jus superficiei constitui intelligitur, quippe cui demum locus est superficiei sine solo vendita. Idem valet de donatione. Nihil in hisce difficultatis est, modo singulos actus, quos negotium præfens continet, accurate a se invicem distinguas: id quod in Jure naturæ fieri urique debet.

§. 127.

Jus superficium naturaliter constituitur pacto. Est enim *Quomodo* jus in solo alieno alteri constitutum (§. 120.). Sed natura- *jus superfi-* liter jus in re aliena constituitur pacto (§. 988. *part. 3. Jur. nat.*). *ciarium con-* Ergo etiam jus superficium naturaliter pacto constitui *fitnatur.* debet.

Nimirum de jure superficario inter se convenire debent superficarius & dominus soli (§. 123.), & quomodo inter ipsos conventum fuerit, jus superficiei subsistet.

§. 128.

Contractus superficarius appellatur, quo de jure superfi- *Contractus* cario, quod constituitur, inter se conveniunt superficarius *superficiari-* & dominus superficiei, seu quo jus superficiei constituitur & *us quinam* acquiritur. *lit.*

Constitutio juris superficiei peculiare utique negotium est (§. 126.), quod cum non perficitur nisi pacto (§. 127.), peculiarem quoque, quemadmodum alia negotia, quæ jura & obligationes producant, requirit contractum (§. 793. *part. 3. Jur. nat.*). Trahit autem contractus nomen a negotio, quod eo-
dem modo constituitur (§. 129.).

Quoniam jus superficium contractu superficario con- *Unde meti-* stituitur & acquiritur (§. 128.), a constituentis autem volun- *endum jus* tate pendet, quomodo jus aliquod alteri in re sua constitue- *& obligatio* re- *superficiarii* ritur (§. 984. *part. 3. Jur. nat.*), nec superficarius plus ju-
ris

*§ domini
soli.*

ris acquirere potest, quam in eum transferre vult constituens, neque hic illum ultra voluntatem suam sibi obligare potest (§. 382. part. 3. Jur. nat.); *omne jus omnisque obligatio tam domini soli, quam superficiarii metiendum est ex contractu superficiario.*

Naturaliter ea, quæ non uno modo fieri possunt in aliquo negotio, conventionem contrahentium determinantur, ac ideo contrahentes legem dare contractui dicuntur. Aliter sese res habet in Jure civili, in quo quædam, quæ voluntati contrahentium permittit Jus naturæ, legis autoritate determinantur, quæ adeo certam contractui formam præscribere dicitur. Valent naturaliter omnia, quæ non pugnant cum jure tertii, aut naturaliter illicita sunt.

§. 130.

De jure superficiarii.

Superficiarius superficie in solo alieno posita pro arbitrio uti frui, eamque sine consensu, immo inscio ac invito domino soli, alienare, immutare, ac oppignorare nec non servitutem eidem imponere potest. Etenim domino soli jus nullum in superficie competit (§. 122.), adeoque superficiarius dominium plenum in ea habet. Quamobrem cum dominium plenum contineat proprietatem ac jus utendi & fruendi (§. 136. part. 2. Jur. nat.), & qui dominium plenum habet rem suam pro arbitrio suo alienare (§. 665. part. 2. Jur. nat.), immutare (§. 660. part. 2. Jur. nat.) & oppignorare (§. 1164. part. 5. Jur. nat.), eidemque servitutem imponere potest (§. 1267. part. 5. & §. 982. part. 3. Jur. nat.). Quamobrem superficiarius superficie pro arbitrio uti frui, eamque sine consensu, immo inscio ac invito domino soli, alienare, immutare, oppignorare, eidemque servitutem imponere potest.

Interp̄etes Juris Romani jus hoc omne tribuunt superficiario, consequenter jus omne, quod dominium continet; eidem tamen tribuere nolunt dominium in superficie, sed saltem quasi

quasi dominium, ac ideo superficiarium quasi dominum vocant. Enimvero cum jus sit facultas moralis agendi (§. 156. *part. 1. Phil. pract. univ.*); qui omnia agere pro arbitrio suo potest, quæ vi dominii agere potest dominus, prorsus independentem ab alio, is utique dominium habere, adeoque dominus esse debet. Non igitur ulla ratio obstat, quo minus in Jure naturæ dominium in superficie tribuamus superficiario cum exclusione domini soli omnimoda, quippe cujus consensu ad nullum actum opus habet, quo de substantia, usu vel fructu superficiæ disponit. Ceterum dominium, quod superficiarius in superficie habet, non pertinet ad jus superficiarium: hoc enim in eo consistit, quod superficiem, quæ sua est, habere possit in solo alieno (§. 120.), adeoque non suo. Dominium vero in superficie & jus habendi superficiem in solo alieno sunt utique duo jura separata, nec eodem modo acquiruntur. Etenim quamprimum convenitur, quod superficiario ædificium in solo alterius habere liceat, jus superficiarium ipsi competit, etiamsi nullum adhuc ædificium fuerit extructum, & ex jure superficiario fuit jus extruendi ædificium in solo alterius. Dominium adeo superficiario in ædibus competit, quia eas extruxit suo sumtu. Et quamvis eas extruxerit in solo alieno, non tamen propterea jus quoddam in ædificio habet dominus soli (§. 402. *part. 2. Jur. nat.*), quia ædificium extructum est concessione domini soli, qui hoc ipso, dum concessit, juri suo renunciavit (§. 103: *part. 3. Jur. nat.*). Quodsi ædes jam sint extructæ, ante donandæ sunt, vel vendendæ superficiario, quam jus superficiæ concedi possit (§. 126.), ut adeo dominium in superficie acquiratur, antequam jus superficiarium concipi possit (*not. §. cit.*). Hæc satis manifesta sunt per principia juris naturæ. Enimvero cum in Jure Romano superficies in fundo alieno extructa sit domini soli; tum jus superficiarium, quod conceditur superficiario a domino, respicit ipsam quoque superficiem, ut adeo instar domini de superficie disponere liceat superficiario nonnisi jure a domino soli sibi concesso, atque hoc respectu superficiarius tantummodo est quasi dominus superficiæ.

§. 131.

*Ædes superficia-
riae quæ
nam sint.*

*Ædes superficia-
riae dicuntur, quas habere licet in solo
alieno.*

Facile autem patet, quomodo ædes superficia-
riae differant ab aliis. Nimirum ad ædes pertinet etiam fundus, seu solum, cui imponuntur, cum sine solo existere nequeant. Unde communiter ædium dominus est etiam dominus soli, cui impositæ sunt. Enimvero ædes superficia-
riae spectantur sine solo, ita ut earum dominus non sit simul dominus soli, sed id recognoscere debeat ab aliò, prouti jam supra annotavimus (not. §. 122.). Gajus eas definit l. 2. ff. de superfic. quod sint eæ, quarum proprietas & civili, & naturali jure ejus est, cujus est solum. Sed quod ædes in conducto solo naturali jure sint ejus, cujus est solum, in eo falluntur Jcti Romani (§. 402. pars. 2. Jur. nat.). Atque hæc ratio est, cur in Jure naturali a Jure civili discedamus in Jure superficario, quamvis non negemus; quemadmodum deinceps videbimus, jus superficarium, prouti a Jctis Romanis concipitur, esse casum quendam particularem, quo jus istud per pactum immutatur. Relegenda hic sunt, quæ modo ad paragraphum præcedentem annotavimus & quæ annotavimus supra (not. §. 122.). Quia jure Romano ædes superficia-
riae sunt domini soli, & superficarius in iis non habet nisi dominium utile, solum vero conductum intelligitur; ideo superficarius dicitur etiam quasi inquilinus esse, cum habitet in ædibus quasi conductis, non tamen proprie loquendo inquilinus est, quia instar domini de superficæ disponere potest ac ideo pro quasi domino habetur.

§. 132.

*De ædibus
superficari-
is per incen-
dium vel
ruinam sub-
latis.*

*Si ædes superficia-
riae collabantur, vel conflagrent; superficia-
rio novas extruere licet in solo.* Etenim superficario competit jus habendi ædificium suo sumtu in solo, cui impositæ sunt ædes sive (§. 120.), quod adeo, quamdiu solum extat, aut tempus, in quod concessum, non præterlapsum, aut personæ

NON

non deficiunt, pro quibus constitutum fuit jus, siquidem in certum tempus constitutum, aut pro certis personis supponatur, invito auferri nequit (§. 336. part. 2. Jur. nat.). Quamvis adeo ædes collabantur, vel conflagrent, nulla tamen ratio est, cur jus amitti debeat, quippe quod non ædibus istis inhæret, quæ per incendium vel ruinam fuerunt sublata, sed solo, in quo constitutum. Quamobrem si ædes superficialiæ collabantur, vel conflagrent; superficiario novas in solo extruere licet.

Non ignoro dari Doctores, qui statuunt, jus superficiarium extingui, sublato per incendium vel ruinam ædificio. Enimvero hi perperam jus superficiarium comparant cum usufructu in ædibus alienis concesso, quod tamen ab hoc prorsus diversum esse ex anterioribus abunde constat. Quamobrem nec desunt, qui contrariam sententiam amplectuntur, quam hic adstruximus. Aliud est, si expresse in contractu superficiario ita fuerit convenitum, ut sublato per casum quemcumque ædificio non liceat novum extruere. Tum enim dominus soli ex conventionem liberatur ab obligatione patiendi, ut alius habeat ædificium in solo suo.

§. 133.

Superficiarius obligatur ad solvendum solarium convenitum. De solaris
Etenim cum in contractu superficiario de jure superficiario *convenuto* conveniatur (§. 128.); in eodem quoque convenitur, num *solvendo* præstandum sit solarium, & quale ac quantum sit præstandum. Quamobrem cum pacta sint servanda (§. 789.); superficiarius quoque obligatur ad solvendum solarium convenitum.

Nimirum obligatio superficiarii metienda ex contractu superficiario (§. 129.). Quodsi ergo de certo solaris præstando in eodem fuerit convenitum, superficiarius utique obligatus est ad id præstandum, utpote qui contrahens promittendo ad idem

præstandum sese obligavit (§. 789. 393. *part. 3. Jur. nat.*). Facile intelligitur, ita etiam conveniri posse, ut per certum tempus non præstetur solarium, eodem vero elapso præstari debeat, vel ut solarium non præstetur, quamdiu ædes possidentur a certa persona, præstari tamen debeat, quamprimum jus superficiarium transfertur in aliam, ædibus alienatis, vel dominio earundem in aliam transmissio. Tum vero standum erit eo, quod fuerit conventum (§. 129.).

§. 134.

*Quate sit
jus solaris
exigendi.*

Naturaliter dominus soli superficiarium tantummodo sibi obligatum habet ad præstandum solarium, non vero ipsam superficiem, nisi in contractu superficiario hypotheca in eadem expresse fuerit constituta. Etenim dominus soli in superficie nullum jus habet (§. 122.). Quamobrem etsi superficiarius eidem obligatus sit ad præstandum solarium conventum (§. 133.); ejus tamen non nisi personam ad solvendum istud obligatam habet, minime autem eidem pro debito hoc ipsa superficies obligata est. *Quod erat unum.*

Enimvero si in contractu superficiario hypotheca in ipsa superficie domino soli expresse fuerit constituta, cum hypotheca in re aliqua constituta eadem obligetur pro debito debitoris (§. 1163. *part. 5. Jur. nat.*); superficies pro solario domini soli utique obligata erit. *Quod erat alterum.*

Lege positiva utique tacita hypotheca concedi potest domino soli in superficie, quemadmodum suo loco constabit. Ast cum naturaliter jus domini soli metiendum sit ex contractu superficiario, non erit hypothecæ locus in superficie, nisi expressè.

§. 135.

*Idem porro
expenditur.*

Quoniam naturaliter dominus soli superficiarium tantummodo sibi obligatum habet ad præstandum solarium, non vero ipsam superficiem, nisi in contractu solario hypotheca

in

in eadem expresse fuerit constituta (§. 134.); si superficiarius non solvit solarium, & jus superficiarium alienatur, novus superficiarius solarium præteritum solvere non tenetur: quoniam vero jus hypothecæ cum re transit ad quemlibet possessorem (§. 1154. part. 5. Jur. nat.), si in contractu superficiario pro solarium hypothecæ in superficie expressa fuerit constituta, novus superficiarius solarium præteritum solvere tenetur.

Jus domini soli naturaliter aliunde nasci nequit nisi ex contractu (§. 127.). Quodsi ergo ex eodem tibi non obligatam habes nisi personam, nec ab alia nisi ab eadem debitum exigere potes. Quodsi vero res obligata sit, cum ex eadem tibi satisfieri debeat, tum qui rem possidet tibi solvere tenetur debitum, pro quo obligatur.

§. 136.

Superficiarius superficiem possidet, sed non fundum, cujus possessor est dominus soli. De possessu-
Etenim superficiarius plenum domini-
um habet in superficie, nihil juris in eadem competit domi-
no soli & vice versa superficiarius non habet nisi usum fundi,
proprietas vero tota manet penes dominum soli (§. 122.).
Quamobrem superficiarius superficiem detinet tanquam suam,
non vero detinet tanquam suum etiam fundum (§. 124. part.
2. Jur. nat.), sed hunc recognoscit a domino soli. Quoniam
itaque rem possidet, qui eam detinet tanquam suam, non
autem possidet qui eam detinet tanquam alienam (§. 150.
part. 2. Jur. nat.); ideo superficiarius superficiem quidem pos-
sidet, sed non fundum, hujus vero possessor manet dominus,
cui competit jus possidendi (§. 157. part. 2. Jur. nat.).

Non est, quod excipias, cum domino soli adempta sit potestas physica disponendi de fundo pro arbitrio suo, quamdiu superficies solo imposta, consequenter solum non fit in potestate ipsius (§. 461. part. 2. Jur. nat.), eum fundum non possidere (§. 463. part. 2. Jur. nat.). Enimvero ipsa concessio

usus soli est actus possessorius, cumque hoc modo disponat de eodem dominus & ad hoc modo disponendum superficiario sese obligavit, fieri non potest, ut disponat modo alio. Dicitur adeo nequit, domino soli ademptam esse potestatem physicam disponendi de solo, etsi eandem ipse libere restrinxerit ad certum actum, aut ita restrictam ab alio acceperit. Si solarium præstatur, solum conductum intelligitur (§. 1194 part. 4. *Jur. nat.*). Quamvis vero conductori jus suum, quod ex contractu habet, auferre minime possit (§. 336. part. 2. *Jur. nat.*), non tamen propterea conductor rem detinet tanquam suam, consequenter eam possidet, tu vero possessionem amittis. Dissentiunt in eo interpretes Juris Romani, num superficiarius superficiem possideat: id vero inde est, quod isto jure dominium superficiem ei tribui non possit (*not.* §. 131.).

§. 137.

De jure superficiario extincto per conjunctionem dominiorum soli & superficiem.

Si dominus soli dominium superficiem acquirat, vel contra superficiarius dominium soli; jus superficiarium extinguitur. Etenim si dominus soli dominium superficiem acquirat, ædificium proprium habet in solo proprio, ac similiter si superficiarius acquirat dominium soli, ædificium itidem proprium in proprio solo habet (§. 121. 122.). Quamobrem cum jus superficiarium in eo consistat, ut quis suo sumtu habeat ædificium in solo alieno (§. 120.); jus superficiarium utique extingui debet, sive dominus soli acquirat dominium superficiem, sive dominus superficiem dominium soli.

In neutro casu juris superficiarii quidpiam transfertur ab uno in alterum, sive respicias jus, quod habet superficiarius, sive jus, quod habet dominus soli: sed quicquid juris ex contractu superficiario venit, id totum expirat, quia facta conjunctione dominiorum soli ac superficiem inutile non modo efficitur, verum etiam subsistere amplius nequit. Quoniam vero tam solum est domini ejus, quam superficies superficiarii; conjunctione dominiorum fieri nequit, nisi unus acquirat dominium alterius titulo vel lucrativo, vel oneroso.

§. 138.

§ 138.

Si superficiarius ædes superficiarias alienat, eadem alienantur De ædibus cum jure superficiario, & si dominus soli fundum alienet, idem superficies alienatur salvo jure superficiarii & cum jure adversus superficiarium & solo, um. Etenim si superficiarius ædes superficiarias alienat, cum cui impositæ, ædes sine solo subsistere non possint, ipsæ autem competat alienatis. jus eas habendi in solo alieno, cui impositæ sunt (§. 120.); necesse utique est, ut ædes alienentur cum jure superficiario. Quod erat unum.

Similiter si dominus alienet fundum, sive solum, cum in eodem dominium retinuerit, dum jus superficiarium concessit (§. 122.), jus tamen habendi in eodem ædificiū superficiario invito adimere nequit (§. 336. part. 2. Jur. nat.). Quod si vero pro jure, quod superficiario concessum, is ad certas præstationes obligatur, veluti ad solarium solvendum (§. 133.); idem adhuc obligabitur novo domino. Quod erat alterum.

Equidem cum nemo quicquam facere possit, quod est contra jus alterius (§. 910. part. 1. Jur. nat.), absolute necessarium est, ut salvo jure superficiarii alienetur solum; non tamen eadem necessitas est quoad jus adversus superficiarium. Quoniam enim quilibet jus suum remittere (§. 117. part. 3. Jur. nat.), adeoque debitorem ab obligatione sua liberare potest (§. 97. part. 3. Jur. nat.); nil sane obstat, quo minus dominus soli quoad obligationem superficiarii, consequenter quoad jus suum inde pendens (§. 23. part. 3. Jur. nat.), in gratiam superficiarii quid immuter, veluti ut eum liberet ab onere solvendi solarium, vel ut solarium imminuat. Hoc vero non præsumitur ob alienationem factam, consequenter nisi de eo expresse quid fuerit dictum, novo domino soli adversus superficiarium idem jus competit, quod competeat domino pristino.

§. 139.

*De dominio
utili in adi-
bus superfi-
ciarius con-
cesso.*

*Si ita conveniatur, ut quis aedes suo sumtu in solo alterius
construat & conservet ac in iis habeat dominium utile ad certum
tempus, vel pro certis personis, veluti pro se & liberis suis primi
aut etiam secundi gradus; vel tale etiam concedatur in aedibus su-
perficiariis jam extructis ea lege, ut certum solarium praestetur;
tempore finito, vel personis, pro quibus concessum jus superficiari-
um, extinctis, aedes solo imposita sunt pleno jure ejus, cujus est so-
lum. Etenim si in aedibus solo alterius impositis tibi tantum-
modo competit dominium utile, dominium directum erit
penes dominum soli (§. 1. 3.), qui adeo omnem proprie-
tatem in fundo, seu solo (§. 120.), partem autem proprie-
tatis in superficie habet (§. 3.). Quoniam vero superficiarius plus
juris in superficie acquirere non potuit, quam in eum conferre
voluit dominus soli (§. 382. part. 3. Jur. nat.); si ita conventum
fuerit, ut dominium utile habeat ad certum tempus, vel id
concessum fuerit pro certis personis, veluti pro primo acqui-
rente ac liberis ejus primi, vel etiam secundi gradus, tem-
pore elapso vel personis mortuis, quibus hoc jus competere
poterat, jus omne superficiarium utique extinguitur. Enim-
vero quia dominus soli in superficie retinet dominium dire-
ctum, dum superficiario utile concedit, nec hoc concedit nisi
ad certum tempus, vel pro certis personis, *per hypoth.* ea omni-
no lege jus superficiarium constitutum intelligitur, ut tempo-
re elapso, vel nulla amplius persona existente, cui jus istud
vi contractus superficiarii competere poterat, superficies ple-
no jure sit domini soli. Jure superficiario itaque extincto
pleno jure superficies ad dominum soli pertinet.*

Naturaliter hoc obtinere nequit eo in casu, in quo domini-
um plenum superficiei est penes superficiarium, nisi in contra-
ctu superficiario expresse fuerit dictum, ut mortuo superficia-
rio, nec ullo successore existente, superficies esse debeat domi-
ni

ni soli. Alias enim idem valebit, quod dictum est de dominio directo in emphyteusi (§. 62. 63.). Convenit in casu propositionis presentis jus superficiarium cum jure emphyteutico in superficie saltem constituto (§. 12.). Atque adeo ex iis, quæ de emphyteusi demonstrata sunt, facile intelligitur, quid de jure superficiario in hoc casu tenendum. Hæc vero est hypothesis juris Romani, ut jus superficiarium spectetur ~~veluti emphyteusis~~ in sola superficie constituta, ut adeo inter ~~emphyteusim~~ in ædibus constitutam & jus superficiarium non ~~alia intersedat~~ differentia, quam quod emphyteuta habeat quod ~~dominium~~ utile in solo, superficiarius vero in eodem nihil prorsus juris habeat, consequenter quæ in fundo latent, veluti si thesaurus inveniatur, si metallifodina, aut salina detegatur, ea quidem ad emphyteutam, minime tamen ad superficiarium pertineat. Variat vero non parum jus superficiarium, si superficiario competat dominium plenum in superficie, & si tantummodo is dominium utile in eadem habeat. Sed quamvis jure Romano jus superficiarium tantummodo intelligatur de casu posteriori, id tamen minime obstat, quo minus per pactum redigatur ad formam casus prioris. Ceterum cum hoc jus naturaliter metiendum fit ex contractu superficiario, quo constituitur (§. 129.); non opus est, ut de singulis, de quibus conveniri potest in eo contractu in utroque casu, sigillatim discrete dicamus. Quoniam enim pacta sunt servanda (§. 789. part. 3. Jur. nat.); rata erunt ea omnia, de quibus conventum fuerit, modo non sint physice, vel moraliter impossibilia.

§. 140.

Superficiarius nullum habet jus in solo; sed tantummodo ad usum soli. Etenim dominus soli in superficiarium tantummodo transfert usum fundi (§. 122.), eumque determinatum, quoad solum. nimirum ut liceat habere ædes suo sumtu in fundo isto (§. 120.). Nullum itaque superficiario concedit jus in ipsum fundum, sed eidem saltem sese obligat ad patiendum, ut is habeat ædes suo sumtu in solo ipsius. Quoniam itaque jus
(Wolfii Jur. Nat. Pars VI.) O in

in re non habet is, cui nullum jus in rem ipsam competit (§. 778. part. 3. *Jur. nat.*), habet vero jus ad rem, ad quam præstandam alius ipsi obligatus est (§. 781. part. 3. *Jur. nat.*); superficiarius utique nullum habet jus in solo, sed tantummodo ad usum soli.

Vulgo equidem dicitur, superficiario competere jus ad solum, quod sibi obligatum habeat dominum ad patiendum, ut habeat ædes suo sumtu in solo ipsius; accuratius tamen dicitur, superficiario competere jus ad usum soli, quippe ad quem tanquam rem incorporalem ipsi præstandam dominus soli obligatur. Ast in verbis sumus faciles, quando in re ipsa convenimus.

§. 141.

*De locatione
adum superficiaria-
rum.*

Superficiarius ædes superficiarias vel integras, vel earum partem alteri pro lubitu locare potest, nisi expresse fuerit conventum, ut ipse solus eas inhabitare debeat. Etenim superficiarius vel est pleno jure dominus superficiei, ita ut nihil juris in eadem habeat dominus soli (§. 122.), vel dominium utile in superficie habet, si ita fuerit conventum (§. 129.), consequenter de usu ac fructu rei tanquam dominus utilis pro arbitrio suo disponere potest (§. 2.). Quamobrem cum domino (§. 1207. part. 4. *Jur. nat.*), adeoque etiam ei, qui de usu ac fructu rei instar domini pro arbitrio suo disponere potest, competat jus rem alteri locandi (§. 1194. part. 4. *Jur. nat.*), quin superficiarius ædes superficiarias vel integras, vel earum partem alteri pro lubitu locare possit, dubitandum non est. *Quod erat unum.*

Enimvero quoniam jus superficiarii metiendum est ex contractu superficiario (§. 129.); si expresse ita fuerit conventum, ut superficiarius solus eas inhabitare debeat, consequenter earum usum alteri concedere nequeat, jus locandi
per

per conventionem ipsi ademptum (§. 1194. part. 4. Jur. nat.), adeoque locare ædes neque integras, neque partem earundem potest (§. 156. part. 1. Phil. pract. univ.). *Quod erat alterum.*

Fieri potest, ut conveniatur, ne superficiarius ædes superficiarias, vel earum partem locare possit, si dominium utile conceditur in ædibus jam extantibus liberaliter, etsi pro usu fundi, seu soli solvendum sit solarium quoddam, nec conceditur nisi determinative personis certis nominatis, quibus jus superficiarium competere debet. Alias nulla fere ratio est, cur locatio ædium superficiariarum sit prohibenda, vel prohibitio prorsus pugnat cum jure superficiario,

§. 142.

Si ad ædes superficiarias non datur ire nisi per fundum domini soli; cum jure superficiario concessum intelligitur etiam iter superficiarii. Idem intelligitur de via, si usus ædium superficiariarum eam exigat. Qui enim jus superficiarium concedit alteri, is eidem hendat iter, concedit, ut in solo suo habeat ædes (§. 120.). Quoniam vel viam. igitur necesse est, ut qui ædes inhabitat ad ædes quoque ire possit; si ad superficiarias ire non datur nisi per prædium domini soli, necesse utique est, ut superficiario quoque concedat jus eundi per prædium, vel fundum suum, ad ædes suas, quas in solo ipsius habet. Atque adeo patet, cum jure superficiario concessum quoque intelligi iter (§. 1327. part. 5. Jur. nat.). *Quod erat unum.*

Quodsi usus ædium superficiariarum exigat viam; eodem modo patet, viam quoque in concessione juris superficiarii contineri (§. 1340. part. 5. Jur. nat.). *Quod erat alterum.*

E. gr. Ego tecum convenio, ut in solo tuo horreum meo sumtu habere liceat. Quodsi ad horreum non pateat via, nisi per

per prædium tuum; ecquis dubitabit, te pati debere, ut per prædium tuum non modo ad horreum eatur & agatur, verum etiam vehatur, ducatur, feratur, trahatur, quicquid in horreum, vel ex eo vehi, duci, ferri aut trahi debet. Per se hoc intelligitur, neque adeo necesse est, ut expresse de eo conveniatur. Quodsi enim dominus soli viam concedere nollit, nec poterat concedere, ut horreum extruam & extructum habeam in solo ipfius: alias enim horreum nullius esset utilitatis. Facile autem intelligitur, jus superficiarium non continere viam, si aliunde, quam per prædium domini soli, ad horreum perveniri possit, quamvis commodius accideret, si pateret via per prædium domini soli. Neque enim quod tibi utilius, id cum onere suo tibi tacite concessisse præsumitur dominus soli (§. 428. 328. part. 3. Jur. nat.).

§. 143.

Quando potestas alienandi ades superficariis conceditur Si dominium saltem utile in superficariis adibus conceditur superficario determinatiue, nominatis certis personis, pro quibus constitutum jus superficarium esse debeat; naturaliter potestas alienandi concessa non intelligitur, nisi expresse in contractu superficario fuerit permiffa. Etenim si in superficariis adibus dominium saltem utile fuerit concessum superficario determinatiue, nominatis certis personis, pro quibus jus superficarium constitutum esse debet; dominus soli adium superficariarum pleno jure fit dominus, si nulla amplius extet persona, pro qua constitutum jus istud (§. 139.). Plurimum adeo interest, utrum personæ nominatæ referantur ad primum acquirentem, an vero ad quemcunque alium, in quem jus superficarium alienatum fuerit (not. §. 52.). Quodsi ex verbis contractus pateat, personas nominatas ad primum acquirentem referri, veluti si dicatur, jus superficarium competere debere ipsi & ejus liberis primi, vel etiam secundi gradus; tum dubium non est, quin potestas alienandi non sit concessa. Quodsi vero ex verbis contractus non satis pateat, utrum

utrum personæ nominatæ ad primum acquirentem referantur, nec ne; ea tamen mens fuisse intelligitur domini soli, a cujus voluntate pendet lex constituendi jus superficiarium (§. 984. part. 3. Jur. nat.), ut intelligantur personæ in relatione ad primum acquirentem sic nominatæ, cum nulla adsit necessitas, ut a naturali hac interpretatione verborum recedamus, consequenter nec in hoc casu alienandi potestas intelligitur superficiario concessa. Atque adeo patet, in hypothesi propositionis præsentis alienandi potestatem naturaliter competere non posse, nisi in contractu superficiario, ex quo metiendum est jus superficiarii (§. 129.), fuerit permessa.

In Jure naturæ sumitur, dominum soli concedere alteri, ut suo sumtu habeat ædes in eodem. Quicquid ex eo necessario sequitur, id juris naturalis est, si nihil præterea fuerit conventum. Enimvero quicquid conveniri potest de ista concessione, id naturali Jure valet, quatenus pacta eodem jure sunt servanda (§. 789. part. 3. Jur. nat.). Et per hæc pacta etiam immutari possunt, quæ alias forent juris naturalis, quatenus naturaliter de jure proprio unicuique permissum est disporre pro lubitu suo. Quodsi hæc probe perpendas, facile intelliges, quomodo reperire liceat, quæ de negotio quocunque valeant jure naturali.

§. 144.

Naturaliter etiam ita conveniri potest, ut superficie alienata An laudemium superficiarius cum domino soli contractum superficiarium renovare sit solvitur & laudemium certum solvere teneatur. Quoniam enim vendum, a domino soli jus superficiario constituit in solo suo (§. 120.), ab ejus voluntate pendet, qua lege idem constituere velit superficiarius alienatus (§. 984. part. 3. Jur. nat.). Quodli ergo aliter constituere nolit, nisi ut superficie alienata novus superficiarius cum domino soli contractum superficiarium renovet ac laudemium

certum solvat; quin ita conveniri possit, quando de jure superficiario contrahitur (§. 128.), dubitandum non est.

Novum superficiarium ad præstandum laudemium alicubi adstringunt mores, quemadmodum observat *Frantzkius* de Laudem. c. 3. n. 3. c. 4. n. 45. & c. 13. n. 1. Nil enim obstat, quo minus jus superficiarium constituatur ad imitationem juris emphyteutici, cum jus emphyteuticum constitui possit in sola superficie, ita ut dominus emphyteuseos maneat dominus soli pleno jure. Et revera jus superficiarium, quale agnoverunt Romani, non differt a jure emphyteuticario in sola superficie constituto. Quamobrem nec dubitandum, quod huc respexerint, qui mores solvendi laudemium pro susceptione novi superficarii introduxerunt, quia novus emphyteuta regulariter juxta Jus civile laudemium solvit. Quodsi animo recolas, quæ modo dicta sunt (not. §. 144.); nihil supererit circa propositionem præsentem difficultatis.

§. 145.

De canone præterito a novo superficario solvendo.

Si superficario tantummodo dominium utile in superficie concessum; novus superficarius solarium præteritum non solum solvere tenetur. Quodsi enim superficario tantummodo dominium utile in superficie concessum, solarium non modo is solvit pro usu fundi seu soli tanquam conductor (§. 1195. part. 4. *Jur. nat.*), verum etiam in recognitionem dominii directi, quod habet dominus soli in ipsa superficie (§. 1. 3.). Jus igitur, quod habet superficarius in superficie, convenit cum jure emphyteuticario (§. 12.). Quamobrem cum novus emphyteuta solvere teneatur canonem præteritum nondum solutum (§. 25.); novus quoque superficarius solarium præteritum nondum solutum solvere tenetur.

Nimirum quando tantummodo dominium utile conceditur superficario in superficie, ad jus emphyteuticarium animum attendisse intelliguntur contrahentes. Quamobrem in eo casu

jure emphyteuticario statuendum quoque est de jure superficario, nisi contractus superficarius aliud aperte loquatur.

§. 146.

Naturaliter superficario competit jus superficiem vindicandi De jure vindicandi *adversus quemlibet possessorem, etiam adversus ipsum dominum dicandi soli.* Etenim naturaliter superficarius est dominus superficiei pleno jure, nec quicquam in eâ competit domino soli (§. 120. 122.). Quamobrem cum domino competat jus rem suam vindicandi adversus quemlibet possessorem (§. 544. part. 2. *Jur. nat.*); naturaliter superficario competit jus superficiem vindicandi adversus quemlibet possessorem, etiam adversus ipsum dominum.

Quodsi dominium utile tantummodo fit concessum in superficie, dominio pleno non deest nisi pars quædam proprietatis (§. 1.), domino directo, hic domino soli, reservata (§. 3.). Quamobrem cum dominus utilis omnem ex re utilitatem percipiat solus (§. 1.), adeoque hoc jure excludat omnes ceteros, jure autem suo uti frui non possit, quamdiu rem alius detinet, nec ipse eandem in potestate sua habet (§. 461. part. 4. *Jur. nat.*); rem, in qua dominium utile habet, utique exigere potest a quocunque possessore, & si eam restituere nolit, ipsum vi adigere, ut restituat, consequenter jus rem vindicandi habet (§. 543. part. 2. *Jur. nat.*). Atque adeo patet, naturaliter quoque superficario competere jus superficiem vindicandi adversus quemlibet possessorem, ipsum etiam dominum soli, etsi tantummodo dominium utile in superficie habeat.

§. 147.

Superficiarius superficiem sartam tectam servare debet suis Quinam sumptibus. Etenim jus superficarium in hoc consistit, ut li-des superficeat suo sumtu in solo alieno habere ædificium (§. 120.); *ciarias sar-*
five

tas tectas five igitur superficiarius ædium superficiariarum sit pleno jure dominus, five saltem dominus utilis; necesse est, ut suis sumptibus superficiem factam tectam servet.

Est nimirum de essentia juris superficiarii, ut omnes sumptus in superficiem impendendi fiant a superficiario, adeoque jus superficiarium minime foret, si ita conveniretur, ut dominus soli præstaret ædes ad usum eum aptas, quem intendit superficiarius. Id locatoris est, qui cum pro usu accipiat pensionem, ædes quoque præstare debet eidem usui aptas. Neque etiam illud æquitati contrariatur. Cum enim omnem utilitatem ex ædibus superficiariis percipiat superficiarius, nihil vero dominus soli, nisi solarium pro usu soli; æquum omnino est, ut qui commodum habere vult etiam faciat sumptus, sine quibus id haberi nequit.

§. 148.

De jure superficiario extenso.

Jus superficiarium naturaliter extendi potest etiam ad alias superficies, quam ædes, veluti ad habendum hortum, vineam, sylvam, piscinam immo arborem, suo sumtu in solo alieno. Neque enim repugnat, ut alius sit dominus five jure pleno, five dominus utilis superficiem alterius cujusdam, quam ædium, alius vero dominus five solius soli, five etiam directus superficiem, ut adeo tanquam dominus pleno jure, vel tanquam dominus utilis habeat superficiem ab ædibus diversam in alieno solo suo sumtu. Quamobrem cum tunc jus, quod habet, conveniat cum jure superficiario (§. 120.); naturaliter utique jus superficiarium extendi potest etiam ad alias superficies, quam ædes, veluti ad habendum hortum, vineam, sylvam, piscinam, veletiam arborem suo sumtu in solo alieno.

Quicquid conveniri potest de ædibus superficiariis; idem etiam conveniri potest de horto, vinea, sylva, piscina & arbore superficiariis. Facile hoc intelligitur, modo ea, quæ antea demonstrata fuerunt de ædibus superficiariis, ad alias superficies applicare velis.

§. 149.

Naturaliter non repugnat ita conveniri, ut certo casu jus superficiesiarium committatur & superficies pleno jure a domino soli acquiratur. Quod si enim ita convenitur, pœna adjicitur in contractui superficiesiario (§. 606. part. 3. Jur. nat.). Quamobrem cum a voluntate domini jus superficiesiarium constituentis unice pendeat, qua lege id constituere velit (§. 984. part. 3. Jur. nat.), & ex contractu superficiesiario metienda sit obligatio superficiesarii & jus domini soli (§. 129); dubium non est, quin naturaliter ita conveniri possit, ut certo casu jus superficiesiarium committatur & superficies pleno jure a domino soli acquiratur.

Quamvis adeo jure Romano jus superficiesiarium non amittatur, si solarium solvere cesset, vel nolit superficiesarius; nil tamen obstat, quo minus pœna hæc conventionalis adjici possit contractui superficiesiario, præsertim si dominium utile saltem concessum in superficie jam extante vel liberaliter, vel pro exiguo pretio, ac solarium non respondeat utilitati ex superficie percipiendæ. Neque enim diffiteri possumus, pœnam commissi in jure superficiesiario posse esse iniquam, veluti si quis ædes suo sumtu extruxerit & solarium usui fundi, cui impositæ sunt, respondens solvatur. Ast tum nec facile qui sapit in pœnam commissi consentiet.

§. 150.

Cui jus conceditur habendi certam quandam superficiem in solo alterius suo sumtu; is ejus loco aliam habere nequit. Etenim cum plus juris tibi arrogare nequeas, quam in te conferre dominus jus superficiesiarium in solo suo tibi constituit; extemplo patet, si tibi concessum est hanc in solo alterius tuo sumtu habere superficiem, te quidem hanc superficiem in eo habere posse, non vel aliam.

(Wolffii Jur. nat. Pars VI.)

P

E. gr.

E. gr. Si tibi concedo habere ædificium tuo sumtu in solo meo, non tibi licet loco ædium, quas extruere nolis, in eo condere hortum. Quamobrem etsi naturaliter destructo ædificio ædes alias excitare liceat (§. 132.); non tamen licet in solo plantare arbores, ædificio collapsio. Non alium tibi arrogare potes usum soli alieni, quam qui tibi concessus.

§. 151.

An superficiarius usumfructum etiam superficiei alteri concedere possit.

Superficiarius usumfructum superficiei alteri concedere potest. Etenim superficiarius superficiei in solo alterius posita pro arbitrio uti frui potest (§. 130.). Quamobrem cum nihil fiat contra jus domini soli, sive superficiei ipsæ utatur fruatur, siue alii concedat, ut eadem utatur fruatur (§. 239. part. 1. Phil. pract. univ.); nil sane obstat, quo minus alteri concedere possit, ut superficiei utatur fruatur (§. 910. part. 1. Jur. nat.). Quamobrem cum ususfructus alteri concedatur, si quis patitur, ut alius re sua utatur fruatur, salva substantia (§. 1420. part. 5. Jur. nat.); superficiarius utique usumfructum superficiei alteri concedere potest.

Nimirum superficies vel pleno jure superficiarii est, vel saltem dominium utile in eadem habet: in utroque igitur casu de ususfructu rei tanquam dominus pro arbitrio suo disponit.

§. 152.

De poena ob non solutam pensionem annuam.

Naturaliter tam in contractu emphyteutico, quam censitico & superficiario ita conveniri potest, ut, nisi in ipso termino solvatur canon, census vel solarium, propter moram certa lege augeatur. Etenim si ita convenitur, ut, nisi in ipso termino solvatur canon, census vel solarium, propter moram certa lege augeatur; in contractu emphyteutico, censitico & superficiario poena adjicitur, si emphyteuta, censuarius vel superficiarius in termino præcise non solvit pensionem annuam (§. 606. part. 3. Jur. nat.). Quamobrem cum poena non alio
sine

sine adjiciatur, quam ut pensio in certo termino solvenda præcise solvatur (§. 288. *part. 1. Phil. pract. nrw.*), ad præcise autem solvendum canonem, censum & solarium emphyteuta, censuarius & superficiarius obligentur (§. 665. *part. 5. Jur. nat.*); naturaliter minime repugnat in contractu emphyteutico, censitico & superficiario ita conveniri, ut, nisi in ipso termino solvatur canon, census & solarium, propter moram certa lege augeatur.

Augere pensionem, quæ solvenda, ob moram & in augenda pensione pergere ob moram continuatam in se nec iniquum, nec absurdum est, præsertim in statu naturali, cum hoc modo adigatur debitor ad solvendum, modo pœna ipsa aut potius lex, qua pensio non soluta ob moram augeri debet, nihil iniqui in se habeat. Accedit, quod dominus emphyteuseos, census & soli pœnam remittere possit, ubi videt nullam adesse emphyteutæ, censualis & superficiarii contumaciam (§. 117. *part. 3. Jur. nat.*), immo jure interno remittere debet, si emphyteuta, censuarius & superficiarius de mora se purgare possit (§. 653. *part. 3. Jur. nat.*), allegando scilicet impedimentum inevitabile ac insuperabile (§. 650. *part. 3. Jur. nat.*). Lex, juxta quam ob moram continuatam incrementum capere debet quod solvendum, cum natura non definiatur, a consensu contrahentium pendet. Olim jure Saxonico pœnæ loco census singulis diebus, quibus censualis cessabat solvere, in progressionem geometrica dupla crescebant, ita ut si hodie non solveretur census, cras solvendus esset duplus, si cras non solveretur, tertio die solvendus esset quadruplus ac ita porro. Vid. *Rand. Recht* lib. 1. art. 54. Durum hoc videtur: at facile intelligitur, cum censualis non incideret in pœnam commissi ob census non solutum, talem legem pœnæ esse constitutam, quæ tendit ad jus censiticum committendum. Quando igitur pœna commissi iniqua censeri nequit, nec pœnalis conventio, de qua hic sermo est, iniqua pronunciari potest. Suo autem loco ostendemus, ubi paciscentibus relicta est naturaliter libertas determinandi ea, de quibus convenitur; ibi etiam in civitate Re-

Æori ejusdem competere potestatem præscribendi, quomodo determinari debeant.

§. 153.

*Pensiones
promobiles
quamam sint.*

Pensiones, quæ ita promittuntur, ut, solutione statò die non facta, postea ob moram certa lege continuo augeantur, *quamam sint. Pensiones promobiles*, idiomate patrio *Nützscher Zinsen*, appellantur.

Monet *Carpzovius* in *Jurispr. for. Romano-Saxon. part. 2. const. 38. def. 25.* hoc genus pensionum in foro Saxonico quondam frequentius fuisse, hodie autem rarius esse. Observat vero, iis in locis, ubi consuetudine ac usu adhuc receptæ sunt, legem progressionis geometricæ mutata esse in legem progressionis arithmeticæ numerorum naturalium, ita ut, nisi statò die solvatur pensio, secunda die solvendum fit duplum, tertia triplum, quarta quadruplum ac ita porro. Ita gradu multo lentiori proceditur ad privationem, quam si progressioni geometricæ locus sit. Immo tum pœna hæc non solutæ pensionis multo mitior est pœna privationis. Notandum vero non esse de essentia pensionum promobilium, ut vel secundum numerum dierum, quibus debitor in mora est, crescant, vel diebus progredientibus in ratione arithmetica ipsæ progrediantur in geometrica dupla; sed legem incrementi, quamvis in ea determinanda semper respiciendum sit ad tempus moræ, infinitis modis variari posse, ut pensionum hoc genus ab æquitate tanto minus recedat. E. gr. Ita conveniri potest, ut, nisi intra mensem solvatur pensio, in fine mensis primi a termino solutionis elapsi solvi debeat duplum, elapsis duobus mensibus triplum, tribus elapsis quadruplum ac ita porro. Immo eodem modo crescere possunt pensiones juxta quadrantes anni. Quæ enim a libertate contrahentium pendent, ea omni possibili modo determinari possunt, ac contrahentium est eligere eum, qui placuerit. Quamobrem ita etiam conveniri potest, ut pensiones tantummodo crescant usque ad certum terminum, quem ubi attigerunt, is, cui solvendæ, uti debet suo jure vi adigendi

gendi contumacem ad solvendum debitum, quod mora contraxit. Nemo non videt dari theoriam juris naturalis de pensionibus promobilibus, ut ad æquitatem reducantur, ne jus externum, quod ex contractu derivandum, degeneret in ini-quitatem ac juri interno adversetur: ast nostrum non est talia jam fusius prosequi, quæ non multum habent usum.

CAPUT II.

De Feudo.

§. 154.

Fidelis alteri dicitur, qui ad officia quævis humanitatis, *Fidelitas* ea præsertim, quibus damna quævis avertuntur ac *quid sit.* commoda promoventur, præstanda & si qua speciali-ter conventa fuerint, promptus est. Promptitudo officia ista præstandi, vel etiam complexus istorum officiorum *Fidelitas* vocatur.

Definitionem hanc fidelitatis derivavimus ex forma fidelita-tis, qualis describitur II. f. 6 Ibi enim legitur: Qui domino suo fidelitatem jurat, ista sex in memoria semper habere de-berere, 1. *incolumem*, ne sit damno domino de corpore suo; 2. *tutum*, ne sit ei in damno in secreto suo, vel de munitioni-bus suis, per quas tutus esse potest, 3. *honestum*, ne sit ei da-mno de sua justitia, vel de aliis causis, quæ ad honestatem e-jus pertinere videntur: 4. *utile*, ne sit ei in damno de suis possessionibus: 5. *facile*, ne id bonum, quod dominus suus facere leviter poterat, faciat ei difficile: 6. *possibile*, ne id, quod possibile ei erat, faciat impossibile. Additur vero, quod in sex prædictis consilium & auxilium domino quoque præstare debeat. Disertius idem exponitur in nova forma jurisjurandi fidelitatis, quod præstat vasallus domino, tit. seq. Jurare e-nim debet, se nunquam scienter fore in consilio, vel in facto, quod dominus amittat vitam, vel membrum aliquod; vel quod recipiat in persona aliquam læsionem, vel injuriam, vel con-

tumeliam; vel quod amittat aliquem honorem, quem nunc habet, vel in antea habebit, & si sciverit, vel audiverit de aliquo, qui velit aliquid istorum contra ipsum facere, pro posse suo, ut non fiat, impedimentum præstiturum. Et si impedimentum præstare nequiverit, auxilium suum præstiturum. Et si impedimentum præstare nequiverit, quam cito poterit, illi nuntiaturum, & contra eum, prout poterit, auxilium suum præstiturum. Et si contigerit, dominum rem aliquam, quam habet, vel habebit, injuste vel fortuito casu amittere, ut eam recuperare se juvaturum, & ut recuperatam omni tempore retineat. Et si sciverit, dominum velle juste aliquem offendere, & inde generaliter, vel specialiter fuerit requisitus, suum se ipsi, sicut poterit, præstiturum auxilium. Et si aliquid sibi de secreto manifestaverit, illud sine ipsius licentia nemini se pandere velle, vel per quod pandatur facere, & si consilium sibi super aliquo facto postulaverit, se illud ipsi daturum consilium, quod sibi videbitur magis expedire eidem, & nunquam ex persona sua aliquid facturum scienter, quod pertineat ad domini vel suorum injuriam vel contumeliam. Quodsi hæc perpendas & cum iis, quæ de officiis erga alios demonstravimus in parte prima Juris naturæ ac passim etiam in secunda conferre volueris; facile patebit, in jure feudali ad fidelitatem requiri omnia humanitatis officia, ea præsertim, quæ ad damna avertendum & commoda promovendum requiruntur, ut adeo dubitandum non sit, nos terminum fidelitatis accipere in significato recepto. Per inconstantiam vero loquendi Fidelitas dicitur jusjurandum, quod a vasallo præstatur domino, II f. 4. quia scilicet eodem se obligat vasallus domino ad fidelitatem. In nostro autem Jure inconstantia loquendi locum non habet, adeoque ab hoc significato abstinemus. Præmittenda autem erat definitioni feudi definitio fidelitatis, quia illa sine hac intelligi nequit. Quamobrem ne quis dubitet, nos feudum sumere in eodem præcise significato, quo accipitur; perspicue doceri debebat, nos terminum fidelitatis sumere in significato recepto.

§. 155.

Feudum vocatur dominium utile in re sua alteri a domino concessum sub conditione fidelitatis mutuae. *Feudum quid sit.*

Notionem hanc feudi analytice adstruximus in Horis subsecivis Marburgensibus A. 1729. n. 2. §. 2. & eam non recedere a significato vocabuli recepto ostendimus. Equidem definitio hæc videri poterat tantummodo convenire feudo dato, minime autem oblato; nullum tamen esse hoc dubium deinceps patebit, quando differentiam inter feudum datum & oblatum declaraturi sumus.

§. 156.

Res infendari dicitur, in qua feudum constituitur. Unde *Infendatio* est constitutio feudi in re aliqua. Quamobrem *quid sit.* cum feudum sit dominium utile in re sua alteri a domino concessum sub conditione fidelitatis (§. 154.), dominium vero plenum contineat & utile, & directum (§. 1. 3. h. §. 137. part. 2. Jur. nat.); *si res infendatur, dominium plenum dividitur in utile ac directum inter duas personas sub conditione mutua fidelitatis.*

Patet adeo feudum convenire cum emphyteusi, quod utrobique dominium utile a directo separetur, & illud alicui competat sub conditione certæ præstationis; in eo autem duo hæc jura a se invicem differre, quod in emphyteusi dominium competat sub conditione præstandi canonis, seu certæ pensionis annuæ, in feudo autem sub conditione præstandæ fidelitatis. Atque hinc intelligitur emphyteusin atque feudum tanquam duas species substare eidem generi, ac quomodo infendatio discernatur ab emphyteuticatione.

§. 157.

Res feudalis dicitur, in qua feudum est constitutum. Idiomate patrio vocatur ein Lehngut. *Res feudalis quanam sit.*

Per

Për inconstantiam loquendi vocatur ea etiam feudum: sed ab ea nobis abstinendum est in Jure naturæ, quæ non admittit hõmonymiam, sed fixum requirit terminorum significatum, quemadmodum sæpe monuimus.

§. 158.

Domini feudi & vasalli dominus feudi, seu dominus simpliciter: qui utile habet, va-
definitio. fallus vocatur.

Qui dominium directum in re feudali habet, dicitur

Nimirum quando feudum constituitur, dominium utile ac directum dividitur, inter duas personas, quarum altera fit dominus utilis, altera directus (§. 156.). Qui adeo nomine generali vocatur dominus utilis, hic in specie vocatur Vasallus, quemadmodum emphyteuta in emphyteusi, & qui nomine generali dominus directus appellatur, hic in specie dominus feudi audit, quemadmodum dominus emphyteuseos in emphyteusi. Quando autem in utroque casu dominus directus simpliciter dominus dicitur, id fit brevitatis gratia per ellipsin, ut in priori casu subintelligatur ex substrata materia feudum, in posteriori emphyteusis, tanquam res, cujus autor est dominus superior.

§. 159.

Jus vasalli in re feuda-
li.

Quoniam vasallus dominium utile in re feudali habet (§. 158.), dominium vero utile continet jus utendi fruendi nullo modo restrictum, proprietatem vero certo quodam modo ad alium restrictam (§. 1.); vasallo comperit jus utendi fruendi re feudali prorsus irrestrictum, ast proprietatem non nisi restrictam habet, consequenter is de usu ac fructu rei feudalis pro arbitrio suo, non autem prorsus pro arbitrio de ipsa substantia disponere valet (§. 2.).

Vide, quæ supra de jure domini utilis annotavimus (not. §. 2.).

§. 160.

§. 160.

Similiter quia dominus feudi dominium directum habet *Jus domini* in re feudali (§. 158.), dominium vero directum consistit in *feudi in genere* parte proprietatis, quæ per ejus restrictionem domino utili *vere* adempta (§. 3.); *dominus feudi partem proprietatis*, adeoque *juris disponendi de ipsa substantia rei feudalis* (§. 131. *part. 2. Jur. nat.*), quod *vasallo ademptum, in re feudali habet*, & hinc *pro ea parte proprietatis, quæ ipse est, de ipsa substantia rei disponere potest*, & *quando ipso inscio ac invito vasallus disponere audeat, actus ipso jure nullus est* (§. 4.).

Religenda hic sunt, quæ supra annotavimus (*not. §. 3. 4.*).

§. 161.

Substantialia feudi vocamus determinationes essentielles, *Substantia-* per quas feudum in genere concipitur. Quoniam itaque *genus feudi* ea continet, quæ speciebus omnibus communia sunt *quædam di-* (§. 234. *Ontol.*); *substantialia feudi omni feudo insunt, nec ab eo capiuntur*. *abesse possunt*. Et quoniam feudum est dominium utile in re sua alteri a domino concessum, cui adeo directum competit (§. 1. 3.), sub conditione mutua fidelitatis (§. 155.); *substantialia feudi sunt respectu vasalli dominium utile in re feudali, & fidelitas domino directo præstanda, respectu autem domini feudi dominium directum & fidelitas vasallo præstanda*.

Fidelitas a domino directo vasallo præstanda requiritur *etiam* II. f. 6. Diserte enim legitur: Dominus quoque in his omnibus vicem fidei suo reddere debet; quod si non fecerit, merito censebitur maleficus. Quamvis adeo vulgo in definitione feudi tantummodo mentio fiat fidelitatis a vasallo præstandæ, non tamen propterea negatur, dominum quoque vasallo fidelitatem debere. Equidem ad substantialia quidam etiam referre solent attributa, quæ non minus constanter insunt (§. 150. *Ontol.*). Sed cum ea per essentialia determinentur (§. 146. *Ontol.*), adeoque ex definitione exulare debeant (*Wolfii Jur. Nat. Pars VI.*)

(§.950. *Log.*); nobis placet substantialia in significato strictiori accipere, ubi ea consideramus, quæ ad feudum tanquam jus quoddam peculiare concipiendum requiruntur, & ea, quæ ad feudum in genere concipiendum requiruntur, distinguimus ab iis, quæ speciebus diversis constituendis inserviunt. Legi hic possunt, quæ in Horis subsecivis loc. cit. (*not.* §.155.) uberius eam in rem diximus.

§. 162.

Naturalia feudi quænam dicantur.

Naturalia feudi dicuntur determinationes essentielles, quæ constituunt differentiam specificam feudi communiter auctoritate legis vel moribus recepti.

Ita e. gr. inter naturalia feudi in Germania refertur jurata promissio fidelitatis a Vasallo requisita. Etenim in genere ad feudum minime requiritur, ut promissio fidelitatis sit jurata, quemadmodum deinceps videbimus. Sed propterea feudum non desinit tale esse, quod vasallus jurato non promiserit fidelitatem. Quando tamen de essentia feudi est, ut jurata sit promissio, nec alias jus hoc subsistere possit; hæc promissio ad differentiam specificam feudi recepti ab aliis speciebus pertinet. Vide quæ alibi, nempe in Horis subsecivis loc. cit. §. 4. uberius exposita sunt. Substantialia unico tantum modo determinabilia sunt, sed naturalia ad ea pertinent, quæ istis manentibus iisdem non uno modo determinari possunt, hoc tamen modo vel auctoritate legis, vel moribus ordinarie ita determinantur, nisi per pactum determinentur aliter. Nimirum promissio fidelitatis fieri potest cum juramento, fieri etiam potest sine juramento, & quando non fit cum juramento, fieri potest cum asseveratione, vel sine eadem. Quod igitur auctoritate legis, vel moribus introducitur, qui vim legis obtinent, illud tanquam naturale ad feudum requiritur.

§. 163.

Accidentalium feudi

Accidentalium feudi dicuntur determinationes essentielles, quæ constituunt differentias specificas specierum feudorum

a specie juris autoritate vel moribus communiter recepta diversarum.

quoniam di-
cuntur.

E. gr. Inter accidentalia feudi referri solent obligatio vasalli ad officia insolita atque liberatio ab omnibus servitiis, quæ ordinariè præstanda sunt, quia nimirum hæc ordinariè feudo non insunt, quale autoritate legis ac moribus introductum, Juxta naturæ legem non datur feudum ordinarium, nec respectu hujus cetera dicuntur extraordinaria, & libertati uniuscujusque relictum est, quomodo ea determinare velit, quæ in notione generali feudi indeterminata variis modis determinari possunt (§. 984. part. 3. Jur. nat.). Quamobrem in Jure naturæ nulla datur differentia inter accidentalia & naturalia feudi, nec utilitatem ullam habet distinctio substantialium ab accidentalibus & naturalibus. Quoniam vero Feudistæ multa de substantialibus, naturalibus & accidentalibus feudorum loquuntur; terminos hosce vel ideo explicare debuimus, ut pareret, distinctionem istam in Jure naturæ non habere locum & nullius proflus esse utilitatis, etsi a substantialibus accidentalia & naturalia communi quodam nomine distinguere velis, ut in illo admitti possit. Ceterum si distinctionem istam penitus inspicere volueris, legenda sunt ea, quæ de notione substantialium, naturalium & accidentalium feudi commentati sumus in Horis subsecivis Marburgensibus A. 1729. trim. æstiv. n. 2. & ad quæ jam ante (not. §. 155. 160. 161.) provocavimus. Utuntur interpretes Juris civilis etiã in contractibus distinctione eorum, quæ contractibus insunt; in substantialia, naturalia & accidentalia, ita ut *substantialia* dicantur, quæ contractui constanter insunt, nec unquam ab eo abesse possunt, *naturalia*, quæ ordinario accedere solent & *accidentalialia*, quæ nec necessario, nec ordinario insunt, inesse tamen possunt, adeoque extraordinariè accedunt. Enimvero hanc ipsam distinctionem in doctrina contractuum insuper habuimus, tum quia in Jus naturæ minime quadrat, tum quia reformata, ut admitti in eo possit, nullam tamen habet utilitatem.

§. 164.

Unde *vari-* *A voluntate feudum constituentis pendet, quas determinatio-*
ant determi- *nes substantialibus superaddere velit.* Quoniam enim feudum est
nationes a *ius in re aliena alteri constitutum (§. 155.), a constituentis*
substantiali- *utique voluntate pendet, qua lege id constituere velit (§.*
bus diversa. 984. *part. 3. Jur. nat.), consequenter quomodo ea determi-*
nare velit, quæ in notione generali feudi determinata non
sunt. Quamobrem cum determinationes essentielles, quæ
 insunt notioni feudi in genere, substantialia feudi sint (§. 161.);
 a voluntate feudum constituentis utique pendet, quas deter-
 minationes substantialibus superaddere velit.

Nimirum cum determinationes, quæ substantialibus adjici-
 untur, ita sint comparatæ, ut per hæc non determinentur, ali-
 as enim jam feudo inessent, nec demum adjici deberent, nec
 tamen repugnet, ut cum substantialibus una insint feudo, alias
 enim adjici non possent; ideo patet, eas in essentialium nume-
 rum referendas esse (§. 143. *Ontol.*), adeoque quia generis no-
 tioni non insunt *per hypoth.* ad differentiam specificam pertine-
 re (§. 236. *Ontol.*), & sic earum adjectione certam feudi spe-
 ciem determinari. Quamobrem quando voluntate constitu-
 entis adjiciuntur substantialibus certæ determinationes, hoc
 perinde est, ac si e multis speciebus feudorum possibilibus eli-
 gatur una, quæ præ ceteris placuerit, vel cujus nobis notio
 occurrit. Quoniam adeo vi libertatis naturalis constituens eam
 eligere potest, quam voluerit (§. 156. *part. 1. Jur. nat.*); ideo
 eas quoque determinationes substantialibus superaddere potest,
 quas voluerit. Et quamvis jus naturæ perfectivum nos obli-
 get ad eligendum id, quod in dato casu melius (§. 193. *part. 1.*
Phil. pract. notu.); jure tamen externo non attendenda hæc ob-
 ligatio (§. 157. *part. 1. Jur. nat.*). Cumque hæc disquisitio
 pertineat ad constituentem; de ea ut sollicitus sit alter, cui feu-
 dum constituitur, opus non est (§. 422. *part. 3. Jur. nat.*).
 Jure adeo externo indifferens censetur electio, modo caveatur,
 ne quid adjiciatur, quod moraliter impossibile. Hactenus di-

Et proba perpendi velim: Jurem enim inexpectatam affundunt nonnullis, entium moralium, modo ea anisio comprehendens, quæ de ente in genere docuimus in Ontologia. Quomodo vero entia moralia rite concipi debeant, qui intellexerit, is in omni Jure intimius perspiciet, quæ vulgo nonnisi per transennam conspiciuntur, eidemque patebit via, qua sit eundem, et ad theoriam juris perfectivi perveniatur & jus externum interno maxime conformetur.

§. 165.

Nemo alteri feudum in re constituere potest, nisi dominus. Quinam
 Quando enim feudum in re constituitur, alteri constituitur *feudum in jus in re* (§. 153.). Enimvero nemo alteri jus in re constituere potest nisi dominus (§. 983. part. 3. Jur. nat.). *Quam- ere possit.*
 obrem nemo alteri feudum in re constituere potest, nisi dominus.

§. 166.

Quando dominus alteri constituit feudum in re sua, *Feudum da- rum quid sit.*
feudum dicitur datum.

Erenim cum dominium utile, quod una cum directo in re sua habet dominus, in alterum transfert (§. 155.), adeoque jus hoc, in quo consistit feudum (§. 153.), alteri dat (§. 675, part. 2. Jur. nat.).

§. 167.

Dominus rem suam alteri dare potest sub hac conditione, ut De re sua ipsi feudum in eadem constitutatur. A domini enim voluntate *ad infen-*
 pendet, quomodo dominium rei suæ in alterum transferre *dandum ob-*
 (§. 11. part. 3. Jur. nat.), consequenter rem suam alteri dare *lata.*
 velit (§. 675. part. 2. Jur. nat.). Quodsi ergo rem suam al-
 teri dare libuerit sub hac conditione, ut ipsi feudum in ea-
 dem constitutatur; quin hoc facere possit dubitandum
 non est.

Q3

Nimirum

Nimirum quia alteri res datur, is fit ejus dominus. Quoniam vero datur sub ea conditione, ut danti feudum constitutur in re data, adeoque cum onere constituendi feudi, cum non plus juris acquirere is possit, quam in eum transferre voluit dans (§. 382. part. 3. Jur. nat.); accipiens obligatur ad feudum in re data danti constituendum, adeoque dominium utile ipsi concedere tenetur sub conditione mutuae fidelitatis (§. 155.), consequenter non retinet nisi dominium directum (§. 1. 3.).

§. 168.

Feudum oblatum quid sit.

Quando danti constituitur feudum in re data, *feudum oblatum* dicitur.

Paret adeo, quenam differentia inter feudum datum & feudum oblatum. Quando enim feudum datur, res infeudata traditur a domino vasallo; quando offertur, res infeudanda offertur ab eo, qui plenum dominium habet, alteri, & infeudata ab eo recipitur. Quando traditur, dominium utile transfertur in alterum, qui nihil juris in re habebat, & transferens retinet dominium directum. Quando res infeudanda offertur, dominium plenum transfertur in alterum sub hac conditione, ut utile recipiatur, directum maneat apud eum, in quem plenum fuerat translatum. Atque adeo in utroque casu dominium utile conceditur vasallo a domino feudi, & vasallus recognoscit eum tanquam dominum directum, a quo feudum habet. Feuda primum appellata fuere *Beneficia*, quia dominium utile gratis concessum in re, in qua quis nihil juris habebat. Qui igitur rem suam infeudandam alteri obtulerunt, ut eandem per modum beneficium ab eo posthac haberent, eam ipsi dare utique debuerunt. Quamobrem non dubitamus feudum oblatum ita esse concipiendum, quemadmodum diximus. Equidem non ignoto, hanc assignari solere differentiam inter feudum datum & oblatum, quod illud constitutur translatione dominii utilis, reservato sibi directo, hoc vero translatione dominii directi, sibi reservato utili; non tamen proprie feudum constitui dicitur translatione dominii directi, cum enim in dominio utili consistat (§. 155.), feudum proprie loquendo non nisi translatione

tione domini utilis constituitur. Quamobrem ut ei, qui pleno jure rem habet, dominium utile in ea constitui possit, necesse est, ut ante constituentis propria fiat, quam feudum constituitur. Verum tamen est, dum res alteri datur sub ea conditione, ut infeudetur, dantem sibi reservare dominium utile, nimirum ut ipsi concedatur. Perinde igitur est, quomodo feudum oblatum concipere velis. Utrobique nimirum qui ante erat pleno jure dominus, tantummodo est dominus utilis, & alter, qui nihil juris in re habebat, dominus directus: quemadmodum ex adverso, si feudum fuerit datum, qui pleno jure ante erat dominus, tantummodo fit dominus directus, & alter, qui nihil juris in re habebat, dominus utilis.

§. 169.

Qui rem in feudum offert, condiciones offerre potest, sub quibus id constitui vult, seu significare, quas determinaciones substantialibus & rialibus superaddi velit. Etenim qui rem in feudum offert, is *accidentalibus feudo ob-* alteri dare vult rem suam sub ea conditione, ut sibi feudum *in ea constituitur (§. 168).* Quoniam itaque a domini *lato adfici-* voluntate pendet, quomodo dominium rei suæ in alterum *endis.* transferre velit (§. 11. part. 3. *Jur. nat.*); qui rem in feudum offert, condiciones utique offerre potest, sub quibus id constitui velit, seu quod perinde est, significare, quas determinaciones substantialibus superaddi velit, ut scilicet certa prodeat feudi species (§. 161. & seqq.).

Hoc minime contrariatur ei, quod supra demonstravimus a voluntate feudum constituentis pendere, quas determinaciones substantialibus superaddere velit (§. 164.), etsi sumatur feudum quoque oblatum constitui ab eo, cui res infeudanda offerretur. Etenim quamvis offerens offerat quoque condiciones feudi constituendi; ab alterius tamen voluntate pendet, num condiciones oblatas acceptare velit, an potius in iisdem quid immutare, aut alias offerre, ut adeo nec in hoc casu dici possit constituere feudum nisi sub iis conditionibus, quæ placuerint.

Quodsi

Quodsi enim interest offerentis, ut res infeudetur; in eas utique consentire tenetur condiciones, sub quibus infeudationem acceptare voluerit, qui infeudare debet.

§. 170.

Quomodo feudum constituitur.

Feudum constituitur pacto. Quando enim feudum constituitur, alteri jus constituitur in re aliena (§. 155.). Enimvero jus alteri constituitur in re aliena pacto (§. 988. *part. 3. Jur. nat.*). Ergo etiam feudum naturaliter pacto constitui debet.

Ostenditur etiam hoc modo. Quando feudum constituitur, tum vel dominium utile, vel directum ab eo acquiritur, qui plenum habebat (§. 166. 168.). Enimvero dominium plenum, vel directum pactione acquiritur ab eo, qui plenum habet (§. 11.). Feudum igitur pacto constituitur.

§. 171.

Contractus feudalis quonam sit.

Contractus feudalis vocatur, quo de feudo, quod constituitur, inter se conveniunt dominus feudi & vasallus, seu quo feudum constituitur & acquiritur.

Vide, quæ supra de contractu superficiario annotavimus (not. §. 128.).

§. 172.

Unde metiendum sit jus obligatio vasalli domini.

Quoniam in contractu feudali de constitutione feudi convenitur (§. 171.), nemo autem plus juris ab altero acceptione sua acquirere valet, quam in eum transferre voluit, nec ultra voluntatem suam alterum sibi obligare potest (§. 382. *part. 3. Jur. nat.*); *ex contractu feudali metiendum est jus, metienda obligatio tam domini feudi, quam vasalli.*

Equidem ex ipsa notione etiam feudi fluunt quedam jura ac obligationes; non tamen propterea nascuntur aliunde, quam ex contractu, quo feudum constitutum & acquisitum. Vi contractus enim tu dominus es, ego vasallus tuus sum, atque adeo tibi competunt jura vi notionis feudi domino competenti,

tia, quemadmodum mihi jura vafalli, & tu mihi teneris ad ea, ad quæ dominus qua dominus obligatur vafallo, ego tibi ad ea, ad quæ vafallus qua vafallus obligatur domino. Cum vero plura sint, de quibus convenitur in contractu, & quæ omni feudo non insunt; hæc unice dijudicanda sunt ex contractu feudali naturaliter. Jure enim positivo feudo inesse possunt, quæ ex lege veniunt, adeoque ex eadem definiuntur.

§. 173.

In contractu feodali definiendæ sunt determinationes, quas De quonam substantialibus superaddere visum est. Quoniam enim præter in contractu determinationes substantiales, quæ omni feudo insunt (§. 161.), feudali addantur adhuc aliæ, quæ differentiam specificam feudorum constituunt (§. 163.), & a voluntate feudum constituentis pendet, quasnam determinationes substantialibus superaddere velit (§. 164.); ideo necesse est, ut, dum feudum constituitur, definiantur determinationes, quas substantialibus superaddere visum est. Quamobrem cum de feudo, quod constituitur, conveniatur inter dominum ac vafallum in contractu feudali (§. 171.); in contractu feudali definiendæ sunt determinationes, quas substantialibus superaddere visum est.

In Jure naturæ non dantur nisi substantialia & non substantialia, nec hæc in naturalia & accidentalia distingui possunt, cum naturalia & accidentalia in eundem censum sint referenda (not. §. 163.). Quoniam vero non substantialia manentibus iisdem substantialibus variare possunt; necesse utique est, ut de his conveniatur (§. 382. part. 3. Jur. nat.). Quamvis enim a constituentis voluntate pendeat, quasnam determinationes substantialibus superaddere velit; necesse tamen est, ut a vafallo acceptentur. Immo nisi in contractu feudali definiantur, jura domini ac vafalli non forent certa, nec certæ forent obligationes, quæ tamen ex contractu isto metienda veniunt (§. 172.). Omnia igitur confunderentur, nisi determinationes prædictæ in contractu definiantur. Facile apparet, nos hic

(Wolffii Jur. Nat. Pars VI.) R loqui

loqui de eo, quod naturaliter valet: lege enim positiva in statu civili si certa feudi forma præscripta, a qua ne latum quidem digritum recedere liceat, ita ut pactis nihil in ea immutari, nec quicquam superaddi possit, tum utique in contractu feudali nihil superaddi poterit, nec tum dantur, nisi substantialia & naturalia feudi, seclusis accidentalibus.

§. 174.

*De feudi
constitutio-
ne lucrati-
va.*

Feudum constitui potest vel gratis, vel ut aliquid pro eo detur, aut fiat. Etenim vel dominus feudum alteri constituit in re sua (§. 166.), vel alteri datur res sub ea conditione, ut sibi feudum in eadem constituatur (§. 168.). Quoniam itaque a domini voluntate pendet, quomodo jus quoddam in alterum transferre velit (§. 11. part. 3. Jur. nat.); feudum quoque constitui potest vel gratis, vel ut aliquid pro eo detur, aut fiat.

Haud difficulter apparet constitutionem feudi tam gratuitam, quam onerosam esse posse tum ex parte domini feudi, tum ex parte vasalli, prouti feudum vel datur, vel oblatum est. De origine feudorum historica non sumus solliciti in Jure naturæ, multo minus ejus in definiendo feudo habenda ratio est, cum facta in Jure naturæ non sumantur, nisi quatenus possibilia sunt. Quamvis adeo ponamus, feuda ab initio fuisse data loco solarii pro servitiis præstandis; hoc tamen non attenditur in definitione feudi. Neque enim propterea feudum est jus aliquod possibile, sed quia istiusmodi jus possibile, hunc facere libuit ejus usum. Omne jus possibile fuit in ideis rerum, antequam de eo cogitarent homines, vel ejus aliquem usum facerent. In Jure naturæ perinde est, sive feuda ab initio fuerint data, sive oblata, & quacunque de causa constituta. Quæ enim ad historiam pertinent, ex illo exulare debent.

§. 175.

*De modo,
quo feudum
conceditur.*

Feudum constitui potest vel ad certum tempus, vel in perpetuum, sive simpliciter, sive determinative, nominatis certis personis,

personis, ad quas transmitti queat. Ostenditur eodem prorsus modo, quo idem de emphyteusi demonstratum (§. 29.).

Emphyteusis, & feudum in eo conveniunt, quod dominium utile alicui in re concedatur: in eo autem differunt, quod idem non concedatur utrobique sub eadem conditione, cum emphyteusis constituatur sub conditione solvendi canonis, feudum vero sub conditione mutue fidelitatis (§. 12. 155.). Immo naturaliter emphyteusis non minus esse potest tam data, quam oblata, quemadmodum feudum. Quemadmodum enim ostendimus (§. 167.), dominum alteri rem suam dare posse sub hac conditione, ut ipsi feudum in eadem constituatur, unde oritur feudum oblatum (§. 168.); eodem etiam modo ostenditur, posse dominum rem suam alteri dare sub hac conditione, ut emphyteusis ipsi in eadem constituatur, unde emphyteusis erit oblata, quippe quæ danti constituitur in re data. Facile patet, generalem dari theoriam emphyteuseos ac feudi, quippe quæ duo jura sub eodem genere continentur, quamvis id ipsum peculiari nomine destituatur. Neque enim dici potest genus hoc esse dominium utile, cum non tam sit dominium utile simpliciter spectatum, quam sub certæ cujusdam præstationis conditione concessum alteri: fit ita quod communiter emphyteusis & feudum pro speciebus dominii utilis tanquam generis remotioris habeantur. Nimirum naturaliter non repugnat, ut quis dominium utile, alter directum habeat absque ulla conditione, ita ut neque canon præstandus sit, neque fidelitas; sed utilitas in eo tantum consistat, ut dominus directus certo casu fieri possit pleno jure dominus, ne separatio dominii directi ab utili sit actus temerarius (§. 277. part. 3. Jur. nat.), in Jure naturæ non admittendus (§. 278. part. 3. Jur. nat.), nec jura extendantur ad casus non facile dabiles.

§. 176.

Quam naturaliter feudum constitui potest in perpetuum *de feudo pro* determinative, nominatis certis personis, ad quas trans- *certis perso-*mitti potest (§. 175.); *feudum naturaliter constitui potest tum nis constitu-*

pro masculis solis, tum pro solis feminis, tum pro amicis pro masculis & feminis. Et eodem modo patet, idem constitui posse tum pro solis descendens, tum etiam pro agnatis & cognatis collateralibus.

Supponimus hic discrimen inter descendentes & collaterales, iremque inter agnatos & cognatos, quia termini hi satis noti. Suo autem loco, quando de agnatione & cognatione acturi sumus ex instituto, eos distincte explicaturi sumus. In Jure naturæ valet, quod possibile, modo idem non sit moraliter impossibile, nec quicquam refert, si vel maxime tale jus nulli adhuc unquam fuerit receptum.

De feudo ad certum sem- Similiter quoniam feudum constitui potest ad certum
tempus, vel constitui potest ad dies vita, vel ad certum anteriorum
pas concessu. numerum.

In utroque casu certum est, quamdiu feudum durare debeat, quod non ita obtinet, si pro certis personis in genere nominatis constituarur, quoniam constare nequit, quamdiu istiusmodi personæ sint exituræ. Et quamvis etiam dies mortis certus non sit, certum tamen est, eum esse adventurum, neque ultra terminum aliquem removeri posse.

§. 178.

De servitiis a vasallo præstandis. Naturaliter ita etiam conveniri potest, ut vasallus certa præstet servitia, veluti militaria. Etenim naturaliter a voluntate feudum constituentis pender, quas determinationes substantialibus superaddi velit (§. 164.). Quod si ergo velit, ut vasallus obligatus sit ad certa præstanda servitia, veluti militaria; naturaliter quoque ita conveniri potest, ut vasallus certa præstet servitia, veluti militaria.

Hoc in primis locum habet in feudis datis, ubi conditiones offerri solent, quamvis non ante valeant, nisi ubi fuerint acce-

acce-

acceptum, id quod ex eo abunde patet, quod feudum constituitur pacto (§. 170.), atque ideo ex contractu feudali inveniendum fit jus domini & obligatio vasalli (§. 172.).

§. 179.

Ex adverso quoque ita conveniri potest, ut dominus vasallo De præstan-
ad quædam præstanda obligatus sit. Etenim si quis alteri rem *dis a domino*
 offert ea conditione, ut ipsi feudum in eadem constituatur, *vasallo.*
 is etiam conditiones offerre potest, sub quibus id constitui vult (§. 169.). Quod si ergo eidem visum fuerit rem in feudum dare alteri sub ea conditione, ut is ad quasdam præstationes ipsi sit obligatus, nil sine obstat, quo minus ita conveniri possit. Immo etiam rationes esse possunt domino, cur ad certas præstationes sponte sua se obliget.

Principio hoc suo loco utemur, quando de infeudatione imperii agitur. Ea quamvis propositio præsens conveniat potissimum feudo oblatæ; non tamen potius impossibile est, ut etiam in dato, ubi dominus conditiones offert, adjiciat conditionem a se præstandorum, ut vasallus acceptet feudum sub conditione servitorum ab ipso præstandorum.

§. 180.

Naturaliter feudum quoque revocabiliter constitui potest. Quo- *De feudo re-*
nam enim si feudum fuerit datum, dominus alteri feudum vocabiliter
 constituit in re sua (§. 166.), adeoque dominium utile rei *constituit.*
 suæ, in qua nihil juris competebat vasallo, in hunc transfert (§. 155.), quilibet vero in alterum jus aliquod etiam revocabiliter transferre potest (§. 16. part. 3. Jur. nat.); si feudum fuerit datum, id revocabiliter constitui potest. Quod si feudum fuerit oblatum, dominus rem suam alteri dat sub hac conditione, ut feudum sibi in ea constituatur (§. 168.). Quoniam itaque res alteri dari potest revocabiliter (§. 16. part. 3. Jur. nat.), consequenter ut danti reservetur jus alterum, cui res data, jure suo iterum excludendi (§. cit.); non repugnat,

ut alteri rem des sub ea conditione, ut feudum tibi in ea constituat, tibi vero integrum sit ipsum excludere dominio directo, quod feudo constituto ipsi superfuit, consequenter ut res iterum pleno jure tua sit, quando tibi visum fuerit. Atque adeo denuo patet, feudum quoque revocabiliter constitui posse, si fuerit oblatum. Quoniam itaque feudum omne vel datum est, vel oblatum (§. 166. 168.), quatenus nimirum necesse est, ut vel in re, in qua feudum constituitur, antea nihil juris habueris, vel eadem pleno jure ad te pertinerit, feudum vero revocabiliter constitui potest, sive fuerit datum, sive fuerit oblatum, *per demonstrata*; ideo patet, feudum in genere revocabiliter constitui posse.

Quando feudum oblatum revocabiliter constituitur, ita omnino convenitur, ut dominus directus obligatus sit ad feudum revocandum, quo facto erit ipso jure dominus, tumque tibi jus sit revocandi dominium plenum, quod in ipsum transferas sub conditione feudi constituendi. Quando enim feudum amplius habere non vis, sed rem pleno iterum jure possidere; necesse est ut ante acta omnia revocentur. Quod si dicere velis, hisce ambagibus non esse opus, sufficere enim ut revocetur dominium directum, ac tunc consolidatione effici dominium plenum: tum dici nequit feudum revocabile, sed dominium directum, & dominio directo revocato feudum consolidatione extinguitur. Atque adeo patet nos minime inanes fingere subtilitates, sed feudum oblatum revocabile concipere, quemadmodum concipi potest.

§. 181.

*De feudo
pure vel sub
certa condi-
tione revo-
cabili.*

Quoniam jus aliquod revocabile esse potest vel pure, vel sub certa conditione, ut scilicet hac existente, liceat revocare, antequam vero ea existat, vel si non existat, revocare non liceat, feudum vero etiam revocabiliter constitui potest (§. 180.); *feudum revocabiliter consisti potest vel pure, vel sub certa conditione.*

Quando

Quando feudum revocabiliter constituitur pure, tum revocari potest, quodcumque libuerit: quodsi vero revocabiliter constituitur sub certa conditione, tum conditione existente revocari quidem potest, sed ut revocetur necesse non est, postquam extitit conditio, revocari potest, quando visum fuerit.

§. 182.

Quodsi ita conveniatur, ut canon certus etiam præstetur; Quando feudum miscetur cum emphyteusi. Etenim in emphyteusi dominium utile conceditur sub conditione canonis præstandi (§. 12. 14.). Quamobrem cum feudum in eo differat ab emphyteusi, quod constituitur sub conditione mutæ fidelitatis (§. 155.); si ita conveniatur, ut canon etiam certus præstetur, feudum cum emphyteusi miscetur.

Nimirum in hoc casu substantialia feudi & emphyteuseos conjunguntur (§. 161.), adeoque utrumque jus miscetur, ut prodeat mixtum ex emphyteusi & feudo. Quoniam enim non repugnat, ut is, cui dominium utile conceditur sub conditione mutæ fidelitatis, etiam certum canonem præstet; sub utraque conditione simul ut concedatur fieri urique potest. Jus adeo feudi & emphyteuseos ad constituendum jus aliquod mixtum concurrere possunt (§. 142. *Ontol.*). Hæc distinctius exponere visum fuit, cum faciant ad intelligendum originem entium moralium.

§. 183.

Vasallus obligari potest ad continuam quandam præstationem De onere in gratiam tertii. Etenim constituens in contractu feudali determinationes substantialibus pro lubitu adjicere potest (§. *tiii adjecto.* 164. 173.). Quoniam itaque promissor, consequenter etiam is, qui aliquid actu dat, onus quodcumque pro arbitrio adjicere potest (§. 586. *part. 3. Jur. nat.*); feudum quoque constituens onus in gratiam tertii adjicere potest. Quamobrem cum onus adjiciatur in gratiam tertii, si vasallus aliquid

quid tertio cuidam præstare debeat (§. 585. part. 3. *Jur. nat.*); vasallus quoque obligari potest ad continuam quandam præstationem in gratiam tertii.

Ita e. gr. conveniri potest, ut vasallus tertio cuidam censum quendam sive in pecunia numerata, sive in rebus aliis consistentem quotannis solvat, vel ut tertio cuidam obligetur ad certa servitia, vel ut quotannis certo die elemosynas certas distribuat pauperibus. Ceterum quod a promissione ad juris constitutionem argumentetur, qua actu jus quoddam in alterum confertur, vel res certo modo datur, nihil difficultatis habet. Promittere enim ac dare non differunt nisi tempore: promissio actus est, qui in futurum prominet, datio autem actus, qui in præsens absolvitur. Quemadmodum itaque quod datur, illud etiam promitti potest; quippe suo tempore dandum; ita etiam eodem modo quid dari, quo promitti potest. Immo jus promittentis fluit ex jure dantis, quia nimirum dare potes, promittere etiam potes. Differt autem canon annuus a vasallo præstandus ab onere tertio cuidam quidpiam dandi vel faciendi. Etenim canon præstatur domino, non tertio, & ille præstatur in recognitionem domini directi, in præstatione autem, quæ fit in gratiam tertii, nullus attenditur finis, sed nuda respicitur obligatio vasalli, quæ pendet a voluntate constituentis, ut alia non quærat ratio, cur hoc præstandum sit tertio, sed pro ratione stet voluntas constituentis.

§. 184.

Feudum censuale definitio.

Feudum censuale seu *pensionarium* appellatur, si vasallus loco servitorum quotannis canonem certum præstare tenetur: immo in Jure naturæ censuale appellare licet, si juxta alia servitia præstandus etiam canon est.

Sunt qui existimant feudum in emphyteusim, vel censum degenerare, si certus canon, vel census quotannis solvendus. Enimvero vidimus in anterioribus (*not. §. 182.*), feudum tum fieri jus mixtum ex feudo & emphyteusi, ut adeo verior sit illorum sententia, qui negant, propter canonem solvendum feudum

dam abire in emphyteusin, vel censum. Quoniam enim feudum prædominatur in hac mixtione, nil obstat, quo minus tanquam feudum improprie sic dictum spectetur, vel etiam pro certa feudi specie habeatur, & sic admodum convenienter feudum censuale, seu pensionarium appelletur.

§. 185.

Feudum francum dicitur, si vasallus ad nulla servitia præstanda domino obligatur, idiomate patrio *Freylehn*. *Fendi franci definitio.*

Francum hic idem significat quod liberum: descendit enim a voce Germanica obsoleta *Frant*, quod liberum significat. Naturaliter vero non opus est, ut servitia a domino remittantur, cum feudum constitui possit vel sub conditione præstandorum certorum servitiorum, præsertim militarium, vel etiam absque hac conditione (§. 174. 164.), cum ad substantialia feudi non requiratur præstatio servitiorum (§. 161.), naturalia vero ignoret Jus naturæ (not. §. 163.). Quamobrem quoque feudum francum naturaliter referri nequit ad feuda improprie sic dicta, sed species quædam est feudi proprie sic dicti.

§. 186.

Servitia feudalia vocantur, quæ vasallus domino ex *Servitia* contractu feudali præstare tenetur. Idiomate patrio *Lehn* *feudalia* *Dienste* dicuntur. Pertinent huc imprimis servitia militaria, *quænam sint.* de quibus specialiter conventum est, eo modo præstanda, de quo fuerit conventum, Militaria nobis *Ritterdienste* appellantur.

Referri communiter solent ad fidelitatem, quatenus inter naturalia locum habent: sed hoc juris positivi est, prouti modo infraximus (not. §. 185.). Et in contractu feudali servitia specialiter determinantur, qualia præstanda.

§. 187.

Quodsi vasallus domino servitia præstare tenetur contra omnes, *Feudum* vocatur *ligium*: si vero quidam exci- *non ligii dis-*
(*Wolfii Jur. Nat. Pars VI.*) S *pian-serventia.*

piantur, contra quos illa præstare non tenetur, *Feudum non ligium* appellatur.

Subinde necesse est, ut quidam excipiatur, contra quem servitia, militaria præsertim, præstanda non sunt, veluti, si quis jam feudum aliquod habet, & deinde aliud acquirat ab alio domino, tunc enim ipsa fidelitas exigit, ut antiquior dominus excipiatur (*not. §. 154.*). Distinctio igitur feudi in *ligium* & *non ligium* juri naturæ etiam convenit.

§. 188.

*Feudi novi
& antiqui
differentia.*

Feudum novum vocatur, quod vassallus primum acquisivit: *antiquum* vero, quod ex lege contractus feudalis ab alio in ipsum delatum fuit.

Ita novum feudum est, quod alicui constituitur in re, quæ nondum feudalis fuerat: novum etiam est feudum, quod quis ab alio emit, in quem ex lege contractus feudalis delatum minime fuisset. Ast si in filium defertur post mortem patris feudum ex lege contractus feudalis, aut in descendantem aliquem remotiorem a primo acquirente, feudum erit *antiquum*. Distinctio hæc feudi venit a modo acquirendi.

§. 189.

*Feudum em-
tionis quod-
dam dicitur.*

Feudum emtionis dicitur, quod pro certo pretio per contractum emtionis venditionis fuit comparatum.

Ita feudum emtionis erit, si cum domino contrahas, ut pro certo pretio tibi dominium utile sub conditione mutæ fidelitatis concedat in re sua, seu feudum in ea tibi constituat.

§. 190.

*De feudo
masculino,
femineo &
mixto.*

Feudum masculinum vocari solet, quod masculus; *femineum*, quod foemina; *mixtum*, quod mas & foemina simul primum acquisivit. Ast in Jure naturæ rectius dicitur *Feudum masculinum*, quod pro solis masculis constitutum, ita ut ex lege contractus in foeminam nunquam deferri possit: *femineum* ve-

ro, quod pro solis fœminis constitutum: *mixtum* denique, quod pro masculis & fœminis simul constitutum.

Nimirum naturaliter feudum constitui potest vel pro solis masculis vel pro solis fœminis, vel pro masculis & fœminis simul (§. 176.). In Jure feudali positivo ignorantur feuda pro solis fœminis constituta. Unde divisio eo sensu, qui Juri naturæ apprimè convenit, in Jure positivo locum minime habet.

§. 191.

Feudum pignoratitium, idiomate patrio, *Pfandlehn*, vocatur, quando dominus, cui pecunia creditur, loco pignoris feudum in re constituit sua. Quamobrem cum pignus constituatur in securitatem crediti (§. 1142. part. 5. Jur. nat.); *feudum pignoratitium constituitur in securitatem crediti*. Quoniam itaque feudum est loco rei in securitatem crediti traditæ; *feudum est quasi res oppignorata* (§. 1143. part. 4. Jur. nat.). Ceterum cum dominus rem suam oppignorare possit (§. 1164. part. 5. Jur. nat.), *dominium quoque utile* tanquam rem incorporalem suam, *naturaliter oppignorare potest*, consequenter patet *feudum pignoratitium esse quoque juris naturalis*.

Notio feudi pignoratitii probe perpendenda venit, cum huic speciei feudorum convenienti vi ejusdem, quæ aliis feudis minime conveniunt. Non tamen propterea hoc feudum dici potest improprium, cum in Jure naturæ non minus proprium sit, quam ceteræ feudorum species, quippe cui notio feudi in genere non minus convenit, quam ceteris speciebus. A differentia autem specifica est, quod hæc feudi species longe alia habeat jura, quam quæ ceteris feudi speciebus conveniunt. Et hac ipsa de causa in Jure naturæ a ceteris feudis peculiari nomine distinguendum, cum aliis appellationibus feudorum in eodem facile carere possemus, quales antea commemoravimus. Sane cum non definitus sit feudorum numerus, quæ Jus naturæ probat, fieri non potest, ut singulæ species peculiaribus nominibus insigniantur.

§. 192.

*Res allodialis
quanam sit.*

In oppositione ad rem feudalem *Res allodialis*, idioma patrio Allodial: Gut vocatur, in qua quis plenum dominium habet. *Allodiam* adeo significat possessionem alicujus propriam, seu universam, quæ quis pleno jure possidet, was einem erb- und eigenthümlich zugehöret.

De etymologia vocabuli non multum sumus solliciti, quantum facile appareat, id perinde ac feudi vocabulum ex antiqua lingua Germanica descendere. Nobis sufficit nosse, quid eodem denotetur.

§. 193.

*Quomodo
definiatur
restrictio
proprietatis
in emphy-
teusi.*

Quomodo restricta esse debeat proprietas, mutuo consensu domini ac vasalli in contractu feudali definiendum. Vasallus non nisi proprietatem restrictam habet (§. 159.), cunque dominium directum consistat in proprietatis parte eidem adempta (§. 3.); quod restricta esse debeat proprietas ad substantialia feudi pertinet (§. 161.). Quoniam vero non uno modo restringi potest proprietates, prouti abunde patet ex iis, quæ de emphyteusi demonstrata sunt, ac per se quoque facile intelligitur; quomodo proprietates restricta esse debeat, ad eas determinationes pertinet, quæ substantialibus superaddendæ, dum feudum constituitur. Quamobrem cum in contractu feudali definiendæ sint determinationes, quas substantialibus superaddere visum fuerit (§. 173.), & in eodem de feudo constituendo inter se conveniunt dominus atque vasallus (§. 171.); in contractu etiam feudali mutuo domini ac vasalli consensu distinguendum, quomodo proprietates restricta esse debeat.

Ostendi idem potest eo modo, quo supra idem de emphyteusi demonstravimus (§. 26.).

Quando de feudo constituendo agitur, non solum de eo agitur, utrum quis feudum acquirere velit, nec ne, verum etiam de

de eo, quomodo restringi debeat, proprietas, ut dominium directum determinetur, quale esse debeat, & usufructus vertatur in dominium utile determinatum, quippe quod differre potest pro diversitate restrictionis proprietatis, jure utendi fruendi nullo modo restricto (§. 1. 3.).

§. 194.

Quoniam in contractu feudali definiendum, quomodo restricta esse debeat proprietas (§. 193.), ad proprietatem vero spectat etiam jus alienandi (§. 664. part. 2. Jur. nat.); in contractu feudali definiendum, utrum vasallo competere debeat jus alienandi, an ipsi adimitam esse debeat, & ubi alienatio permissa, qua lege permissa esse debeat, veluti an consensus domini, vel personarum ad eam requirendus, an eodem non sit opus.

Nimirum quando proprietas restringitur, tum vel jus quoddam ad eum pertinens, veluti jus alienandi, adimitur vasallo, vel idem quoad exercitium restringitur, ut non maneat liberum, sed intra terminos conventionis contineatur. Quale ergo jus vasallo competat in alienando feudo, naturaliter aliunde dijudicari nequit, quam ex contractu feudali.

§. 195.

Similiter quoniam in contractu feudali definiendum, quomodo proprietas restringenda (§. 193.), ad eam vero etiam pertinet jus fundum immutandi (§. 657. part. 2. Jur. nat.); in contractu etiam feudali definiendum, quale jus fundum petere debeat vasallo in fundo immutando, an vero nullum petere debeat.

Tenenda hic eadem, quæ de jure alienandi modo annotavimus. Ita e g. vasallo permitti potest quælibet immutatio, qua res feudalis melioratur, aut prohiberi ea, qua eadem deterioratur. Similiter prohiberi potest, ne sylva excindatur

tur & fundus vertatur in agrum, vel ne piscina in agrum, aut vice versa ager in piscinam mutetur.

§. 196.

De potestate alienandi vasallo adempta.

Si alienandi potestas vasallo adempta, alienatio ab eo facta nulla est: consensu tamen domini directi alienare potest. Eodem modo utrumque ostenditur, quo idem de emphyteusi demonstratum fuit (§. 30.).

Nimirum quando potestas vasallo adempta, domino competit jus non patiendi, ut feudum alienetur, & si hoc fecerit vasallus, alienationem irritam faciendi. Hoc jus dominus remittere potest, quamdiu nil committitur, quod est contra jus tertii (§. 117. part. 3. *Jur. nat.*). Atque adeo vasallus, qui vi contractus feudalis feudum alienare non poterat, hoc tamen alienare potest vi remissionis juris a domino directo factæ, consequenter consensu ejusdem. An vero detur casus, in quo dominus in alienationem consentire nequit, obstante jure tertii, de eo in præsentem non disquirimus. Ceterum per se intelligitur, si nihil obstat, quo minus jus alienationem prohibendi remittere possit dominus, perinde esse five consensum impertiatur ad alienandum, five alienationem factam, quam irritam facere poterat, ratihabeat, quemadmodum simili in casu jam annotavimus (not. §. 30.).

§. 197.

De alienatione cum consensu domini.

Si alienandi potestas non permessa nisi cum consensu domini; sine consensu facta irrita est. Etenim si alienandi potestas non permessa nisi cum consensu domini, vasallo non competit jus feudum alienandi sine ejus consensu (§. 382. part. 3. *Jur. nat.*). Quoniam itaque alienatio sine consensu domini nullo jure facta; ea utique irrita est.

Nimirum alienatio sine consensu domini facta ipso jure nulla est. Sed quia dominus jus suum remittere potest, ab ipsius voluntate pender, utrum jure suo usus eam irritam facere, an ratihabendo validam efficere velit.

§. 198.

*Si alienatio feudi non permiffa, nifi eam confenfu eorum, ad De aliena-
 quos transmitti debebat, Vasallo mortuo; sine eorum confenfu alie- tione sine
 natio irrita est. Ostenditur eum in modum, quo propositio- confenfu eo-
 nem præcedentem demonstravimus. rum, ad quos*

Eadem quoad propositionem præsentem notanda, quæ ad *transmitti*
 præcedentem annotavimus (not. §. 197.). Nimirum iis, qui *potest.*
 ex lege contractus feudalis in eo succedere possunt, jus suum
 invito auferri nequit, aut, si mavis spes jus aliquando forsan
 excitatura (§. 474. part. 3. Jur. nat.). Alienatio igitur sine eo-
 rum confenfu facta subsistere nequit, nisi eam ratihabere vo-
 luerint.

§. 199.

*Si de confenfu eorum, ad quos transmitti debebat feudum, Quid in ca-
 nibil expresse dictum in contractu feudali; naturaliter præfumptio fu dubio præ-
 est contra confensum, præsertim si nec domini confensus requiratur. sumendum.*
 Ostenditur eodem modo, quo idem de emphyteusi demon-
 stravimus (§. 48.).

Applicanda quoque sunt ad propositionem præsentem, quæ
 in casu simili de alienatione emphyteuseos annotavimus (not.
 §. 48.). E. gr. Si feudum constitutum præ omnibus masculis a primo acquirente descendentibus, quotquot eo tempore,
 quo feudum alienatur, existunt masculi, consentire tenentur,
 quamvis omnes simul succedere nequeant, sed certo ordine
 succedere debeant. Cum enim non constet, quinam eorum
 sit vasallo supervicturus; incertum quoque est, cuinam jus
 suum invito auferatur. Immo cum incertum quoque esse pos-
 sit, an non nascituri sint ex eo, ad quem feudum mortuo va-
 sallo non defertur, ad quos aliquando ex lege contractus de-
 ferri debeat, jus transmittenti hoc jus nemini quoque auferri
 invito potest. Atque adeo satis apparet, cur illorum, ad
 quos successio in feudo ex lege contractus feudalis deferri po-
 terat, consensus sit requirendus. Non negamus, naturaliter
 non conveniri posse, ut non nisi consensus ejus requiratur, cui
 proxima

proxima spes est in feudo secundum legem contractus succedendi, & tum nonnisi invalida erit alienatio, si hujus deficiat consensus.

§. 200.

De alienatione sine consensu eorum, ad que facta. Si ad alienationem feudi requiratur consensus domini, & eorum, ad quos transmitti poterat, consensus; alienatio cum consensu domini, sed sine consensu horum facta adhuc irrita est. Etenim non minus hisce, quam domino competit jus sine ipsorum consensu que consensu factam alienationem irritam faciendi (§. 198. 199.). Quamobrem cum dominus consensu suo hoc jus ipsis auferre nequeat invitis (§. 336. part. 3. Jur. nat.); alienatio sine eorumdem consensu facta utique irrita esse adhuc debet, etiamsi dominus consenserit.

Sane si consensus domini solus efficere poterat, ut alienatio subsisteret; consensu aliorum non erat opus. Atque adeo inutiliter ita conventum fuisset, quod eorum quoque, pro quibus constitutum fuit feudum, requirendus sit consensus, urpote superfluum.

§. 201.

De vasallo moriente ante tempus, ad quod feudum constitutum. Si feudum ad certum tempus concessum, mortuo vasallo defertur ad eum, qui in bonis ejus succedit, & moriens id pro arbitrio suo transferre potest in alium, nisi obstat jus tertii. Ostenditur eodem prorsus modo, quo idem in casu simili de emphyteufi demonstravimus (§. 49.).

Vide quæ de eodem casu de jure emphyteuticario annotavimus (not. §. 49.).

§. 202.

Qua lege feudum alienatur. Feudum alienatur & in alium transmittitur sub ea lege, sub qua primum constitutum, seu tale, quale ex contractu feudali prioretur, vel minus acquirens accepit. Potest tamen in alienatione adjici lex, quæ salva ea, sub qua primum constitutum, adjici potest. Quoniam jus

ius vassalli quoad alienationem perinde metiendum est ex contractu feudali (§. 194.), quemadmodum emphyteutæ ex contractu emphyteutico (§. 27.); propositio præiens eodem profertur modo ostenditur, quo idea de alienatione & transmissione emphyteutæ demonstravimus (§. 50.).

Tertium propositionis membrum illustratur eodem exemplo, quod de emphyteusi dedimus (not. §. cit.).

§. 203.

Quoniam feudum in alterum tale transfertur, quale ex *De tempore*, contractu feudali accepit primus acquirens (§. 202.); si feudum ad certam tempus concessum, ultra istud tempus in alium *dem tempore* transferri, vel transmitti nequit, consequenter tempore finito *varium alie-* novus vassallus feudum amittit. Eodem modo intelligitur, *natur.* si feudum ad dies vite concessum alienetur, novum vassallum amittere feudum, *morsuo eo, qui ad dies vite acquisiverat.*

Novus vassallus succedit in locum primi acquirentis, dumque acquirit jus primi acquirentis, qui aliud, quam quod habet, in ipsum transferre nequit, personam ejus moralem induit (§. 70. part. 1. *Jur. nat.*), ut adeo revera sit eadem persona moralis, licet per alienationem individuum physicum mutetur. Neque enim repugnat, ut eadem persona moralis, quæ per se subsistere nequit, successive in diversis individuis physicis subsistat. Cum enim persona moralis sit subjectum obligationum atque jurium (§. cit. part. 1. *Jur. nat.*); quamdiu obligationes ac jura non mutantur, persona moralis eadem manet. Vassallus, qua vassallus, non est individuum physicum, sed persona moralis, quæ sine individuo physico subsistere nequit. Ab individuo autem physico cum nihil dependeat, quod inest personæ morali; quoad hanc perinde est, in quoniam individuo physico subsistat, adeoque nec quicquam immutatur, quia in alio individuo physico nunc subsistit, quam antea subsistebat.

Qui ea perperdit, quæ de homine morali demonstrata sunt in parte prima Juris naturæ (§. 71. *Et seqq.*), hæcenus dicta facta (*Wolffii Jur. nat. Pars VI.*).

cile capiet. Vivit autem persona moralis, quamdiu durant iura & obligationes, per quæ essentia ipsius constituitur, aut individuum quoddam datur, in quo subsistere potest, adeoque moritur, extinctis iuribus ac obligationibus istis, aut nullo amplius existente individuo physico, in quo subsistere potest. Lucem hæc non modo affundunt in doctrina præsentis, verum etiam in multis aliis argumentis, ubi de personis moralibus sermo est.

§. 204.

De alienatione feudi perpetui.

Similiter quia feudum in alterum casu transfertur, quale ex contractu feudali primum acquisitum (§. 202.); si feudum in perpetuum, vel simpliciter, vel determinative pro certis personis fuerit concessum, in priori casu quoque simpliciter, in posteriori determinative pro istiusmodi personis, quales nominata fuerant in prima acquisitione, alienatur, consequenter in quales personas transmitti poterat a primo acquirente, in tales etiam eodem ordine transmitti potest a vassallo novo.

Quæ supra de emphyteusi annotavimus, quatenus perpetua alienatur (not. §. 52.); ea etiam ad feudum applicari possunt ac debent, ut adeo nihil addendum sit, quo præsens cotollarium illustretur.

§. 205.

De alienatione feudi masculini, feminei & mixti.

Quoniam si feudum determinative nominatis certis personis constitutum alienatur, ad istiusmodi non nisi personas transmissibile alienatur (§. 204.), feudum autem naturaliter constitui potest vel pro solis masculis, vel pro solis fœminis, vel pro utrisque simul (§. 176.); & in casu primo feudum masculinum, in secundo fœmineum, in tertio mixtum est (§. 190.); si feudum masculinum alienatur, masculinum manet, si fœmineum, fœmineum manet, si mixtum, mixtum quoque manet.

§. 206.

§. 206.

Immo in genere quia feudum tale alienatur, quale *An feudum alienando non mutatur differentia specifica, seu feudum alienatum non mutat speciem.* primum acquisitum (§. 202.), feuda autem a se invicem differunt differentia specifica (§. 236. *Ontol.*); *in alienatione mutari possit* non mutatur differentia specifica, seu feudum alienatum non mutat speciem.

Hinc inferri poterat, quod modo aliter probavimus (§. 205.), feudum masculinum manere masculinum, fœmineum fœmineum & mixtum mixtum. Inferri etiam potest, temporarium manere temporarium, perpetuum vero perpetuum: francum manere francum, ligium ligium & non ligium non ligium ac ita porro. Quod si dicas naturaliter non repugnare, ut consensu domini feudum alienatum quoad determinationes non substantiales immutetur, veluti si masculinum, vel fœmineum mutetur in mixtum, aut non ligium in ligium vel contra; tenendum est speciem non mutari per alienationem, sed per contractum novi vasalli cum domino initum. Duo adeo distincti sunt actus, inter se minime confundendi, nimirum alienatio & feudi alienati immutatio. Hic non quaeritur, utrum species feudi possit mutari in aliam, nec ne, nexu feudali in genere subsistente; sed num species mutetur per alienationem. Atque tum patet ex demonstratis, actum alienationis tale quid efficere non posse.

§. 207.

Quoniam alienando non mutatur species feudi (§. 206.), *De alienatione feudi revocabilis.* feudum vero esse potest revocabile (§. 180.), & quidem vel pure tale, vel conditionatum (§. 181.); *si feudum revocabile pure alienetur, pure revocari adhuc potest, si vero sub conditione revocabile alienetur, sub ista conditione revocabile manet.*

E. gr. Ponamus feudum constitui hac lege, ut, si nullus tibi fuerit filius, qui castra sequi amat, feudum revocari possit, & feudum alienetur, tibi vero nullus nascatur filius, aut saltem nullus supervixerit, te mortuo, vel quando nulla amplius spes

superest, tibi filium natum iri, feudum adhuc revocari poterit. Nimirum conditio non mutatur per alienationem, ut de filio novi vasalli accipi possint, quæ de filio tuo dicta sunt: hoc enim contrariatur ei, quod modo demonstravimus (§. 202.).

§. 208.

De feudo in perpetuum simpliciter constitutum, pro omnibus personis constitutum intelligitur, ad quas ius aliquod in re simpliciter transmitti potest, nec extinguitur, quomodo istiusmodi extas per constituto. Persona. Ostenditur eodem modo, quo utrumque de emphyteusi demonstratum (§. 46.).

Relegenda hic sunt, quæ supra annotavimus (not. §. cit.). Quodsi de jure hæreditario jam agere datum fuisset, quod suodemum loco trademus, dicendum erat, feudum simpliciter constitutum transire ad quemlibet hæredem ab intestato, seu constitui simpliciter ut transibile ad hæredem quemlibet ab intestato. Unde intelligitur, etsi jure naturæ valeant etiam testamenta, quemadmodum suo loco demonstraturi sumus; non tamen hæredes testamentarios hic posse intelligi, nisi expresse in contractu feudali hoc fuerit permissum. Naturaliter enim non repugnat, ut vasallo per testamentum de successione in feudo disponere liceat (§. 164. 169.). Si vero hoc expresse non fuerit conventum, intelligi nequeunt nisi hæredes ab intestato, cum alias disponi posset de successione in feudo in præjudicium domini directi, ad quem res infeudata pleno jure venit, nullo hærede ab intestato existente, prouti deinceps patebit.

§. 209.

De contractu feudali alienatione, vel ex pacto feudali transmissione ad alium; contractus feudalis cum vasallo novo renovandus. **Exc.** cum vasallo. **Exc.** nim. feudum tale alienatur, vel transmittitur in alium, quale primum in contractu feudali fuerat constitutum (§. 202.). Quamobrem vasallus novus domino directo ad eadem obligari debet, ad quæ vasallus anterior ipsi erat obligatus & contra, consequenter vasallus novus & dominus sibi invicem obligati.

obligatur ad præstandam mutuam fidelitatem (§. 155.) & ea, de quibus præterea conventum (§. 172.). Quoniam itaque obligationes nascuntur ex contractu (§. 793. *part. 3. Jur. nat.*); ideo necesse est, ut cum novo vasallo contractus feudalis renovetur.

De hac contractus obligatione tanto minus dubitari potest, si perpendas obligationem vasalli ad præstandam domino fidelitatem esse personalem, quæ ex uno in alium transire non potest. Nimirum nemo sese alteri perfecte obligare potest nisi promittendo (§. 393. *part. 3. Jur. nat.*), adeoque necesse est, ut novus vasallus domino promittat fidelitatem ac præterea ea, ad quæ vi contractus feudalis, quo feudum primitus constitutum & acquisitum, obligatus esse debet. Quodsi objicias, promissionem hanc tacite factam intelligi posse, quatenus alienatio fieri nequit nisi salvis juribus domini directi, ex contractu feudali, quo primum constitutum fuit feudum, eidem competentibus (§. 178.); facilis est responsio, tacitam promissionem expressæ substitui non posse, nisi dominus expressam remisit, aut ita conventum fuerit, ut ipsi alienationi, vel transmissioni feudi in alium insit tacita promissio, quæ idem operari debeat, quod expressa operatur, seu quod perinde est, ut tantum valeat, quantum valet expressa: per se autem minime inest. Nimirum si feudum alienatur, vel in alium transmittitur, id fit sub ea conditione, ut vasallus novus sese obliget domino ad fidelitatem præstandam, quia feudum subsistere nequit nisi sub conditione præstandæ fidelitatis (§. 155.). Accedit, quod novus vasallus dominum directum & feudum ab eo recognoscere debeat, ac vicissim dominus eundem tanquam vasallum suum recipere: quod etiam in emphyteufi simili modo sese habet. Utrumque vero fit contractu feudali cum novo vasallo renovato.

§. 210.

Quoniam novus vasallus obligatur ad contractum feudalem renovandum (§. 209.); domino competit jus compellendi renovandi

onem contractus. de vasallum ad contractum renovandum, si eum renovare negligat, vel detrectet (§ 23. part. 1. Jur. nat.).

Inutilis foret vasalli obligatio ad contractum feudalem renovandum, si dominus pati teneretur, ut eum non renovaret; adeoque obligationi illius respondet jus coactivum domini.

§. 211.

An contractum feudali non renovato feudum committatur.

Naturale non est, ut, si vasallus contractum feudalem renovare nolit, vel negligat, feudum amittat: ita tamen conveniri potest. Etenim domino competit jus vasallum compellendi ad contractum renovandum, si eum renovare negligat, vel nolit (§ 210.). Enimvero quando feudum amittitur, tum jus nullum in re feudali retinet vasallus & vasallus esse desinit, adeoque contractus feudalis renovatione, quo de feudo fuerat conventum, opus non est, consequenter ex jure vasallum compellendi ad contractum renovandum minime fuit jus eum feudo privandi. Naturale igitur non est, ut, si vasallus contractum feudalem non renovet, feudum amittat.
Quod erat unum.

Quoniam vero a domini voluntate pendet, quas determinationes substantialibus superaddere velit (§. 164.), & de his conveniendum est in contractu feudali (§. 173.); cum amissio feudi sit poena contractus non renovati (§. 606. part. 3. Jur. nat.), quin ita conveniri possit dubitandum non est.
Quod erat alterum.

Pœna hæc mutuo consensu domini ac primi acquirentis determinanda naturaliter. Quando autem determinatur, definiendum quoque est tempus, intra quod vasallus novus renovationem petere debeat, nisi velit feudo privari. Quodsi enim nullum esset definitum, mora nulla officeret vasallo, quamdiu dominus tacet, modo renovationem adhuc peteret, dum sciens fiet, vel monitus a domino contractum cum eo statim renovaret. Alias enim sufficeret, ut præstaret quod interest (§. 629.

part.

part. 3. Jur. nat.). Nimirum naturaliter, quando quis non satisfacit obligationi suæ, interesse saltem præstare tenetur: pœna autem, quæ in statu naturali non nisi conventionalis esse potest, non modo in locum hujus præstationis surrogatur, ne de eo, quod interest, multum sit litigandum, cum probatio plerumque sit difficilis, verum etiam ut tanto fortius obligetur alter ad præstandum, ad quod præstandum ex contractu obligatus est, seu ut obligetur ad satisfaciendum obligationi, quæ ex contractu est (§. 288. *part. 1. Phil. pract. univ.*).

§. 212.

Naturaliter feudum statim acquiritur, quamprimum dominus Quod præ-
sufficiens declarat, dominium utile sub conditione præstandæ fide-
litas tibi competere in re debere, & tu hoc acceptas ac fidelitatem dum sit ac-
promittis. Etenim quando feudum conceditur, jus in re ali-
ena alteri constituitur, sed ea conditione, ut alter ad fide-
litatem præstandam sese obliget constituenti (§. 155.). E-
nimvero naturaliter jus in re aliena statim acquiritur, quam-
primum dominus sufficienter declarat, tibi jus hoc compete-
re debere & tu hoc acceptas (§. 987. part. 3. Jur. nat.), &
quando tibi competere debet sub hac conditione, si te ad fi-
delitatem præstandam obligare velis, ubi fidelitatem promit-
tis (§. 457. 393. part. 3. Jur. nat.). Quamobrem naturaliter
feudum statim acquiritur, quamprimum dominus sufficienter
declarat, dominium utile in re sub conditione præstandæ fi-
delitatis tibi competere debere, ac tu hoc acceptas ac fide-
litatem promittis.

Feudum non acquiritur nuda acceptione, qua alias jus ab altero naturaliter statim acquiri solet (§. 13. *part. 3. Jur. nat.*); sed necesse est ut ad acceptionem accedat promissio fidelitatis; quia offertur a constituyente sub hac conditione, ut sis fidelis. Quamobrem nec aliter acceptare potes, quam eum declaratione quod velis esse fidelis; in hac ipsa autem declaratione promissio fidelitatis consistit (§. 361. *part. 3. Jur. nat.*).

Agitur

Agitur nimirum de obligatione perfecta, quæ aliter produci nequit nisi promittendo (§. 393. part. 3. Jur. nat.). In acceptatione non tam verba, quam mens acceptantis inspicienda, qualem requirat præsens negotium.

§. 213.

Quod contractu perfecto acquiritur.

Quoniam dominus in contractu voluntatem suam declarat, & vasallus quod sibi offertur acceptat ac fidelitatem promittit (§. 155. 171.); feudum statim acquiritur, quamprimum contractus feudalis perficitur.

Naturaliter adeo præter contractum feudalem non requiritur alius adhuc actus ad feudum acquirendum: sed quamprimum hic perfectus est, unus contrahentium est dominus feudi, alter vasallus, etsi res feudalis nondum fuerit tradita.

§. 214.

Jus possidendi cum dominio utriusque conjunctum.

Qui dominium utile in re habet, ei competit jus possidendi. Etenim qui dominium utile habet, cum eidem comperat jus utendi fruendi nullo modo restrictum, & proprietas aliquo modo restricta (§. 1.), re uti frui debet tanquam sua, salvo saltem jure domini directi (§. 4.). Necesse igitur est ut ipsi sit potentia physica de re feudali tanquam sua disponendi, seu ut dominium utile exercere possit, consequenter ut rem tanquam suam detineat. Quamobrem cum possessio sit detentio rei tanquam suæ (§. 150. part. 2. Jur. nat.); qui dominium utile habet, rem ut possideat necesse est, consequenter jus possidendi eidem competit.

Jus possidendi cum dominio utili coheret. Dominus enim utilis excludit jure utendi fruendi ipsum etiam dominum directum, adeoque necesse est, ut ipse eam detineat. Quoniam vero non nudum habet jus utendi fruendi, quemadmodum usufructuarius (§. 1420. part. 5. Jur. nat.), sed proprietatem quoque restrictam (§. 1.), ut adeo ipsa quoque res sit quodammodo sua; ideo eam quoque detinere nequit, nisi tanquam suam. Possessio itaque nemini competere potest, nisi domino utili,

utili, atque ea de causa jus rem possidendi cum dominio utili ira coheret, ut ab eo divelli nequeat.

§. 215.

Quoniam dominium utile in re habenti jus possidendi jus possidetis competit (§. 214.), hoc ipsum cum dominio utili statim acquiri quod queritur, consequenter cum feudum dominium utile sit (§. 155.) modo acquiri & statim acquiratur, quamprimum contractus feudalis perfectus & dicitur (§. 213.); cum ipso feudo acquiratur etiam jus possidendi domino utili & rem feudalem, & hoc jus statim competit vasallo, quamprimum contractus feudalis perfectus.

Distinximus nos jus possidendi ab ipsa possessione, quando de dominio agebamus. Idem vero etiam distinguendum est a possessione in dominio utili. Quamprimum dominus utilis factus, nemini præter te jus possidendi competere potest; non tamen propterea actu rem possides. Hæc satis manifesta sunt per ea, quæ in parte secunda Juris naturæ demonstravimus.

§. 216.

Quoniam vasallo competit jus rem feudalem possidendi, De traditio- quamprimum contractus feudalis perfectus est (§. 215.), ne & apprehensio- possessio autem acquiratur rei traditæ apprehensione (§. 23. apprehensio rei 32. part. 1. Jur. nat.); contractus feudali perfecto dominus obligatus ad rem feudalem vasallo tradendam & si possessio vacua fuerit, vasallus eam apprehendere, seu propria auctoritate possessionem vacuam ingredi potest, nisi in specie de ea quid fuerit conven- tum.

Cum traditio & apprehensio diversis modis fieri possit, immo pro varietate circumstantiarum diverso modo ut fiat conveniens sit, quemadmodum alias fuisse docuimus (§. 25. & seqq. part. 3. Jur. nat.); quæ de possessione rei feudalis acquirenda dici alias poterant, lubenter omittimus, ne alibi dicta repetendo præter necessitatem prolixiores simus.

§. 217.

Quando traditio & feudalitatis in vasallum una cum dominio transferre & passurum, ut apprehensio dominium in ea exercent, vasallus vero hoc acceptat; res feudalis ipsi contra- traditur & apprehenditur, dum contractus feudalis celebratur. Et tui feudali tenim ista declaratione domini possessio transferri (§. 36. part. insit. 3. Jur. nat.) & ejus acceptatione apprehendi potest (§. 58. part. 3. Jur. nat.). Quamobrem cum ista declaratio domini & acceptatio vasalli in contractu feudali fieri possit; prædicto modo res feudalis tradi & apprehendi potest, dum contractus feudalis celebratur.

Obtinet hoc, quando res feudalis a possessione vacua, vel vasallus eam jam detinet physice. Quodsi enim res a possessione vacua nondum fuerit, necesse est ut dominus eam vacuum præstet, ut in statu naturali tu ipse eum deicere possis, qui eam tenet. At possessio vix dici potest acquisita, quamdiu tibi integrum non est ipso actu disponere de usu rei (§. 24. part. 3. Jur. nat.). Naturaliter non requiritur traditio ad feudum constituendum & acquirendum, adeoque necesse non est, ut in contractu feudali, quo feudum constituitur & acquiritur, res feudalis tradatur & apprehendatur, consequenter traditio non est de essentia contractus feudalis, seu ut vulgo loquuntur ad substantialia contractus minime pertinet.

§. 218.

An traditio Naturaliter ita conveniri potest, ut feudi constitutio non sit ad perfectio- perfecta, antequam res feudalis fuerit tradita. Etenim ex con- tractu feudali metiendum est jus, metienda quoque obliga- per conven- tio tam domini, quam vasalli (§. 172.). Enimvero pacta tionem re- seu contractus mutuo consensu perficiuntur (§. 788. part. 3. quiri possit. Jur. nat.), adeoque a contrahentium voluntate pendet, quan- donam ipsorum consensus immotus intelligi debeat, ut jus pure sit acquisitum & obligatio pure contracta. Quodli er-

go in contractu feudali conveniatur, ut feudi constitutio non habeatur pro perfecta, antequam res feudalis fuerit tradita; nec consensus pro immoto ante haberi, consequenter nec feudi constitutio perfecta intelligi potest, antequam res feudalis fuerit tradita.

Etsi adeo naturaliter traditio per se non requiratur ad perficiendam constitutionem feudi, sed ea potius perficiatur contractu feudali perfecto; ad illam tamen requiri potest per conventionem. Idem nimirum hic obtinet, quod de scriptura alibi ostendimus, utrum ad perfectionem pacti requiratur, nec ne. Valet enim pactum naturaliter, antequam in scripturam referatur; conveniri tamen potest, ne ante valeat, quam in scripturam fuerit relatum (§. 847. part. 3. *Jur. nat.*). Ceterum ne dubium oriatur, quasi conventionem mutetur, quod juris naturæ est, scilicet ne feudum statim acquiratur, quamprimum contractus feudalis perficitur (§. 213.); eadem notanda sunt, quæ de scriptura per conventionem ad validitatem contractus requisita annotavimus (*not. §. 847. part. 3. Jur. nat.*). Quemadmodum scriptura per conventionem ad validitatem pacti vel contractus requisita est conditio, a qua suspenditur validitas contractus; ita etiam in casu præsentis traditio habet se per modum conditionis, a qua perfectio constitutionis feudi suspenditur. Quoniam naturaliter paciscentibus etiam conditionate contrahentibus conditionem quamcunque possibilem adjicere licet; ita nec repugnat, ut traditio per modum conditionis adjiciatur. Potest vero ita quoque conveniri, ut quidem feudum sit constitutum, contractu feudali perfecto, sed veluti in diem, ita ut dies, quo traditur, sit terminus a quo juris tibi competentis, prouti idem de scriptura monuimus (*not. §. cit.*). Neque est, quod objicias, in contractu feudali promittendam quoque esse fidelitatem, qualis tamen nulla est, nisi feudum constitutur. Etenim si feudum vi contractus non ante pro constituto haberi debeat, quam ubi fuerit tradita res feudalis; nec promissio fidelitatis ante valida, adeoque obligationem parit, quam re feudali tradita, quippe sub eadem conditione facta.

Quod hic demonstratum & annotatum fuit de constitutione feudi, tanquam translatione domini utilis (§. 155.), idem eodem modo intelligitur de translatione domini pleni, vel juris cujuscunque alterius, ita ut translatio pro perfecta non habeatur, antequam res five corporalis, five incorporalis fuerit tradita, quemadmodum jure positivo introductum. Sane si naturaliter ita conveniri minime posset, nec jure positivo ita constitui æquum fuisset.

§. 219.

*Investitura
quid sit.*

Traditio rei feudalis *Investitura* dici solet, idiomate patrio die *Belehnung*, item die *Lehn-Empfängniß*. In Jure naturæ ipsius contractus feudalis celebratio *Investitura* dici poterat, præsertim si in eodem traditio continetur (§. 217.).

Nimirum *Investitura* significatu generali denotat solennem aliquam Juris cujusdam, quod in re conceditur, vel qualitatis, quæ personæ tribuitur, confirmationem vel collationem. Vid. *Struvius* in Syntagm. Jur. feud. c. 8. §. 1. n. 2. Unde & actus solennis, quo feudum conceditur a domino & a vasallo actu acquiritur, investitura vocari suevit. Quoniam vero jure positivo feudum non acquiritur nisi traditione, ideo traditio secundum contractum feudalem facta *Investitura* dicta, eaque *propria*. Jam cum jure naturali ad feudum acquirendum non requiratur traditio, sed id potius acquiratur contractu feudali ab utraque parte perfecto, nimirum mutuo consensu utrinque declarato & promissione fidelitatis ab accipiente facta (§. 213.); nil sanè obstat, quo minus in Jure naturæ ipsa contractus feudalis celebratio investitura vocari possit. Quodsi accedat traditio eo modo facta, quo in contractu celebrando fieri potest (§. 217.); tanto minus a significatu in Jure positivo recepto recederetur. Immo tum revera coincidit, cum *Investitura*, quæ *abusiva* dici solet, & quam *Struvius* loc. cit. §. 9. definit per actum, quo dominus signo quodam adhibito cor-

raz

non testibus jus feudi alicui fidem promittenti quasi cedit & in vasallum eum recipit. Si enim ea demamus, quæ ad solennitates pertinent, & quibus symbolica traditio continetur (§ 72. part. 3. Jur. nat.), jure naturæ non improbata (§. 73. part. 3. Jur. nat.); investitura abusiva non continet nisi quæ contractui feudali insunt, quando cum eo naturaliter res feudalis simul traditur.

§. 220.

Quoniam naturaliter ad feudum acquirendum non requiritur traditio rei feudalis (§. 212.), nisi expresse aliter conveniatur (§. 218.), traditio autem rei feudalis investitura est (§. 219.); ad feudum constituendum & acquirendum naturaliter non requiritur investitura, nisi expresse ita fuerit conveniatur, ut feudi constitutio non ante perfecta intelligatur, quam ubi res feudalis fuerit tradita.

Jure naturali perinde est, quomodocunque res feudalis tradatur, adeoque etiam symbolica sufficit, nisi certus tradendi modus in specie fuerit conventus, qui omnino stricte observandus (§. 789. part. 3. Jur. nat.). Quodsi modus tradendi non fuerit definitus, dominus eum eligere potest, qui ipsi placuerit, & rationi maxime convenit, ut is eligatur, qui circumstantiis præsentibus maxime convenit: id quod adjudicandum per ea, quæ de diversis tradendi modis demonstravimus alias (§. 25. & seqq. part. 3. Jur. nat.).

§. 221.

Naturaliter non requiritur, ut vasallus fidelitatem juramento promittat: quodsi tamen dominus putet, se nude promittenti non satis tuto credere posse, juramentum a vasallo licet se exigat. Quoniam enim feudum vasallo conceditur sub conditione præstandæ fidelitatis (§. 155.), vasallus domino ad præstandam fidelitatem se obligare debet. Quamobrem cum nemo alteri sese perfecte obligare possit nisi pro-

mittendo (§. 393. part. 3. Jur. nat.) vasallus domino fidelitatem promittere tenetur. Enimvero juramentum non novam producit obligationem (§. 903. part. 3. Jur. nat.), nec promissio, quæ per se valida non est, per juramentum valida fieri potest (§. 905. part. 3. Jur. nat.). Quamobrem cum nuda promissione contrahat validam obligationem præstandi fidelitatem vasallus; ut eandem jurato promittat, naturaliter minime requiritur. *Quod erat unum.*

Enimvero si tui plurimum interest, ut de veritate dictorum alterius sis certus, asseveranti tamen credere non vis, juramentum licitum est (§. 916. part. 3. Jur. nat.): Quamobrem cum omnino intersit plurimum domini, ut de præstanda fidelitate a vasallo securus sit; si asseveranti se non satis tuto credere posse existimet, licitum omnino est juramentum a vasallo exigere. *Quod erat alterum.*

Unde definiendum, an promissio fidelitatis jurata esse debeat.

Quoniam naturaliter promissio fidelitatis a vasallo jurato ut fiat opus non est, dominus tamen, si ita visum fuerit, juratam promissionem ab eo exigere potest (§. 251.); naturaliter a voluntate domini pendet, an promissione nuda fidelitatis contentus esse velit, an vero juratam esse male, consequenter cum vasallus fidelitatem promittere debeat, antequam contractus feudalis pro perfecto haberi possit (§. 212. 213.), quid vero videatur domino de jurata promissione, vasallo constare nequit, nisi is mentem suam de eadem declaret, ideo patet a novo vasallo etiam hoc nomine contractum feudalem esse renovandum.

Nimirum eo ipso dum vasallus domino jurato promittit, se pro dominio utili, quod sibi in re conceditur, fidelitatem præstiturum, contractus feudalis renovatur (§. 155. 171.). Atque adeo contractus feudalis renovatio cum jurata promissione fidelitatis necessario coheret.

§. 223.

Si feudum ab uno promittitur, ab altero acceptatur; qui De feudo promittit obligatur alteri ad feudum constituendum: feudum vero promissum ab ipso nondum acquiritur. Etenim si quis feudum promittit, is tantummodo declarat, quod alteri feudum in re sua constituere velit (§. 361. part. 3. Jur. nat.). Quamobrem qui feudum acceptat, non aliud declarare potest, quam quod velit sibi ab altero feudum constitui (§. 2. part. 3. Jur. nat.). Quoniam itaque promissio acceptatione efficitur valida, ut scilicet promissorem tibi ad præstandum id, quod se præstare velle dicit, obliges (§. 365. part. 3. Jur. nat.), quando feudum ab uno promittitur, ab altero acceptatur, qui promittit ad feudum constituendum obligatur. *Quod erat unum.*

Enimvero quando feudum acquiritur, jus in re alterius acquiritur (§. 155.). Atat sola promissione nondum acquiritur jus in re alterius (§. 986. part. 3. Jur. nat.). Ergo feudum ipsum nondum acquiritur, etiamsi ab uno promissum ab altero acceptatur. *Quod erat alterum.*

Constitutio feudi est actus, qui in præsens absolvitur; promissio autem actus, qui in futurum prominet. Iste absolvi nequit, nisi fidelitas actu promittatur: at si promissio acceptatur, sufficit declaratio, quod quando feudum constituetur fidelitatem promittere, seu se ad eam præstandam acceptans obligare velit. Ad fidelitatem adeo præstandam nondum obligatus est, qui feudum promissum acceptavit, nisi specialiter ita fuerit conventum, ut fidelitas jam actu debeatur propter solam promissionem: tum vero etiam promissum acceptari aliter nequit, nisi ut fidelitas simul promittatur, quippe sub hac conditione facta, ut statim promittatur fidelitas, adeoque statim debeatur, etsi feudum ipsum non statim constituatur.

§. 224.

Quoniam promissione feudi acceptata promittens obligatur *Quod se-*

dum sit con- gatur ad feudum constituendum (§. 223.), acceptatione au-
stituendum, tem sua ad id sibi obligatum habet promissarius promisso-
si constitutio rem, quod promisit, nec plus juris ab eo consecutus, quam
promissa- in eum transferre voluit (§. 382. part. 3. *Jur. nat.*); *si in pro-*
sur. *missione feudi certæ determinationes substantialibus fuerunt adje-*
ctæ, constituens quoque obligatus ad feudum cum hisce determi-
nationibus constituendum, seu ad constituendam sub ea lege, sub
qua promissam.

Quando itaque feudum, quod promissum fuerat, actu con-
stituitur, nec constituens quicquam pro lubitu suo in iis im-
mutare, nec is, cui constituendum, exigere potest, ut determi-
nationes aliæ, quæ sibi placuerint, adjiciantur: cum enim pro-
missa sint servanda (§. 430. part. 3. *Jur. nat.*), nec ultra ea
promissario teneatur promissor (§. 361. part. 7. *Jur. nat.*), stan-
dum est determinationibus promissis, nisi mutuo consensu quic-
quam in hisce mutetur. Integrum nimirum est domino, si
voluerit, ad alia se obligare, dum feudum constituitur, quam
quæ promiserat, & ex adverso is, qui eundem sibi obligatum
habet, jus suum remittere (§. 117. part. 3. *Jur. nat.*), adeo-
que dominum ab obligatione sua liberare potest (§. 97. part. 3.
Jur. nat.). Atque adeo patet, dum feudum promittitur, con-
veniri posse de non substantialibus feudi, seu quale feudum
sit constituendum. Non tamen propterea contractus feudalis
initur, dum de qualitate feudi constituendi convenitur; sed saltem
de modo contrahitur, quo contractus feudalis ineundus, ita ut do-
minus ad hunc contractum feudalem ineundum sit obligatus.
Ceterum ex iis, quæ hætenus demonstrata & ad ea uberius de-
claranda annotata fuerunt, abunde intelligitur, promissionem
feudi a constitutione ejusdem non ideo differre, quod ad
constitutionem requiratur traditio, cum promissio a constitui-
one adhuc differat, etiam si sola acceptatione & cum eadem con-
nexa promissione fidelitatis feudum acquiratur. Neque adeo
dum feudum, quod sub certa lege constituendum fuerat pro-
missum ex conventionem, quæ per se obligatoria non est (§. 701.
part. 3.

part. 3. Jur. nat.), actu constituitur sub lege conventa, contractus feudalis tantummodo confirmatur, sed potius ita celebratur, prouti fuerat promissum. Obtinet idem in quovis alio contractu. Ita venditio potest promitti, & conveniri sub qua lege venditio fieri debeat; non tamen propterea venditio jam perfecta; sed potius ex ista promissione venditoris tantummodo obligatio nascitur ad rem lege conventa vendendam.

§. 225.

Quoniam feudum tale constituendum, quale fuerat *An de quali-* promissum (§. 224.); *de feudo, quale sit constituendum, conve-* niri potest, antequam constituatur, consequenter quando *sal-* *constituendi* rem promittitur, adeoque antequam contractus feudalis *cele-* *conveniri* *possit.*

Et hæc conventio necessaria est in statu naturali, ubi nulla feudi forma lege præscripta est, quam promissor supposuisse præsumitur.

§. 226.

Si contractus feudalis in scripturam redigitur, instru- *De literis* *investitura.* mentum hoc *Breve testatum*, idiomate patrio ein *Lehubrief* appellatur. Subinde etiam *Literas investitura* vocant, quia jure positivo etiam actus investituræ huic instrumento inseritur.

Contractus feudalis & pacta adjecta jure positivo a se invicem distinguuntur, quia contractus dicitur de iis, quæ substantialia & naturalia sunt, pacta vero adjecta sumuntur de accidentalibus. Sed quoniam jure naturæ naturalia & accidentalia non differunt (*not. §. 163.*) & in contractu feudali convenitur de iis, quæ substantialibus adjicienda sunt (§. 173.); ideo nostro jure non opus est ut pacta adjecta contractui feudali contradistinguantur. Quamobrem nec opus est, ut in definiendis literis investituræ seu brevi testato eorundem in specie mentio fiat, cum omnes determinationes, de quibus conventum, ad contractum pertineant feudalem.

§. 227.

*An iis sit o-
pus.*

Quoniam jure naturæ in contractu feudali definiendæ sunt determinationes, quas substantialibus superaddere visum (§. 173.), a voluntate autem contrahentium pendet, quas superaddere velint (§. 164. 169.), si vero contractus feudalis in scripturam redigitur facile probari possit, quænam determinationes substantialibus superadditæ fuerint; *juri natura apprime convenit, ut contractus feudalis in scripturam redigatur, consequenter super eo breve testatum conficiatur.*

Ex contractu feudali meriendum est jus, merienda obligatio domini ac vasalli (§. 172.), ex literis vero investituræ probatur. Ceterum quæ in Jure feudali positivo, quale apud nos receptum de brevi isto testato traduntur, juris positivi unice sunt, adeoque hic non attendenda. Atque adeo litteram illam non nostram facimus, num breve testatum ad solennitatem investituræ requiratur; & an a paribus curiæ tanquam testibus de investitura legitime facta subscribi debeat. Dico juri naturæ convenire, ut breve testatum conficiatur: neque enim necesse est ut per scripturam probeatur, quid actum fuerit, cum aliis adhuc modis probari possit, præsertim cum constanter cum novo vasallo contractus renovetur (§. 209.), sed tantummodo instrumentum hoc facit ad faciliorem probationem, simulque apertissime ostendit, quomodo contractus feudalis sit renovandus. Quoniam jus naturæ perfectivum nos obligat ad præferendum id, quod est melius (§. 193. *part. 1. Pbil. pract. univ.*); dici utique potest, quod *jure natura perfectivo breve testatum confici debeat.* Et hoc respectu erit necessitatis (§. 170. *part. 1. Pbil. pract. univ.*), etsi feudum sine eo constituitur & acquiratur.

§. 228.

*Laudemium
non quid sit. Ita*

Honorarium, quod pro renovatione contractus feudalis domino solvendum, vocatur *Laudemium*.

Definimus vocabulum, ut supra, cum de emphyteusi ageremus

mus (§. 34.). *Struvius* c. 10. §. 12. *Synt. Jur. feud.* laudemium solvi ait pro investitura, qua scilicet novus vasallus a domino recipitur, seu pro nova investitura. Enimvero cum Jure naturæ ad feudum acquirendum non requiratur investitura (§. 220.), requiratur tamen renovatio contractus feudalis (§. 209.), immo in Jure naturæ ipsa celebratio contractus feudalis investitura dici possit (§. 219.); ideo hic laudemium dari dicendum est pro renovatione contractus feudalis, nisi per investituram hanc ipsam intelligere malis.

§. 229.

Quoniam laudemium honorarium est, quod pro renovatione contractus feudalis domino a vasallo solvendum (§. 228.), honorarium vero donum pecuniarium, quod remunerandi animo datur (§. 731. *part. 4. Jur. nat.*); *laudemium in pecunia numerata consistit.* *In quonam consistat.*

§. 230.

An laudemium dari debeat & quando ac quantum dari debeat, mutuo consensu domini & primi acquirentis in contractu feudali determinandum. Quomodo *Quomodo jus ad laudemium acquiritur & ejus quantitas determinatur.* Quoniam enim laudemium præstat, quando feudum in aliam personam transfertur, seu alienatur (§. 228.), an dari debeat laudemium & quantum dari debeat ad eas determinationes pertinet, quibus proprietas restringitur (§. 662. 664. *part. 2. Jur. nat.*). - Quamobrem cum in contractu feudali mutuo consensu domini ac vasalli definiendum sit, quomodo restricta esse debeat proprietas (§. 193.); in eodem quoque contractu mutuo domini ac vasalli consensu definiendum, an laudemium dari debeat & quando ac quantum dari debeat.

Quemadmodum itaque ex contractu feudali metiendum est omne jus domini ac vasalli, omnis quoque utriusque obligatio (§. 172.);

(§. 172.); ita quoque ex eodem derivandum est jus domini ad laudemium exigendum & similiter inde derivanda est obligatio vasalli ad idem solvendum. Nimirum ex definitione feudi minime fuit, domino pro eo solvendum esse laudemium, quod novum vasallum recipiat & cum eo contractum feudalem renover (§. 155.). Pertinet adeo ad eas determinationes, quæ substantialibus adjiciendæ. Quamobrem cum eadem adjiciantur in contractu feudali (§. 173.); laudemium quoque in eodem contractu definiendum.

§. 231.

An laudemium mutato domino solvendum, si ita convenit, non solvendum, si ita convenit non fuerit.

Quoniam in contractu feudali determinandum, quantum mutato domino laudemium solvi debeat (§. 230.); mutato domino laudemium solvendum, si ita convenit fuerit, non solvendum, si ita convenit non fuerit.

Facile intelligitur, conventionem hanc non semper esse expressam, sed etiam tacite conveniri posse, utrum mutato domino solvendum sit laudemium, nec ne, prouti ex eo, quod expresse dictum, alterutrum necessario fuit. E. gr. si ita conveniatur, ut laudemium sit solvendum, quoties contractus feudalis renovatur, vel investitura renovanda, contractus vero feudalis renovandus sit domino mutato, tum etiam solvendum erit mutato domino laudemium; sin vero domino mutato renovari non debeat contractus, nec erit eodem mutato solvendum laudemium. Quod si ita conveniatur, ut laudemium non sit solvendum, nisi quando feudum transfertur in extraneum alienando; id domino mutato solvendum non erit. Sed hæc patent ex iis, quæ de interpretatione pactorum tradenda post hac sunt.

§. 232.

Quando solvendum a vo vasallo, nisi quando per alienationem ab eo primum acquiritur, non vero, si ex lege contractus per successionem in eum devolvitur, si ita fuerit convenit.

Hæc in specie ex principio generali inferenda esse duximus, et non miremur jure positivo de laudemio non idem esse ubi-
 ris sancitum, sed variari tam leges, quam consuetudines, ne-
 que propterea aliorum mores reprehendamus, quod cum no-
 tis minime consentiant, immo etiam ut suo loco pateat, quæ-
 rum in jure positivo arbitrio legislatoris sint relicta. Neque
 enim potestatem legislativam intime perspicere licet, nisi in
 Jure naturæ didiceris, quasnam paciscentium arbitrio sint reli-
 cta, ut taceam alia de jure positivo notanda, de quibus suo loco
 dicemus. Inprimis etiam ad talia animum advertere debet,
 qui intelligere voluerit, quid veritatis subfit, quando dicitur,
 populos sibi jura pro utilitate sua constituisse, ac constituta mu-
 tasse, & cur positiva jura non eadem sint apud omnes gentes,
 salva æquitate.

§. 233.

Et quoniam in contractu feudali determinandum, an & Quando
 quantum solvi debeat laudemium (§. 230.) ; si in eodem de laudemium
 laudemio nihil fuerit dictum, nullum quoque præstandum. nullum præ-

Etenim tacite conventum nil admitti potest, nisi quod ex iis, præstandum.
 quæ expresse dicta sunt, colligitur, quando id abesse potest,
 salvo negotio, quod inter contrahentes gestum, veluti hic
 salva constitutione feudi, a qua laudemii præstatio abesse potest.

§. 234.

Si laudemium a novo vasallo præstandum ; feudum a præ- De obligati-
 sente alienari nequit nisi cum onere præstandi laudemium. Por- one novi va-
 est tamen is cum novo vasallo convenire, vel ut a se præstandum falli, ut lau-
 sit laudemium, vel ut pro rata inter se ac novum vasallum di- demium sol-
 vidatur : hac conventionem tamen non obstante dominus sibi obli- vas.
 gatam habet novum vasallum ad laudemium integrum præstan-
 dum. Etenim si laudemium præstandum novo vasallo, vi
 contractus feudalis feudum alienari non debet vasallus præ-
 tens nisi cum hac conditione, ut præstetur a novo vasallo

laudemium (§. 230.). Quamobrem cum domino jus quaesitum auferri non possit (§. 336. part. 2. *Jur. nat.*); quando feudum alienatur, non nisi cum onere praestandi laudemium alienatur. *Quod erat primum.*

Enimvero cum non interfit domini, utrum laudemium solvat novus vasallus, an nomine ejus, qui feudum alienavit, & utrum novus vasallus & qui feudum alienat laudemium inter se dividant, an vasallus novus solus integrum praestet, modo integrum accipiat dominus; nil obstat, quo minus in alienatione ita conveniatur, ut, qui feudum alienat, loco vasalli novi laudemium solvat, vel ut laudemium, quod praestandum, pro rata inter eos dividatur. *Quod erat secundum.*

Denique quia vasallus feudum alienare nequit nisi cum hac conditione, ut praestetur a novo vasallo laudemium, *per demonstrata n. 1.* domino competit jus exigendi ob hoc laudemium. Quamobrem cum hoc jus invito auferri nequeat (§. 336. part. 3. *Jur. nat.*); non obstante conventionione de laudemio solvendo ab alienante, vel divisione ejusdem inter alienantem ac novum vasallum, dominus vasallum novum sibi obligatum habet ad laudemium integrum praestandum. *Quod erat tertium.*

Relegenda hic sunt, quae in casu simili de emphyreusi annotavimus (*not. §. 37.*). Laudemii solutio onus est, quod feudo impositum, atque adeo eidem inhæret, ut adeo cum feudo transeat ad novum vasallum, consequenter cum in praedictum domini auferri aut immutari minime possit, nulla valet de eodem sine consensu domini conventio, nisi quatenus ex ea nullum nascitur domino praedictum. Ita igitur in alienatione conveniri nequit, ne domino sit praestandum laudemium, & quicquid ex conventionione solvendum ab alienante, id non solvitur nisi nomine vasalli novi, cui jus est compellendi

di cum ut solvat, novo autem domino, ad nihil obligatus est qui alienavit, sed is non nisi novum vasallum sibi obligatum habet.

§. 235.

Laudemium statim exigi potest, quando contractus feudalis Laudemium fuit renovatus. Datur enim pro renovatione contractus feu- quando exi-
dalis (§. 228.). Unde porro eodem modo ostenditur, id gendum.
statim exigi posse, quando contractus feudalis renovatur;
quemadmodum idem ostendimus de emphyteusi (§. 39.).

Qui sumunt, laudemium dari pro consensu domini in alienationem; propositionem præsentem in sua etiam hypothesei admittere tenentur. Consensum enim dominus declarat, dum contractum feudalem cum novo vasallo renovat, quo eundem suscipit. Ex ista vero hypothesei sequeretur, mutato domino non esse solvendum laudemium, quia tunc non consentitur in alienationem a vasallo factam, nec idem præstandum esse, quando ex lege contractus in feudo succeditur, quia tunc consensu domini nullo opus est. Ratio autem, cur laudemium exigatur, generalis esse potest, nimirum ut dominium directum pariat aliquam utilitatem. Et hæc in Jure naturæ attendenda tanquam motivum, cui adeo definitio laudemii repugnare minime debet. Non vero in nostro Jure quæstio est, quænam fuerit ratio, cur laudemium jure positivo ab initio fuerit introductum.

§. 236.

*Naturaliter non repugnat, feudum ea lege offerri, ut domini De modo re-
niam directum sit personale, ut constituatur pro certis personis, stringendi
nec sit alienabile in extraneum, ut alienari non possit nisi cum con-
sensu vasalli.* Etenim qui rem in feudum offert, conditio- directum in-
nes offerre potest, sub quibus id constitui vult, seu significa- feudo oblatio.
te, quas determinationes substantialibus superaddi velit (§.
169.). & hæc in contractu feudali sunt definiendæ (§. 173.).

Quam-

Quamobrem cum dominium directum alicui competere possit vel tanquam jus personale, ut scilicet ad solam feudum constituentis in re ad infeudandum oblata personam sit restrictum (§. 539. *part. 3. Jur. nat.*), vel tanquam transmissibile ad certas personas, quæ nominantur, non vero alienabile, vel tanquam alienabile in quemcumque sive cum consensu vasalli, sive sine eodem, quod per se patet; naturaliter utique non repugnat feudum offerri ea lege, ut dominium directum sit personale, ut constituatur pro certis personis, nec sit alienabile in extraneum, ut alienari non possit nisi cum consensu vasalli.

Quoniam vasallus domino obligatur, ad præstandam fidelitatem (§. 155.), subinde etiam ad servitia militaria (§. 178.); ipsius porissimum interest, cuinam fidelitatem ac servitia militaria præster. Quamobrem feudum offerenti esse possunt rationes, cur dominium directum certo quodam modo restringat; nec aliter feudum sibi in re sua constitui velit, nisi dominio directo eo, qui ipsi placuerit, modo restricto. In feudo dato cum domini sit offerre conditiones (§. 164.), vix continget, ut dominium directum, quod sibi in re sua reservat, restringat, quamvis non prorsus impossibile sit.

§. 237.

De jure domini in dominio directo restringendo. Si dominus in feudo dato dominium directum personale esse velit, vel non nisi transmissibile ad certos successores, vel non nisi alienabile cum consensu vasalli; in contractu feudali cum vasallo ita convenire licet. Etenim a voluntate domini feudum in re sua alteri constituentis, consequenter si feudum detur (§. 166.), pendet, quasnam determinationes substantialibus superaddere velit (§. 164.). Quamobrem cum determinationes, quibus dominium directum restringitur, ad substantialia minime pertineat (§. 161. 163.); ipsi utique licet eas adjicere in gratiam vasalli, quas voluerit. Quod si ergo velit

lit ut dominium directum non sit nisi personale, vel ut non sit nisi transmissibile ad certos successores, vel ut non sit alienabile nisi cum consensu vasalli, in contractu autem feudali definiendæ sint determinationes feudi, consequenter etiam eæ, quæ ad dominium directum pertinent, substantialibus superaddendæ (§. 173.); quin cum vasallo in contractu feudali ita conveniri possit, dubitandum non est.

Feudum datum & oblatum eodem modo constitui potest, sed cum in oblato offerens, in dato constituens condiciones offerat, determinationes substantialibus superaddendæ aliæ magis conveniunt feudo dato, aliæ autem feudo oblato. Quæ adeo in feudo dato vix placuerint constituti, in feudo autem oblato facilius locum habent; eas de feudo oblato sigillatim demonstrari consultum duximus: ne tamen quis existimet, quasi eas feudo oblato proprias esse velimus, ostendendum utique erat, non impossibile esse, ut in feudo etiam dato ita conveniatur, etsi casus raro, aut nunquam dabilis existimari debeat. Sufficit enim in Jure naturæ aliquid physice, ac moraliter possibile esse, ut ita conveniatur; de eo autem quæstio non est, quid plerumque fiat, aut quid rarius, vel vix unquam fiat, ut casus tantum non pro eo habeatur, qui dari nequit. Sane jus est domino rem suam in feudum dans dominium directum in gratiam vasalli omni possibili modo restringendi, sed propterea nondum sequitur, quod id hoc, vel isto modo restringere velit. Et vasallus, qui acceptare debet condiciones, quas offert dominus, si feudum acquirere velit; non potest sibi obligare dominum ad feudum sibi constituendum, prouti ipse voluerit, quemadmodum facere potest, si feudum offert.

§. 238.

Dominus directus sine consensu vasalli jus suum alienare De jure aliter potest, nisi aliter fuerit conventum. Etenim quilibet jus suum enandi in alium transferre (§. 12. part. 3. Jur. nat.), consequenter aliam in alium transferre potest pro lubitu (§. 662. part. 2. Jur. nat.). Quamobrem

(Wolffii Jur. nat. Pars VI.),

Y

rem

rem etiam dominus directus jus suum alienare potest pro libitu, adeoque sine consensu vasalli. *Quod erat unum.*

Quoniam tamen aliter conveniri potest (§. 236. 237.), contra jus autem vasallo ex contractu feudali quæsitum dominus nil facere possit (§. 910. part. 1. Jur. nat.); si ita fuerit conventum, ut non sit alienabile, vel ut alienari non possit sine consensu vasalli, in priori casu alienari non poterit dominium directum, in posteriori non licet alienare nisi cum vasalli consensu. *Quod erat alterum.*

§. 239.

Quando alienatio domini directi invalida.

Quoniam dominus directus jus suum alienare nequit sine consensu vasalli, si ita fuerit conventum, ut alienari non possit, vel ut ad alienationem requirendus sit vasalli consensus (§. 238.); si dominus dominium directum alienet, quod alienare non poterat, aut si alienet sine consensu vasalli, quod sine consensu ejus alienare non poterat, alienatio invalida, adeoque vasallus eum, in quem jus suum transtulit dominus, pro domino superiori agnoscere non tenetur, neque ad fidelitatem præstandam eidem sese obligare.

Nimirum in uno casu competit vasallo jus non patiendo, ut dominium directum alienetur, in altero ut alienetur sine consensu suo, consequenter alienationem actu factam irritam faciendi. In utroque nimirum casu novus dominus vasallo obtrudi nequit.

§. 240.

*An contra-
Ejus feudalis novandus
renovandus
mutato do-
mino.*

*Mutato domino contractus feudalis a vasallo cum eodem re-
novandus.* Etenim vasallus obligari debet novo domino ad præstandam fidelitatem (§. 155.) & ea, de quibus præterea conventum (§. 172.). Quamobrem cum obligationes istiusmodi nascantur ex contractu (§. 793. part. 3. Jur. nat.);

ideo

ideo necesse est, contractum feudalem, ex quo metienda est obligatio vasalli, perinde ac domini (§. 172.), a vasallo domino mutato renovari.

Lucem uberiorem propositioni presentii affundunt, quæ supra de renovatione contractus feudalis vasallo mutato annotata sunt (not. §. 209.). Sane novum dominum & feudum ab eo vasallus recognoscere debet, novus vero dominus eundem tanquam vasallum suum suscipere: id quod fit in contractu feudali.

§. 241.

Quoniam mutato domino vasallus contractum feudalem cum eodem renovare obligatur (§. 240.); *domino novo dominus vasallus jus ad contractum feudalem renovandum vasallum compellendi* (§. 236. part. 1. Phil. pract. univ.). *An novus vasallus compellere possit*

Nimirum domini interest, ut de fidelitate vasalli sit securus, & ut se tanquam dominum superiorem is recognoscat: Vasallus autem cum tanquam dominus utilis ex re feudali solus omnem utilitatem percipiat (§. 155. 2.) parum curat, utrum dominum directum habeat, nec ne, nisi ad certas quasdam præstationes, ob quas feudum fuit oblatum, is eidem obligetur (§. 179.). Quamobrem obligatio renovandi contractum feudalem tenet vasallum, dominum autem non nisi obligatio in contractu feudali, dum renovatur, nil pro lubitu suo immutandi. Jus itaque, quod obligationi contractus renovandi responderet, coactivum ad dominum pertinet.

§. 242.

Quando contractus feudalis renovatur, sive domino, sive vasallo mutato; *dominus pro lubitu suo nihil in eo immutare potest*. Etenim quando dominus mutatur, dominium directum transit in alium. Quamobrem cum nemo ab altero plus juris acquirere valeat, quam quod ipse habet, quod per se patet; *immutabile erit jus novi domini, quale ex contractu feudali com-*

petebat domino anteriori (§. 172.). Quoniam itaque novus dominus plus juris sibi arrogare nequit in vasallum, neque etiam jus ex contractu feudali vasallo. quaesitum (§. 172.) eidem adimere potest (§. 336. part. 2. Jur. nat.); si mutato domino contractus feudalis renovatur, novus dominus nihil pro lubitu in eodem immutare potest.

Quodsi vasallus mutetur, feudum alienatur vel transmittitur in alium tale, quale ex contractu feudali accepit primus acquirens (§. 202.). Quamobrem quando contractus feudalis renovandus, cum ex deo metiendam sit jus novi vasalli, ejus etiam obligatio (§. 172.) dominus in contractu feudali, quando renovatur, in gratiam sui ac praejudicium vasalli, consequenter pro lubitu suo nihil immutare potest.

Dico, in contractu a domino nihil pro lubitu immutari posse, quando is renovatur. Quodsi enim ponamus, mutuo domini ac vasalli, nec non eorum, quorum interest, consensu quaedam immutari; id ad praesentem casum non pertinet, ubi dominus hoc facere velle supponitur parte altera invita.

§. 243.

Quando mutato domino contractus renovatio non sit opus. Si in contractu feudali vasallus promittit, quod non modo dominum praesentem, verum etiam futurum alium quemcumque, vel successorem legitimum pro domino superiori recognoscere vel eidemque fidelitatem praestare; mutato domino, renovatione contractus opus non est. Etenim cum promittendo perfecte alteri obligemur (§. 363. part. 3. Jur. nat.); si vasallus in contractu feudali promittat, quod etiam domino novo fidelitatem praestare eundemque pro domino superiori agnoscere velit, quoniam contra promissorem pro vero habetur, quod sufficienter indicat (§. 428. part. 3. Jur. nat.); idem quoque domino novo ad fidelitatem praestandam obligatus est, & vi-
lus

lius promissionis eundem pro domino superiori agnoscere tenetur. Quoniam itaque jam perfecte obligatus est ad fidelitatem præstandam & dominium directum recognoscendum non opus est, ut nova promissione obligationem jam contractam confirmet, consequenter cum eo sine contractus feudalis renovandus foret, ejusdem renovatione opus non est.

Nimirum promissio, quæ fit futuro domino, dum te præsentem obligas, æquipollet conditionatæ, si contingat dominum mutari, te novo quoque domino fidelitatem præstare velle, vel etiam te fidelitatem præstaturum novo domino, si dominium directum in eum transferri, vel transmitti contingat. Existente adeo conditione, hoc est, dominio directo in eum translato seu devoluto, promissio conditionata fit pura (§. 529. *part. 3. Jur. nat.*), atque adeo perinde est, ac si novo hinc domino jam pure promississes præstationem fidelitatis ac recognitionem domini directi. Neque est quod excipias, mutato præsertim domino per alienationem, promissionem conferri in personam incertam. Ecquis enim negaverit promissionem in personam promittenti incertam collatam esse posse obligationem? Sane si lusuris, etiamsi nondum notis, quinam fit victor extiturus, aut quinam lusuri sint, promittas, te vincenti daturum nummum aureum; hoc non obstante nemo negare audeat, te victori, ludo finito, obligarum esse ad nummum aureum dandum. Quodsi vero conveniatur, ut non obstante hac promissione, quam diximus, contractus tamen feudalis cum novo domino sit renovandus; tunc promissio illa saltem producit obligationem ad contractum feudalem renovandum. Inspectenda nimirum est mens contrahentium, qualem manifestant verba conjunctim sumta (§. 428. *part. 3. Jur. nat.*). Sed talia manifestiora evadent per ea, quæ posthac de interpretatione dicturi sumus.

§. 244.

Fidelitas mutuo consensu in contractu feudali determinanda. De fidelitate

Y 3

Etenim

*determi-
nanda.*

Etenim fidelitas complectitur quævis officia humanitatis, ea præsertim, quibus damna avertuntur, ac commoda promoventur (§. 154.). Quamobrem cum horum officiorum non exiguus sit numerus, & domino feudi intersit, ut hæc inprimis ipsi præstentur officia, quorum scilicet respectu feudum constituere alteri voluit in re sua, immo cur feudum oblatum acceptare voluerit; ideo mutuo consensu determinationes fidelitatis definiri debent (§. 382. *part. 3. Jur. nat.*). Quoniam itaque fidelitas in genere spectata ad substantialia feudi pertinet (§. 161.), determinationes vero, quas substantialibus superaddere visum est, in contractu feudali definiendæ sunt (§. 173.); fidelitas in contractu feudali mutuo consensu determinanda.

Obtinet hoc etiam jure positivo, in quo fidelitas ad certa capita reducitur, & in jurata promissione sigillatim enumerantur ea, ad quæ vasallus obligari debet domino (*not. §. 154.*). Quamvis adeo fidelitas in genere spectata omnia officia humanitatis complectitur (§. 154.); ea tamen ad certa officia restringi in specie potest, quemadmodum proprietas tam quoad dominium utile, quam quoad directum restringitur.

§. 245.

*Obligatio
vasalli ad
præstandam
fidelitatem
qualis sit.*

Quoniam fidelitas mutuo consensu in contractu feudali determinatur (§. 244.), ex contractu autem obligationes præstæ nascuntur (§. 793. *part. 3. Jur. nat.*); ad fidelitatem conventam præstandam vasallus domino & dominus vasallo perfecte obligatur, consequenter domino competit jus vasallum compellendi ad fidelitatem conventam præstandam, & ubi non fecerit, vasallus ipsi tenetur ad id, quod interest (§. 629. *part. 3. Jur. nat.*), nisi poena fuerit conventa, qua tum præstanda (§. 611. *part. 3. Jur. nat.*).

Atque jam clarius adhuc effuciscit necessitas fidelitatem mutuo consensu in contractu feudali determinandi. Ea enim genera-

nera-

neraliter spectata officia humanitatis quævis complectitur (§. 154.), quæ naturaliter nonnisi imperfecte debentur (§. 436. part. 3. *Jur. nat.*), in perfecte autem debitum abeunt, si ad ea mutuo consensu te alteri obligas (§. 437. part. 3. *Jur. nat.*), hoc est, ea alteri acceptanti promittas (§. 393. 365. part. 3. *Jur. nat.*). Quoniam nimirum ad fidelitatem præstandam perfecte sese obligare debet vasallus, absolum vero foret, vasallum sese promiscue obligare debere ad quævis humanitatis officia præstanda, cum hoc pacto sese obligare in multis, quæ in potestate sua non semper sunt, necesse tamen fit, ut obligationes perfectæ sint certæ; ideo de fidelitate conveniri debet, qualis præstanda sit. Quatenus enim fidelitas conventa, perfecte debetur; quatenus vero non conventa, hoc est, quoad cetera officia humanitatis, nonnisi imperfecte debetur, seu quoad ea naturalis obligatio subsistit, quæ nullum dat domino jus compellendi vasallum ad præstationem. Quamvis vero obligatio perfecta ad officia humanitatis libertati naturali repugnet (§. 660. part. 1. *Jur. nat.*), ut adeo natura nemini competat jus alterum ad officia humanitatis sibi præstandum vi adigendi (§. 236. part. 1. *Phil. pract. univ.*); hoc tamen non obstat, quo minus nos ad officium aliquod humanitatis alicui præstandum perfecte obligemus, ut ipsi competat jus ad id præstandum nos cogendi, atque quoad hunc actum respectu ipsius libertatem nostram naturalem restringamus, immo particulam ejus hoc pacto alienemus. Actus isti cum antea non subessent juri alterius, sed a voluntate tua penderent, accedente obligatione perfecta ex pacto jam subsunt juri alterius, ut is eos imperare, tu vero eosdem denegare non possis.

§. 246.

Quoniam fidelitas mutuo consensu in contractu feudali determinanda (§. 244.), feudum vero constituitur sub domini conditione mutue fidelitatis (§. 155.); ita etiam conveniri ventum potest in contractu feudali, ut dominus vasallo obligetur ad protectionem præstandam: cumque qui rem in feudum offert, condi-

conditiones offerre potest, sub quibus id constitui vult (§. 169.); feudo oblato maxime convenit, ut dominus vasallo ad protectionem præstandam, aut ad præstandum aliud quidpiam eidem obligetur.

Nimirum si feudum datur, dominus idem vasallo constituit in re sua (§. 166.); quando autem offertur, idem constituitur vasallo in re, quæ antea pleno jure ipsius erat (§. 168.). Quamobrem cum in casu priori vasallus acquirat, quod antea nondum habebat; in posteriori autem jus, quod antea in re habuerat, imminuatur; ac præterea dominium utile, quod cum præstatione fidelitatis conjunctum est (§. 155.), oneretur (§. 585. part. 3. Jur. nat.); feudo dato utique magis convenit, ut dominus, qui dominium directum acquirat, quod antea non habuerat, ad aliquid vicissim præstandum vasallo obligetur, quam feudo dato, ubi nulla ratio intrinseca est, cur dominus ad aliquam præstationem obligari debeat, sed sponte sua hoc facere debet. Quoniam tamen rationes extrinsecæ adesse possunt sive ex parte dantis, sive ex parte accipientis, cur hoc faciat dominus alteri in re sua feudum constituens; ideo non repugnat feudo dato, ut etiam dominus vasallo ad singularem quandam præstationem sese obliget.

§. 247.

Obligatio domini ad certas præstationes qualis sit.

Ad præstationem conventam dominus vasallo perfecte obligatur, & huic competit jus dominum ad eam compellendi. Etenim in contractu feudali convenitur, utrum dominus ad quædam præstanda vasallo obligatus esse debeat, nec ne (§. 246.). Quamobrem cum ex contractu oriantur obligationes perfectæ (§. 793. part. 3. Jur. nat.); ad præstationem conventam dominus vasallo perfecte obligatur. Quod erat primum.

Quoniam obligatio perfecta parit alteri, cui obligatus es, jus te cogendi ad præstandum id, ad quod obligatus es (§. 236. part. 1. Phil. præf. univ.), obligatio vero domini ad præstationem conventam perfecta est, per demonstrata; vasallo

lo quoque competit jus dominum compellendi ad præstandum id, de quo in contractu feudali conventum. *Quod erat alteram.*

Obligatio perfecta dominio directo minime repugnat. Con-
sistit enim dominium directum in parte quadam proprietatis (§. 3.), in contractu feudali specialibus determinata (§. 173.) ut vi ejusdem de ipsa substantia rei modo convento disponere possit dominus, nec pati debeat, ut pro suo libitu sine ipsius consensu disponat vasallus. Hoc jus subsistere potest, etiam si dominus ad quædam facienda vasallo perfecte obligetur, adeoque perfecta obligatio dominio directo minime repugnat. Quæ sibi mutuo repugnant, ea simul in eodem sub-
jecto locum habere nequeunt.

§. 248.

Ita etiam conveniri potest, ut, si dominus non præstet id, Quomodo de quo in contractu feudali conventum, res feudalis pleno jure cessante sit vasalli, & ex adverso, si vasallus non præstet id, de quo conventum, eadem pleno jure sit domini. Etenim a voluntate *conventa* tam feudum constituentis (§. 164.), quam offerentis pen-
det, quas determinationes substantialibus superaddere ve-
extingua- lint (§. 169.), & hæ in contractu feudali definiendæ (§. 173.), adeoque de his conveniendum (§. 788. *part. 3. Jur. nat.*). Quoniam itaque per se patet, possibilem esse conventionem, ut, si pars alterutra non præstet id, de quo conventum est in contractu feudali, res feudalis esse definat & pleno jure fiat partis alterius, cui non præstatur, quod debetur, ita omnino etiam conveniri potest, ut, si dominus non præstet id, de quo conventum, res feudalis pleno jure sit vasalli; & ex adverso, si vasallus non præstet id, de quo conventum, eadem pleno jure sit domini.

Nihil in hac conventionem iniqui. Etenim si vasallus non præstet, ad quod præstandum obligatus, propterea quod ipsi
(*Wolfii Jur. Nat. Pars VI.*) Z domi-

dominium utile conceditur in re feudali, a pacto, quo jus suum acquisivit (§. 171.), recedit. Quamobrem nec dominus obligatur stare pacto & vasallo concedere dominium utile (§. 827. part. 3. Jur. nat.). Idem eodem modo intelligitur de vasallo, si dominus præstare nolit id, ad quod præstandum sese ipsi obligavit. In casu adeo priori nihil amplius juris in re feudali habet vasallus, in posteriori dominus, adeoque pleno jure in illo res sit domini, in hoc autem vasalli. Convenit posterius inprimis feudo oblato; prius feudo dato, quoniam scilicet rationes, cur ita conveniatur, facilius sese offerant in uno feudorum genere, quam in altero. Possunt tamen etiam esse rationes, cur utroque modo in utroque genere conveniatur. Rationes istæ cum sint motiva feudi dandi, vel offerendi (§. 887. Psych. empir.), ubi de jure quæstio est, quod ex contractu metiendum (§. 172.), in quo ineundo liberum regnat contrahentium arbitrium (§. 164. 169.), minime attenduntur. Ad eas tantummodo animum advertere debemus, ubi iudicium fieri debet, num casus aliquis sit facile dabilis & quando detur. Et qui hoc, vel alio modo conveniunt, rationes istas perpendere tenentur, ne imprudenter agant. Pertinent eadem ad animum deliberatum promissoris & promissarii (§. 394. 395. part. 3. Jur. nat.). Quamobrem cum de animo deliberato promissoris statuendum non sit promissario, nec de animo deliberato promissarii promissori (§. 424. part. 3. Jur. nat.); rationes quoque istæ non attenduntur, ubi de juribus ab alio acquirendis & de obligationibus contrahendis agitur.

§. 249.

De feudo ab alio, quam ut dominium directum comperat, tertium & vasallus ab eo feudum constituente recognoscere debeat. Etenim de re sua quilibet disponere potest pro arbitrio suo vi domini (§. 118. part. 2. Jur. nat.). Quamobrem si cui visum fuerit, ut dominium directum in eadem in unum, utile in alium transferat; quin hoc

hoc fieri possit dubitandum non est. Et quoniam jus quoddam in alium transferre potest sub ea lege, sub qua ipsi visum fuerit (§. 11. part. 3. Jur. nat.); dominium quoque utile in alium transferre potest ea lege, ut alteri, in quem dominium directum translatum est, ad fidelitatem præstandam sit obligatus. Quoniam itaque feudum constituitur, quando alteri conceditur dominium utile sub conditione præstandæ fidelitatis (§. 155.); feudum quis in re sua ita constituere potest, ut dominium directum competat tertio, & vasallus ab eodem feudum recognoscere debeat.

Datur nimirum res ea lege, ut sit feudalis & feudum recognoscatur a certo tertio. Quando quis feudum constituit, dominium utile in vasallum transfert, directum sibi reservare solet (§. 155.). Quemadmodum vero directum dominium sibi reservatum in alium transferre potest; ita multo magis idem, quod sibi reservare poterat, statim in alium transferre valet. Cumque vasalli jus & obligatio ex contractu, quo feudum constituitur & acquiritur (§. 171.); metienda sint (§. 172.); vasallus quoque tum dominium directum agnoscere tenetur eum, eidemque ad fidelitatem præstandam sese obligare, cui dominium directum conferre voluit constituens.

§. 250.

Quoniam perinde habendum, siue dominus feudum *De re data*, in re ita constituat, ut dominium directum non sibi reservet, sed tertio cuidam id competat, siue alicui rem *ut feudum* suam det ea lege, ut alteri cuidam feudum in eadem constituat, prius autem fieri potest (§. 249.); quilibet quoque *ur.* rem suam alteri dare potest ea lege, ut feudum tertio cuidam in eadem constituat, consequenter ad feudum constituendum huic obligatus sit.

Consultius est, ut dominus ipse feudum constituat uni & dominium directum transferat in alterum, cum ita breviori via obtineatur, quod intenditur: præstat enim aliquid statim acquirere, quam alterum sibi obligatum habere ad id præstandum. Accedit, quod constituens præscribere possit determinationes substantialibus adjiciendas (§. 164.). Quodsi ergo res detur simpliciter sub hac conditione, ut feudum tertio constituatur in eadem; arbitrio ejus relictum videtur, quas determinationes, qui dominium directum sibi reservare debet, adjicere velit, ut adeo vasallus magis onerari possit, quam visum fuerat danti, Tacemus alia, quæ adhuc dici poterant.

§. 251.

An in re aliena feudum alteri quis constituere possit. *In re aliena nemo alteri feudum constituere potest.* Etenim quando alicui feudum constituitur, jus eidem constituitur in re quadam (§. 155.). Enimvero cum præter dominum nemo alteri jus quoddam in re aliqua constituere possit (§. 983. part. 3. Jur. nat.), consequenter nemo in re aliena, seu quæ sua non est, alteri jus constituere queat; in re quoque aliena, seu quæ sua non est nemo alteri feudum constituere potest.

§. 252.

Constitutio feudi a non potest (§. 251.), si putes rem esse suam, quæ non est, & in ea dominum facta alteri feudum constituas, constitutio nulla est. Idem etiam valet non valida. lex de mala fidei possessore, vel si quis sciens hoc facit.

Quodsi enim constitutio valida esse deberet, domino liceret jus suum auferre: id quod absurdum (§. 396. part. 2. Jur. nat.). Quando itaque dominus rem suam vindicat (§. 544 part. 2. Jur. nat.); vasallus eam restituere tenetur, quia a non domino jus nullum acquirere potuit, sive is bona fide, sive mala fide rem possedit.

§. 253.

§. 253.

Si ignoranti feudum constituitur in re propria; feudi De re pro-
constitutio nulla est. Etenim feudum constituitur per con- *propria igno-*
 tractum feudalem (§. 170. 171.). Quodsi ergo ignoranti *ranti in feu-*
 feudum constituitur, error dat causam contractui, cum per *dum data.*
 & pateat, dominium utile, quale est feudum (§. 154.), in
 dominum transferri non posse, qui plenum dominium ha-
 bet. Enimvero si error dat causam promisso adeoque pa-
 cto (§. 788. part. 3. *Jur. nat.*), pactum invalidum est (§. 569.
 part. 3. *Jur. nat.*). Ergo etiam non valet contractus feuda-
 lis, consequenter feudi constitutio nulla est, si ignoranti feu-
 dum constituitur in re propria.

Ostenditur etiam hoc modo. Si res, in qua alter tibi
 feudum constituit, tua est, cum tu dominium plenum in ea
 habeas (§. 124. part. 2. *Jur. nat.*), nihil juris constituenti in
 eadem est (§. 120. part. 2. *Jur. nat.*). Quamobrem cum consti-
 tuens dominium utile in te transferre debeat (§. 155.), ipse au-
 tem hoc non habet, sed id tibi jam competat *per demonstra-*
ta; si tibi ignoranti feudum constituitur in re propria, con-
 stitutio nulla est.

Si tibi in re propria feudum constituitur, dominium di-
 rectum tibi adimitur, nullum vero jus in te confertur.
 Quodsi ergo constitutio feudi subsistere deberet, tibi invi-
 to adimeretur jus & alteri obligareris contra voluntatem
 tuam: quod fieri haudquaquam potest (§. 336. part. 2. & §.
 382. part. 3. *Jur. nat.*).

§. 254.

Si scienti feudum constituitur in re propria; feudum ob- *De feudo*
latum constitutum intelligitur. Qui enim scit rem esse su- *scienti in re*
 am & hoc non obstante in hoc consentit, ut sibi ab al- *propria con-*
 tero feudum in ea constituatur; cum nemo alteri feudum *sisus.*

in re constituere possit, nisi dominus (§. 165.), consequenter in re, quæ sua est (§. 124. *part. 2. Jur. nat.*), is rem suam alteri dare intelligitur, sub hac conditione, ut ipsi feudum in eadem constituatur (§. 167.). Quoniam itaque feudum oblatum est, quod danti constituitur in re data (§. 168.), si scienti feudum constituitur in re propria, feudum oblatum intelligitur constitutum.

Nimirum qui consentit, ut dominium vite in se transferatur ab altero, & is sibi reservet directum, is omnino consentire debet, ut res, quæ sua est, sit alterius, quæcunque tandem sint rationes, cur hoc velit, in præsentî minime attendendæ (*not. §. 248.*). Quodsi enim noller, rem, quæ sua est, alterius esse debere, non sibi pateretur feudum in ea constitui, sed dominium plenum retineret, quod in re habet. Ex iis, quæ dicuntur & aguntur, judicandum est, quænam sit mens contrahentium (§. 427. *part. 3. Jur. nat.*). Atque hoc verum est, sive is, qui feudum constituit, ignoret, rem esse ejus, cui feudum constituitur, sive hoc noverit. De ejus enim mente tantummodo quæritur, quænam sit, cui feudum constituitur. Quodsi enim constituens rem possideat & alter noller, eum alterius esse debere; non pati deberet, feudum sibi in re sua constitui, sed eam vindicare (§. 544. *part. 2. Jur. nat.*). Quoniam igitur rem vindicare non vult, sed potius patitur, ut alter de re instar domini disponat (§. 165.); ipso facto declarat, velle sese ut res sit alterius, quod feudum sibi in ea constitui velit: quod omnino idem est ac dare alteri rem suam sub hac conditione, ut feudum sibi in ea constituatur.

§. 255.

De feudo in re communi unus sine consensu ceterorum feudum con-
stituere nequit, nec eam in feudum alteri offerre potest. Omni-
consituen- um tamen consensu res communis & in feudum dari, & offer-
do. ri potest. Quodsi enim res pluribus fuerit communis nul-
 lu

lus actus domini validus absque consensu ceterorum, qui in communione sunt (§. 141. part. 3. *Jur. nat.*). Quamobrem cum feudi constitutio sit actus domini (§. 165.), & cum rem in feudum alteri offerens eam eidem det sub hac conditione, ut feudum in eadem sibi constituatur (§. 167. 168.), adeoque etiam oblatio in feudum actus domini sit (§. 676. part. 2. *Jur. nat.*); unus quoque in re communi sine consensu ceterorum feudum constituere nequit, nec eam alteri in feudum offerre potest. *Quod erat primum & secundum.*

Enimvero cum in communione positiva omnes conjunctim sint dominus (§. 127. part. 2. *Jur. nat.*), adeoque unanimi consensu de re communi pro arbitrio suo disponere possunt (§. 118. part. 2. *Jur. nat.*); quin omnes simul qui in communione positiva sunt, unanimi consensu & rem communem in feudum dare, & offerre possint, dubitandum non est. *Quod erat tertium & quartum.*

§. 256.

Qui in communione positiva est, partem rei communis divisam nec in feudum dare, nec offerre potest. *An rei communis pars divisam in feudum dare possit.* Qui enim in communione positiva est, pro parte indivisa dominium in ea habet (§. 126. part. 2. *Jur. nat.*), consequenter de parte divisam disponere nequit pro lubitu suo. Quamobrem cum pro parte divisam de re communi disponat, qui eandem vel in feudum dat, vel offert; qui in communione positiva est, partem rei communis divisam in feudum dare, aut offerre nequit.

E. gr. Competit tibi dominium in re indivisa pro parte quinta; non tamen ideo licet alteri in parte quinta rei feudum constituere, vel partem quintam dare alteri, ut tibi feudum in eadem constituatur. Antequam enim alterutrum fieri possit, dominium tibi competere debet in parte quinta a toto separata, quo

quo facto non amplius tanquam pars rei communis consideratur (§. 132. part. 3. Jur. nat.).

§. 257.

Differentia : Si res usu non consumitur, dominium directum ab utili separabile: si vero usu consumitur, inseparabile est. Etenim si res usu non consumitur, re uti frui licet salva rei substantia, quod per se patet. Quamobrem cum jus disponendi de substantia rei sit proprietas (§. 131. part. 2. Jur. nat.), jus vero disponendi de usu ac fructu rei jus utendi fruendi (§. 135. part. 2. Jur. nat.); si res usu non consumitur, proprietas, consequenter etiam aliqua ejus pars a jure utendi fruendi separabilis est. Enunvero jus utendi fruendi cum parte quadam proprietatis dominium utile (§. 1.), pars vero reliqua proprietatis dominium directum est (§. 3.). Quodsi itaque res usu non consumitur, dominium directum ab utili separabile. *Quod erat unum.*

Si res usu consumitur, re uti non licet salva substantia, quod per se patet, consequenter nec de usu rei disponi potest, nisi simul disponatur de ipsa substantia rei. Quoniam itaque jus disponendi de usu ac fructu rei est jus utendi fruendi (§. 135. part. 2. Jur. nat.), jus autem disponendi de substantia rei proprietas (§. 131. part. 2. Jur. nat.); nemini competere potest jus utendi fruendi absque proprietate, adeoque proprietas a jure utendi fruendi inseparabilis. Quamobrem cum in jure utendi fruendi cum parte quadam proprietatis dominium utile, in parte proprietatis reliqua dominium directum consistat (§. 1. 3.); si res usu consumitur, dominium directum ab utili inseparabile est. *Quod erat alterum.*

Potest aliquis re uti frui, quamvis non habeat dominium plenum, si ea usu non consumitur; at non potest, nisi habeat domi-

domi-

dominium plenum, si ea usu consumitur, ut adeo dominium plenum in eum transferendum sit, cui concedendus est usus (§. 508. part. 4. Jur. nat.).

§. 258.

Quoniam dominium directum ab utili separabile, si res *Quanam* usu non consumitur; inseparabile vero est, si ea usu con-*res ad in-*sumitur (§. 257.), quando vero feudum in re constituitur, *feudandum* dominium directum dominus retinet, utile in vassallum trans-*apta, qua-*fertur (§. 156. 158.); *res, quæ usu non consumitur, per se nam non* *apta est, ut feudum in ea constituantur, res vero, quæ usu con-* *sumitur, per se apta non est, ut feudum in ea constituantur, con-* *sequenter res, quæ usu non consumitur, proprie loquendo infeuda-* *ri potest, quæ vero usu consumitur, proprie loquendo infeudari* *nequit (§. 156.).*

Si a fixo termini significatu recedere nolis, vago admisso, quod in Jure naturæ minime licet, in quo ex rerum notionibus de jure ac obligationibus statuendum; in re consumptibili feudum constitui dici nequit, cum feudi definitio in rem consumptibilem minime quadret. Quamdiu itaque proprie loqui volueris, dicendum est in nostro jure, rem consumptibilem infeudari non posse, consequenter non dari feudum in re, quæ usu consumitur, constitutum. Enimvero cum nec juri naturæ repugnet, ut per fictionem quandam jura quædam aliis, rerum notionibus convenientibus, assimilentur; ideo quæritur, annon fictione quadam admissa res consumptibilis haberi possit pro inconsumptibili, adeoque in illa constitui queat jus quoddam, quod feudum imitatur, ut quasi pro feudo haberi possit, quemadmodum vidimus, quasi usufructum constitui posse in re per se minus apta, ut usufructus in ea constituantur (§. 1511. part. 5. Jur. nat.). Atque ea de causa diximus rem consumptibilem per se minus aptam esse, ut in ea feudum constituantur, ne videamur negasse, quasi arte effici nequeat apta, ut in eadem

dem constituitur jus, quod feudum imitatur, hoc est, quasi feudum.

§ 259.

*De rebus,
quae infeu-
dari possunt.*

Feudum constitui potest in omnibus rebus, mobilibus ac immobilibus, etiam incorporalibus, quae usu non consumuntur. Etiam si res usu non consumitur, per se apta est, ut feudum in ea constituitur (§. 258.). Quamobrem cum nihil intersit, utrum res sint corporales, an incorporales, utrum mobiles, an immobiles, modo usu non consumantur, ut feudum in iis constitui possit; feudum utique constitui potest in rebus omnibus, mobilibus ac immobilibus, etiam incorporalibus, quae usu non consumuntur.

Nimirum res ad infeudandum apta est per hoc, quod dominium directum ab utili sit separabile, adeoque uni competere possit directum, alteri utile (§. 156.). Quamobrem cum haec separabilitas dependeat ab eo, quod usu non consumatur; per hanc solam quoque ad infeudandum apta est, consequenter in infeudatione attendendum non est, utrum immobilis sit, an mobilis, utrum corporalis, an incorporalis. Atque ideo tam res mobilis, quam immobilis, tam corporalis, quam incorporalis proprie loquendo infeudari posse dicitur, modo sit in rerum non consumtibilium numero. Ita non minus proprium feudum constitui potest in jure venandi, vel piscandi in aliquo districtu, quam in praedio aliquo. Similiter non repugnat, ut feudum constituitur in vasis argenteis aliisque rebus pretiosis nec non in pecoribus, jumentis ac utensilibus. Multum affinitatis habet cum usufructu feudum, cum usufructus in feudum abeat, si quaedam pars proprietatis ad eundem accedit (§. 155. b. & §. 1420. part. 5. Jur. nat.), ut adeo feudum contineat usufructum & plus tantummodo juris in re feudali habeat vasallus, quam usufructuarius in re fructuaria. Multa igitur usufructui ac feudo communia sunt.

§. 260.

Quoniam feudum constitui potest in rebus incorpora- *De infeuda-*
 libus, quæ usu non consumuntur, seu utendo fruendo non *tione juris*
 extinguuntur (§. 239.), in earum vero numero est etiam *percipiendi*
 jus percipiendi proventus metallicos, inprimis kuckuum, seu *proventus*
 partium metallicarum (§. 459. part. 5. & §. 498. part. 1. *Jur. metallicos.*
nat.); feudum etiam constitui potest in jure percipiendi proventus
 metallicos, vel proventus partium metallicarum.

Tum nimirum non infeudatur fodina, ex qua metalla eru-
 untur, ut metalla effossa spectentur tanquam fructus fodinæ;
 sed jus percipiendi proventus ex metallis effossis, qui spectan-
 tur tanquam fructus istius juris, quemadmodum alibi jam me-
 mentionis (not. §. 1433. part. 5. *Jur. nat.*).

§. 261.

Qui in communiione positiva est, jus suum, quod in re *De infeuda-*
 indivisa habet, infeudare, seu in feudum & dare, & offerre *tione juris*
 potest. Quilibet enim, qui in communiione positiva est, in re *com-*
 ratam suam, hoc est, jus suum, quod in re indivisa habet, *mani.*
 in alium transferre potest (§. 143. 144. part. 3. *Jur. nat.*).
 Quoniam itaque jus istud usu non extinguitur, adeoque
 accensendum rebus, quæ usu non consumuntur, quod per se
 patet, feudum vero constitui potest, in rebus omnibus, quæ
 usu non consumuntur, etiam incorporalibus, adeoque juribus
 (§. 498. part. 1. *Jur. nat.*), quæ usu non extinguuntur (§. 259.),
 res autem infeudatur, in qua feudum constituitur (§. 156.),
 & quando infeudatur, vel in feudum datur, vel offertur
 (§. 166. 168.); qui in communiione positiva est, jus suum,
 quod in re indivisa habet, infeudare, seu in feudum dare
 & offerre potest.

Infeudatio juris minus quidpiam est, quam translatio tota-
 lis in alium: neque enim in infeudatione jus omne alienatur,

in feudo dato saltem dominium utile, in oblato non nisi directum, consequenter quando res infeudatur, aliquid juris adhuc remanet apud eum, qui dominium plenum in ea habebat. Quamobrem qui jus totum in alium transferre potest, quin etiam partem ejus in alium transferre possit dubitandum non est.

§. 262.

De jure in re communi indivisa habet, infeudet & res communis postea dividitur; feudato dum constitutum intelligitur in ea parte, quam is accipit, qui divisione illius facta. Si qui in communione positiva est jus suum, quod in re communi indivisa habet, infeudet & res communis postea dividitur; feudato dum constitutum intelligitur in ea parte, quam is accipit, qui divisione illius facta. Etenim cum nemo quicquam facere possit, quod est contra jus tertii (§. 910. part. 1. Jur. nat.); nec jus suum, quod quis in re indivisa communi habet, infeudare potest nisi salvo jure ceterorum, qui una cum ipso in communione positiva sunt. Quoniam igitur nemo cogi potest, ut invitus maneat in communione positiva, nisi specialiter prohibitus sit, ne communio tollatur, ab eo, qui prohibendi jus habet (§. 147. part. 3. Jur. nat.), & quando a communione receditur, res pro rata dividenda inter eos, qui in eadem sunt (§. 134. part. 3. Jur. nat.); nec in feudatione juris, quod uni competit in re communi pro parte indivisa tolli potuit jus a communione recedendi & pro rata inter eos, qui in eadem sunt, dividendi. Enimvero quando res communis inter eos, qui in communione sunt, dividitur, qui antea habebat jus in parte indivisa, nunc habet jus in parte divisa, adeoque jus, quod habebat in re communi, jam subsistit in parte divisa, quæ ipsi obtingit. Quodsi ergo quis jus suum, quod in parte indivisa antea habebat, infeudavit, facta divisione, jus infeudatum intelligitur in parte divisa, quæ eidem obtingit. Quoniam itaque nulla amplius ratio est, cur jus a re, cui inheret, distinguatur, immo feudum in jure constitutum nemo jam habere possit,

possit, nisi qui rem detinet; feudum omnino in parte ea, quæ infeudanti obtingit facta divisione rei communis, constitutum intelligitur, si qui in communione positiva est, jus suum, quod in re communi habet, infeudet & res communis postea dividatur.

Qui jus suum, quod in parte indivisa rei communis habet, infeudat, animum utique habet partem rei communis sibi debitam infeudandi, adeoque in hoc consentit, ut pars, quæ facta divisione ipsi obtinget, sit infeudata: eam enim statim infeudaret, siquidem posset, quod tamen facere non poterat (§. 256.). Quamvis adeo in contractu feudali non expresse fuerit dictum, quod facta divisione feudum constitutum esse debeat in ea parte, quæ facta divisione obtinget ei, qui jus suum in feudum alteri dat, vel offert; tacite tamen id ipsum contractui inest. Quamobrem cum ex contractu feudali metiendum sit jus vasalli ac domini (§. 172.); feudum constitutum intelligitur in parte divisa facta rei communis divisione, quod antea constitutum erat in parte indivisa. Perinde nimirum est ac si feudum constitueretur pure in parte indivisa, quamdiu subsistet communio, conditionate autem simul in parte divisa, si rem communem dividi contingar.

§. 263.

Feudum in certa portione vini vel frumenti ex cella, horreo Fundamentum penuario domini ad dies vite præstanda constituitur nequit; contum feudi stituti tamen potest in jure utendi, certa vini vel frumenti portione cavena. one ex cella horreo aut penuario domini ad dies vite præstanda. Ex enim vinum ac frumentum sunt res, quæ usu consumuntur, quod per se patet. Enimvero res quæ usu consumuntur, per se aptæ non sunt, ut feudum in iis constitatur (§. 258.). Quamobrem nec feudum constitui potest in certa portione vini vel frumenti ex cella, horreo aut penuario domini ad dies vite præstanda. Quod erit unum.

Enimvero jus utendi certa vini vel frumenti portione

ex cella, horreo aut penuario domini præstanda res incorporalis est (§. 498. *part. 1. Jur. nat.*). Quamobrem cum res incorporales infeudari possint (§. 259.); nil sane obstat, quominus etiam jus utendi certa vini vel frumenti portione ex cella, horreo vel penuario domini sibi præstanda infeudetur. Et quoniam infeudatio fieri potest ad dies vitæ (§. 175.); jus istud ita quoque infeudari potest, ut alicui ex cella, horreo aut penuario domini certa vini vel frumenti portio ad dies vitæ præstetur. *Quod erat alterum.*

Feudum proprie loquendo dici nequit constitui in piscibus, qui natant in flumine; in avibus, qui volitant in aëre; in feris, quæ vagantur in sylvis aut agris; potest tamen constitui in jure piscandi, aucupandi, venandi. Similiter feudum proprie loquendo constitui nequit in certa portione vini ex cella, vel frumenti ex horreo aut penuario domini præstanda; potest tamen constitui in jure utendi ista portione sibi præstanda. Sane dominus cuilibet jus alteri constituere potest in re sua (§. 982. *part. 3. Jur. nat.*), adeoque etiam in jure utendi vino ac frumento suo, cumque constituere possit eo modo, qui placuerit (§. 984. *part. 3. Jur. nat.*), certam quoque vini ac frumenti quantitatem ac tempus, ad quos concessum esse debet, determinare potest, & jus quantitate ista utendi ad tempus concessum in alterum transferre sub conditione fidelitatis mutue præstandæ sibi reservata parte proprietatis hujus juris, hoc est, sub nexu feudali (§. 155.).

§. 264.

Feudum de cavena quid sit, & num jure naturali sit feudum.

Feudum de Cavena dicitur, quod ita constituitur, ut alicui ex cella domini certa vini, vel ex horreo aut penuario ejus certa frumenti portio ad dies vitæ præstetur. Quoniam naturaliter feudum constitui potest in jure utendi certa vini vel frumenti portione ad dies vitæ præstanda (§. 263.); *feudum de cavena* hoc modo intellectum naturaliter constitui potest.

Quam-

Quamvis adeo dicatur, feudum constitui in certa portione vini ex cella domini, vel frumenti ex horreo aut penuario ejus præstanda, quod proprie loquendo dici nequit (§. 263); ita tamen explicandum est, ut non vinum vel frumentum, quod præstandum, sed jus eodem utendi sit infeudatum, cum hoc modo naturaliter feudum subsistere possit. Sane feudum de cavena constituitur propter usum, qui vasallo competere debet, atque adeo maxime naturale est, ut verba menti constituentis conventioniter explicentur, quam res ipsa rite expensa indicat. Quodsi ergo feudum de cavena ita explices, quemadmodum explicatione necesse est, ne veritati præjudicium fiat; naturaliter feudum istud erit proprium, minime autem improprium, cum a recepto feudi significato ne minimum recedatur.

§. 265.

Quoniam *feudo de cavena constituto*, vasallo competit *Obligatio* jus certa vini portione ex cella domini, vel frumenti ex horreo aut penuario ejus utendi (§. 264.); *dominus obligatus est jus vasalli vasallo ad præstandam certam vini portionem ex cella sua, vel in feudo de frumento ex horreo aut penuario suo ad dies vite & vasallo competit cavena ut jus eam exigendi.*

Nimirum ut vasallus uti possit vino vel frumento, necesse est ut ipsi tradatur. Atque adgo dominus portionem conventam præstare tenetur, quemadmodum obligatus est ad rem infeudatam vasallo tradendam (§. 216.). Jus enim utendi aliter tradi nequit nisi cum re, qua utendum. Et quoniam res non patitur, ut unico actu tradatur; ita repetita traditione opus est. Ex hac domini obligatione vero nascitur vasallo jus exigendi portionem conventam tempore convento, qua utendi jus habet. Non est quod dicas, non opus esse, ut demum ex feudo deducatur ista obligatio, sed sufficere ad eandem contrahendam & jus inde resultans acquirendum simplicem promissionem acceptam: etenim non quaeritur, an quis se obligare possit ad præstandum alteri certam vini vel frumenti portionem absque nexu feudali; sed de eo jam quaestio est, qualis hinc resultet domini

domini obligatio & quale inde descendat jus vasalli, si jus utendi certa vini ex cella domini, vel frumenti ex ejus horreo aut penuario portione fuerit infeudatum, cum tale jus infeudari posse demonstraverimus. Quæ igitur differunt, minime confundenda sunt, sed acute inter se distinguenda.

§. 266.

De feudo de cavena naturaliter extenso.

Quoniam in feudo de cavena vasallo præstatur certa vini vel frumenti portio ad dies vitæ (§. 264.), adeoque rei, quæ usu consumitur, dantur vero aliæ adhuc res consumptibiles, quarum copia est domino, & quæ eodem modo, quo vinum & frumentum præstari possunt, veluti pisces ex piscina domini, ligna ex sylva, feræ in sylvis capiendæ; ideo patet, *naturaliter feudum de cavena extendi posse etiam ad res alias consumptibiles, veluti ut ad dies vitæ præstentur certa portio piscium ex piscina domini, vel lignorum ex sylva, vel ferarum in sylva capiendarum.*

Atque adeo patet, feudum de cavena naturaliter latius patere, quam jure positivo, quo ad vinum ex cella domini & frumentum ex horreo vel penuario præstandum restringitur. Non jam solliciti sumus de ratione etymologica, cur feudum istud feudum de cavena dicatur: in jure enim naturæ non attenditur ratio etymologica, sed natura, seu essentia rei. Etsi adeo ratio etymologica non ferat extensionem ad res alias, quam quæ dictæ sunt; abunde sufficit ad hoc, ut extensio fieri possit, si eidem minime repugnent determinationes essentielles, per quas jus aliquod concipitur (§. 142. *Ontol.*).

§. 267.

In mortuo domino sub-
sistas fe-
dum de ca-
vena.

Quoniam feudum de cavena constituitur ad dies vitæ vasalli (§. 264.), jus vero ipsi quæsitum invito adimi nequit (§. 336. *part. 2. Jur. nat.*); mortuo domino, successor quoque obligatur ad præstandam quantitatem conventam, quemadmodum obligatus erat constituens.

Assimi.

Assimilatur in eo feudum de cavena usufructui ad dies vitæ vel certum tempus constituto (§. 1494. part. 3. Jur. nat.). Non addimus alia, quæ feudum de cavena cum aliis feudis communia habet, & in antecedentibus demonstrata, vel in subsequen- tibus demonstranda ad hanc quoque speciem applicanda ve- niunt.

§. 268.

Feudum Soldatæ appellatur, quo ex gratia alicui certa pecunia, vinum, vel annona quotannis præstatur. Quoni- am perinde ac certa pecunia, vinum vel annona, ita etiam aliæ res consumptibiles, veluti pisces, ligna, feræ, agni, vel aliæ pecudes, ova, butyrum ac ita porro quotannis præstari possunt; *naturaliter feudum soldatæ ad res quasunque consumpti- biles extendi potest.*

Non est quod existimes, feudum soldatæ, præsertim si ex- tendatur ad res consumptibiles quasunque, parum differre a feu- do de cavena, præsertim ad res consumptibiles quasunque si- militer extenso (§. 266.). Etenim ex sequentibus clarius elu- cescet, feudum soldatæ a feudo de cavena non minus differre, quam aliæ feudorum species a se invicem differunt.

§. 269.

Quoniam feudum soldatæ ita constituitur, ut alicui cer- ta res consumptibilis quotannis præstanda sit (§. 268.); *do- mine domini minus obligatur ad certam rem consumptibilem vasallo quotannis & jure va- præstandam & vasallo competit jus exigendi, ut præstetur.* *De obligati- one domini* *falli in feu-*

Atque in eo feudum soldatæ convenit cum feudo de cave- do soldatæ. na (§. 265.), si in significato latiori, qui Juri naturæ convenit, ac- cipiat (§. 266.).

§. 270.

Quoniam in feudo soldatæ dominus obligatur quotan- nis ad rem certam consumptibilem vasallo præstandam (§. 269.), *feudo solda- non autem definitur, unde præstanda sit (§. 268.); res con- præstan- (Wolfii Jur. Nat. Pars VI.) . B b ven- dis.*

venta præstanda vasallo, siue rerum istiusmodi copia domino sit, siue rebus istiusmodi careat, ut eas aliunde comparare necesse habeat.

Atque in eo differt a feudo de cavena, quod præstationem restringit ad certam copiam rerum, quæ domino sunt (§. 264.).

§. 271.

*De obligati-
one domini,
quamdiu du-
ret.*

Quoniam in feudo soldatæ ad rem certam præstandam vasallo quotannis dominus obligatur, siue rerum istiusmodi copia abundet, siue iisdem profus careat (§. 270.); facile patet, in feudo soldatæ præstationem simpliciter esse restrictam ad personam constituentis, consequenter obligationem non transire in successorem, adeoque domino mortuo extinguï, & propterea feudum quoque amitti a vasallo, mortuo domino.

Atque in eo differt a feudo de cavena, quod mortuo domino non extinguitur (§. 267.). Nimirum qui promittit dare quid alteri quotannis, is non intelligitur promittere, ut detur alteri ad dies vitæ, sed potius daturus intelligitur, quamdiu ipse vivit.

§. 272.

*Res in feudo
data in feudo
in feudo soldatæ.*

Dum feudum soldatæ constituitur, id constitutum intelligitur in iure utendi re certa consumptibili quotannis præstanda, seu in usu istius rei. Ostenditur eodem modo, quo paulo ante ostendimus, feudum constitui non posse in certa portione vini ex cella sua, vel frumenti ex horreo aut penuario suo præstanda, sed in iure re ista utendi (§. 263.).

Nimirum quando feudum soldatæ constituitur, dominus dicit, se feudum constituere in hujus rei consumptibilis quotannis præstandæ usu, ad quam adeo præstandam se obligat, ut ufui isti locus esse possit. Porissima differentia inter feudum de cavena & feudum soldatæ in eo consistit, quod in illo vasallus rem apud dominum extantem sibi habeat obligatam, in hoc autem

autem non nisi personam domini, quemadmodum patet ex collatione utriusque feudi (§. 264. 268. & 270.), ut adeo in priori casu vasallus habeat jus in re, in posteriori autem jus ad rem (§. 778. 781. part. 3. *Jur. nat.*), licet in eadem re incorporali utrobique constitutum sit feudum.

§. 273.

Feudum etiam constitui potest in habitatione, seu jure habitandi in domini ædibus. Etenim jus habitandi in alterius ædibus est res incorporalis, quæ usu minime consumitur (§. 498. part. 1. *Jur. nat.*). Quamobrem cum etiam res incorporales in feudari possint, quæ usu minime consumuntur, seu non extinguntur (§. 259.); feudum etiam constitui potest in jure habitandi in domini ædibus. Fundamen-
tum feudi

§. 274.

Feudum habitationis dicitur, quando jus habitandi in domini ædibus alicui ad dies vitæ conceditur. Quoniam naturaliter quoque feudum in habitatione, seu jure habitandi constitui potest (§. 273.); *feudum habitationis est juris natura.* Quidam
lit.

Refertur vulgo feudum habitationis ad feuda improprie sic dicta: sed si site explicetur, quemadmodum a nobis factum, non minus feudum proprium dici potest feudum habitationis, quam jus piscandi, aucupandi, venandi proprie loquendo in feudatur. Quamdiu enim juri alicui alteri concessio definitio feudi competit (§. 155.); tamdiu quoque a significato proprio non receditur. Sunt etiam jura tanquam res incorporales in dominio (§. 216. part. 2. *Jur. nat.*), quod adeo in dominium directum & utile dividi potest, quemadmodum feudi constitutio requirit (§. 156.), sive feudum fuerit datum, sive quæsitum (§. 166. 168.). Feudum vero habitationis, quod constituitur in jure habitandi, differt a feudo, quod constituitur in domo, re corporali immobili. Sane si feudum aliquod in domo constituitur, aliquid proprietatis in domo etiam competit vasallo: nihil vero si constituitur in jure habitandi, seu quando feudum habitationis est.

§. 275.

Quomodo pecunia seu mobili accipientis, aut accipiens vel per fidejussores, vel per pignus, res consumitur aut hypothecam cavere tenetur; pecunia efficitur quasi res, quæ utilis effici su non consumitur. Idem quoque valet de rebus aliis, quæ usu consumuntur quasi sumuntur. Etenim si pecuniam alteri dans tacitam habeat hypothecam in re immobili, vel per fidejussores, vel per pignus aut hypothecam cavere tenetur accipiens; si contingat pecuniam restitui debere, ex re, in qua hypothecam tacitam habet, vel expressam, aut pignus constitutum, satisfieri potest ei, cui restituenda (§. 1142. 1143. part. 5. Jur. nat.), vel si eam restituere nequit, qui debet, a fidejussore restituenda (§. 794. part. 4. Jur. nat.). Quamobrem et si pecunia referatur ad res, quæ usu consumuntur (§. 471. part. 4. Jur. nat.), ut adeo quoad utentem perinde sit, ac si ea amplius non extaret; ob hypothecam tamen tacitam aut cautionem perinde est, ac si finito usu adhuc extaret, utpote quæ in genere adhuc restitui debet (§. 486. part. 4. Jur. nat.). Quoniam itaque res usu non consumitur, quæ post eundem adhuc extat, quod per se patet; pecunia per tacitam hypothecam in re immobili accipientis, vel cautione per fidejussores, pignus aut hypothecam efficitur quasi res, quæ usu non consumitur.

Idem eodem prorsus modo ostenditur de re, quæ usu consumitur, alia.

Nimirum quamdiu tacita hypotheca, vel cautio per fidejussores, pignus aut hypothecam subsistit, tamdiu perinde est ac si pecunia adhuc extaret, atque adeo accipiens eadem usus esset salva substantia. Etsi adeo res, quæ usu consumitur, mutare minime possit genus, ut vertatur in rem, quæ usu non consumitur, spectari tamen potest tanquam res, quæ usu consumpta non fuit, quando questio est de ejus restitutione; ac ideo quasi res est, quæ usu non consumitur, quamdiu certum est, eam in genere restitui posse. Cum in Jure etiam naturæ admittan-

mittantur fictiones ad formandos conceptus universales, quemadmodum alias jam vidimus; nec quicquam obstat, quo minus res, quæ usu consumitur, sub ea conditione, quam diximus, spectetur tanquam res, quæ usu minime consumitur.

§. 276.

Quoniam res, quæ usu non consumuntur, ad infeudandum per se aptæ sunt, quæ autem usu consumuntur ad infeudandum minus aptæ sunt (§. 258.), pecunia autem & aliæ res consumuntur, quæ usu consumuntur, hypotheca tacita, vel cautione effici possunt quasi res, quæ usu non consumuntur (§. 275.); infendandum quoque & aliæ res immobiles ad infeudandum aptæ efficiuntur per hypothecam tacitam in re immobili ejus, cui fundum constituuntur, vel cautione sive per fidejussores, sive per pignus aut hypothecam.

Nimirum quod aliæ res ad infeudandum aptæ sint, aliæ autem per se minus aptæ, id inde est, quod aliæ post usum extent, aliæ vero post usum non amplius extent. Quamobrem si efficitur, ut quoad jura & obligationes perinde sit, ac si res, quæ usu consumta, adhuc extaret; nil amplius infeudationi obstat, cum detur quasi dominium directum in re quasi extante a dominio utili separatum, sine qua divisione domini directi ac utilis feudi constitutio concipi nequit (§. 156.).

§. 277.

Si pecunia foenebris efficitur, aut ad negotiationem adhibetur, quando ex vel rei fructifera comparanda impenditur; manentem ex ea pecuniam percipere licet utilitatem. Etenim si pecunia fuerit foenebris, nec percipitur ejus usu solvuntur usurae (§. 1423. part. 4. Jur. nat.), quæ patur utrum sint redditus ex ea provenientes; qui pecuniam incertitatem efficit, manentem ex ea utilitatem percipit. Quod erat primum.

Quoniam negotiatio lucri causa exercetur, quod per se notum videtur, si pecunia ad eam exercendam adhibetur,

lucrum, quod ex ea percipitur, spectari potest tanquam fructus pecuniæ ac operæ, quæ impenditur (§. 956. *part. 1. Theol. nat.*). Atque adeo denuo patet, manentem quandam ex pecunia hoc pacto percipi posse utilitatem. *Quod erat secundum.*

Similiter si pecunia res quædam fructifera comparatur, perinde est ac si ex pecunia perciperentur fructus, qui percipiuntur ex re, quam sine pecunia comparare non poterat. Quamobrem in hoc quoque casu ex pecunia manentem quandam utilitatem percipere datur. *Quod erat tertium.*

Patet adeo, non uno modo pecuniam in se sterilem effici posse fructiferam, ita ut æquipolleat rei fructiferæ. Quamdiu nimirum utilitas percipitur, quæ sine pecunia percipi non poterat; tamdiu ex pecunia utilitatem percipere dicendus es, perinde ac si tibi data fuisset res, qua uti frui poterat, salva substantia.

§. 278.

Quomodo pecunia efficiatur quasi res, qua uti frui datur salva substantia.

Quoniam ex pecunia manentem percipere datur utilitatem, si pecunia fœnebris efficitur, aut ad negotiationem adhibetur, vel rei fructiferæ comparandæ impenditur (§. 277.), eadem vero per hypothecam tacitam vel cautionem efficitur quasi res, quæ usu non consumitur (§. 275.); si pecuniam alteri dans habeat hypothecam tacitam in re aliqua immobili, vel eidem cavetur, sive per fidejussores, sive per pignus aut hypothecam, & accipiens pecuniam fœnebrem efficit, aut ad negotiationem adhibet; vel rei fructifera comparandæ impendit; pecunia efficitur quasi res fructifera, quo usu non consumitur, consequenter qua uti frui datur salva substantia.

Probe hic singula perpendi velle, ne quis existimet, quasi ingenio abutatur, & quæ a nobis de pecunia demonstrata sunt, magis ingeniose, quam ex vero dicta videantur. Quod si alicui principium reductionis, cujus in inveniendo ac demonstrando

fructibus usum alias commendavimus (nat. §. 472. *Pfycb. em-
pir.*), & fictiones a Jctis etiam Romanis jam olim probatas
intimius perspexerit; ei in hisce nihil occurreret, quod dubium
quoddam movere poterat.

§. 279.

*Si pecunia alteri datur. ea lege, ut eandem alicui sub usuris De modo in-
cedas, aut eadem utatur ad negotiationem quandam exercendam, feudandi pe-
vel rem quandam fructiferam comparandam, danti autem conce-
datur hypotheca tacita in re immobili accipientis, vel caveatur sive
per fidejussores, sive per pignus aut hypothecam; pecunia infeudari
potest.* Etenim in hypothesi propositionis præsentis pecunia
efficitur quasi res fructifera, quæ usu non consumitur, & qua
adeo uti frui datur salva substantia (§. 278.). Quoniam ita-
que fingere licet, quasi pecunia alteri data semper existeret
& manens ex eadem perciperetur utilitas eadem utendo fru-
endo; nil sane obstat, quo minus concipiamus dominium
plenum ejusdem; quod ex jure utendi fruendi ac proprietate
consistit (§. 136. part. 2. *Jur. nat.*). Neque etiam quicquam
obstat, quo minus dominium plenum concipiatur dividi in
utile ac directum, ita scilicet ut uni competat jus utendi fru-
endi cum aliqua proprietatis parte, alteri vero pars proprie-
tatis reliqua (§. 1. 3.). Enimvero quando res infeudatur,
dominium plenum dividitur in utile ac directum inter duas
personas sub conditione fidelitatis mutuae (§. 156.), quam
semper adjici posse patet (§. 154.). Quamobrem evidens
est, in hypothesi propositionis præsentis pecuniam infeudari
posse.

Non est, quod existimes, si pecunia impenditur rei fructi-
feræ comparandæ, feudum constitui non in pecunia, sed in
re, quæ pecunia comparatur. Neque enim dici potest, rem
esse feudalem, quam neque pecuniam dans, neque accipiens
feudalem esse voluit, cum feudum non constituatur nisi pacto

(§. 170.)

(§. 170.), ex quo metiendum est jus, metienda obligatio tam domini feudi, quam vasalli (§. 172.). Sane si pecunia infeudatur, vel quasi, liberum est vasallo, utrum eam impendere velit rei fructiferæ comparandæ, vel sub usuris tercio cuidam credere, vel aliter quomodocunque eadem uti, nisi expresse quidpiam horum fuerit dictum in contractu feudali. Quodsi ergo eidem placuerit, pecunia, quam quasi feudalem accipit, rem quandam fructiferam sibi comparate; ecquis dixerit, in hac re, de qua cogitatum non fuit, cum pecunia infeudaretur, feudum fuisse constitutum. Et, si vel maxime pecunia ea lege in feudum detur, ut res fructifera comparatur, consequenter vasallus obligatus sit ad talem comparandam (§. 172.); non tamen propterea dici potest res ista feudalis, cum ejus comparatio constitutioni feudi adjiciatur tanquam modus, sub quo idem constituitur, quo adimpleto feudum adhuc subsistit in pecunia, in qua constitutum fuit.

§. 280.

Quasi feudum quodnam sit. *Quasi feudum* dicimus, quod constituitur in re per se ad infeudandum minus apta, sed quæ ad infeudandum apta efficitur arte.

Non dicimus feudum improprium, cum significatus feudi improprii alius sit, qui in jure positivo receptus, isque multo latior, nec Juri naturæ satis conveniens, quippe cum in eodem feudis propriis accenseri debeant, quæ in Jure positivo ad impropria referuntur. Etenim feudum improprium dici solet in Jure positivo, definiente *Struvio* in Syntagm. Jur. feud. c. 4. §. 1. in quo vel feudi essentia non perfecte adest, vel essentialia quidem perfecte adsunt, sed quod a communi feudi natura recedit. At cum naturalia nulla sint in Jure naturæ, sed cum accidentalibus in unum censum referenda (§. not. 163.), utraque autem sint determinationes essentialia, in quibus differentia specificæ feudorum consistunt (§. 162. 163.); facile patet, in Jure naturæ feudum improprium non esse, quod a communi feudi natura recedit. Deinde ad essentialiam quoque feudi

di requiritur Jure positivo, ut res sit immobilis: id quod naturale non est (§. 259.) Unde denuo Jure positivo ad feuda impropria referenda, quas in Jure nostro propriis accensenda.

§. 281.

Feudum pecunie dicitur, quod in pecunia constituitur. *De feudo pecunie.* Quoniam pecunia per se ad infeudandum apta non est, ad infeudandum tamen apta effici potest (§. 258. 279.); quali feudum vero est, quod constituitur in re per se ad infeudandum minus apta; sed quæ ad infeudandum apta efficitur arte (§. 280.); *feudum pecunie est quasi feudum.*

Disputant Doctores de eo, utrum feudum in pecunia constitui possit, nec ne. Sunt qui negant, sunt qui affirmant feudum constitui posse, sed improprium. Posterior sententia veritati consentanea, quemadmodum ex demonstratis abunde intelligitur. Qui feudum improprium in pecunia constitui posse concedunt, id triplici modo fieri posse statuunt, vel ut pecunia sit apud ipsum dominum feudi, atque is jure feudi alteri centum solvat redditum; vel ut ex pecunia tertio cuidam credita quis jure feudi redditum percipiat; vel denique ut ipse, cui feudum in pecunia constituitur, pecuniam teneat. Convenit hoc cum eo, quod de modo constituendi feudum pecunie modo demonstravimus (§. 279.). Etenim si pecunia alteri datur ea lege, ut eandem sub usuris credat tertio, adeoque is, cui in pecunia feudum constituitur, usuras accipit; secundus obtinet feudum constituendi in pecunia modus, quo ex pecunia tertio credita vasallus percipit redditum. Quoniam vero perinde est, si tertius quidam, si ipse dominus feudi sit debitor pecunie feudalis, quo in casu usuras debet solvere non tanquam dominus feudi, sed tanquam debitor pecunie feudalis, una eademque persona duplicem personam moralem representante; modus primus constituendi feudum, ut pecunia sit apud ipsum dominum feudi, atque is jure feudi solvat redditum, continetur sub eo, quo pecunia feudalis sub usuris alicui creditur. Quod si denique pecunia feudalis impenditur vel in negotiationem, vel

(Walfis Jur. nat. Pars VI.), C c in

in rebus frugiferis comparandum; tum rectius modis feudum constituendi in pecunia obtinet, quo vasallus pecuniam tenet.

§. 282.

An feudum pecunie sit datum, an oblatum.

Feudum pecunia tam datum esse potest, quam oblatum. Quoniam enim feudum in pecunia constitui potest (§. 279.); perinde fieri potest, ut dominus in pecunia sua feudum constituat alteri, quam ut aliquis alteri offerat pecuniam propriam, ut sibi feudum in ea constituatur. Cum feudum in prioribus casu sit datum (§. 166.), in posteriori oblatum (§. 168.); evidens est feudum pecuniae tam datum esse posse, quam oblatum.

§. 283.

An ad constitutionem feudi in pecunia requiratur pactum.

Feudum pecunia non potest constitui nisi pacto, seu absque contractu feudali non constituitur. Etenim omne feudum constituitur pacto (§. 170.). Quamobrem cum feudum pecuniae sit feudum, quod in pecunia constituitur (§. 281.); feudum quoque pecuniae non potest aliter constitui, quam pacto. Quodsi dubium videatur, an quod de constitutione feudi demonstratum est, ad feudum pecuniae, quod quasi feudum esse ostendimus (§. 281.), applicari possit; feudum pecuniae non posse constitui nisi pacto, eodem modo ostenditur, quo supra demonstravimus (§. cit.), feudum pacto constitui. Quod erat primum.

Quia feudum pecuniae non potest constitui nisi pacto, per demonstrata, pactum vero istud, quo de feudo, quod constituitur, inter se conveniunt dominus & vasallus, est contractus feudalis (§. 171.); absque contractu feudali feudum pecuniae non constituitur. Quod erat alterum.

§. 284.

Quanam pecunia sit feudalis,

Pecunia feudalis est, in qua feudum constitutum: allodialis vero, in qua feudum non est constitutum. Etenim res, in qua feudum constitutum est, feudalis est (§. 157.). Enimvero feudum

feudum constituitur in pecunia, ea subit locum rei, in qua ^{quam ad-} feudum constituitur (§. 179.). Ergo pecunia, in qua feudum ^{allodialis} constitutum, feudalis est. *Quod erat unum.*

Enimvero quicquid feudale non est, id allodiale est (§. 192.). Quamobrem cum pecunia tum demum efficiatur feudalis, quando feudum in eadem actu constituitur, adeoque feudalis non sit, in qua feudum constitutum non est; pecunia allodialis est, in qua feudum non constitutum. *Quod erat alterum.*

Pecunia, quam habes, cum pleno jure tua sit, per se allodialis est (§. 192.), adeoque, si qualitatem feudalem induere debet, necesse est ut, quam a se non habet, aliunde acquirat. Aliunde autem hanc qualitatem acquirere nequit, nisi feudi in eadem constitutione per contractum feudalem (§. 157. 171.). Quamdiu adeo feudum in eadem non constituitur, qualitatem allodiam non mutat. Nimirum allodialis ideo est, quod plenum in eadem dominium habeas. Quodsi ergo feudatis fieri debet, necesse est, ut dominium directum a pleno separetur, tibi que in eadem non relinquatur nisi dominium utile (§. 156.). Quamdiu adeo dominium directum ademptum non est, nec feudalis esse potest. Non est, quod objicias, si dominus feudi pecuniam, in qua feudum constitutum, teneat (not. §. 281.); pecuniam feudalem esse, cui dominium utile ademptum. Etenim tum pecunia apud dominum feudi non est tanquam res feudalis, quippe quæ hoc respectu ad vasallum pertinet; sed tanquam debitum, nec propterea apud ipsum est, quia dominium directum in ea habet, sed quia sic conventum in contractu feudali (§. 172.). Me autem tacente intelligitur, nos hic tantummodo loqui de eo, quod naturaliter obrinet, dum declaramus modum, quomodo pecunia efficiatur feudalis, adeoque seponere ea, quæ a statu civili pendent.

§. 285.

Pecunia, qua feudum venditum est, feudalis non est. Quando enim feudum venditur, in pecunia, quæ accipitur, fertur qua feudum

venditum sit feudalis. dum nullum constituitur per hoc, quod pro feudo accipiatur, cum contractus emptionis venditionis non contineat contractum feudalem de feudo in pecunia accepta constituendo (§. 937. part. 4. Jur. nat. & §. 171.). Quamobrem cum feudum in pecunia constitui nequeat nisi per contractum feudalem (§. 283.), pecunia vero, in qua feudum constitutum non est, feudalis non sit (§. 284.); nec erit pecunia feudalis, qua feudum venditum est.

Ostenditur etiam hoc modo. Quando feudum venditur, pecunia pro feudo datur (§. 937. part. 4. Jur. nat.), adeoque dominium ejus in venditorem transfertur (§. 675. part. 2. Jur. nat.), ut adeo emtor plenum in ea dominium habeat, quippe quod semper intelligitur, quando dominium simpliciter nominatur. Enimvero res, in qua quis dominium plenum habet, allodialis est, non feudalis (§. 192.). Ergo pecunia, qua feudum venditum est, feudalis non est.

Ex demonstratione altera patet pecuniam, quæ accipitur, esse allodiam, etiam si solvatur pro feudo. Atque adeo ulterius liquet, si qualitatem feudalem induere debet, ut allodialis esse desinat, peculiarem requiri actum a venditione diversum, qui alius esse nequit quam contractus de pecunia infeudanda (§. 283.). Hic igitur ubi abest, nec pecunia allodiam qualitatem mutavit.

§. 286.

An res allodialis per mutationem cum feudali fiat feudalis. Si res feudalis cum allodiali permutatur, allodialis feudalis non est. Etenim cum in emptione venditione pretium, seu pecunia detur pro re (§. 937. part. 3. Jur. nat.), in permutatione res pro re (§. 879. part. 3. Jur. nat.); res, quæ pro feudo datur, æquipollet pecuniae, quæ pro eodem datur. Ast pecunia, quæ pro feudo datur, in emptione venditione, feudalis non est (§. 285.). Ergo nec feudalis esse potest res allodialis, quæ cum feudali permutatur.

Ostendi

Ostendi etiam potest hoc modo. Si res feudalis cum allodiali permutatur, pro feudali datur allodialis (§. 879. *part. 3. Jur. nat.*), adeoque qui dat rem allodiam, cum in ea habeat dominium plenum (§. 192.), dominium plenum in alterum transfert (§. 675. *part. 2. Jur. nat.*) Quoniam itaque is permutatione acquirit dominium plenum in re, quam pro feudo accipit; quin res allodialis maneat, adeoque feudalis non fit, si cum ea feudalis permutatur, dubitandum non est.

Quæ modo annotavimus de pecunia, quæ pro feudo vendito accipitur, ea etiam valent de re allodiali, quæ accipitur pro feudali. Nihil in hac & præcedente propositione difficultatis est, modo ex notionibus de rebus statuas. Quibus verum dubium videtur, annon pecunia, vel res allodialis pro feudo data feudalis esse debeat; illi confunduntur regula, quod surrogatum sapiat naturam surrogati. Putant nimirum quando feudum venditur, pecuniam surrogari in ejus locum, & quando cum re allodiali permutatur, rem allodiam surrogari in locum feudalis. Atque hinc concludunt, pecuniam in casu priori, rem, quæ erat allodialis, in casu posteriori, induere debere qualitatem feudalem. Facile autem apparet, quod distincta destituantur surrogati notione, ex qua ratiocinentur. Ex eo, quod fit, nimirum ex actu venditionis ac permutationis, statuendum est de eo, quod inde sequitur, nec opus est ut ad actum alium, quo unum surrogari dicitur in locum alterius, confugiamus, præsertim cum huic non satis distincta ac determinata respondeat notio: qua de causa nec opus esse judicamus, ut ratio reddatur, cur regula ista in præsentem fallat.

§. 287.

Pecunia ad feudum emendum destinata feudalis non est, sed An pecunia allodialis. Etenim pecunia feudalis non est, in qua feudum ad feudum non constitutum, sed allodialis (§. 284.). Quoniam itaque emendum feudum in pecunia non constituitur absque contractu feudali (§. 283.), contractus vero feudalis non est actus, quo quis feudalis.

declarat, hac pecunia emendum esse feudum, vel se feudum emere velle, adeoque ad feudum emendum pecuniam destinat (§. 171.), consequenter hac destinatione feudum in pecunia non constituitur; pecunia quoque ad feudum emendum destinata feudalis non est, sed allodialis.

Per hoc, quod pecuniam ad emendum feudum destines, non tibi adimis dominium utile & in alium transfers, aut alteri das pecuniam, ut feudum in ea tibi constituat. Quamobrem nullo modo concipi potest, quod pecunia amittere debeat qualitatem allodiamalem, quia ad feudum emendum eam destinasti.

§. 288.

Quando quis pecunia feudo redacta, vel alia feudum emere velle; eidem ad feudum ex feudo remendum obligaris. Etenim promissor promissario perfecte obligatus vel obligatur ad præstandum, quod promissit (§. 363. part. 3. Jur. nat.). Quod si ergo ei, cujus interest, a te feudum emi, promittas, te pecunia ex feudo redacta feudum emere velle; eidem perfecte te obligas ad emendum feudum, adeoque feudum emere teneris (§. 118. part. 1. Phil. pract. univ.).

Dico promissionem fieri debere ei, cujus interest feudum a te emi. Si enim ejus, cui promissio fit, non interesset, feudum emi; inutilis esset promissio, adeoque actus in jure nullus.

§. 289.

De pacto, quo pecunia ex feudo redacta deferatur hæredibus feudalis. Si ita conveniatur, ut pecunia ex feudo vendito redacta pertineat ad eos, qui alias in feudo succedunt post mortem ejus, qui accepit pecuniam; pactum validum est. Etenim eorum, qui in feudo succedere debent post mortem ejus, qui id tenet, interest, ne feudum vendatur, & si non vendatur, post mortem ejus in eo succedunt. Quamobrem cum quoad successorem allodiamalem perinde sit, sive illi succedant in feudo, sive pecuniam ex feudo redactam lucrentur; nihil fit contra eorum jus,

ius, si ita conveniatur, ut pecunia ex feudo vendito redacta pertineat ad eos, qui alias in feudo succedunt post mortem ejus, qui pecuniam accepit. Quoniam itaque nihil obstat, quo minus ita conveniatur, nulla quoque ratio est, cur istiusmodi pactum valere non debeat. Erit adeo validum.

Nimirum hoc pacto nemini adimitur jus suum, sed potius jus, quod ad feudum habent alii, conservatur. Nihil adeo ini- qui habet pactum istiusmodi. Etsi enim pecunia ex feudo redacta non sit feudalis, sed allodialis (§. 285.); vi pacti tamen in ea reservari potest jus eorum, qui in feudo succedere debebant.

§. 290.

Quodsi cum iis, qui in feudo succedere debent, conveniatur, De conveniatur pecunia ex feudo redacta pro feudo habeatur; ea post mortem e- rione, ut per- jus, qui accepit, pertinet ad successores feudales. Etenim inspi- cumia ex cienda est mens eorum, qui ita convenerunt. Quoniam ita- feudo reda- que ratio unica, cur ita convenerint, non alia est, quam ut suc- eta pro feu- tessoribus conservetur jus in pecunia ex feudo vendito reda- do habeatur. eta, cum hac conventionem, quod pecunia ex feudo redacta pro feudo haberi debeat, in pecunia, quæ allodialis est (§. 285.), non constituatur feudum, utpote deficiente divisione dominiï pleni, quod in allodio est (§. 192.), in directum et utile (§. 156.), non aliud dixisse videntur, quam quod pecunia ex feudo vendito redacta post mortem ejus, qui accepit, pertinere debeat ad eos, qui alias post ipsius mortem in feudo succedunt. Quamobrem cum istiusmodi pactum validum sit (§. 289.); pecunia quoque ex feudo vendito redacta ad succes- sores feudales pertinere debet, si ita cum iis conveniatur, ut pecunia ista pro feudo habeatur.

Non ignoro in Jure feudali positivo contrarium defendi, propterea quod istiusmodi conventionem qualitas pecuniæ allo- dialis in feudalem mutari nequit, ut adeo pecunia vi ejusdem pro

pro feudo haberi nequeat, consequenter ita conveniendo nihil agatur. Enimvero non de eo jam quæstio est, num pecunia propter istam conventionem pro feudo haberi possit; sed quid paciscentes indicare voluerint verbis istis, pecuniam pro feudo habendam esse. Quoniam eo ipso, quod dicant pecuniam pro feudo habendam esse, satis indicant, se nosse quod feudalis non sit; ut constet, quænam fuerit mens ipsorum verbis istis significata, deveniendum utique est ad rationem unicam, quæ eos permovet, ut pecunia, quæ feudalis non est, sed allodialis, pro feudo habeatur, secundum principia interpretationis ab omnibus concessa ac posthac demonstranda, quemadmodum in demonstratione fecimus. Novi equidem, quod in foro rationem vincat autoritas; id tamen me permovere nequit, ut cum Doctoribus errare malim, quam verum dicere. In Jure naturæ nihil valet autoritas, sed ratio vincit autoritatem omnem: immo quod sola autoritate probatur, in Jure naturæ nullum meretur locum. Jus naturæ non judicem agnoscit Doctores, sed Doctores judicem agnoscere tenentur opinionum suarum jus naturæ. Et quamvis nobis nondum esse liceat adeo felicibus, ut in foro ratio vincat autoritatem; licebit tamen posteris adeo felicibus esse, siquidem contingat juventutem, quæ in Academiis operam navat, ad veram & solidam studiorum rationem revocari.

§. 291.

De una re pluribus in offerri potest. feudum data, vel oblatâ.

Una eademque res pluribus conjunctim in feudum dari, vel Quando enim res in feudum datur, dominus feudum, adeoque jus quoddam (§. 155.), constituit in re sua (§. 166.). Enimvero a domini voluntate unice dependet, quomodo de re sua disponere (§. 118. 120. part. 2. Jur. nat.), consequenter cuinam jus quoddam in ea constituere velit. Quamobrem si ipsi placuerit, pluribus conjunctim in una eademque re jus constituere, consequenter etiam unam eandemque rem pluribus conjunctim in feudum dare potest. *Quod erat unum.*

Quando

Quando res in feudum offertur, ea alteri datur sub hac conditione, ut feudum sibi in eadem constitutur (§. 167. 168.). Quamobrem cum a domini voluntate unice pendeat, cuiam rem suam dare & sub qua lege dare velit (§. 11. 12. part. 3. & §. 675. part. 2. *Jur. nat.*); una quoque eademque res pluribus conjunctim offerri potest in feudum. *Quod erat alterum.*

§. 292.

Quoniam pluribus conjunctim una eademque res in feudo dari potest (§. 291.); si una eademque res pluribus conjunctim in feudum datur, cum unicuique competat dominium utile pro parte in re indivisa (§. 155.), feudum isdem commune est (§. 126. part. 2. *Jur. nat.*). Et quia dominus feudum constituens (§. 165.) determinationes substantialibus superaddere potest, quæ placuerint (§. 164.), si pluribus conjunctim una eademque res in feudum datur, feudum pro rata erit commune, prouti definiaverit dominus.

Patet adeo, quomodo feudum constituatur commune, & quod tale constitui possit non minus pro parte æquali, quam pro partibus inæqualibus in qualibet ratione. Ea nimirum erit rata uniuscujusque, quæ in contractu feudali, quo feudum istud commune constitutum (§. 171.), definita (§. 172.).

§. 293.

Similiter quoniam una eademque res pluribus conjunctim in feudum offerri potest (§. 291.); si una eademque res directo communi pluribus conjunctim in feudum offertur, cum unicuique competat dominium directum in re indivisa (§. 156. 168.); dominium directum erit eis, quibus res in feudum oblata, commune (§. 126. part. 2. *Jur. nat.*).

Nimirum quia res pluribus conjunctim datur, dominium plerumque in re indivisa isdem habent (§. 126. part. 2. *Jur. nat.*).

Sed quia datur sub ea conditione, ut feudum danti in eadem (*Wolffii Jur. Nat. Pars VI.*)

constituatur; dominium dividitur in directum & utile (§. 156.), utili in dantem translato (§. 155.) accipientes retinent directum, adeoque commune, quale nimirum continebatur in pleno: neque enim divisione dominii hanc qualitatem amittere potest dominium directum, quod tanquam pars pleni spectandum.

§. 294.

*Res, quænam
infeudari
non possunt.*

Quæ sunt in nullius dominio, ea infeudari non possunt. Quod si enim res aliqua in nullius fuerit dominio, nemini quoque competit jus de eadem disponendi pro arbitrio suo (§. 118. part. 2. Jur. nat.), consequenter nemo quoque feudum in ea alteri constituere potest, neque etiam eam alteri dare potest, ut feudum sibi in ea constituatur. Quamobrem cum res infeudari nequeat, nisi vel quis in re sua alteri feudum constituit, vel in re sibi ab altero data sub ea conditione, ut feudum sibi in ea constituatur (§. 166. 168.); quæ sunt in nullius dominio, ea infeudari non possunt.

§. 295.

*An res natura
adhuc
communes
infeudari
possunt.*

Quoniam res in communiione primæva relictæ, seu natura adhuc communes (§. 7. part. 2. Jur. nat.), quæ vero in dominio non sunt, infeudari non possunt (§. 294.); *res natura adhuc communes infeudari non possunt.*

Ita aer, aqua profluens & lumen solis res communes mansere, introductis dominis (§. 209. part. 2. Jur. nat.). Aer igitur, aqua profluens & lumen solis infeudari nequit. Quando enim alicui conceditur jure feudi habere molendinum pneumaticum, non aer infeudatur, quo molendinum agitur; sed jus habendi molendinum, tanquam res incorporalis (§. 259.).

§. 296.

Rem infeudandam alienabilem esse.

Res, quæ in feudum datur, vel offertur, alienabilis esse debet. Etenim quando res in feudum datur, dominus feudum alteri constituit in re sua (§. 166.), adeoque dominium utile, quod

a di-

et directo separatur (§. 156.), transfertur in vasallum & directe debere. etum sibi retinet dominus (§. 158.). Quamobrem cum possitima pars domini sit dominium utile (§. 1. 3.), res vero alienetur, quando dominium, quod quis in eo habet, in alium transfertur (§. 662. part. 2. Jur. nat.); si feudum in ea constituitur, maxima ex parte alienatur, etsi non alienetur in totum, quatenus aliqua domini pars retinetur (§. 3.). Quodsi adeo res in feudum dari debet, necesse est ut sit alienabilis, seu res, quæ in feudum datur, alienabilis esse debet. *Quod erat unum.*

Quodsi res alteri in feudum offertur, offerens rem suam eidem dat sub ea conditione, ut feudum sibi in eadem constituat (§. 167. 168.). Enimvero qui rem alteri dat, etiam sub quadam conditione, veluti ut accipiens sibi feudum in ea constituat (§. 11. part. 3. Jur. nat.), dominium ejus in eundem transfert (§. 675. part. 2. Jur. nat.), adeoque eandem alienat (§. 662. part. 2. Jur. nat.). Res igitur, quæ in feudum offertur, alienabilis esse debet. *Quod erat alterum.*

§. 297.

Quoniam res, quæ in feudum datur, vel offertur, alienabilis esse debet (§. 296.); *rem, quam quis alienare nequit, rem infeudare non potest.*

E. gr. ponamus tibi donari prædium, sed ea lege, ne a te alienari possit; prædium istud nec in feudum dare, nec offerre alteri potes. Subinde obstare potest jus tertii, ne res alienetur; atque tunc etiam infeudatio foret contra jus tertii, quod adeo impedit, quo minus fieri possit (§. 910. part. 1. Jur. nat.).

§. 298.

Res, in qua dominium utile habemus, alteri in feudum dare De infeudatione rei, in possimus, sed salvo jure domini directi. Etenim si in re dominium utile habemus, nobis competit jus utendi fruendi cum qua domini-

*non utile ha-
bamus.*

proprietate certo modo restricta (§. 1.), reliqua vero proprietatis pars, in qua dominium directum consistit (§. 3.), ad dominium directum pertinet. Quamobrem cum proprietas non uno modo restringi possit, quod sumitur tanquam facile concedendum; nil sane obstat, quo minus eam partem proprietatis, quæ nobis competit, alio adhuc modo restringamus, & jus utendi fruendi cum proprietate magis restricta in alium transferamus, partem vero reliquam tanquam dominium aliquod directum nobis reservemus. Cum itaque feudum in re alteri constituatur, si quis jus utendi fruendi restrictum cum quadam proprietatis parte, adeoque dominium utile (§. 1.), in alterum transfert sub conditione mutæ fidelitatis & dominium directum sibi reservat (§. 155. 156.); evidens est, rem, in qua dominium utile habemus, alteri in feudum dari a nobis posse. Quoniam tamen nil fieri potest contra jus tertii (§. 910. *part. 1. Jur. nat.*), non modo sufficit, ut salvum maneat dominium directum, quod domino competit directo, sed etiam jus reliquum, si quod præterea ipsi competit ex conventionione. Rem igitur, in qua dominium utile habemus, alteri in feudum dare possumus, sed ut salvum maneat jus domini directi.

§. 299.

*De infeuda-
tione bono-
rum emphy-
teuticorum.
& rerum
feudalium.*

Quoniam in bonis emphyteuticariis (§. 13. 12.), & in rebus feudalibus dominium utile habemus (§. 157. 155.); bona quoque emphyteutica & res feudales alteri in feudum dari possunt, salvo jure domini directi (§. 298.).

Vulgo dicitur feudum dari in feudum alteri: sed tum feudum sumitur per inconstantiam loquendi in Jure naturæ minime tolerandam pro re feudali (*not. §. 157.*), adeoque ab hac phrasi in Jure naturæ abstinendum. Istiusmodi infeudatione nil aliud agitur, quam ut jus nobis competens certa lege transferatur in alium, ita ut nil quicquam committatur contra jus tertii

tertii, atque adeo nulla adest ratio, ob quam illicita esse possit, cum nemini competat jus contradicendi, quia nullius jus violatur.

§. 300.

Feudum in re feudali constitutum alteri dicitur *Subfeudum* & res feudalis dicitur *subinfeudari*, quando feudum in eadem alteri constituitur: Vasallus vero, cui res feudalis in feudum datur, vocatur *subvasallus*, vulgo *subinfeudatus*. Idiomate patrio subfeudum appellatur *Uffter Lehn*, quasi feudum spurium, & subvasallus *ein Uffter Lehmann*, sicuti feudum *ein Lehn* & vasallus *ein Lehmann*. Vasallus, qui rem feudalem subinfeudat, *Dominus subfeudi*, seu respectu subvasalli *dominus* simpliciter audit.

§. 301.

Nemo alteri feudum in re feudali constituere, seu rem feudalem subinfeudare potest nisi vasallus. Quando enim feudum in re feudali constituitur, dominium utile, quod quis in ea habere possit (§. 155. 157.), in alium transfertur. Enimvero dominium utile in re feudali competit vasallo (§. 158.) & nemo ipsi idem adimere potest invito (§. 336. part. 3. *Jur. nat.*). Quamobrem nemo alteri feudum in re feudali constituere, consequenter rem feudalem subinfeudare potest (§. 300.), nisi vasallus.

Nimirum res feudalis quatenus feudalis est vasalli: est enim feudalis, quatenus feudum in ea constitutum (§. 157.), consequenter quatenus dominium utile a directo se junctum quis in ea habet (§. 155. 156.). Quamobrem cum vasallo sit dominium utile proprium, ut eo tanquam jure proprio excludat dominium feudi (§. 119. part. 2. *Jur. nat.*); res feudalis qua feudalis utique vasalli est. Quemadmodum itaque feudum in re nemo constituere potest nisi dominus (§. 165.); ita etiam in re feudali qua feudali nemo feudum constituere potest nisi vasallus.

Dd 3:

§. 302.

§. 302.

An per in- Si res feudalis subinfeudatur, vasallus manet domini, a quo
feudationem feudum habet, vasallus, nec in subinfeudatione quicquam conveniri
in nexu feu- potest, quod contractui feudali, quo feudum scilicet constitutum, re-
dali quidpi- pugnat. Etenim subinfeudatio fieri nequit nisi salvo jure do-
am immuse- mini directi seu feudi (§. 298.). Quamobrem cum per sub-
tur. infeudationem feudum vasallo constitutum non tollatur, sed
 quoad dominum feudi perinde sit, ac si subinfeudatio facta
 non fuisset; vasallus quoque manet vasallus domini sui, cum-
 que ex contractu feudali, quo feudum constitutum (§. 171.)
 metiendum sit jus domini & ei respondens obligatio vasalli
 (§. 172.), in subinfeudatione nil quicquam conveniri potest,
 quod contractui feudali, quo scilicet feudum constitutum,
 repugnat.

Patet adeo, in nexu feudali, qui datur inter vasallum &
 dominum, nil quicquam immutari, & qui per infeudationem
 fit dominus subvasalli, eundem adhuc esse vasallum respectu
 domini, a quo feudum recognoscitur.

§. 303.

An per sub- Quoniam re feudali subinfeudata vasallus manet domi-
infeudatio- ni sui vasallus, nec in subinfeudatione quicquam conveniri
nem in obli- potest, quod contractui feudali repugnat (§. 302.); facta sub-
 gatione va-
infundatione vasallus domino suo adhuc ad ea præstanda obligatur,
falli quidpi- ad qua ex contractu feudali antea obligatus erat, consequenter
am mutetur, cum contractus feudalis inter dominum & vasallum initus per
vel etiam omnia subsistat, dominus quoque vasallo suo, non obstante subin-
domini. feudatione, ad eadem adhuc obligatur, ad qua antea obligatus fu-
 erat (§. 172.).

E. gr. Si vasallus domino certa servitia præstare tenetur (§.
 178. 183.), ea adhuc præstanda sunt, etiamsi res fuerit
 subinfeudata, &, si dominus vasallo protectionem debet, eun-
 dem adhuc protegere tenetur subinfeudatione facta.

§. 304.

Subinfeudatio fieri nequit nisi pacto. Etenim quando res feudalis subinfeudatur, feudum in eadem a vasallo constituitur alteri (§. 300. 301.). Enimvero feudum constituitur pacto (§. 170.). Quamobrem nec subinfeudatio fieri potest nisi pacto. *Quomodo subinfeudatio fiat.*

Poterat ostendi eodem etiam modo, quo supra demonstravimus feudum pacto constitui (§. 170.).

§. 305.

Contractus subfeudalis, aut, si mavis, *subinfeudationis* est, *Contractus* quo de subfeudo inter se conveniunt vasallus & subvasallus, *subfeudalis* seu dominus subfeudi & subvasallus. *quinam sit.*

Cur pro peculiari contractu habeantur pactum, quo perficitur subinfeudatio, eodem modo patet, quo supra ostendimus (nos. §. 128.), contractum superficiarium specialem esse contractum. Nec est quod dicas, quia subinfeudatione constituitur feudum in re feudali, hunc contractum esse eundem cum feudali, quo ipsum feudum constitutum (§. 171.), adeoque non opus esse, ut eidem contradistingatur. Patebit enim ea, de quibus convenitur in contractu subfeudali, non semper esse prorsus eadem cum iis, quæ in feudali continentur, adeoque contractus feudalis & subfeudalis non modo duos distinctos esse contractus, quatenus inter diversas personas celebrantur, verum etiam quatenus materialiter non prorsus iidem sunt.

§. 306.

Quoniam in contractu subfeudali de subfeudo inter se *Unde meti-* conveniunt subvasallus & vasallus tanquam dominus, a quo *endum sit* feudum recognoscit (§. 305.), nemo autem plus juris ab al- *jus & meti-* jus & meti-tero acceptatione sua acquirere valet, quam in eum transfer- *enda obliga-* re voluit, nec quisquam alterum ultra voluntatem suam sibi *tio subvasal-* obligare valet (§. 382. part. 3. Jur. nat.); *ex contractu subfeu-* *li & domini* *dali subfeudi.*

dali metiendum est jus, metienda obligatio sive subvasalli, quam domini subfeudi.

Notanda hic sunt eadem, quæ supra in casu simili annotavimus (not. §. 172.).

§. 307.

An subinfeudatio naturaliter licita.

Subinfeudatio naturaliter licita. Ostenditur eodem modo, quo supra (§. 88.) ostendimus, subemphyteuticationem naturaliter licitam esse, modo notioni emphyteuseos substituas notionem feudi (§. 155.) & subemphyteuticationis notionem subinfeudationis (§. 300.).

Hanc propositionem ideo addimus, ne quis forsan arguetur, quasi paulo ante (§. 298.) saltem ostenderimus subinfeudationis possibilitatem physicam.

§. 308.

De iis, quæ in contractu subfeudali terminationes, quæ in feudali non continentur, modo iis non repugnantibus superaddi possunt.

In contractu subfeudali substantialibus superaddi possunt de-terminationes, quæ in feudali non continentur, modo iis non repugnantibus superaddi possunt. Quodsi quadam adjiciantur, quæ eidem repugnant; pro non adjectis habentur. Etenim vasallus subinfeudans dominium utile, quod in re feudali habet (§. 158.), adeoque jus sibi proprium (§. 1.), in subvasallum transfert per contractum subfeudalem (§. 300. 155. 304. 305.). Enimvero quilibet jus suum transferre potest in alium eo modo, qui ipsi placuerit (§. 11. part. 3. Jur. nat.), adeoque determinationibus substantialibus superaddere potest eas, quas voluerit. Quoniam tamen in subinfeudatione nil quicquam conveniri potest, quod contractui feudali repugnat (§. 302.); determinationes, quæ superadduntur, repugnare non debent iis, quæ in feudali habentur. Patet itaque in contractu subfeudali substantialibus superaddi posse determinationes, quæ in feudali non continentur, modo iis non repugnent.

Ostenditur idem etiam hoc modo. Quando res infeudatur, vasallus alteri feudum constituit in re feudali (§. 300.)

Quam

Quamobrem cum a voluntate feudum constituentis pendeat, quas determinationes substantialibus superaddere velit (§. 164.), subinfeudans tamen cum subvasallo nil convenire possit, quod repugnat iis, quæ in contractu feudali habentur (§. 302.); in contractu subfeudali superaddi possunt determinationes substantialibus, quæ in contractu feudali non continentur, modo non repugnent iis, quæ in feudali habentur.

Quod erat unum.

Enimvero si quædam adjiciantur, quæ contractui feudali repugnant, ea cum adjici non possint (§. 302.), nullo jure adjiciuntur, adeoque invalida sunt, consequenter pro non adjectis habenda. *Quod erat alterum.*

Nimirum cum subinfeudatio sit licita (§. 307.), nulla ratio est, cur tota ruere debeat, si quoad omnes determinationes, de quibus conventum, subsistere non possit. Subsistit igitur quoad ea, quoad quæ subsistere potest. Neque enim dominus feudi habet jus contradicendi infeudationi, sed saltem iis, quæ juri suo adversantur (§. 910. part. 1. Jur. nat.). Pati igitur debet, ut infeudatio subsistat quoad ea, quæ juri ipsius non contrariantur; minime autem, ut subsistat quoad ea, quæ eidem adversantur.

§. 309.

Consensus domini ad subinfeudationem non requiritur. Etc. An consensus facta infeudatione vasallus domino ad ea præstanda ad huc obligatur, ad quæ antea erat obligatus (§. 303.), nec ad subinfeudationem quicquam in subfeudatione conveniri potest, quod adversetur contractui feudali, & si quid tale adjiciatur, pro non adjecto habetur (§. 308.). Domino adeo perinde est, si vasallus re feudali ipse utatur fruatur, si eandem subinfeudet. Nulla igitur ratio est, cur ad subinfeudationem demum requirendus sit domini consensus, adeoque idem ad eandem non requiritur (§. 70. Ontol.).

(Wolffii Jur. Nat. Pars VI.)

Ee

Hoc

Hoc adeo manifestum est, ut etiam jure positivo subinfeudatio subsistat sine consensu domini. Sane domino perinde esse debet, sive vasallus dominium utile exerceat per se, id quod fit, quando res feudalis non subinfeudatur, sive per alium, id quod obtinet, quando ea subinfeudatur, ut adeo respectu domini dominium utile videatur ad huc esse penes vasallum, Cetera enim, quæ ad nexum feudalem spectant, absque ulla mutatione subsistunt (§. 303.).

§. 310.

De rerum universitate infensata.

Rerum quædam universitas infeudari potest, seu uni eidemque in rebus pluribus diversis simul feudum constitui potest uno actu. Etenim cum a domini voluntate pendeat, cuinam & sub qua lege jus quoddam in re sua constituere velit, cum de re sua disponere possit, prout sibi visum fuerit (§. 118. part. 2. Jur. nat.); ab ejus quoque voluntate pendet, cuinam feudum in re sua constituere velit (§. 155.). Quemadmodum itaque pluribus in diversis rebus suis feudum constituere potest, & uni eidemque successive in pluribus rebus; ita etiam nihil obstat, quo minus uno actu uni eidemque in rebus pluribus simul feudum constituat. Quamobrem cum res plures diversæ simul sumtæ constituent rerum quædam universitatem; quin rerum quædam universitas infeudari possit dubitandum non est.

Ita in feudum uni eidemque simul dari possunt prædium quoddam, sylva ad idem minime pertinens, jus venandi & piscandi, jus molendinum pneumaticum habendi & quæ sunt alia ad infeudandum apta.

§. 311.

De feudo oblato in rerum universitate.

Rerum universitas in feudum alteri offerri potest. Quando enim feudum offertur, res infeudanda datur alteri sub eadem conditione, ut sibi feudum in eadem constituat (§. 167. 168.) Quoniam a voluntate domini pendet, num dominium re

sue in alterum transferre & quomodo transferre velit (§. 11. *12. part. 3. Jur. nat.*), adeoque num alteri rem suam dare & sub qua conditione dare velit (§. 675. *part. 2. Jur. nat.*); res quoque plures simul, adeoque rerum universitatem alteri sub ea conditione dare potest, ut sibi feudum in ea constituatur. Patet itaque rerum universitatem in feudum alteri offerri posse.

In rerum adeo universitate consistere potest tam feudum datum (§. 310.), quam oblatum, *vi praf.* Exemplum, quod dedimus de feudo dato (*not. §. cit.*), intelligi quoque potest de feudo oblato.

§. 312.

Si quis feudum constitutum habet in rerum universitate; is De subinrem unam atque alteram sigillatim absque ceteris uni, vel pluribus feudatione subinfeudare potest. Etenim si rerum universitas infeudatur, cum particularia consistat in rebus, quæ a se invicem diversæ sunt, & quarum una absque altera infeudari potest; feudum in universitate constitutum spectari potest tanquam multiplex, tot scilicet concipiendo feuda particularia, quot sunt res diversæ, *ta.*

Quamobrem cum unaquæque earum subinfeudari possit (§. 299. 300.) & infeudatio uniuscujusque licita sit (§. 307.); a vasalli, qui solus subinfeudare potest (§. 301.), voluntate omnino pendet; utrum rerum universitatem totam, an rem unam vel alteram sive uni, sive pluribus sigillatim subinfeudare velit. Atque adeo patet, si quis feudum constitutum habeat in rerum universitate, eum rem unam vel alteram absque ceteris uni, vel pluribus subinfeudare posse.

Ponamus rerum universitatem infeudatam constare ex prædio, sylva, piscina, jure venandi, jure piscandi, jure certos redditus percipiendi. Vasallus, si ipsi ita visum fuerit, in feudum alteri dare potest solum jus venandi, alii feudum, quod ipsi in sylva constitutum, & ita porro. Subinfeudari adeo potest sylva sola, jus venandi solum & ita porro.

Ecce 2

§. 313.

An subinfeudatio gratuita esse debeat.

§. 313.
Subinfeudatio fieri potest tam gratis, quam certo pretio interveniente. Quoniam enim subinfeudatio vasallo licita est (§. 307.), modo fiat salvo jure domini feudi (§. 299.), hoc vero salvum manere possit, five subfeudum gratis, five certo pretio interveniente constituatur, quod per se patet; a vasalli utique voluntate pendet, utrum rem feudalem gratis, an certo pretio interveniente subinfeudare velit. Quamobrem subinfeudatio tam gratis, quam certo pretio interveniente fieri potest.

Domini non interest, five vasallus subfeudum alteri gratis concedat, five vendat. Adeoque nulla ratio est, cur non utrumque facere possit, prouti ipsum visum fuerit. Falluntur adeo, qui sibi persuadent, subinfeudationem necessario gratis fieri debere. Sane per hoc, quod pretium certum accipiat vasallus a subvallo, ut ei rem feudalem subinfeudet, nihil immutatur in jure domini feudi, nec in obligatione vasalli, qua domino devinctus est. Quamdiu adeo jus domini salvum manet, subinfeudatio nihil habet, quod illicitum dici possit. Quæ dubia moventur ex textibus Juris, ea in Jure naturæ non attenduntur, ubi demonstrandum, quid naturaliter valeat.

§. 314.

Num dominium utile transfertur; sed pars quadam proprietatis remanet apud vasallum. totum in subfeudatione transfertur.

Subinfeudatione non totum dominium utile in subvasallum transfertur; sed pars quadam proprietatis remanet apud vasallum. Ponamus enim totum dominium utile in subvasallum transferri. Quoniam dominium utile consistit in jure utendi fruendi prorsus libero, seu nullo modo restricto, & proprietate restricta (§. 1.); omne jus utendi fruendi una cum omni proprietate, quam habet vasallus, in subvasallum transfertur. Quamobrem cum præter dominium utile nihil juris in re habeat vasallus (§. 158.), dominium vero directum in subinfeudatione salvum maneat domino feudi (§. 299. 300.); facta subinfeudatione nihil juris in re retinet vasallus, sed totum, quod ipse habebat, jam competit subvasallo, consequen-

ter feudum in subvasallum transfertur, non vero subfeudum eidem in re feudali constituitur. Quod cum sit absurdum, subinfeudatione non totum dominium utile in subvasallum transferre potest vasallus, quod habet. *Quod erat unum.*

Quoniam itaque dominium utile totum, quod habet vasallus, in subvasallum transferre nequit *per demonstrata*; necesse est, ut ejus aliquid sibi retineat. Enimvero dum rem feudalem subinfeudat, subvasallo feudum in ea constituit (§. 300.), atque adeo dominium utile, quod habet, quemadmodum dominus dominium plenum, in utile & directum dividere, ac utile subvasallo concedere, directum sibi retinere debet (§. 157. 158.). Quamobrem cum dominium directum in particula quadam proprietatis consistat (§. 3.); si subinfeudatio fit, pars quaedam proprietatis apud vasallum remanere debet. *Quod erat alterum.*

Differt alienatio feudi & subinfeudatio. In illa enim dominium utile, quod habebat vasallus, totum in alium transfert, & sic desinit esse vasallus, nexus feudalis inter ipsum ac dominum feudi tollitur, & qui dominium utile acquisivit fit novus vasallus, in hunc transit omnis obligatio vasallitica & ipse dominum feudi suum dominum superiorem agnoscere tenetur. At in subinfeudatione totum dominium utile, quod habet vasallus, non transit in subvasallum, sed novum quasi dominium utile constituitur, & sic qui fuerat vasallus manet vasallus domini sui, nec in subvasallum transit obligatio, qua ipse domino feudi devinctus, subvasallus vero ipsi obligatur eumque dominum suum superiorem agnoscit. Hinc subinfeudatio alienatio feudi imperfecta vocatur & dominium utile vetus apud vasallum manere vulgo dicitur, aliud novum quasi subalternatum subvasallo conceditur. Ideo quoque jam ante monuimus, quod vasallus dominium suum utile veluti exerceat per alium, aut exerceri patiatur ab alio, lege a se præscripta. Habet subinfeudatio aliquid affinitatis cum sublocatione, in qua conductor qui manet induit quoque personam locatoris, ita ut

respectu locatoris sui fit conductor, respectu conductoris sui locator (§. 1208. part. 4. *Jur. nat.*).

§. 315.

An subfeudum denuo subinfeudari possit.

Subfeudum a subvasallo denuo subinfeudari potest. Etenim subvasallus se habet ad vasallum tanquam dominum suum, quemadmodum vasallus ad suum dominum (§. 300.). Quoad vasallum igitur perinde est, ac si feudum sibi esset constitutum in re non feudali, sed allodiali a domino. Enimvero vasallus, etiam sine consensu domini (§. 309.), rem feudalem subinfeudare potest (§. 299. 307.). Ergo etiam subvasallus subfeudum denuo subinfeudare potest.

Facile patet, naturaliter hanc subinfeudationem licitam esse in infinitum, hoc est, nullum in Jure naturæ præfigi terminum subinfeudationi, quo usque permilla esse debeat.

§. 316.

De jure subvasalli imminuto.

In subinfeudatione jus subvasalli non potest augeri; potest tamen imminui. Etenim vasallus in subvasallum transferre nequit plus juris, quam ipse in re feudali habet, quod per se patet: immo si contrarium fieri ponatur, minime salvum erit jus domini, a quo feudum recognoscit vasallus, quod tamen in subinfeudatione salvum manere debet (§. 299.). Enimvero si jus subvasalli in subinfeudatione augeatur, plus juris in subvasallum transferret vasallus, quam ipse in re feudali habet (§. 426. *Ontol.*). Patet itaque in subinfeudatione jus subvasalli augeri non posse. *Quod erat unum.*

Enimvero in contractu subfeudali superaddi possunt substantialibus determinationes, quæ in feudali non continentur, modo non repugnent iis, quæ in feudali habentur (§. 308.). Quamobrem cum nihil ita determinetur, ut repugnet contractui feudali, si jus subvasalli minuitur, adeoque aliquid eidem demitur, quod vasallo concessum (§. 426. *Ontol.*

id.); in subinfeudatione jus subvasalli imminui potest. *Quod erat alterum.*

Quando jus subvasalli imminuitur, tunc multo clarius elucescit, quod dominium utile novum constituitur, quod in subvasallum transfertur, quam si nihil mutationis juri vasallifico accidit in subinfeudatione. Quoniam tamen propterea nihil juris amittit vasallus, quod ipsi vi contractus feudalis competit; per novum hoc dominium utile vetus non aboletur, sed istud huic tantummodo subordinatur, quatenus nihil continet, quod contractui feudali, ex quo metiendum est jus vasalli, metienda ejus quoque obligatio (§. 172.), repugnat.

§. 317.

Si in contractu feudali expresse fuerit conventum, ne feudum quando subinfeudari debeat; vasallus feudum subinfeudare nequit; & si (subinfeudatio) subinfeudatio contra prohibitionem fiat, nulla est: naturaliter tamen fieri ne feudum non amittit vasallus, nisi expresse ita fuerit conventum. queat.

Etenim si in contractu feudali expresse fuerit conventum, ne feudum subinfeudari debeat, cum ex contractu metienda sit obligatio vasalli (§. 172.); vasallus obligatur ad feudum non subinfeudandum, consequenter nec ipsi jus est hoc faciendi (§. 118. 156. part. 1. Phil. pract. univ.). Feudum igitur subinfeudare cum non liceat (§. 170. part. 1 Phil. pract. univ.), idem quoque infeudare nequit. *Quod erat primum.*

Quoniam vasallo non competit jus subinfeudandi, si subinfeudatio in contractu feudali prohibita, *per demonstrata*; si vasallus non obstante hac prohibitionem feudum subinfeudet, subinfeudatio nullo jure fit, consequenter nulla est. *Quod erat secundum.*

Et quia domino, si in contractu feudali expresse fuerit conventum, ne feudum subinfeudari debeat, competit jus non solum prohibendi, ne faciat, si vasallus infeudare velit, verum etiam non patiendi, ut infeudatio facta sit (§. 172.); in hypo-

hypothefi propositionis præsentis dominus irritam facere potest subinfeudationem factam. Ex eo autem, quod irritam facere possit subinfeudationem, minime sequitur, quod vafallus feudum amittere debeat, quia contra prohibitionem subinfeudavit, cum jus irritum faciendi actum subinfeudationis non contineat jus auferendi vafallo feudum, quod facile patet. Naturaliter itaque feudum non amittit vafallus, si contra prohibitionem conventam id subinfeudavit. *Quod erat tertium.*

Enimvero si expresse conveniatur, ut feudum per subinfeudationem committi debeat, amiffio feudi prohibitioni subinfeudationis adjicitur tanquam pœna (§. 606. pars. 3. Jur. nat.). Quamobrem cum pœnæ locus fit, si promiffione pœnali non stetetur (§. 611. pars. 3. Jur. nat.); si expresse fuerit conventum, ut feudum per subinfeudationem amittatur, contra prohibitionem conventam subinfeudans feudum amittit. *Quod erat quartum.*

Jus privandi feudo vafallum subinfeudantem accedit ad jus irritam faciendi subinfeudationem. Quando enim feudum amittit vafallus, non propterea id acquirit subvafallus, ut is in locum vafalli succedat. Dominus enim cum subvafallo nihil contraxit, adeoque nec eidem ad quicquam obligatus est. Ceterum facile apparet, prohibitioni subinfeudationis vix esse locum, si alienandi potestas concedatur vafallo, cum subinfeudatio, quæ imperfecta quædam alienatio est (not. §. 314.), minus quidpiam fit, quam alienatio.

§. 318.

Quando ad subinfeudationem requiratur consensus domini.

Ita etiam conveniri potest, ut sine consensu domini subinfeudare non liceat, & tunc subinfeudatio sine consensu domini facta non subsistit. Etenim feudum constituens substantialibus determinationes superaddere potest, quas voluerit (§. 164.), adeoque legem præscribere, sub qua feudum constitutum esse debeat, quæ placuerit. Quodsi ergo voluerit, ut sine consen-

si domini subinfeudare non liceat, cum determinationes, quas substantialibus superaddere visum est, in contractu feudali definiendæ sint (§. 173.), ita omnino conveniri potest, ut sine consensu domini subinfeudare non liceat (§. 171.).

Quod erat unum.

Quodsi itaque in contractu feudali, ex quo metiendum est jus vasalli (§. 172.), ita fuerit conventum, ut ne liceat subinfeudare sine consensu domini; vasallo non competit jus sine consensu domini subinfeudandi (§. 156. part. 1. Phil. præf. univ.). Quamobrem si sine consensu domini subinfeudet, subinfeudatio nullo fit jure, adeoque nulla est, consequenter non subsistit. *Quod erat alterum.*

Quoniam expressa conventionem opus est, ut ne liceat sine consensu domini subinfeudare (§. 309.); ex eo, quod in contractu feudali expresse dictum fit, sine consensu domini feudum non debere alienari, minime colligi potest, consensum quoque domini ad subinfeudationem requirendum esse, cum subinfeudatio non sit alienatio, qua novus vasallus domino obtruditur, si absque consensu ipsius fiat. Unde & in jure positivo, quo ad alienationem requiritur consensus domini, subinfeudatio tamen sine consensu ipsius permittitur.

§. 319.

Vasallus ex re feudali solus omnem percipit utilitatem. Idem De utilitate, valet de subvasallo. Etenim vasallus habet dominium utile in quam vasallus re feudali (§. 155.), adeoque dominus utilis est (§. 2.). Quamobrem cum dominus utilis solus ex re percipiat omnem utilitatem (§. cit.); vasallus quoque ex re feudali solus omnem percipit utilitatem. *Quod erat unum.*

Quoniam subvasallo feudum constituitur in re feudali (§. 300.), dominium utile itidem in eundem transfertur (§. 155.). Quamobrem ut antè patet, subvasallum ex re feudali solum percipere omnem utilitatem. *Quod erat alterum.*

(Wolffii Jur. Nat. Pars VI.)

F f

Non

Non obstat, quod vassallus partem saltem rei feudalis subinfeudare possit, in reliqua dominium utile sibi reservare. Etenim si partem saltem subinfeudat, ex ea parte subvassallus solus omnem percipit utilitatem, quemadmodum vassallus non nisi ex ea tantummodo utilitatem omnem perciperet, si ea saltem ipsi infeudata fuisset. Neque etiam obstat, si subvassallus obligatus ad canonem præstandum vassallo, quem is solvere non tenetur domino, quod fieri utique potest in subinfeudatione (§. 316.). Et si enim hoc onus adjectum sit subfeudo, quod non adhæret feudo; hoc tamen non obstante omnem utilitatem solus percipit ex re subinfeudata subvassallus, quippe qui re ita utitur fruitur, ac si ad canonem præstandum non esset obligatus. Jus nimirum percipiendi omnem ex re utilitatem ipsi sub onere quodam competit, hoc tamen non obstante, nullo modo restringitur, sed in se prorsus liberum manet. Obligatio præstandi onus extrinsecus accedit ad jus, non vero eidem inest.

§. 320.

Fructus ex feudo percepti quam qualitatem habeant.

Fructus ex re feudali percepti feudales non sunt, sed allodiales. Etenim jus utendi fruendi prorsus irrestrictum vassallo competit, & de fructibus, quos percipit, prorsus pro arbitrio suo disponere potest (§. 159.), consequenter in iis dominium plenum habet (§. 118. part. 2. Jur. vat.). Quamobrem cum res allodiales sint; in quibus dominium plenum habemus (§. 192.); fructus ex re feudali percepti allodiales sunt: *Quod erat unum.*

Enimvero quod allodiale est, feudale non est (§. 192.). Quamobrem cum fructus ex re feudali percepti sint allodiales, *per demonstrata*; feudales non sunt. *Quod erat alterum.*

Posterius ostenditur etiam hoc modo. Feudum constituitur in re, ex qua fructus percipiuntur, non vero in fructibus, qui ex ea percipiuntur, quamvis fructuum percipiendorum causa (§. 155. 1.). Enimvero in quo feudum non constituitur

stituitur, id res feudalis non est (§. 157.). Ergo nec fructus, qui ex re feudali percipiuntur, feudales sunt.

Fructus acquirit vasallus jure feudi; ast propterea non in ipsis feudum constitutum est, quod constitutum in re, ex qua fructus percipiuntur, consequenter nec ad res feudales refertur possunt (§. 192.): quin potius feudum constituitur in re, ut fructus ex ea percipiendi sint vasalli proprii.

§. 321.

Periculum fructuum omne ad solum vasallum spectat. Quo-
Cujusnam
niam enim vasallus ex re feudali solus omnem percipit uti-
sive fructuum
litate (§. 319.); fructus quoque omnes ad eum solum per-
periculum
tinent, nihil vero eorum ad dominum directum pervenit. *ex re feu-*
Quodsi ergo casus in fructibus contingat; damnum quoque *dali.*
ad solum vasallum pertinet, adeoque omne periculum fructuum
ad eum solum spectat.

Nulla sane ratio est, cur dominus particeps esse debeat damni, cum non fiat particeps fructuum. Si particeps esset fructuum, damnum sentiret pro rata, quod contingit in re communi. Quando itaque rata fructuum nulla est, damnum quoque nullum esse potest, quippe quod cum rata fructuum percipiendorum decrevit adeoque & cum eadem evanescit.

§. 322.

Vasallus rem feudalem alteri locare potest. Etenim vasal-
An res feu-
lus de usu ac fructu rei feudalis pro arbitrio suo disponere *dalis locari*
potest (§. 159.), consequenter etiam usum ejus tam simpli-
possit alteri.
cem, quam cum fructu conjunctum pro certa mercede alii
concedere. Quamobrem cum res alteri locetur, si ejus usus,
sive simplex, sive cum fructu conjunctus, pro certa mercede
alteri conceditur (§. 1194. *pars. 4. Jur. nat.*); vasallus feudum
alteri locare potest.

Quoniam jus utendi fruendi prorsus irrestrictum, seu liberum ad vasallum pertinet (§. 155. 1.), adeoque is eodem exclu-

dit dominum directum, qui non nisi partem aliquam proprietatis habet (§. 3. 158.); vasallus quoque rem feudalem locare potest sine domini consensu, cujus etiam non interest, sive ipse eadem utatur fruatur per se, sive per alium. Posterius nimirum contingit, quando eandem locat, cum conductor re utatur fruatur non jure proprio, sed jure vasalli ab eo sibi concessio.

§. 323.

An merces pro re feudali locata solvenda sit feudalis. Merces, quæ a conductore vasallo solvitur, feudalis non est, sed allodialis. Etenim merces, quæ a conductore vasallo solvitur, pro usu rei præstatur (§. 1194. part. 4. Jur. nat.), adeoque æquipollet fructibus ex re feudali percipiendis (§. 956. part. 1. Theol. nat.). Quamobrem cum fructus, qui ex re feudali percipiuntur, feudales non sint, sed allodiales (§. 320.); merces, quæ a conductore vasallo solvitur, feudalis non est, sed allodialis.

§. 324.

De pecunia re feudali utendo fruendo lucratus est, re feudali non est, sed allodialis. Etenim si quis pecuniam lucratus est re feudali utendo fruendo, necesse est ut eandem accipiat vel pro fructibus venditis, vel pro usu rei alteri locatæ, seu tanquam mercedem (§. 1194. part. 4. Jur. nat.). Enimvero fructus non feudales sunt, sed allodiales (§. 320.), adeoque etiam ratio nulla est, cur pecunia feudalis esse debeat, quæ pro fructibus venditis accipitur. Feudalis igitur non est (§. 70. Ontol.), adeoque allodialis esse debet (§. 192.). Similiter merces, quæ a conductore vasallo solvitur, consequenter pecunia, quam accipit pro usu rei alteri locatæ, feudalis non est, sed allodialis (§. 323.). Quamobrem pecunia omnis, quam vasallus re feudali utendo fruendo lucratus est, feudalis non est, sed allodialis.

§. 325.

Vasallus rei feudalis usum tam simplicem, quam cum fructu De usufructu conjunctum alteri gratis concedere potest. Etenim de usu ac fructu rei feudalis rei pro arbitrio suo disponere potest (§. 159.), adeo-
 que ab ipsius voluntate dependet, quomodo usum sive simplicem, sive cum fructu conjunctum alteri concedere velit. Quod si ergo rei feudalis usum sive simplicem, sive cum fructu conjunctum alteri gratis concedere velit; quin hoc facere possit dubitandum non est.

Domini, cum is nullam ex re feudali percipiat utilitatem (§. 319.), parum interest, utrum usum rei feudalis alteri concedat gratis, an pro certa mercede. Quamobrem non minus gratis eundem concedere, quam rem feudalem locare potest. Eadem utrobique ratio est, quemadmodum ex collatione propositionis præsentis & superioris (§. 322.) abunde patet. Sunt qui negant, usumfructum in re feudali a vasallo alteri constitui posse; sed illi supponunt eum non constitui salvo jure domini, quod tamen fieri aliter non posse, extra dubium est (§. 910. art. 1. Jur. nat.). Ast hoc inferius clarius elucefcet.

§. 326.

Feudi constitutio continet tacitam hanc conditionem, ut, si Quid fiat feudum finiri contingat, seu nemo amplius sit, cui idem competere possit, res, qua feudalis fuerat, pleno jure sit domini feudi. Etenim dum feudum constituitur, dominus dominium plenum, quod in re habet, dividit in utile ac directum (§. 156.) & utile in vasallum transfert, directum sibi reservat (§. 158.). Transfert autem vel ad certum tempus, vel in perpetuum simpliciter, ut scilicet hæredes in eo succedere possint, vel determinative, nominatis certis personis, ad quas certo ordine transmitti debet (§. 175.), consequenter ea lege, ut contingere possit adesse neminem, cui feudum competere possit, adeoque id finiri. Quamobrem eo utique animo do-

minium utile in vasallum transfert dominus, ut, si feudum finiri contingat, dominium utile a directo non amplius separatum esse, sed res, quæ fuerat feudalis, pleno rursus jure sua esse debeat. Patet itaque feudi constitutionem continere tacitam hanc conditionem, ut, si feudum finiri contingat, seu nemo amplius adsit, cui vi primæ conventionis competere possit, res, quæ feudalis fuerat, pleno jure sit domini feudi.

Sane nemo dubitat, si feudum constituitur ad certum tempus vel ad dies vitæ, eum esse animum constituentis, ut tempore isto elapso, vel vasallo mortuo res iterum sua esse debeat pleno jure. Nonne vero perinde est, si feudum constituitur pro certis personis sibi invicem certo ordine in feudo successuris, ac si idem constitueretur successive pluribus personis ad dies vitæ. Ecquis ergo dubitare poterit, eum esse animum constituentis, ut, si ultimus vasallus moriatur, res iterum, quæ feudalis fuerat, sua jure pleno esse debeat, seu ejus, ad quem jus suum fuit devolutum, aut in quem alio modo translatum. Jus domini directi metiendum est ex contractu feudali (§. 172.), atque adeo ex eodem quoque deducendum, quale jus esse debeat domini, feudo finito, consequenter quinam fuerit animus domini cum vasallo contrahentis, quippe a quo pender omne jus tam vasallo concessum, quam sibi reservatum aut stipulatum (§. 11. 382. part. 3. *Jur. nat.*). Ceterum demonstratio propositionis præsentis eodem modo intelligitur de feudo tam dato, quam oblato. Etenim si feudum fuerit oblatum, idem constituitur in re domino data a vasallo sub ea conditione, ut feudum sibi in ea constitueretur (§. 167. 168.), adeoque ea ante pleno jure sit domini, quam feudum in ea constituere possit, etsi obligatus sit ad feudum in ea constituendum, nec pleno jure eandem possidere queat. Quoad feudi vero constitutionem parum interest, siue dominus proprio motu in re sua feudum constituat, siue ad idem constituendum obligatus sit. Sane se quoque alteri obligare potest ad feudum constituendum in re, quam ab eo non accipit, antequam actu constituat. Hæc vero obligatio constitutionem feudi minime alterat.

§. 327.

Successor feudalis dicitur is, ad quem vi legis constitutio-
nis mortuo vasallo feudum devolvitur. *Successor feudalis qui-
nam sit.*

E. gr. Ponamus feudum esse constitutum pro primo acqui-
rente & omnibus ab eo descendentibus masculis. Filius primi
acquirentis & ejusdem nepos ex filio erunt successores feudales,
sed nepos ex filia non erit successor feudalis. Quodsi feudum
constituatur ad dies vitæ, nullus erit successor feudalis.

§. 328.

Quoniam res feudalis pleno jure est domini directi, si
mortuo vasallo nemo amplius fuerit, cui feudum obtingere
possit (§. 326.), quando vero nemo est, ad quem vi legis
constitutionis mortuo vasallo feudum devolvitur, successor
feudalis deficit, aut nullus existit (§. 327.); *De successo-
re feudali
deficiente.*
*successore feudali
deficiente, aut nullo existente, res, qua feudalis fuerat, pleno jure est
domini.*

Pater per ea, quæ paulo ante (not. §. 326.) annotavimus, id
valere non minus de feudo oblato, quam dato.

§. 329.

Feudum aperiri dicitur domino, si successor feudalis defi-
cit, consequenter si nullus extiterit, ad quem vi legis consti-
tutionis mortuo vasallo feudum devolvitur (§. 327.). *Feudi aperi-
tura quid sit.*
apertura adeo feudi est vacuitas juris succedendi in feudo.

E. gr. Si feudum fuerit constitutum pro primo acquirente &
omnibus ab eo descendentibus masculis; quamprimum nullus
amplius extat masculus, qui a primo acquirente descendit,
consequenter ad quem vi legis constitutionis feudum devolvi
possit, feudum domino aperitur.

§. 330.

Quoniam feudum domino aperitur, si successor feudalis
deficit (§. 329.), deficiente vero successore feudali res, quæ
*De eo, quod
ex apertura
feudalis sequatur.*

feudalis fuerat, pleno jure fit domini (§. 328.); *feudo aperto, res, quæ feudalis fuerat, statim pleno jure domini est.*

Apertura feudi conditio est, sub qua dominium plenum habere debet dominus (§. 326.), qui tantummodo directum habebat (§. 158.), non vero causa, aut, si mavis ratio, cur idem domino obveniat. Quando nullus successor feudalis extat, res feudalis qualitatem feudalem amittit ex conventionem, adeoque induit qualitatem allodiam (§. 192.), quod cum fieri non possit in præjudicium domini directi, qui dominium directum in ea habet (§. 158.), ex eadem conventionem sub hac qualitate jam pertinet ad dominum. Habet res qualitatem feudalem ex conventionem, atque eandem quoque ex conventionem eadem, qua eam nacta fuerat, amittit. Non igitur succedit in feudo dominus, ut fiat vassallus sui ipsius, quod omnino absurdum. Neque proprie dici potest dominium utile ad dominum reverti, quod ab eo absuit, sed potius dominio utili, in quo feudum consistit (§. 155.), extincto, dominium plenum reviviscit, dum, ut diximus, res feudalis ex conventionem recuperat qualitatem allodiam.

§. 331.

Quando feudum aperiatur. Quoniam itaque feudum aperiatur, si deficiat successor feudalis (§. 329.); *feudum apertura proximum est, si spes sit fore, ut brevi nullas extet successor feudalis.*

Jure positivo definiri potest, quot personæ minimum ad succedendum in feudo habiles in vita esse debeant, ne feudum apertura proximum haberi possit. Naturaliter vero in contractu feudali de hoc personarum numero conveniendum (§. 172.), an scilicet sufficiat, ut possessor præsens feudi unicum saltem habere debeat successorem præsumtivum, an duo sint, requirantur, ad quos successive feudum devolvi possit. Dico successorem præsumtivum, cum constare non possit, utrum possessori feudi sit supervicturus, an ante eundem diem supremum obiturus.

§. 332.

§. 332.

Feudum apertura proximum in extraneum alienari nequit. An feudum
 Etenim feudum apertura proximum est, si spes sit fore, ut *apertura*
 brevi nullus extet successor feudalis (§. 331.). Quoniam *proximum*
 itaque feudo aperto, res, quæ feudalis fuerat, statim pleno *sic alienabi-*
jure domini est (§. 330.); ne feudum apertura proximum *le.*
 alienetur in præjudicium domini, adeoque contra jus ejus-
 dem metuendum est. Quamobrem cum nil fieri debeat,
 quod est contra jus alterius (§. 910. *part. 1. Jur. nat.*); feudum
 apertura proximum in extraneum alienari nequit.

Quoniam adeo feudum apertura proximum alienari nequit,
 quia domini interest ne hoc fiat, quemadmodum ex demon-
 stratione liquet; quando feudum alienatur, domino constare
 debet, utrum apertura proximum sit, nec ne. Atque ideo
 jure positivo requiri potest consensus domini ad alienationem,
 quemadmodum quoque naturaliter ita conveniri potest ob ean-
 dem rationem, ut sine consensu domini alienari non debeat
 feudum. Non tamen necessarium est, ut hoc fiat. Quoniam
 enim contractus feudalis cum vasallo novo renovandus, si fe-
 dum alienatur (§. 209.); antequam dominus eundem cum eo-
 dem renovet, docendum saltem feudum apertura proximum
 non esse. Quod si contrarium deprehendatur, dominus alie-
 nationem irritam facere potest, vi corollarii sequentis.

§. 333.

Quoniam *feudum apertura proximum alienari nequit in Jus domini*
 extraneum a vasallo (§. 332.); *dominus pati non tenetur, ut quoad alie-*
alienetur, consequenter hoc prohibere §, *si ipso inscio facta fuerit nationem*
alienatio, eandem irritam facere potest. *feudi aper-*

Præstare igitur videtur, ut consensus requiratur ad aliena-
 tionem, etsi absolute necessarium non sit, cum minus mole-
 stum sit alienationem impedire, quam factam irritam facere,
 Unde etiam dici potest, jure naturæ perfectivo consensum do-
 mini ad alienationem requiri (§. 193. *part. 1. Phil. pract. univ.*).

(*Wolffii Jur. nat. Pars VI.*),

Gg

§. 334.

§. 334.

*An mortuo
domino dire-
cto sine ha-
rede feu-
dum amit-
tas qualita-
tem feuda-
lem.*

Contractus feudalis non continet tacitam hanc conditionem, ut, si mortuo domino directo non extiterit successor, res, quæ feudalis fuerat, sit pleno jure vasalli, feudo constituto in perpetuum pro certis personis, quæ nominantur. Quodsi tamen ita expresse fuerit conventum, quoad successores feudales quasi qualitatem feudalem retinere debet. Etenim si domino directo mortuo sine successore res, quæ feudalis fuerat, pleno jure fieret vasalli, feudalis esse desineret atque allodialis fieret (§. 192.), consequenter iis, ad quos vi constitutionis aliquando feudum devolvi poterat, adimeretur jus suum. Quoniam itaque nihil fieri potest, quod est contra jus alterius (§. 910. part. 1. Jur. nat.); nec dominus feudum constituens pro certis personis certo ordine sibi invicem successuris hoc voluisse intelligitur, ut, si mortuo sibi non existat successor, res, quæ feudalis fuerat, sit pleno jure vasalli. Contractus adeo feudalis, quando feudum constituitur in perpetuum nominatis certis personis, seu pro certis personis certo ordine sibi invicem successuris, minime continet tacitam hanc conditionem, ut, si mortuo domino nullus existat successor, sive hæres, res, quæ feudalis fuerat, sit pleno jure vasalli. Quod erat unum.

Quodsi vero ponamus, ita expresse fuisse conventum; ita quoque explicanda est mens domini, ne contradictoria voluisse dicendus sit. Quamobrem id tacite voluisse censendus est dominus, ut casu illo existente res quidem desinat esse feudalis, sed ne quid fiat contra eum, pro quibus constitutum est (§. 910. part. 1. Jur. nat.), posthac tanquam si feudalis adhuc esset pleno jure devolvatur ad eos, ad quos certo ordine devolvi debebat, consequenter quoad successores feudales qualitatem quasi feudalem retinere debeat. Quod erat alterum.

Nimirum in casu altero propositionis præsentis res non amittit.

mittit omnem feudalitatem, sed saltem eam, quam habet respectu domini, quam vero habet respectu vasalli adhuc retinet, ut adeo quasi feudalis sit respectu eorum, quibus aliquando jus ad feudum competere potest. Hæc quasi feudalitas minime absurda est. Quidni enim alteri aliquid etiam dari possit hac conditione, ut certo ordine transmittatur ad certas personas, veluti successive ad descendentes masculos a primo acquirente? Quodsi dicas, hoc modo semper contractui feudali tacitam inesse posse conditionem, ut res transmittatur pleno jure tanquam feudalis, adeoque domino sine hærede mortuo sit quasi feudalis; hoc concedendum non est. Etenim ratio aliqua adesse debet, quæ nos ducit ad hanc interpretationem, cum pro vero haberi nequeat, nisi quod sufficienter indicatum (§. 327. part. 3. Jur. nat.). Quando igitur nihil dicitur, quid obtinere debeat, domino sine hærede mortuo, de eo casu non cogitatum esse apparet. Quamobrem nec dominus censei potest voluisse, ut res, quæ feudalis erat apud vasallum, nunc pleno jure sit apud eundem, sed salvo jure eorum, pro quibus feudum constitutum fuerat. Immo si vel maxime de eo cogitatum esse ponamus, cum tamen nihil dictum sit, dominus præsumitur voluisse id, quod ordinarie obtinet, quando mortuo non existit hæres (§. 248. part. 2. Jur. nat.), de quo suo loco dicemus.

§. 335.

Immo in genere contractus feudalis continere nequit tacitam hanc conditionem, ut, si dominus moriatur sine successore, seu hærede, res feudalis pleno jure esse debeat vasalli. Quænam enim fuerit mens domini, cum feudum constitueret, judicandum est ex iis, quæ sufficienter indicata sunt, cum contraheretur (§. 328. part. 3. Jur. nat. & §. 172. h.), consequenter ex iis, quæ dicta, vel facta sunt. Enimvero quando alicui feudum constituitur, dominium directum ab utili separatum retinet dominus (§. 127. 128.) tanquam rem incorporalem, quæ sine ulla restrictione ac limitatione sua est, si de eo nihil expresse conveniatur, atque adeo idem est in bonis ipsius (§. 451.

part. 2. Jur. nat.) & accensetur ceteris ejus bonis allodialibus (§. 192.). Nihil igitur dicitur, vel agitur, ex quo colligi possit, constituentem voluisse, ut, mortuo domino sine successore, seu hærede, dominium directum extinguere & res, quæ feudalis fuerat, pleno jure esse debeat vasalli. Quamobrem patet in genere contractum feudalem continere non posse tacitam hanc conditionem, ut, si dominus moriatur sine hærede, res feudalis pleno jure esse debeat vasalli.

Nimirum in genere valet, quod in casu speciali diximus (*not.* §. 334.), quando nihil dicitur, quid obtinere debeat, domino sine hærede mortuo, de eo casu non fuisse cogitatum, consequenter nec dici posse, quid voluerit dominus, eodem existente, aut, si vel maxime in dubio sumamus, quod tamen vix sumere licet (§. 248. *part. 2. Jur. nat.*), de eo fuisse cogitatum, dominus tamen intelligitur voluisse, ut domini hujus directi, tanquam rei particularis, quæ est in bonis suis, idem sit fatum, quod ceterorum omnium existit, alias enim aliquo modo indicasset, quodnam quoad istud discrimen esse velit. Transfert dominium, quamdiu existit, qui jus succedendi in bonis ejus habet, una cum rebus ceteris ad hunc successorem, adeoque semper manet in massa bonorum. Nulla igitur ratio est, cur dominus præsumatur voluisse, eam tunc a massa reliqua bonorum separari debere, quando hæres nullus eidem existit. Immo nemo facile præsumitur habere animum moriendi sine hærede, cum suo loco demonstraturi simus, etiam naturaliter unumquemque ultima voluntate de bonis suis disponere posse, prouti sibi visum fuerit, etiamsi nullus adsit, qui jure quodam succedere possit ab intestato, uti loquimur. Nullæ igitur sunt rationes, quæ nos ducant ad eam interpretationem contractus feudalis, ut tacita ista conditio, de qua agitur in propositione præsentis, eidem inesse intelligatur. Neque favet huic interpretationi, si vel maxime feudum fuerit oblatum. Etenim tunc datur res domino sub ea conditione, ut feudum sibi in ea constitueretur (§. 167. 168.). Quodsi ergo rem in feudum offerens voluisset, ut, domino sine hærede mortuo, dominium directum

extinguatur; sicque res pleno jure rursus fit vassalli, cum hoc ex conditione, sub qua alteri rem suam dat, non sequatur, necesse omnino erat, ut expresse conveniretur, feudum in re data diutius subsistere non debere, si dominum sine hærede mori contingit.

§. 336.

*Si vassallus moritur sine successore feudali, vel feudum quo- De subfeu-
cunque modo amittit; subfeudum extinguitur.* Etenim subinfeudo, si feuda-
datio fieri nequit, nisi salvo jure domini directi (§. 299. 300.). *dum finitur.*
Quoniam itaque vassallo sine successore feudali mortuo, res,
quæ feudalis fuerat, statim pleno jure fit domini (§. 326.);
adeoque subfeudum in eadem subsistere minime potest (§.
300.); si vassallus moritur sine successore feudali, subfeudum
extinguitur. *Quod erat unum.*

Similiter cum res feudalis statim pleno jure fit domini,
si feudum finiri contingat (§. 326.), quocunque tandem mo-
do hoc fiat; finito feudo, nec subfeudum subsistere potest
(§. 300.); consequenter subfeudum extinguitur. *Quod erat
alterum.*

Jus subvassalli dependet a jure vassalli (§. 300.). Quodsi er-
go jus vassalli tollitur, nec jus subvassalli amplius subsistere pot-
est, cujus veluti basis illud est.

§. 337.

Quoniam feudo finito subfeudum extinguitur (§. 336.); *De subfeudo
si feudum vassallo non nisi ad dies vite, vel revocabiliter pro lubi- in feudo ad
tu domini, seu precario fuerit constitutum (§. 1124. part. 5. Jur. dies vita,
nat.), in priori casu mortuo vassallo, in posteriori feudo revocato sub- vel precario
feudum extinguitur.* *constituta.*

Nimirum in casu priori subfeudum a vassallo constitui non
potuit nisi sub hac conditione, quamdiu vixero; in posteriori
autem non nisi sub ista, quamdiu dominus feudum non revo-
caverit. Condicio ista in casu utroque necessario inest contra-

Etui subfeudali, ut adeo non opus sit eam expresse adjici. Quamobrem conditione ista existente, non modo jus omne subvasalli exspirat; verum etiam subfeudum constituens eidem non obligatur ad præstandum, quod interest subfeudum non fuisse finitum.

§. 338.

*De deteriora-
tione rei
feudalis.*

Vasallus rem feudalem deteriorare nequit. Etenim finito feudo, res, quæ feudalis fuerat, pleno jure fit domini (§. 326.), idemque accidit, successore feudali nullo existente (§. 328.). Similiter si feudum transmissibile, ad alios quoque certo ordine transmittitur. Interest igitur domini, tum eorum, ad quos transmittendum suo tempore, ne res deterioretur (§. 622. part. 3. Jur. nat.), adeoque contra jus domini & successorum feudali-um deterioratur (§. 239. part. 1. Phil. pract. univ.). Quamobrem cum nemo quicquam facere debeat, quod est contra jus alterius (§. 910. part. 1. Jur. nat.); nec vasallus rem feudalem deteriorare potest.

Si res deterioratur, de ipsa substantia rei disponitur. Sed de substantia rei disponendi jus proprietas est (§. 131. part. 3. Jur. nat.), quæ non tota est apud vasallum; sed ex parte apud dominum (§. 3. 158.). Unde multo magis patet, vasallum, qui non prorsus pro arbitrio suo disponere potest de ipsa substantia rei feudalis (§. 159.), de ea non ullo modo disponere posse in præjudicium domini, qui utique velle intelligitur, ut ne res feudalis deterioretur.

§. 339.

*De jure do-
mini quoad
deteriorati-
onem feudi.*

Quoniam vasallus obligatur ad rem feudalem non de-teriorandam (§. 338.); domino feudi & iis, qui in eodem succe- dere possunt, competit jus non patiendi, ut deterioretur, cumque adeo deterioratio sit contra jus perfectum domini, quod ve- ro contra jus perfectum alterius fit, injuria est (§. 859. part. 1. Jur. nat.); si vasallus rem feudalem deteriores, injuriam facit do- mino ac iis, pro quibus feudum constitutum.

§. 340.

Similiter quia vasallus rem feudalem deteriorare nequit (§. 338.), eidem vero competit jus utendi fruendi prorsus inrestrictum (§. 159.); *re feudali salva substantia uti frui debes.* *frui debeat vasallus.* *Quomodo re feudali uti frui debeat vasallus.*

Nimirum si res feudalis deterioratur, substantia salva non manet, sed et aliquid deterioratione decedit, sive non semper physice, quoad estimationem tamen moralem, quippe cum hic consideretur res quoad usum, quem habere potest (§. 495. *part. 1. Jur. nat.*), nimirum tam simplicem, quam cum fructu conjunctum. Quod si ergo substantia rei moraliter spectata salva esse debeat, necesse est ut ejus usus, propter quem in numerum rerum refertur (§. cit.), non imminuatur. E. gr. Sylva deterioratur, si arbores annosæ magna copia excinduntur. Sylva non concipitur sine arboribus. Quamobrem deficiente copia arborum, quæ sylvam faciunt; substantia sylvæ minime salva intelligitur. Sylva vastanda non est, si substantia salva esse debet. Similiter prædium deterioratur, si ædificia rustica non reficiantur, ut ruinarum minitentur. Quamobrem si aperturæ feudum fuerit proximum, dominus ferre non debet, ut ædificia ista non reficiantur: alias enim vasallus nocet sibi, non domino, si prædii usui per hoc quidpiam detrahitur, ac spes est fore ut tandem ad ea reficienda compellatur ipsa necessitate, aut successor eadem reficiat, vel nova extruat.

§. 341.

Immo quia fundum deteriorare non debet vasallus (§. De immutatio-
338.); *si immutatione fundi res feudalis deterioretur, nec eum tione fundi, immutare licet, nisi in contractu feudali immutatio fundi simplici- qua res feu- ter, seu pro lubitu fuerit permessa (§. 172.).* Et quoniam domi- dalis deterio- no, ac in feudo aliquo successor, vel succedendi spem habentibus, oratur.
competit jus non patiendi, ut rem feudalem deterioret (§. 139.); iisdem quoque competit jus non patiendi, ut fundus im-
mutetur, si hac immutatione res feudalis deterioretur, nisi ea sim-
iliter fuerit permessa.

Nimirum si in contractu feudali permittitur fundi immutatio
simplici-

simpliciter, sine ulla restrictione; dominus jus suum hoc non patiendi remittit (§. 95. part. 3. Jur. nat.), quod facere ipsi integrum (§. 117. part. 3. Jur. nat.). Non est quod excipias dominum non consensisse in fundi immutationem, nisi quatenus res feudalis non deterioratur: etenim hoc consensu non erat opus vasallo ad fundum immutandum, quando immutatio non erat prohibita, quemadmodum mox clarius eluceſcet.

*De servitute
rei feudalis
imponenda.*

Quoniam porro fundus servitute imposita deterioratur (§. 1275. part. 5. Jur. nat.), vasallus vero rem feudalem deteriorare nequit (§. 338.), idem quoque *servitutum rei feudalis imponere nequit.*

Pertinet jus imponendi servitutum ad proprietatem, quemadmodum alias demonstravimus (§. 1455. n. 1. part. 5. Jur. nat.): quæ cum sit restricta (§. 159.), parte quadam ad dominum pertinente (§. 160.), per hoc non imminuitur dominium utile, quod vasallo competit, quod servitutum fundo feudali imponere non liceat.

§. 343.

*De eo, quod
fieri vi do-
minii directi
non possit.*

Dominus de substantia rei feudalis non ita disponere potest, ut jus utendi fruendi vel diminuatur, vel quoad exercitium quomodocunque impediatur. Etenim vasallo competit jus utendi fruendi prorsus irrestrictum (§. 159.). Quodsi vero dominus de substantia rei feudalis ita disponat, ut jus utendi fruendi vel diminuatur, vel quoad exercitium quomodocunque impediatur, cum id sit contra jus utendi fruendi (§. 239. part. 1. Phil. pract. univ.); id ipsum sit contra jus vasalli. Quamobrem cum nemo quicquam facere possit, quod est contra jus alterius (§. 910. part. 1. Jur. nat.); dominus de substantia rei feudalis non ita disponere potest, ut jus utendi fruendi vel diminuatur, vel quoad exercitium quomodocunque impediatur.

Vulgo

Vulgo dicitur dominum vi domini directi nil facere posse, quo conditio vasalli redditur deterior. Vi domini directi de substantia rei disponitur (§. 160.), adeoque de substantia rei disponere ita nequit, ut conditio vasalli reddatur deterior. Ejus autem conditio deterior reddi nequit quam quoad jus utendi fruendi, vel ejus exercitium, cum dominus vi domini directi de re disponit, non vero de ipso dominio directo. Quamobrem magis determinate enunciare maluimus, quid dominus vi domini directi facere non possit, salvo jure vasalli.

§. 344.

Dominus rei feudali servitusem imponere nequit. Etenim *An dominus si servitus rei feudali imponitur, vasallus aliquid pati, aut rei feudali non facere tenetur ad utilitatem alterius, quod alias pati non servitusem obligabatur, aut facere poterat (§. 1267. part. 5. Jur. nat.), imponere consequenter cum jure utendi fruendi, tanquam sibi proprio possit. (§. 155.), ceteros omnes excludat (§. 119. part. 2. Jur. nat.),* adeoque pati non teneatur, ut alius quid faciat in re feudali ad utilitatem suam, neque in gratiam alterius in ea aliquid non facere obligatus sit, servitute rei feudali imposita jus utendi fruendi diminuitur, ac ejus exercitium aliquo modo impeditur. Enimvero dominus de substantia rei feudalis non ita disponere potest, ut jus utendi fruendi diminuat, aut quoad exercitium quomodocunque impediatur (§. 343.). *Dominus adeo rei feudali servitute imponere nequit.*

E. gr. Ponamus a domino iter concedi per hortum tuum ad suum possessori horti vicini. Tu igitur pati debes, ut is per hortum tuum ad suum eat (§. 1326. part. 1. Jur. nat.): quod cum alias prohibere posses, usum aliquem horti tui concedere teneris alteri, a quo eum excludere poteras. Jus igitur utendi, quod habes, diminuitur. Est adeo impositio hujus servitutis juri tuo adversa, atque adeo illicita. Facile patet id valere, si servitus sit realis, ut possessori cuilibet horti concessum sit iter tanquam jus horto inhaerens, siue personalis, ut saltem possessori praesenti competat (§. 1270. part. 5. Jur. nat.).

§. 345.

Quomodo rei feudali Vasallus & dominus conjunctim rei feudali servitutem imponere possunt, cum consensu tamen eorum, pro quibus feudum constitutum. Etenim quando feudum constituitur, dominium plenum dividitur in utile & directum (§. 157.), ac utile vasallo, directum domino cedit (§. 158.), consequenter vasallus & dominus conjunctim plenum dominium habent, adeoque rei, quæ infeudata, conjunctim quasi dominus sunt (§. 121. part. 2. Jur. nat.). Quoniam itaque servitus est jus alteri in re sua constitutum (§. 1267. part. 5. Jur. nat.) adeoque a domino rei suæ imponi potest (§. 982. part. 3. Jur. nat.); vasallus & dominus conjunctim rei feudali servitutem imponere possunt. *Quod erat unum.*

Enimvero ad eos, pro quibus feudum constitutum, ut devolvatur certo casu contingere potest. Quamobrem si vel maxime a domino & vasallo conjunctim servitus imponatur; feudo ad ipsos devoluto jus ipsorum foret diminutum, quemadmodum ex demonstratione propositionis præcedentis patet (§. 344.), consequenter servitus contra jus ipsorum imposita fuisset (§. 239. part. 1. Phil. pract. univ.). Quamobrem cum nihil fieri debeat, quod est contra jus alterius (§. 910. part. 5. Jur. nat.), consequenter nec fieri possit, quod vergit in præjudicium eorum, ad quos feudum certo casu devolvi potest; nec ipsis invitis dominus & vasallus conjunctim servitutem imponere rei feudali possunt, adeoque id fieri debet cum consensu eorum. *Quod erat alterum.*

Nimirum quod facere potest dominus vi dominii pleni; id etiam facere possunt dominus feudi & vasallus conjunctim. Quod solus vasallus rei feudali servitutem imponere nequeat (§. 342.), impedit jus domini; quod dominus nequeat imponere, vasalli jus obstat. Si uterque in impositionem servitutis consentit, neutrius jus ab altero violatur, consequenter nil amplius

plius obstat, quo minus imponi possit. Eorum vero, pro quibus feudum constitutum consensus requiritur, quod nec in ipsorum præjudicium quid fieri possit, cum certo casu contingere queat, ut feudum ad ipsos devolvatur.

§. 346.

Vasallus, quamdiu feudum tenet, alteri concedere potest ali- De jure ser-
quod jus in re feudali, quale foret servitus, si jure rei feudali im- visus e-
poni posset. Etenim vasallus de usu ac fructu rei feudalis pro mulo a va-
 arbitrio suo disponere potest (§. 159.). Quamobrem si al-*fallo in re*
 teri, quamdiu feudum tenet, in re feudali constituere velit *feudali con-*
jus, quo in utilitatem alterius vel prædii vicini aliquid pati cedendo.
 tenetur in re feudali, vel non facere, quod alias pati non te-
 nebatur, vel facere poterat; quin hoc fieri possit dubitan-
 dum non est. Quoniam itaque servitus est jus in re aliena
 constitutum, quo ejus dominus ad alterius, seu prædii vicini
 utilitatem aliquid pati, vel non facere tenetur (§. 1267. 1270.
part. 5. Jur. nat.), a vasallo tamen servitus imponi rei feu-
 dali nequit (§. 349.); vasallus, quamdiu feudum tenet, al-
 teri concedere potest aliquod jus in re feudali, quale foret
 servitus prædialis, si jure rei feudali imponi posset.

Jus hoc servitutis æmulum, quod a servitute non differt nisi
 in eo, quod dependeat a possessione constituentis, adeoque
 cum hac tollatur, vasallo constituenti saltem nocet, non do-
 mino, nec aliis in feudo successuris, ut propterea res feudalis
 nec dici possit deteriorata respectu domini, & successorum feu-
 dalium, quippe quæ nulli servituti obnoxia est, quando vel
 contingit, ut res, quæ fuerat feudalis, pleno jure sit domini,
 vel ut feudum ad alios devolvatur. Jus igitur istud nullum fa-
 cit domino, nec ullum successoribus feudalibus præjudicium,
 consequenter nec ipsis competere potest jus prohibendi, ne a
 vasallo concedatur.

§. 347.

Quoniam vasallus, quamdiu feudum tenet, alteri con- De servitu-
 cedere

se a vasallo *cedere potest aliquod jus in re feudali, quale foret servitus, facta impo-* si jure rei feudali imponi posset (§. 346.); *si vasallus rei feu-* *sdali servitutem imponit, cum ea subsistere non possit tanquam* *servitus (§. 342.), subsistes eadem tanquam jus servitutis æmu-* *lum, quamdiu vasallus feudum tenet.*

Nimirum si vasallus servitutem imponit rei feudali, hoc nullo jure facit (§. 342.), adeoque servitus ipso jure nulla est. Cum tamen, quamdiu feudum tenet, jus servitutis æmulum concedere possit in re feudali (§. 346.), & dum servitutem eidem imposuit non voluit nihil agere; id egisse intelligitur, quod agere potuit. Atque ideo defectus juris imponendi servitutem non impedit, quo minus jus, quod servitus dici nequit, subsistat tanquam jus ejus æmulum, quale concedi jure potest. Ponamus enim dominum, qui pati non tenetur, ut servitus rei feudali imponatur (§. 342. 339.); vasallus se defendet jure concedendi in re feudali jus servitutis æmulum, quamdiu feudum tenet (§. 346.): quod cum ipsi auferri minime possit (§. 336. part. 3. *Jur. nat.*), dominus non amplius contradicere poterit, sed jus servitutis æmulum subsistet. Quoniam itaque inutilis foret contradictio domini, etiam sine ea non aliter subsistere potest jus in re feudali alteri per modum servitutis constitutum, nec statim, quando constituitur, aliter subsistit. Atque adeo nec dominus non contradicens quancuncque tempore præsumitur consensisse in servitutem impositam, quippe qui silens non aliud facit, quam ut patiatur vasallum jure suo uti (§. 346.), quod prohibere nequit (§. 336. part. 2. *Jur. nat.*).

§. 348.

An vasallus Quoniam ususfructus servitus est (§. 1420. part. 5. *Jur.* *usumfru-* *nat.*), servitus vero rei feudali imponi nequit a vasallo (§. *sumfructu-* *consti-* 342.), subsistit tamen, si imponatur, tanquam jus servitutis *tuere possit* æmulum, quamdiu vasallus feudum tenet (§. 347.); *in re feuda-* *quoque usumfructum nemini constituere potest in re feudali, si* *li.* *vero constituit, jus alteri concessisse intelligitur re feudali usendi* *fruendi, quamdiu ipse feudum tenet.*

Nimi-

Nimirum usufructus est jus, quod inhæret personæ & cum ipsa demum extinguitur, aut tempore elapso, ad quod constitutum, inhæret autem etiam rei, quatenus ea servire cogitur usufructuario, quamdiu vivit, vel tempus durat, ad quod usufructus constitutus (*not. §. 1420. part. 5. Jur. nat.*). Istiusmodi jus vasallus nemini concedere potest. Aliud vero est jus percipiendi fructus ex re feudali, quamdiu feudum tenet vasallus, quod concedendo vasallus saltem disponit de fructu rei feudalis, de quo pro arbitrio suo disponere potest (§. 159.). Domino, qui nihil utilitatis percipit ex re feudali, perinde est, si vè vasallus ipse utatur fruatur re feudali, si ve alii permittat, ut eadem utatur fruatur, quamdiu ipse uti frui poterat. Et idem intelligitur de successoribus feudalibus. Nemini igitur præjudicium fit, si vasallus, quamdiu ipse feudum tenet, loco sui ab alio fructus ex re feudali percipi permittat.

§. 349.

Eodem prorsus modo patet, quod *vasallus usum nemini An usus concedere possit in re feudali, si vero usum constituit, jus alteri concedi possit. cessisse intelligatur re feudali uti, ut ex eadem ea percipiat com-*moda & emolumenta, quibus ipse cum suis indiget ad vitæ necessitatem & commoditatem (§. 1516. part. 5. Jur. nat.), *quamdiu feudum tenet.*

Scilicet quod de usufructu in specie dictum (§. 348.), id valet de omni servitutis tam prædialis, quam personalis specie, ut adeo inutile foret ad singulas servitutis species applicare velle, quod de omni servitute in genere fuit demonstratum.

§. 350.

Vasallus rem feudalem meliorare potest. Vasallo enim compe- *An vasallus* tit jus utendi fruendi prorsus irrestrictum (§. 159.), consequen- *rem feuda-*ter etiam rem feudalem ad plures usus tam simplices, quam *lem melio-* cum fructu conjunctos aptare potest. Quoniam itaque res me- *rare possit.* lioratur, si ad plures usus tam simplices, quam cum fructu con- junctos apta efficitur, ut scilicet plures, quam antea habeat

usus ac plures ex eadem fructus percipiuntur (§. 605. part. 2. *Jur. nat.*); vasallus rem feudalem meliorare potest.

Rem meliorando nec domino nocet, nec successoribus feudali-
bus, adeoque nec illius, nec horum jus quoddam violatur.
Ex aduerso potius melioratio tam prodest domino, si forsan
res pleno jure ipsius sit, quam successoribus, ad quos feudum
devolvitur. Honestum vero est aliorum commoda una pro-
movere cum suis.

§. 351.

*Quando
feudum im-
mutare li-
ceat.*

Quoniam vasallus rem feudalem meliorare potest (§. 350.); si immutatione feudi res melioretur, feudum immutari licet vasallo, consequenter nec domino, nec successoribus feudali-
bus competit jus contradicendi, aut meliorationem impediendi, nisi
expresse fuerit conventum, ne feudum immutari debeat (§. 172.).

Domino feudum constituenti rationes esse possunt, cur no-
lit fundum immutari, si vel maxime ex fundo immutato ma-
jor percipiatur utilitas, consequenter cum ab ipsius arbitrio pen-
deat, quomodo proprietatem, ad quam jus utendi fundum per-
tinet (§. 659. part. 2. *Jur. nat.*) restringere velit (§. 164.), pro-
hibere utique potest, quando feudum constituit, simpliciter
omnem fundi immutationem, ut adeo vasallus re uti frui de-
beat, sicuti potest, non vero prorsus ut vult.

§. 352.

*An vasallus
servitutem
prædialem
acquirere
possit.*

Vasallus prædio servitutem acquirere valet. Quodsi enim
rei feudali seu prædio servitus acquiritur, dominus prædii vi-
cini, in quo servitus constituta, ad utilitatem illius aliquid
in prædio suo ut fiat pati, aut non facere tenetur (§. 1267.
part. 3. *Jur. nat.*), adeoque prædium ad plures usus aptatur,
vel etiam fructus, quam antea percipi poterant, consequen-
ter melioratur (§. 605. part. 2. *Jur. nat.*). Enimvero vasallus
rem feudalem, seu prædium meliorare potest (§. 350.). Ergo
etiam prædio servitutem acquirere valet.

E. gr.

E. gr. Ponamus, a vasallo acquiri jus pascendi. Quoniam vi hujus servitutis jam dominus prædii servientis pati cogitur, ut qui feudum tenet certum numerum pecorum in prædio ipse pascat (§. 1365. part. 5. Jur. nat.); nemo non intelligit, qui œconomiz ruralis gnarus est, hac servitute acquisita prædium meliorari. Ecquis ergo dixerit, servitutum hanc acquirere non licere vasallo? Immo si vel maxime sumas, quod tamen non facile sumi poterat, dominum, si quando prædium pleno jure habiturus, aut successorem quendam feudalem non curaturum hoc jus pascendi; nihil tamen in præjudicium ejus factum, dum servitutum hanc prædio suo acquirat vasallus, cum servitutum acquisitam dominus prædii dominantis pro lubitu suo remittere possit (§. 1400. part. 5. Jur. nat.), nec successor feudalis jure suo uti cogatur, si noluerit.

§. 353.

Vasallus servitutum prædio acquisitam remittere non potest. An vasallus
 Quoniam enim vi servitutis acquisitæ possessor prædii feudalis in prædio vicino facere potest in utilitatem prædii sui, prædio ac-
 quod absque illa facere non poterat, aut prohibere, ne do-
 minus vicini aliquid faciat in suo, quod facere alias poterat *missere pos-*
 (§. 1267. part. 5. Jur. nat.); nemo non videt, servitute re-
 missa prædium feudale utilitate quadam privari, consequen-
 ter minorem jam, quam antea, ex eodem percipi utilitatem.
 Quoniam igitur per se patet, prædium deteriorari, si utilitas
 ex eo percipienda imminuitur, prædium autem deteriorare
 vasallus nequit (§. 338.); vasallus quoque servitutum præ-
 dio acquisitam remittere non potest.

Parum refert utrum vasallus ipse servitutum prædio acquisi-
 verit, an ab alio eidem jam acquisita fuerit. Quoniam enim
 ad feudum meliorandum non obligatur, cum melioratio in con-
 tractu feudali non fuerit conventa, ex quo metienda ejus ob-
 ligatio (§. 172.), sed saltem meliorandi jus habet (§. 350.); ad
 servitutum prædio acquirendam a domino, vel successoribus
 feuda-

feudalibus minime cogi potest, sed arbitrio ipsius relictum, utrum acquirere velit, nec ne. Enimvero cum ad prædium non deteriorandum obligatus sit (§. 338.); quamprimum servitus acquisita, obligatio sese exeret servitutem non remittendi, ne prædium deterioretur, ac tum domino & succëssoribus feudalibus competit jus non patiendi, ut remittatur, Melioratio ab initio est voluntatis, sed ubi facta fuerit, deterioratio naturaliter illicita eandem subjicit necessitati, ut de ea pro lubitu suo non amplius statuere possit vasallus. Facile patet, quæ hic dicuntur ad quosvis alios meliorationis casus trahi posse, cum ex principiis generalibus deducantur, quæ non servitutis acquisitioni propria sunt, sed omni meliorationi conveniunt.

§. 354.

De oneribus ad vasallum spectantibus. Vasallus omnia onera ferre debet. Etenim vasallus ex re feudali omnem utilitatem solus percipit (§. 319.), adeoque fructus omnes ad eum solum pertinent. Et quoniam dominium utile habet (§. 155.), adeoque proprietatem quoque certo modo licet restrictam (§. 1.); utilitatem ex re feudali percipit tanquam ex re sua. Quodsi ergo onera quædam præstanda sint sive ratione fructuum, sive ratione rei; ea ferre debet vasallus.

Vide, quæ supra in simili casu annotavimus de emphyteuta (not. §. 75.).

§. 355.

Item ad subvasallum. Subvasallus omnia onera ferre debet, sive ratione fructuum, sive ratione rei præstanda. Etenim subvasallus in re feudali dominium utile habet, quod ante subinfeudationem in eadem habebat vasallus (§. 155. 300.) & ex re feudali facta subinfeudatione solus omnem percipit utilitatem, quemadmodum ante eandem percipiebat vasallus (§. 319.). Quamobrem eodem, quo ante (§. 354.), modo patet, subvasallum ferre debere onera, sive ratione fructuum, sive ratione rei præstanda.

E. gr.

E. gr. Ponamus ex fructibus rei feudalis alicui præstandos esse decimas, vel certum canonem domino; facta subinfeudatione, decimas illas, vel canonem præstare tenetur subvasallus. Similiter si tempore belli hosti præstanda sunt certa onera; ea ad subvasallum pertinent, quemadmodum pertinerent ad vasallum, si res non fuisset infeudata. Hoc tamen non obstante, quod canonem subvasallus domino præstare teneatur, dominus adhuc sibi etiam vasallum obligatum habet (§. 303.).

§. 356.

Si vasallus rem feudalem sine consensu domini alienare potest; De oppignoratione ejus consensu eandem etiam oppignorare potest: Quodsi tamen ratione rei contingat, feudum aperiri domino, vel apertura proximum fieri, feudalis aut alio modo finiri, re adhuc oppignorata, jus creditoris, quod in eadem habebat, tollitur. Etenim si res oppignoratur, seu hypotheca in eadem constituitur, in creditorem transfertur jus rem oppignoratam vendendi sub ea conditione, nisi statuto tempore debitum solvatur (§. 1145. part. 5. Jur. nat.) & ut creditori satisfiat, nisi debitum statuto tempore fuerit solutum, res oppignorata vendenda est (§. 1144. part. 5. Jur. nat.). Quodsi ergo vasallus rem feudalem sine consensu domini alienare, adeoque etiam vendere potest, nimirum tanquam feudalem, ut feudum in ea subsistat (§. 156.); nil sane obstat, quo minus etiam sine illius consensu eandem oppignorare possit. *Quod erat unum.*

Enimvero oppignoratio hæc fieri nequit in præjudicium domini (§. 910. part. 1. Jur. nat.), adeoque nonnisi salvo jure ejus. Quamobrem cum domini res feudalis statim pleno jure sit feudo aperto (§. 330.), vel alio modo finiatur (§. 326.), nec feudum proximum apertura alienari possit (§. 332.); si feudum aperiatur, re feudali oppignorata, vel apertura proximum fiat, aut alio modo finiatur, hypotheca in eadem amplius consistere nequit, quippe quæ non con-

(Welfii Jur. Nat. Pars VI.) li stiruta

stituta intelligitur nisi sub tacita hac conditione, quamdiu feudum non aperietur, aut finietur. Feudo igitur aperto aut aliter finito, jus creditoris, quod in re feudali habebat, tollitur. *Quod erat alterum.*

Apparet adeo oppignorationem rei feudalis sine consensu domini non esse factis tutam, siquidem metuendum fit, feudum domino aperiri posse, vel aperturæ proximum fieri. Quamobrem consultius est, ut res feudalis oppignoretur cum consensu domini, ne sit oppignoratio periculo obnoxia. Hæc quidem naturaliter ita sese habent. Jure autem positivo magis convenit, ne oppignoratio unquam valida sit sine consensu domini.

§. 357.

Quando sine consensu domini invalida.

Si vassallus rem feudalem sine consensu domini alienare nequit; nec sine ejus consensu oppignorare eam potest. Etenim quando res oppignoratur, in creditorem transfertur jus rem oppignoratam vendendi sub hac conditione, nisi statuto tempore solvatur debitum (§. 1145. part. 5. Jur. nat.). Quod si ergo vassallus rem feudalem sine consensu domini alienare nequit, adeoque nec vendere potest; nec in creditorem transferre potest jus rem feudalem vendendi sub ista conditione, si debitum statuto tempore non solvatur, quippe quod, debito præcise non soluto, creditori actu competit, si translatio conditionata fuerit valida (§. 1144. part. 5. Jur. nat.). Quamobrem vassallus sine consensu domini rem feudalem oppignorare nequit, si sine ejus consensu eandem alienare nequit.

Nimirum si contingat, rem feudalem esse vendendam, debito præcise non soluto, dominus in venditionem consentire non tenetur, etiamsi venditio non vergat in ipsius præjudicium. Oppignoratio enim sine ipsius consensu facta ipso jure nulla est, & contra jus ipsius, adeoque non sine injuria ipsius facta (§. 859. part. 1. Jur. nat.).

§. 358.

De oppigno-

Quoniam feudum aperturæ proximum sine consensu domini

domini

mini alienari nequit, etiam si alias ad alienationem non re-*ratione feudi*quirendus esset ejus consensus (§. 332.), quando vero vafal-*di apertura*di rem feudalem sine consensu domini alienare nequit, nec *proximi*proximi sine ejus consensu oppignorare potest (§. 357.); *si feudum fuerit apertura proximum*, si feudum fuerit *apertura proximum*, vafallus rem feudalem oppignorare nequit, quam alias sine ejus consensu oppignorare potuisset.

Si feudum *apertura proximum*, oppignoratio statim ipso jure nulla est, non vero ab initio valet, quemadmodum in casu superiori, quo demum invalidam efficit casus *emergens*, de quo cum res oppignoraretur non cogitabatur (§. 356.).

§. 359.

Vafallus sine consensu eorum, ad quos feudum devolvi potest, De consensu seu successorum feudalium, rem feudalem oppignorare nequit. Ete-*successorum* successorum nim quando res oppignoratur, vendenda est, nisi debitum *feudali*feudali statuto tempore solvatur, ut creditori ex ea satisfiat (§. 1144. *ad oppigno-*part. 5. *Jur. nat.*), consequenter impossibile est, ut, mortuo *rationem re-*vafallo, in feudo succedant ii, ad quos devolvi debebat. *quisque*

Quoniam itaque oppignoratio contra jus eorum, ad quos devolvi potest, seu in eorum præjudicium fit, nihil vero facere licet, quod est contra jus alterius (§. 910. *part. 1. Jur. nat.*); vafallus quoque sine consensu eorum, ad quos feudum devolvi potest, seu successorum feudalium, rem feudalem oppignorare nequit.

Qui rem vendere nequit, nec in alium transferre potest jus vendendi sub conditione quadam possibile, cum conditione existente res sit vendenda. Si consensu eorum, qui in feudo succedere possunt, res vendi nequit, cum ipsis jus suum, aut, si mavis spes, quæ jus aliquando excitare potest, auferri nequeat invitis (§. 336. *part. 2. Jur. nat.* & §. 477. *part. 3. Jur. nat.*). Quamobrem nec in præjudicium eorum res feudalis oppignorari potest sine eorum consensu (§. 1145. *part. 5. Jur. nat.*). Quando consentiunt, jus suum remittunt (§. 95. *part. 3. Jur. nat.*), cumque tunc nil amplius fiat contra jus ipsorum

(§. 239. part. 1. Pbil. pract. univ.), nec ipsis volentibus injuria ulla fit (§. 859. part. 1. Jur. nat.).

§. 360.

De oppignoratione fructuum, vel juris in re feudali. Vasallus fructus rei feudalis, aut jus utendi fruendi eadem oppignorare potest, quamdiu feudum tenet. Etenim vasallus de usu ac fructu rei feudalis pro arbitrio suo disponere potest, quamdiu scilicet feudum tenet (§. 159.). Quamobrem cum de fructu rei feudalis ac ejus usu disponat, si fructus vel jus utendi fruendi oppignoret (§. 1144. part. 5. Jur. nat.); fructus quoque rei feudalis, aut jus utendi fruendi eadem oppignorare potest.

Hæc oppignoratio fit sine præjudicio domini, etiam sine præjudicio eorum, qui in feudo succedunt. Quamdiu enim vasallus feudum tenet, omnem utilitatem solus percipit ex re feudali (§. 319.), & fructus ex eadem percepti allodiales sunt (§. 320.), in quibus adeo plenum dominium habet vasallus (§. 192.). Oppignorari vero etiam possunt res extiturae (§. 1178. part. 5. Jur. nat.), adeoque etiam fructus nondum extantes. Quamvis vero non periculo vacet oppignoratio fructuum, vel juris etiam utendi fruendi re feudali; dantur tamen casus, in quibus præstat fructus sibi oppignoratos habere, quam rem nullam. De fructibus perceptis, veluti frumento jam excusso ex spicis, tanto minus dubia videri potest oppignoratio, quia res allodiales sunt (§. 320.), ad quos adeo nullum jus est domino, nec jus ullum successoribus feudali- bus (§. 192.).

§. 361.

De oppignoratione rei feudalis cum consensu domini, sed sine consensu eorum, ad quos feudum devolvi potest, facta quoad dominum, sed non quoad successores feudales subsistit. Quando enim dominus in oppignorationem consentit, jus quidem suum, cui præjudicari poterat (§. 328.), remittere (§. 1117. part. 3. Jur. nat.); sed iis, ad quos feudum devolvi potest, jus suum, quod a pri-

mo

mo acquirente vi constitutionis habent (§. 175.), adimere *sensu succesorum* (§. 336. part. 2. *Jur. nat.*), adeoque jus horum non *cessorum* obstante domini consensu subsistit. Patet itaque, quod *oppignoratione feudali* pignoratio cum consensu domini, sed sine consensu eorum, *facta*. ad quos feudum devolvi potest, facta quoad dominum quidem subsistat, sed non quoad successores feudales.

Nimirum hac oppignoratione nullum fit præjudicium domino, quemadmodum patet ex iis, quæ paulo ante annotavimus (not. §. 360.); vergit tamen oppignoratio in præjudicium successorum feudaliū, quippe qui jus suum non remittere, cum sine eorum consensu facta fuerit oppignoratio, in quam consentire non tenebantur, nisi vellent.

§. 362.

Quoniam oppignoratio rei feudalis cum consensu domini, sed sine consensu eorum, ad quos feudum devolvi potest, facta quoad dominum, sed non quoad successores feudales subsistit (§. 361.); *si feudum aperiri domino contingat, is aut debitum solvere, aut ut res feudalis vendatur, & de ejus pretio satisfiat creditori pari debet* (§. 1144. part. 5. *Jur. nat.*), *ast si contingat, vasallum non esse solvendo, illi, ad quos feudum devolvi aliquando potest, vel qui eodem mortuo in feudo succedunt, creditori ad nihil tenentur, neque adeo pari, ut ex re feudali eidem satisfiat.*

Sane nec ex fructibus creditori satisfieri potest, vasallo mortuo, quippe qui ad successorem in feudo pertinent, quam primum vasallus moritur, jure utendi fruendi vi legis constitutionis in ipsum transmissio, cui nullo modo præjudicari potest (§. 910. part. 1. *Jur. nat.*). Quodsi vero vasallus, qui rem feudalem oppignoravit, feudum adhuc vivus tenet; quin ex fructibus, qui allodiales, adeoque pleno jure vasalli sunt (§. 192.), satisfieri possit, dubitandum non est.

§. 363.

Si vasallus sine consensu domini & eorum, ad quos feudum devolvi potest, rem feudalem oppignorat; naturaliter fructus rei feudalis, Quomodo oppignoratio

sine consensu domini & diu feudum tenet. Etenim vasallus rem feudalem oppignorare nequit aut simpliciter sine consensu domini (§. 357.), aut nonnisi salvo ipsius jure (§. 356.); sine consensu autem eorum, ad quos feudum devolvi potest, simpliciter oppignorare non valet (§. 359.): potest tamen fructus rei, aut jus utendi fruendi eadem oppignorare, quamdiu feudum tenet (§. 360.). Quamvis adeo oppignoratio rei feudalis non subsistat sine consensu domini & eorum, ad quos feudum devolvi potest; subsistere tamen potest oppignoratio fructuum, aut juris utendi fruendi re feudali, quamdiu vasallus feudum tenet. Quoniam itaque vasallus, cum ab omni contractu fraus omnis abesse debeat (§. 149. part. 5. Jur. nat.), id fecisse intelligitur, quod facere poterat (§. 147. part. 5. Jur. nat.); si sine consensu domini & eorum, ad quos feudum devolvi potest, rem feudalem oppignoraverit, fructus rei feudalis aut jus utendi fruendi oppignorasse naturaliter intelligitur, quamdiu feudum tenet.

Vide, quæ paulo ante in casu simili annotavimus (not. §. 347.), & supra de oppignorazione rei emphyteuticæ (not. §. 85.).

§. 364.

De effectu huius oppignorationis.

Quoniam vasallus, qui sine consensu domini & eorum, ad quos feudum devolvi potest, oppignoravit rem feudalem, naturaliter fructus rei feudalis, aut jus utendi fruendi eadem oppignorasse intelligitur, quamdiu feudum tenet (§. 363.); re feudali sine consensu domini & eorum, ad quos feudum devolvi potest, oppignorata, creditor naturaliter consequitur jus in fructibus rei feudalis, aut jure eadem utendi fruendi, quamdiu feudum tenet (§. 1142. part. 5. Jur. nat.), adeoque debito non soluto tempore convento ex fructibus ipsi satisfaciendum, quantum fieri potest, aut jus utendi fruendi re feudali concedendum, donec ipsi satisfiat, quantum datur, dum feudum tenet debitor (§. 1145. part. 5. Jur. nat.).

Nimi-

Nimirum quando debitor statuto tempore non solvit debitum; creditor fructus statim suos facit, vel re feudali utitur fruitor, donec sibi fuerit satisfactum. Quodsi vero vasallus tamdiu feudum non tenet, donec ipsi plene satisfactum fuerit; cum tum jus debitoris in re feudali sit extinctum, jus quoque creditoris finitum, & is sibi imputare debet, quod non cautius fuerit mercatus, contentus ea securitate, quæ minime sufficiebat.

§. 365.

Feudum pignoratitium finitur, quamprimum debitum a domino solvitur. Quando feudum pignoratitium constituitur in securitatem crediti (§. 191.). Enimvero quamprimum debitor solvit debitum, quod crediderat accipit (§. 659. part. 5. *Jur. nat.*), adeoque nulla securitate amplius opus est. Quamobrem feudum pignoratitium finitur, quamprimum debitum a domino solvitur.

§. 366.

Quoniam feudum pignoratitium finitur, quamprimum debitum a domino solvitur (§. 365.), adeoque vasallus in re feudali nullum amplius jus habet, consequenter quæ feudalis, erat jam pleno jure domini est; si feudum fuerit pignoratitium, quamprimum debitum solvitur, res feudalis domino restituenda (§. 467. part. 2. *Jur. nat.*).

Res feudalis amittit qualitatem feudalem, dum debitum solvitur, & qui fuerat vasallus jam rem alienam tenet sine omni causa. Domino, qui fuerat creditor, jam competit jus eadem utendi fruendi, quod sibi, qui vasallus fuerat, diutius arrogare nequit. Quodsi adeo fuerit in mora restituendi, possessori male fidei æquiparatur, atque propterea de eodem valent, quæ de possessore male fidei alibi demonstrata sunt (§. 591. & seq. & §. 621. 622. part. 2. *Jur. nat.*).

§. 367.

Si feudum fuerit pignoratitium, nec dominus tempore conven- to solvat debitum; aut feudum alienandum est ei, qui debitum sol- *Quomodo satisfacien- vere*

*dum vasal- vere velit, aut deficiente emtore feudi, res feudalis venaenda, ut
lo, si domi- ex ea satisfiat vasallo. Etenim feudum pignoratitium dominus
nus feudi pi- constituit creditori suo in re sua loco pignoris (§. 191.), con-
gnoratitii sequenter ea lege, ut, nisi debito tempore solvat debitum,
non solvat. ex eodem ipsi satisfiat (§. 1142. part. 3. Jur. nat.). Enimvero
creditori satisfit, quando accipit, quod eidem debetur, con-
sequenter si dominus tempore convento non solvit debitum,
vasallo creditori suo aliter satisfieri nequit, quam si quis de-
bitum solvit & feudum pignoratitium accipit, aut si defici-
ente emtore feudi, res feudalis vendatur, & de pretio solutio
fiat. Quodsi feudum fuerit pignoratitium, ipsum feudum,
adeoque jus, quod in re feudali habet creditor (§. 155.), est
quasi res oppignorata (§. 191.), adeoque dominus feudum
constituens omnino vult, ut, si tempore convento debitum
non solvatur, feudum vendatur ei, qui debitum solvere ac
pro eo tantum pretium dare velit: quoniam tamen feudum
constituit in securitatem crediti, ut scilicet creditor tempore
statuto consequi possit, quod ipsi debetur (§. cit.), is utique
animus ejus fuisse intelligitur, ut, deficiente emtore ipsa res,
in qua feudum constitutum, vendatur, & de pretio ejus debi-
tum solvatur. Patet itaque, si feudum fuerit pignoratitium,
nec dominus tempore convento solvat debitum, aut feudum
alienandum esse in eum, qui debitum solvere velit, aut defici-
ente emtore feudi, rem feudalem vendendam esse, ut ex
ea satisfiat vasallo.*

Sane nisi supponatur ita esse conventum, ut deficiente em-
tore feudi, qui succedit in jus vasalli creditoris tanquam novus
creditor atque vasallus, res feudalis vendatur, feudum pigno-
ratitium contradictionem involveret, cum constitutum fuisset
in securitatem præcisæ solutionis, eandem vero præstare mini-
me posset creditori. In præjudicium vero domini res feudalis
venderetur, si quis feudum emere velit, quippe cui restituenda,
debito soluto (§. 366.). Interesse autem potest domini,

ne

ne res vendatur, si quidem dominium directum in ea conservare possit, adeoque spe dominium plenum recuperandi non excidat. Etenim si animum id recuperandi non habuisset, non feudum pignoris loco in re sua constituisset, sed eam statim vendidisset.

§. 368.

Si ita conveniatur, ne feudum pignoratitium alienari possit; De feudo pignoratitium quantumcumque tempore pignus lui potest. Quod si enim ita conveniatur, ne feudum pignoratitium alienari possit, vasallus non alienationis obligatus est ad non alienandum (§. 172.), consequenter do. non habet jus alienandi (§. 118. 156. part. 1. Phil. pract. univ.), adeoque alienatio ipso jure nulla est. Pignus adeo in eodem subsistit, quamdiu non luitur (§. 1159. part. 5. Jur. nat.), consequenter quantumcumque tempore pignus lui potest (§. cit. part. 5. Jur. nat.).

Nimirum in luendo pignore nulla committi potest mora (§. 638. part. 3. Jur. nat.), & ita conventum intelligitur ut lui possit, quando debitori visum fuerit. Sane dum pignus constituit dominus in feudo, non in ipsa re, id intendisse intelligitur, ut pignus quantumcumque tempore lui possit.

§. 369.

Quoniam res, in qua feudum constitutum, debitori re- *De alienatione*stituenda, quamprimum pignus luitur (§. 1160. part. 5. Jur. one rei feudat. vel §. 366. h.), pignus autem lui potest quantumcumque *dalis in isto* tempore, si ita fuerit conventum, ne feudum pignoratitium *casu* alienari possit (§. 368.); *si ita conventum, ne feudum pignoratitium alienari possit, res feudalis quoque alienari nequit, adeoque nec vendi potest.*

Nimirum si res feudalis alienatur, vel venditur, dominium plenum transfertur in alterum, adeoque feudum prorsus extinguendum deberet, quod tamen in infinitum subsistere debet, ut quovis tempore lui possit, quando visum fuerit domino. Nulla hic adest necessitas consentiendi in venditionem rei feudalis, (Wolfii Jur. nat. Pars VI.), K k lis,

lis, quemadmodum in eo casu, quo solutioni seu lutioni pignoris certus terminus præfixus (nos. §. 367.), ut pignus præcise lui debeat (§. 1159. part. 5. Jur. nat.)

§. 370.

De feudo, sed non re feudalis alienanda. Si feudum pignoratitium constituitur, ita etiam conveniri potest, ut, nisi certo die solvatur, feudum quidem alteri cedi, res feudalis alienari non alienari possit. Etenim quando feudum constituitur, constituens determinationes substantialibus superaddere potest, quas voluerit (§. 164.), adeoque dubio caret, quod ita conveniri possit.

Obiter notandum, non promiscue ad feudum pignoratitium applicari posse, quæ de pignore demonstrata sunt, quia vasallus ad certas præstationes, imprimis ad fidelitatem præstandum domino obligatur (§. 155.)? a qua obligatione se invito domino liberare nequit (§. 674. part. 3. Jur. nat.). Hæc obligatio ob stare potest, quo minus in feudo pignoratitio locum habere possit, quod alias in pignore obtinet. Quando itaque quæ de pignore demonstrata sunt, ad feudum pignoratitium applicantur, probe dispiciendum, an salvo dominio directo hoc fieri possit. Etenim qui solus debitor est, quando de pignore agitur, in feudo pignoratitio duplicem personam representat, nimirum & domini directi, & debitoris simul, quemadmodum ex adverso, qui solus creditor est, nunc & vasalli, & creditoris personam representat.

§. 371.

An feudum pignoratitium sit in bonis vasalli. Feudum pignoratitium accensetur ceteris bonis vasalli. Feudum enim pignoratitium est quasi res oppignorata (§. 191.), consequenter vasallo obligatum est pro pecunia, quam ipsi debet dominus (§. 1163. part. 5. Jur. nat.). Quamobrem cum pecuniæ, quæ nobis debentur, seu nomina ad bona nostra sint referenda (§. 450. part. 2. Jur. nat.), adeoque etiam jus, quod in re oppignorata habemus (§. 1142. part. 5. Jur. nat.),

nat.), iisdem accenseri debeat (§. 451. *part. 2. Jur. nat.*); feudum quoque pignoratitium, aut, si mavis, jus in feudo isto ceteris bonis vasalli accensetur.

Nimirum pecunia, quam credidit vasallus domino, allodialis est (§. 192.), & hinc est, quod jus exigendi debitum etiam tanquam res allodialis spectetur, ac perinde ac ista (§. 448. *part. 2. Jur. nat.*), bonis accensetur. Quamobrem cum in securitatem debiti, quippe quod per pignus efficitur exigibile (§. 1142. *part. 5. Jur. nat.*), feudum constitutum sit loco pignoris (§. 191.), jus quod in feudo habet vasallus ejus naturæ est, cujus est jus exigendi debitum. Atque adeo ipsum feudum pignoratitium, aut, accuratius loquendi, jus idem tenendi (§. 191.), bonis vasalli allodialibus accenseri debet. Hinc ad feudum pignoratitium non omnia applicari possunt, quæ de aliis feudis in anterioribus demonstrata sunt, ubi bona feudalia ab allodialibus distinguenda,

§. 372.

Quoniam feudum pignoratitium accensetur ceteris bonis vasalli (§. 371.); *que post mortem vasalli in bonis ipsius succedit, in feudo etiam pignoratitio succedit.* *De successione in feudo pignoratitio*

Nimirum inter feudum pignoratitium & bona allodialia nulla est differentia quoad successionem, cum spectetur tanquam pignus (§. 191.). Quemadmodum itaque jus pignoris pertinet ad hæredem; ita etiam feudum pignoratitium ad eundem spectat, neque jure proprio in eodem succeditur, sed jure hæreditario, quemadmodum suo loco uberius elucescet, quando de jure hæreditario acturi sumus.

§. 373.

Feudum revocari dicitur, si quis jure compellitur ad rem feudalem restituendum, feudo in ipsum translato. *Revocatio feudi quid sit.*
igitur *feudi* est jus eum, in quem translatum fuit, compelli ad rem feudalem restituendum. Actus, quo revocatur, est exercitium hujus juris.

Quando igitur quis alterum, in quem feudum translatum fuit, compellere velit ad rem feudalem restituendum, cum jure hoc facere non possit; is non feudum revocat, sed alteri eripere vult. Revocatio adeo consistit in jure & vi hujus juris exercetur.

§. 374.

De revocacione feudi precarii.

Si feudum precario fuerit concessum; dominus id pro lubitu revocare potest. Etenim si feudum precario conceditur, vassallus se obligat, ad rem feudalem restituendum pro lubitu reposcenti domino (§. 1128. part. 5. Jur. nat.), & si restituere nolit, dominus vi eum adigere potest, ut restituat (§. 1129. part. 5. Jur. nat.). Quoniam igitur feudum revocare potest, cui competit jus eum, in quem translatum fuit, compellendi ad rem feudalem restituendum, si restituere nolit (§. 373.); si feudum precario fuerit concessum, dominus id pro lubitu revocare potest.

Nimirum si feudum precario conceditur, ita convenitur, ut vassallo tamdiu dominium utile in re infeudata competere, seu res tamdiu infeudata esse debeat, quamdiu domino placuerit (§. 1124. part. 5. Jur. nat.). Quando adeo dominus vassallo significat, se nolle, ut diutius res sua ipsi infeudata sit; jus quoque ejus, quod unice a voluntate domini constanter dependet, expirat, atque adeo ad eam domino restituendam statim obligatur, & ex hac obligatione extemplo nascitur jus eundem ad restitutionem compellendi (§. 23. part. 1. Jur. nat.), consequenter revocatio feudi (§. 373.). Quando itaque dominus hoc jure usus vassallum, qui restituere non vult, ad restituendum compellit; feudum revocat. Quoniam significatus vocabulorum arbitrarii sunt, nil obstat, quo minus revocationem feudi etiam appelles declarationem ejus, cui res feudalis restituenda, quod nullum tibi in ea re jus competat & eidem eandem restituere debeas. Quodsi ergo vocabulum in hoc significato accipere velis, per nos hoc licet: sed nobis etiam concedenda est nostra in significato vocabulis imponendo libertas.

§. 375.

§. 375.

Feudum sine consensu domini, vel eorum, ad quos alienatione De fundo facta devolvi potuisset, alienabile, facta alienatione revocari nequit. ne consensu Etenim si feudum sine consensu domini, vel eorum, ad quos *ullius alienatione non facta devolvi potuisset, fuerit alienabile; nabili.* vasallo competit jus pro lubitu feudum alienandi absque consensu domini, vel eorum, ad quos alienatione non facta devolvi potuisset, consequenter tam dominus, quam hi pati tenentur, ut vasallus pro lubitu suo feudum alienet. Quamobrem iisdem competere nequit jus eum, in quem jure translatum fuit feudum, & cui adeo jus suum invito auferri a nemine potest (§. 336. *part. 2. Jur. nat.*), vi compellendi ad rem feudalem restituendum. Quoniam itaque feudum revocari nequit, si domino ac iis, ad quos alienatione non facta, feudum devolvi potuisset, nullum competit jus eum, in quem feudum translatum est, compellendi ad rem feudalem restituendam (§. 373.); feudum sine consensu domini, vel eorum, ad quos alienatione facta devolvi potuisset, alienabile, facta alienatione revocari nequit.

Naturaliter feuda sine consensu domini & eorum, ad quos aliquando devolvi poterant, nisi alienata fuissent, alienabilia dari, ex superioribus constat (§. 194.). Immo olim etiam feudum jure positivo alienari poterat sine domini consensu II. f. 44. I. f. 5. donec constitutionibus *Lotbarii II. & Friderici I. Imperatorum II. f. 52. 55.* interdicta. Feudum vero sine consensu domini & aliorum alienabile etiam irrevocabile esse debet. Neque vero repugnat, quod feudum constitutum sit pro personis certo ordine successuris, aut simpliciter pro hæredibus etiam vasalli. Quando enim libertas alienandi absque ullius consensu non adimitur; lex de successione in feudo adjecta non intelligenda est de personis, quæ a primo acquirente descendunt, sed de iis, quæ alienatione facta eo modo sese habebunt ad vasallum mortuum, qui ista lege expressus.

§. 376.

De feudi a- Si feudum apertura proximum alienatum fuerit, domino
pertura pro- inscio; naturaliter permittere quidem tenetur, ut is, in quem fe-
ximi aliena- dum fuit translatum, re feudali utatur fruatur; donec feudum a-
tione & re- periatur, feudum tamen apertum revocare potest. Etenim si feu-
vocatione. dum apertura proximum alienatum fuerit, domino inscio,
 hic alienationem irritam facere potest (§. 333.), ut adeo va-
 sallus adhuc maneat dominus utilis, nec a nexu feudali li-
 beretur. Quoniam tamen vasallus rem feudalem alteri lo-
 care (§. 322.), adeoque ejus usum tam simplicem, quam
 cum fructu conjunctum pro certa mercede alteri concedere
 (§. 1194. part. 4. Jur. nat.), tum etiam gratis eundem con-
 cedere valet (§. 325.); si feudum apertura proximum alie-
 natum fuerit, domino inscio, pati utique tenetur, ut is, in
 quem fuerat alienatum, re feudali utatur fruatur, donec feu-
 dum aperiatur. *Quod erat unum.*

Enimvero cum feudo aperto res feudalis, quæ fuerat,
 statim pleno jure domini sit (§. 330.); ea ipsi tum restituenda
 (§. 467. part. 2. Jur. nat.). Quamobrem eidem compe-
 tit jus detentorem rei compellendi ad eam restituendam,
 adeoque compellere potest, nisi restituere velit, consequen-
 ter cum feudum revocetur, si detentor rei feudalis compellitur
 ad eam restituendam (§. 373.); si feudum apertura
 proximum fuerit alienatum, in extraneum scilicet, ac postea
 aperiatur, dominus feudum apertum revocare potest.

Hæc quidem ita obriunt naturaliter. Quamvis enim alie-
 natio feudi subsistere non possit in casu propositionis præsen-
 tis; subsistere tamen potest concessio juris utendi fruendi re feu-
 dali, quamdiu feudum tenet vasallus. Hac enim subsistente
 nihil fit contra jus domini, seu in præjudicium ipsius. Dum
 irritam facit alienationem, cum eo, in quem translatum fuit
 absque jure dominium utile, contractum feudalem non reno-
 vat,

vat, nec eundem vasallum suum agnoscit, sed vasallum veterem sibi obligatum retinet, ac jus suum ab apertura pendens in re feudali sibi conservat. Aperitur vero feudum, quam primum mortuo vasallo, qui feudum sine effectu alienaverat, nullus existit successor feudalis, & si successor adhuc existat, cum hoc contractus feudalis renovatur, five is alteri velit adhuc concedere jus utendi fruendi, vel etiam teneatur, five nolit, aut non teneatur. Hoc nimirum pacto subsistit jus domini, nec quicquam in ipsius præjudicium fit, etsi successor quoque permittat, ut alius re feudali utatur fruatur, quamdiu hoc salvo jure domini directi fieri potest. Alia vero quæstio est, quid in hypothesi propositionis præsentis maxime conveniat juri positivo. Quod si dicas, perinde omnino esse, ac si is, in quem feudum sine jure alienatum fuerat, rem feudalem restituere teneretur vasallo, quando dominus alienationem irritam facit, nec illi conceditur nisi jus utendi fruendi, quamdiu feudum subsistit, consequenter feudum jam tum revocari; etsi in verbis appareat dissensus, in re tamen convenimus, adeoque per nos hoc dicere licet.

§. 377.

*Si feudum fuerit alienatum cum consensu domini, sed sine De revoca-
consensu eorum, ad quos post mortem ejus devolvi poterat; mor- tione feudi
tuo alienante feudum revocari potest ab eo, ad quem devolvitur; sine consen-
quamdiu vero is vivit, permittere tenetur, ut is, in quem aliena- su successo-
tum fuit, re feudali utatur fruatur. Etenim si alienatio feu- rum feudo-
di non permittitur nisi cum consensu eorum, ad quos trans- lium aliena-
mitti debebat, vasallo mortuo, sine consensu eorum alie- ti.
nata irrita est (§. 198.), etiamsi cum consensu domini facta
(§. 200.), consequenter mortuo alienante, feudum ad eum
adhuc devolvitur, qui ex lege constitutionis succedere de-
bet, adeoque res feudalis ipsi restituenda (§. 467. part. 2.
Jur. nat.). Quamobrem eidem comperit jus detentorem
rei feudalis ad restituendum compellendi: quod cum re-
vocatio*

vocatio fit (§. 373.), feudum revocare potest. *Quod erat
natum.*

Posterius ostenditur eodem modo, quo idem in propositione antecedente (§. 376. n. 1.) demonstravimus de domino. *Quod erat alterum.*

Revocatio feudi non ante competit successori, quam quando succedere potest. Quamdiu vivit vasallus, qui feudum alienavit, nondum constat, utrum eidem sit supervivens, nec ne, nec quamdiu vivit re feudali ipse uti frui potest. Nihil adeo fit contra jus ipsius, quando alius eadem utitur fruitur. Et, si vel maxime dominus consentit in alienationem & contractum feudalem cum eodem renovavit; hoc tamen fieri non potuit in præjudicium ejus, ad quem devolvi poterat. Quodsi ergo spes ejus in jus erigitur, mortuo eo, qui alienaverat; tum feudum ad eum pertinet, nec ipsi invito adimi potest, adeoque tum revocare ipsi integrum.

§. 378.

De deficiente consensu aliquando devolvi potest consensu; is qui non consentit feudum non quorundam, ante revocare potest, quam ubi ad eum devolvitur. Habet enim ad quos jus conditionatum, quod ipsi invito auferri minime potest feudum de- (§. 336. part. 2. *Jur. nat.*), consequenter si feudum sine consensu ipsius non alienabile absque eodem alienetur, jus ipsius salvum manet. Quodsi ergo feudum ad ipsum devolvitur, necesse est, ut ipsi restituatur. Quamobrem eidem competit jus detentorem rei feudalis compellendi ad eandem restituendum, quod cum sit revocatio feudi (§. 373.), feudum revocare potest, quando ad eundem devolvitur. Sed quoniam spes ipsius non ante excitat jus, aut, si mavis, jus conditionatum non ante fit purum, quam ubi feudum vi legis constitutionis ad eum devolvitur, quod per se patet; nec antequam hoc fiat, revocare potest.

Jus tuum non ante violatur, quam ubi alius feudum tenet, quod tu habere debes. Quodsi alii permittere velint, ut alius re feudali utatur fruatur, qua ipsi uti frui debebant ac poterant, tua parum refert. Alienatio nimirum non subsistit tanquam feudi, sed per modum concessionis juris re feudali utendi fruendi quoad te, si vel maxime quoad dominum, qui consentit, per modum feudi a te sub certa conditione, nimirum si ad te devolvi contingat, revocabilis subsistat. Dominus & qui consenserunt feudum revocare nequeunt, quippe quorum omne jus extinctum est, dum feudum in alium transtulerunt: tibi vero manet revocabile, qui jus tuum retinuisti, quod alii tibi inscio ac invito auferre minime potuerunt (§. 336. part. 2. Jur. nat.).

§. 379.

Quoniam feudum sine consensu tuo alienatum revocare *Casus participes*, quamprimum ad te devolvitur (§. 377. 378.); *feudularis*. *dum etiam revocare potes ad te devolutum, si in remotiorem fuerit alienatum, in quem ante te devolvi non poterat.*

Nimirum si alienatio subsistere in hoc casu deberet, non minus hoc foret contra jus tuum, quod ex prima constitutione habes, quam si in extraneum fuerit alienatum. Quamvis enim non omne jus tibi auferretur, quemadmodum si in extraneum alienatur; jus tamen praesens ac purum verteretur in conditionatum ac futurum incertum: id quod omnino est contra jus tuum (§. 239. part. 1. Phil. pract. univ.). Permittendum tibi non est, ut alius, quem ordo demum post te tangit, tibi in successione feudi praeratur.

§. 380.

Similiter quia quilibet feudum sine consensu suo alienatum revocare potest, quamprimum ad ipsum devolvitur, *An filius revocare possit*. etiam si quidam consenserint, ad quos aliquando devolvi poterat (§. 377. 378.), mortuo autem patre, feudum ad filium devolvitur; *filium quoque feudum a patre alienatum revocare potest.*

Novi equidem quoad revocationem feudi filio competentem dissentire interpretes juris positivi; non tamen nostrum est inquirere, quænam sententia juri huic magis conveniat. Jure naturali filio non minus, quam alii agnato competit revocatio, quippe qui perinde ac ceteri a primo acquirente, a quo descendunt, jus suum habet, non vero a patre: neque enim propterea, quod mediante patre ad ipsum transmittitur, patri competit jus auferendi filio jus ex pacto inter primum acquirentem & concedentem inito quæsitum, quippe in quo patri istiusmodi jus non concessum. Aliunde vero jus quoddam disponendi de feudo habere nequit (§. 172.). Nimirum ex eo, quod a patre genitus es, tantummodo intelligitur, jus succedendi in feudo, ipso mortuo, tibi competere, non vero ea de causa jus istud ullo modo a voluntate patris dependens efficitur. Videbimus suo tempore idem obtinere in successione in imperio, quando successio linealis in prima delatione imperii introducta.

§. 381.

An. feudum revocans sur pretium emtori. Cui competit jus feudum revocandi, is non refundere teneatur *emtori pretium refundere teneatur.* Cui enim competit jus feudum revocandi; is detentorem rei feudalis compellendi jus habet ad eam sibi restituendam (§. 373.). Quoniam vero jus ei ideo competit, quod res feudalis sua sit sive pleno jure (§. 376. 330.), sive tanquam feudalis (§. 377. & *eqq.*); ideo detentorem compellit ad sibi restituendum rem suam; parum sollicitus, quomodo ad eum pervenerit. Nulla igitur ratio est, cur, si quis feudum emit, quod in præjudicium sui emere non poterat, pretium eidem refundere teneatur. Quamobrem is, cui competit jus feudum revocandi, pretium emtori refundere non tenetur.

Nihil in hisce difficultatis est. Feudum vendi non potuit in præjudicium tuum, tibi nempe adimendo jus, quod aliquando competere poterat (§. 336. *part. 2. Jur. nat.*). Ademptum vero fuisset jus in feudo succedendi, & mutatum in jus ab alio entum

emtum redimendi, omnino in præjudicium tuum, siquidem emtori pretium refundere deberes. Quamprimum jus succedendi ad te devolvitur, adeoque tu feudum revocare potes (§. 378.); venditio respectu tui irrita est, ac quod tuum est, sine causa jam est penes alium, qui adeo tibi, quod tuum est, restituere tenetur, tu vero ab eo redimere minime teneris. Valet idem respectu domini, quando feudum ipsi aperitur.

§. 382.

Quando feudum revocatur, naturaliter venditor emtori pretium restituere tenetur. Etenim venditor emtori ad evictionem præstandam ex ipso contractu obligatur, etiamsi eam ex parte emtori non promiserit (§. 1172. part. 4. Jur. nat.). Quamobrem cum qui feudum revocat, rem feudalem a possessore auferat, rem feudalem a possessore auferat, quod sibi in eadem competit (§. 373.), adeoque eandem evincat (§. 1165. part. 4. Jur. nat.); quando feudum revocatur, venditor emtori evictionem naturaliter præstare tenetur. Quoniam itaque evictio præstat, si reparatur damnum ob rem evictam possessori obveniens (§. 1166. part. 4. Jur. nat.), consequenter si in præsentis casu pretium refunditur, cujus alias jacturam faceret emtor; quando feudum revocatur, naturaliter venditor emtori pretium restituere tenetur.

Atque adeo hinc patet, si feudum revocans pretium refundere teneretur, venditorem locupletatum iri cum damno revocantis, quippe qui in feudo jure suo succedere debet absque ullo onere. Quoniam itaque nemo locupletior fieri debet cum damno alterius (§. 585. part. 2. Jur. nat.); æquitati naturali utique repugnat, ut pretium indebite acceptum retineat venditor, emtori autem refundat qui feudum revocat. Neque etiam naturaliter quicquam refert, utrum quis feudum scienter emerit, an ignorans, vel rem esse feudalem, vel feudum vendi in alicujus præjudicium. Sufficit, si scienter emat, quod periculum subeat emtor, utrum pretium sibi refundi possit, nec ne,

quando feudum revocari contingat. Pœnale igitur est, adeoque juris positivi, quod pretium sine consensu domini scienter emens perdat, nec id repetere possit.

§. 383.

Revocatio feudi num cum vindicatione eadem.

Revocatio feudi est feudi vindicatio. Etenim feudi revocatio est jus detentorem rei feudalis compellendi ad rem feudalem restituendam (§. 373.). Quamobrem cum rei vindicatio sit jus rem suam vi persequendi adversus quemlibet possessorem, aut quemcunque alium, qui eam in potestate habet (§. 543. part. 2. Jur. nat.), adeoque res vindicetur, si detentor ejus compellitur ad eam restituendam; revocatio feudi est feudi vindicatio.

Poteramus itaque carere termino revocationis feudi, nisi is in Jure feudali esset receptus, ac ideo a nobis retinendus, ut facilius appareat Juris naturæ cum positivo vel consensus, vel dissensus.

§. 384.

Principium

Quoniam revocatio feudi vindicatio feudi est (§. 383.); *heuristicum* quæ de vindicatione rei demonstrata sunt, & quoad restitutionem de feudi re-rei vindicatæ obtinent, ea etiam tenenda sunt de feudi revocatione. *tione.*

E. gr. Quoniam domino competit jus rem suam vindicandi (§. 544. part. 2. Jur. nat.), vasallus vero dominus utilis est (§. 158: 3.); hinc statim patet, neminem revocare posse feudum, nisi quando id ad eum devolvitur. Dominus vero, quando feudum ipsi fuit apertum, rem feudalem tanquam suam vindicat, dum feudum revocare dicitur.

§. 385.

De probatione feudi ad devolutum.

Qui feudum revocare vult, probare debet, id ad se esse Etenim feudum revocari nequit nisi ab eo, ad

ad quem id ipsum devolutum fuit (§. 377.). Quamob-*se devolu-*rem qui id revocare vult, probare debet, id ad se esse *si.* devolutum.

Nimirum cum feudum devolvatur ad eos, qui a primo acquirente descendunt, certo ordine; qui feudum revocare vult, probare tenetur, se a primo acquirente descendere ac esse in ordine descendentium eum, qui jam succedere debet. Notandum vero, pro primo acquirente haberi non modo eum, cui feudum, quando primum constituebatur, fuerat concessum; verum etiam eum, in quem tanquam extraneum legitime fuit alienatum, quippe qui in locum illius successit. Hæc satis manifesta sunt ei, qui in anterioribus demonstrata animo rite comprehendit, ut adeo non opus sit singula per anteriora probari.

§. 386.

Quoniam feudum revocaturus probare debet, *id ad se* Quando re-esse devolutum (§. 385.); *antequam probaveris, possessorem aut de-* vocationi *rentorem rei feudalis compellere nequit ad rem feudalem sibi resti-* actum locus *tuendam, consequenter feudum actu revocare.* sit.

Jus tuum certum esse debet ac manifestum, si eodem uti adversus alterum volueris.

§. 387.

Si quis feudum repudiat, idem devolvitur ad eum, qui in De repudia- ordine ipsi proximus est. Etenim qui feudum repudiat, is suf-*riane feudis.* ficienter significat, se sibi delatum, seu ad se devolutum habere nolle (§. 111. *part. 3. jur. nat.*). Quamobrem perinde est, ac si mortuus esset, antequam ad eum devolveretur, adeoque jam devolvi minime posset. Quoniam itaque is in feudo succedere debet, qui in ordine ipsi proximus est, vi primæ constitutionis (§. 175.); si quis feudum repudiat, idem devolvitur ad eum, qui in ordine ipsi proximus est.

§. 388.

Quando remotior feudum revocare non potest.

Si proximior feudum non revocat, quod possessori relictum velit; remotior idem revocare nequit: Quodsi vero non revocat, quia repudiat, tum remotior revocare potest. Etenim si proximior, sine cuius consensu feudum fuerat alienatum, dum feudum ad ipsum devolvitur, revocare non vult, quod possessori relictum velit; omnino vult, ut loco sui is, in quem fuit alienatum, re utatur fruatur, adeoque perinde est, ac si ipse feudum ad se devolutum sine consensu remotioris in extraneum alienasset. Quoniam itaque quamdiu ipse vivit, permittere tenetur, ut is, in quem alienatum fuit feudum, re feudali utatur fruatur (§. 377.); possessorem ejus compellere nequit ad rem sibi restituendam, consequenter feudum revocare nequit (§. 373.). Quod erat unum.

Enimvero si proximior feudum revocare non vult, quia repudiat; tum feudum devolvitur ad eum, qui in ordine ipsi proximus est (§. 387.), adeoque ad remotiorem. Quoniam itaque feudum revocare potest is, ad quem devolvitur, si sine ejus consensu alienatum fuit (§. 377.); remotior feudum revocare potest, si proximior non revocat, quia repudiat. Quod erat alterum.

§. 389.

Idem porro expenditur.

Quoniam remotior feudum revocare nequit, quod possessori relictum velit proximior qui non revocat; revocare autem potest, si hic feudum repudiet (§. 388.); si proximior feudum non revocat, remotior idem revocare nequit, antequam ille acclaraverit, utrum feudum repudiet, an saltem possessori relictum velit.

Naturaliter non nocet factum patris filio (§. 380.). Quamobrem si pater feudum repudiat, ad filium idem devolvitur (§. 387.).

(§. 387.), & ideo feudum revocare potest, quod pater revocare non vult, quia repudiat, ipso autem vivo revocare nequit, si id possessori relictum velit. Quamobrem & pater ante declarare debet, quando feudum, quod revocare poterat, non revocat, cur revocare nolit, quam filius revocare possit. Patet etiam si pater impedit, quo minus filius feudum revocet; alium remotiorem in præjudicium filii feudum revocare non posse, cum pater filio invito jus suum adimere non possit, & quamvis pater feudum repudiet ac filius cum dissensu patris ipsum revocare nolit, non tamen propterea filius feudum repudiare, sed tantummodo velle intelligitur, ut sit possessori relictum, donec patrem non offendendo revocare valeat.

§. 390.

Si proximior feudum non revocat, quid possessori relictum An feudum videt; hoc non obstante, adhuc revocare potest, quandocunque ipsi non revocatum fuerit. Etenim cum revocandi jus habeat, *per hanc, quia potest.* ab ipsius voluntate unice pendet, utrum possessori id *id possessori* relictum velit, an revocare malit, & si relictum velit, *relictum* in arbitrio ipsius positum est, quamdiu relictum velit. *vult, potest.* Quamobrem cum possessori sese non obliget ad feudum *statem re-* relinquendum, dum jure suo non utitur, nec illud *vorandi sibi* tim revocat; potestatem revocandi sibi minime adimit, *adimat,* quamvis remotiori declaret, se habere animum feudum possessori relinquendi. Quoniam itaque jus suum salvum manet, eodem adhuc uti potest, quandocunque voluerit, consequenter adhuc revocare feudum, quandocunque ipsi visum fuerit.

Declaratio remotiori a proximior facta, quod possessori feudum relictum velit tantummodo impedit, ne is revocare possit (§. 388.), non vero, ne proximior revocare valeat, cum hæc declaratio non fiat possessori, ut *promissionem* de non revocando continere intelligatur, adeoque

que actus obligatorius fit respectu possessoris (§. 363. part. 3. Jur. nat.). Et si animum mutat proximior, revocatio non fit in præjudicium remotioris, adeoque nil obstat, quo minus is animum mutare possit (§. 377. part. 3. Jur. nat.).

§ 391.

De revocatione feudi Si in unum ex pluribus, ad quos feudum devolvi debet, existentibus in pari gradu alienatum fuit; ceteri pro rata id in unum ex revocare possunt. Etenim si feudum devolvi debet mortuo pluribus pari eo, qui nunc idem tenet, ad plures in pari gradu existentes; singuli ratam suam in eodem habent, consequenter si sine eorum consensu feudum in unum fuit alienatum, perinde omnino est ac si feudum aliquod ad ipsos devolutum in alium alienatum fuisset. Quamobrem cum is, sine cuius consensu feudum fuit alienatum, id revocare possit, quando ad ipsum devolvitur (§. 378.); si in unum ex pluribus, ad quos feudum devolvi debet, existentibus in pari gradu alienatum fuerit, ceteri pro rata id revocare possunt.

Nimirum cum nihil fieri possit, quod est contra jus tertii (§. 910. part. 1. Jur. nat.); perinde omnino est, sive feudum totum, sive pars ejus sine consensu ejus alienetur, ad quem spectabat, mortuo alienante. Quamdiu enim qui alienavit adhuc in vivis est, nihil fit contra jus reliquorum, quando unus interea solus re feudali utitur fruitur.

§ 392.

Qui in alienationem consensit, feudum revocare nequit. Etenim qui in alienationem consentit, eo ipso declarat, in gratiam ejus, in quem feudum alienatur, se jus ad feudum habere nolle, consequenter juri suo renunciat (§. 103. part. 3. Jur. nat.). Quamobrem cum ei, cui renunciat, sese obliget, quod

jure suo adversus ipsum uti nolit, & ille acquirat jus non patiendi, ut eodem adversus ipsum utatur (§. 104. *part. 3. Jur. nat.*); quamvis alias, si non consensisset, feudum revocare potuisset (§. 377.), id tamen revocare nequit, ubi consensit.

Consensus non alio fine requiritur, quam ut is, in quem feudum alienatur, certus sit, id revocatum minime iri. Atque adeo consensus in alienationem utique involvit renunciacionem revocationis feudi. Alias nimirum prorsus inutilis esset consensus requisitio.

§. 393.

Naturaliter eorum filiis, qui in alienationem consenserunt, An revocatio denegatur revocatio feudi. Etenim feudum a patre alienatum filius revocare potest (§. 380.). Quoniam itaque *neganda si respectu filii perinde est, sive pater feudum, quod tenet, alienat, si pater enet, sive in alienationem feudi ad se devolvendi consentiat; in alienationem naturaliter quoque filius ejus, qui in alienationem consensit, feudum revocare potest.*

Vide, quæ supra annotavimus (*not. §. 380.*). Naturalem hanc æquitatem amplectuntur etiam plerique interpretes Juris feudalis positivi, nec valet in contrarium allata ratio, quod filiorum jus dependeat a jure paterno, consequenter jure revocandi patris consensu extincto (§. 392.), nec filius eodem uti possit. Neque enim jus in feudo succedendi filius a patre habet, etsi per eum ad filium transmittatur, sed a constituyente vi contractus feudalis, ex quo derivandum est omne jus feudale (§. 172.).

§. 394.

In alienationem feudi nemo consentire obligatur, ad quem aliquando devolvi potest, etiamsi fame vel alia necessitate coactus vasallus alienaverit. Etenim is, ad quem aliquando consentire (*Wolfii Jur. nat. Pars VI.*)

Mm

feu-

teneatur, qui succedendi aliam quam spem habet. feudum devolvi potest, spem habet in feudo succedendi, jus aliquando excitaturam, si nimirum contingat, ut deficiente successore propiori feudum ad ipsum devolvatur. Quamobrem cum spes ista invito auferri minime possit (§. 474. part. 3. Jur. nat.), id quod tamen fieret, si quis in alienationem consentire obligaretur, nemo in eam consentire obligatur, ad quem aliquando seu certo casu feudum devolvi potest, etiamsi vasallus, qui feudum tenet, fame vel alia necessitate coactus alienaverit.

Diximus ante consensum in alienationem involvere renunciationem revocationis feudi (not. §. 392.), aut, si mavis, renunciationem juris conditionati succedendi, cum quo revocatio feudi extinguitur. A voluntate autem renunciantis unice pendet, utrum is renunciare velit, nec ne (§. 106. part. 3. Jur. nat.).

§. 395.

An detur agnato jus protimiseos, An feudali inter constituentem ac primum acquirentem expresse feudo alienato. Naturaliter jus protimiseos non competit ei, ad quem aliquando feudum devolvi potest, quando alienatur, nisi in contra-protimiseos, ita fuerit conventum. Etenim quale sit jus unicuique competens, pro quo certo ordine successuro feudum constitutum, ex contractu feudali metiendum (§. 172.). Quod si ergo expresse non fuerit conventum, ut ei, ad quem vi constitutionis feudum devolvi potest, competat jus protimiseos, quando alienatur; nec competere naturaliter potest. Quod erat unum.

Enimvero cum a voluntate feudum constituentis pendeat, quasnam determinationes substantialibus superaddere velit (§. 164.); quin inter constituentem ac primum acquirentem in contractu feudali ita conveniri possit, ut jus protimiseos competat ei, ad quem certo casu feudum devolvi potest,

potest, quando alienatur, dubitandum non est, consequenter cum ex contractu feudali metiendum sit jus feudale, quod alicui competit (§. 172.), jus protimiseos quoque illi competere debet, si in contractu feudali inter primum acquirentem ac constituentem ita fuerit conventum.

Quod erat alterum.

Jure protimiseos restringitur jus alienandi, adeoque proprietatis rei feudalis (§. 664. part. 2. *Jur. nat.*), quam habet vassallus. Non vero pati tenetur vassallus, ut proprietatis, quam habet, magis restringatur, quam in contractu feudali restricta fuit. Tendit enim hoc ad diminutionem juris ipsius, atque hoc nomine jus protimiseos minime conventum qui sibi arrogat, contra jus vassalli hoc facit (§. 239. part. 1. *Phil. pract. univ.*), quod jure naturæ minime permissum (§. 910. part. 1. *Jur. nat.*).

§. 396.

Conveniri etiam potest, ut, quando feudum in extraneum De jure protimiseos do-
alienatur, domino competat jus protimiseos. Etenim non modo a constituentis voluntate pendet, quas determinationes *mini-*
 substantialibus superaddere velit (§. 164.), sed etiam qui rem in feudum offert, condiciones offerre potest, sub quibus id constitui vult (§. 169.), & determinationes istæ in contractu feudali definiendæ (§. 173.). Quod si ergo placuerit, ita quoque conveniri potest, ut, quando feudum in extraneum alienatur, domino competat jus protimiseos (§. 788. part. 3. *Jur. nat.*).

Dico conveniri posse, ut domino competat jus protimiseos, quando feudum in extraneum alienatur. Quando enim alienatur in agnatum, seu eum, qui aliquando succedere poterat; si jus protimiseos competeret domino, hoc foret contra jus ipsius (§. 239. part. 1. *Phil. pract. univ.*). Implicat ergo feudum constituere pro certis personis certo ordine sibi in-

vicem successuris & jus protimiseos conferre domino, si in unam earum feudum alienatur, ad quam successio nondum pertinebat.

§. 397.

In quam alienatione competat jus protimiseos. Naturaliter jus protimiseos non modo competit in alienatione, qua fit pretio interveniente; verum etiam in ea, qua fit nullo pretio interveniente, nisi id ad alienationem pretio interveniente factam fueris restrictum. In casu vero posteriori pretium, quo feudum vendi poterat, determinandum. Nimirum quando alicui jus protimiseos competit, is in alienatione præferri debet alteri, in quem feudum alienatur (§. 1108. part. 4. Jur. nat.). Quoniam vero nemo alteri damnum dare debet (§. 495. part. 2. Jur. nat.); ideo necesse est, ut is, cui jus protimiseos competit, idem pretium offerat alienanti, quod ab eo, in quem alienatur, accipere poterat. Atque adeo patet jus protimiseos alicui competere posse in alienatione, quæ fit pretio interveniente. *Quod erat primum.*

Enimvero si alienatio fiat pretio nullo interveniente, veluti si alteri donetur; non minus in extraneum alienatur feudum, quam si pretio interveniente alienetur, veluti si vendatur. Quoniam itaque jus protimiseos, quo dominus vel alius, qui aliquando in feudo succedere poterat, & qui ad consentiendum in alienationem cogi nequit (§. 394.), extraneo in alienatione præfertur (§. 1108. part. 4. Jur. nat.), non alio fine conceditur, quam ut dominus potius rem feudalem pleno jure habeat, aut alius, qui spem aliquando succedendi habet, feudum acquirat, quam ut ad extraneum ipsum perveniat; jus protimiseos non minus convenit alienationi feudi, quæ fit nullo pretio interveniente, quam ei, quæ fit interveniente pretio.

tio. Naturaliter itaque jus protimiseos non modo competit in alienatione, quæ fit interveniente pretio, verum etiam in ea, quæ fit pretio interveniente. *Quod erat secundum.*

• Quoniam tamen determinationes substantialibus addi possunt in contractu feudali (§. 173.), quæ constituenti & rem in feudum offerenti placuerint (§. 164. 169.); si ita visum fuerit, jus protimiseos quoque restringi potest ad eam saltem alienationem, quæ fit pretio interveniente. *Quod erat tertium.*

Denique quoniam nemo alteri damnum dare debet (§. 495. part. 2. *Jur. nat.*), quale quidem pateretur is, cui feudum ab altero donatur, pretium, quo vendi poterat, utique determinandum, ut detur ei, cui feudum ab altero donatum aut donandum erat. *Quod erat quartum.*

§. 398.

*Si quis jure protimiseos uti voluerit, idem offerre debet Quale pre-pretium, quod alter dare vult, aut dedit, aut quod alius daturum offerret, si venderetur, quando sine pretio interveniente alienatur. debeat ab eo, Etenim jure protimiseos in alienatione qui id habet præ-qui jus profferri debet alteri, in quem alienatum, vel alienandum (§. timiseos habet. 1108. part. 4. *Jur. nat.*). Quamobrem cum nullum inde bet.*

damnum sentire debeat, qui feudum alienare vult, vel etiam is, in quem sine pretio interveniente alienatur (§. 495. part. 2. *Jur. nat.*); ideo necesse est, ut, si quis jure protimiseos uti voluerit, idem offerre debeat pretium, quod alter dare vult, aut dedit in casu priori, aut quod alius daret, si venderetur, in casu posteriori.

• Non est, quod objicias, posse venditorem cum emtore convenire, ut ad deterrendum eum, qui jus protimiseos habet, ne eodem utatur, majus pretium dicatur, quam revera

solvitur, vel etiam eum, cui feudum donatur, convenire posse cum alio, ut dicat, se majus pretium dare velle, si feudum vendatur, quam quo ille emeret, si emere deberet. Etenim in casu priori abesse a contractu debet fraus umnis (§. 149. part. 5. Jur. nat.), & quando fraudis suspicio est, eidem cui jus protimiseos competit, omnibus uti licet mediis ad fraudem detegendam aptis; in posteriori autem feudum a peritis taxandum, ut æquum pretium inveniatur (§. 397.); immo in statu quoque civili ad indagandum verum pretium voluntarie sublatairi potest feudum, ubi, si pro eo pretio habere nolit is, qui jus protimiseos habet, donatario integrum est deliberare, an feudum habere malit, an pretium, quod offert

§. 399.

Effectus juris protimiseos quoad alienationem nondum perfectam. Jure protimiseos alienatio nondum perfecta prohiberi potest, ne perficiatur, si alienator pretium ab eo oblatum acceptare non vult. Quodsi enim jus protimiseos alicui competit, & is idem offert pretium, quod alius dare vult, vel dare debebat, si pretio interveniente fieret alienatio; ei, in quem alienare feudum vult vasallus, præferri debet (§. 1108. part. 4. Jur. nat.). Quodsi ergo alienator pretium ab eo oblatum acceptare recuset, hoc vero non obstante feudum alienaretur; alienatio foret contra jus protimiseos, quod alteri competit (§. 239. part. 1. Phil. pract. univ.). Quamobrem cum alterum lædat, qui quid facit contra jus ipsius (§. 920. part. 1. Jur. nat.), cuilibet autem competat jus perfectum non patiendi, ut alius ipsum lædat (§. 913. part. 1. Jur. nat.); cui jus protimiseos competit, is pati non tenetur, ut feudum alienetur, consequenter prohibere potest, ne alienatio nondum perfecta perficiatur.

Jus protimiseos cum in eo consistat, ut quis in alienando alteri præferatur, non involvit jus cogendi alterum, ut feudum sibi vendat; sed si ab alienando desistat, qui feudum alienare vult,

vult, ut animum mutet ipsi permittendum (§. 377. *part. 3. Jur. nat.*): quodsi enim alienatio non perficiatur, nihil fit contra jus ipsius.

§. 400.

Si feudum fuerit actu alienatum, qui jus protimiseos habet, Effectus e-
refuso pretio, quod dedit emtor, vel qui pretio interveniente jusdem quo-
feudum accepit, aut soluto pretio, quo feudum aestimatur, ubi ad alienati-
pretio nullo interveniente in ipsum translatum fuerit, feudum onem jam
revocare potest. Etenim si alienatio feudi fuerit perfecta, perfectum.
 sine consensu nimirum ejus, cui jus protimiseos competit, alienatio contra jus ipsius facta, quod adimi eidem minime potest (§. 336. *part. 2. Jur. nat.*), subsistere nequit, nisi eam ratihabere voluerit. Quodsi ergo jure suo usus, quod adhuc habet, idem pretium offerat, quod dedit, in quem feudum alienatum fuit, vel pretium æquum, quo feudum aestimatur, siquidem nullo pretio interveniente alienatio facta, eum, qui feudum tenet, compellere potest ad rem feudalem sibi restituendam. Quamobrem cum feudum revocet, qui possessorem compellit ad rem feudalem restituendam (§. 373.) ; si feudum fuerit actu alienatum & qui jus protimiseos habet pretium, quod dedit is, in quem fuit alienatum, vel quo aestimatur feudum, quod nullo pretio interveniente alienatum, solvat, feudum is revocare potest.

Nimirum aut alienando feudum altero infcio vel contradicente, cui jus protimiseos competit, jus suum eidem auferri potest, aut non obstante alienatione jam perfecta eodem adhuc uti potest. Ast illud fieri nequit (§. 336. *part. 2. Jur. nat.*). Ergo revocatio feudi non deneganda ei, qui jure protimiseos gaudet. Quando quis jure protimiseos utitur, in casu venditionis feudi, feudum retrahit (§. 1104. *part. 4. Jur. nat.*), adeoque in hoc casu revocatio feudi coincidit cum ju-

re retractus. Quamvis vero jus retractus non locum habeat, si res eidem obnoxia alio titulo, quam emtionis venditionis alienetur, veluti si donetur, vel cum re alia permutetur (§. 1107. *part. 4. Jur. nat.*); jus tamen protimiseos latius patet jure retractus, quod ejus species quædam est (§. 1108 *part. 4. Jur. nat.*). Distinguendum adeo est naturaliter, utrum alicui in alienatione feudi competat saltem jus retractus, an vero jus protimiseos: fit ita quod interpretes Juris civilis jus protimiseos & jus retractus tanquam synonyma adhibeant (*not. §. cit.*).

§. 401.

An revocatio feudi jure protimiseos fieri possit vivo alienatore. Feudum revocari potest vivo alienatore ab eo, qui jus protimiseos habet. Etenim qui jus protimiseos habet, prohibere potest, ne alienatio nondum perfecta perficiatur (§. 399.), & si ipso inscio aut contradicente facta fuerit, feudum revocare potest (§. 400.), propterea quod in alienatione præferri debet alii, in quem alienatur (§. 1108. *part. 4. Jur. nat.*). Quamobrem cum pati minime debeat, ut alius sibi fuerit prælatus (§. 336. *part. 2. Jur. nat.*); possessorem feudi statim compellere potest ad rem feudalem sibi restituendam, consequenter vivo adhuc alienatore feudum revocare potest (§. 373.).

Non est quod objicias permittendum esse, quamdiu alienator vivit, ut is, in quem feudum fuit alienatum, re feudali utatur fruatur (§. 377.). Alia enim est ratio, si feudum revocatur, propterea quod tu in eodem succedere debes; alia vero, si revocatur jure protimiseos. In hoc enim casu refundendum est pretium, quod dedit emtor vel qui pretio interveniente feudum accepit, aut quo æstimatur, quando nullo pretio interveniente in alium alienatum (§. 398.); ast in illo feudum revocatur, pretio nullo refuso, vel soluto (§. 381.). Præterea jus protimiseos non ideo competit revocanti, quod feudum ad eundem, mortuo alienatore, devolvitur; sed a devolutione prorsus independens est. Est nimirum jus conditionatum,

natum, quod ab alienatione dependet, ac ea facta purum evadit, ut nihil adfit, quod ejus executionem suspendat.

§. 402.

Consensus in alienationem feudi fit salvo jure protimiseos, An consentiendo fit pretio interveniente; tollit autem jus protimiseos, quando fit pretio nullo interveniente. Etenim si quis jure protimiseos uti velit, idem offerre debet pretium, quod offert alienationem feudi tollat, siquidem alienatio pretio interveniente fit (§. 398.). *Antequam igitur statuere possit, utrum jure protimiseos uti velit, nec ne, necesse est, ut constet de pretio, quod alter offert. Quamobrem etsi in alienationem feudi consentiat, non tamen hoc ipso declarat, se jure protimiseos uti nolle, consequenter eidem non renunciat (§. 103. part. 3. Jur. nat.), adeoque ad non utendum alienatori se non obligat (§. 104. part. 3. Jur. nat.). Consensus adeo in alienationem fit salvo jure protimiseos, quando alienatio fit pretio interveniente. Quod erat unum.*

Enimvero si alienatio fit pretio nullo interveniente, veluti si alteri donetur, qui jure protimiseos uti vult, offerre debet pretium, quo vendi poterat (§. 398.), a peritis & impartialibus determinandum (§. 397.). Quamobrem si consensus ejus requiritur, statim significare debet, se jure protimiseos uti velle, & offerre pretium, quod a peritis & impartialibus determinabitur. Quodsi ergo in alienationem consentit, tacite juri protimiseos renunciare intelligitur (§. 103. part. 3. Jur. nat.), consequenter tacite sese obligat ad non utendum eodem (§. 104. part. 3. Jur. nat.). Consensus adeo in alienationem, quæ fit nullo pretio interveniente, jus protimiseos tollit. *Quod erat alterum.*

Consentire in alienationem, quæ fit nullo pretio interveniente, & sibi reservare jus protimiseos tacite utique repugnat. Qui enim jure protimiseos uti vult, feudum vult emere, (Wolffii Jur. Nat. Pars VI.) N n re,

re, adeoque consentire nequit, ut alteri donetur. Aliud est, si consentiat in donationem sub hac conditione, ut, si intra tempus conventum æquum pretium offerat, res feudalis sibi sit tradenda & donatarius accipere debeat pretium, aut quando feudum permutatur, ut qui feudum acceperat, feudum sibi restituat & vel pretium accipiat, vel rem, quam tradiderat alienatori, recipiat. Facile vero patet, ad hoc requiri specialia pacta, ex quibus nascantur obligationes alienatoris & ejus, in quem feudum fuit alienatum, & per quas jus protimiseos reservatur. Ex adverso in alienationem, quæ fit pretio interveniente, consentire potest, qui feudum emere vult, siquidem pretium, quo vendi potest, placuerit, atque adeo consentit eo fine, ut pretium determinetur, quia animum emendi habet, non tamen ad pretium consensu alterius determinandum se obligare vult, nec prudens obligaret. Pars altera propositionis præsentis equidem Juri naturæ convenit, est non positivo, quo jus protimiseos non habet locum in alienatione, quæ fit nullo pretio interveniente, quia ibidem jus protimiseos idem est cum jure retractus (not. §. 400.).

§. 403.

De ordine in exercitio juris protimiseos observando. Si jus protimiseos conceditur iis, ad quos feudum devolvi potest, eo ordine conceditur, quo in feudo succedere possunt. Etenim si jus protimiseos conceditur iis, ad quos feudum devolvi potest, quod tamen nonnisi unus exercere potest, quando feudum alienatur, necesse omnino est, ut certo ordine exerceatur. Quamobrem cum ii, quibus concessum, nonnisi certo ordine in feudo succedere possint, vi primæ constitutionis, & in eodem contractu feudali, quo feudum constitutum (§. 171.), etiam jus protimiseos concessum sit (§. 395.); eundem omnino ordinem respexisse quoque intelliguntur contrahentes in exercitio Juris protimiseos. Quamobrem patet, si jus protimiseos conceditur iis, ad quos feudum devolvi potest, id eo ordine concedi, quo in feudo succedere poterant.

Sane

Sane nisi idem ordo in exercitio juris protimiseos observari debeat, quo quis in feudo succedere potest, quinam alius ordo observari debeat, conveniendum erat. Et conveniens omnino est, ut ejus, qui jus propius succedendi habet, aut, si mavis, spem propiorem, jus protimiseos quoque propius sit, quod intuitu juris succedendi conceditur, nisi jus protimiseos ei competere debeat, qui eodem usus meliores offert conditiones: id quod quidem conveniri poterat, ast ubi conventum non fuit, obtinere nequit. Hic enim quaeritur, quid obtinere debeat, quando simpliciter dictum, jus protimiseos iis competere debere, ad quos feudum devolvi potest. Tum vero non attendi potest nisi proximitas in succedendo, ut fit potior jure, qui prior poterat succedere.

§. 404.

Quoniam jus protimiseos iis, ad quos feudum devolvi potest, eo ordine concessum intelligitur, quo in feudo succedere possunt (§. 403.); *Idem porro expenditur.* si proximior jure protimiseos uti velit, quando feudum alicuiatur, remotior eodem uti nequit, adeoque non admittitur, nisi quando proximior eodem uti noluerit.

Hoc nimirum valet, si vi primæ constitutionis jus protimiseos concessum simpliciter omnibus, ad quos feudum devolvi potest. Quoniam tamen jus hoc totum a conventionione dependet, nec aliter admittitur, nisi quale fuerit conventum; ita omnino etiam conveniri potest, ut jus protimiseos non competat nisi ei, qui proximam spem succedendi habet. Non est quod dicas, hunc jure protimiseos non indigere, ut feudo potiat, cum in alienationem non consentire cogatur sine pretio post mortem alienatoris idem accepturus (§. 394.) & si alienatum fuerit, idem post mortem alienatoris revocare possit pretio non refuso (§. 378. 381.); dantur enim casus, in quibus in alienationem consentire tenetur, veluti si in oppignorationem consentit. Non tamen negandum, jus protimiseos convenientius simpliciter concedi singulis, qui in feudo succedere possunt.

§. 405.

De consensu Qui consensum suum in alienationem declarat ei, in quem
declarato ei, alienatur; feudum revocare nequit jure protimiseos. Etenim
in quem feu- si is, in quem feudum alienatur, requirit consensum ejus,
dum aliena- qui jus protimiseos habet; id non facit alio fine, quam ut
tur. certus sit, feudum ab eo revocatum non iri. Quando igitur
 consensum suum eidem declarat, eo ipso significat se jure
 protimiseos adversus ipsum non usurum, consequenter juri
 huic renunciat (§. 103. part. 3. Jur. nat.), adeoque illi se ob-
 ligat ad eodem non utendum (§. 104. part. 3. Jur. nat.).
 Quamobrem qui consensum suum in alienationem ei decla-
 rat, in quem alienatur, feudum revocare nequit.

Nimirum quando in superioribus ostendimus consensum in
 alienationem, quæ fit interveniente pretio, non tollere jus
 protimiseos; tum supponitur, quemadmodum ex demonstra-
 tione liquet (§. 402.), consensum declarari alienatori, ante-
 quam alienatio perficiatur, vel etiam ubi ad ratihabendam
 eam, quæ jam perfecta fuit, ab eodem requiritur. Ete-
 nim in casu isto sese saltem obligat alienatori, quod per-
 mittere velit, ut feudum alienetur, vel quod alienationem
 ab eo factam ratihabeat; minime vero ei, in quem alienatur,
 quod jure protimiseos uti velit, quemadmodum in casu præ-
 senti.

§. 406.

Quamdiu Qui jus protimiseos habet, feudum se incipio alienatum re-
jure protimi- vocare potest a die scientiæ, quandocunque ipsi visum fuerit, nisi
seos quis certus terminus fuerit in contractu feudali præfixus. Etenim
uti possit, jus protimiseos invito auferri nequit (§. 336. part. 2. Jur. nat.),
 adeoque propterea non extinguitur, quod eodem non sta-
 tim utatur, quamprimum eidem innotescit feudum se in-
 scio fuisse alienatum. Quoniam itaque hoc jus tamdiu
 subsistit, quamdiu is, cui competit, non habet animum
 id

id derelinquendi (§. 256. 250. *part. 2. Jur. nat.*); eodem quoque uti potest, quandocunque ipsi visum fuerit a die scientiæ. Quamobrem cum jure protimiseos perfectæ alienatione feudum revocari possit (§. 400.); qui jus protimiseos habet, feudum se inscio alienatum revocare potest a die scientiæ, quandocunque ipsi visum fuerit. *Quod erat unum.*

Enimvero cum in contractu feudali substantialibus superaddi possint determinationes, quæ placuerint constituenti, vel etiam rem in feudum offerenti (§. 146. 169. 173.), certus quoque terminus in eodem præfigi potest, ultra quem a die scientiæ revocatio jure protimiseos fieri nequit. Quoniam itaque jus omne feudale metiendum ex contractu feudali (§. 172.); ultra terminum præfixum jure protimiseos quis uti nequit. *Quod erat alterum.*

Quemadmodum conventionem præfigi potest terminus, ultra quem jus protimiseos non durat; ita jure quoque positivo istiusmodi terminus constitui potest, qualis quidem commodus visus fuerit juris conditori. De præscriptione juris protimiseos & juris revocandi feudum ad se devolutum quid dicatur, opus non est. Pendet enim præscriptio a principiis generalibus, quæ alias demonstravimus (§. 1024. *Et seqq. part. 3. Jur. nat.*). Per ea vero facile discernuntur, quæ juris mere positivi sunt, ab iis, quæ juris sunt naturæ.

§. 407.

Feudum refusare dicitur vasallus, si significat domino *Quid sit* se id diutius habere nolle sive simpliciter, sive in favorem *refusatio* tertii. Quoniam itaque feudum consistit in dominio utili *feudi*, sub conditione mutæ fidelitatis concessio (§. 155.); *vasallus feudum refusans significat, quod dominium utile habere nolit, consequenter nec obligatus esse domino ad fidelitatem in contractu feudi*

Alii conveniunt diutius præstandum, sed potius ab omni nexu feudali liber esse velit. Unde porro consequitur, si feudum simpliciter refutat, eum velle, ut res feudalis redeat ad dominum; si vero in favorem tertii refutat, eum velle, ut tertio huic feudum concedatur. In casu priori feudum refutari seu refutatio fieri vulgo dicitur domino; in posteriori autem tertio. Quando itaque refutatio domino fit, vasallus significat se nolle ut dominus amplius obligatus sit ad dominium utile in re feudali concedendum, adeoque jus suum remittit (§. 95. part. 3. Jur. nat.); quando vero refutatio fit tertio, idem significat, se velle dominum esse obligatum ad concedendum dominium utile in re feudali tertio, adeoque jus suum in eum transferri, consequenter feudum tertio cedit (§. 81. part. 3. Jur. nat.). Idioma te patrio refutatio feudi dicitur die Aufschlagung, item die Aufkündigung des Lehns.

Solet in utroque casu refutatio feudi etiam cessio feudi dici. Vid. *Struvius* in Syntagm. Jur. feud. c. 12. §. 14. Immo abdicatio quoque & renunciatio appellatur, propterea quod vulgo termini isti non satis accurate a se invicem distinguuntur, sed vagum quendam admittunt significatum. Sed cum nos singulis terminis fixum quendam ac determinatum tribuimus significatum; convenientius refutatio domino facta, seu facta eidem simpliciter remissio juris in re feudali; facta vero tertio, aut accuratius loquendo facta domino in favorem tertii cessio feudi appellatur. Ast in verbis non sumus scrupulosi, modo in re conveniamus, quamvis in Jure naturæ verborum etiam scrupulositatem sectari teneamur.

§. 408.

Quando refutatio domino facta licita. Naturaliter vasallus feudum domino refutare potest, quando refutatio non fit contra jus ipsius, seu in ejus præjudicium, eodem etiam invito. Quando enim vasallus feudum domino refutat, jus suum, quod habet, remittit (§. 407.). Enimvero natura-

naturaliter quilibet jus suum remittere potest, quando hoc ipso nihil fit contra jus alterius (§. 117. part. 3. *Jur. nat.*). Naturaliter itaque vasallus feudum domino refutare potest, quando refutatio non fit contra jus ipsius, seu in ejus præjudicium. *Quod erat unum.*

Quoniam adeo vasallo naturaliter competit jus remittendi jus suum, quod habet, nimirum ut dominus pati teneatur ipsum habere dominium utile in re, *per demonstr.* dominus quoque impedire nequit, quando refutatio non fit contra jus ipsius, seu in ejus præjudicium non vergit, quominus vasallus eodem utatur (§. 180. part. 1. *Phil. pract. univ.*). Vasallus itaque feudum domino etiam invito refutare potest (§. 407.). *Quod erat alterum.*

Non est, quod objicias, vasallum obligatum esse domino ad præstandam fidelitatem conventam (§. 245.), neminem autem ab obligatione sua seipsum liberare posse (§. 674. part. 3. *Jur. nat.*), consequenter cum feudum refutans domino non amplius obligatus esse velit ad fidelitatem conventam præstandam (§. 407.), sine domini consensu refutationem fieri non posse. Etenim vasallus dominium utile in re habet sub hac conditione, ut fidelitatem conventam præstet (§. 155.), consequenter ad fidelitatem præstandam domino obligatur, quia dominium utile habet. Quod si ergo dominium utile habere nolit; nec ad fidelitatem præstandam obligatus est. Obligatio nimirum juri cohæret tanquam per conventionem adjecta, cum abesse possit, neque enim necesse est, ut qui dominium utile in re habet, ad fidelitatem præstandam sit obligatus, vel emphyteusi teste (§. 12.), non vero jus ex obligatione oritur, ut non nisi hac extincta amittatur. Quoniam dominium utile conceditur eum in finem, ut tu obligatus sis ad fidelitatem domino directo præstandam (§. 155.); obligatio hæc spectari potest quasi modus, sub quo illud conceditur (§. 557. part. 3. *Jur. nat.*), quem si adimplere nolueris, rem feudalem restituere debes (§. 562. part. 5. *Jur. nat.*): quod cum faciat, dum
feu-

feudum domino refutat, nihil committitur, quod est contra jus domini, ut sine ejus consensu refutatio fieri nequeat (§ 910. part. 1. *Jur. nat.*), nisi ex casu emergente nascatur præjudicium domino, quod illicitam facit refutationem. Unde diximus, jus refutandi competere vasallo, quando refutatio non fit in præjudicium domini.

§. 409.

Quando refutatio domino fieri nequit. Vasallus domino feudum refutare nequit, quando refutatio fit contra jus ipsius, seu in ejus præjudicium. Etenim nemo quicquam facere debet, quod est contra jus alterius (§ 910. part. 1. *Jur. nat.*) & omne damnum ab altero avertere debet (§ 495. part. 2. *Jur. nat.*), consequenter nil quicquam facere, quod ullo modo vergit in præjudicium alterius. Quamobrem nec vasallus domino feudum refutare potest, quando refutatio fit contra jus ipsius, seu in ejus præjudicium vergit.

Ostendimus jam (*not.* §. 408.), refutationem feudi domino factam non per se, sed tantummodo ob casum emergentem vergere in præjudicium domini. Casus adeo emergens illicitam facit, quæ in se illicita non est.

§. 410.

Casus particulares. Quoniam vasallus domino feudum refutare nequit, quando refutatio fit contra jus ipsius (§ 409.), contra jus vero domini fit, si feudum refutes, dum servitia militaria, quibus dominus nunc indiget, prestare tenetur, vel eo animo, ut hostilia in eum securius moliri possit (§ 154. h. & 239. part. 1. *Phil. præct. univ.*); in utroque casu refutare feudum nequit.

§. 411.

De revocatione feudi domino refutati. Si feudum domino refutatur, post mortem refutantis feudum revocare potest is, ad quem devolvitur: ipso autem vivo permittere tenetur, ut dominus re feudali utatur fruatur. Etenim si feudum domino refutatur, res feudalis ad ipsum redit (§ 407.), ut

ut adeo ipse eadem frui ac uti possit, quemadmodum utebatur fruebatur antea vasallus (§. 159.). Enimvero post mortem refutantis is, ad quem feudum vi primæ constitutionis devolvitur, in eodem succedere debet: quod jus cum eidem invito auferri non possit (§. 336. part. 2. Jur. nat.), dominum, si nolit, ad restituendum rem feudalem compellere potest. Quamobrem cum feudum revocet, qui detentorem rei feudalis ad rem feudalem sibi restituendum compellit (§. 373.); si feudum domino refutatur, post mortem refutantis feudum revocare potest is, ad quem devolvitur. *Quod erat unum.*

Enimvero antequam refutans moritur, nihil fit contra jus ipsius, ad quem feudum devolvitur, dum dominus re feudali utitur fruitur (§. 325.). Quamobrem si feudum domino refutatur, quamdiu refutans vivit, permittere tenetur is, ad quem post mortem refutantis feudum devolvitur, ut dominus re feudali utatur fruatur. *Quod erat alterum.*

Equidem dominus, cui feudum refutatum, feudum statim concedere potest ei, ad quem post mortem refutantis demum devolvitur, quemadmodum etiam extraneo jus utendi fruendi concedere potest, quamdiu vivit refutans, si ipse re feudali uti frui nolit, cum de jure sibi competente pro arbitrio disponere possit; non tamen hoc facit jure, sed quia ipsi ita visum fuerit,

§. 412.

Si feudum refutatur eorum, ad quos aliquando devolvi potest, De feudi re-remotiori; post mortem refutantis proximior revocare ipsum potest; remotior vivo autem refutante permittere tenetur, ut re feudali utatur usufructu revocatur remotior. Etenim si feudum refutatur remotiori cuidam eorum, ad quos feudum devolvi potest; refutans declarat, se feudum diutius habere nolle, velle autem ut tertius habeat, in cujus gratiam fit refutatio (§. 407.), adeoque perinde est ac si in remotiorem alienaretur (§. 662. part. 2. Jur. nat.). *Enim-*

(Wolffii Jur. Nat. Pars VI.)

○ ○

Enimvero feudum ad se devolutum revocare potest proximior, si in remotiorem fuerit alienatum, in quem ante ipsum devolvi non poterat (§. 379.); consequenter mortuo alienatore (§. 378.). Ergo si feudum refutatur remotiori, post mortem refutantis proximior ipsum revocare potest. *Quod erat unum.*

Posterius patet eodem modo, quo idem in propositione antecedente (§. 411. n. 2.) demonstravimus. *Quod erat alterum.*

Vide quæ supra eam in rem annotavimus, cum de alienatione feudi ageremus (not. §. 378. 379.). Quoniam refutatio in caso propositionis præsentis cum alienatione convenit, non opus est ut plura de eadem dicamus.

§. 413.

De refutatione successione in feudo facta.

Si feudum refutatur ei, qui mortuo refutante in eo succedere debet; jure successionis ad eum devolutum intelligitur. Etenim si feudum refutatur, refutans declarat, se feudum diutius habere nolle (§. 407.), & quoniam refutatur ei, qui mortuo refutante in eo succedere debet, eo ipso significat, sese feudum ideo habere nolle, ut sit ejus, qui alias se mortuo in eodem succederet (§. cit.), consequenter vult ut habeatur pro mortuo. Quoniam itaque vi constitutionis ipso mortuo feudum ad eundem devolvitur jure successionis; quando feudum refutatur ei, qui mortuo refutante in eo succedere debet; jure successionis ad eum devolutum intelligitur.

Quando vassallus moritur, feudum devolvitur ad eum, qui vi primæ constitutionis in eodem succedere potest, propterea quod non est alius, qui jure re feudali uti frui posset, seu dominium utile habere. Erimvero si vassallus declarat, se feudum amplius habere nolle, sed potius velle, ut is, qui post mortem suam in eodem succedere debet, eum nunc habeat, itidem feudum ad eum devolvitur; propterea quod non est alius, qui jure

jure re feudali uti frui posset, aut potius dominium utile in ea habere posset. Arque adeo patet, perinde esse, siue vassallus moriatur, siue feudum refutet ei, ad quem post mortem ipsius devolvi debet. Sane huic nil obstat, quo minus feudum ad ipsum devolvatur & is in eodem succedat, quam quod ad vassallum adhuc vivum pertineat. Quando autem ab eodem feudum ipsi refutatur, juri successorio nil amplius obstat, atque adeo jure successorio ad ipsum devolutum intelligitur. Quando domino, vel eorum, qui spem aliquam succedendi remotiorem habent, refutatur, non dici potest, quod jure successorio ad ipsos devolurum sit, cum jus succedendi neutri competat, etiamsi vassallus feudum habere amplius nolit, adeoque ipse tantummodo jus utendi fruendi re feudali, seu exercitium domini utiliter concessum intelligitur, quamdiu vassallo id competit, consequenter quamdiu ipse vivit. Ipso enim mortuo jus successoris vim suam acquirit, dum quod conditionatum fuerat jam purum evadit, quemadmodum jam supra vidimus in casu simili (not. §. 401.).

§. 414.

Si feudum refutatur in gratiam extranei, refutatio alienatio est. Etenim si feudum refutatur in gratiam extranei, refutans declarat se feudum diutius habere nolle, velle autem, *neo facta*, ut extraneus habeat (§. 407.). Quoniam adeo dominium utile transfert in extraneum (§. 355.), hæc autem translatio alienatio est (§. 662. part. 2. Jur. nat.); si feudum refutatur in gratiam extranei, perinde est ac si in extraneum alienaretur, adeoque refutatio alienatio est.

§. 415.

Quoniam si feudum extraneo refutatur, perinde est ac *Cur non plura* in eundem alienaretur (§. 414.); *de feudo extraneo refutato ra de ea dicendum valent, quæ de alienatione in extraneum facta.* *tantur.*

Non igitur opus est, ut plura eam in rem dicantur.

§. 416.

Si feudum refutatur ei, qui mortuo vassallo in eodem succedere De eo, cui debes,

*feudum re-debet, & is sine filio decedit ante refutantem, ad hunc feudum re-
futatum an-vertitur, quando refutatio unice in ipsius gratiam facta; non re-
te refutan-vertitur, quando omnino facta, quasi animo feudum derelinquendi.
tem mortuo.* Etenim si is, qui feudum refutat, unice facit in gratiam ejus,
cui refutatur; tacite sibi reservat regressum ad feudum, siqui-
dem ipsum ante se mori contingat. Quamobrem cum a vo-
luntate ipsius dependeret, quomodo feudum refutare vellet
(§. 11. part. 3. Jur. nat.); quin hunc regressum sibi reserva-
re potuerit, dubitandum non est. Quoniam itaque jus, quod
sibi reservavit, nemo eidem auferre potest (§. 336. part. 2.
Jur. nat.); si is, cui feudum refutavit, ante se decedat, feu-
dum ad eum revertitur. *Quod erat unum.*

Enimvero si feudum omnino refutetur, quasi animo de-
relinquendi; id amplius habere nude non vult, parum solli-
citus quinam habeat, etsi malit, eum habere, qui se mortuo
succedere debet, voluntate nimirum consequente (§. 249.
part. 2. Jur. nat.). Quoniam itaque regressum ad feudum
sibi reservare non intelligitur, siquidem contingat eum, cui
refutatur, ante se decedere; nec feudum ad eum reverti pot-
est. *Quod erat alterum.*

§. 417.

*An juri suc-
cedendi in
feudorenun-
ciari possit.*

Quilibet juri suo succedendi in feudo renunciare potest. Po-
test enim quilibet renunciare juri cuivis quæsito, quamdiu nil
fit contra jus tertii (§. 118. part. 3. Jur. nat.). Ergo etiam
juri suo succedendi in feudo renunciare potest, cum renun-
ciatione nec jus domini, nec ceterorum, ad quos feudum
devolvi potest, obstat, quemadmodum ex anterioribus sa-
tis patet.

Renunciatio fit ab eo, qui feudum nondum possidet, sed
saltem habet spem succedendi, sive propinquam, sive remotam,
vel quando succedere poterat, in gratiam vero alterius succede-
re non vult. Atque ideo refutationem distinximus a renuncia-
tione

tione (§. 407.), fit ita quod vulgo vago quodam significato renunciare etiam dicatur is, qui refutat. Quoniam vero de successione in bonis defuncti in posterum demum agetur; ideo quoque in præsentia ea prætermittenda sunt, quæ de successione in re feudali adhuc demonstrari poterant ac debebant.

§. 418.

Feudum precarium finitur, vel amittitur, quamprimum dominus vasallo significat, se nolle, ut res sua diutius ipsi sit infenda. Quando
 Demonstratorem jam dedimus supra (not. §. 374.). *feudum precarium fini-*

Initio feuda erant precaria, ita ut a domino, qui concesserat, pro lubitu vasallo auferri possent L. l. 1. §. 1. 2. Jus vero hoc deinde mutatum est, non quod esset iniquum, cum juri naturali minime repugnet, ut feudum sit precarium, cujus quippe constitutio quoad ea, quæ substantialia non sunt, a voluntate concedentis dependet (§. 164.); sed quod deinde placuit feuda concedere non modo pro primo acquirenti, sed ejus etiam descendens, vel certis personis aliis certa lege eidem successuris: id quod notioni feudi minime repugnat (§. 155.).

§. 419.

Feudum finitur, successore feudali deficiente, seu mortuo vasallo sine successore feudali. Quando
 Etenim feudi constitutio continet *morte va-*
 tacitam hanc conditionem, ut, si nemo amplius sit, cui id com- *fallo finiatur*
 petere, seu qui in eodem succedere possit, res, quæ feudalis *feudum.*
 fuerat, pleno jure sit domini feudi (§. 326.). Ea igitur intelligitur fuisse constituentis voluntas, ut, si vasallus moriatur sine successore feudali, feudum finiatur. Quamobrem cum determinationes substantialibus in contractu feudali superadditæ (§. 173.) pendeant a voluntate constituentis (§. 164.); duratio quoque ea erit, quæ visa fuerit constituenti, consequenter feudum finitur, vasallo sine successore feudali mortuo.

Ostenditur etiam hoc modo. Quando feudum constituitur pro certis personis, quæ nominantur, &, quæ certo ordine

dine in eodem succedere possunt; constituentis non alius esse potest animus, quam ut deficiente successore feudali feudum finiri debeat. Quamobrem cum feudum sit jus alteri in re sua a domino constitutum (§. 155.), adeoque valeat, quod constituenti placuit (§. 984. part. 3. Jur. nat.); successore feudali deficiente, seu mortuo vasallo sine successore feudali, feudum finitur.

§. 420.

*An feudum fiat res nullius, vel ad mortuo non sit res nullius, neque etiam dici potest proprie feudum, dominum consequenter dominium utile sub conditione prestandæ fidelitatis tunc rever-
tatur.*

Quoniam feudum finitur, mortuo vasallo, sine successore feudali (§. 419.); feudum vasallo sine successore feudali, vel ad mortuo non sit res nullius, neque etiam dici potest proprie feudum, dominum consequenter dominium utile sub conditione prestandæ fidelitatis tunc rever-

vasallo concessum ad dominum directum reverti. Si feudum vasallo sine successore feudali mortuo fieret res nullius, naturaliter tum occupabile foret. Ad dominum directum ut revertatur dominium utile sub conditione prestandæ fidelitatis, non satis apte dicitur, cum non concipiatur dominium utile & directum, nisi quatenus utrumque in diversis subjectis subsistit. Accurate igitur loquendo dicendum est, finiri feudum, consequenter cum dominio utili expirare directum, & rem, quæ infeudata fuerat, pleno jure fieri domini, vi contractus feudalis. Quemadmodum enim in contractu feudali definiri potuit, quænam personæ in feudo succedere debeant; ita quoque definiri potuit, qualis & cujusnam res esse debeat, si nemo amplius adsit, qui vi hujus contractus succedere possit. Ubi vero expresse definitum nil fuit, valet utique illud, quod contractui tacite inest. Tacita nimirum voluntas idem operatur, quod expressa.

§. 421.

De fine feudum ad dies vitæ, vel ad certum tempus fuerit concessum; mortuo vasallo, vel tempore isto elapso feudum finitur. Etenim si feudum ad dies vitæ fuerit concessum; ex conventionem non diutius subsistere debet, quam quamdiu vivit vasallus.

Si feudum ad dies vitæ, vel ad certum tempus fuerit concessum; mortuo vasallo, vel tempore isto elapso feudum finitur. Etenim si feudum ad dies vitæ fuerit concessum; ex conventionem non diutius subsistere debet, quam quamdiu vivit vasallus.

Et

Et si conceditur ad certum tempus, similiter ex conventionē diutius subsistere non debet, quam donec tempus istud fuerit præterlapsum. Quamprimum itaque vasallus moritur, vel tempus, ad quod concessum est feudum, præterlapsum fuerit, feudum finitur (§. 382. *part. 3. Jur. nat.*).

Feudum jus pactitium est (§. 170.), adeoque vi conventionis subsistit (§. 788. *part. 3. Jur. nat.*). Quodsi ergo duratio ejus in contractu feudali fuerit definita, tamdiu utique durabit, quamdiu quod durare debeat fuerit conventum.

§. 422.

Si res tota interit, feudum extinguitur. Etenim si res *De interitu* feudalis tota interit, dominium in ea interit (§. 352. *part. 2. totali res Jur. nat.*), adeoque nec alius in ea dominium utile, nec *di-feudalis.* rectum alius habere potest (§. 1. 3.). Quamobrem non minus vasallus dominium utile, quam directum dominus amittit (§. 158.). Quoniam itaque feudum non subsistit, nisi dominium utile uni, alteri directum in re infeudata competat (§. 156.); si res tota interit, feudum extinguitur.

§. 423.

Si pars rei feudalis interit, feudum in parte reliqua subsistit: De partiali liberum tamen est vasallo feudum domino refusare. Etenim si res *interitu.* rei feudalis pars interit, eodem, quo ante (§. 422.), modo patet, feudum in ea parte extingui. Cum vero dominium in parte reliqua adhuc subsistat, neque repugnet, ut hoc quoque sit divisum in dominium utile ac directum; quin illud adhuc vasallo, hoc domino competat (§. 158.), adeoque feudum quoad hanc partem subsistat, dubitandum non est (§. 336. *part. 2. Jur. nat.*). *Quod erat unum.*

Enimvero quoniam in tota re feudali vasallo concessum dominium utile sub conditione præstandæ fidelitatis (§. 155.), adeoque vasallus ad eam præstandam obligatur, propterea

pterea quod tota re feudali utitur fruitur; domino non competit jus ab invito exigendi fidelitatem conventam propter dominium utile in parte (§. 172.). Quamobrem a voluntate vassalli unice pender, utrum obligatus adhuc esse velit domino ad fidelitatem conventam præstandam nec ne, etiam si parte tantummodo rei infeudatæ uti frui possit. Liberum adeoque ipsi est declarare domino simpliciter, quod feudum diutius habere nolit, nec amplius eidem obligatus esse velit ad fidelitatem conventam præstandam. Quamobrem cum feudum domino refutet, qui eidem simpliciter declarat, quod feudum diutius habere nolit, nec eidem amplius obligatus esse velit ad fidelitatem conventam præstandam (§. 407.); si pars rei feudalis interit, liberum est vassallo feudum domino refutare. *Quod erat alterum.*

Rationes nimirum esse possunt vassallo, cur malit ea carere utilitate, quæ ex re feudali percipitur, quam fidelitatem conventam præstare. Non vero opus est, ut de eorum mente sollicitus sit, ad quos aliquando feudum devolvi potest. Quod si enim his aliter visum fuerit, illi feudum, quando ad eos devolvitur vi primæ constitutionis, a domino revocare possunt (§. 411.). Refutatio igitur non fit in præjudicium ipsorum, atque adeo non habent jus contradicendi, nec de eo solliciti sint necesse est, ut jus suum sibi reservent. Dominus vero volenti in parte residua feudum statim concedere potest, cum de jure suo disponere possit pro arbitrio suo. Neque dubium est, quin etiam vassallus feudum volenti refutare possit, eo effectum, qui ex superius demonstratis (§. 412. & seqq.) manifestus est.

§. 424.

De fine feudi sub certa conditione fuerit concessum, seu donec certa conditio existat; conditione illa existente, aut non amplius existente, feudum finitur. Etenim si feudum sub certa conditione fuerit concessum, seu donec certa conditio existat, vel
ita

ita convenitur, quod feudum tamdiu durare debeat, quamdiu hæc conditio existit, aut quamdiu non existit, consequenter quod finiri debeat, si conditio conventa non amplius existit, aut quamprimum existit. Quamobrem cum plus juris in re feudali consequi non potuerit vasallus, quam ei concedere voluit dominus in contractu feudali (§. 382. part. 3. Jur. nat. & §. 172. h.); si feudum sub certa conditione fuerit concessum, seu donec certa conditio existat, conditione illa existente, aut non amplius existente, feudum finitur.

E. gr. Si feudum tibi conceditur, donec munere aliquo fungaris; tamdiu concessum intelligitur, quamdiu eodem fungeris, consequenter eo deposito feudum finitur. Ex adverso si feudum conceditur, donec certo cuidam muneri præponaris, ubi hoc contingit, feudum finitur. Nimirum hic conditio designat tempus, ut perinde sit, ac si feudum ad certum tempus fuisset constitutum. Quamdiu adeo conditio in casu priori existit, tempus non finitur; finitur autem, quamprimum conditio existere definit. In casu posteriori tempus præterlapsum, quamprimum conditio existit. Quamobrem cum feudum finiatur, tempore elapso, ad quod constitutum (§. 421.); idem quoque in casu priori finiri debet, quando conditio non amplius existit, in posteriori autem, quamprimum existit.

§. 425.

*Dominium tam utile, quam directum usucapi & præscribi De præscri-
pote naturali.* Etenim naturaliter res, quam quis dereliquisse præsumitur, sit possessoris (§. 1020. part. 3. Jur. nat.), nisi utilis ac adeoque hic eam usucapit (§. 1021. part. 3. Jur. nat.), sive directi, corporalis fuerit, sive incorporalis (§. 1022. part. 3. Jur. nat.). Quamobrem cum tam dominium utile, quam directum sit res incorporalis (§. 498. part. 1. Jur. nat.); utrumque etiam usucapi potest. *Quod erat unum.*

(Wolffii Jur. nat. Pars VI.)

Pp

Enim-

Enimvero in usucapione dominium domino præscribitur (§. 1031. part. 3. *Jur. nat.*). Quamobrem cum dominium utile spectandum sit tanquam res incorporalis, quæ est in dominio vasalli, & dominium directum tanquam res incorporalis, quæ est in dominio domini (§. 158. h. & §. 216. part. 2. *Jur. nat.*); utrumque etiam dominium istud, consequenter vasallo dominium utile & domino directum præscribi potest (§. 1024. part. 3. *Jur. nat.*).

Nimirum quando dominium dividitur in directum ac utile, duæ resultant res incorporales, quarum una subjicitur dominio seu juri pro arbitrio suo de eodem disponendi (§. 118. part. 2. *Jur. nat.*), domini, altera vero vasalli (§. 158.), ut adeo illa competat domino, hæc vasallo cum exclusione ceterorum omnium (§. 120. part. 2. *Jur. nat.*). Quemadmodum itaque naturaliter res quælibet, tam corporales, quam incorporales, usucapî possunt (§. 1022. part. 3. *Jur. nat.*); ita etiam dominium tam directum, quam utile usucapi potest. Amittit verum dominus dominium directum, & vasallus utile, cui a possessore acquiritur ex consensu præsumto (§. 1027. part. 3. *Jur. nat.*), atque adeo etiam dominium istud, in quo tam directum, quam utile esse concipitur, consequenter cum hoc dominium tam directum, quam utile præscribitur (§. 1024. part. 3. *Jur. nat.*). Ita nimirum præscriptionem domini utilis ac directi concipere debemus, si singula ad vivum refecare velimus, ne aliquis relinquatur notionum generalium alias stabilitarum dissensus. Ceterum cum de usucapione & præscriptione demonstraverimus abunde, quomodo naturaliter procedat integro capite septimo partis tertiæ Juris naturalis; non opus est ut ea, quæ ibidem exposita sunt, ad domini utilis ac directi præscriptionem ac usucapionem applicemus.

§. 426.

*De præscri-
ptione & u-*

Quoniam dominium tam utile, quam directum præscribi ac usucapi potest (§. 425.), dominium vero utile vasallo, directum

directum domino competit (§. 158.); *vasallus quoque do-* *minium directum usucapere & adversus dominum præscribere, do-* *minus autem dominium utile usucapere & adversus vasallum præ-* *scribere, immo etiam alius quicumque dominium utile usu-* *capere & adversus vasallum præscribere, dominium quoque di-* *rectum simul usucapere & adversus dominum præscribere potest.*

Quando fiat usucapio & præscriptio in singulis casibus, pa-
ret ex iis, quæ de usucapione & præscriptio in genere ali-
bi demonstrata sunt (not. §. 425.).

§. 427.

Si vasallus dominium directum adversus dominum præscri- *bit; res, qua feudalis fuerat, fit allodialis.* De præscri-
ptione domi-
nii directi
Quando enim va-
sallus dominium directum adversus dominum præscribit, do-
minus illud amittit (§. 1024. part. 3. Jar. nat.). Quamob-
rem cum nemo amplius sit, cui dominium directum in re, *dominium.*
quam possidet vasallus, competat; jam pleno jure eandem
habet (§. 156.). Quoniam itaque res allodialis est, in qua
quis plenum dominium habet, seu quam pleno jure habet
(§. 192.); si vasallus dominium directum adversus dominum
præscribit, res, quæ feudalis fuerat, fit allodialis.

Contingere hoc potest, si hæres defuncti vasalli rem feu-
dalem tanquam allodiam bonâ fide vendit & alius bonâ fide
eandem tanquam allodiam emit, item si ipse hæres rem feu-
dalem tanquam allodiam apprehendit eamque tanquam allo-
dialiam bonâ fide possidet.

§. 428.

Si dominus adversus vasallum dominium utile præscribit; De præscri- *ptio domi-*
remotior eorum, ad quos devolvi potest, feudum adhuc revocare potest, *quando ad ipsum devolvitur.* Quando enim feudum ad ni
aliquem devolvitur, eidem competit jus in eodem succeden-
di vi contractus feudalis, quo feudum constitutum (§. 171.
vasallum.

176.). Quoniam itaque hoc jus invito auferri nequit (§. 336. part. 2. Jur. nat.); nec ei præscriptio dominii utilis adversus vasallum, ad quem feudum antea pertinebat, nocere potest (§. 910. part. 1. Jur. nat.). Quamobrem dominum compellere potest ad rem feudalem sibi restituendam remotior eorum, ad quos feudum devolvi potest, quando ad ipsum devolvitur, etiamsi is dominium utile præscripserit adversus vasallum, ad quem antea ipsum feudum pertinebat. Sed feudum revocat a domino, qui eum compellit ad rem feudalem sibi restituendam (§. 373.). Ergo si dominus adversus vasallum dominium utile præscribit, remotior eorum, ad quos devolvi potest, feudum adhuc revocare potest, quando ad ipsum devolvitur.

Præscriptio fit ex consensu præsumto (§. 1024. part. 3. Jur. nat.), nimirum quod is, ad quem feudum pertinet, id dereliquerit (§. 1031. 1021. part. 3. Jur. nat.). Enimvero nemo præsumi potest feudum dereliquisse, quamdiu ad ipsum non pertinet, cum non ante id revocare possit, quam ad eum fuerit devolutum (§. 378.). Quamvis adeo is non contradicat, quod dominus pleno jure rem possideat, ad quem feudum aliquando devolvi potest; ex eo tamen, quod tacet, quando loqui non debet, nec potest, præsumi nequit, quod in hoc consentiat, ut res pleno jure maneat domini, quando feudum ad ipsum devolutum fuerit. Quamdiu feudum ad te non pertinet, tibi permittendum est, ut alius re feudali utatur fruatur, cum nullum tibi hinc nascatur præjudicium.

§. 429.

Quando feudum præscriptio Quoniam remotior eorum, ad quos devolvi potest, si dominus dominium utile adversus vasallum præscribit (§. 428.); *plene extinguitur.* præscriptio a domino facta non ante feudum plene extinguitur, quam si nemo amplius super sit, ad quem istud devolvi potest.

Tandem

Tandiu nimirum feudum revocabile manet, quamdiu aliquis existit, ad quem aliquando devolvi potest (§. 428). Quamdiu vero feudum revocabile est, nec dici potest, quod plene sit extinctum, cum qualitas feudalis eidem adhuc potentia insit, etsi videatur ad tempus abesse, quatenus permittendum, ut dominus re feudali utatur fruatur absque nexu feudali, utpote qui sibi ipsi ad fidelitatem præstandam obligatus esse nequit, quemadmodum obligatur, qui feudum tenet (§. 155.).

§. 430.

Si vassallus adversus vassallum feudum præscribit, ille feudum amittit & hic ipsum acquirit. Etenim si vassallo feudum præscribitur, cum præscriptione jus amittatur, quod quis habet a vassallo ad (§. 1024. part. 3. Jur. nat.), feudum is utique amittit. Quod versus vassallum facta.

Enimvero dum feudum præscribitur, eo ipso non præscribitur domino dominium directum (§. 336. part. 2. Jur. nat.), consequenter feudum adhuc subsistit (§. 156.). Quamobrem præscribens nonnisi feudum usucapere potest (§. 1024. part. 3. Jur. nat.), consequenter quando feudum præscribit, feudum acquirit (§. 3023. part. 3. Jur. nat.). Quod erat alteram.

Nimirum per præscriptionem mutari nequit qualitas feudalis, cum hoc foret contra jus domini (§. 239. part. 1. Phil. pract. univ.), contra quod præscriptio fieri nequit (§. 910. part. 1. Jur. nat.). Quodsi alius fuerit propior, per superiora facile patet, quod feudum ante revocare nequeat, nisi quando ad ipsum devolvitur, ut adeo opus non sit, id disertius demonstrari.

§. 431.

Obligatio feudalis dicitur, quæ ex contractu feudali oritur. Et in mutua obligatione vassalli & domini Nexus feudalis consistit. Obligatio feudalis quantum sit.

Ex contractu enim feudali oritur tam domini erga vassallum, quam vassalli erga dominum obligatio (§. 793. part. 3. Jur. nat.), & ex eodem metienda est utriusque obligatio.

§. 432.

Ratio obligationis feudalis.

Quoniam obligatio feudalis ex contractu feudali oritur (§. 431.), eodem autem & feudum a domino constituitur, & a vasallo acquiritur (§. 171.); *obligatio feudalis rationem in feudo habet* (§. 56. Ontol.), adeoque ab eodem dependet (§. 851. Ontol.).

Nimirum propter feudi constitutionem dominus vasallo ad ea obligatur, ad quæ alias ipsi non obligaretur, & vasallus domino vicissim obligatur ad ea, ad quæ alias ipsi non obligaretur. Obligatio igitur feudalis a feudo dependet.

§. 433.

Quamdiu ea dures.

Quia obligatio feudalis a feudo dependet (§. 432.), *feudo sublato, tollitur omnis feudalis obligatio, consequenter nexus feudalis dissolvitur.*

Obligatio feudalis diutius durare nequit, quam quamdiu feudum subsistit, cum a feudo tota veniat, sive a substantialibus, sive ab accidentalibus pendeat.

§. 434.

Felonia quid sit.

Omne factum tam positivum, quam negativum obligationi feudali contrarium *Felonia* dicitur.

Felonia vocabulum non est Latinum: recte tamen retinetur, cum sit in Jure feudali receptum (§. 147. *Disc. prelim.*). Neque enim ita affectare debemus Latinitatem, quemadmodum dudum monuit *Antonius Matthæus*, Jctus in Academia Ultrajectina, ut pro perspicuis obscura verba usurpasse videamur: id quod nos observavimus per omnem philosophiam.

§. 435.

Quot modis felonia committatur.

Quoniam factum omne tam positivum, quam negativum obligationi contrarium feudali felonia est (§. 434.); *tot modis felonia committi potest, quot sunt obligationes feudales: quoniam tamen omnes obligationes non sunt ejusdem gradus,*

das, feloniam quoque omnis non est ejusdem gradus, sed alia delictum majus, alia minus.

§. 436.

Quia feloniam tot modis committi potest, quot sunt obligationes feudales (§. 435.); si plures fuerint obligationes feudales, pluribus quoque modis committi potest feloniam, quam si fuerint pauciores. Cumque ex contractu feudali metiendum sit omnis obligatio feudalis (§. 172. 431.); ex contractu quoque feudali estimandum, quando feloniam, seu quomodo ea committi possit.

Obligationes feudales nunc plures esse posse, nunc pauciores, prouti visum fuerit contrahentibus, haud obscurum est. Etenim a voluntate constituentis (§. 164.), & rem in feudum offerentis pendet, quas determinationes substantialibus superaddere velint (§. 169.), atque determinationes istae in contractu feudali definiendae (§. 173.), consequenter contrahentes de his convenire possunt, ad quae sibi invicem propter feudum obligati esse velint.

§. 437.

Quia vi contractus feudalis tam dominus vasallo, quam si quibus vasallus domino ad certas praestationes obligatur, prouti ex committentibus anterioribus abunde constat, omne autem factum tam positivum, quam negativum obligationi feudali contrarium feloniam est (§. 434.); feloniam committi potest cum a domino feudi, tum a vasallo.

Obinet hoc etiam jure positivo, quo non minus ob feloniam dominus dominium directum, quam vasallus feudum amittere potest.

§. 438.

Si vasallus domino, vel dominus vasallo non praestat fidelitatem conventam; feloniam committitur. Etenim vasallus domino

*non præstita
felonia est.*

mino & dominus vasallo obligatur ad præstandum fidelitatem conventam (§. 245.). Quamobrem cum hæc obligatio feudalis sit (§. 431.); si vasallus domino, vel dominus vasallo non præstet fidelitatem conventam, sive faciendo, quod fidelitati conventæ repugnat, sive non faciendo, quod ea exigit; factum tam negativum, quam positivum obligationi feudali contrariatur. Quoniam itaque factum omne tam positivum, quam negativum obligationi feudali contrarium felonia est (§. 434.); felonia utique committitur, si vasallus domino, vel dominus vasallo non præstet fidelitatem conventam.

Fidelitas cum complectatur omne officium humanitatis (§. 154.), non uno modo facto fidelitati contrario felonia committi potest. Ne tamen hoc delictum in nimium extendatur, non tam ex notione fidelitatis in genere, quam ex ea, quæ conventa in specie fuit, felonia æstimanda, præsertim si de pœna felonix fuerit conventum. Rectius enim statuitur, naturaliter non dari obligationem perfectam præstandi aliquod officium humanitatis, nisi de quo præstando fuit conventum sive expresse, sive tacite: alias enim manet obligatio imperfecta, quæ natura datur, nec ad factum huic contrarium felonia trahi potest. Jure positivo autem quemadmodum determinari potest fidelitas (not. §. 154.); ita etiam definiri, quot modis faciendo contra fidelitatem felonia committatur.

§. 439.

*Felonia in
non præstan-
dis servitiis
ommissa.*

Si vasallus ad certa servitia, veluti militaria, præstanda obligatur, ea vero præstare nolit; feloniam committit. Etenim si vasallus ad certa servitia, veluti militaria, præstanda obligetur; obligatio hæc feudalis est (§. 178. 431.). Quodsi ergo vasallus ea domino præstare nolit; factum hoc negativum obligationi feudali contrarium est. Quamobrem cum factum negativum obligationi feudali contrarium

rum feloniam fit (§. 434.); feloniam vasallus committit, si domino præstare nolit servitia, veluti militaria, ad quæ præstanda ipsi obligatus est.

§. 440.

Quia vasallus feloniam committit, si ad certa servitia præstanda obligatus ea præstare nolit (§. 439.), in feudo censuali autem loco servitiorum quotannis canonem certum præstare tenetur (§. 484.); *felonia committitur in feudo censuali, si vasallus canonem conventum præstare nolit.*

Quoniam in Jure naturæ feudum censuale quoque dici potest, si juxta alia servitia præstandus etiam canon est (§. 184.), cum præstatio canonis non minus referenda sit ad obligationem feudalem, quam si loco servitiorum solvitur (§. 431.); si vasallus canonem conventum præstare nolit, feloniam quoque committit (§. 434.).

§. 441.

Si vasallus domino bellum injustum gerenti servitia militaria De servitiis conventa præstare nolit; feloniam non committit. Etenim qui *militaribus* bellum injustum gerit, in ejus gratiam nil quicquam facere *in bello* illicit (§. 1115. part. 1. Jur. nat.), consequenter nec vasallus *justo* non ad servitia militaria conventa obligatur. Quoniam itaque *præstitis.* vasallus domino bellum injustum gerenti militaria servitia præstare detrectans nil facit, quod obligationi feudali contrariatur (§. 178. 431.), feloniam vero non est factum, quod eidem minime contrarium (§. 434.); nec feloniam committit vasallus, si domino bellum injustum gerenti servitia militaria conventa præstare nolit.

Cum naturalis obligatio sit immutabilis (§. 142. part. 1. *Phil. pract. univ.*); vasallus sese obligare nequit ad præstanda servitia militaria in bello etiam injusto. Istiusmodi adeo obligatio ex contractu feudali oriri nequit, adeoque feudalis non est

est (§. 431.). Necessè tamen est, ut certo constet, bellum esse injustum. Quid vero obtinere debeat in casu dubio, suo videbimus loco, quando de bello publico acturi sumus.

§. 442.

*De protecti-
one conven-
ta non pra-
stata.* Si dominus vasallo conventam protectionem præstare nolit; feloniam committit. Idem valet, si alia præstare nolit, ad quæ se obligavit. Ad præstationem conventam, adeoque & ad protectionem (§. 246.), dominus vasallo perfecte obligatur (§. 247.), hæcque obligatio, cum veniat ex contractu feudali (§. 179. 246. 273.), feudalis est (§. 431.). Quoniam itaque factum tam privativum, quam positivum obligationi feudali contrarium feloniam est (§. 434.) & feloniam etiam a domino committi potest (§. 437.); dominus feloniam committit, si vasallo protectionem conventam, vel alia præstare nolit, ad quæ præstata se obligavit.

§. 443.

Quomodo Si vasallus damna a domino avertere, aut commoda ejus contra fide-promovere nolit, cum possit, multisque magis, si ipse damnorum licentiam quid domino inferat, vel contra salutem ejus quodpiam molitur, vel committit quomodocunque ad factum istiusmodi concurrat; feloniam committit. Etenim fidelitas continet ea officia, quibus damna avertuntur, ac commoda promoventur (§. 154.). Quamobrem cum vasallus domino obligetur ad fidelitatem conventam præstandam (§. 245.), ad damna quoque ab ipso avertenda & commoda ejus promovenda obligatur, adeoque multo magis ad non inferendum dampnum domino, nec quicquam adversus salutem ipsius molendum, vel quomodocunque ad factum istiusmodi concurrendum. Quicquid itaque horum contingit, id omne obligationi feudali contrariatur (§. 431.). Quamobrem cum factum omne tam
positi-

positivum, quam negativum obligationi feudali contrarium feloniam fit (§. 434.); vasallus feloniam committit, sive damnum a domino avertere, vel commoda ejus promovere nolit, cum possit, neque enim ad impossibile quis obligatur (§. 209. *part. 1. Phil. pract. univ.*), multo magis autem committit feloniam, si ipse damnum domino inferat, vel contra salutem ipsius quidpiam moliatur, vel quomocunque ad factum istiusmodi concurrat.

Non licet excipere, obligationem feudalem non esse extendendam ultra fidelitatem conventam. Etenim sine officio avertendi damna a domino & promovendi commoda, seu salutem ejus, consequenter non inferendi damna vel quidpiam moliendi adversus salutem ipsius non concipitur fidelitas (§. 154.). Quamobrem cum fidelitas ad substantialia feudi pertineat (§. 161.), ut feudum sine ea subsistere non possit (§. *cit.*); sine quibus fidelitas concipi nequit, ad ea utique præstanda obligatus intelligitur vasallus vi ipsius contractus feudalis, quo feudum acquisivit (§. 171.), consequenter ea referenda sunt ad fidelitatem conventam. Fidelitas non terminus inanis est, & quamvis mutuo consensu in contractu feudali determinanda sit (§. 244.), hoc tamen non obstante, quædam notioni ejus per se insunt, ut expresse de iis conveniri non sit opus. Quamobrem cum fidelitatem definiremus per complexum omnium officiorum humanitatis, consulto addidimus, quod inprimis ea hic spectentur officia, per quæ damna avertuntur & commoda promoventur (§. 154.), utque rectius hæc intelligantur, ex jure positivo annotavimus, quamnam ad fidelitatem inprimis requirantur (*not. §. cit.*). Immo naturaliter nihil absurdi, nec iniqui quidpiam inde consequitur, si vel maxime fidelitas ad omne officium humanitatis extendatur, adeoque factum quodvis officio cuidam humanitatis contrarium ad feloniam referatur, cum jure naturali nulla certa pœna feloniz in genere sit constituta,

§. 444.

De vi illa-
ta & insidias
struendis.

Quoniam *vasallus* feloniam committit, si contra. fal-
tem domini quidpiam molitur (§. 443.); *feloniam utique com-*
mittit, si domino vim infert, insidias struit, cum hoste vel inimi-
co ejusdem in ipsius perniciem fœdus ineat.

Vis inferitur armis, inferitur etiam veneno. Perinde vero est,
sive ipse hoc faciat, sive ad factum alterius concurrat.

§. 445.

De auxilio
denegato.

Similiter quia *vasallus* feloniam committit, si damnum
a domino non avertit (§. 443.); *feloniam quoque committit,*
si cum in pugna vel periculo alio constitutum deserat, seu auxilium
ei non ferat.

Exempli loco hæc particularia adducuntur, ut, quæ in ge-
nere demonstrata sunt, clariora evadant & ad casus particula-
res sine hæsitacione applicentur.

§. 446.

An *vasallus*
vitam do-
mini pro-
pria præfer-
re teneatur.

Si *vasallus* in periculo communi vitam propriam vitæ domi-
ni præferat; feloniam non committit. Quoniam homo vitam
suam (§. 350. part. 1. Jur. nat.) ac aliorum, conservare tenetur
(§. 641. part. 1. Jur. nat.), adeoque conservatio vitæ propriæ
officium erga seipsum, conservatio vitæ alienæ officium erga
alios est (§. 226. part. 1. Phil. pract. univ.); in periculo com-
muni domini ac vasalli officium erga seipsum colliditur cum
officio erga alios, si vita unius vitæ alterius præferenda (§.
206. part. 1. Phil. pract. univ.). Enimvero si officium erga
seipsum colliditur cum officio erga alios, illud vincit (§. 229.
part. 1. Phil. pract. univ.). Ergo si *vasallus* periculo commu-
ni vitam propriam vitæ domini postponere non tenetur, sed
suam potius huic recte præfert (§. 208. part. 1. Phil. pract.
univ.). Quoniam obligatio naturalis utpote immutabilis

(§. 142. *part. 1. Phil. pract. univ.*), per pacta mutari nequit; nec vi contractus feudalis, ex quo metienda est vasalli obligatio (§. 172.), is obligatus esse potest ad vitam domini in periculo communi propriæ præferendam, consequenter obligationi feudali minime contrariatur, si vasallus in periculo communi vitam propriam vitæ domini præferat (§. 431.). ~~Jan.~~ Felonia non committitur, quando quis facit, quod obligationi feudali minime contrariatur (§. 434.). Vasallus itaque in periculo communi vitam propriam vitæ domini præferens feloniam non committit.

Ex demonstratione propositionis præsentis liquet, alios adhuc posse dari casus, in quibus factum negativum, quod alias obligationi feudali contrarium foret, feloniam accenseri nequit.

§. 447.

Si dominus vi præsentis impetat corpus vasalli, nec hic periculum vitæ vel mutilationis membrorum aliter evitare possit, ne violenta quam illum interficiendo; dominum interficere licet; nec eum adversus dominum interficiendo felonia committitur. Etenim si in periculo communi vasallus vitam suam vitæ domini præfert, feloniam non committit (§. 446.), consequenter præferendo vitam suam vitæ domini non contrariatur obligationi feudali (§. 434.). Quamobrem cum aggressorem interficere liceat, siis vi præsentis impetat corpus alterius, nec periculum vitæ vel mutilationis membrorum aliter evitare possit (§. 1013. *part. 3. Jur. nat.*); vasallus quoque in hypothese propositionis præsentis dominum aggressorem interficere potest. *Quod erat unum.*

Quoniam itaque obligationi feudali minime repugnat, si vasallus adversus dominum aggressorem cum interneccione ipsius, si necesse fuerit, se defendat, *per demonstrata n. 1.*; felonia autem minime committitur, nisi quid fiat, quod obligationi feudali contrarium (§. 434.); vasallus quoque fe-

loniam minime committit, si dominus vi presente impetat corpus ipsius, nec hic periculum vitæ, vel mutilationis membrorum aliter evitare possit, quam illum interficiendo, ubi hoc fecerit. *Quid erat alterum.*

Dominus hic spectatur non ut dominus feudi, sed ut aggressor. Aggressor cum lædere conetur eum, cui vim inferat (§. 979. part. 1. Jur. nat.), jus securitatis ejusdem violat (§. 917. part. 1. Jur. nat.). Dominus itaque feudi, quando aggressoris personam induit, vasallo injuriam facit (§. 859. part. 1. Jur. nat.); vasallus vero jure suo sese defendendi usus (§. 1013. part. 1. Jur. nat.), domino injuriam non facit (§. 975. part. 1. Jur. nat.). Obligatio feudalis, quæ tenet vasallum, non extendenda est ad patientiam læsionis omnis etiam maximæ, ita ut vi injustæ resistere non liceat. Ceterum notandum est, nos obligationem feudalem hic spectare, qualis in se est, in statu naturali, ita ut inter dominum feudi & vasallum non alia obtineat quam hæc relatio. Alia vero est quaestio, si dominus feudi simul sit summus imperans & vasallus simul subditus: sed ea non est hujus loci.

§. 448.

De consensu domini in requirere debebat, non requirit; feloniam committit. Etenim si feudi alienationem vasallus consensum domini in alienationem requirere debet (§. 194.); obligationi feudali contrariatur alienatio sine consensu domini facta (§. 431.). Quoniam itaque feloniam committit vasallus, si quid facit, quod obligationi feudali contrarium (§. 434.); feloniam quoque committit, si consensum domini in alienationem non requirit, quem tamen requirere debebat.

Aliter statuendum est de consensu eorum, ad quos feudum aliquando devolvi poterat, non requisito in alienationem. Quoniam obligatio feudalis proprie respicit dominum & vasallum, inter quos nexus feudalis intercedit, seu qui vi feudi & domini

dominii directi sibi invicem obligati sunt. Obligatio vero requirendi consensum eorum, ad quos feudum aliquando devolvi potest, ex accidente accedit, ut ei consulatur, in quem feudum alienatur. Unde etiam requiri potest, etiamsi de eo requirendo nil fuerit conventum. Contractus feudalitatis inquit a vasallo cum domino, minime autem vasallus contrahit cum aliis, pro quibus feudum simul constituitur.

§. 449.

*Si expresse fuerit conventum, ne feudum subinfendari de- De feloniam
beat, aut ne liceat subinfendare sine domini consensu; in casu subinfen-
priori subinfendatio simpliciter, in posteriori sine consensu domini dando com-
facta feloniam est. Utrumque conveniri posse, ex superioribus missa.
patet (§. 317. 318.). Unde porro eodem, quo ante (§. 448.),
modo sequitur, subinfendationem, quando prohibita fuit, sim-
pliciter, quando vero consensus domini ad eam requirendus
erat, sine eius consensu factam feloniam esse.*

§. 450.

*Si ita fuerit conventum, ne dominium directum alienetur, De feloniam
vel ne alienetur sine consensu vasalli; in casu priori alienatio do- in alienatio-
minii directi simpliciter, in posteriori sine consensu vasalli facta ne domini
felonia est. Utrumque ita conveniri posse constat (§. 238.), directam com-
Quamobrem cum feloniam etiam a domino committi possit missa;
(§. 437.); eodem, quo ante (§. 448.), modo patet, aliena-
tionem domini directi simpliciter feloniam esse, si ita fuerit
conventum, ne dominium directum alienetur; aut alienatio-
nem sine consensu vasalli factam esse feloniam, si ita fuerit
conventum, ne sine vasalli consensu alienari possit.*

In statu naturali non minor est obligatio domini, quam vasalli, nec in æstimando delicto, quale est feloniam, respectus personarum attenditur. Si feloniam committit vasallus, quando contra conventionem alienat feudum, vel sine consensu domini, quem requirere debebat; dominus itidem feloniam

loniam committit, quando contra conventionem dominium directum alienat, vel sine consensu vasalli, quem requirere debebat.

§. 451.

De feloniam in dominio directo non recognoscendo commissis.

Si vasallus dominium directum sciens recognoscere nolit; feloniam committit. Etenim cum dominium directum competat domino (§. 158.), adeoque vasallus hoc jus invito auferre non possit (§. 336. *part. 2. Jur. nat.*); per ipsam substantiam feudi vasallus obligatur dominium directum recognoscere (§. 161.). Quod si itaque hoc sciens facere nolit, id ipsum obligationi feudali maxime contrariatur (§. 431.). Quamobrem cum omne factum obligationi feudali contrarium feloniam sit (§. 434.); vasallus vel maxime feloniam committit, si sciens dominium directum recognoscere nolit.

Ostenditur etiam hoc modo. Si vasallus dominium directum recognoscere nolit, necesse est aut ut neget, se rem jure feudi possidere, aut ut dominium directum alium recognoscere velit. In utroque casu, cum faciat hoc sciens *per hypoth.* fidelitatem conventam domino feudi præstare non vult. Enimvero si vasallus fidelitatem conventam præstare non vult, feloniam committit (§. 438.). Committit igitur feloniam, si dominium directum recognoscere nolit.

Probe notandum est, necesse esse, ut vasallus sciens dominium directum recognoscere nolit. Quod si enim putet, rem esse allodiam, vel dominium directum alii competere, quam cui re vera competit, dicendum omnino non est, quod feloniam committat. Ut igitur erroris redarguatur, necesse est ut dominus feudi probet, rem, quam possidet, esse feudalem, sibi que dominium directum competere. Cum feudum pacto constituitur (§. 170.), & ad extraordinaria referendum sit, quod dominium utile alicui sit in re concessum sub conditione fidelitatis; res quælibet præsumitur allodialis, minime vero feudalis (§. 248. *part. 2. Jur. nat.*).

§. 452.

Naturaliter per feloniam nec vasallus feudum, nec dominus directus dominium directum amittit, nisi specialiter fuerit conventum, ut amittatur. Feloniam enim committit vasallus, si quid facit, quod obligationi feudali contrariatur, consequenter ad quod non faciendum erat obligatus, aut si quid non facit, ad quod faciendum erat obligatus (§. 434.). Enimvero cum perfecta sit obligatio, quæ ex contractu oritur feudali (§. 793. part. 3. Jur. nat.); si alterutra pars non facit, ad quod faciendum obligata est, alteri competit jus eam compellendi ad faciendum (§. 236. part. 1. Phil. pract. univ.), aut si pars altera damnum incurrit, vel lucrum ejus cessat, propterea quod obligationi suæ non satisfecit altera, illi hæc ad id, quod interest, tenetur (§. 629. part. 3. Jur. nat.), & si facto obligationi contrario pars altera læsa fuit, læsæ competit jus puniendi lædentem (§. 1061. part. 1. Jur. nat.); si vero quid factum, quod sine consensu alterius fieri non debebat, tanquam nullo jure factum invalidum est, adeoque a parte hac altera rescindi potest, nisi rati habere velit. Atque adeo patet, naturaliter per feloniam nec vasallum feudum, nec dominum directum dominium directum amittere. *Quod erat unum.*

Enimvero ita etiam conveniri potest, ut, si dominus non præstet id, de quo in contractu feudali conventum, res feudalis pleno jure sit vasalli, & ex adverso, si vasallus non præstet id, de quo conventum, eadem pleno jure sit domini (§. 248.). Quamobrem cum dominus dominium directum amittat; si res, quæ feudalis fuerat, pleno jure sit vasalli, & vicissim vasallus amittat feudum, si res, quæ fuerat feudalis, pleno jure sit domini (§. 156.); ita etiam conveniri potest, ut nisi obligationi feudali satisfiat, seu ob factum vel positivum, vel negativum eidem contrarium dominium directum

rectum a domino, feudum a vasallo amittatur. Poena adjicitur contractui, quando ita convenitur (§. 606. part. 3. Jur. nat.). Quoniam itaque poena præstanda, si quis obligationi sub poena contractæ non satisfacit (§. 611. part. 3. Jur. nat.); per feloniam vasallus feudum, dominus directus dominium directum amittit, si expresse ita fuerit conventum, ut amittatur. *Quod erat alterum.*

Juris adeo mere positivi est, quod per feloniam vasallus amittat feudum, vel etiam dominus feudi dominium directum; quorum istud in primis convenit feudo dato tanquam poena ingratiitudinis, si feudum fuerit a domino gratis constitutum in re sua, hoc autem feudo oblato.

§. 453.

De feloniam remissa.

Quoniam quilibet jus suum remittere potest (§. 117. part. 3. Jur. nat.); si ita fuerit conventum, ut per feloniam amittatur feudum vasallo, dominium directum a domino (§. 452.); *felonia commissa remitti potest*, consequenter cum feloniam remissa jus vasalli, vel domini extinguatur (§. 97. part. 3. Jur. nat.), eadem remissa vasallus feudum, dominus feudi dominium directum non amittit.

In aliis casibus, quando scilicet poena feloniam contractui feudali addita non fuit, facile patet, quinam sit effectus remissionis feloniam, modo consideremus, quale jus cadat in eum, in quem feloniam committitur, & quanam sit committentis obligatio, vi demonstrationis partis primæ propositionis præcedentis (§. 452.), ac notemus, remissa feloniam, extingui jus illius, adversus quem ea fuit commissa & committentem liberari ab obligatione sua (§. 97. part. 3. Jur. nat.), ut adeo in hisce demonstrandis nolimus esse prolixiores.

§. 454.

De feloniam vasalli,

Si feudum fueris concessum pro pluribus certo ordine sibi invicem in eodem successuris; feloniam a vasallo commissa per se imputari

putari nequit ceteris, ad quos feudum devolvi certo casu potest, quando fe-
 Etenim si vasallus feloniam committit, consequenter facit, *dum pro*
 ad quod non faciendum erat obligatus, vel non facit, ad *pluribus*
 quod faciendum obligatus erat (§. 434.); id non ideo facit, *certo ordine*
 quia ceteri, ad quos feudum devolvi certo casu potest, *vo-*
 lunt ut hoc faciat, vel non faciat, sed facere potest ipsis *sibi invicem*
 sciiis, immo invitis. Quoniam itaque factum alienum nemi-
 ni imputatur, nisi quando a voluntate ipsius aliquo modo *constitu-*
 dependet (§. 650. *part. 1. Phil. pract. univ.*); ideo patet, nec
 feloniam a vasallo commissam ceteris per se imputari posse,
 ad quos feudum devolvi potest, si feudum fuerit constitutum
 pro pluribus certo ordine sibi invicem successuris.

Dico, per se feloniam vasalli imputari non posse ceteris, ad
 quos certo casu feudum devolvi potest: quodsi enim ad ean-
 dem concurrant, tum ipsis utique imputatur (§. 650. *part. 1.*
Phil. pract. univ.), quoniam tunc sunt participes delicti. At
 hic quaestio est de eo casu, quando ad delictum vasalli non
 concurrunt.

§. 455.

Si vasallus ob feloniam feudum amittit; dominus tamen An feloniam
 mortuo vasallo id conferre tenetur ei, ad quem post mortem vasalli no-
 ipsius devolvitur. Quando enim feloniam committit vasal-
 lus, ea per se imputari nequit ceteris, pro quibus feudum *ceat succes-*
 constitutum, & ad quos devolvi adeo potest (§. 454.) *sori, si ob*
 Quamobrem nec propter eandem ipsis auferri potest jus in *eam feudum*
 feudo succedendi, quando ipsum ad eos devolvitur, etiamsi *amittitur.*
 vasallus feudum amittat. Quoniam igitur hoc non obstante,
 quod feudo privatus fuerit vasallus, jus ipsorum adhuc
 integrum est; quando feudum vi primæ constitutionis ad a-
 liquem devolvitur, is in eo succedere debet, adeoque do-
 minus, qui re feudali hactenus usus est, eam tanquam feuda-
 lem eidem restituere tenetur. Patet itaque si vasallus ob

feloniam feudum amittit; dominum tamen mortuo vasallo id conferre teneri ei, ad quem post mortem ipsius devolvitur.

Quamdiu nimirum vasallus, qui feloniam commisit, vivit, nullum jus est alteri cuidam in eo succedendi, quippe cum vi constitutionis feudum non ante devolvatur ad alium, nisi mortuo eo, qui nunc feudum tenet, seu vasallo. Pœna feloniz, quæ in amissione feudi consistit, quemadmodum non nocet successori; ita nec prodest. Quamdiu nemo fuerit, qui jure feudi rem feudalem possidere potest; jus percipiendi ex eadem omnem utilitatem, quæ alias vasallo competit, domino competit, nec adeo dum actu utitur fruitur, quicquam committit, quod est contra jus ejus, ad quem vasallo mortuo feudum devolvitur; quemadmodum jam abunde patet per ea, quæ in anterioribus demonstrata sunt. Ceterum cum dominus jus suum remittere possit (§. 117. part. 3. Jur. nat.), si voluerit, statim id conferre potest ei, qui in feudo succederet, si vasallus mortuus esset. Neque naturaliter quicquam obstat, quo minus etiam ita conveniatur, ut feudum propter feloniam amissum statim devolvatur ad eum, qui mortuo succedere debebat. Tum enim pœna adjuncta, quæ datur domino ob feloniam in ipsum commissam, continet remissionem necessariam juris sui, seu renunciationem.

§. 456.

In ob feloniam a patre commissam Quoniam nec factum patris imputari potest filio (§. 454.), ad hunc vero patre mortuo feudum devolvitur, quod per se patet; ideo *naturaliter nec filius privari potest feudo ob feloniam a patre commissam, sed patre mortuo dominus feudum ei privetur. dem conferre tenetur (§. 455.).*

Clarius adhuc idem elucescet, ubi de successione in feudo acturi sumus, quando nimirum de successione ab intestato ageretur: tum enim patebit, filium succedere in feudo jure proprio, neque adeo ullam esse inter ipsum & alios, pro quibus feudum

feudum constitutum, differentiam. Sed hic sufficit, demonstrationem eodem modo subsistere quoad filium, quo subsistit quoad alios, ad quos vi constitutionis feudum devolvi potest.

§. 457.

Quia feudum a vasallo ob feloniam amissum dominus vasallo mortuo conferre tenetur ei, ad quem post mortem ipsius devolvitur (§. 455.); *feudum per feloniam non finitur.* *An per feloniam finitur feudum.*

Quodsi excipias, fieri posse, ut, dum vasallus per feloniam feudum amittit, nullus amplius extet, ad quem ipso mortuo devolvi possit, consequenter tum feudum finiri; facilis est responsio: feudum non finiri per feloniam, sed propter defectum successoris feudalis, consequenter per accidens finiri feudum, dum per feloniam amittitur.

§. 458.

Similiter quia feudum a vasallo ob feloniam amissum dominus vasallo mortuo ei conferre tenetur, ad quem post mortem ipsius devolvitur (§. 455.); huic competit jus dominum compellendi vasallo mortuo, ad feudum sibi restituendum (§. 236. part. I. Phil. pract. univ.), consequenter cum feudum revocet, qui hoc facit (§. 373.), *is, ad quem mortuo vasallo feudum devolvitur, feudum per feloniam amissum a domino revocare potest.* *De revocatione feudi per feloniam amissi.*

Quando feudum per feloniam amittitur, res feudalis ad dominum revertitur, ut ea utatur fruatur, quamdiu vasallus uti frui poterat, nisi jure suo fuisset privatus. Jus domini adeo expirat, quamprimum vasallus moritur, adeoque jus revocandi mortuo vasallo statim competit successori, quod facto alieno ipsi ademptum non est.

CAPVT III.

De Interpretatione.

§. 459.

Interpretatio quid sit.

Interpretari idem est ac certo modo colligere, quid quis per verba sua aut signa alia indicare voluerit. Interni actus animi, tam intellectus, quam voluntatis, aut si mavis, facultatis cognoscendi & appetendi ac averfandi verbis, quæ quis ore profert aut scribit, respondentem dicuntur *Mens loquentis*. Atque adeo *interpretari verba alterius* idem est ac mentem eius investigare. Unde *Interpretatio* est investigatio mentis per verba aliaque signa indicata.

Egimus hætenus de promissis & pactis, quæ promissiones continent. Contra promissorem pro vero habetur, quod sufficienter indicavit (§. 428. *part. 3. Jur. nat.*), nimirum siue verbis, siue signis aliis. Ut igitur constet, quid contra eum pro vero sit habendum, necesse est ut manifestum sit, quidnam per verba, aut signa alia, indicare voluerit, consequenter quænam ipsius mens fuerit. Atque hinc patet, cur de interpretatione hic agatur. Nisi enim de mente promittentis rite constet, cum omnis obligatio promittentis nascatur ex promisso (§. 393. *part. 3. Jur. nat.*), nec promissarius plus juris a promissore acquirere possit, quam is in ipsum transferre vult, nec hunc ultra voluntatem suam sibi obligare valeat ad quid dandum, vel faciendum (§. 382. *part. 3. Jur. nat.*); jura ac obligationes erunt incerta. Quamvis vero de interpretatione hic agamus eo potissimum fine, ut sciamus, quomodo promissa & pacta interpretari debeamus; haudquam tamen existimandum est, quasi ea, quæ hic traduntur, tantummodo in promissis atque pactis interpretandis habeant usum. Usus enim eorum etiam extenditur ad interpretationem legum & verborum ab aliis quibuscunque prolatorum.

§. 460.

§. 460.

Si singula verba fixum ac determinatum haberent significatum, Cur interpretatum, & loquentes semper mentem suam sufficienter iisdem exprimitatione merent; nulla interpretatione foret opus. Contrarium cum obtinere opus.

neat, interpretatione opus est. Etenim si singula verba fixum ac determinatum haberent significatum; quinam actus interni iisdem significantur, absque ulla hæsitacione semper constaret (§. 123. 129. Log.). Quod si ergo loquentes mentem suam sufficienter exprimerent; singuli actus interni, sive ad facultatem cognoscendi, sive ad facultatem appetendi aut averfandi referendi, nobis perspecti essent (§. 459.), consequenter ex ipsis verbis statim manifestum foret, quid per verba sua loquentes significare voluerint. Quamobrem cum interpretemur verba alterius, si certo modo colligere velimus, quidnam per ea significare voluerit (§. cit.); omnino patet nulla opus fore interpretatione, si singula verba fixum ac determinatum haberent significatum ac loquentes iisdem semper mentem suam sufficienter exprimerent. *Quod erat unum.*

Enimvero obvia experientia docemur, vocabulis si non plerisque, attamen plurimis, non constanter invariata respondere notionem, consequenter significatum non fixum, sed vagum esse (§. 129. Log.). Immo patet nec determinatas singulis respondere notiones (§. 123. Log.); ac haud raro plus dici, vel minus, quam loquentes dicere intendunt. Quamobrem si de eorum mente certo constare debet, necesse est ut certo quodam modo colligatur, quamnam per verba sua indicare voluerint. Quoniam itaque verba alterius interpretamur, quando certo quodam modo colligimus, quid per ea significare voluerit (§. 459.); interpretatione opus est. *Quod erat alterum.*

Exemplum quoad partem primam propositionis præsentis præbet *Euclides*, qui cum terminis per definitiones tribuerit
signifi-

significatum fixum ac determinatum, nec ab eo ullibi recedit, interprete nullo habet opus. Verba, quibus utitur, satis aperte mentem ejusdem loquuntur, ut non demum multo studio ac labore in eam sit inquirendum. Ast non adeo obvia est mens *Aristotelis*, ut in ea explicanda multum studii collocaverint interpretes ac commentatores, nec eam pervestigare semper potuerint. Idem obtinet in aliis Autoribus, quod facile experiri datur, si distincte exponere volueris, quamnam notiones verbis eorum jungendæ sint, & demonstrare hasce præcise, non alias, cum iis esse conjungendas: id quod fieri necesse est, si quidem eos intelligere, seu mentem eorundem perspicere velis. Optandum omnino foret, ut saltem inter eruditos, eos præsertim, qui disciplinas tractant, constans quidam loquendi modus introduci posset, adeoque Lexicon prostraret, in quibus singulis vocabulis fixi ac satis determinati significatus attribuerentur: id quod tamen ob maximam rei difficultatem & rationes alias minime sperandum. Si vero vel maxime istiusmodi loquendi mos obtineret, ea tamen adhuc desideraretur perspicacia, quæ requiritur ad hoc, ut tantum præcise semper dicatur, quantum dicere quis vult.

§. 461.

An in pactis & promissis potest quilibet suorum verborum interpres esse possit.

In pactis & promissis nemo verborum suorum interpres esse potest. Ponamus enim promissorem verba sua interpretari posse, atque adeo interpretatione ejus standum esse promissario. Quoniam verbis sensum affingere posset, quem vellet; se non hoc, quod poscit promissarius, sed aliud quid promississe contendere poterit. Quamobrem cum promittendo nos alteri obligemus (§. 363. part. 3. *Jur. nat.*), quando sibi visum fuerit non stare promissis, semetipsum ab obligatione sua liberare potest, quandocunque voluerit, consequenter jus eidem respondens alteri auferre (§. 23. part. 1. *Jur. nat.*). Quod utrumque cum sit absurdum (§. 674. part. 3. & §. 336. part. 2. *Jur. nat.*); in promissis nemo verborum suorum interpres esse potest. *Quod erat unum.*

Quoniam

Quoniam pacta continent promissiones (§. 788. part. 3. *Jur. nat.*), & per eas pacificentes sese sibi invicem obligant (§. 363. part. 3. *Jur. nat.*), in promissis vero nemo verborum suorum interpret esse potest, *per demonstrata n. l. nemo* etiam in pactis verborum suorum interpret esse potest. *Quod erat secundum.*

Non est, quod excipias, promissorem omnium optime nosse, quænam ipsius fuerit mens in promittendo, consequenter ad quendam alteri sese obligare voluerit. Quamobrem cum promissarius eundem sibi obligare non potuerit ultra voluntatem suam (§. 382. part. 3. *Jur. nat.*); permittendum omnino esse promissori, ut quænam sibi fuerit mens in promittendo declararet, consequenter ut verba sua interpreteretur (§. 459.). Etenim adversus eum pro vero habendum, quod sufficienter indicavit (§. 428. part. 3. *Jur. nat.*): quid vero per verba promittentis sufficienter indicatum fuerit, certa interpretatione definiendum, quam vi demonstrationis promissori relinquere tutum non est. Alias enim jus omnino promissarii erit incertum, cum abunde constet, faciliores esse homines in promittendo, quam in promissis adimplendis, voluntate ambulatoria existente. Neque est quod porro urgeas, cum juramentum sit probatio per Deum testem (§. 852. part. 3. *Jur. nat.*), interpretationem verborum propriam juramento confirmari posse, ut iuro credi queat. Qui enim promissa servare non vult, ei nec satis tuto creditur juranti, & quamdiu de eo, quod promissum est, aliunde constare potest, nec ad juramentum deveniendum (§. 922. part. 3. *Jur. nat.*). Immo si verendum, ne quis verba detorqueat in sensum alienum, quo minus promissis stare teneatur; quomodo certus esse poteris, ne etiam jurans verbis affingat sensum alienum?

§. 462.

In verbis non obligatoriis permittendum, ut quis ipse ea interpretetur. Etenim si verba non fuerint obligatoria, per ea quis propria nulla inducitur obligatio, adeoque tua parum refert, quarum verborum

(Wolffii *Jur. nat. Pars VI.*)

Ss

nam

*rem inter-
pres esse pos-
sit.*

nam sit, vel fuerit mens loquentis, quam verbis istis indicare voluerit. Quamobrem cum is, qui loquitur, omnium optime norit, quamnam sit ipsius mens; utique permittendum est, ut ipsemet declaret, quamnam mentem habeat, vel habuerit & verbis istis significare voluerit. Permittendum igitur ipsi est, ut ea interpretetur (§. 359.).

In hoc casu valet, quod vulgo dicitur, quemlibet optimum esse verborum suorum interpretem. E. gr. ponamus auctori alicui imputari errorem quendam. Quodsi is neget, se hoc statuere, & verba sua ita interpretetur, ne sint errori obnoxia; interpretatione ejus standum. Nimirum hac interpretatione nil committitur contra jus alterius cujusdam, adeoque nil obstat, quo minus verba sua ita interpretetur, ut auctore immunis sit.

§. 463.

An promissarius verba pretetur eo sensu, quo eadem intellecta velit.

Promissario non permittendum, ut verba promittentis interpretetur eo sensu, quo eadem intellecta velit. Ponamus enim promissarium verba promittentis interpretari posse, prout eadem a se intellecta velit. Quoniam promissor promissario perfecte obligatur (§. 336. part. 3. Jur. nat.), adeoque huic competit jus illum ad promissum adimplendum cogendi (§. 236. part. 1. Phil. pract. univ.); pro lubitu verbis promittentis sensum affingere potest, ut is sibi præstare teneatur, ad quod præstandum sese eidem obligare minime voluit: Quod cum sit absurdum, cum promissarius promissorem sibi obligare nequeat ultra voluntatem suam (§. 382. part. 3. Jur. nat.), ideo nec promissario permittendum, ut verba promittentis eo interpretetur sensu, quo eadem intellecta velit.

Quando quaeritur, ad quid tibi obligatus sim, non de eo quaestio est, quemodo tu verba mea intellexeris, sed quid verbis meis indicatum fuerit: hoc enim, non istud contra me pro vero habendum (§. 428. part. 3. Jur. nat.).

§. 464.

§. 464.

Interpretatio verborum in pactis & promissis fieri debet juxta certas regulas, quas tam promissarius, quam promittens admittere tenetur. In pactis enim & promissis verba promittentis, nec ipse qui promittit, nec promissarius interpretari potest (§. 461. 463.), dicendo nimirum, quomodo verba ista intelligi velit. Necessse igitur est, ut interpretatio arbitrio nec promittentis, nec promissarii relinquenda certis adstringatur regulis, quas utraque contrahentium pars admittere debet, siquidem pro vero habendum, hoc promississe promissorem, consequenter ad hoc præstandum promissario esse obligatum (§. 363. part. 3. Jur. nat.), adeoque ad id, quod promissum est, promissario jus perfectum competere (§. 364. part. 3. Jur. nat.). Quamobrem cum negotium aliter exitum habere nequeat, nisi constet, quid contra promittentem pro vero sit habendum, interpretatio verborum in pactis & promissis fieri debet juxta certas regulas, quas tam promissarius, quam promittens admittere tenetur.

Quomodo
interpretatio
fieri de-
beat.

Quoniam promissarius non plus juris a promittente acquirere potest, quam is in eundem transferre voluit, nec hic illum ultra voluntatem suam obligare valet ad quid dandum, vel faciendum (§. 382. part. 3. Jur. nat.); promissarius & promittens una decernere debent, quid dandum vel faciendum sit (§. 497. part. 1. Theol. nat.), consequenter de eo, quod præstandum, convenire (§. 698. part. 3. Jur. nat.). Necessse igitur est, ut animi sui sensa sibi invicem sufficienter indicent: quod cum fieri nequeat nisi verbis, aut aliis subinde signis æquipollentibus, ideo necesse est, ut promissor & promissarius cum verbis, quibus quid promittitur easdem notiones jungant, consequenter promissarius mentem promittentis intelligat (§. 117. Log.). Quamobrem promissor cum verbis non eas jungere potest notiones, quas velit, sed eas, quas auditis

verbis in promissario excitare valet, seu ita loquendum est, ut a promissario intelligi possit. Nec vicissim promissarius verbis promittentis eas jungere potest notiones, quas voluerit, sed quas cum iisdem jungit promittens, seu verba promittentis ita accipienda, prouti intelligi debent. Necessarium igitur est, verborum significatum certis regulis adstringi, ut constet, quomodo intelligenda sint, consequenter nec promissor contendere possit, se ea ita intelligi voluisse, nec promissarius contra defendere queat, se eadem ita intellexisse. Atque adeo patet opus esse regulis interpretandi, per quas definitur sensus verbis in conventionibus quibuscunque tribuendus, ut manifestum sit, in quodnam consenserint qui inter se convenerunt. Dari istiusmodi regulas, ex sequentibus elucescet. Et sane nisi darentur, actus omnes obligatorii & cum his omnia jura & obligationes omnes, quæ contrahuntur, incerta forent.

§. 465.

*Interpretatio recta
quanam sit.*

Recta dicitur interpretatio, quæ fit per regulas interpretandi demonstratas. Quoniam enim regulæ, juxta quas fit interpretatio, certæ esse debent (§. 464.), certæ autem esse nequeunt, nisi demonstrantur (§. 568. Log.); regulæ, juxta quas faciendæ interpretatio, demonstrandæ sunt.

Jure naturæ requiritur, ne quid committatur contra jus alterius (§. 910. part. 3. Jur. nat.). Quamobrem ita faciendæ interpretatio, ne sit juri promissarii adversa, vel obligationem ultra id, quod promissum est, extendat. Regulæ adeo interpretandi ex ipsis principiis Juris naturalis demonstrandæ, ut recte affirmetur, ipsam naturæ legem hanc imperare interpretationem, consequenter ad eam admittendam obligetur tam promittens, quam promissarius. Unde simul patet rectam interpretationem esse legi naturæ conformem.

§. 466.

Effectus re-

promissario jus est promissorem cogendi ad id, quod recta inter-

interpretatio suggerit. Etenim recta interpretatio fit per re-^{de inter-}gulas interpretandi demonstratas (§. 465.), adeoque cer-^{pretationis.}tas, quas tam promissarius, quam promissor admittere tenetur (§. 568. *Loy.*). Quamobrem cum interpretatio fieri debeat juxta regulas certas, quas cum promissarius, tum promissor admittere tenetur (§. 464.); pro vero habendum est, eam fuisse mentem promittentis, quam recta interpretatio suggerit (§. 459.), consequenter ad id, quod eadem suggerit, promissorem sese obligare voluisse. Quoniam namque obligatio hæc perfecta est (§. 363. *part. 3. Jur. nat.*), adeoque promissario competit jus cogendi promissorem ad id, quod promissum est (§. 236. *part. 1. Phil. pract. univ.*); eidem atque competit jus promissorem cogendi ad id, quod recta interpretatio suggerit.

Promissa sunt servanda (§. 431. *part. 3. Jur. nat.*), adeoque promissor præstare tenetur, quod se præstiturum dixit (§. 430. *part. 3. Jur. nat.*). Dixisse autem censendus est se præstiturum, quod recta interpretatio suggerit, per ea, quæ demonstravimus. Ergo promissor præstare tenetur id, quod recta interpretatio suggerit, consequenter si nolit, promissarius compellere eum potest ad id præstandum.

§. 467.

Paciscentes ita loqui obligantur, ut a se invicem intelligi possint. Paciscentes enim convenire debent de eo, quod promittitur (§. 788. *part. 3. Jur. nat.*), consequenter quod ab uno alteri dandum, vel faciendum (§. 358. *part. 3. Jur. nat.*). Quamobrem necesse est, ut intelligat promissarius, quod promissor se daturum vel facturum dicit. Necesse igitur est, paciscentes ita loqui, ut a se invicem intelligi possint, adeoque ad ita loquendum obligantur (§. 118. *part. 1. Phil. pract. univ.*).

Paciscentes non volunt nihil agere, sed obligationes contrahere atque jura acquirere. Quamobrem quoque volunt, ut jura, quæ acquiruntur, & obligationes, quæ contrahuntur, sint certa, ne ad arbitrium libidinemque partis unius eludi possint. Ut igitur constet, quid promittat promissor & quamnam ipse obligationem contrahat, quodnam vero jus acquirat promissarius; paciscentes ita loqui tenentur, ut unus alterum intelligere, seu mentem ipsius assequi possit.

§. 468.

*Significatus
verborum
& termino-
rum a pacif-
centibus as-
sendendus.*

Quoniam paciscentes ita loqui obligantur, ut a se invicem intelligi possint (§. 467.), unus vero alterum intelligere nequeat, nisi uterque easdem cum verbis iisdem coniungat notiones (§. 117. Log.), in communi autem sermone significatum proprium constituit usus loquendi (§. 139. Log.) & huic in disciplinis ac arte respondet receptus terminorum significatus (§. 140. Log.); *paciscentes verbis uti debent in eo significato, quem fert usus loquendi, adeoque proprio, & terminos accipere in significato recepto, consequenter scientes ac volentes a verborum significato proprio & significato terminorum recepto recedere non debent.*

Nimirum si cuilibet liberum esse debet, verbis ac terminis, quibus utitur, imponere significatum pro arbitrio suo; fieri non potest, ut unus ab altero intelligatur, nisi explicet, in quonam significato verba ac terminos accipiat;

§. 469.

*Quid de eo
presuma-
tur.*

Quoniam paciscentes verbis in significato proprio & terminis in recepto uti debent, nec ab eo recedere (§. 468.); *tandem presumuntur verba accepisse in significato proprio, & terminos in recepto, quamdiu non adsunt rationes urgentes in contrarium.*

Nimirum quamvis sciens ac volens a significato proprio verborum

verborum & recepto terminorum recedere non debeat, qui cum altero paciscitur; recedere tamen quis potest incius, tantoque facilius, si significatus fuerit vagus, quemadmodum haud raro esse solet. Quamobrem ubi prostant rationes urgentes, ob quas promittens non videtur verba in significato proprio, vel terminos in recepto accepisse, quales proflare posse, ex postea dicendis apparebit; ideo præsumtio fortior rationibus istis innixa vincit alteram tanquam debiliorem, qua id præsumitur, quod fieri debebat.

§. 470.

In promissis & pactis interpretandis a communi usu loquendi recedendum non est, nisi adsint rationes urgentes in contrarium significatum. Etenim paciscentes præsumuntur verba accepisse in si proprio in significato proprio, adeoque non recessisse a communi usu loquendi (§. 139. Log.), quamdiu non prostant rationes urgentes in contrarium (§. 469.). Quamobrem cum promissa & pacta interpretaturus investigare debeat mentem paciscentium, quam verbis suis significare voluerunt (§. 459.); in iis interpretandis utique a communi usu loquendi recedendum non est, nisi adsint rationes urgentes in contrarium.

Promittendo nos alteri obligamus, quia eidem nos obligare volumus, nec ultra voluntatem nostram quisquam nos sibi obligare potest, nec acquirere a nobis jus aliquod, nisi quod in eum conferre voluimus (§. 382. part. 3. Jur. nat.). Quamobrem non tam verba paciscentium spectanda sunt, quam mens & voluntas sequenda. Mentem tamen aliunde cognoscere non possumus, nisi quatenus sufficienter indicatur per certa signa, quod per se patet. Hinc de eadem iudicandum ex iis, quæ dicta sunt, cum usus sermonis in eo consistat, ut mentem nostram alteri significemus. Quodsi tamen adsint præter verba conjecturæ adhuc aliæ, quales adesse solere cum experientia probat, tum ex inferius demonstrandis patebit, quæ hæc ducant, omnino dispiciendum. Quamobrem si tales sint, quæ

quæ mentem contrahentium aliam indicant, quam quæ ex verbis in significato proprio acceptis colligi poterat, cum sic pateat ab eodem recessisse contrahentes, eidem quoque inhærendum non est. Quamdiu autem tale nil apparet, inhærendum utique significatui verborum proprio, quem consuetudo, verborum domina, approbat, cum non modo nulla adsit ratio, cur ab usu loquendi communi in interpretando recedamus, verum etiam cur ab eo recedentes hunc potius, quam alium verbis significatum tribuamus. Nisi ergo cuilibet quamvis fingendi libidinem concedere velis, ut nulla relinquatur negotiis humanis certitudo, nec ea exitum reperire possint; tenendum omnino est, quod in propositione præsentis demonstravimus. Quodsi contingat, aliquem mentem suam non sufficienter indicasse, ut alia appareat; id sibi imputet, quod non fecerit, ad quod faciendum erat obligatus.

§. 471.

De pactis antiquis eo sine notandis.

Quoniam in interpretandis pactis a communi usu loquendi non recedendum, nisi adsint rationes urgentes in contrarium (§. 470.), longiore autem usu proprius verborum significatus mutari solet; *pacta interpretanda sunt secundum usum loquendi ejus temporis, quo condita fuerunt.*

Mutationem significatus, quem longior usus introducit, nemo prævidere potest; consequenter absurdum foret statuere, quod paciscentes verba in eodem acceperint. Ea de causa haud raro difficilis redditur pactorum antiquorum, vel olim dictorum interpretatio, si de illa mutatione non satis constare possit. Hinc eruditus, quorum opera posteris quoque prodesse debent, magis convenit lingua mortua, quam alia quæcunque præsentis ævi. Sane quis nostro tempore legere amat libros lingua Germanica antiqua, vel etiam ante seculum Gallica conscriptos? Ecquis vero contendere ausit, non fore aliquod tempus, quo lingua moderna sive Germanica, sive Gallica æque displicebit ac nauseam movebit posteris, quemadmodum præsentis ævo nauseamus antiquum loquendi ac scribendi modum.

Signifi-

Significatum vocabulis primum impositum parum curant homines, quorum in eo imponendo arbitrium dominatur, ut eundem vertant, qua velint. Immo multum quoque hic tribuendum casui, qui hominum non modo arbitrium regit, sed etiam haud raro vel insciis mutationem insinuat, ut adeo longa dies non soleat fervare voces, in quibus primum datæ sunt.

§. 472.

Per *Etymologiam* intelligimus expositionem originis vocabulorum. Quoniam vocabula vel sunt composita, quæ *quid sit.* ex aliis componuntur, vel simplicia, quæ non componuntur ex aliis, & hæc vel derivativa, quæ ex alio vocabulo formantur, vel primitiva, quæ non formantur ab alio; *etymologus* inquirere debet in rationem, cur vocabula primitiva primitivæ ad eas res denotandas fuerint adhibita, quibus denotandis fuerunt distincta, & docere, a quibusnam derivativa deducantur & ex quibusnam composita componantur, ac quinam sit vi derivationis ac compositionis eorundem significatus.

Sequitur in definienda etymologia *Quintilianum*, qui lib. 1. c. 16. Etymologiam dicit inquirere in verborum originem. Quamvis vero significatus verborum sit arbitrarius; non tamen idcirco destituitur ratione, cum nihil fiat sine ratione sufficiente. Quamobrem vix dubitandum, quin primi vocabulorum inventores rationes desumerint a rebus, ad quas denotandas eadem adhibuerunt, ut adeo ipsa vocabula aliquid repræsentent, quod inest rebus per ea significatis, veluti quando cuculum idiomate patrio vocamus *Kudud* imitantes cantum hujus avis: quæ vocabuli Latini etiam origo apparet, si a terminatione discesseris, præsertim cum non alia sit ratio, cur secunda syllaba *eu* sit longa, seu ei imponatur accentus. Vi adeo originis, quemadmodum olim visum est *Platoni*, vocabula sunt quasi quædam imagines rerum pro modulo cognitionis ab inventoribus effictæ. Hinc verum admiserunt in verbis *Stoici* ac *Platonici* & hoc dixerunt id, quod naturæ rei conforme & *(Wolfii Jur. nat. Pars VI.)* T t *alie*

aliquam ejus partem repræsentat. Et artis etymologicæ est invenire verum istud, quod inest verbis, præsertim primitivis. Cum nos philosophiam ad omne possibile extendamus, lubenter concedimus scientiam etymologicam esse partem quandam Philosophiæ, neque improbamus studium, quod in ea excellenda collocatur, etsi pro certo habeamus, nec a quoquam facile in dubium vocari possit, etymologiam nil conferre ad rerum cognitionem, sed hanc potius supponere. Immo subinde error origini vocabulorum ansam dare potuit, veluti quando Astronomi stellas quasdam dixerunt *adfixas*, quod eas orbi cuidam solido infixas putarent. Quamobrem in scientiis etymologiam prorsus inutilem agnoscimus, ubi notiones rerum sunt explicandæ & ex iis, quæ rebus insunt, demonstranda alia, quæ vel simul inesse debent, aut sub certa conditione inesse possunt. Ceterum ob verum istud, quod verbis inest, significatus verborum non definit esse arbitrarius, nec necessarius efficitur, cum eo non obstante res eadem alio adhuc vocabulo indigitari potuisset, quemadmodum ex vocabulo, quo Deus in diversis linguis appellatur, abunde patet. Sed de his prolixius dicere a præsentis instituto alienum est.

§. 473.

*Significatus
etymologi-
cus.*

Significatus etymologicus dicitur, qui petitur ab etymologia. Vocatur etiam *Grammaticus*, quia etymologia principis grammaticis superstructa, etsi quoad vocabula primitiva opus sit adhuc aliis.

Ita nonnulli vocabulum Deus derivant a Græco *δέος*, quod timorem significat, ut adeo vi originis denotet ens metuendum ab hominibus. Unde *Petronius*:

Primus in Orbe Deos fecit timor.

Erit adeo significatus etymologicus, quod Deus sit ens hominibus metuendum, seu timendum. Hæc autem significatio æquivoca est, quatenus timorem accipis vel pro filiali, vel pro servili, aut utrumque conjungis. *Petronius* respexit ad merum servilem. Ita verbum trado compositum ex verbo do & præpositione

positione trans, adeoque vi originis significat ita dare quidpiam, ut a se transeat.

§. 474.

In interpretando significatus etymologicus non est attendendus. An in interpretando a communi loquendi usu rece-pretando sit dendum non est, nisi necessitas quaedam urgeat (§. 470.) consue-sequenter significatus in communi sermone proprius retinendus (§. 139. Log.), ut scilicet vocabulo indigitetur ea res, cui indigitandæ communiter adhiberi solet (§. 138. Log.). Enimvero nemo est qui nesciat, in significatu, quem vocabulum ex communi loquendi usu obtinet, minime attendi originem ejus, consequenter significatum etymologicum insuper haberi. Quamobrem patet, nec in interpretando significatum etymologicum attendendum esse.

Parum curant homines, dum loquuntur, significatum etymologicum, immo curare non possunt, si vel maxime vellent. Etenim vocabulorum origines dum explicant etymologi, sæpissime a se invicem dissentiunt. Ita non omnes vocabulum Deus a Græco *θεός* derivant. Vid. *Martinius* in Lexico philolog. & etymolog. Et qui hanc derivationem admittunt, rationem tamen denominandi non prorsus eandem reddunt. Ita vi originis Deus juxta alios significat ens ob mala physica, quæ inferre potest, metuendum; juxta alios ens, cui ob bonitatem summam reverentia ac timor filialis debetur; juxta *Petronium* ens, quod timor fecit. Præterea vocabula successu temporis magnam subeunt mutationem, ut eorum origo vix agnoscat, adeoque etymologi in eam inquirentes literarum transmutatione, transpositione, elisione & adjectione eadem in alia transformant. Ita *Wachterus* in Glossario Germanico vocabulum patrium *Furcht*, derivat a verbo obsoleto *faren* timere, nimirum ut primo fuerit *for*, & per methatesin *frut* vel *frut* & denique per epenthesein gutturalis *Furcht*. Accedit, quemadmodum jam ante annotavimus (not. §. 471.), quod longi-

ore usu propriæ significationes vocabulorum mutantur, ut parum vel nihil ab origine sua trahant. Equis adeo mentem alterius divinare aude ex origine vocis, de qua nunquam cogitavit, immo plerumque ne cogitare quidem potuit? Verbis utimur ad ea denotanda, ad quæ denotanda adhibita fuerunt ab aliis, a quibus eadem didicimus, parum solliciti, quam significationem primitus ex origine acceperint.

§. 475.

Clausula pædis quoad intellectum habere debeat, quem solum verborum proprietas præ se fert; significatui proprio, quem vocabula ex communi usu loquendi habent, strictissime inhærendum. Etenim contra promissorem pro vero non habendum, nisi quod sufficienter indicavit (§. 428. *part. 3. Jur. nat.*). Quodsi ergo expresse dictum fuerit, quod pactum eum intellectum habere debeat, quem solum verborum proprietas præ se fert; sufficienter indicatum est, quod promissor ad aliud promissario obligatus esse nolit, nisi quod verba secundum communem usum loquendi indignant (§. 139. *Log.*), consequenter nec aliud contra illum pro vero haberi potest. In hypothesis adeo propositionis præsentis, significatui proprio, quem vocabula ex communi usu loquendi habent, strictissime inhærendum.

Equidem vulgo pactis adjici minime solet hæc clausula; non tamen proflus inauditum est, ut adjiciatur. Exemplum habemus apud *Camdemum* in *Hist. Elis. part. 2.* ubi discrete dicitur: Hoc fœdus illum intellectum habeat, quem solum verborum vis & proprietas præ se fert. Non inutiliter clausula hæc adjicitur, ubi verendum, ne pars altera verba aliter interpretando, quam ea intellexit promittens, eadem detorqueat in sensum a mente ipsius alienum, ut ad id obligetur, ad quod obligari non voluit, vel etiam ipse promittens hoc faciat, ne ad

ad id obligetur, ad quod obligare sibi eundem voluit pars altera. Clausula igitur hæc arcet omnes conjecturas, quibus alias locus concedi facile poterat, consequenter lites præcavet circa interpretationem forsân suboriturâs ac fidem fallacem manifestat, ubi quis verba aliter interpretari voluerit, quam debebat.

§. 476.

In pactis & promissis interpretandis non admittendæ sunt reservationes mentales. Etenim per reservationes mentales animo audientis falsa ingeneratur opinio, eademque sensum verborum detorquent in huic contrarium (§. 231. part. 3. Jur. nat.). Quodsi ergo paciscentibus liberum fuerit reservationibus mentalibus uti, pars una alteram intelligere nequit. Quamobrem cum paciscentes ita loqui obligentur, ut a se invicem intelligi possint (§. 467.); reservationibus mentalibus in pactis nullus conceditur locus. Enimvero qui pacta & promissa interpretatur, in mentem promittentis inquirat (§. 459.), consequenter explicat, quomodo verba paciscentium sint intelligenda. In pactis adeo atque promissis interpretandis non admittendæ sunt reservationes mentales. De reservationibus mentalibus.

Huc refero exemplum Locrorum, quod affert *Grotius* de J. B. & P. lib. 2. c. 16. §. 2. ex *Polybio* lib. 12. c. 4. Cum enim hi polliciti essent se pactis staturos, quamdiu terram hanc insisterent & capita humeris gestarent, eam intellexerunt terram, quam calceamentis suis injecerant, & capita aliorum, quæ humeris suis imposuerant; utique per reservationem mentalem (§. 231. part. 3. Jur. nat.). Atque adeo putabant, se ab obligatione esse liberatos, cum terram calceamentis injectam & aliorum capita humeris suis imposita abjicerent. Immo huc etiam referre licet exemplum *Bæotorum* apud *Thucydidem* lib. 5. qui urbem polliciti reddere, evertam reddiderunt.

§. 477.

De cavillationibus in intentioni promissariis, non licet eum perducere ad alium intentioni interpretanti illius e diametro contrarium. Quod si enim intentio promissarii fuerit manifesta, per eam patet, quid sibi promitti voluerit. Quamobrem si quis sensus verborum manifesto conveniat intentioni promissarii, promissor eidem promississe intelligitur, quod sibi promitti voluit (§. 428. part. 3. Jur. nat.). Quoniam itaque promissa sunt servanda (§. 431. part. 3. Jur. nat.); non ita interpretari licet verba, quibus promissum, ut promissio eludatur. Quoniam itaque hoc contingit, si sensus verborum intentioni promissarii manifesto conveniens perducatur ad alium intentioni ejusdem e diametro contrarium, hoc facere minime licet.

Astiusmodi cavillationes in interpretandis pactis, quæ fides tuetur (§. 760. part. 3. Jur. nat.) & a quibus fraus omnis procul abesse debet (§. 149. part. 5. Jur. nat.), minime ferendæ: immo dedecet virum bonum cavillationibus decipere alterum, qui dictis fidem habet. Exemplum præbet *Mahomet* Turcarum imperator, qui cum Eubœa capta alicui promississet, caput ipsi fore incolume, medium dissecari iussit. Huc etiam referendum, quod *Temures* cum præfidiariis urbis *Sebastiæ* pactus, ut urbe dedita sanguis non effunderetur, captivos vivos defodi curavit. Nimirum nemo non videt, in casu utroque pacificentes non aliud intendisse, quam ut vitæ ipsorum parcèretur. Verba promittentium sensum huic intentioni convenientem fundebant; a promittentibus autem in sensum eidem prolixius contrarium perducebantur.

§. 478.

De interpretatione terminum technicorum, seu definitionibus prudentum cujusque artis, seu accipienda in significatione minorum in apud eos recepto in pactorum interpretatione, nisi adsint rationes

nes urgentes in contrarium. Etenim paciscentes præsumuntur *technico-* verba accepisse in significato recepto, quamdiu non prostant *rum.* rationes urgentes in contrarium (§. 469.). Quamobrem cum promissa & pacta interpretaturus investigare debeat mentem paciscentium, quam verbis suis significare voluerunt (§. 459.); in iis interpretandis non recedendum est a significato apud prudentes artis cujusque recepto, consequenter si definitiones prostant apud eosdem, cum per eas terminos explicari constet (§. 152. *Log.*), per eas utique explicandi erunt termini technici.

Non termini omnes in Scientiis ac Artibus definiuntur, sicuti fieri debebat, adeoque per definitiones artis peritorum non semper explicari possunt: alio igitur modo investigandus est significatus receptus, quemadmodum fieri solet in sermone communi, ubi definitione quoque carent vocabula. Quodsi contingat, terminos technicos non eodem prorsus modo ab omnibus defini, vel etiam vagum eorundem esse significatum, quemadmodum in sermone communi; interpretatio alias requirit conjecturas, de quibus in sequentibus dicetur.

§. 479.

Si vocabula aliquid secundum gradus significant; definitio-De vocabu-
ni eorum in interpretatione non semper stricte inhaerendum; sed aliquid
sed orationi, cujus pars est vocabulum explicandum, conveniens secundum
definitio formanda. Etenim si vocabula significant aliquid *gradus si-*
secundum gradus, definitiones fieri solent ac debent, prout gnificanti-
res sunt in gradu perfectissimo. Quoniam tamen voca-
bulis istis non semper utimur in eo significato, ut deno-
tent res, quales sunt in gradu perfectissimo, in interpre-
tatione autem mentem loquentis investigare debemus (§.
459.); vocabula quoque ista in interpretatione per defini-
tiones eorum, quæ dantur, explicare minime licet, adeo-
que

que iisdem strictè inhærendum non est, consequenter dispi-
ciendum, quænam immutanda sint, ut definitio conveniat ora-
tioni, cujus pars est vocabulum, adeoque isti conveniens
definitio formanda.

E. gr. Ponamus ita conventum fuisse, ut standum sit judi-
cio philosophi cujusdam. Quodsi vocabulum philosophi ex-
plicare velis per definitionem, qualem dari oportet in Philo-
sophia, nullibi terrarum reperire darur philosophum, cui de-
finitio, quæ philosophum in gradu perfectissimo repræsentat,
competit. Quamobrem per philosophum intelligi debet vir
doctus, qui præsumitur habere scientiam istius rei, de qua sta-
tuendum, seu judicium ferendum. Neque enim aliud inten-
dissent videntur contrahentes, cum alias ipsorum negotium exi-
tum habere non posset.

§. 480.

Quid sit

Homonymia
& *Amphibo-*
lia.

Sicuti diversus ejusdem vocis significatus *Homonymia*,
five *Æquivocatio* dicitur (§. 326. Log.); ita significat comple-
xionis plurium vocum, seu integræ orationis significat *Amphi-*
bolia vocatur. Quamobrem si *homonymia*, vel *amphibolia ser-*
monem obscurum reddit, ex verborum significatu proprio *interpre-*
tatio fieri nequit, quoniam nimirum determinandum est, quæ-
nam ex pluribus significationibus in præsentem locum habeat,
ubi singulæ fuerint repertæ. Unde patet, si *lateat homonymia*
in vocibus singulis, vel *amphibolia in complexione plurium vo-*
cum, seu *integra oratione*; in *interpretatione inquirendum esse*
in diversos significatus, quos *vocabulum*, vel *complexio verborum*
habere potest, ac *postea investigandum*, quanam *illarum signifi-*
cationum in interpretatione sit sumenda.

Homonymiam fecit partim vocabulorum indigentia, quip-
pe quæ necessitatem imposuit eodem res plures indigentia
vocabulo; partim consilium ac propositum dicentis, qui ele-
gantiam in oratione querens metaphoris & metonymiis uti
voluit;

voluit; partim etiam incuria, quod ad proprium significatum non semper attendunt loquentes. Amphibolia sæpe inest sermoni, etiamsi verbis, ex quibus constat, nulla inest æquivocatio, veluti si adfit ellipsis, nec quod omissum est, facile suppleri possit, aut adfit pleonasmus, qui ellipsi opponitur. Sed de causis amphiboliæ ex instituto dicere jam nostrum non est.

§. 481.

Si idem verbum, aut eadem verborum complexio plures habet significatus, & in aliqua oratione bis vel aliquoties occurrit; in interpretatione non idem semper significatus retineri potest. De homonymia & amphibolia ea. Quodsi enim idem verbum, aut eadem verborum complexio dem aliquoties occurrat, plures habeat significationes, nil obstat, quo minus aliquis in una orationis parte verbum istud vel verborum istam complexionem in hoc significato accipiat, in parte alia in alio, prout commodum acciderit, vel casus tulerit, cum ad id attentus, quod nunc loquitur, non animum advertat ad id, quod ante dixerat. Quamobrem cum interpretes mentem dicentis investigare debeat (§. 459.), consequenter inquirere, quidnam per verba, quibus eam indicavit, significare voluerit (§. cit.); non licet eidem vocabulo vel eidem verborum complexioni, quoties occurrit, eundem imponere significatum. Quodsi itaque idem verbum, aut eadem verborum complexio plures recipiat significatus, & in aliqua oratione bis vel aliquoties occurrat; in interpretatione non idem semper significatus retineri potest.

Si vocabulum aliquod fuerit homonymon, non tamen in eadem oratione semper adhiberi in eodem significato, experientia satis constat. E. gr. feudum sumitur tum pro jure, quod competit vasallo in re feudali, tum pro ipsa re feudali. Nunc igitur in significato priori, nunc in posteriori accipi in eadem oratione potest. Quamobrem in interpretando dispiciendum, num accipiat pro jure, an pro re feudali, ne vel perversa,
 (Wolffii Jur. Nat. Pars VI.) Uu vel

vel contorta, vel prorsus absurda prodeat interpretatio. Similiter tutela nunc de jure tutoris, nunc de munere accipitur, nec repugnat, ut in eadem oratione in utroque significato diversis locis accipiat. Quamvis adeo certum satis fit, in uno loco vocabulum esse accipiendum pro jure, non tamen ideo in altero quoque loco, ubi idem occurrit, pro jure tutoris accipiendum. Quolibet igitur pars orationis sigillatim interpretanda, nec ad reliquam est referenda.

§. 482.

De significatione materiae conveniēte in homonymia & amphibolia.

Si obscuritas oritur ex homonymia vel amphibolia; significatus conveniens materiae, de qua agitur, praefendus ceteris. Quod si enim vocabulum ob homonymiam vel verborum quorundam complexio ob amphiboliam plures habuerit significatus (§. 480.); dicens animum ad eum advertisse intelligitur, qui ipsi succurrere potuit. Quoniam igitur de re cogitanti succurrunt vocabula eidem denotandae destinata (§. 273. Psych. empir.); quando de materia, de qua agitur, cogitat dicens, vocabulum ipsi succurrit tanquam signum ei indigitando aptum, quod materiae convenit. Atque adeo patet non de alio significato tum cogitasse dicentem, quam qui materiae, de qua agitur, convenit, consequenter si obscuritas oritur ex homonymia vel amphibolia, significatus conveniens materiae, de qua agitur, praefendus.

Supponitur nimirum, abesse omnem fraudem, ne quis homonymia, vel amphibolia alterum, cui loquitur, decipere intendat. Quilibet enim sumitur ideo locutus esse, ut ab altero intelligi voluerit, & quando de pactis & promissis agitur, ita loqui debuit, ut ab altero intelligi potuerit. Quoniam igitur ea, de quibus dicere volumus, ante obversantur menti nostrae, quam verba, quibus indigitanda, nobis succurrunt; utique non alia iisdem indigitare voluimus, quam quae materiae, de qua mentem nostram exprimimus, conveniunt. Hinc vulgo dicitur: *Verba intelligenda esse secundum substratam materiam.* Exempla plura affert Grotius de J. B. & P. lib. 2. c. 16.

§. 5.

§. 5. nobis sufficiant sequentia. Vox diei vel pro ea temporis parte, qua sol supra horizontem moratur; vel pro intervallo temporis, quod est viginti quatuor horarum, seu quod effluit interea, dum sol a fixo quodam cæli puncto digressus ad idem redit. Quodsi triginta dierum induciæ fuerint pactæ, cum induciarum tempore suspendi debeant actus bellici, æquis non videt, induciis convenire, ut non modo suspendantur interdium, verum etiam noctu, consequenter dies hic intelligi debere, qui viginti quatuor horis definiuntur. Significatus adeo posterior, qui materiæ convenit, in interpretando priori præferendus, ut adeo nec noctu facere liceat, quod tempore induciarum fieri nequit. Hominis vox sumitur tam de homine vivo, quam mortuo. Quodsi quis promittat, se homines captivos reddere velle; is intelligitur promississe, quod vivos reddere velit. Quando enim convenitur de hominibus captivis reddendis, de vivis agitur, non de mortuis. Hinc in casu priori frivola erat cavillatio *Cleomenis*, qui aliquot dierum inducias pactus cum Argivis, noctu dormientes aggressus partim necavit, partim cepit, quod induciæ tantummodo pactæ fuissent in dies, non vero simul in noctes. Et ejusdem farinae in casu posteriori erat cavillatio *Plataensium*, qui cum Thebanos captivos reddere promississent, mortuos reddidere. Ferrum non modo sumitur pro metallo notissimo, sed & pro iis rebus, quæ ex metallo confectæ sunt, veluti pro gladiis. Quodsi conveniatur, ut milites ferrum deponant, id intelligendum est de gladiis, cum de militum armis, cum pacifceretur, cogitatum sit, adeoque hic significatus materiæ conveniat. *Pericles* itaque cum hostium quibusdam ita pactus, ut ipsi ferrum deponerent, eos pacti violatè perperam insinulavit, quod non deposuissent fibulas ferreas, quas in laciniis vestimentorum gerebant. Pars dimidia navium intelligi potest tam de divisione navium integrarum, ita ut, si duodecim fuerint naves, partem dimidiam constituent sex; vel de divisione sectarum, ita ut in eodem casu singularum navium partes dimidiæ numero duodecim constituent partem dimidiam illarum. Quando convenitur cum hoste, ut navium captarum partem dimidiam restituat; cum non alio sine sic

conventum fuerit, quam ne omnium jacturam faciat, qui partem dimidiam sibi restitui vult, satis patet materiae convenire, ut pars dimidia navium intelligatur de divisione integrarum. Accedit, quod hanc interpretationem probet regula de sensu intentioni paciscentis conveniente non reducendo ad alium eadem e diametro contrarium (§. 477.). In interpretando enim plures subinde regulæ eidem interpretationi favent, tumque ea tanto manifestior est. Ita autem improbe lufit *Q. Fabius Labeo*, qui, cum *Antiochus* partem navium dimidiam eidem tradere deberet, singulas naves dissecuit. Simili modo cavillati sunt *Campani*, qui cum dimidiam armorum partem hosti tradere promississent, dissectis armis singulorum dimidium eos accipere iusserunt. Huc etiam refert *Puffendorfius* lib. 5. c. 12. §. 7. exemplum *Rhadamasti* apud *Tacitum* Ann. 12. qui cum *Mithridati* jurasset, se ei nec veneno, nec ferro vim allaturum, mox eum injecta multa veste necavit. Enimvero cum hic obscuritas non oriatur ex homonymia, vel amphibolia, nisi forsitan eandem arcessere velis a metonymia; ego mallem exemplum hoc potius reducere ad regulam superiorem (§. 477.), ad quam modo provocavimus. Etenim *Mithridatis* cum *Rhadamisso* paciscentis, ne vim veneno, aut ferro inferret, non alia fuit intentio, quam ut incolumis servaretur. Id nimirum voluisse intelligitur, ut nec vi manifesta, nec clandestina vita privaretur. Præstat omnino ad præscindendas cavillationes mentem suam satis determinate exprimere, ut nulla interpretatione sit opus (§. 460.): sed quoniam hoc non semper fieri facile potest, ac propterea interpretationem rectam tuetur ipsum Jus naturæ (§. 466.), ideo cavillationes non minus illicitæ sunt, quibus ex verbis ambiguus quæritur prætextus, quam si prætextu istiusmodi destituerentur.

§. 483.

*De vitando
absurdo in
interpreta-
tione.*

Et interpretatio rejicienda, ex qua absurdum aliquid sequitur. Quoniam enim nemo præsumitur velle absurdum; quod per se patet; nemo quoque præsumitur verba, quibus animæ suæ sensû indicavit, ita intelligi voluisse, ut absurdum aliquid

aliquid inde consequatur. Quoniam ergo interpretando verba alterius inquiritur, quidnam per ea significare is voluerit (§. 459.); ea interpretatio rejicienda est, ex qua absurdum aliquid sequitur.

Absurdum dicitur non modo, quod physice impossibile; verum etiam quod a ratione alienum, ut nemo sanus vel prudens id velle dici possit. Exemplum esse potest statutum Bononiense, quod refert *Puffendorfius* loc. cit. §. 8. (not. §. 482.); ut, quicumque in platea alteri sanguinem elicuerit, gravissimas pœnas daret. Ex ea enim lege delatus aliquando fuit barbitonsor, qui alicui in platea venam secuerat. A ratione nimirum maxime alienum est, ut quis graves det pœnas, quod venam alicui secuerit in platea, cum nihil inde damni redundet neque in publicum, neque in hominem privatum, consequenter ratio nulla sit, cur venæ sectio in platea facta pœnam gravem mereatur. Illustre exemplum occurrit in l. 13. §. 2. ff. de excusat. ubi Divus *Marcus* ad excusationem tutori, qui in ipsa civitate est, vel intra centum milliaria, quinquaginta dies dedit: ei vero, qui ultra centum milliaria habitat, in unamquamque diem numerari iussit viginti milliaria, & extra hos alios triginta dies adjecit ad excusationem. Quodsi verba simpliciter accipere velis, prouti sonant; sequetur inde hoc absurdum, quod in deteriori ordine esse debeat, qui longius habitat, eo, qui intra centum milliaria est, vel in ipsa civitate. Pone enim alicujus habitationem centum sexaginta milliaria abesse. Cum is octo dierum spatium habeat centum sexaginta milliariorum nomine, triginta vero eo, quod ad excusationem faciunt; non erunt ei nisi dies triginta octo, cum ei, qui intra centum milliaria est, dati sint dies quinquaginta. Absurdum hoc ut evitetur, *Scavola, Paulus & Ulpianus* mentem legislatoris ita interpretantur, quod is voluerit, ut nunquam alicui minus detur quinquaginta dierum spatium; tunc autem longius, cum annumeratio dierum, qui in viam computantur, adjectis triginta diebus, qui ad excusationem dantur, excedit quinquaginta dies. Exemplum hoc afferunt, ut interpretatio ista facilius intelligatur.

tur. Ponamus aliquem quadringentis quadraginta milliariis habitare: hic enim viæ quidem habebit dies viginri duos, ad excusationem autem alios triginta.

§. 484.

*Idem porro
expenditur.*

Quoniam ea interpretatio rejicienda, ex quo absurdum aliquod sequitur (§. 483.); si verborum significati stricte inharendo sequatur aliquod absurdum, ita facienda interpretatio est, ut absurdum istud evitetur.

Atque hic valet regula, magis spectandam esse mentem dicentis, quam verba: ad quam nos ducit intentio ejus ex materia vel aliis circumstantiis colligenda (§. 477.). Exempla, quæ modo dedimus (nos. §. 483.), aperte loquuntur, quomodo facienda sit interpretatio, ut absurdum evitetur. Modo enim constat, quidnam absurdum ex significato vocum recepto sequatur; in casu particulari haud difficile erit reperire, quomodo absurdum evitari possit, consequenter quænam mens fuerit dicenti, etiam si non satis circumspicte verbis eandem expresserit. Quodsi absurdum animadvertisset, quod certo casu consequitur, qui minus circumspicte locutus, dubium non est, quin aliis verbis mentem suam expressisset.

§. 485.

*De nullitate
in interpre-
tando non
admittenda.*

Ea interpretatio non admittenda, qua stante sequitur, nihil actum esse. Etenim nemo prudens velle præsumitur, ut nihil actum sit, dum negotium aliquod gerit, veluti dum cum altero paciscitur, vel eidem quidpiam promittit, aut legem quandam præscribit: quod nemo sanus in dubium vocaverit, præsertim cum constat, nos naturaliter esse obligatos nil temere facere aut loqui (§. 278. part. 3. Jur. nat.). Quoniam itaque interpretando verba alterius inquiritur, quidnam per ea significare voluerit (§. 459.); non ita eadem interpretari licet, ut stante interpretatione nihil actum esse sequatur, consequenter interpretatio istiusmodi non admittenda. Exem-

Exemplum illustre præbet casus apud *Quintilianum* de-
clam. 332, quem hisce verbis describit. Pauper & dives ami-
ci erant. Dives testamento alium amicum bonorum instituit
hæredem: pauperi iussit dari id, quod ille sibi testamento da-
ret. Apertæ sunt tabulæ pauperis: omnium bonorum insti-
tuerat hæredem. Petit totam divitis hæreditatem. Ille, qui
scriptus erat, vult dare tantum, quantum in censum habet pau-
per. Quodsi valeat interpretatio pauperis, ut ea mens fuisse
dicatur diviti, quod hæreditatem totam habere debeat pauper,
si omnium bonorum hæredem ipsum instituerit; institutio
hæredis scripti nullum haberet effectum, adeoque nihil egisset
dives, dum eum hæredem instituit. Pauperis itaque interpre-
tatio admitti nequit. Ita *Brasidas* apud *Thucydidem* lib. 4. cum
promississet se agro Bæoto decessurum, male negabat agrum es-
se Bæotum, quem exercitu insideret. Admissa enim hac in-
terpretatione, nihil actum erat, cum ita conveniretur, ut agro
Bæoto decederet *Brasidas*. Huc etiam pertinet casus apud
Carpozovium part. 3. const. 20. def. 5. quo inter virum & uxo-
rem in pactis dotalibus conventum fuerat, ut uxor superstes
certam portionem ex bonis mariti habeat, maritus vero eidem
in testamento aliquid legaverat. Quando enim quæritur, an
legatum hoc in portionem pactis dotalibus comprehensam com-
putari debeat; ubi hoc affirmare volueris, legando nihil actum,
adeoque hæc interpretatio, quasi ea fuerit mens legantis, ad-
mittenda non est.

§. 486.

Quoniam ea interpretatio non admittenda, qua stante *Idem* porro
sequitur, nihil actum esse (§. 485.); si verborum significatui expenditur.
*strictè inhærendo sequatur nihil actum esse, ita facienda interpreta-
tio, ut aliquid actum sit, vel ut res, de qua agitur, valeat, non pereat.
Idem valet, si ambigua fuerit oratio.*

Convenit hoc cum l. 12. ff. de reb. dub. Quoties in acti-
onibus aut in exceptionibus ambigua oratio est; commodissi-
mum est id accipi, quo res, de qua agitur, magis valeat, quam
pereat.

pereat. Hinc in casu apud *Quintilianum*, quem modo memoravimus, facienda interpretatio, ut hæres scriptus tantum det pauperi, quantum ipse in censum habet. Et in casu secundo dicendum, *Brasidæ* fuisse decedendum agro, quem exercitu infidebat; in tertio autem, viduæ una cum portione in pactis dotalibus conventa deberi legatum. Enimvero si interpretatio ita facienda, ne nihil actum sit, vel ut evitetur absurdum; contingere potest, ut non una sit interpretatio, qua absurditas, vel nullitas vitatur. Ex aliis itaque regulis tum dijudicandum, quænam eligi debeat. Immo etiam si vi regulæ præsentis eliciatur statim interpretatio menti dicentis conveniens; in casu tamen particulari particulares dantur rationes, quæ interpretationem confirmant. Cumque rationes speciales apertius ostendant mentem dicentis, eadem negligendæ non sunt. Ita in exemplo primo facile patet, testatorem magis favisse hæredi scripto, quam legatario, consequenter præsumi minime posse, quod voluerit, ut ex asse hæres sit pauper, si se hæredem omnium bonorum suorum instituerit. Similiter haud obscure colligitur; testatorem voluisse, ut sit æqualitas inter legatum & id, quod a paupere amico sperare poterat, siquidem ei supervivisset. Et in casu *Brasidæ* constat, agrum, quem quis exercitu infidet, nondum esse suum. Similiter in tertio maritus favisse intelligitur uxori, adeoque voluisse, ut plus haberet, quam ex pactis dotalibus ipsi deberetur.

§. 487.

De interpretatione ex conjunctionis origine.

Si qua obscure dicuntur, in antecedentibus vel consequentibus, vel alio loco & occasione sine obscuritate dicta sunt; ea, quæ obscure dicuntur, ita interpretanda sunt, ut cum verborum periculis origine. spiciorum significatione conveniant. Etenim ubi manifestum non est, aliquem voluntatem suam mutasse, idem velle quis præsumitur, ubi obscure dicit, quæ velit, quam ubi idem sine obscuritate dixit. Quamobrem cum verba ita interpretanda sint, ut quænam fuerit mens dicentis appareat (§. 459.); si quæ obscure quis dixit, in antecedentibus, vel consequentibus,

ibus, vel alio etiam loco & occasione idem dixit sine obscuritate, quin ista interpretanda sint, ut cum horum significatione convenient dubitandum non est.

Grotius tres locos memorat lib. 2. c. 16. § 4. ex quibus voluntatis conjecturæ petuntur, materiam, effectum & conjuncta. De iis, quæ petuntur ex materia, diximus §. 482.; de iis vero, quæ ex effectu desumuntur §. 483. & seqq. Restat ut etiam dicamus de iis, quæ ex conjunctis derivantur. *Conjuncta* vero vocantur, quæ de re eadem, vel affinitatem quandam cum ea habente ab eodem dicuntur. Et *origine conjuncta* appellat *Grotius*, quæ ex eadem voluntate proficiuntur, etiam si alio loco & occasione dicta: *conjuncta origine & loco* vero, quæ ex eadem voluntate proficiuntur in eodem loco dicta. Hæc ideo annotare libuit, ut, quæ hic demonstrantur, cum iis, quæ *Grotius* tradit, facilius conferri possint. Theologi dicunt, *sensum erui ex contextu*, si eorum, quæ obscurius dicta sunt, sensus investigatur ex collatione cum antecedentibus & consequentibus: aut *ex locis parallelis*, si quæ in uno loco obscurius dicta videntur, explicantur per ea, quæ alio in loco conspiciuntur de eadem materia dicuntur. *Interpretatio ex contextu* eadem est cum interpretatione ex conjunctis origine ac loco; *interpretatio vero per loca parallela* eadem cum interpretatione ex conjunctis origine tantum, sed non etiam loco. De prior interpretatione loquitur *Augustinus* contra *Adamantium* c. 42. Quando: particulas, inquit, quasdam de scripturis eligunt, quibus decipiant imperitos, non connectentes ea, quæ supra & infra scripta sunt, ex quibus voluntas & intentio scriptoris possit intelligi. De posteriori *Cicero* intelligendus de inventione l. 2. quando scribit: qua in sententia scriptor fuerit, ex ceteris ejus scriptis, ex factis, dictis, animo atque vita ejus sumi oportebit.

§. 488.

*Ita facienda interpretatio est, ut inferiora & superiora sex-
tus inter se concordent, nisi manifesto appareat, per inferiora su-
(Wolfii Jur. nat. Pars VI.) Xx perio-*

periora fuisse mutata. Etenim non modo nemo velle præsumitur, quæ sibi mutuo contrariantur; verum etiam, quæ quis dicit, nunc ad antecedentia, nunc ad consequentia refert, ut adeo nonnisi per superiora intelligantur, vel per inferiora explicentur. Quamobrem si verba ejus intelligere volueris, necesse est, ut nunc antecedentium, nunc consequentium, nunc utrorumque rationem habeas, adeoque quæ dicuntur cum superioribus & inferioribus conferas. Quoniam itaque intellectum verborum quæris, ubi ea interpretari volueris (§. 459.); ita facienda interpretatio est, ut inferiora & superiora textus inter se concordent. *Quod erat unum.*

Quodsi vero & superiora, & inferiora adeo clara fuerint, ut per se intelligi possint, atque adeo manifesto appareat, inferiora aliam indicare mentem dicentis, quam superiora (§. 459.), consequenter superiora per inferiora fuisse mutata (§. 290. *Ontol.*); standum utique est eo, quod posterius placuit. Atque adeo interpretatio tum ita facienda non est, ut inferiora cum superioribus concordent. *Quod erat alterum.*

Homines amant brachyologiam. Quodsi ergo ipsorum intentio ex antecedentibus fuerit satis manifesta, ut per eam, quæ dicuntur, intelligantur, etiam si non satis determinate mentem suam exprimat; ita loqui solent, ut verba extra contextum spectata in alium sensum a mente ipsorum alienum facile detorqueri possint, aut obscura videantur, quæ ad antecedentia relata satis perspicua sunt. Paret etiam subinde per antecedentia satis determinate materia, de qua agitur, quæ si rite expendatur lucem affundit verbis in sequentibus, quæ per se obscuriora videntur. Similiter quando ipsimet prævidemus, ex his, quæ dicimus, alios non sufficienter mentem nostram perspiciuros, vel etiam contingere posse, ut verba in alienum sensum non sine quadam specie detorqueantur; ex addere solemus in sequentibus, quæ ambiguitatem omnem tollunt. Im-

mo subinde etiam ipsa materia, de qua agitur in superioribus, lucem affundit ei, quæ occurrit in inferioribus, vel contra, quatenus concordia spectanda est five in affirmando, vel negando, five in volendo. Quodsi vero manifestum fuerit, non dari inter superiora ac inferiora concordiam; contra evidentiam nulla valet præsumtio. Consentit cum propositione præsentem *Celsus* l. 24. de LL. ubi: incivile est, inquit, nisi tota lege perspecta, una aliqua particula legis proposita judicare & respondere. Differt autem propositio præsens a præcedente. In præcedente nimirum supponitur, idem in uno loco obscurius dici, in alio autem verbis magis perspicuis efferri. Ast in præsentem saltem supponitur, dari affinitatem quandam inter ea, quæ superiori loco extant, & ea, quæ inferius occurrunt, ut unum alteri intelligendo rectius inserviat. E. gr. Ponamus Titium tibi debere viginti modios tritici. Postea conveniri, ut loco tritici solvatur avena, non expressa quantitate. Conventio posterior foret sola, seu in se spectata inutilis, cum nulla quantitate expressa non constet, quid sit solvendum. Enimvero si conventio posterior referatur ad priorem, quam utramque eidem instrumento insertam supponere libet; ex quantitate tritici, quæ debebatur, facile determinatur quantitas avenæ ejus loco solvendæ, cum constet de ratione pretii avenæ ad pretium tritici, qualis scilicet fuerit tempore novationis, vel communiter statuitur, siquidem de illa non satis constet.

§. 489.

*Si certo constet, quamnam ratio unice moverit voluntatem al-
terius, seu cur hoc voluerit; verba ita interpretanda sunt, ut voluntatis
eidem convenient.* Etenim si certo constet, quamnam ratio indicio in
unice moverit voluntatem alterius; tum nobis manifestum interpretan-
est, cur hoc, de quo quaeritur, quomodo intelligendum sit, de
voluerit. Id igitur voluisse dicendus est, quod stante ratio-
ne ista velle potuit ac debuit. Quamobrem cum hæc sit
mens ejus, quam verbis exprimere voluit (§. 459.); ita

omnino verba interpretanda sunt, ut rationi, quæ unice movit voluntatem ejus, cujus mens investigatur, conveniant.

Ita donatio propter nuptias non valet, & jam facta revocari potest, quando nuptiæ non sunt consecutæ. Etenim ratio unica, cur promissa fuerit donatio, vel etiam actu facta, fuerunt nuptiæ: quodsi ergo eadem non fuerunt secutæ, cessante ratione, cur quid promissum, vel etiam datum fuerit, cessare etiam debet donandi voluntas, & in casu posteriori ea intelligitur fuisse voluntas donantis, ut restituatur quod datum, nisi nuptiæ subsequantur. Recte huc refert casum, qui proponitur ab Autore ad *Herennium*, *Puffendorfius* lib. 5. c. 12. §. 10. Lex est, qui propter tempestatem navim reliquerunt, omnia perdant: eorum navis ceteraque sint, qui in navi remanserint. Magnitudine tempestatis omnes perterriti navim reliquerunt & in scapham conscenderunt, præter unum ægrotum, qui propter morbum exire & fugere non potuit. Casu navis in portum incolumis delata est. Illam ægrotus possidet. Navim petit ille, cujus fuerat. Nemo non videt, rationem hujus legis unicam fuisse, ut, qui navis servandæ causa periculum vitæ subit, præmio aliquo gaudeat, eoque incitetur ad vires omnes in navim conservandam impendendas, & ne quocumque metu impulsus navem deserant, qui eam servare potuissent, si mansissent. Stante autem hac ratione, non ea dici potest fuisse mens auctori legis, ut navim haberet, qui in ea remanere coactus ad eam servandam nihil conferre potuit. Ægrotus itaque eandem prætere non potuit. Natus propositio præsens principio ontologico, quod posita ratione sufficiente, ponatur id, quod propter eam potius est quam non est. (§. 118. *Ontol.*). Hinc enim sequitur, posita ratione unica, propter quam quis quidpiam voluit, ponendum quoque esse id, quod vi illius potius voluit, quam non voluit. Præsens itaque propositio fundamento tam firmo ac inconcusso innixa maximam vim habet in interpretando. Consentit cum propositione præsentis trium illud: Cessante ratione legis, cessat lex.

§. 490.

Si plures fuerint rationes, quæ nonnisi conjunctim mouerunt voluntatem, ita ut ob unam earum, quod quis voluit, idibus pluribus non voluisset; ita facienda interpretatio, ut nonnisi iis conjunctim, junctim conveniat. Quodsi vero plures fuerint rationes, quæ vel divisim divisim mouere potuerunt voluntatem, ita ut ob unam quamlibet earum solam idem voluisset, quod ob eas simul voluissent; interpretatio ita facienda, ut singulis divisim conveniat.

Etenim si plures fuerint rationes, quæ nonnisi conjunctim moverunt voluntatem, ita ut ob unam earum, quod quis voluit, id non voluisset; omnes istæ conjunctim sumtæ sunt ratio sufficiens, cur quis quidpiam voluerit (§. 56. *Ontol.*). Quamobrem cum posita ratione sufficiente, ponatur id, quod propter eam potius est, quam non est (§. 118. *Ontol.*); positis rationibus istis conjunctim ponitur voluntas. Atque adeo eadem simul sumtæ sunt unica illa ratio, quæ voluntatem moverunt. Quoniam itaque, si certo constet, quænam ratio unice moverit voluntatem, ita facienda interpretatio, ut eidem conveniat (§. 489.); Si plures fuerint rationes, quæ nonnisi conjunctim moverunt voluntatem, ita ut ob unam earum quod quis voluit non voluisset, ita facienda interpretatio, ut nonnisi iis conjunctim conveniat. *Quod erat unum.*

Quodsi vero plures fuerint rationes, quæ divisim mouere potuerunt voluntatem, ita ut ob unam earum idem voluisset, etiamsi de altera non cogitasset; quælibet earum spectanda est tanquam ratio unica, quæ voluntatem movit, seu, quod perinde est, tanquam ratio sufficiens, cur id voluerit. Quamobrem cum ita facienda sit interpretatio, ut conveniat rationi, quam unicam esse constat, ob quam quis quidpiam voluit (§. 489.); si plures fuerint rationes, quæ divisim mouere potuerunt voluntatem, ita ut ob unam earum

rum solam idem voluisset, quod ob eas simul voluit, interpretatio ita facienda, ut singulis divisim conveniat. *Quod erat alterum.*

Ratio, quæ movet voluntatem, sufficiens esse debet, cum ea posita ponatur volitio (§. 118. *Ontol.*). Ratio autem sufficiens vel simplex esse potest, vel composita. Nec obstat quicquam, quominus subinde dari possint rationes sufficientes plures ejusdem volitionis,

§. 491.

De verbis Si verbum quoddam, vel verborum quaedam complexio sumitur cum relatione ad aliquid; significatus, quem habet, quando simpliciter ad aliquid citetur sumitur, ita immutandus, ut relationi illi conveniat. Nimirum quando verbum cum relatione ad aliquid sumitur, cum eandem connotet, necesse est, ut significatus ejus aliquid ab ea trahat, adeoque idem subsistere nequit, quem simpliciter sumtum habet. Necesse igitur est hunc ita immutari, ut relationi ad aliud, cum qua sumitur, conveniat.

E. gr. Major anni pars, quando verba simpliciter accipiuntur, denotat temporis spatium, quod sex menses superat. Enimvero quando duo contendunt de possessione, cui debeatur, l. 156. de V. S. majore anni parte possedisse quis intelligitur, etiamsi duobus mensibus possederit, si modo adversarius ejus aut paucioribus diebus, aut nullis possederit. Tum enim major anni pars sumitur cum relatione ad tempus, quo adversarius possedit, quod minor anni pars est, quam tempus, quo possedit alter, vel etiam nulla, quatenus scilicet tempus nullum spectatur tanquam terminus, unde spatium annum incipit, adeoque instar principii, sicuti Mathematici in serie numerorum naturali tam positivorum, quam negativorum primo loco ponunt cyphram, seu 0, supra quam continua unitatis additione crescunt numeri positivi, & infra quam eodem modo

modo decreſcunt privatiui. Pendet veritas propoſitionis præſentis a principiis Grammaticæ univerſalis. Quodſi enim quis omnem artem interpretandi methodo demonſtrativa tradere vellet; iſ ſupponere deberet Grammaticam univerſalem atque Rhetoricam, & Logicam tam demonſtrativam, quam probabilitium eadem methodo in formam ſcientiæ redactam. Ita nimirum haberemus ſcientiam generalem interpretandi. Quodſi vero porro deſideraretur ſpecialis linguæ cuidam propria; Grammatica ſpecialis in ſubſidium vocanda foret, ut inde peterentur principia linguæ iſti propria. Viam hanc ingreſſus eſt *Joannes von Selde* in Tractatu de Scientia interpretandi cum in genere omnes alias orationes, tum in ſpecie leges Romanas, opere quinquaginta & quod excedit annorum. Ipſe tamen ingenue fatetur, ſe nondum penitus abſolveſſe omnia, quæ dicenda fuerunt. Cum lex naturæ nos obliget ad actionum rectitudinem (§. 189. part. 1. *Phil. præſt. univ.*); dubium non eſt, quin etiam nos obliget ad rectitudinem in interpretando: quod in pactis & promiſſis tanto evidentius patet, quia in iis adimplendis ſine recta interpretatione legi naturæ ſatisfieri haud raro non poteſt. Quoniam vero in actione humana recta nihil deſiderari debet ex parte intellectus (§. 79. part. 1. *Phil. præſt. univ.*); autoritate legis naturæ pro recta haberi nequit interpretatio, niſi quæ ita ſeſe habet, ut ex principiis antea dictis demonſtrari poſſit. Equidem non nego fieri poſſe non una de cauſa, in quam nobis jam inquirendum non eſt, ut abſque ſcientia, quam diximus, interpretandi recta ſæpius fiat interpretatio, quemadmodum bene ſæpiſſime ratiocinantur, qui Logicam artificialem non didicerunt, naturali contenti; quemadmodum tamen propterea Logica artificialis non eſt inutilis, ac minus recte damnatur ab ignorantibus, ita quoque Hermeneutica artificialis, quæ nomen ſuum tuetur, non eo nomine damnanda, quod ſine ea in rectas quoque interpretationes inciderint interpretes caſu temerario. Neglectus ſolidioris ſcientiæ interpretandi quantum noceat, abunde docet copia diſputantium & pugnantium ſententiarum tam in Theologia, quam in Jurisprudencia; & hoc permovet Autorem

modo laudatum, ut ad scientiam interpretandi solidiorem investigandam animum appelleret.

§. 492.

De sententia. Sententia orationis alia subinde est in sensu conjuncto, alia orationis *dis* in *diviso*, *sem*, *se* *verba conjunctim* & *si divisim accipiuntur*. *Parvisim*, *vel* *tet* hoc per exempla. Ita v. gr. posse dormientem vigilare *conjunctim* in sensu conjuncto significat, eum, qui dormit, vigilare posse *se* dum dormit; in sensu autem *diviso*, eum, qui nunc dormit, posse vigilare dum quid fit, aut fieri debet, vel tempore sequente. Hinc consequitur, *in interpretando attendendum quoque esse, utrum sententia orationis sit divisim, an conjunctim accipienda.*

- Simile exemplum est, quando dicitur: *Ægrotus est sanus, item Lazarus mortuus vivit.* In priori enim casu sensus hic est, qui erat *ægrotus*, vel *ægrotus* dicebatur, *sanus* est; in posteriori *Lazarus*, qui erat *mortuus*, *vivit*, quando *sententia orationis divisim* accipitur. Equidem ad interpretationem in exemplis datis ducere videtur regula, quod ea ita facienda, ut evitetur absurdum (§. 484.); non tamen propterea regula præsens mutis videri debet, cum per eam pateat, ita interpretationem fieri posse, ut absurdum vitetur.

§. 493.

De significatu latiori & strictiori. Si verba quædam, aut verborum complexio nunc *pau-* *ciora*, nunc plura significat; in priori casu *significatum strictiorem*, in posteriori *latiorem* habere, vel etiam in isto *in significatu strictiori*, in hoc *in latiori sumi* dicuntur. Dari autem istiusmodi voces & verborum complexiones, quæ *significatum duplicem*, alterum *strictiorem*, alterum *latiorem*, seu *latiorem* habent, exempla probant; veluti quando idem est nomen speciei unius & generis, ut *cognatio* & *adoptio*; quando nomen aliquod *masculinum sumitur* *etiam*

etiam pro communi, ut *si quis* tam de masculis solis, quam de masculis & foeminis simul usurpatur, canis tum pro mare, tum pro mare & foemella, seu utroque sexu; quando usus artis latius patet, quam popularis usus, seu eadem vox tanquam terminus technicus ad alia significanda producitur, quam fert communis usus loquendi, veluti si in Jure mors præter mortem naturalem significat etiam civilem, nempe deportationem; quando etiam pro substrata materia verborum aliqua complexio ad plura extenditur, vel ad pauciora restringitur, quam proprius verborum significatus admittit, veluti si mittere auxilium nunc significet mittere auxilium cum impendiis, nunc vero mittere auxilium sine impendiis.

Cognatio nimirum in genere complectitur sub se agnationem & cognationem in specie sic dictam; adoptio autem arrogationem & adoptionem in specie sic dictam. Similiter culpa sub se continet dolum & culpam in specie sic dictam tanquam suas species. Ita plura dantur animalia, quorum utriusque sexui convenit nonnisi nomen commune, est istud sit vel masculini generis, ut canis, passer, vel foeminini, ut columba, alauda. Usus artis non modo verborum significatum amplio-rem reddit, seu extendit ultra usum vulgarem, verum etiam subinde restringit, prouti commodum visum fuerit. Ita verbum in Grammatica tanquam terminus technicus multo strictiorem habet significatum, quam in communi sermone. Significatum latiore subinde etiam peperit abusus, in ipso etiam communi sermone, veluti cum studiosum Theologiae vocamus Theologum, ut quando dicitur in Academicis Theologos semper esse nequissimos, vel studiosum Philosophiae Philosophum & Logicæ Logicum. Tum enim significatus entis actu extenditur etiam per abusum ad ens potentia. Istiusmodi autem significatus rectius dicuntur *abusivi*.

§. 494.

*Favorabile
& odiosum
quid sit.*

Favorabile dicitur, quod ad utilitatem alicujus promovendam facit. *Favere* enim, ut *Schardius* notat in Lexico Juridico, idem est ac commodum, seu utilitatem alicujus tueri ex animo. *Odiosum* igitur, quod eidem opponitur, appellatur, quod ad utilitatem alicujus promovendam non facit, eumque onerat.

Difficile videtur definire, quid *favorabile* dicatur, quid *odiosum*. Unde & *Grotius* de J. B. & P. lib. 2. c. 16. §. 10. missa definitione *favorabilis* ac *odiosi* tantummodo recenset, quænam in pactis ac promissis habenda sint pro *favorabilibus*, quænam pro *odiosis*, eundemque sequitur *Puffendorfius* verba ipsius, quemadmodum in aliis, ita etiam hic repetens. Non tamen videmur nobis a significato in Jure recepto recessisse in definiendo *favorabili* ac *odioso*, non modo quod cum *Schardii* interpretatione verbi *favere* consentiat significatio tradita, verum etiam quod ex definitionibus nostris sequatur, ea esse *favorabilia* ac *odiosa*, quæ in illorum ac horum censum refert *Grotius*. Bene autem observat *Schardius* loc. cit. quoties mentionem *favoris* facit lex, non accipiendum esse vagum aliquem ac proclivem hominis affectum, qui sæpe solet errare in delectu honesti; sed intelligendam esse utilitatem quandam adeo conjunctam justitiæ, ut *favor* nihil aliud censeatur, quam ipsum jus: siquidem jus a causa finali inspectum nihil aliud sit, nisi honestæ utilitatis dispensatio ad transigendam hanc vitam civiliter secundum voluntatem Dei.

§. 495.

*Quænam in
pactis ad fa-
vorabilia re-
ferenda.*

Quoniam *favorabile* ad utilitatem alterius promovendam facit (§. 494.), pacta vero mutuas promissiones continent (§. 788. part. 3. Jur. nat.); *favorabilia in pactis sunt, quæ ad communem spectant utilitatem, & utrique parti æqualiter consulunt.* Unde porro consequitur, *promissi favorem eo majorem esse, quo major est ac quo latius patet ista utilitas.*

Atque

Arque hæc sunt, quæ in pactis ad favorabilia refert *Grotius*. Æquitati nimirum maxime convenit, ut æqualis sit pacifcentium conditio, quemadmodum patet ex iis, quæ de æqualitate in contractibus observanda alias demonstravimus. Nisi enim adfint rationes, quæ contrarium suadent, nemo præsumitur alienæ utilitati magis consultum voluisse, quam propriæ.

§. 496.

Quoniam in pactis favorabilia sunt, quæ utrique parti æqualiter consulunt (§. 495.), favorabilia non sunt, quæ *litas in partem* alterum tantum onerant aut plus onerant altera, *his odiosa*. consequenter cum odiosa sint, quæ favorabilia non sunt (§. 494.); *odiosa utique sunt in pactis, quæ partem alteram tantum onerant, aut plus onerant altera.*

Sequitur idem etiam inde, quod utilitatem alterius non promoveat, quod ipsum onerat, id vero odiosum sit, quod ipsius utilitatem non promovet (§. 494.). Si alter tibi vicissim præstat, quantum tu præstas ipsi, præstatio onus non est. Ast si quis præstare debet alteri, pro quo nihil vicissim recipit, id utilitati ipsius obest, eumque onerat. Ubi igitur utriusque spectanda est utilitas, vel spectandum commodum utriusque, ille oneratur, qui præstare quid debet, pro quo vicissim nil recipit, adeoque & plus præstare, quam ipsi ab altero præstatur.

§. 497.

Cum per ipsam pœnæ notionem constet, ea utilitatem ejus, qui punitur, non promoveri (§. 285. *part. 1. Phil. quod est sit præcl. univ.*), ac idem de pœna conventa, quæ pactis ad- *odiosum*. jicitur, pateat (§. 606. *part. 3. Jur. nat.*); odiosum vero sit, quod utilitatem nostram minime promovet (§. 494.); *quæ pœnam continent, odiosa sunt.*

In pactis locum non habent nisi pœnæ conventionales, quæ in aliqua præstatione consistunt, pro qua nihil vicissim recipis (§. 606. *part. 3. Jur. nat.*); consequenter quæ te tantummo-

do onerat. Quamobrem cum odiosa sint in pactis, quæ partem alteram tantummodo onerant (§. 496.); pænæ pactis adjectæ ad odiosa utique referendæ. Ne vero quis existimet, in ceteris pænis non æque manifestum esse per definitionem odiosi, quam dedimus (§. 494.), quod eadem in odiosorum numero sint; sequentia perpendat velim. Multa, quæ in pecunia consistit, non facit ad utilitatem ejus, qui mulctatur, cum perdat, quod habet. Enimvero aliæ pænæ pecunia redimi solent, adeoque in multas mutantur, & quilibet puniendus, si fieri posset, sive physice, sive moraliter, pecunia pœnam redimere mallet. Quamobrem cum multa non faciat ad utilitatem ejus, qui mulctatur; multo minus pænæ aliæ, quæ multa majores æstimantur, ad utilitatem ejus, qui punitur, facere possunt.

§. 498.

An odiosa sint, quæ ab actus irrisos faciunt. Denique cum contra utilitatem tuam sit, si actus tibi utilis irritus fiat, odiosum vero sit, quod contra utilitatem tuam fit (§. 494.); *Quæ actus faciunt irrisos, sive ex toto, sive ex parte, consequenter etiam quæ de prioribus aliquid immutant, odiosa sunt.*

Paciscuntur homines invicem utilitatis suæ causâ, Quamobrem si pacta ipsorum irrita fiunt, id contra utilitatem ipsorum est, atque ideo odiosum quidpiam. Aliud est, si mutuo dissensu pactum dissolvunt, tum enim major utilitas est in pacti dissolutione, quam in ejus adimplentione.

§. 499.

De mixtis ex favorabilibus & odiosis. Si favor & odium concurrunt, id *Mixtum* dicitur, scilicet ex favorabili & odioso. *Quando itaque interpretatio fieri debet vel favoris, vel odii causa; mixtum accensetur favorabilibus, si favor praevalet, si vero odium praevalet, odiosis accensetur.*

An aliquid sit favorabile, an odiosum, plerumque absque difficultate cognoscitur, cum quilibet facile sentiat, quid ad utili-

utilitatem suam faciat, quid eidem repugnet. Ast quid mixtum sit, non semper adeo facile cognitu, cum non eodem modo pateat, utrum quod favorabile est, an quod odiosum prædominetur. *Grotius* lib. 2. c. 16. §. 10. exempli loco affert murans priora, sed pacis causa, quod pro magnitudine boni aut mutationis modo favorabile, modo odiosum censeri debet. Recte autem idem addit, ceteris paribus favorem censendum esse potiorum, nimirum ut ab odiosis abstinenceatur, nisi favorabile quod odiosum est insigniter superet, veluti si auxilium denegetur, quod favorabile, quando ferendum contra socios, quod odiosum.

§. 500.

In favorabilibus verba sumenda sunt secundum totam pro Quomodo proprietatem usus popularis, & si plures sint, eam, quæ latissima verba interpretanda in est. Etenim quoniam favorabile ad utilitatem promovendam facit (§. 494), qui favorabile quid promittit, vel in favorabilitatem alicujus constituit, is declarat animum utilitatem alterius promovendi, adeoque cum nihil obstat, quo minus verba sumantur in eo significato, quem habere possunt, & contra dicentem pro vero habendum sit, quod sufficienter indicatum (§. 427. part. 3. Jur. nat.), verba utique sumenda sine ulla restrictione in eo significato, quem iisdem tribuit usus loquendi, consequenter secundum totam proprietatem usus popularis (§. 439. Log.). Quod si vero usus loquendi plures admittat significatus, cum jam quærat, qui nam alteri sit præferendus, quoniam qui loquitur nullo modo indicat, se verborum suorum significatum restringi voluisse, sumenda erunt verba secundum eam proprietatem, quæ latissima est.

Ostenditur etiam hoc modo. Agitur hic de interpretatione pactorum & promissorum mere liberalium, atque eorum, quæ in favorem alicujus constituuntur. Quæ in pactis favorabilia sunt, ea ad communem utilitatem spectant,

& utrique parti iisdem æqualiter consulitur (§. 495.). Quamobrem cum communis utilitas ratio sit, cur ita convenerint (§. 56. *Ontol.*); nulla quoque ratio urget, cur præsumatur, eos a significato proprio, seu eo, quem verba ex communi loquendi usu habere possunt, recessisse, consequenter in favorabilibus interpretandis sumenda sunt verba secundum totam proprietatem usus popularis &, si plures fuerint, eam, quæ latissima est.

Si alteri quid mere liberaliter promittis, scilicet quod gratis quid dare, vel facere velis, consequenter ut nihil vicissim a promissario recipias (§. 18. *part. 4. Jur. nat.*), ex mera benevolentia; utilitati ipsius consulere vis. Quamobrem cum per hoc, quod utilitati ipsius consulere velis, ex mera benevolentia minime intelligatur, te verborum, quibus mentem tuam exprimis, significatum restringere voluisse, nulla quoque ratio est, cur eundem restringere velis (§. 56. *Ontol.*), consequenter id sufficienter indicatum intelligitur, quod fert usus loquendi. In promissis adeo mere liberalibus interpretandis verba sumenda sunt secundum totam proprietatem usus popularis, nisi aliunde aliud appareat (§. 489.).

Denique si quid in favorem alterius constitutum est, utilitas ejus unica ratio est, quæ constituentem movit, ad hoc constituendum (§. 494. *b. & §. 56. Ontol.*), nimirum ita constituit, quia voluit, ut consulatur utilitati alterius. Patet igitur ut ante, verba sumenda esse secundum totam proprietatem usus popularis &, si plures fuerint, eam, quæ latissima est.

E. gr. Si duo vicini inter se convenerint, ut uterque in alterius agro feras capere possit; interpretatio ita fieri nequit, ut excipiantur cervi, vel apri, aut conventio tantummodo intelligatur de feris, quarum major est copia, non de rarioribus. Quodsi vero excipiantur cervi, cum usus loquendi ferat, ut
etiam

etiam cervæ sub hac denominatione contineantur, hæ etiam exceptæ intelliguntur. Si tibi mere liberaliter promitto convictum per certum tempus, toto hoc tempore tam ad prandium, quam ad cœnam accedere potes, cum hoc conveniat communi usui loquendi, nisi constet, me cœnam instruere non solere: tum enim menti meæ tantummodo convenit, ut mecum prandeas, & satis patet, me nonnisi de prandio cogitasse, cum tibi convictum promiserim. Favorabilia in dubio extendenda sunt, non vero ultra mentem dicentis manifestam (§. 427. part. 3. Jur. nat.). In favorem possessoris constitutum est in interdicto decuperandæ possessionis, quod *unde vi* appellatur §. 6. I. de interd. ut ei, qui vi dejectus est, restituatur possessio. Quoniam igitur significatus laxior fert, ut alterum vi deicere etiam is dicatur, qui ad suum accedere vetatur; jam olim *Cicero* interdictum unde vi ad hunc quoque casum extendit. Et in eodem interdicto Imperator *armorum* appellatione non solum scuta, & gladios, & galeas; sed & fustes & lapides significari monet. Forsan non deerunt, qui existimaturi sunt, promissiones mere liberales non recte ad favorabilia referri, ubi de lata eorum interpretatione agitur. Quamvis enim favorabiles sint respectu promissarii, cujus utilitati consulitur; cum tamen nonnisi ejus utilitati unice consulatur, & promissor gravetur, qui ad præstationem gratuitam obligatus est, eas respectu promissoris odiosas esse dicendas, consequenter easdem potius referendas esse ad mixta ex odiosis & favorabilibus (§. 499.). At tenendum est, promissionem mere liberalem ex mera benevolentia proficisci, cui termini ponendi non sunt, si eam non restrinxit promissor. Quamvis vero is animum mutare possit, ut posthac promissionem restringere velit contra proprium verborum significatum; non tamen quaeritur, quem nunc animum habeat, quando promissio adimplenda, sed qui fuerit animus, cum promitteret. Et quoniam verborum suorum interpres ipse esse nequit (§. 461.), præter hæc vero alia in præsentis indicia non adsunt, *per hypotb.* proprio verborum significatui utique inhærendum (§. 469.).

§. 501.

*De lata fa-
vorabilium
interpretatione.*

Quoniam in favorabilibus verba sumenda sunt secundum totam proprietatem usus popularis, & si plures sint, eam, quæ latissima est (§. 500.), tum autem sumuntur in significato latiori (§. 493.); *in favorabilibus verba sumenda sunt in latiori, immo latissimo, si quis datur, significata recepto.*

Vulgo dicitur: Favorabilia sunt extendenda. Quomodo autem extendenda sint, ex differentia significatus latioris & strictioris patet (§. 493.), & exempla, quæ modo dedimus (nos, §. 500) extensionem istam illustrant. Patebit autem exsequentibus, quomodo viterur, ne ea in abusum trahatur, præsertim in promissionibus mere liberalibus.

§. 502.

*Quando in
favorabili-
bus laxior
significatus
terminorum
admitten-
dus.*

Si quis artis fuerit peritus, vel peritorum artis consilio utatur, & terminus technicus laxiorem habuerit significatum; ejus verba in favorabilibus laxius sumenda, ut scilicet includant significationem artis. Etenim in favorabilibus verba sumenda sunt in significato laxiori (§. 501.). Quamobrem cum artis peritus, vel peritorum artis consilio usus morit significatum artis, quem scilicet termini technici habent, & hic fit laxior eo, qui obtinet secundum usum popularem *per hypoth.* in favorabilibus interpretandis verba ejus, qui artis peritus est, vel peritorum artis consilio utitur, in significato laxiori sumenda, quem scilicet habent termini technici.

Zieglerus hoc affert exemplum. Statutum est, ut valeat ultima voluntas facta coram tribus testibus. Quoniam in Jure voluntas ultima tam codicillos, quam testamenta significat, & statuti conditor Juris peritus supponitur; ultima voluntas intelligitur tam de codicillis, quam de testamentis, ita ut juxta statutum dicendum sit, valere testamenta coram tribus testibus facta, valere etiam codicillos coram totidem testibus factos.

§. 503.

§. 503.

In favorabilibus verba sumenda non sunt in significato im- An in favo-
proprio, nisi alioquin absurdum aliquid, vel pacti inutilitas se- rabilibus
quatur. Etenim in pactis & promissis interpretandis a com- admittendus
 muni loquendi usu recedendum non est, nisi adsint rationes *significatus*
 urgentes in contrarium (§. 470.). Quamobrem quamdiu *improprius.*
 nullum sequitur absurdum, nec pactum vel promissio inuti-
 lis est, etiamsi in interpretando a proprio verborum signifi-
 catu minime recedas; nec ab eo recedendum erit. *Quod*
erat. utrum.

Enimvero si verborum significatui stricte inherendo sequatur aliquod absurdum, vel sequatur nihil actum esse; ita facienda interpretatio, ut absurdum istud evitetur (§. 484.); vel aliquid actum sit (§. 486.). Quodsi ergo in favorabilibus interpretandis sumas verba in significato proprio, ac inde sequatur absurdum aliquid, vel pacti inutilitas, seu nullitas; etiam hic ita facienda interpretatio, ut absurdum evitetur, vel aliquid actum sit, seu actus valeat. Quamobrem si recurrendo ad significatum improprium, absurdum, vel nullitas pacti evitari possit; in favorabilibus quoque interpretandis admittendus est significatus verborum improprius.

Nimirum quod in genere de interpretandis pactis ac promissis demonstratum est; id etiam valet quoad favorabilia in pactis vel promissionibus contenta.

§. 504.

Si ex eo, quod verba sumantur in significato recepto, sequatur aliquod absurdum, vel quod iniquum est; in favorabilibus vorabilia quoque verba strictius sumenda, quam fert significatus proprius, strictius in- ut absurditas, vel iniquitas evitetur. Etenim in genere ita interpretan-
 facienda interpretatio, ut absurdum evitetur, si verborum da.

(Wolffii Jur. Nat. Pars VI.)

Zz

signi-

significatui strictè inhærendo sequatur aliquod absurdum (§. 484.). Cumque iniquum sit, quod est contra jus imperfectum alterius (§. 239. *part. 1. Phil. pract. univ.*), adeoque charitati repugnat; facile patet, nec præsumendum esse, quod quis se alteri obligare voluerit ad id, quod manifesto iniquum est. Quamobrem & in genere ita facienda interpretatio, ut manifesta iniquitas evitetur, si verborum significatui strictè inhærendo manifesta sequatur iniquitas. Quoniam itaque quæ de pactis & promissis in genere demonstrata sunt, ea etiam valent de pactis & promissis, quæ favorabilia continent; si ex eo, quod verba sumantur in significato recepto, sequatur aliquod absurdum, vel quod iniquum est, in favorabilibus quoque verba strictius sumenda, quam fert significatus eorundem proprius, ut absurditas vel iniquitas evitetur.

Ob iniquitatem pacta non dissolvuntur. Cur enim te illi obligavisti ad id, quod iniquum est, quando iniqua petenti denegare poteras, quæ petebat? Tibi impares, si hoc feceris. Aut si non nisi iniqua promittendo damnum majus avertere poteras, id patienter erit ferendum, cum ferendum sit, quod mutari non potest. Quando itaque evidens est, quid promiseris, consequenter quod te ad id, quod iniquum est, obligaveris; contra evidentiam non alia faciendâ interpretatio (§. 460.). Quamobrem nec favorabilia extendenda, nec contra verborum proprietatem restringenda, ubi manifestum est, te quod iniquum est promittere voluisse. Id, quemadmodum omnis interpretatio, tantummodo locum habet in dubio, ne quis contra aequitatem obligetur ad id, ad quod se alteri obligare minime voluit. In dubio nimirum nec contra charitatem fit præsumtio, cum ad eandem omnes obligemur (§. 621. *part. 1. Jur. nat.*). Quod vero iniquum sit, quod charitati adversatur, quemadmodum sumimus in demonstratione, haud difficulter ostenditur. Etenim charitas complectitur omnia officia hominis erga alios (§. 654. *part. 1. Jur. nat.*). Ad officia

officia vero humanitati cogendi jus, cum nemo hominum libeat (§. 658. pars. 1. Jur. nat.); quod contra charitatem est, id contra jus imperfectum alterius est (§. 237. part. 1. Phil. pract. univ.); adeoque iniquum (§. 239. part. 4. Phil. pract. univ.). Non ab simili modo ex aduerso colligitur, equam esse, quod charitati convenit.

§. 503.

Et ex verborum proprietate equidem non sequitur, quod absurdum, vel iniquum est, manifesta tamen aequitas, vel utilitas in restrictione est; favorabilia ita restringenda, ut intra arcuissimos proprietatis terminos subsistatur, nisi circumstantiæ aliud suadeant. Quoniam enim ad charitatem obligamur (§. 621. pars. 1. Jur. nat.), consequenter etiam ad id, quod æquum est (not. §. 504.); quilibet præsumitur velle, quod æquum est. Et quoniam utilitatis gratia contrahunt homines, in pactis, immo quibusvis actibus ad hominum utilitatem tendentibus, quilibet præsumitur velle, quod utile est. Quod si ergo in restrictione verborum ejus, qui loquitur, manifesta sit utilitas, vel æquitas, verborum significatus proprius etiam in favorabilibus restringendus. Quoniam tamen in favorabilibus verba sumenda non sunt in significato improprio, nisi alioquin absurdum aliquid, vel pacti utilitas sequatur (§. 503.), ex significato autem proprio in præsentibus non sequitur, quod absurdum est, vel iniquum, nec quod inutile, per hypoth. ideo in significato quidem proprio, sed propter restrictionem admittendam, per demonstrata, intra arcuissimos proprietatis terminos subsistendum. Quod erat unum.

Enimvero si circumstantiæ aliud suadeant, per alias interpretandi regulas restrictio ita fieri nequit. Quamobrem cum contra eas interpretatio fieri nequeat; ubi circumstantiæ non permittunt, ut ob æquitatem, vel utilitatem favorabilia ita restringantur, ut intra arcuissimos proprietatis

tis terminos substitatur; id faciendum non est. *Quod erat alterum.*

Non semper volunt homines quod est utilius, aut quod æquitati maxime convenit. Quando igitur apparet ex circumstantiis, eum, qui locutus est, tale quid non voluisse; nec contra voluntatem ejus faciendam interpretatio, quippe qua mentem ejus, qui loquitur, investigamus (§. 459). Præsumtio, quod quis voluerit, quod utilius, vel æquius, non nisi in dubio locum habet: tumque requiritur, ut manifesta sit utilitas, vel æquitas, cum alias vix verisimile sit, de ea cogitatum fuisse ab eo, qui locutus est.

§. 506.

Quomodo odiosa inter-admittitur etiam sermo figuratus aliquantulum, ut onus nimium vitetur. pretanda. In odiosis verba sumenda sunt in significato strictiori, immo vitetur. Etenim odiosa nil faciunt ad utilitatem ejus, qui quid præstare debet, sed eum tantummodo onerant (§. 494.). Quoniam peculiare adesse debent rationes, cur quid velit, quod se tantummodo onerat, nullam vero sibi utilitatem affert, quemadmodum ex lege appetitus & aversionis facile colligitur (§. 904. 907. *Psych. empir.*); nemo etiam præsumitur velle, quod se tantummodo onerat, nullam vero sibi utilitatem affert, consequenter quod odiosum est. Quamobrem ne in dubio verba interpretando secundum significatum laxiorem, quem habere possunt, qui quid promittit ultra voluntatem suam obligetur, quod fieri minime debet (§. 382. *part. 3. Jur. nat.*); in odiosis verba sumenda sunt in significato strictiori; immo si nimium adhuc oneretur, onus autem nimium vitari possit, admissio significati aliquantulum figurato, veluti metonymico, is etiam admittendus.

Vulgo dicitur: odiosa esse restringenda, in casu scilicet dubio, in quo solo interpretatione opus est, cum manifesta

ea non indigeant. E. gr. Ponamus conveniri, ut pars una alteri mittat auxilia numero definita suis impendiis, pars vero altera eadem auxilia mittat, sed absque impendiis. Tunc pars una magis oneratur altera, adeoque auxilia mittere suis impendiis odiosum est. Quoniam vero verba manifesta sunt, ut quid pars utraque alteri promiserit non sit dubium, ideo restrictione nulla opus est. Enimvero si auxilia utrinque simpliciter fuerint promissa, cum strictiori significatui conveniat, quod sine impendiis mitti debeant, seu impendiis ejus, cui mittuntur; in dubio utique censentur sine impendiis promissa. In dubio standum est præsumtionibus, quæ circa ea, quæ quis voluisse censetur, legi appetitus & aversionis convenire utique debent. Hinc utique facile præsumitur aliquem velle, quod ad utilitatem suam facit, minime autem quod ad eandem non facit, sed ipsum tantummodo onerat, aut, si manifestum sit, quod voluerit quod ipsum onerat, in dubio tamen non præsumitur voluisse, nisi quod quam minimum onerat. Æquitati omnino convenit, ne quis magis oneretur, quam onerari voluit (§. 382. part. 3. Jur. nat. & §. 240. part. 1. Phil. pract. univ.). In dubio autem præferendum, quod æquius est, ita ut ipsa favorabilia ad evitandum iniquitatem sint restringenda (§. 504). In interpretandis favorabilibus ac odiosis notioni favorabilium & odiosorum soli inhærendum non est, nisi quando non aliæ præterea adsunt rationes, quæ conjecturis inserviunt. Sane huc pertinent ea, quæ paulo ante de favorabilium interpretatione strictiori ac aliquantulum figurata demonstravimus (§. 503. & seqq.).

§. 507.

Quoniam in pactis odiosa sunt, quæ partem alteram tantum onerant, aut plus onerant altera (§. 496.), in odiosis vero verba sumenda sunt in significatu strictiori, immo ad mittendus etiam sermo aliquantulum figuratus, ut onus vi-
 tantum onerant, aut plus onerant altera, verba sumenda vel unam
 alteram tantum onerant, aut plus onerant altera, verba sumenda vel unam

plus altera sunt in significato strictiori, immo etiam sermo figuratus aliquantulum admittendus, ut onus nimium vitetur.

E. gr. Ponamus auxilia promitti ab una saltem parte & quidem potentiori. Ne nimium gravetur, qui ea mittere tenetur, auxilia promissa intelliguntur impendiis ejus, cui mittuntur, & nisi prostant rationes in contrarium, ad bellum defensivum restringuntur. Quoniam vero cum potentiori odiosum litigare; ideo omnino consultius est, ut, qui odiosum promittit, dum cum altero paciscitur, verbis satis perspicuis ac determinate mentem suam exprimat, ne dubitatio ad interpretationem nos ducat. Subinde tamen, quando scilicet cum pertinaciori paciscimur, non satis tuto est, alteri suggerere ea, de quibus non cogitat, adeoque præstat ita conveniri, ut æqua interpretatione a majore onere liberemur, quod facile nobis imponere potuisset pars altera, si de eo quæstio mota fuisset.

§. 508.

De interpretatione eorum, quæ penam continent.

Similiter quoniam odiosa sunt, quæ poenam continent (§. 497.), in odiosis vero verba sumenda sunt in significato strictiori, immo etiam sermo figuratus aliquantulum admittendus, ut onus nimium vitetur (§. 505.); si qua poenam continent interpretanda sunt, verba sumenda sunt in significato strictiori, immo etiam sermo aliquantulum figuratus admittendus, ne qui poenam debet nimium oneretur.

Valet hoc etiam de poenis conventionalibus, quæ pactis adjiciuntur, & earum respectu præsens propositio hic potissimum in medium adducitur.

§. 509.

An in poenis conventio-

Quoniam quæ poenam continent strictè interpretanda (§. 508. 493.); quæ poenam continent, ita interpretanda, ut in talibus locis poenis conventionalibus admittatur etiam justa excusatio, quæ libet excusaret a poena, nec quævis culpa ad poenam imputetur, præsertim in omni & poena factis privatus commissa.

Quod

Quod jam sæpius monuimus, idem etiam hic notandum, *culpa quævis* scilicet quæ hic dicuntur, valere in casu dubio, quando enim *ad eas imputanda.* quis omni excusationi expresse renunciavit, per se patet, quod nec ulla admittenda sit. Idem dicendum de culpa, si expresse dictum, quamlibet culpam imputari debere. Item utrumque aliter sese habet, si rationes probabiles prostant, quod excusationi non concedendus sit locus, quo tamen & ipso in casu admittenda excusatio, quæ petitur ab eo, quod evitare in nostra potestate positum non fuit, ne quis videatur sese obligasse ultra posse (§. 209. part. 1. *Hbil. pract. univ.*), vel quod nonnisi pœnæ locus esse debeat, si quis sciens ac volens præstanda non præstiterit, prouti jam ante in genere monuimus (*not. §. 505.*).

§. 510.

Similiter quia odiosa sunt, quæ actus irritos faciunt, vel *De inter-* de prioribus aliquid immutant (§. 498.), in odiosis autem *pretatione* interpretandis verba sumenda sunt in significato strictiori, *eorum, quæ* immo aliquantulum figuratus admittendus, ut nimium onus *actus irritos* evitetur (§. 506.); *Quæ actus irritos faciunt, vel de prioribus quid faciunt, vel* immutant, ita interpretanda sunt, ut actus aliquis, quantum de prioribus *fieri potest, subsistat, si verborum restrictione hoc obtineri possit, quid immu-* quantumvis etiam admittendus sit significatus aliquantulum figuratus, immo ita etiam fieri debet interpretatio, ut quam *minimam eodem modo de prioribus mutetur.*

Ita si pactum dissolvi debere conventum fuerit, quando pars una quidpiam fecerit, quod eidem contrariatur, admittenda esse intelligitur non injusta excusatio, nec quævis culpa in hoc imputanda videtur, ut pactum dissolvatur, quemadmodum idem de pœnis modo ostendimus (§. 509.). Odiosum imprimis est actum irritum reddi, vel pactum solvi respectu partis illius, cujus maxime interest illum subsistere, aut hoc non dissolvi. Huc igitur quoque respiciendum, quando de restrictiori interpretatione in hoc alii agitur, Aliter sese

res habet in probabilibus, quam in certis, seu demonstrativis. In his plures demonstrationes non magis veritatem evincunt, quam una: est probabilitatem plures rationes diversæ, nec a se invicem dependentes, ubi concurrunt, fortius adstruunt. Conjectatio voluntatis, ad quam redit interpretatio pactorum & promissorum atque legum, ad Logicam probabilium referenda, qua de causa jam superius monuimus, exasciatam interpretationis hujus theoriam a Logica probabilium firmitatem suam expectare.

§. 511.

Quando promissa liberalia strictius interpretanda; si laxius interpretata nimium onerent promittentem, aut circumstantiæ aliæ laxioribus interpretatiōni parum faveant. Etenim si promissa liberalia laxius interpretata nimium onerent promittentem, cum sint ex parte promittentis odiosa, ex parte accipientis seu promissarii favorabilia (§. 494.); odium prædominatur favori. Enimvero quando odium prædominatur, mixtum ex favore ac odio odiosis accensetur (§. 499.). Quamobrem si promissa liberalia laxius interpretata nimium onerent promittentem, odiosis accensenda. Quoniam itaque odiosa strictius interpretanda (§. 506.), si promissa liberalia laxius interpretata nimium onerent promittentem, strictius interpretanda. *Quod erat unum.*

Quodsi circumstantiæ quædam laxiori interpretatiōni parum favent; ex iis colligitur, non tuto sumi posse, quod is fuerit animus promittentis, ut quam abundantissime consulat utilitati promissarii, consequenter favor minime prædominari videtur. Quamobrem cum favorabilibus promissum liberale in hoc casu accenseri nequeat (§. 499.); erit potius non favorabilibus, seu odiosis annumerandum (§. 494.), consequenter interpretatiōni laxiori locus non est (§. 501.), sed potius strictiori (§. 506.). *Quod erat alterum.*

Vulgo

Vulgo promissa mere liberalia odiosis accensentur, quod in contractibus in horum numero sunt, quæ partem unam tantum onerant (§. 496.). Enimvero jam supra ostendimus, quatenus solius benevolentia habetur ratio, ex qua ista proficiuntur; ea potius ad favorabilia referenda esse (§. 500. *Enot. ej.*), quia scilicet tum favor prædominari videtur, ubi conjectura nulla ad contrarium ducit. Sane *Favolenus* l. 3. ff. de constit. Princ. ea de causa dicit, beneficium imperatoris quam plenissime nos interpretari debere; addit enim hanc rationem, quod a divina ejus indulgentia proficiatur, nec obstat quicquam, quo minus nos addamus, beneficium Principem non onerare solere, nisi manifesta adfit in donando temeritas. Neque tamen semper promissa liberalia ita sunt comparata, ut benevolentia, ex qua proficiuntur, liberalitati nullos terminos præfigi patiantur. Quamobrem non modo inquirendum, quantum onerent promissorem, sed attendendæ etiam sunt circumstantiæ aliæ, quæ benevolentiam intra certos terminos coarctare videntur. In genere igitur nec affirmare licet, quod promissa mere liberalia semper sint stricte interpretanda, nec quod semper laxius interpretanda, sed hoc admittitur, quamdiu conjectura nulla ad contrarium nos ducit: id quod de probabilibus semper intelligitur, ut valeant, quamdiu non sunt rationes in contrarium. *Cicero* in *Topicis* ad eorum sententiam accedere videtur, qui promissa liberalia & donationes stricte interpretanda esse contendunt simpliciter. Quando enim uxor vir legavit omne argentum, quod suum esset, idcirco quæ in nominibus fuerunt legata negat. Multum enim differre ait, in arca positum sit argentum, an in tabulis teneatur. Sed strictam interpretationem non esse admittendam, nisi rationes aliæ eandem suadeant, immo tanto minus admittendam esse, si quæ circumstantiæ faveant laxiori, verius est. Ponamus enim uxorem esse pauperem, & argentum omne, quod habet maritus, tam in arca positum, quam quod in tabulis tenetur, vix sufficere, ut dignitati mariti convenienter vivat, cetera autem bona tam ampla esse, ut hæres argento, omni facile carere possit; dubium non est, quin laxior

interpretatio sit admittenda, etiam si supponatur defunctum magis consulere voluisse utilitati hæredis, quam uxoris, adeoque isti magis fuisse, quam huic. Immo si nulla adfit ratio, cur præsumatur magis fuisse hæredi, quam uxori; nec ulla ratio cogit, ut a laxiori significato recedamus, quem semper præferendum existimamus, quamdiu non alio ducant conjecturæ particulares aliæ (§. 500.).

§. 512.

Regula generalis interpretandi. Interpretatio facienda de eo, de quo verisimiliter fuit cogitatum; non vero contra idem, vel de eo, de quo verisimiliter cogitatum non fuit. Quando enim interpretamur verba alterius, in id inquiremus, quid per ea significare voluerit consequenter de quonam cogitatum fuerit, cum loqueretur (§. 459.). Quamobrem cum in dubio eligendum sit, quod verisimilius, quod nemo non concedere debet; interpretatio fieri debet de eo, de quo verisimiliter cogitatum fuit. *Quod erat unum.*

Enimvero cum idem simul fieri & non fieri nequeat (§. 28. *Ontol.*), interpretatio autem facienda sit de eo, de quo verisimiliter cogitatum fuit, *per demonstrata*; evidens est, eam non esse faciendam de eo, de quo verisimiliter cogitatum non fuit, adeoque multo minus contra id, de quo verisimiliter cogitatum fuit. *Quod erat secundum & tertium.*

Poteramus propositionem præsentem sumere instar axiomatis, cum per definitionem interpretationis, modo ea satis intelligatur, statim pateat ejus veritas. Quando enim obscurius dicta interpretamur, non aliud agimus, quam ut in id inquiremus, de quo verisimiliter cogitatum fuit, quod mentem suam non sufficienter indicavit, qui locutus est, ut certo constet, seu demonstrari possit, de quonam locutus fuerit, consequenter ne aliquid contra eum pro vero habeatur, de quo non cogitavit, vel cogitare non potuit.

§. 513.

Quoniam interpretatio facienda de eo, de quo verifimiliter cogitatum fuit (§. 512.); *promissa liberalia laxius interpretanda, quando de eo, quod intra proprietatem verborum significatus laxior, immo etiam aliquantulum figuratus, continet quod verifimiliter cogitatum fuit, & ex adverso strictius interpretanda, serpretanda, si de eo, quod significatus strictiori convenit, verifimiliter tantummodo cogitatum fuerit.* *Quando vi illius promissa liberalia laxius interpretanda, serpretanda, quando strictius.*

E. g. Si maritus uxori pauperi, aut non admodum diviti legaverit omne argentum, quod suum esset, perpaucum vero fit in arca positum, ac pretium bonorum reliquorum plurimum superet argentum, quod in tabulis tenetur; verifimile omnino est, maritum cogitasse non modo de argento in arca posito, verum etiam de eo, quod est in tabulis, consequenter legatum laxius esse interpretandum. Ex adverso autem si uxor locuples fuerit, argentum in arca positum haud modicum, quod vero in tabulis est plurimum excedit pretium ceterorum bonorum, aut bona immobilia sint exigui pretii respectu ejus argenti, quod in tabulis est; verifimile omnino est, maritum non cogitasse nisi de argento, quod est in arca positum, adeoque legatum strictius interpretandum, nec ultra istud extendendum.

§. 514.

Quoniam interpretatio non facienda contra id, de quo verifimiliter cogitatum fuit, vel de eo, de quo verifimiliter cogitatum non fuit (§. 512.); *contra verborum proprietatem promissum liberale restringendum non est, quando verifimiliter de eo cogitatum fuit, quod ferè significatus proprius, contra eandem vero restringendum, quando verifimiliter de eo cogitatum non fuit, quod tota verborum proprietas admittit.* *Idem porro extenditur.*

E. gr. Titius, cui filius unicus hæres existit, legat filix Sempronii omnes gemmas suas: inter eas sunt baculus & ensis gemmis interstincti, munera Principum. Circumstantiæ facile indicant

dicant Titium de his non cogitasse, cum de geminis filia Sempronii, legandis loqueretur. Quamvis adeo tota verborum proprietas admittat, ut sub gemmis omnibus comprehendantur etiam baculus & ensis gemmis interstincti; contra eam tamen legatum in casu præsentis restringendum, ut idem excepti intelligantur. Enimvero ponamus hæredem institutum esse extraneum, tum verisimile est, Titium improlem, quando omnes gemmas, nullis exceptis, legavit filia Sempronii, cogitasse etiam de iis, quibus ensis ac baculus interstinctus, adeoque legatum restringendum non est contra verborum proprietatem. Neminem offendet, quod, quando de promissis liberalibus agitur, exempli loco in medium afferamus legata: etenim donationes & legata iisdem æquiparantur, quatenus promissa liberalia, quæ in dando consistunt, non sunt nisi donationes futuræ.

§. 515i.

Interpretatio ex non prævisis facienda.

Interpretatio ita facienda, quamadmodum eam faceret, qui locutus est, si præsens esset, vel si eidem cognita fuissent, quæ nunc palam sunt. Nemo ignorat, nos sub certis circumstantiis nolle, quæ iis absentibus volumus, & per ipsam legem appetitus ac aversionis hoc intelligitur, cum sub certis circumstantiis minime bona, immo mala reputemus, quæ iis absentibus bona judicamus (§. 904. 907. *Psych. empir.*). Quamobrem si quæ circumstantiæ emergunt, aut aliquæ ei, qui locutus est, cognitæ fuisse non videntur, ut adeo de iisdem cogitare minime potuerit; nullum sane est dubium, quin quod voluit; dum locutus est, idem nolisset, vel aliud quid voluisset; siquidem istas circumstantias prævidisset, aut eas perspectas habuisset. Quod si ergo præsens interrogaretur: utrum stantibus istis circumstantiis idem adhuc velit, an nolit, aut aliud quid velit; dubium non videtur, cum responsum, quod nolit; aut aliud quid velit, consequenter cum interpretando investigetur mens ejus, qui locutus est (§. 459).

ita omnino faciendâ interpretatio est, quemadmodum eam faceret qui locutus est, si præsens esset, vel si eîdem cognita fuissent, quæ nunc palam sunt.

Exemplum habemus in l. 10 ff. de confirmat. tutor. ubi *Triphonius* ait: utilitatem pupillorum prætor sequitur, non scripturam testamenti, vel codicillorum. Nam patris voluntatem prætor ita accipere debet, si non fuit ignarus scilicet eorum, quæ ipse prætor de tutore comperta habet. Nimirum si pater jam præsens esset; quando confirmandus est tutor, & ea sciret, quæ comperta habet de eodem prætor, idem dicturus præsumitur, quod prætor statuit. Fit hic interpretatio extra verborum significatum, ut intentioni ejus, qui locutus est, satisfiat, animum attendendo ad rationem, cur quis hoc, quod dixit, voluerit. Ita pater dat liberis impuberibus tutorem ob eorum utilitatem. Talem igitur tutorem iis dare voluisse non intelligitur, qui eorundem utilitati prospecturus non præsumitur, aut damnum, si quod dederit, resarcire nequit. Non est, quod existimes, propositionem præsentem repugnare superiori, quod in pactis & promissis nemo verborum suorum interpretari esse possit (§. 461.). Neque enim hic qui locutus est verba sua interpretatur, tribuendo iisdem significatum pro arbitrio, non attento proprio, quem usus loquendi probat; sed extra significatum verborum, quibus promissio continetur vel lex præscribitur, inquiritur in mentem eius, qui quid voluit, ab alio, qui de eadem statuere debet, ne quid fiat, quod eidem adversatur. Et hæc interpretatio fit contra verborum significatum manifestum, intentioni tamen ejus, qui locutus est, convenienter. Ea scilicet fuisse colligitur mens ejus, qui locutus est, quam verba nulla ex parte indicant, ut, si ad ea tantummodo respicias, dicendum videatur, mentem eam dicenti non fuisse, quam aliunde colligis. Bene *Cicero* pro *Cacinna*: Si voluntas tacitis nobis intelligi possit, verbis omnino non utemur: quia id non potest, verba reperta sunt, non quæ impedirent, sed quæ indicarent voluntatem.

§. 516.

Interpretatio extensiva dicitur, qua ob identitatem rationis sufficientis volitionis, vel nolitionis mens ejus, qui locutus est, extenditur ad casus, sub verbis, quibus promissio, pactum vel lex continetur, secundum totam eorundem proprietatem minime comprehensos. *Grotio dicitur extendens.*

Vulgo hoc afferri solet exemplum. Qui posthumum expectabat, hæredem scripsit sub hac conditione, si posthumus mortuus sit. Quodsi posthumus non nascatur, vel quia uxor abortum patitur, vel ante partum cum fœtu obiit vidua, vel quia falso pro gravida habita, & tunc quoque hæres agnoscat, qui scriptus fuerat; interpretatio extensiva est. Nimirum ratio, quæ ad hoc sufficit, ut vellet eum, quem scripserat, sibi esse hæredem, non alia fuit, quam quod cogitaret fieri posse, ut nulla sibi existat proles. Quodsi ergo certo scivisset, prolem nullam natum iri; dubium non est, quin pure scripsisset hæredem. Quamobrem cum posthumus dicatur, qui patre mortuo demum nascitur, si verborum proprium significatum spectes, posthumus mortuus dici nequit nisi qui post mortem patris, dum in lucem editur vel editus fuit, moritur. Si ergo verborum proprietatem spectes, conditio, sub qua hæres scriptus est, non existit, si posthumus non nascitur, quacunque de causa hoc contigerit, consequenter verba sequendo, posthumo non nato, qui hæres scriptus fuerat esse nequit: at si mentem instituentis sequaris, erit utique hæres.

§. 517.

Quodnam investigandum interpretationis extensiva causa. Quoniam per rationem sufficientem volitionis & nolitionis intelligitur, cur quis aliquid potius voluerit, quam noluerit, ant noluerit potius, quam voluerit (§. 56. *Ontol.*); Si verba, quibus promissio, pactum vel lex continetur, ad casum quemdam producere velimus, quem illorum significatus proprius minime comprehendit, nobis inquirendum est, cur promissor hoc promiserit,

aut paciscens hoc fieri volueris, vel etiam legislator hoc praeceperit, vel prohibueris.

Ita in exemplo, quod modo dedimus (not. §. 516.), inquirimus, cur testator hæredem instituerit non pure, sed sub conditione, si posthumus, quem expectat, moriatur. Hoc enim ideo factum intelligitur, quod cum posthumum expectaret, quem tamen mori posse putabat, alium sibi hæredem esse noluit nisi in casu non extituræ prolis, aut, quod perinde est, eum, quem instituit, hæredem sibi esse voluit in casu non extituræ prolis. Quod si enim novisset, sibi non extituram prolem, ratio nulla est, cur hæredem non pure instituisset. Equidem sunt, qui sibi persuadent nos, etiam aliquid velle posse absque ratione sufficiente, ita ut sæpe ratio moveat ita, ut voluntas tamen sit causa per se sufficiens, etiam sine ratione illa, seu, quod vulgo dicitur, stet pro ratione voluntas, atque ipse *Grotius*, vir alias satis acutus, in eam sententiam abit, alibi tamen ostendimus sine motivis nullam dari in anima volitionem ac nolitionem (§. 889. *Pf., cb. empir.*). Sane nisi hoc certum esset, vix unquam tuto satis interpretatio extensiva fieret. Unde enim constabit, rationem non ita movisse, ut voluntas tamen sit causa efficiens per se, etiam sine ratione illa? Quamvis enim *Grotius* hoc inde colligendum esse statuat lib. 2. c. 16. §. 120. n. 2. quod ratio, sub quam venit casus, quem volumus comprehendere, sit causa unica & efficax, quæ promittentem moverit, eaque ratio ab eo considerata in sua generalitate, quia alioquin promissio futura fuisset iniqua aut inutilis; non tamen hæc sufficere videntur. Sane in exemplo, quo usi sumus ad illustrandam interpretationem extensivam & quod admittunt omnes, institutio hæredis nec iniqua foret, nec inutilis, etiamsi ultra conditionem posthumi mortui non extenderetur, valeret enim eodem modo, quo promissiones conditionatæ valere possunt, & in arbitrio instituentis positum est, sub quam conditione hæredem instituire velit. Immo si ea esset voluntatis natura, ut absque motivo determinari possit: quidni etiam voluntas per se determinari

minari possit ad instituendum hæredem sub conditione, si posthumus moriatur, non attenda ratione ulla?

§. 518.

Si plures rationes fuerint, quis si plures fuerint rationes, ob quas non nisi simul sumtas, qui locus est quid voluerit, vel noluerit.

Quoniam in interpretatione extensiva requiritur identitas rationis sufficientis volitionis & nolitionis (§. 516.), cum omnes simul sumtas conficiant rationem sufficientem (§. 56.), verba ejusdem ad casum sub significatu proprio eorundem non comprehensum producere non licet, nisi ad sint rationes ista omnes simul.

Quemadmodum ad effectum producendum plures concurrere solent causæ; ita quoque sæpe ad determinandum voluntatem vel noluntatem plures concurrunt rationes & sicuti effectus non producitur, si una illarum causarum deficit; ita quoque volitio, vel nolitio cessat, si una rationum deest. Quamobrem cum ob rationem non nisi sufficientem interpretatio extensiva locum habeat; si quo in casu una tantummodo istarum rationum, vel altera abfuerit, ad eum verba ejus, qui locus est, extendere minime licet. Non aliud indicasse videtur *Grotius*, dum ad interpretationem extensivam requirit, ut ratio in casu dato obtinens sit unica, quæ movit voluntatem ejus, qui locus est: plures enim rationes particulares, quando non nisi simul sumi possunt, non sunt nisi ratio unica volitionis, vel nolitionis, quippe sine qua voluntas, vel noluntas non determinatur. Quando vero *Grotius* addit, rationem illam unicam etiam efficacem esse debere, hypothese suæ indulget, quasi ratio sæpe ita moveat voluntatem, ut voluntas tamen sit causa per se sufficiens, etiam sine ratione illa. Ratio dici nequit efficax, nisi quatenus voluntas per eam determinatur, quæ sine ea non determinaretur. Quando autem ratio sufficiens est, voluntas per eam determinatur, seu eadem posita ponitur etiam volitio (§. 118. *Ontol.*). Ratio igitur sufficiens semper efficax est, nisi impediatur, alias enim non foret sufficiens.

§. 519.

§. 519.

Similiter quoniam interpretatio extensiva facienda ob rationem sufficientem volitionis vel nolitionis (§. 516.); *ne-esse est, ut ratio ad casum verbis expressum applicata ab eo, qui locutus est, spectata fuerit in generalitate sua, ut cujus sub eam extensivam venit casus, quem comprehendere volumus.* *Quomodo spectanda ratio in interpretatione extensiva.*

Etenim nisi ratio in genere spectata moverit voluntatem ejus, qui locutus est, non erit ea ratio sufficiens volitionis vel nolitionis in eo casu, ad quem verba illius producere volumus. Quæ enim genere eadem sunt non sunt specie eadem (§. 241. Ontol.). Identitatem rationis requirit interpretatio extensiva (§. 516.). Quodsi ergo ratio, quæ movit voluntatem, non spectata fuit in genere, sed in specie ad casum verbis expressum applicata; nec erit eadem ratio in casu altero, ubi non nisi in genere spectata ratio ista convenit. E. gr. Attica lege vetitum erat testamentum fieri filia invita. Per interpretationem extensivam recte inferitur, ne adoptionem quidem ea invita permitti. Ratio enim erat, ne filia invita privaretur hæreditate. Ea cum in genere spectetur, non habita ratione modi, quo hæreditas filiæ aufertur; eadem omnino est, sive testamentum filia invita fiat, sive adoptio. Recte igitur a testamento vetito ad adoptionem vetitam, ne filia invita fiat, valet argumentatio.

§. 520.

Si eadem ratio sufficiens volitionis vel nolitionis sit in casu aliquo sub verbis ejus, qui locutus est, minime comprehenso, quæ fuerat in casu per eandem significato; verba ad casum istum quoque extensiva extendenda. *Quando interpretatio extensiva facienda.* Quoniam enim eadem est ratio sufficiens volitionis vel nolitionis in casu sub verbis ejus, qui locutus est, minime comprehenso, & eo, qui per ea significatur, per hypoth. posita vero ratione sufficiente volitionis, vel nolitionis, ponitur etiam ipsa volitio, vel nolitio (§. 118. Ontol.); dubitandum non est, quin is, qui locutus est, dum de casu

sub verbis ejus minime comprehenso quaestio est, jam praesens esset, verba sua ad hunc quoque casum extendi vellet. Quoniam itaque interpretatio ita facienda, quemadmodum eam faceret, qui locutus est, si praesens esset (§. 515.); quando eadem ratio sufficiens volitionis, vel nolitionis est in casu aliquo sub verbis ejus, qui locutus est, minime comprehenso, quae fuerat in casu per eadem significato, verba ad casum quoque istum extendenda.

Atque adeo patet interpretationem extensivam recte fieri ac naturae voluntatis convenire. Quod si attente perpendere velis demonstrationem praesentem, facile perspicitur, si is, qui locutus est, de eo casu cogitasset, ad quem verba ejus producere volumus, eundem quoque mentionem ejusdem facturum fuisse, aut eum non omnes casus, quos sub verbis suis comprehendere voluit, sigillatim recensuisse, propterea quod existimavit, ex eo, quod dixit, facile perspicere posse mentem ipsius de eo, quod non dixit; atque adeo praeteritum existimari non debet, quod ex ceteris, de quibus dictum est, intelligi potest. Ita quando lege Attica vetitum erat, ne testamentum fieret invita filia; facile perspicitur, legislatorem quoque additurum fuisse, ne fieret adoptio invita filia, siquidem de eo casu tum cogitasset (not. §. 519.). Ast si qui posthumum expectat haereditatem instituit sub hac conditione, si posthumus moriatur, cum hoc faciat consideratione non exiturae proles, quamvis cogitet etiam de eo casu, quo proles nulla nascitur, aut quod uxor abortum passa, aut ante partum cum foetu obierit vidua, aut falso pro gravida habita fuerit, non tamen opus est, ut singula commemorentur; cum ex iis, quae dixit testator, facile intelligatur, verba ejus etiam ad hunc casum esse extendenda. Recte omnino Cicero ad *Herennium* lib. 2. statuit, neminem posse omnes res per scripturam amplecti, sed eum commodissime scribere, qui curet, ut quaedam ex quibusdam intelligantur. Exemplum in pactione hoc affert *Grotius*, ne quis locus muris cingatur, facta eo tempore, cum non aliud esset muniendi

endi genus. Quoniam enim ratio prohibendi muros fuit, quemadmodum sumitur, ne muniretur is locus, idem ne aggerere quidem cingi poterit. Similiter huc referri solet lex i. ff. de div. rer. Si quis violaverit muros, capite puniatur. Interpretatione enim extensiva intelligitur etiam de portis, fossis vel reliquis civitatis munimentis violatis. Ratio nimirum, quam reddit *Pomponius*, generalis est, nimirum quod id sit hostile & abominandum, cui omnino extensio ista convenit. Illustre est exemplum apud *Lucianum* in Tyrannicida, quod his verbis describitur; Lex est, tyrannicida præmio afficiatur. Est qui in arcem ascenderit, ut tyrannum necaret. Ast tyrannum non reperit, sed filium ejus, quem etiam interimat, relicto in vulnere gladio. Adveniens mox tyrannus, ut filium vidit occisum, præ dolore animi eodem se gladio interficit. Is, qui filium tyranni sustulerat, præmium petit tanquam tyrannicida. Facile patet legislatorem de eo casu non cogitasse, cum tyrannicidæ præmium decerneret. Quoniam vero non alia fuit ratio, cur præmium decerneret, quam quod vellet tyrannum e medio tolli; dubium non est, quin & ad eum casum præmium extensurus fuisset, siquidem de eo cogitare potuisset. Recte igitur *Lucianus* interpretationem extensivam defendit, hanc reddens rationem, quod perinde sit, utrum ipse interimas, an mortis causam ministres. Sufficit nimirum, ut ipse in causa sis, ut tyrannus e medio tollatur, nec sine facto tuo sublatus fuisset. Casum non abfimilem refert *Puffendorfius* lib. 5. c. 12. §. 17. Lex est, qui uxorem occiderit, morte plectitor. Aliquis in Gallia volens amoliri uxorem, mulæ per triduum potum non dedit. Quarto die in campum progressus, velut recreationis causa, uxorem mulæ sitibundæ imposuit: quæ cum fluvio propinquasset, magno cum impetu in eum irruit, & sæminam in aquas effudit, in quibus illa perit. Patet ut ante, legislatorem de hoc casu non cogitasse, cum pœnam capitalem decerneret parricidæ. Quoniam vero non alia fuit ratio, cur hanc decerneret pœnam, nisi ut maritos deterreret, ne mortem uxoribus consciscerent, atque adeo harum saluti consuleret, dubium non est,

quin eandem pœnam ad hunc quoque casum extendisset, si quidem de eo ipsi in mentem venisset. Valet etiam hic, quod in casu præcedente dixerat *Lucianus*, nimirum quod perinde sit, utrum ipse interimas, an mortis causam ministres, aut si magis placet, cum *Puffendorfio* huc trahere potes illud *Seneca*: Quicquid in mortem valet, telum est abunde. Ceterum hic ipse casus referendus etiam est ad ea, quæ in fraudem legis fiunt, ad quæ per interpretationem extensivam lex utique extendenda, quippe rationi legis contraria.

§ 521.

*Fraus legi
vel pacto
quandofiat.*

Fraudem legi vel pacto facere dicitur, qui quidpiam facit, quod verbis quidem legis vel pacti non repugnat, menti tamen legislatoris, vel paciscentis adversatur. Et tale quid etiam fieri in fraudem legis, vel pacti dicitur: istiusmodi autem fraudem Seneca vocat Circumscriptionem.

Exempla plurima collegit *Puffendorfius* lib. 5. c. 12. § 18. Ita apud *Valerium Maximum* lib. 9. c. 6. cum *Licinius Stolo* lege sanxisset, ne quis amplius, quam quingenta agri jugera haberet, ipse mille comparavit, dissimulandique criminis gratia dimidiam partem filio emancipavit. Apud *Quintilianum* decl. 264, legitur, cum lege *Voconia* veritum esset, ne liceat mulieri nisi dimidiam partem bonorum dare, quendam duas mulieres dimidiis partibus instituisse hæredes. Similiter apud *Ammianum Marcellinum* lib. 22. c. 16. refertur, insulam *Pharon Rhodiorum* vectigali obnoxiam fuisse, quod cum istorum publicani exactum venissent, reginam eos interea sub specie *fœnarum* detinuisse ac jactis molibus insula continenti juncta repulisse velut insularum, non continentis vectigala exigentes. Apud *Athenienses*, narrante *Lactantio* de falsa religione c. 20. cum meretrix quædam nomine *Leana* tyrannum occidisset, quia nefas erat simulacrum constitui meretricis in templo, animalis effigiem imposuerunt, cujus nomen gerebat. Cum *Rex Eustaniæ* clericis interdicare veller usum mulorum & illi sua privilegia obtenderent; Rex omnibus fabris ferrariis interdixit, ne ulli

ullū mulo soleas ferreas applicarent, ut clerici ultro mulos abdicare cogerentur. Pertinet huc etiam factum *Tiberii* apud *Tacitum* An. lib. 5. quia more tradito nefas esset virgines strangulari, vitiatæ prius a carnifice, dein strangulatæ; nec non factum *Corinthiorum* apud *Herodotum*, qui cum dono dare naves lege prohiberentur, singulas Atheniensibus vendiderunt quinidrachmis. *Buchanano* Rer. Scot. lib. 14. autore, sacerdotium *Robertus Carnicrucius*, homo pecuniosus, a Rege tunc a pecunia inopi redemit, novo genere fraudis elusa lege ambitus, quæ sacerdotia venire vetat, sponcione scilicet victus, qua magna pecunia deposita contenderat, regem non eum proximo sacerdotio vacuo donaturum. Cum juxta vulgatum illud: inventa lege, inventa est fraus, nihil sit frequentius, quem ut fraudem legi, vel pacto faciant, qui servare nolunt, videri tamen volunt qui servant; exempla istiusmodi fraudium nec hodie num rara sunt. Ceterum definitio, quam dedimus, consentanea est menti *Pauli* l. 29. ff. de LL. & *Ulpiani* l. 30. ibid. quorum ille: In fraudem legis, inquit, facit, qui salvis verbis legis sententiam ejus circumvenit, hic vero: fraus legi fit, ait, ubi quod fieri noluit, fieri autem non vetuit, id fit. Nimirum salvis verbis legis fit, quod per ea minime significatum; consequenter nec iisdem repugnat, etsi eadem secundum totam suam proprietatem spectes, atque adeo dici nequit, hac lege vetitum esse. Quoniam tamen factum istud menti legislatoris adversatur, id omnino fit, quod lex fieri noluit, adeoque sententia ejus circumvenitur. Ita lex *Corinthiorum*, qua naves dono dari prohibebantur, non vetuit, eas vendi, nec lege definitum erat pretium, quo eas vendi deberet esse permissum, consequenter factum *Corinthiorum* verbis legis minime repugnabat. Nemo autem non videt, legem noluisse, ut naves adeo contemptibili pretio venderentur, cum istiusmodi venditio donationi æquiparanda veniat. Fecere adeo *Corinthii*, quod lex fieri noluit, consequenter quod menti legislatoris adversatur, atque adeo sententiam legis circumvenerunt. Nolumus definitionem nostram verbis *Pauliani* & *Ulpiani* consentientem ceteris exemplis applicare, ne præter necessitatem prolixiores fimus.

§. 522.

An qua in
fraudem le-
gis sunt fie-
ri noluerit
legislator.

Quoniam qua in fraudem legis, vel pacti sunt, menti legislatoris, vel paciscentis repugnant (§. 521.); ea legislator, vel qui cum altero pactus est, fieri noluit (§. 459.).

Patet hoc ex lege Corinthiorum, ad quam modo (not. §. 521.) definitionem nostram applicavimus, idemque elucescit, ex ceteris quoque exemplis, quæ in medium afferre libuit. Legislator vult legem, qui cum altero paciscitur, vult pactum servari, consequenter velle nequit, ut id fiat, quo lex, vel pactum eluditur.

§. 523.

Qua in
fraudem le-
gis vel pacti
sunt, contra
legem vel
pactum fie-
ri.

Quia legislator, vel qui cum altero pactus est fieri noluit, quæ in fraudem legis, vel pacti sunt (§. 522.), legem vero non servat, qui facit, quod legislator fieri non vult (§. 138. part. 1. Phil. Pract. univ.), sed potius transgreditur (§. 139. part. 1. Phil. Pract. univ.), nec pacta servat, qui quidpiam facit, quod qui cum ipso pactus est fieri noluit (§. 430. 788. part. 3. Jur. nat.), qui legi, vel pacto fraudem facit, legem vel pactum non servat, sed illam transgreditur, & contra pactum agens fidem datam fallis ac perfidus est (§. 790. part. 3. Jur. nat.).

Sane de fraude legi, vel pacto faciendo non cogitant, nisi qui legem vel pactum servare nolunt, illam tamen nec transgredi, vel contra hoc fecisse videri volunt. Hæc enim unica ratio est, cur de fraude cogitent. Nemo ante de fraude cogitat, quam animum habuerit legem transgrediendi, vel contra pactum aliquid faciendi. Exempla fraudium, quæ commemoravimus (not. §. 521.), abunde hoc loquuntur.

§. 524.

An liceat
fraudem fa-
cere pacto,
vel legi.

Quoniam lex (§. 131. 138. part. 1. Phil. Pract. univ.) & pacta servanda sunt (§. 789. part. 3. Jur. nat.), legem vero non servat, qui in fraudem legis quidpiam facit, nec pactum servat.

servat, qui in fraudem pacti quid facit (§. 523.); in fraudem legis, vel pacti nil fieri debet (§. 722. part. 1. Jur. nat.), adeoque *fraus omnis legi, vel pacto facta illicita.*

Videmus itaque, ipsa lege naturali, quæ pacta servari præcipit, fraudem pacta faciendam prohiberi: immo cum notioni legis repugnet transgressio, si lex positiva naturali non repugnat; non minus patet, legi quoque naturæ prohibitum esse, ne illi fraus fiat. Sed hæc magis elucescent, ubi obligationem, quæ inest legi positivæ, ex ipsa obligatione naturali, quæ a lege naturæ venit, deducemus.

§. 525.

Fraus legi, vel pacto facienda reprimatur per interpretationem extensivam. Quoniam enim quod in fraudem legis fit, vel pacti, verbis legis, vel pacti minime repugnat (§. 521.), ex verborum significato ostendi nequit, hoc fieri non debere: Quoniam tamen fieri minime debet (§. 524.), extra verborum significatum hoc ostendendum. Quamobrem cum legislator, vel qui cum altero pactus est hoc fieri noluerit (§. 522.), adeoque necesse sit, ut detur ratio sufficiens, cur idem fieri noluerit (§. 887. 889. *Psych. empir.*), hæc vero ratio eadem esse debeat, ob quam lex data, vel pactio facta est; quia aliunde mentem legislatoris, vel paciscentis, cui fraus adversatur (§. 521.), conjectare non datur, ob identitatem rationis sufficientis volitionis, vel nolitionis mens legislatoris, vel paciscentis ad factum, quo fit fraus legi, vel pacto, ultra significatum verborum extendendum est. Istitusmodi interpretatio extensiva est (§. 516.). Patet igitur fraudem legi vel pacto faciendam reprimi per interpretationem extensivam.

*Quomodo
ea reprimatur.*

Recte igitur *Grotius* lib. 2. c. 16. §. 20. n. 2. ad interpretationem extensivam refert, quæ Icti tradunt de his, quæ in fraudem fiunt. Per interpretationem extensivam reprimi ea, quæ
in

in fraudem fiunt, exempla, quæ supra dedimus (not. §. 521.), abunde loquuntur. Sane cum *Licinius Stolo* lege sanxisset, ne quis amplius, quam quingenta agri jugera haberet, non alia ratio ipsi esse potuit, quam ne aliis deesset occasio agros sibi comparandi, qui comparare volunt. Eadem non minus eripitur, si quis mille sibi compararet & dimidiam partem filio emancipet, quam si ipse totidem possideat, quippe substituta filii persona plura possidens, quam debebat. Per hanc itaque rationem patet, factum istud fieri in fraudem legis. Idem non absimili modo ostendi poterat in ceteris quoque exemplis. Sed vix opus esse videtur, ut in hisce prolixiores simus.

§. 526.

Interpretatio restrictiva quænam sit.

Interpretatio restrictiva est, qua casus aliquis sub verbis legis vel patti equidem comprehensus, ob defectum tamen rationis sufficientis, cur legislator vel pacifcens hoc fieri voluit, vel noluit, excipitur. *Grotius* lib. 2. c. 16. §. 22. *interpretationem restringentem* vocat.

E. gr. Si quis alicui leget domum, alteri hortum, ad quem nonnisi per domum aditus patet, is, cui domus legata est, aditum quoque præstare debet, licet nihil a testatore sit cautum, l. ult. ff. de servit. præd. urb. Etenim qui alteri legat hortum, ad quem nonnisi aditus patet, quam per domum, quam alteri legavit; is utique voluisse intelligitur, ut illi ab hoc aditus præstetur. Nimirum quamvis qui domum simpliciter legat, non dicat dominium legatarii restringi debere, id quod fit servitutem imponendo (§. 1274. part. 5. *Jur. nat.*); quoniam tamen deficit ratio sufficiens, cur dominium domus servitutis impositione diminutum esse non debeat, quin casum hunc, quo aditum præstare tenetur, excipere voluerit, dubitandum non est. Equidem juxta *Grotium* dicendum erat, defecisse ab origine voluntatem testatoris, ut dominium ejus, cui domus legata est, sit restrictum, quia alias absurda voluisset, dum legavit alteri hortum, ad quem adire non posset; facile tamen patet, defecisse voluntatem, quia defecit ratio sufficiens volitionis, sine qua non

non datur volitio (§. 387. 389. *Psych. empir.*). Studio elegimus hoc exemplum, ut appareat ex defectu rationis sufficientis volitionis semper deducendam esse interpretationem restrictivam, quemadmodum ex eo, quod ratio sufficiens adsit, deducitur interpretatio extensiva (§. 516.), cui restrictiva opponitur. Atque hoc modo non minus interpretatio restrictiva, quam extensiva naturæ voluntatis conveniens est, quam extra verborum significationem conjectare debemus.

§. 527.

Quoniam interpretatio restrictiva procedit ex defectu rationis sufficientis volitionis, vel nolitionis (§. *tum habeat* 526.), ratio autem hæc deficit, tum si in aliquo casu nulla *interpretatio restrictiva.* prorsus adsit ratio, cur hoc voluisse, vel noluisse dicendus, qui locutus est, quod verborum significatus fert, vel quia ratio, cur quis quidpiam voluit, vel noluit, ad casum aliquem applicari nequit sive saltem in genere, sive etiam in specie spectata; *interpretatio restrictiva locum habet, si in casu quodam sub verbis eas, qui locutus est, comprehenso vel nulla adsit ratio sufficientis volitionis, aut nolitionis, vel ea deficit aut generaliter saltem, aut etiam in specie spectata.*

Ita omnis ratio deficit, seu nulla prorsus adest in exemplo, quod modo dedimus (*not.* §. 526.), cur qui uni domum, alteri hortum legavit, ad quem nonnisi per domum aditus patet, voluerit domum legare sine servitute, ac ideo legatum domus restringitur, ut legata intelligatur cum itinere concedendo alteri legatario. Deficit ratio in genere spectata, quatenus in casu aliquo illicitum foret, quod faciendum, si verba præcise sequi velis, veluti si depositarius deponenti rem restituere vellet, domino eandem repente. Deficit ratio etiam in specie spectata, si patronus prohibetur juramento adigere libertum, ne uxorem ducat, aut liberos tollat, & patronus libertum castratum ad tale juramentum adigit, quia ratio legis est, ne patronus avaritiæ suæ velificando sobolis multiplicationem impediatur.

§. 528.

*Idem porro
expenditur.*

Similiter quia interpretatio restrictiva procedit ex defectu rationis sufficientis volitionis ac nolitionis (§. 526.), ratio autem, quæ plures simul sumtas comprehendit, non amplius sufficiens est, quando una vel altera deficit; *si ratio sufficiens volitionis vel nolitionis plures simul sumtas comprehendat, & una, vel altera earum deficit, interpretatione restrictiva utendum.*

Nimirum quoniam volitio, vel nolitio non ponitur, nisi posita ratione sufficiente (§. 118. *Ontol.*), si ratio illius sufficiens plures simul sumtas comprehendit, volitio, vel nolitio poni nequit, nisi singulæ istæ rationes simul adsint, quemadmodum in rerum natura effectus non sequitur, ad quem producendum plures causæ concurrant necesse est, si una, vel altera absit.

§. 529.

*Quomodo
defectus vo-
luntatis ori-
ginarius in-
telligatur ex
absurdo.*

Quodsi inde sequatur aliquod absurdum, quod eam mentem illi, qui locutus est, tribuere velis, quam verba generaliter posita indicant; hac ita restringenda sunt, ut absurdum istud evitetur. Quoniam nemo sanæ mentis absurda velle præsumitur, nec illi, qui locutus est, eam mentem tribuere licet, quam verba generaliter posita indicant, ubi inde sequitur aliquod absurdum. Quoniam itaque sine motivo, adeoque ratione sufficiente volitionis (§. 887. *Psych. empir.*), nulla datur volitio (§. 889. *Psych. empir.*), consequenter ubi volitio deficit, ibi quoque deficit ratio sufficiens volitionis; si inde sequatur aliquod absurdum, quod eam loquenti mentem tribuas, quam verba generaliter posita indicant, ratio sufficiens nulla adest, cur ea voluerit, quæ verba generaliter posita insinuare videntur. Quamobrem cum restrictiva interpretatio locum habeat, quando nulla adest volitionis ratio (§. 527.); tunc quoque restrictiva interpretatione utendum, consequenter ea sunt addenda, quæ ad vitandum absurdum requiruntur, seu, verba ita restringenda, ut absurdum istud evitetur.

Exem-

Exemplum, quod paulo ante in medium attulimus (not. §. 526.), propositionem præsentem illustrat. Etenim si quis uni legat domum, alteri hortum, ad quem nonnisi aditus per domum patet; cum nihil dicatur de servitute domo imposita, si eam mentem testatori tribuere velis, quod absque servitute legata sit domus, sequetur inde hoc absurdum, quod voluerit eum, cui hortum legavit, ad eundem accedere non posse. Nulla igitur adest ratio, quemadmodum jam ante monuimus (not. §. 527.), cur testator domum sine servitute legare voluerit, consequenter nec dici potest, quod sine servitute legaverit. Verbis igitur generaliter positis, *lego Titio domum*, addenda hæc sunt, *cum servitute itineris ad hortum*, seu, *ea lege, ut aditum ad hortum præsteret*. Ita enim evitatur absurdum. Sane si testator præsens esset ac ipsemet mentem suam explicare deberet, dubium non est, quin dicturus sit, velle sese ut Titius alteri legatario aditum ad hortum præsteret, consequenter metuendum non est, ne verba ejus perverse interpretemur (§. 459.). Haud raro contingit, nos non omnia, quæ volumus, verbis exprimere, sed quædam tacite insinuare, quæ aliunde intelliguntur, adeoque generaliter loqui, etsi verba nostra generaliter sumi sine ulla restrictione nolimus: id quod etiam subinde accidit nobis non cogitantibus. Ita in exemplo nostro testator nullam facit mentionem servitutis, vel quod putet, per se patere, ut aditus ad hortum præstetur, vel quod de aditu ad hortum non cogitet, quando uni domum, alteri hortum legat. In hoc casu Grotius l. c. interpretationem restrictivam peti dicit ex defectu originario voluntatis, qui intelligitur ex absurdo, quod alioqui evidenter sequitur. Nimirum si is, qui locutus est, statim interrogaretur, num velit verba sua ita intelligi, ut inde sequatur hoc absurdum; exemplo utique responderet nolle sese, ut ita intelligantur, sed restrictionem esse addendam, qua absurdum evitatur.

§. 530.

Si rationem addit qui locutus est, cur quid voluerit, vel no- De defectu
luerit, aut de ea aliunde constet, & casus sub verbis generaliter po- voluntatis
 Ccc 2 *litis originario*

ex cessatione rationis. *fitis comprehensus occurrat, in quo illa deficit; casus hic excipiendus est per interpretationem restrictivam.* Etenim qui aliquid vult, vel non vult, propter hanc rationem, is idem neutiquam vult, vel non vult absolute, sed quatenus id sub ista ratione venit. Quod si ergo in casu aliquo sub verbis generaliter positis comprehenso ratio illa deficit, nec qui locutus est in eo casu id voluisse, vel noluisse dicendus, quod verba generaliter posita indicant (§. 889. *Psych. empir.*). Quamobrem dubium non est, quin casum istum exciperet qui locutus est, si præsens esset ac interrogaretur, num eundem quoque sub verbis suis comprehendi velit. Quoniam itaque interpretatio ita facienda, quemadmodum eam faceret qui locutus est, si præsens esset (§. 515.), & interpretatione restrictiva utendum, quando deficit ratio sufficiens volitionis, vel nolitionis (§. 527.); si qui locutus est rationem addit, cur quid voluerit, vel noluerit, aut de ea aliunde constat, casus, in quo deficit ista ratio, etsi sub verbis generaliter positis comprehensus sit, per interpretationem tamen restrictivam excipiendus.

Propositionem præsentem optime illustrat exemplum in l. 6. §. 2. ff. de Jur. patron. quod supra jam attulimus (not. §. 527.), scilicet si patronus prohibetur juramento adigere libertum, ne uxorem ducat, aut liberos tollat, excipiendus est casus, quo patronus libertum castratum ad tale juramentum adigit. Quoniam enim ratio prohibitionis est, ne patronus avaritiæ suæ velificando sobolis multiplicationem impediatur; legislator non absolute prohibuit, ne patronus impediatur libertum, quo minus uxorem ducat, sed quatenus hoc modo sobolis multiplicatio impeditur: quod cum non fiat, si libertus castratus est, dubium sane non est, de liberto castrato verba sua ut accipiantur noluisse legislatorem, licet de eo nihil expresse dixerit. Illa igitur ratio cum verba legis statim restringat ad libertum, qui liberos tollere potest; quoad libertum castratum statim

statim quoque deficit voluntas legislatoris. Hinc *Grotius* dicit l. c. in hypothesi propositionis presentis interpretationem restrictivam peti ex defectu originario voluntatis, qui intelligitur ex cessatione rationis, quæ sola plene & efficaciter movit voluntatem, hoc est, rationis sufficientis volitionis, vel nolitionis. Quodsi Titio promisi, quamdiu in Academia studiis operam navaverit, dare quotannis centum thaleros, ob hanc rationem, ut feliciores in iis progressus facere possit; promissum meum extendi nequit ad hunc casum, quo neglectis studiis pecuniam pudendo luxu consumit, consequenter statim ab initio noluisse dicendus sum pecuniam dare Titio, si in Academia neglectis studiis luxuriæ indulget, quamvis de eo nihil expresse dictum fuerit.

§. 53 r.

Sæ materia, de qua agitur, parum convenit, ut verba tam late sumantur, quemadmodum patere videntur; per interpretationem restrictivam eidem convenienter restringenda sunt. Quæ originaria enim materia, de qua loquimur, semper obversatur ex materia animo nostro; per verba, quæ proferimus, non significare volumus, nisi quod in idea rei, quæ animo obversatur, continetur, omni quippe attentione in ea defixa, ut, num latius pateant verba, quam quod dicere volumus, non consideremus. Nulla igitur ratio est, cur id voluisse, vel noluisse dicamur, quod verba latius patentia indicare videntur. Quæ obrem cum interpretatione restrictiva utendum sit, quando ratio sufficiens nulla adest volitionis, vel nolitionis (§. 527.), nec verbis significare intendamus, nisi quod in idea animo obversante continetur (§. 36. Log.); per interpretationem restrictivam materiæ, de qua agitur, convenienter restringenda sunt verba, quæ latius patent, si illi parum convenit, ut tam late sumantur, quemadmodum patere videntur.

E. gr. Pomanus feuda usu recepta non admittere successores, nisi in linea agnatica a primo acquirente descendentes.

Quodsi dicam, concedo tibi & descendentes masculis feudum; quamvis nepotes ex filia etiam sint descendentes masculi, materia tamen, de qua agitur, ex hypothesi minime patitur, ut sub masculis descendentes comprehendantur, quia scilicet feudum per naturam suam non admittit nisi masculos descendentes in linea agnatica. De feudo nimirum qui cogitat, non aliud sibi repræsentare intelligitur nisi ordinarium, quamdiu diversum non dicit. Quodsi contra naturam feudi successionem in eodem ad masculos quoque in linea cognatica descendentes extendere velimus, nulla adest ratio, cur hæc voluisse dicatur qui locutus est. Cumque ratio hæc statim deficiat, quando loquitur; *Grotius* l. c. in hypothesi quoque propositionis præsentis interpretationem restrictivam peti dicit ex defectu originario voluntatis, qui intelligitur ex defectu materiæ. Quod vero nulla adfir ratio, cur quis velit ea, ad quæ verba ipsius extenduntur ultra substratam materiam, facile patet. De quo enim non cogito, ea nec velle possum. Quod vero velle non possum, ejus nec datur aliqua ratio, cur velim. Pertinet huc, quod vulgo dicitur, verba intelligenda esse secundum substratam materiam, & talia esse prædicata, qualia permittuntur esse a suis subjectis.

§. 532.

De ratione res secundum potentiam moraliter consideratam sub se comprehendente.

Si res, quæ ratio sub se comprehendit, spectentur non secundum existentiam, sed quatenus existere possunt; ubi certum non est, eas existere non posse, restrictio faciendâ non est. Etenim si res, quæ ratio sub se comprehendit, spectentur non secundum existentiam, sed quatenus existere possunt; qui locutus est, omnino hoc fieri voluit, vel noluit, non quando certum est, res istas exituras, sed etiam quando non certum est, eas existere non posse, adeoque metuendum, ne forsan existant (§. 56. *Ontol.*). Quod si ergo verba ejus, qui locutus est, restringere velis ad eum casum, quo res actu non existit, aut probabiles non prostant rationes, quod sit exitura; contra

men-

mentem ipsius hoc fieret. Quamobrem cum per interpretationem inquiramus in mentem ejus, qui locutus est (§. 459.); si res, quæ ratio sub se comprehendit, spectentur non secundum existentiam, sed quatenus existere possunt; ubi certum non est, eas existere non posse, restrictio facienda non est.

Grotius l. c. §. 25. dicit, res sub ratione comprehendi non secundum existentiam, sed secundum potentiam moraliter (non physice) consideratam, & hoc in medium affert exemplum. Si cautum sit, ne exercitus, aut classis aliquo ducatur, non poterit duci, etiam animo non nocendi, quia in pactione non certum damnum, sed periculum qualecunque spectatum est. Quamdiu nimirum certum non est, fieri non posse, ut aliquid hostile molliatur classis, vel exercitus, vel alia quacunque de causa contingat, ut damnum aliquod ex eo emergat, quod classis, vel exercitus eo ducatur, quo ne ducatur conventum erat; nec licet conventionem restringere, ut classis, vel exercitus eo duci possit sine animo nocendi. Vix autem unquam fieri poterit, ut certus sis, abesse animum nocendi, vel nullum emergere posse casum, quo, qui animum nocendi nunc non habet, eundem mutet. Afferi etiam solet exemplum sequens. Si prohiberetur fuerit famulis arma gestare; nec gestare licet, etiam si non habeant animum nocendi. Unde enim certus esse poteris, haud quaquam dari posse occasionem, ut ferro noceat, qui animum nocendi nunc non habet. Valet hic illud per vulgatum: occasio facit fures. Exemplo huic geminum est alterum, quando lege prohibetur, ne quis noctu cum facibus per plateas ambulet: tum enim non licet excipere, se tam circumspicere facibus uti, ut damnum nemini inde emergat. *Grotius* distinguit inter existentiam & potentiam, seu, ut scholastici loquuntur, inter actum & potentiam, quatenus scilicet quid vel existit, vel existere saltem potest & hanc potentiam moraliter considerari dicit, quando probabile, aut saltem non improbabile est, id existere posse. Ita quando prohibetur, ne quis noctu cum facibus per plateas ambulet, non ideo prohibetur, quod

quod incendium sit suboriturum; sed quod certum non sit. an non casus contingere possit, quo incendium oritur, qui non una de causa contingere potest, nam in istiusmodi eventibus incertis eligatur quod tutius.

§. 533.

Quando Si status rerum præsens in ratione sufficiente promissionis non promissa non continetur; promissa in se non habent tacitam conditionem, si res habeant taci-maneant, quo sunt loco. Quoniam enim ex ratione sufficientem conditionem, si res (§. 56. Onsol.) ; si status rerum præsens in ratione sufficiente maneat, promissionis non continetur, nec propter eandem promissum dici potest, quod promissor promissor, consequenter quando res non manent eo, quo sunt, loco, ratio sufficiens promissionis minime deficit. Quoniam itaque interpretatio restrictiva locum non habet, nisi deficiente ratione sufficientem promissionis. (§. 526.) ; nec casus excipi potest, quo res non manent, quo sunt loco. Quamobrem promissa in se non habent tacitam conditionem, si res maneat quo sunt loco, si status rerum præsens in ratione sufficiente promissionis non continetur.

Sunt sane plurimi, qui existimant, promissa semper tacitam hanc habere exceptionem, si res maneat, quo sunt loco, cum mutatione status rerum mutari etiam promissa statuerent. Sed quemadmodum falsa est hæc opinio, ita etiam periculosissima, cum vix unquam propter rerum humanarum inconstantiam deficiat causa, cur quis pacto stare velit, & semper aliquam juris speciem fraudi imponere haud difficile erit. Ita si conventum fuerit, ut certo pretio redimantur captivi, non licet exigere pretium majus, propter ea quod præda ingenti auctus fuerit qui redimere vult.

§. 534.

Si status rerum præsens in ratione sufficiente promissionis continetur; promissa in se habent tacitam conditionem, si res maneant, quo sunt loco. Quando ha-
 ant, quo sunt loco. Quoniam enim per rationem sufficientem promissionis intelligitur, cur promissor quid promiserit (§. 56. *Ontol.*); si status rerum præsens in ratione sufficiente promissionis continetur, promissor ideo promississe intelligitur, quod status rerum præsens talis esset, non promissurus, si non fuisset. Quodsi ergo status rerum præsens mutetur, adeoque eadè non maneant, quo sunt loco (§. 290. *Ontol.*); ratio sufficiens promissionis deficit (§. 56. *Ontol.*). Quamobrem cum casus excipiendus sit, quo ratio sufficiens promissionis deficit (§. 530.); si status rerum præsens in ratione sufficiente promissionis continetur, promissa in se habent tacitam conditionem, si res maneant, quo sunt loco.

Gratulus l. c. huc refert, quod passim in historiis legamus, legatos a suscepto itinere domum redisse deserta legatione, quod res ita immutatas intelligerent, ut tota legationis materia aut causa cessaret. Exemplum occurrit apud *Tacitum* lib. 2. *Hist.* c. 1. ubi *Fritius* missus fuerat a patre ad gratulandum *Galbæ*, qui occisus interim erat, *Othone* successore. Annon vero confutius sit, ut, antequam redeat legatus, in mentem mittentis inquirat, cursum interea sistendo, non est hujus loci disquiretè.

§. 535.

Quoniam promissa continent in se tacitam hanc conditionem, si res maneant, quo sunt loco, quando status rerum præsens in ratione sufficiente continetur (§. 534.), minime dum sit illud autem habent, quando non continetur (§. 533.); promissa in se non habent tacitam conditionem, si res maneant, quo sunt loco, nisi apertissime pateat statum rerum præsentem in ratione sufficiente promissionis contineri.

(*Wolffus Jur. nat. Pars VI.*)

Ddd

Atque sibus.

Atque adeo patet, quomodo cum grano salis, ut loquitur Zepperus in Cynos. leg. c. 59. accipi debeat illud brocardicum Istorum: *conventionem omnem intelligi rebus sic stantibus*, ne omnis fides inter mortales elevari possit. Promissa nimirum semper sunt servanda, quænam status rerum fuerit mutatio, quamdiu certum non est, intuitu status præsentis tantummodo promissum esse. Ita amico pecunia indigenti promitto, me donaturum centum thaleros. Sed irruens hostis domum meam diripit & vastat, ut ipsemet pecuniæ sim maxime indigus. Nemo non videt, propter rerum statum mutatum promissum non esse servandum, sed cum promitterem, me hunc casum tacite excepisse & ad statum rerum præsentem unice animum attendisse.

§. 536.

De casu emergente, qui pugnat cum voluntate ob rationem naturalem.

Si casus emergit, quo verba sequi illicitum esset, seu legi natura repugnaret; casus hic excipiendus est. Etenim cum obligatio naturalis, seu quæ a lege naturæ venit, sit immutabilis (§. 142. part. 1. Phil. pract. univ.) ; nemo sese obligare potest ad id faciendum, quod legi naturæ repugnat. Quamobrem si quis casus emergit, quo verba sequi legi naturæ repugnaret; cum nemo præsumatur voluisse, quod eidem repugnat, casum hunc excepturus intelligitur, qui locutus est, si præsens esset. Quamobrem cum ita facienda sit interpretatio, quemadmodum eam faceret, qui locutus est, si præsens esset, vel si eidem cognita fuissent, quæ nunc palam sunt (§. 515.); si casus emergit, quo verba sequi illicitum esset, seu legi naturæ repugnaret, casus iste omnino excipiendus est.

Quoniam voluntas pendet a iudicio intellectus, quando casus aliquis emergens, quem prævidere non datum fuit, cum voluntate pugnat, aut idem repugnat iudicio intellectus, a quo voluntas dependet, aut ipsi actui volitionis, quando scilicet duo pacta, vel duæ leges in casu emergente inter se colliduntur, ut exceptione opus sit, adeoque quæritur, quomodo facienda

cienda sit exceptio. Propositio præsens pertinet ad casum prior-
 rem. E. gr. Qui gladium depositum reddere promisit pro lu-
 bitu repetenti, eum non reddet aggressori, seu lædere alterum
 intendenti (§. 979. part. 1. *Jur. nat.*). Quoniam enim nemo
 ad hoc concurrere debet, ut alter vulneretur (§. 740. part. 1. *Jur.*
nat.), nec alterum in periculum vitæ adducere (§. 746. part.
 1. *Jur. nat.*); legi naturæ utique repugnat reddere gladium de-
 positum ei, qui alterum vulnerare, aut interficere intendit.
 Quando itaque gladium depositum reddere quis promittit pro
 lubitu repetenti, casus hic tacite exceptus intelligitur, cum in
 eodem promissio illicita foret. Similiter rem depositam non
 reddet deponenti, si dominus eam repetat. Quoniam enim
 qui rem alienam in potestate habet, & novit, cujusnam ea sit,
 eam domino restituere debet (§. 467. part. 2. *Jur. nat.*); legi
 naturæ repugnat, domino repetente, eam reddere deponenti.
 Quando itaque depositarius vi contractus deponenti promittit,
 se rem depositam redditurum; casus hic tacite excipitur, quo
 dominus eandem repetit.

§. 337.

Quoniam si casus emergit, quo verba sequi illicitum es-
 set, casus hic excipiendus (§. 336.), quando vero casus e-
 mergit, quo verba pacti vel legis sequi illicitum esset, pa-
 ctum vel lex cum lege naturæ colliditur in eodem casu (§. natura in
 206. part. 1. *Phil. pract. univ.*); Quando in casu emergente pa-
 ctum, vel lex colliditur cum lege natura, casus hic a pacto vel le-
 ge excipiendus.

Nimirum quod pactum, vel lex fieri vult, lex naturæ non vult
 fieri & contra in casu emergente, ob circumstantias scilicet,
 quæ ordinarie in casibus aliis non adsunt. Atque adeo tum
 pactum, vel lex colliditur cum aliqua lege naturæ, cum qua
 per se minime collidebatur (§. 206. part. 1. *Phil. pract. univ.*).
 Propter immutabilitatem vero legis naturalis & ab ea venientis
 obligationis (§. 142. part. 1. *Phil. pract. univ.*), lex naturæ præfertur.

seu obligatio naturalis vincit eam, quæ pacto contracta est, aut a lege positiva venit. Atque adeo patet interpretationem restrictivam in casu emergente ob pugnam cum voluntate propter rationem naturalem, quemadmodum *Grotius* loquitur, proprie fluere ex collisione pacti vel legis positivæ in casu emergente cum naturali, consequenter pactum, vel legem ad eum casum extendi non posse, sed ipsa lege naturæ eundem esse exceptum. E. gr. Vi contractus depositi depositarius rem depositam reddere tenetur deponenti (§. 578. part. 4. *Jur. nat.*), aut vi legis naturæ eandem restituere debet domino (§. 467. part. 2. *Jur. nat.*). Utrumque cum fieri minime possit, contractus in eo casu, quo dominus rem depositam repetit, colliditur cum lege naturali (§. 206. part. 1. *Phil. pract. univ.*). Quoniam itaque ab obligatione naturali nemo sese liberare potest (§. 142. part. 1. *Phil. pract. univ.*); lex naturæ vincit contractum (§. 208. part. 1. *Phil. pract. univ.*). Sane statim ab initio illicitam foret ita contrahere, ut rem alienam deponenti promittas te ipsi, non domino reperenti eandem restituere velle. In presenti adeo non tam quaeritur, quænam foret voluntas ejus, qui locutus est, si præsens esset, sed quænam esse deberet. Quoniam vero in dubio velle præsumitur, quod velle debet; ideo casus emergens cum voluntate ipsius pugnat dicitur, nihilominus excipiendus, etiamsi, qui locutus est, eundem excipere nollit, propterea quod ipsa lex naturæ eundem excipit.

§. 538.

De casu emergente, proprio stricto inhaerere nimis grave foret ei, quem quis ad aliquid qui non satis præstandum obligare voluit, vel qui se alteri obligare voluit; *convenis officii humanitatis, vel erga se ipsum.* casus iste excipiendus. Etenim cum ad commoda aliorum promovenda non obligemur, nisi quatenus citra neglectum officii erga se ipsum fieri potest (§. 608. part. 1. *Jur. nat.*); nemo præsumitur se alteri adeo obligare voluisse, ut sibi ipsi nimium desit, consequenter ut faciat, quod sibi nimis grave, seu molestum foret. Quod si ergo casus emergit, in quo verba sequi,

equi, seu eorum significatui proprio stricte inhære nimis grave foret ei, qui se alteri obligavit, dubium non est, quin is hunc casum exciperet, si præsens esset. Quamobrem cum ita facienda sit interpretatio, quemadmodum eam faceret, qui locutus est, si præsens esset, vel si eidem cognita fuissent, quæ nunc palam sunt (§. 515.); si casus emergit, in quo verba sequi, seu eorum significatui stricte inhære nimis grave foret, qui se alteri obligare voluit, casus iste excipiendus est.

Quod erat unum.

Quodsi ponamus, legislatorem tulisse legem, quam in casu emergente observare nimis grave foret ei, quem ea lege ad quid faciendum, vel non faciendum obligare voluit legislator; hic omnino durissimam hanc legis observantiam non voluisse præsumitur, adeoque dubium non est, quin menti legislatoris conveniat, ut excipiatur. Quamobrem cum in interpretando inquiramus in mentem legislatoris (§. 459.); contra verborum significatum casus iste utique excipiendus. *Quod erat alterum.*

E. gr. Qui rem ad dies aliquot commodavit, intra eos dies eam repetere poterit, si ipse eadem valde egeat. Neque enim usum rei suæ alteri concedere tenetur, quemadmodum facit, qui rem commodat (§. 418. part. 4. Jur. nat.), qui ipse eadem eget: immo nemo hoc facere præsumitur, præsertim si ipse eadem valde egeat, nisi singulares adsint rationes, ob quas hoc facere malit. Quodsi ergo ex insperato casus emergit, quo commodatario re sua ipse valde eget, nimis durum foret, si usum rei alteri concedere tum deberet, consequenter dubium non est, quin casum hunc, cum commodaret, excepisset, si de eo cogitasset, vel a commodatario interrogatus fuisset, num intra eos dies, ad quos commodavit, rem repetere nolleret, si ipsum eadem valde egere contingat. Similiter qui auxilium fœderare promissit, excusabitur, quamdiu ipse domi periclitatur, in quantum copius opus habet. Quoniam enim nemo tenetur

fœderato promittere auxilium, nisi in quantum ipse copiis non habet opus, quemadmodum suo tempore constabit, quando de jure gentium acturi sumus, immo nec quisquam hoc facere præsumitur, ideo casus hic tacite exceptus intelligitur, ut adeo auxilium præstare non teneatur, nisi in quantum copiis opus habet, adeoque nullum, si omnibus opus habet. Addit porro *Grotius* l. c. §. 27. concessionem immunitatis vectigalium & tributorum intelligi de quotidianis & anniversariis, non de iis, quæ summa necessitas exigit, & quibus carere Resp. non potest. Etenim officium boni civis est, ut pro virili conferat, quicquid ad servandam Remp. requiritur, nec superior in favorem quorundam ceteros nimium onerare debet, id quod etiam ex parte eorum, qui immunitate alias fruuntur, charitati repugnat. Hinc itaque colligitur, dum immunitas vectigalium & tributorum fuit concessa, ea tacite excepta fuisse, quæ summa necessitas exigit, & quibus Resp. carere nequit. Huc etiam refert *Grotius*, quod morbus fonticus patris vel filii (quo scilicet vita ejus periclitatur) eum excuset, qui operas vicino ad aliquot dies promisit. In hoc enim casu operas præstare promissas repugnaret amori, quo recte patrem, vel filium prosequimur, adeoque nimis durum foret, si contra eundem ad præstandum operas promissas obligatus esse deberet. Nemo adeo dubitabit, quin hunc casum excepturus fuisset, qui operas promisit, si de eo interrogatus fuisset, cum promitteret. Alia adhuc exempla vide apud *Senecam* lib. 4. de benefic. c. 35. Sed demus etiam exempla, in quibus casus emergens sub verbis legis comprehensus excipiendus, quod verba legis sequi nimis durum foret. Pertinet huc interpretatio restrictiva legis positivæ divinæ de nullo opere in die Sabbathi faciendo, quam fecit Christus hydropicum Sabbatho sanans Luc. XIV. 3. & seqq. Excipiebat enim eum casum, quo quis asinum ac bovem in puteum cadentem die Sabbathi continuo extrahit. Cum enim jus naturæ unicuique commendet rerum suarum conservacionem (§. 458. 452. 448. *part. 2. Jur. nat.*); observantia legis de nullo opere Sabbatho faciendo nimis dura foret, si eoque extendi deberet, absque ulla ratione, ut ne quidem peri-

culum avertere liceret, quod rebus suis imminet, cum nihil hic committatur, quod reverentiæ erga Deum contrarietur, sed quod potius voluntati divinæ, cui jus naturæ consentaneum est, (§. 284. part. 1. *Phil. pract. univ.*), conforme. Hinc merito stultam appellat *Puffendorfius* l. c. §. 22. Abyssinorum religionem, qui tempore quadragesimæ tantopere sese jejuniō macerant, ut animi & corporis viribus defecti hostibus, eo tempore incurrentibus, resistere non valeant, cum tamen jus se defendendi adversus hostes cuilibet populo ipsa naturæ lege sit concessum, quemadmodum suo loco ostendemus.

§. 339.

Si duo pacta vel due leges colliduntur in casu emergente; exceptio facienda. Etenim quando duo pacta inter se colliduntur in casu emergente, fieri haud quaquam potest, ut utroque simul stetur, seu simul præstetur, quod in utroque promissum, ac diverso tempore commode præstari potest (§. 310. *Ontol.*). Necessè igitur est, ut in casu isto uni tantummodo satisfiat, neglecto pacto altero. Quamobrem cum nunc casus emergens sub pacto altero comprehensus vi significationis verborum sit excipiendus; si duo pacta in casu emergente colliduntur, exceptio facienda est. *Quod erat*

De collisione pactorum & legum in casu emergente.

*Quod collisio legum pariat exceptionem, patet per ea; quæ de legibus naturalibus demonstravimus (§. 207. part. 1. *Phil. pract. univ.*).* *Quod erat alterum.*

Queritur vero jam, quomodo facienda sit exceptio, seu quomodo pateat, quodnam pactum alterum vincat, quodnam alteri cedat, & quænam lex vincat alteram, quænam alteri cedat. Quid in collisione legum obtineat, jam demonstravimus alibi (§. 210. *Et seq. part. II. *Phil. pract. univ.**). Restat igitur, ut etiam ostendamus, quid in collisione pactorum obtineat. Notandum vero, quando hic dicitur, duo pacta inter se collidi; id etiam intelligendum esse de duobus promissis in eodem pa-

Et contentis, cum tum pactum unum spectari possit tanquam multiplex.

§. 540.

Pacta quatenus legibus assimilantur.

Pacta, quatenus promissa continent, assimilantur legibus. Quatenus enim promissa continent, qui promittit, obligatur ad aliquid dandum, vel faciendum, vel etiam ad quiddam non faciendum, vel non patiendum (§. 262. 258. pars. 3. Jur. nat.). Quamobrem cum propositiones, quibus enunciatur, quid promissarius agere, vel non agere debeat, sint veluti regulæ, juxta quas actiones quasdam suas determinare obligatur (§. 475. Ontol.), regulæ autem, juxta quas actiones nostras determinare obligamur, sint leges (§. 131. part. 1. Phil. pract. univ.); pacta, quatenus promissa continent, legibus assimilantur.

Idem omnino est effectus pacti, quatenus promissionem continet, atque legis. Cum enim non minus pactum, quam lex inducat obligationem, adeoque necessitatem agendi, vel non agendi imponat (§. 118. part. 1. Phil. pract. univ.); libertatem agentis restringit quoad certas actiones, ut de iis non amplius statuere possit pro lubitu suo, sed quoad easdem dependeat a voluntate alterius, cui obsequendum.

§. 541.

De pluribus legibus uno pacto contentis.

Quoniam pacta, quatenus promissa continent, assimilantur legibus (§. 540.); si pacta plures promissiones continent, tot in eisdem spectare datur leges, quot insunt promissa diversa.

Pactum scilicet plures promissiones continens est veluti compositum ex pluribus simplicibus, quorum singula singulas promissiones continent. Quodlibet istiusmodi pactum simplex cum legi assimilatur (§. 540.); tot omnino pacto composito inesse intelliguntur leges, quot insunt promissiones particulares. Qui promittit, representat personam ejus, cui lex præ-

scribitur; is autem, cui promittitur, habet sese instar legislatoris, cujus voluntati parendum. In pactis adeo bilateralibus quoad diversa promissa reciproca unus idemque repræsentat personam & legislatoris, & subditi.

§. 542.

Similiter quia pacta, quatenus promissa continent, legibus assimilantur (§. 541.), quæ vero ad agendum obligant, *quatenus pactum legi leges præceptivæ sunt (§. 164. part. 1. Phil. præct. univ.), quæ ad præceptiva, non agendum obligant, prohibitivæ (§. 163. part. 1. Phil. prohibitive præct. univ.), quæ ad agendum & non agendum non obligant, & permissivæ sed jus saltem agendi & non agendi dant, permissivæ (§. 165. va æquiva part. 1. Phil. præct. univ.)*; *quatenus pactum promissionem continet legat. de agendo, legi præceptiva æquivalet, quatenus vero continet promissionem de non agendo, legi prohibitive, & quatenus concedit jus agendi, vel etiam non agendi, legi permissiva.*

Differentia eadem est promissionum in pactis, quæ est legum. Nimirum utrobique aut necessitas quædam agendi aut non agendi imponitur, aut liberum alicui relinquitur, ut pro lubitu quid agat, vel non agat, ac alter pati teneatur, ut agat, vel non agat, prouti visum fuerit.

§. 543.

Si pactum permittens colliditur cum jubente, permittens cedit De collisione jubenti. Etenim pactum permittens legi permissivæ, jubens *pacti per-* legi præceptivæ æquivalet (§. 542.). Enimvero si *lex præ-* mittentis & ceptiva & permissiva inter se colliduntur, permissiva cedit *jubentis.* præceptivæ (§. 211. part. 1. Phil. præct. univ.). Quod si itaque pactum permittens colliditur cum jubente, permittens quoque cedere debet jubenti.

Patet adeo, nos pacta reduxisse ad leges, ut sine ulla opera demonstrari possit, quomodo in pactationibus fieri debeat exceptio, quando ex casu emergente inter se colliduntur. Quod jubetur, cum ad id faciendum sumus obligati, necessarium est,
(Wolffii Jur. Nat. Pars VI.) E e e ut

ut fiat (§. 113. part. 1. *Phil. pract. univ.*); quod vero permittitur, quia nostro arbitrio relictum, ut faciamus, voluntarium (§. 156. part. 1. *Phil. pract. univ.*). Quando itaque fieri nequit, quod voluntarium est, nisi omittatur, quod fieri necesse est, qui est casus collisionis; a voluntario utique abstinendum, minime autem a necessario, necessitate faciendi tollente libertatem omittendi in casu emergente.

§. 544.

De collisione pacti permittentis ac vetantis. Si pactum permittens colliditur cum prohibente, seu vetante; permittens cedit vetanti. Etenim pactum permittens legi permissivæ, vetans legi prohibitivæ æquivaler (§. 542.). Enimvero si lex prohibitiva & permissiva inter se colliduntur, permissiva cedit prohibitivæ (§. 211. part. 1. *Phil. pract. univ.*). Quamobrem si pactum permittens & vetans inter se colliduntur, permittens vetanti cedere debet.

Quod vetatur, cum ad id omittendum obligemur (§. 163. part. 1. *Phil. pract. univ.*), ut omittatur necessarium est; quod vero permittitur, ut modo annotavimus (not. §. 543.), voluntarium. Quando itaque fieri nequit, quod voluntarium, nisi fiat id quod omisso necessario, id quod necesse est in casu collisionis; a voluntario denuo abstinendum, necessitate omittendi tollente facultatem seu libertatem faciendi in casu emergente.

§. 545.

De collisione pacti jubentis, & vetantis. Si pactum jubens collidatur cum pacto vetante, jubens cedit vetanti. Etenim pactum jubens legi præceptivæ, vetans prohibitivæ æquivaler (§. 542.). At si lex præceptiva colliditur cum prohibitiva, præceptiva cedit prohibitivæ (§. 210. part. 1. *Phil. pract. univ.*). Ergo si pactum jubens colliditur cum vetante, vetanti cedit.

Quod vetatur, absolute necessarium est, ut nunquam fieri possit: quod jubetur, necessarium quidem est, sed quando fieri

ri potest, cum ad impossibile non detur obligatio (§. 109. part. 1. *Phil. pract. univ.*). Quando quod jubetur colliditur cum eo, quod vetatur; impossibile est, ut fiat, atque adeo hic casus intelligitur exceptus. Quod nimirum jubetur, tacitam hanc habet exceptionem, nisi occurrat impedimentum, quod actionem reddit impossibilem pro presenti, moraliter scilicet, etsi non physice. Quod jubetur occasionem agendi supponit, quæ utique abest, ubi quid faciendum, quod vetitum,

§. 546.

Si duo pacta affirmativa, seu quæ quid jubent, in casu emergente inter se collidantur, quæ cum diversis personis inita fuerunt, affirmativis pactum prius vincit posterius. Etenim in pacto affirmativo nos diverso tempore alteri obligamus ad aliquid præstandum (§. 841. part. 3. *Jur. pore cum dinat.*). Quamobrem cum nemo ab obligatione sua seipsum liberare possit (§. 674. part. 3. *Jur. nat.*); non licet se obligare alteri ad quid præstandum, quod vi pacti cum alio jam initi præstari nequit. Enimvero si duo pacta affirmativa cum diversis inita personis inter se collidantur, pacto priori satisfieri nequit, siquidem posteriori satisfacere velis (§. 510. *Ontol.*). Casus igitur, quo inter se collidantur, in pacto posteriori tacite exceptus intelligitur, ita ut satisfaciendum sit pacto priori, non posteriori, adeoque posterius cedit priori.

Liberum utique est paciscenti, num & quomodo se alteri obligare velit, quamdiu libertas ejus nullo adhuc modo restricta est, sed idem eadem integra fruitur. Quamprimum vero cum aliquo pactum in it, quoad ea, de quibus conventum, libertatem suam restringit, ut adeo alteri sese obligare nequeat ad id, quod pactio jam antea in itæ contrariatur. Pactio itaque posterior fieri nequit nisi sub hac tacita conditione, in quantum pactio prior non obstat. Et sic casus emergens, in quo pactorum fit collisio, in pacto posteriori facile excipitur.

§. 547.

*De iis, a qua in aqua
liber promit-
sens obliga-
sus.*

Si qua in eodem, vel diversis pactis cum eadem persona initis jubentur, in casu emergente inter se colliduntur; id vincit, ad quod fortior est obligatio. Etenim qui duo alteri promittit, ad quorum unum fortius eundem sibi obligari voluit promissarius, quam ad alterum; promissario utique plus interest, ut præstetur id, ad quod fortius sibi obligatum esse voluit promittentem, quam ut præstetur alterum, cum nec alio fine alterum nobis obligemus ad aliquid præstandum, quam ut de præstatione sumus certi. Quamobrem voluisse omnino intelligitur, ut, si forsan contingat, utrumque præstari simul non posse, id potius præstetur, ad quod fortius sese obligavit promittens, quam alterum. Quoniam adeo in casu collisionis fieri nequit, ut utrumque simul præstetur (§. 510. *Ontol.*); id utique præstandum, ad quod fortior est obligatio, consequenter hoc vincit, si quæ in eodem, vel in diversis pactis cum eodem initis jubentur, in casu emergente inter se colliduntur.

Pacta igitur affirmativa tacitam hanc habent exceptionem, ut, si duo promissa simul adimpleri non possint, id præstetur, ad quod promittens fortius obligatus est. Nimirum aliqua adesse debet ratio, cur promissarius fortius sibi obligari voluit promittentem ad unum, quam ad alterum (§. 70. *Ontol.*). Hæc autem ratio alia esse nequit, quam ut tanto certior sit de adimplendo promisso, quemadmodum ex fine intelligitur.

§. 548.

*De collisione
promissi ju-
rati & non
jurati.*

Quoniam id vincit, ad quod fortior est obligatio, si quæ in pactis cum eodem initis jubentur in casu emergente inter se colliduntur (§. 547.), jurans vero fidem suam ei, cui jurat, de veritate dictorum adstringit (§. 881. *part. 3. Jur. nat.*), adeoque obligationem ad præstandum id, quod promissum, fortio-

fortiorem efficit (§. 758. part. 3. Jur. nat.) ; *promissum juratum præfertur non jurato, si in casu emergente ea inter se colliduntur; quorum unum jurato, alterum injurato eidem promissum est.*

In promisso jurato duplex adest obligatio, altera, quæ per se inest omni promissioni, altera vero, quæ inest promissioni de non fallenda fide in juramento contentæ. Duplex itaque obligatio fortior omnino est simplici, quæ datur in promissione non jurata. Arcet quoque juramentum omnes tacitas exceptiones ac conditiones (§. 908. part. 3. Jur. nat.), consequenter etiam hanc exceptionem, ut, si contingat, quod jurato promittitur, præstari nequeat, propterea quod aliud injurato promissum sit præstandum. Non vero adest, quod istiusmodi exceptionem arceat in promissione non jurata.

§. 549.

Si in eodem pacto, vel in diversis cum eodem initis, quod sub De collisione pena promissum colliditur cum promisso alio, quod pœnam adjunctam non habet; promisso pœnalis vincit alteram, cui nulla pœna nalis cum a-addita est: quodsi vero utraque promissio fuerit pœnalis, illa lio in casu vincit, qua majorem pœnam adjunctam habet. Etenim cum pœna emergente. na adjiciatur promisso, ut sit motivum promissum servandi (§. 606. part. 3. Jur. nat. & §. 788. Psych. empir.); is, cui promittitur, promittentem sibi obligare vult ad servandum promissum (§. 118. part. 1. Phil. præct. univ.), etsi ad servandum jam naturaliter sit obligatus (§. 431. part. 3. Jur. nat.). Patet itaque, sub pœna promittentem magis obligari ad servandum promissum, quam sine pœna promittentem. Quamobrem cum in casu emergente id vincat, ad quod fortior est obligatio, in quo colliduntur, quæ in eodem pacto, vel in diversis pactis cum eodem initis jubentur (§. 547.); si in eodem pacto, vel diversis pactis cum eodem initis quod sub pœna promissum colliditur cum promisso alio, quod pœnam

nullam adjunctam habet, promissio poenalis vincit alteram non poenalem. *Quod erat unum.*

Quoniam poena adjicitur promisso eo fine, ut promissor obligetur fortius ad servandum promissum, *per demonstrata*; ad servandum promissum, cui major poena addita est, servandum fortior utique obligatio, quam ad alterum, cui minor poena adjecta. Quodsi ergo in casu collisionis utraque promissio fuerit poenalis, illa vincit, quæ majorem poenam adjunctam habet (§. 547.). *Quod erat alterum.*

Quoniam promissiones in pactis contentæ legibus æquiparantur (§. 540.), & quidem positivis, utpote a voluntate profectæ (§. 147. part. 1. *Phil. pract. univ.*); ideo non mirum videri debet, quod etiam sanctione poenali, adeoque adjectione poenæ ad promissionem (§. 289. part. 1. *Phil. pract. univ.*) introducatur positiva quædam obligatio (§. 291. part. 1. *Phil. pract. univ.*): quæ, cum ad obligationem, quæ ex promissione venit (§. 363. part. 3. *Jur. nat.*), accedit eam auget, adeoque fortiolem efficit, ut, qui promissa servare nollit, ad servandam permoveatur.

§. 550.

De eo, quod magis utile vel honestum, minori præferendo. Si quæ jubentur in eodem pacto, vel in duobus cum eadem persona initis inter se colliduntur; quod magis utile vel honestum est, vel honestum, minori præferendum. Etenim pacta, quæ quid jubent, legibus præceptivis æquiparantur (§. 542.). Quamobrem cum in casu collisionis duarum legum præceptivarum ea vincat, quæ ad melius obligat (§. 213. part. 1. *Phil. pract. univ.*); si quæ jubentur in eodem pacto, vel in duobus cum eadem persona initis inter se colliduntur, quod melius est, vincit, adeoque præferendum (§. 208. part. 1. *Phil. pract. univ.*). Quoniam itaque melius censetur, quod magis utile, vel honestum; si quæ jubentur in eodem pacto, vel in duobus cum eadem

eadem persona initis inter se colliduntur, quod magis utile, vel honestum est, minori præferendum.

Nimirum utilitatis gratia pactiones fiunt, & quilibet velle præsumitur quod honestum est, quia debet. (§. 969, part. 1. Jur. nat.) Voluntati adeo paciscentium convenit, ut in casu collisionis præferatur quod magis utile, vel honestum minori.

§. 551.

In eadem hypothesis, quod statim fieri debet, præferendum ei, De collisione quod moram aliquam habet. Quod enim statim fieri debet, differri nequit, consequenter si nunc non fiat, alio tempore fieri nequit: at quod moram aliquam habet, differri potest ac alio etiam tempore fieri. Quamobrem cum nemo ab obligatione sua sese liberare possit (§. 674, part. 3. Jur. nat.); erit utique præferendum, quod statim fieri debet, ei, quod moram aliquam habet.

Nimirum quod statim perficiendum, id perfici prius oportet, si utrumque simul, seu uno eodemque tempore fieri quit ob casum emergentem, quamvis alias fieri potuisset debuisset.

§. 552.

In collisione pactorum, ubi nulla ratio dari potest, cur unum alteri præferendum sit; neutrum fieri debet. Quoniam enim sine collisione pactum, adeoque sine ratione sufficiente volitionis (§. 788. Etorum aff. Psych. empir.), nulla datur volitio (§. 789. Psych. empir.); ubi firmata nulla ratio dari potest, cur unum alteri sit præferendum, quando in pactis affirmativis quæ jubentur inter se colliduntur, nec dici potest, voluisse paciscentes, ut unum alteri præferatur. Quoniam tamen impossibile est, ut utrumque simul fiat, per hypoth. ad id vero, quod impossibile, nemo obliga-

ri potest (§. 209. part. 1. Phil. pract. univ.); in hypothefi propositionis præsentis neutrum fieri debet.

Exceptio in casu collisionis pactorum petitur a voluntate præsumta pacifcentium, præsumtio vero requirit rationes probabiles volitionis in casu emergente (§. 245. part. 2. Jur. nat.), ut interpretatio fiat eo modo, quo eam facturus intelligitur qui locutus est, si præfens esset (§. 515.). Quodsi ergo nulla datur ratio probabilis, unde voluntas ejus, qui locutus est, præsumi potest; nulla quoque datur ratio exceptionis, adeoque exceptio nulla facienda est. Quando vero exceptio non fit, per se patet, in casu collisionis nihil fieri posse.

§. 553.

De exceptione per conventionem faciendam.

In eadem hypothefi si is, cui quid præstandum, & alter, cui præstari debes, inter se convenire volunt, quodnam eorum, quæ simul præstari nequeant, præstandum sit; de exceptione convenire licet. Etenim pacifcentium tantummodò interest, utrum hoc potius præstetur, quam alterum, ubi duo, quæ præstanda sunt, in casu collisionis præstari nequeunt. Quamobrem a voluntate eorundem dependet, num de eo, quod præstandum, inter se convenire velint, an, quid fieri debeat, per interpretationem definiri malint. Quod ergo de eo, quod præstandum, inter se convenire possint, quando in casu emergente utrumque simul præstari nequit, dubitandum non est, consequenter de exceptione, quomodo ea fieri debeat, convenire licet.

De jure suo quilibet statuere potest pro lubitu, quamdiu nil fit contra jus tertii, & pacta homines non minus pro lubitu immutare possunt. Quamvis adeo id præstandum, quod recta interpretatio suggerit (§. 466.); hoc tamen non obstantem, aliter conveniri potest. Obligatio nova perimit veterem, & jus novum tollit verus.

§. 554.

Quoniam in casu collisionis pactorum de exceptione *An conventio* facienda convenire licet (§. 553.), ubi vero nulla ratio dari potest, sequendo scilicet leges interpretationis, cur unum sit de exceptione alteri sit preferendum, neutrum fieri debet (§. 552.); *in eo prorsus, quamvis casu, quo nulla ratio dari potest, cur unum alteri sit preferendum, de exceptione facienda convenire licet.*

Quando nimirum vi interpretationis nihil faciendum, *conventio de exceptione facienda æquivaleret pacto, quo quis sibi aliter obligatur ad aliquid præstandum, qui nihil adhuc debet.* Pacta vero omnia, quæ non referuntur ad alia, in quibus quid immutant, sunt de eo, quod non debetur, & cum eo, qui nihil debet. Immo nec iniquum est confugere ad conventionem in hypothese propositionis præsentis. Etenim fieri potest, ut detur aliqua ratio faciendæ exceptionis, quamvis ea nobis non appareat. Quando itaque per conventionem definitur exceptio, tanto minus metendum, ne forte alteri denegetur, quod ei tribuendum.

§. 555.

Similiter quoniam de exceptione in casu collisionis *De exceptione* convenire licet (§. 553.); *pactis etiam adjici potest conventio necconventio de facienda exceptione, si in casu emergente ea, de quibus pacto facta est, inter se colliduntur; tumque exceptio fieri debet, quomodo conventa fuit (§. 789. part. 3. Jur. nat.).*

Interpretatio nititur voluntate præsumta; conventio vero, quæ pacto inest, voluntate expressa. Ad præsumptam confugere opus non est, ubi constat de expressa, nec opus est interpretatio, ubi mens paciscentium aperta est (§. 460.). Immo vix dubitandum foret, ut paciscentes de exceptione facienda convenirent, siquidem casum emergentem prævidere liceret, quo ea, de quibus convenitur, inter se colliduntur. Semper præstat mentem paciscentium esse apertam, quam conjectando demum eam colligere.

§. 556.

*De exceptione
sortis committenda.*

Quoniam de exceptione facienda in casu collisionis pactorum convenire licet (§. 553.), in dubio autem ad sortem confugere licet (§. 296. part. 5. Jur. nat.); si in casu collisionis dubium fuerit, quomodo facienda exceptio, vel nullatratio appareat, cur unum alteri preferendum, ita etiam conveniri potest, ut exceptio sortis committatur.

Hæc conventio est contractus fortis electricis (§. 304. part. 5. Jur. nat.), ubi, quemadmodum in genere electio, ita in casu præsentis in specie exceptio fortunæ committitur (§. 305. part. 5. Jur. nat.). Contractus fortis electricis quemadmodum latissime patet (not. §. 304. part. 5. Jur. nat.); ita etiam extenditur ad exceptionem, quando ea dubia fuerit, vel de interpretatione disceptatur.

§. 557.

Regula generalis de exceptione in casu collisionis pactorum faciendæ.

In collisione pactorum exceptio faciendæ eo modo, quo eam facturus fuisse præsumitur qui promisit, siquidem dum promittebat de ista collisione cogitasset. Quando enim pacta interpretamur, inquirimus in mentem ejus, qui promisit, ut constet, quid debeatur (§. 459.). Quod si ergo in eorum collisione exceptio faciendæ, inquirendum est, quidnam excipere voluisset, qui se ad præstandum alteri obligavit, si de casu isto cogitasset, quo utrumque præstari nequit. Quamobrem ita faciendæ exceptio, quo eam facturus fuisse præsumitur, qui promisit, siquidem dum promittebat de ista collisione cogitasset.

Nimirum nemo sibi alterum obligare potest ad aliquid præstandum ultra voluntatem suam (§. 382. part. 3. Jur. nat.), adeoque nec in casu emergente, quo utrumque, ad quod se obligavit alter, præstare nequit, ab eodem exigere potest nisi id, ad quod se in eodem casu obligare voluit. Quoniam expresse de eo nihil dictum, per b) potb. quid præsumendum sit quæ-

quæritur. Standum igitur ea exceptione, quam facturus fuisset præsumitur qui promissit, si de casu collisionis cogitasset. Ex principio hoc generali deduci poterant regulæ, de quibus in præcedentibus egimus, nisi collisionem pactorum ad collisionem legum reducere voluissemus.

§. 558.

Quoniam in collisione pactorum exceptio eo modo faci- *De rationi-*
enda, quoniam facturus fuisset qui promissit, siquidem, dum *bus speciali-*
promittebat, de ista collisione cogitasset (§. 557.); si ratio- *bus in faci-*
nes particulares adiant, per quas apparet, quid excepturus fuisset, *enda exce-*
siquidem de casu collisionis cogitasset, id excipiendum, etiamsi alio *ptione gene-*
ducant regulæ generales. *ralibus præ-*
ferendis.

Ad rationes generales recurrendum, ubi speciales deficient, vel sub generalibus continentur. Immo ubi regulæ generales applicandæ, de rationibus specialibus plerumque constare debet. E. gr. Si præferendum id, quod utilius, utilitas haud raro æstimanda est ex opinione, non ex veritate. Quamobrem ubi de illa constat, ad hanc non recurrendum: in dubio autem præsumitur, quod veritati consentaneum, cum opiniones variz sint hominum de re eadem, veritas autem nonnisi unica sit. Si ad rationes particulares animum advertamus, quoties casus aliquis emergit, in quo pacta colliduntur; in alias ad huc regulas generales quin incidamus, quæ ab antea demonstratis diversæ sunt, dubitandum non est. Neque enim existimandum est non alio modo voluntatem promittentis de exceptione faciendâ in casu collisionis præsumi posse, quam per regulas istas. Quodsi Logica probabilium, quæ hætenus in formam artis reducta non est, magis fuerit exulta; huic etiam parti interpretationis pactorum major lux affunderetur.

§. 559.

Conditionem offerre dicitur, qui declarat, quid sibi pro- *Conditio-*
mitti velit. Conditionem accipere vero dicitur, qui illi pro- *nem offerre*
mittit. Conditionem adeo offerrens declarat, ad quid alterum sibi *accipere*
obligat. *obligat quid sit.*

obligari vult; accipiens autem, ad quid se alteri obligat (§. 363. part. 3. Jur. nat.).

E. gr. Si interrogo: Visne mihi locare hortum tuum pro quinquaginta thaleris, & tu respondes: volo; ego conditionem offero, tu accipis. Similiter si ego interrogo: Visne mihi dare centum, & ego respondeo: volo dare octingenta; ego conditionem offero, tu accipis. Conditionem adeo offerens in contractu idem est, qui stipulatur; accipiens vero, qui promittit.

§. 560.

Cajusnam
verba in pa-
ctis inter-
pretandis
magis at-
tendenda.

In contractibus interpretandis magis attendenda sunt verba conditionem accipientis, seu promittentis, quam conditionem offerentis, seu stipulantis, nisi verba illius ad verba hujus referantur. Qui enim conditionem offert alterum sibi ad quid præstandum obligari vult, qui vero conditionem accipit idem sese obligat (§. 559.). Enimvero nemo sibi alterum ad aliquid præstandum obligare valet ultra voluntatem suam (§. 382. part. 3. Jur. nat.), & contra promittentem pro vero habetur, quod sufficienter indicavit (§. 428. part. 3. Jur. nat.). Ex verbis adeo accipientis, non offerentis conditionem judicandum, ad quidnam Me huic sit obligatus. In pactis itaque seu contractibus interpretandis magis attendenda sunt verba conditionem accipientis, seu promittentis, quam conditionem offerentis. *Quod erat unum.*

Enimvero si verba accipientis referantur ad verba offerentis conditionem; tum perinde est ac si verba offerentis repeteret accipiens, eaque sua faceret. Quoniam itaque verba offerentis accipi debent pro verbis accipientis, in contractibus autem interpretandis verba accipientis attendenda sunt, *per demonstrata*; si verba accipientis referantur ad:

ad verba conditionem offerentis, verba offerentis utique attendenda sunt. *Quod erat alterum.*

Questionem hanc movit *Plutarchus* in *Symposiacis* lib. 9. c. 13. & *Grotius* l. c. §. 32. recte distinguit inter verba absoluta & relativa, quemadmodum ex demonstratione propositionis presentis abunde liquet. Illustre exemplum præbent capitulationes de munimentis obsessis tradendis, ubi qui urbem obsessam defendit condiciones offert, sub quibus eam hosti tradere vult, qui eandem obsidet accipit, atque declarat, sub quibus conditionibus eam sibi tradi velit, nunc verbis absolutis, nunc relativis, prouti ad declarandum mentem suam requiruntur.

CAPVT IV.

De Jure ex communione primæva residuo. & Jure necessitatis in genere.

§. 561.

Jus ex communione primæva residuum vocatur, quod, postquam dominia rerum introducta sunt, nobis adhuc competit in eas res, quæ sunt in aliorum dominio;

In communione primæva usus rerum corporalium necessarius promiscue patet omnibus (§. 19. part. 2. *Jur. nat.*), ipsarum etiam industrialium & artificialium (§. 32. part. 2. *Jur. nat.*). At introductis dominiis dominus excludit omnes in eas res, quæ sunt in dominio ipsius (§. 120 part. 2. *Jur. nat.*). Nullum adeo jus in res, quæ sunt in dominio alicujus, quoad usum earundem aliis competere videtur, postquam communio primæva sublata fuit. Inanem igitur operam nos sumere existimaturi forsitan sunt nonnulli, quando de jure ex communione primæva adhuc residuo agere institimus. Enimvero quem-

Esf 3;

admo-

admodum in capite præcedente vidimus, quamvis pacta sint servanda (§. 789. *part. 3. Jur. nat.*), hoc tamen non obstante in casu emergente admittendam esse exceptionem; ita non minus in præsentī patebit, etsi domino soli competat jus de rebus suis quomodocunque disponendi, hoc tamen non obstante dari casus, in quibus exceptio faciendā, immo hanc exceptionem tacite factam intelligi, cum dominio subijci res cæperint. De hoc itaque jure in præsentī nobis erit dicendum. Quoniam vero nonnulla supponenda sunt, quæ ad Jus necessitatis in genere spectant; de eodem una in capite præsentī agendum duximus.

§. 562.

*Quousque
dominia
rerum
necessaria
si
fuerint
exten-
denda,
cum
intro-
ducentur.*

Introductione dominiorum nemini auferri potuit penitus usus rerum necessarius. Et enim communitio primæva, quæ ultra usum rerum necessarium non extenditur (§. 21. *part. 2. Jur. nat.*), jus connatum est (§. 10. *part. 2. Jur. nat.*). Enimvero jus connatum nemini auferri potest (§. 64. *part. 1. Jur. nat.*). Quamobrem nec dominiorum introductione usus rerum necessarius alicui penitus auferri potuit.

Penitus nimirum auferretur alicui usus rerum necessarius, quando non datur modus ullus, quo eundem obtinere potest. - *E. gr.* Si esurienti nullus modus concedatur cibo potiundi, quo stomachi larrantis desideria expleat; usus cibi necessarius, et eoque jus omne ad eas res, quæ cibo inserviunt, eidem penitus ademptum est, ut propterea ipsi fame sit pereundum. Dico igitur, dominia rerum ita introduci non potuisse, ut ob defectum cibi omnis alicui fame sit pereundum.

§. 563.

*Existentia
jurus
ex
communitio-
ne primæve
residui.*

Quoniam introductione dominiorum nemini auferri potest penitus usus rerum necessarius (§. 562.); *dominia introducta intelligantur cum tacita hac restrictione, ut, si in casu emergente contingat alicui penitus auferri necessarium rerum usum, eidem jus aliquod competat in eas res, quæ sunt in dominio.*

Atque

Atque ita ostendimus, jus quoddam in eas res, quæ sunt in dominio, ex communione primæva adhuc reservatum esse hominibus, quod quale sit nunc porro inquirendum. Jus adeo homini competere aliquod in res, quæ in alterius dominio sunt natura, independenter a voluntate domini absurdum non est, quia repugnare videretur dominio, quod reliquos omnes excludit jure disponendi de re pro lubitu suo, quia ipsa lex naturæ exclusionem restringit, ita ut eidem tacite insit hæc restrictio, nisi casus aliquis emergat, quo aliquis penitus privaretur usu rerum necessario. Quinam vero sit necessarius iste usus, ex iis abunde liquet, quæ alias de comunione primæva demonstravimus. Domina rerum non fuerunt introducta, ut usu rerum necessario quidam carere cogerentur, sed ut de eodem melius prospiceretur universis (§. 77. part. 2. Jur. nat.). Ipsa sane domina introducta in causa sunt, ut rerum industrialium atque artificialium numerus multiplicetur, & viles atque abjectas, immo etiam difficiles operas præstent aliis, qui stante comunione primæva eas præstare nollent. Sed nostrum jam non est de his prolixè dicere, quæ unus quisque levi attentione ad ea, quæ quotidie ubivis obvia sunt, assequi potest.

§. 564.

Jus necessitatis est, cui sola necessitas locum facit, ad a- *Jus necessi-*
ctus quosdam alias non licitos, propterea quod sine iis obli- *ctatis quid*
gationi cuidam indispensabili satisfieri minime posset. Un- *ctis.*
de sequitur, *actum illum, ad quem necessitas jus dat, esse debere*
medium unicum satisfaciendi obligationi cuidam indispensabili.

Jus adeo necessitatis oritur ex collisione legum, adeoque per modum exceptionis. Quando itaque vulgo dicitur, necessitatem nullam habere legem; id duplici modo spectari debet. Nimirum aut physice impossibile est, ut quis obligationi suæ satisfaciat, & tum valet illud, ad impossibile nemo obligatur (§. 209. part. 1. Phil. pract. univ.), atque inevitabilis istiusmodi necessitas utique nullam habet legem; aut in casu emergente impossibile est, ut obligationi tuæ satisfacias, nisi quid facias, aut

aut omittas, quod alias facere, aut omittere non liceret, & tum necessitas non dicitur nullam habere legem nisi quatenus consideratur ea lex, a qua exceptio facienda. In priori casu lex simpliciter accipitur; in casu posteriori relative pro ea, a qua exceptio facienda. Absolute adeo dici nequit, necessitatem nullam habere legem. Patet præterea in casu priori, necessitatem, quæ legem respuit, independentem ab omni lege oriri; in casu autem posteriori oriri a lege, quæ alteram vincit. Omnia hæc manifestiora evadent per ea, quæ mox demonstrabuntur.

§. 565.

*Exceptiones
in legum
collisione
quale sint
jus.*

Exceptiones in casu collisionis legum faciende pertinent ad jus necessitatis. Etenim quando leges duæ inter se colliduntur, fieri non potest, ut utramque simul serves, seu utrique simul satisfacias (§. 206. part. 1. Phil. pract. univ.), & hæc collisione exceptionem parit (§. 207. part. 1. Phil. pract. univ.). Quamobrem cum in casu collisionis faciendæ sola necessitas efficiat, ut lege una neglecta alteri satisfacias (§. cit.), adeoque jus det ad legem unam non servandam, ut obligationi, quæ est ex altera, satisfacere possis (§. 156. part. 1. Phil. pract. univ.); jus autem necessitatis sit, cui sola necessitas locum facit ad actus quosdam alias non licitos, propterea quod indispensabili cuidam obligationi satisfacere non potes (§. 564.). Exceptiones in casu collisionis legum faciendæ ad jus necessitatis pertinent.

Nimirum non dicitur deesse esse, ut utrumque leg. satisfacias (§. 118. part. 1. Phil. pract. univ.), quæ si de lege permissiva legitur, huic quoque satisfacere licet (§. 179. part. 1. Phil. pract. univ.): est physice impossibile est, ut utrumque fiat. Necessitas physica tolli nequit, adeoque necessitas moralis quoad legem unam cedere debet, ut legi alteri satisfacias possit. Necessitas itaque licitum facit, quod legem unam legi alteri non foret licitum, & actum, quæ a lege permissiva dependet, facit illicitum, qui alias foret licitus. Atque adeo patet, necessita-

cessitati esse quandam vim in leges etiam naturales, atque a vero aberrare, qui eidem nihil efficacitæ circa moralitatem actionum tribuere volunt. Quoniam vero necessitas facit, ut legem quandam negligere liceat, quam alias servari oportet, necessitas utique dat jus ad actum quendam, sive positivum, sive negativum, quod alias nemini competit, ut adeo non tantummodo excusetur, qui legem non servat, & necessitas tantummodo det veniam legem non servanti, quemadmodum nonnullis visum est. Immo quod proprie jus est, non dici potest saltem favor necessitatis, quasi neglectus legum indulgeatur exmero favore. Legem non transgreditur, qui eam propter exceptionem in casu collisionis faciendam negligit, cum tum necessitas eundem liberet ab obligatione servandi, propterea quod nemo obligari potest ad id, quod impossibile (§. 209. *part. 1. Phil. pract. univ.*), consequenter nec ad simul servandum duas leges, quæ simul servari impossibile est.

§. 566.

Si inevitabilis adsit necessitas, cui resistere minime potes, ut non De necessi- facias id, quod lege jubetur, ad id faciendum non obligaris. Etenim *sate inevi-* si necessitas inevitabilis, cui resistere minime potes, adsit, ut *tibili, cui* non facias id, quod lege jubetur; ut facias impossibile est, *resisti non* & quoniam necessitas ista inevitabilis fuit, nec tibi imputa- *potest.* ti potest, quod facere nequeas, quod lege jubetur (§. 528. *part. 1. Phil. pract. univ.*). Quamobrem cum nemo obligari possit ad id, quod ipsi impossibile (§. 209. *part. 1. Phil. pract. univ.*), præsertim cum ipse in causa non sit, ut sit impossibile (§. 527. *part. 1. Phil. pract. univ.*); si inevitabilis necessitas, cui resistere non potes, adsit, ut non facias id, quod lege jubetur, ad id faciendum non obligaris.

Homo obligatur ad corpus suum conservandum (§. 349. *part. 1. Jur. nat.*), adeoque ad cibum ac potum capiendum (§. 320. *part. 1. Jur. nat.*), ne fame necetur. Enimvero ponamus ob tumorem cibum ac potum deglutiri non posse, necessitate, Ggg

tate, cui resistere minime potes, compulsus a cibo ac potu abstinere debes, etiamsi fame tandem neceris. In hoc igitur casu obligatus non es ad eibum ac potum capiendum, ne fame neceris, & ubi tandem fame pereundum, hoc tibi imputari non potest, ut habearis pro causa mortis tuæ, quoniam abstinencia ab omni cibo ac potu non fuit libera, sed simpliciter necessaria. Idem dicendum est, si per vastum mare navigantibus deficit omnis cibus ac potus, aut si tanta fuerit annonæ caritas, ut habere non possis, unde famem expleas. Aliud exemplum est, si incendio suborto mater ex ædibus fugiens infantem in cunis vagientem relinquere cogitur, ut flammis feralibus torreatur: neque enim tum dici potest obligata ad infantem flamma eripiendum.

§. 567.

Tacita exceptio legum præceptivæ.

Quoniam lex non obligat ad id faciendum, quod jubet, si inevitabilis necessitas, cui resistere minime potes, adsit, ut non facias (§. 566.); *leges naturales tacitam hanc habent exceptionem, nisi inevitabilis necessitas, cui resistere minime potes, adsit, ut non facias.*

Casus adeo extremæ necessitatis in lege præceptivæ etiam naturali exceptus: *extrema nimirum necessitas* ea est, quæ inevitabilis & cui resistere minime potes. Quodsi necessitatem istam, cui resistere non potes, evitare potuisses, quod eam non evitaveris, tibi imputabitur (§. 532. *par. 1. Phil. pract. ult.*), consequenter tibi etiam imputabitur, quod non feceris, quæ lex jubet, quoniam facere potuisses, siquidem necessitatem istam evitasses. Atque in hoc casu dici potest, te miseratione legis excusari, quod non feceris, quam quod jure non feceris, ita lex naturæ stomachi latrantis desideria explere jubet, cum tacita hac exceptione, nisi impossibile sit, ut quod ori ingestum deglutias, vel nisi impossibile sit, ut cibo ac potu potiaris. Similiter in altero exemplo lex naturæ jubet, ut mater infantem in cunis vagientem flamma eripiat, incendio suborto, sed cum tacita exceptione, nisi ipsi una cum infante sit pereundum, siquidem

dem fugiens infantem in cunis relinquere nolit, vel etiam nisi impossibile sit, ut ipsum flamma eripiat. Lex naturæ nobis innotescit per rationem (§. 259. part. 1. *Phil. pract. univ.*), adeoque rationi consentanea est (§. 485. *Psych. empir.*), seu quia demonstrari potest (§. 455. part. 1. *Phil. pract. univ.*), rationi conformis est (§. 486. *Psych. empir.*). Quamobrem præcipere nequit, quod physice impossibile, consequenter quod absurdum est. Quando itaque in casu emergente physica impossibilitas, quæ efficit ejus, quod præcipitur, oppositum simpliciter necessarium, cum necessitate morali, quam lex imponit, colliditur, illa hanc utpote omni vi tum destitutam vincit, adeoque lex casum istum comprehendere nequit. Lex disponit de actionibus liberis, quæ a libertate animæ pendent (§. 12. part. 1. *Phil. pract. univ.*), ut non minus possibile sit actionem a nobis committi, quam omitti (§. 941. *Psych. empir.*), & tum libertatem restringit necessitatem moralem actionem committendi, vel omitendi imponens, quatenus vel præcipit, vel prohibet (§. 118. 163. 164. part. 1. *Phil. pract. univ.*). Quamprimum igitur natura rerum actionem efficit simpliciter impossibilem, cum eandem in casu isto ex numero liberarum actionum eximat, non amplius manet objectum legis naturæ: quæ cum adeo in casu isto de eadem minime disponat, necessitati parendum.

§. 568.

Quia casus necessitatis inevitabilis, cui resisti nequit, sub lege continetur (§. 567.); qui in eodem omittit actio-^{Necessitas} liberat a
nem, quæ præcipit, legem non transgreditur (§. 139. part. 1. *Phil. pract. univ.*), consequenter cum actio ejus legi naturæ con-^{peccato.}
traria sit (§. 131.), non peccat (§. 440. part. 1. *Phil. pract. univ.*).

Inter infantem flammæ concedens, cui eandem eripere nequit, & ex domo, quam eadem corripuit, aufugiens, ne unus cum infante pereat, non peccat, cum in hoc casu lex non præcipiat servare infantem, quæ servari a matre nequit. Similiter non peccat, qui ab omni cibo ac potu abstinet, quem

deglutire non potest, quia lex non jubet capere cibum ac potum, quando deglutitio impossibilis. Quamvis vero hæc adeo manifesta videantur, ut tam proluxa explicatione indigere non videantur; nostrum tamen esse duximus nihil eorum omittere, quod huc facit, ut veritatem penitus perspiciamus. Quamvis autem necessitas irresistibilis, quatenus inevitabilis, liberet a peccato; aliud tamen dicendum est, si ea fuerit evitabilis. Qui enim necessitatem sibi irresistibilem evitare potuisset; is sibi metipsum imposuit necessitatem peccandi, cui deinceps invitus parere cogitur. Culpa igitur non vacat, quando necessitati parere cogitur, quamvis necessitati demus veniam, prouti culpa major, vel minor est, quam commisit, in non evitanda, quod vel facilius, vel difficilius evitari poterat. Atque tum necessitas, cui resisti nequit, excusationem quandam tribuit: quæ quantum valeat, ex iis æstimandum, quæ de culpa satis prolixè demonstravimus in parte prima Philosophiæ practicæ universalis.

§. 569.

De impedimento inevitabili, sed obligato.

Quamdiu impedimento inevitabili adhuc resisti potest, ne obstat, quo minus facias, quod lege jubetur; lex ad faciendum te obligat. Etenim quamdiu impedimento inevitabili adhuc resisti potest, ne obstat, quo minus facias, quod lege jubetur; in tua quidem potestate non fuit, efficere, ne illud sese tibi offerret. Aliud tamen remove-re potes, consequenter necesse non est, ut omittas, quod erat committendum. Quamobrem cum nulla adhuc adsit ratio, cur obligatio cessare debeat, seu nihil adsit, quod vim obligandi legi demat; hanc adhuc retinet, adeoque ad faciendum te obligat.

Nimirum quamdiu possibile est, ut legi satisfacias, eidem satisfaciendum; quando vero impossibile est, ut satisfacias, per se patet, eidem satisfieri non posse. Quamobrem cum lex non obliget ad id, quod impossibile (§. 209. part. I. Phil. pract. univ.); vim suam obligandi tamdiu retinet, quamdiu impossibile

sibile non est ut seruetur. Ita in exemplo, quod ante dedimus (not. §. 567.), etsi mater evitare non potuerit casum, quo flamma domum corripuit & in ea scalam, per quam ad infantem in cunis cubantem ascenditur; si tamen adsint scalæ, ut per fenestras in cubile ascendi ac infans seruari possit, adhuc obligatur ad infantem seruandum: si non facit, omnino peccat; sit ita, quod perplexitas nimia, aut metus incertus, ne forsitan cum ipso infante ipsi sit pereundum, excusationem tribuat, utpote culpam minuens. Agitur hic de rigore juris naturalis, quæ exceptionem non admittit, nisi quando necessitati inuincibili nullo modo resisti potest. Ceterum cum non semper cuiuis pateat modus, quo impedimento, quod casu offertur, resisti potest; fieri utique potest, ut qui eidem non resistit, etsi simpliciter impossibile non esset, ut resisteret, ignorantia inuincibili laboret, aut ignorantia, quæ ob circumstantias præfentes ad eandem propius accedit, tumque hæc ipsa ignorantia impedimentum respectu agentis irresistibile efficit, quod in se spectatum tale non erat. Multa circumspectione opus est, ne necessitas, quæ exceptionem a lege facit, ultra suos limites extendatur, nec ex parte agentis rigor legis extendatur in nimium, hoc est, ultra ea, quæ in potestate agentis sunt, usu facultatum a circumstantiis præsentibus pendente, quemadmodum ex Psychologia satis superque constat. Usus, quæ hic dicuntur, habent in praxi etiam morali, quando de impedimentorum remotione agitur, ne, quod difficulter insuperabile est, pro simpliciter tali habeatur, nec quod in se spectatum superabile statim cuiuslibet promiscue superabile existimetur. Nec nimia aculari potest scrupulositas in iis, quæ ad conscientie custodiam faciunt, qua integra ac illæsa frui magna felicitatis pars est. Qui de casibus conscientie tractans, eorum scrupulositas nimia non est, quam veritas defendit.

§. 570.

Quoniam lex tamdiu ad faciendum obligat, quamdiu *Quando ca-*
impedimento licet inuincibili adhuc resisti potest (§. 569.), *sus necessita-*

Ggg 3

quantis lege ex-

ceptus existat. quando vero eidem resisti non potest, non obligat (§. 566.); casus necessitatis, lege exceptus (§. 567.), non existit, nisi quando impedimento casu mero, seu fortuito oblato resisti nullo modo potest.

Ita mater non ante liberatur ab obligatione servandi infan-
tem, nisi quando nullo modo fieri potest, ut eundem flammæ
ferali eripiat, nec sine peccato fame enecatur, nisi is, cui sim-
pliciter impossibile, ut ori ingestum deglutiat, vel cui simpli-
citer impossibile est ullo cibo, ac potu potiri. Casus necessita-
tis supponit impossibilitatem oppositi simpliciter,

§. 571.

An detur ne- Nulla datur necessitas, cui resisti non possit, ut facias, quod
cessitas irre- prohibetur. Etenim voluntas non potest cogi (§. 927. *Psych.*
sistibilis fa- empir.), adeoque nulla vi externa adigi potes ad volen-
ciendi, quod dum (§. 926. *Psych. empir.*). Quamobrem nunquam impos-
prohibetur. sibile est, ut omittas, quod prohibetur, consequenter nulla
datur necessitas, cui resisti non possit, ut facias, quod pro-
hibetur.

Qui facit, quod prohibetur, utique facere vult. Quam-
obrem cum actus volitionis nulla vi externa elici possit (§. 927.
Psych. empir.); nec possibile est, ut quis ulla vi externa adiga-
tur ad faciendum, quod prohibetur. Nulla necessitas, cui re-
sistit non possit, efficere potest omissionem actus impossibilem,
sed ea semper in se possibilis est. Quodsi excipias, fieri posse,
ut fortior impingat manum tuam in malam alterius, quem co-
lapho percutere non vis; nemo non videt, tum non te hoc fa-
cere, sed alterum, qui, cum te sit fortior, manu tua utitur tanquam
instrumento, te invito.

§. 572.

Casus a lege Si quis actus fuerit medium unicam satisfaciendi obligationi
prohibitivum tua indispensabili ac removendi impedimentum, vel resistendi te la-
exceptus. dere conanti; is lege prohibitiva, ne hoc facias, non contumetur.

Quo-

Quoniam enim obligatus es ad hoc faciendum *per hypoth.* lex tibi imponit necessitatem id faciendi (§. 118. *part. 1. Phil. pract. univ.*), & dat jus ad eos actus, sine quibus obligationi tuæ indispensabili satisfacere minime potes (§. 159. *part. 1. Phil. pract. univ.*), consequenter etiam ad eos, sine quibus impedimentum removeri nequit, quod obstat, quo minus satisfacias. Quoniam tibi competit jus alterum cogendi, ne te lædat, ubi lædere conatur (§. 914. *part. 1. Jur. nat.*); tibi quoque dat jus te lædere conanti resistendi (§. 726. *Onzol.*). Quamobrem cum absurdum fit tibi imponere necessitatem quidpiam agendi, dare jus ad actus, sine quibus obligationi tuæ indispensabili satisfacere non potes, nec non jus te lædere conanti resistendi, ac tamen prohibere actum, qui solus in casu emergente datur ad satisfaciendum obligationi tuæ & ad resistendum te lædere conanti; quando actus aliquis medium unicum est satisfaciendi obligationi tuæ indispensabili ac removendi impedimentum, quod obstat, quo minus satisfacias, vel resistendi te lædere conanti, is prohiberi nequit, adeoque lege, qua alias prohiberis, ne hoc facias, non continetur.

Obtinet hoc in defensione sui & juris sui, adeoque & rerum suarum. Quod enim licitum inferre malum aggressori, exceptio est ex collisione officiorum erga teipsum & erga alios resultans (§. 1012. *part. 1. Jur. nat.*), adeoque lege prohibitiva, ne aliter malum inferas, minime continetur. Nimirum tu obligaris ad corpus tuum & vitam tuam conservandum (§. 349. 350. *part. 1. Jur. nat.*), & ad periculum vitæ ac integritatem organi cujusdam corporis lædendi vitandum, quantum in potestate tua est (§. 371. 373. *part. 2. Jur. nat.*). Aggressor, qui te lædere conatur (§. 979. *part. 1. Jur. nat.*), te in periculum vitæ aut integritatem organi cujusdam corporis perdendi adducit, immo alterutrum horum intendit, dum vi impetit corpus tuum. Quodsi vero obligationi tuæ satisfacere ac jure tuo tibi

tibi competente, ut eidem satisfacere possis, uti velis; necesse est, ut vim vi repellas, vel ipsum interficiendo, vel corpus ejus mutilando, aut vulnerando, prouti casus tulerit. Actus igitur, quo aggressor interficitur, vel corpus ejus mutilatur, aut vulneratur, non prohibitus, quando est medium unicum sese conservandi, adeoque obligationi indispensabili satisfaciendi, & læsioni intentatæ resistendi, etsi extra hunc casum prohibeatur. Probe considerandum est, in hypothesis propositionis præsentis actum istum appeti non ea intentione, ut facias, quod prohibitum, sed ut facias, quod jubetur seu præcipitur, & ideo, quod jure tuo utaris. Non tollis jus alterius, quod facere minime licet (§. 910. part. 1. Jur. nat.); sed alter vult tollere jus tuum, & tu ne hoc faciat jure tuo impedire conaris (§. 913. part. 1. Jur. nat.). Actus, quatenus spectatur tanquam medium satisfaciendi obligationi tuæ & resistendi læsioni intentatæ, nihil continet, quod illicitum est, sed potius quod debitum ac licitum; quatenus vero ex eo sequitur quod alteri damnosum, id præter intentionem tuam accidit, quatenus alter te adducit in eam necessitatem, ut aliud medium satisfaciendi obligationi tuæ ac resistendi læsioni, aut removendi impedimentum, quod obstat, quo minus satisfacere possis, non suppetat. Unde in casu defensionis, ad quem illustrationis causa provocavimus, malum alterius non appeti diximus, quatenus est malum alterius, sed quatenus est medium unicum declinandi proprium, ac defendentem malle, ut alter ab eo sit immunis (§. 993. part. 1. Jur. nat.). Nihil adeo vitiosum est in appetitu, seu voluntate, quod reprehendi possit. In moralibus autem potissimum respiciendum ad actus internos, an in iis deprehendatur, quod rectitudini actionis obstat.

§. 573.

*Necessitas
quando facias
licitum,
quod alias*

Quando actus est medium unicum satisfaciendi obligationi suæ indispensabili ac removendi impedimentum, quod obstat, quo minus satisfacias, vel resistendi te lædere conanti, necessitas irresistibilis adest hoc agendi, si quidem obligationi

tioni tuæ satisfacere debes (§. 279. *Orzol.*). Quoniam itaque actus, quando est medium unicum satisfaciendi obligatione suæ ac removendi impedimentum, quod obstat, quo minus satisfacias, vel resistendi te laedere conanti, lege prohibitiva, ne hoc facias, non continetur (§. 572.); *si necessitas irresistibilis licitum efficit actum, qui alias foret illicitus, quando sit medium unicum satisfaciendi obligationi indispensabili ac removendi impedimentum eidem satisfaciendi, vel resistendi laesioni, qua intentatur.*

§. 574.

Si per malum imminet, nobis potius quam aliis consulere de-
betur. Etenim quilibet operam dare debet, ut sibi caveat *lum tibi &*
a malis quibuscunque, quæ cum in potestate sua est (§. 183. alteri immi-
net. nec minus cavere debet, quantum in potestate sua est, ne aliis quicumque in mala quæcunque incidat
 (§. 192. *part. 1. Jur. nat.*). Quod si ergo tibi ac alteri per malum imminet, nec utrique simul consulere potes; officium erga te ipsum colliditur cum officio erga alios (§. 206. *Phil. pract. univ.*). Etiam vero quando officium erga te ipsum & officium erga alios inter se colliduntur, officium erga te ipsum vincit (§. 229. *part. 1. Phil. pract. univ.*). Quamobrem si tibi ac alteri per malum imminet, tibi potius quam alteri consulere debes (§. 208. *part. 1. Phil. pract. univ.*).

Si per malum imminet, nobis potius quam aliis consulere debet. Etenim qui vi impetit corpus tuum, malum tibi inferre intentat: quod cum propulsari non potest, nisi vis vi repellatur, tibi & aggressori par malum imminet. Quamobrem tibi potius consulendum, quam alteri; malum potius alteri inferre, quam pati debes, ut tibi inferatur. Atque hinc patet, quod vulgo dicitur, vim vi repellere.

(Wolffii Jur. Nat. Pars VI.)

Hhh

re

re licere, & quomodo hoc sit intelligendum, ne in abusum trahatur. Huc etiam pertinet casus naufragii, quo tibi deturbare licet alterum tabulam apprehendentem, quam prior tui conservandi causa apprehendisti, si sine presentis discrimine hoc facere non possit (§. 1017. part. 1. Jur. nat.). Quamvis vero videri possit utrique vestrum competere vi presentis propositionis jus sui salvandi causa alterum de tabula deturbandi, quemadmodum etiam *Lactantio* visum est; ea tamen hic differentia est quoad malum imminens inter te & alterum, quæ inter defensorem & aggressorem intercedit. Nimirum tibi nullum imminet malum, nisi culpa alterius, alteri autem par non imminet nisi culpa sua, non tua, ex cuius facto illicito resultat, ut malum utrique immineat. In casu defensionis malum evitare potest aggressor, si ab actu illicito, seu vi illicita absteat; in casu altero patienter ferendum est, quod mutari non potest, nec obligatus quis intelligitur ad vitam conservandam, quando vi majori resisti nequit, consequenter nec ea te liberat ab obligatione, quæ a lege prohibitiva venit, ut facere liceat, quod prohibetur, nimirum ut auferre liceat alteri jus quæsitum, scilicet utendi tabula, quam apprehendit ad se servandum (§. 36. part. 2. Jur. nat.). In eo autem casu, quo uterque simul tabulam apprehendit utrique idem jus est sibi consulendi, adeoque alterum deturbare qui potest, eidem hoc facere licet, quemadmodum alias jam ostendimus (§. 1017. part. 1. Jur. nat.). Tabula tum spectatur tanquam res communis, ad cuius usum utrique æquale jus est. Quemadmodum vero nemo alterum in usu rei communis turbare potest, qui prior rem apprehendit (§. 35. part. 2. Jur. nat.); ita etiam utrique idem jus est, non patiendi, ut alter eum de tabula deturbet. Sed cum deinde, quia nonnisi unus ejus ope servari potest, officia erga seipsum & erga alios colliduntur; utrique etiam vi presentis propositionis idem jus est sibi potius quam alteri consulendi. Uterque adeo jure suo uti potest, consequenter nonnisi vi unus alterum vincere valet.

§. 575.

Omne officium erga alios hanc habet exceptionem, ne tibi potius consulas, quam alteri, si aut tibi, aut alteri deesse debes. Etenim alteri non debes, quod tibi, siquidem officium erga teipsum negligere debes (§. 608. part. 1. Jur. nat.). Quod si adeo tibi ipsi deesse non debes, ut pro sis alteri; si tibi ac alteri simul consulere non potes, tibi potius, quam alteri consulere debes. Quamobrem officium omne erga alios hanc habet exceptionem, ut, si aut alteri aut tibi deesse debes, tibi potius consulas, quam alteri.

De exceptio-
ne, qua inest
officio omni
erga alios.

Nimirum in hypothefi propositionis præsentis officium erga teipsum colliditur cum officio erga alios (§. 206. part. 1. Phil. pract. univ.), atque adeo officium erga teipsum vincit officium erga alios (§. 229. part. 1. Phil. pract. univ.). Quando itaque uni deesse debes, nimirum aut tibi, aut alteri; te alteri semper præferre debes, ut adeo in omni officio erga alios infit hæc exceptio, nisi tibi ipsi deesse debeas. Necessitas te vel alterum negligendi exceptionem in favorem tui facit. Inde nimirum est, quod non teneat dare panem famelico, quo ipsemet indigeo, nec alterum extrahere ex aquis, in quibus periclitatur, si mihi pro eo sit pereundum. Alias nimirum dicendum foret, quod quis obligaretur ultra id, quod in potestate ipsius est, cum officium erga se ipsum reddat executionem officii erga alios impossibilem. Atque hæc est ratio, cur in demonstratione generali officiorum erga alios addiderimus hanc restrictionem, quatenus citra neglectum tui ipsius hoc fieri potest (§. 608. part. 1. Jur. nat.), cum officia erga alios lege naturali non aliter præcipiantur, quam cum hac restrictione, nec eandem satis determinent, qui restrictionem istam omittunt.

§. 576.

*De collisione
officiorum
erga Deum
& erga seip-
sum atque
alios.*

Si officium erga Deum colliditur cum officio erga seipsum, vel erga alios; officium erga Deum vincit. Etenim si officium erga Deum colliditur cum officio erga seipsum, vel erga alios, aut satisfaciendum est officio erga Deum, aut officio erga seipsum, vel erga alios. Utrique ut satisfiat impossibile est (§. 206. part. 1. Phil. pract. univ.). consequenter necesse est, ut exceptio fiat (§. 207.). Enimvero Deus supra omnia amandus (§. 1172. part. 1. Jur. nat.), & maximi faciendus (§. 1181. part. 1. Jur. nat.), consequenter omni homini rebusque omnibus aliis anteponendus (§. 839. part. 1. Jur. nat.). Quamobrem satisfaciendum est potius officio erga Deum, quam officio erga semetipsum atque alios, siquidem utrique simul satisfieri nequit. Quoniam itaque in casu collisionis officium istud vincit, cui satisfaciendum (§. 208. part. 1. Phil. pract. univ.); si officium erga Deum colliditur cum officio erga seipsum, vel erga alios, officium erga Deum vincit.

Probe notandum est, ne cum officiis erga Deum confundamus, quæ ad illa tantummodo referuntur, magis tamen respiciunt nos, vel alios, adeoque ad officia erga nosmetipsos, vel alios pertinent. Huc spectant conventus cultus divini gratia celebrandi (§. 1251. part. 1. Jur. nat.). Etenim conventus isti magis nostri ac aliorum hominum, quam Dei gratia celebrantur, quemadmodum ex demonstratione apparet (§. cit.). Quamobrem quoque interesse hinc conventibus magis ad officia erga nosmetipsos atque alios pertinet, quam ad officium erga Deum, etiam ad officia erga Deum præstanda conducant.

§. 577.

*De stricta
observantia
officiorum
erga Deum.*

Homo obligatur ad quævis potius perpetuenda, immo mortem ipsam subeundam, atque ferre debet, ut aliis tale quid accidat, quam ut quid faciat, quod officio cuiusdam erga Deum repugnet. Etenim

a se

a se avertere malum quoddam sive corporis, sive fortunæ, atque periculum mortis officium erga seipsum est (§. 183. 371. *part. 1. Jur. nat.*), idem vero avertere ab alio officium erga alios (§. 613. *part. 1. Jur. nat.*). Quodsi ergo vel incidere debes in malum quoddam corporis, sive fortunæ, atque ipsam mortem subire, vel quid facere, quod officio cuidam erga Deum repugnat; officium erga teipsum colliditur cum officio erga Deum (§. 206. *part. 1. Phil. pract. univ.*). Idem eodem modo intelligitur, quando aut impedire non debes, quo minus alter tale quid perpetiatur, aut facere, quod officio erga Deum repugnat. Enimvero quando officium erga Deum colliditur cum officio erga seipsum, aut erga alios, officium erga Deum vincit (§. 576.), adeoque eidem satisfaciendum (§. 208. *part. 1. Phil. pract. univ.*). Quamobrem ad quævis potius perpetienda, immo mortem ipsam subeundum obligaris, & ut aliis istiusmodi quid accidat, ferre debes, quam ut quid facias, quod officio erga Deum repugnat.

Recte igitur fecere martyres, qui potius tormenta quævis ~~se~~ ~~perpeti~~ ~~perpeti~~, & mortem atrocissimam neutiquam reformidarunt, quam ut verum Deum abnegarent, ac idola colerent. Ponamus, tyrannum occidere velle filium unicum, nisi facere velis quidpiam, quo gloria Dei obscuratur. Ferendum potius est, ut hoc fiat, quam ut ad gloriam Dei obscurandum se adduci patiaris. Huc etiam pertinet exemplum Josephi, qui in carcerem conjici & fortunis omnibus privari maluit, quam ut consentiret in adulterium, quod a Deo prohibitum noverat, consequenter quam ut Deo obedire noller, cui obedire debemus (§. 1165. *part. 1. Jur. nat.*). Immo in nullius gratiam faciendum, quod officio cuidam erga Deum repugnat, licet aliorum inimicitiam incurramus, etsi danda opera sit, ne alios nobis inimicos reddamus (§. 634. *part. 1. Jur. nat.*) sed potius ut aliorum amicitiam acquiramus & conservemus

(§. 636. part. 1. Jur. nat.). Spectat huc illud pervulgatum: *Amicus usque ad aram*, & præceptum Apostoli, Deo magis esse obediendum, quam hominibus. Enimvero dubium oriri poterat, an Deus adeo strictam observantiam ab homine requirat, si quod prohibetur legis saltem positivæ est, ut quosvis potius cruciatus, ac mortem ipsam perpeti malimus, quam facere, quod prohibitum est. Exemplum occurrit 2. Macchab. VI. Constat Deum Judæis prohibuisse, ne suillam edant, & nemo est, qui dubitat, legem hanc fuisse positivam: *Eleazarus* vero, vir nonaginta annorum, ne quidem simulare voluit, quasi carnem porcinam manducaret, ut a morte liberaretur. Quoniam lex naturalis, quæ vitæ conservationem præcipit (§. 350. part. 1. Jur. nat.), collidebatur cum positiva, in hac autem collisione naturalis vincit (§. 219. part. 1. Phil. præct. univ.), non recte fecisse videri poterat *Eleazarus*, quod tam strictè observaverit legem de non edenda suilla. Enimvero considerandum est, tyrannum id egisse, ut Judæos ad religionem veram abnegandam & idololatriam gentilium amplectendam cogeret, ac eo fine jussisse, ut contra prohibitionem divinam carnem porcinam manducarent. Collidebatur igitur officium erga se ipsum cum officiis erga Deum, consequenter recte faciebat *Eleazarus*, quod ne quidem videri vellet religionem veram abnegasse, ne exemplo suo seduceret adolecentes, præsertim cum esset magnæ autoritatis ac per omnem ætatem pietate conspicuus. Simulatio itaque non modo pugnabat cum officio erga Deum directe; verum etiam cum officio erga alios & per hoc porro cum illo indirecte. Illustre quoque exemplum præbet mater cum septem filiis, qui eadem de causa diros spreverunt cruciatus forti ac constante animo ultimoque supplicio affecti sunt, 2. Mach. VII. Poterat quoque mater vitam servare filii septimi, siquidem ipsa carnem porcinam manducare voluisset; sed officium erga Deum recte prætulit etiam officio erga filium. Quodsiingas, *Eleazaro* aut fame fuisse pereundum, aut carnem porcinam manducandam. Nullus dubito asserere, quod suillam licite comedisset. Tum enim lex natu-

ralis præceptiva de vita conservanda collisa fuisset cum positiva de suilla non comedenda, adeoque naturalis vicisset positivam (§. 219. *part. 1. Phil. pract. univ.*). Nec est quod excipias, legem positivam de suilla non edenda fuisse divinam: etenim lex naturæ etiam divina est (§. 277. *part. 1. Phil. pract. univ.*). Nec instare licet, legem de vita conservanda esse præceptivam, alteram vero de suilla non comedenda prohibitivam: quamvis enim in collisione naturalium prohibitiva vincat præceptivam (§. 210. *part. 1. Phil. pract. univ.*), hæc tamen differentia propter immutabilitatem juris naturæ non attenditur in collisione legis naturalis præceptivæ cum prohibitiva positiva (§. 219. *part. 1. Phil. pract. univ.*). Nimirum in hoc casu eadem fit exceptio, quam fecit David, quando esuriens cum iis, qui cum ipso erant, comedebat panes propositionis, quos non licebat edere nisi solis sacerdotibus. Hanc vero exceptionem probat Christus Matth. XII. 4. & eodem tuetur factum discipulorum, qui Sabbatho esurientes cœperunt vellere spicas & manducare.

§. 578.

Quoniam homo obligatur quævis potius mala perpetrare, nemo mortem ipsam subire, nec non ferre, ut hoc accidat aliis, quam ut quid faciat, quod officio cuidam erga Deum repugnat (§. 577.); *necessitas nullum actum officio cuiusdam erga Deum contrarium facit licitum*, consequenter quoad officia erga Deum nullum datur jus necessitatis (§. 504.).

Nimirum casus necessitatis quoad officia erga Deum nunquam existit, quia iisdem cedunt in omni casu collisionis officia erga seipsum & erga alios (§. 577.). In casu collisionis necessitas semper eximit officium erga se, vel erga alios, adeoque nullus existere potest, in quo actus officio erga Deum contrarius sit medium unicum satisfaciendi obligationi indispensabili: id quod tamen ad jus necessitatis requiritur (§. 564.). Quod vero miseratione digni censeantur, qui propter Deum mala præsertim atrocia pati, aut mortem ipsam subire tenentur; non a rigore legis naturalis petenda ratio est, sed ab innocen-

nocentia agentis, qui malum, quod pati cogitur, minime meretur. Non igitur lex naturæ facit miseratione dignum, sed casus funestus, qui evitari non potest, nisi legem naturæ violare is velit: quod autem ejus evitandi causa violare nolit, id laude dignum efficit. Ita laudamus *Eleazarum*, quod atrocitate supplicii sese permoveri non passus fuerit, ut verum Deum abnegaret, nec senex grandævus ac pietate gravis exemplo suo adolescentes ad illum abnegandum seducere voluerit: miseramur vero sortem ejus, quod recte faciens ad supplicium tractus fuerit.

§. 579.

An detur necessitas re- *Nulla datur necessitas inevitabilis, cui resisti minime possit,*
cessitas re- *ut non facias, quæ ad cultum Dei internum spectant, quamdiu*
stibilis re- *sana mentis es. Cultus enim internus in actibus internis seu*
speculatus *facultatam animæ consistit (§. 1230. part. 1. Jur. nat.). Quam-*
interni. *obrem cum usus facultatum animæ integer sit, quamdiu quis*
sanæ mentis est, quod per se patet, nec voluntas cogi possit,
ut non facias, quod eodem perfici potest (§. 927. Psych. empir.); impossibile quoque non est, ut cultus internus Deo
tribuatur, quamdiu quis sanæ mentis est. Nulla igitur datur
necessitas inevitabilis, cui resistere minime possis, ut non
facias, quæ ad cultum Dei internum spectant, quamdiu
sanæ mentis es.

Sana mentis dicitur, cui usus facultatum animæ integer est, quemadmodum corpus sanum appellatur, quando organa ejus ad functiones suas obeundum apta sunt (§. 345. part. 1. Jur. nat.). Equidem accidere potest, ut homo usu recto facultatum animæ privetur, veluti quando in furorem incidit, aut mente capitur; non tamen ideo dici potest, legem naturæ excipere casum necessitatis quoad cultum Dei internum: etenim leges datæ sunt hominibus sanæ mentis, non insanis ac furiosis. Furiosi enim ac insani infra sortem humanam deprimuntur, & quamdiu in furore atque insania persistunt, cum brutis con-

confociantur. Quamobrem dici nequit, legem naturæ furiosis ac insanis conferre jus Deum non colendi ac eos liberare ab ea obligatione, quæ a lege cultum Dei internum præcipiente venit. Lex supponit libertatem agendi, qualis furiosis acque insanis non est.

§. 580.

Si quis furore aut mente captus, obligatio quoad cultum Dei De obligationem non tollitur, sed saltem suspenditur. Etenim necessitas nullum actum officio cuidam erga Deum contrarium facit licitum (§. 579.), consequenter homo semper obligatur ad officia erga Deum præstanda, adeoque obligatio nunquam tollitur. Quamobrem cum cultus Dei internum complectatur officia erga Deum (§. 1234. part. 1. *Jur. nat.*), obligatio quoad cultum Dei internum non tollitur, etiamsi quis furore aut mente captus sit. *Quod erat unum.*

Enimvero quoniam furore aut mente captus facultatum animæ usum integrum minime habet (not. §. 579.), cultus autem Dei internum in actibus facultatum animæ consistit (§. 1230. part. 1. *Jur. nat.*); quamdiu quis furore aut mente captus impossibile est, ut ea præstet, quæ ad cultum Dei internum requiritur. Obligatio igitur quoad cultum Dei internum saltem suspenditur. *Quod erat alterum.*

Nimirum quamdiu quis furiosus aut mente captus, exercitium cultus divini interni cessat, nec homini imputari potest, quod cesser (§. 567. part. 1. *Phil. pract. univ.*). Quamprimum vero furor cessat, aut ad mentem sanam reditur; Deum quoque core tenetur homo: unde nec in intervallis lucidis obligatio suspenditur. Aliud nimirum est, num obligatio nulla adfit, quemadmodum in casu collisionis, in quo homo saltem ad alterutrum obligatus est, nimirum ad officium istud, quod vincit, aliud vero est, num saltem impossibile sit, ut præstetur, ad quod obligatus es, quamvis ob impossibilitatem tibi
(*Wolffii Jur. Nat. Part VI.*) Iii impu-

imputari minime possit. Officia erga Deum rationem sufficientem habent in dependentia hominis a Deo, quæ quamdiu subsistit (semper autem subsistit, quamdiu vivit), obligatio quoque subsistere debet (§. 118. *Ontol.*), etsi casus funestus exercitium reddat impossibile, ut miseratione dignus sit, qui in eam necessitatem incidit. Alia quoque est ratio, si casu quodam externus actus saltem efficitur impossibilis, deficiente usu organorum externorum corporis, veluti si quis cibum deglutire nequit ob tumorem: tunc enim non deest actus internus legi naturæ conservationem vitæ ac corporis præcipienti conveniens, adeoque obligatio extendi nequit ultra id, quod possibile, consequenter necessitas eam restringit (§. 209. *part. 1. Phil. pract. univ.*), non vero totam suspendit. Et adhuc peccat, qui in tali necessitate constitutus indignabundo animo cibum ac potum aversatur, non quod abstinencia a cibo ac potu sit illicita, sed quod voluntas vitam conservandi deficiat, & patienter adversa ferre quis nolit: Cum ad rectitudinem actionis obligemur (§. 189. *part. 1. Phil. pract. univ.*), hæc autem requirat omnium facultatum usum (§. 80. *part. 1. Phil. pract. univ.*); necessitas ab obligatione eximere nequit nisi eum actum, qui pendet a facultate, cujus non usum impossibilem facit.

§. 581.

De collisione officii erga seipsum vel quodam ad cultum Dei externum spectante; illud vincit. Quod si enim officium aliquod erga teipsum, vel erga alios collidatur cum actu quodam ad cultum Dei externum spectante, aut non faciendum est, quod tibi ipsi, vel alii debet, aut actus ad cultum Dei externum spectans est omittendus (§. 206. part. 1. Phil. pract. univ.).

Si officium aliquod erga teipsum, vel erga alios, quod moram non fert, & cui alio modo satisfieri nequit, colliditur cum actu seipsum vel quodam ad cultum Dei externum spectante; illud vincit. Quod si enim officium aliquod erga teipsum, vel erga alios collidatur cum actu quodam ad cultum Dei externum spectante, aut non faciendum est, quod tibi ipsi, vel alii debet, aut actus ad cultum Dei externum spectans est omittendus (§. 206. part. 1. Phil. pract. univ.). Enimvero actus ad cultum Dei externum spectantes tales sunt, ut vel alio tempore fieri possint, veluti lectio librorum de Deo & cultu divino agen-

uum

tium (§. 1243. *part. 1. Jur. nat.*), & conventus cultus divini causa nunc instituti (§. 1251. *part. 1. Jur. nat.*), vel alio modo idem obtineri possit, propter quod isti eduntur, veluti quando lectio libri de Deo rebusque divinis supplet defectum institutionis de Deo rebusque divinis in conventibus publicis; vel pertineant ad exemplum, quod aliis præbere debemus (§. 1242. *part. 1. Jur. nat.*), consequenter ad officium erga alios (§. 930. *part. 1. Jur. nat.*). Obligatio vero, qua nobis ac aliis tenemur, cum moram non ferat, nec ei alio modo satisfieri possit *per hypoth.* quando officium erga seipsum, vel erga alios colliditur cum actu quodam ad cultum Dei externum spectante, illud vincit.

E. gr. Si quis experiatur frigus sanitati suæ adversum, aut conventibus publicis cultus divini gratia celebratis nonnisi cum illius dispendio interesse possit, his non interesse licet. Et enim sanitatis conservatio officium erga seipsum est (§. 393. *part. 1. Jur. nat.*), nec aliter eidem satisfieri potest, nisi ut frigus vites: est cum interesse debeamus conventibus publicis, ut de Deo & rebus divinis instituamur ac oremus & cantemus (§. 1252. *part. 1. Jur. nat.*), id alio quoque modo fieri adhuc potest, scilicet si domi in hypocausto calido legamus librum de Deo atque rebus divinis agentem, ibidemque oremus ac cantemus. Non igitur ea est necessitas, ut intersimus conventibus publicis, quamquæ est sanitatis conservandæ. Quamobrem sanitatis conservandæ causa potius manendum domi, quam ut interesse velimus conventibus sacris. Et quamvis iisdem etiam interesse debeamus, ut aliis exemplo simus, quemadmodum ex demonstratione cultus divini externi patet (§. 1251. *part. 1. Jur. nat.*); in hoc tamen casu officium erga seipsum colliditur cum officio erga alios, adeoque illud huic præferendum (§. 229. *part. 1. Phil. pract. univ.*). Actuum ad cultum divinum externum spectantium non ea est necessitas, quæ est officiorum erga Deum, quibus cultus divinus internus

continetur. Similiter si incendium oritur, dum cultus divini causa in templo conventus aguntur, & sacra fiunt, qui incendio restinguendo, vel rebus suis servandis operam dare tententur, quin iis discedere liceat, dubitandum non est. Et quando signo dato incertum est, cuinam periculum immineat, quin exire unicuique liceat, dubitari itidem nequit. Nec peccat, qui ægroto ut opem ferat, sacris interesse haud potest. Non tantummodo excusationem meretur, sed jure hoc facit, casu a lege, qua cultus Dei externus præcipitur, excepto.

§. 582.

Vis necessitatis in cultum Dei externum.

Necessitas inevitabilis, cui resisti minime potest, facit omissionem actus ad cultum Dei externum spectantis licitam. Quod si enim necessitas fuerit inevitabilis, tibi imputari minime potest, quod in eam incideris (§. 528. part. 1. Phil. pract. univ.). Et quia eidem resistere non potes, in tua potestate non est actus ad cultum Dei externum spectans (§. 727. Onol.). Quamobrem cum cultus Dei externus motu organorum corporis perficiatur (§. 1230. part. 1. Jur. nat.), adeoque sine ea cultus internus, qui in actibus facultatum animæ consistit, subsistere possit (§. cit.); quamvis obligatio præstandi officia erga Deum, quibus cultus internus continetur (§. 1234. part. 1. Jur. nat.), non admittant casum necessitatis (§. 579.), quoniam tamen ad impossibile nemo obligari potest (§. 209. part. 1. Phil. pract. univ.), necessitas inevitabilis, cui resisti minime potest, non admittit, ut sub lege, quæ cultum externum cum interno jungendum præcipit, contineatur actus ad eundem spectans, qui motu organorum corporis vitio quodam laborantium perfici nequit. Necessitas adeo inevitabilis, cui resisti minime potest, facit actus ad cultum divinum externum spectantis omissionem licitam.

Ira si quis evadit murus, is non obligatur ad orandum, modo Deum invocet (§. 1219. 1222. part. 1. Jur. nat.), nec ad glori-

glorificationem externam, modo eum maximi faciat (§. 1181. 1232.). Et qui ægrotus lecto incumbit conventibus cultus divini causa celebratis interesse non obligatur. Diversa prorsus est cultus divini externi atque interni ratio. Quæ enim ad cultum Dei internum spectant, necessitas non eximit a lege, sed ubi usus facultatum animæ legitimus deficit, obligatio eatenus suspenditur, ut omissio actus non fit imputabilis: ast ubi usus organorum corporis deficit, actus externus e lege eximitur, ita ut tibi jus sit ad eum omittendum, consequenter ipsa actus omissio fit licita. Velle enim sufficit, ubi quod vis facere non potes. Deus nimirum adhuc colitur, quemadmodum coli debet, ac in cultum divinum impenditur usus omnium facultatum, qui in potestate est.

§. 583.

Quoties necessitas, cui resisti minime potest, impedit actum Obligatio externam, non tamen omitti debet internus. Quoniam ad re- quoad actus
ctitudinem actionum obligamur (§. 189. part. 1. Phil. pract. internos non
univ.), hæc autem requirit facultatum omnium usum (§. 80. sublatam per
part. 1. Phil. pract. univ.); necessitas non tollit obligationem impossibili-
nisi quoad actus, qui ut eliciantur fieri non potest (§. 209. tatem ex-
part. 1. Phil. pract. univ.). Quamobrem si necessitas, cui terni.
resisti minime potest, actum externum impedit, cum hoc
non obstante usu facultatum animæ, qui propterea non tol-
litur, actus interni elici possint, ad internos adhuc obli-
gati manemus, consequenter interni omitti minime debent.

Necessitas nullam habet vim in legem, nisi quatenus obli-
gatio extendenda foret ad id, quod impossibile, cum obliga-
tio naturalis, quæ possibilitatem actionis supponit, immuta-
bilis sit (§. 142. part. 1. Phil. pract. univ.). Quodsi ergo actio
ex pluribus actibus tam internis, quam externis componatur;
necessitati non subsunt nisi actus, qui usu facultatum perfici
minime possunt, consequenter nec obligatio legi demitur, nisi
quoad actus impossibiles, quoad ceteros vero, qui adhuc possi-
biles

biles sunt, subsistit. Ita sufficit miserari sortem pauperis & optare, ut fortunam magis faventem experiatur, atque alii egestatem ejus sublevent, cum ipse hoc facere non possit. Similiter amoris universali erga omnes homines non aliter satisfieri potest, quam ut velimus omnes esse felices, ac optemus, ut perenni felicitate fruantur, animo ita disposito, ut, si per nos staret, homines omnes efficeremus felices, quamvis impossibile sit, ut id actu præstemus. Quemadmodum itaque nemo contendere potest, amorem universalem requirere, ut omnes homines actu reddamus felices, nec legem naturæ, quæ eundem præcipit (§. 619. part. 1. Jur. nat.), nos ad hoc obligare; ita idem eodem modo intelligitur de actione quacunque alia, quæ lege naturali præcipitur, ubi perinde impossibile est, ut quid facias tibi, vel uni cuidam alteri, ac impossibile est, ut homines omnes in universum actu efficias felices. Atque adeo patet, lege naturali præcipi actionem internam, ubi externa præcipi nequit, & quamdiu actioni internæ adhuc respondet actus aliquis externus, qui in potestate est, idem adhuc præceptus intelligitur. Ita si ipse non habeas, quod des pauperi, commendatione tamen tua effici possit, ut det alius, ad ipsum huius commendandum obligaris. Quod si hæc probe confideres, metuendum non est, ne vis necessitatis ultra suos limites extendatur, nec ex parte altera obligationi inesse existimes, quod non inest.

§. 584.

De membro *Membrum insanabili morbo correptum abscindere licet, ne*
abscindendo totum corpus pereat. Etenim si membrum insanabili morbo
corporis correptum, ut conservetur impossibile est, consequenter ad
conservandi id conservandum non sumus obligati (§. 209. part. 1. Phil.
causa. *pract. univ.*). Enimvero ad conservandum corpus & vi-
 tam nostram obligamur (§. 349. 350. part. 1. Jur. nat.),
 cumque conservari possit, si membrum insanabili morbo
 correptum abscindatur, *per hypoth.* huic obligationi adhuc sa-
 tis-

tisfieri potest. Et quia alias pereundum, nisi abscindatur; membri abscissio est medium unicum conservandi corpus totum ac vitam. Quamvis adeo alias integritatem cujuslibet membri conservare tenemur (§. 372. *part. 1. Jur. nat.*), quando nimirum id fieri a nobis potest; cum tamen in hypothefi propositionis præsentis fieri nequeat, lex autem naturæ nobis det jus ad eos actus, sine quibus vita ac corpus conservari nequeunt (§. 159. *part. 1. Phil. pract. univ.*), & necessitas irresistibilis actum, qui alias illicitus foret, licitum efficiat, quando est medium unicum satisfaciendi obligationi indispensabili (§. 573.); quin membrum insanabili morbo correptum abscindere liceat, ne totum pereat corpus, dubitandum non est.

Quia non sumus obligati ad conservandum membrum insanabili morbo correptum, minime peccamus, si idem non conservemus. Ast quatenus abscissio medium unicum est conservandi corpus ac vitam, jus abscindendi nobis competit. Ex eo itaque, quod conservatio fit impossibilis, tantummodo sequitur, eam sine peccato omitti, non vero id abscindi a nobis posse: posterius vero demum sequitur ex eo, quod periculum vitæ imminet aliter non evitabile, nisi membro abscisso, vel refecato. Diversa omnino sunt omissio conservationis membri & abscissio ejusdem, adeoque ex uno non potest inferri alterum propter diversas, quas habent, rationes.

§. 585.

Si aut membrum aliquod refecandum, aut pereundum; Idem porro membrum refecandum est, ne corpus totum pereat. Etenim expenditur. membrum insanabile refecare licet (§. 584.) & ad corpus ac vitam conservandum obligati sumus (§. 349. 350. *part. 1. Jus. nat.*). Quodsi ergo aut membrum aliquod refecandum, aut pereundum; lex permissiva cum præceptiva colliditur (§. 164. 165. *part. 1. Phil. pract. univ.*). Enimvero
quan-

quando lex permissiva colliditur cum præceptiva, præceptiva vincit, seu permissiva cedit præceptivæ (§. 211. part. 1. *Phil. pract. univ.*). Ergo si aut membrum aliquod rescandum, aut moriendum; membrum potius rescicare, quam mori tenemur (§. 208. part. 1. *Phil. pract. univ.*), seu membrum rescicare debemus, ne totum pereat corpus.

Alia est quæstio, num quid jure facere liceat; alia vero, num id facere debeamus. Quod enim facere licet, omitti etiam potest, si adsint rationes, cur jure nostro non uti velimus: ast quod facere debemus, id omitti licite nequit. Quamobrem non sufficit ostendere, quod membri insanabilis licita sit abscissio, ne totum pereat corpus, sed ostendendum quoque erat, abscissionem esse debitam, nec optionem nobis esse permissam. Ipsa autem demonstratio propositionis præsentis loquitur, ante demonstrandum fuisse, quod rescissio licita sit, quam demonstrari potuerit, quod omissio sit illicita. Ceterum quæ hic monemus, probe attendenda sunt, ne in aliis casibus iudicium deproperemus. Necessitas irresistibilis eximit resectionem membri insanabilis a lege conservationem præcipiente; quatenus ea est medium unicum conservandi corporis, legi permissivæ subicitur; quatenus denique jus rescandi membrum pugnat cum obligatione conservandi corporis, si illo uti nolis, obligatio hæc usum illius efficit necessarium, adeoque debitum.

§. 386.

*Quoddam
periculum
alteri præ-
ferendum.*

Si aut certo pereundum, aut periculum subeundum dubio eventui; posterius priori præferendum. Etenim periculum vitæ vitare debemus, quantum in potestate nostra positum est (§. 371. part. 1. *Jur. nat.*). Quod si vero aut certo pereundum, aut periculum subeundum dubio eventui, casum istum, in quo nobis certo pereundum, aliter evitare non licet, quam si periculum aliud dubio eventui subeamus, consequenter in quo

quo spes omnis nos salvos fore decollata non est. Quamobrem cum subire periculum dubio eventu sit medium unicum, quo periculum vitæ ut evitemus uti possumus; hoc potius subire debemus, quam fato funesto succumbere.

Nimirum ipsa necessitas, quæ legi nulli subest, adjicit legi de vitæ periculo vitando hanc restrictionem, quantum in potestate nostra positum. Quando igitur medium aliud vitandi periculum, in quo nobis certo pereundum, non datur nisi periculum aliud, in quo eventus anceps est; nec aliter ut periculum istud evitemus in potestate nostra est medium. Hoc igitur utendum. Quod si uti nolimus, officio nostro erga nosmetipsos quod desimus, ecquis dubitet? Quamdiu enim spes evadendi adhuc superesse potest, spem omnem abjicere non debemus, consequenter quoque præferre præsentī morti periculum, in quo adhuc spes quædam affulget, nos fore salvos.

§. 587.

In summa cibi penuria nec inuitum, nec sorte ductum occiderelices, ne omnibus sit pereundum. Etenim quoniam in summa cibi penuria nullus prorsus cibus suppetit, non aliud datur medium servandi vitam, nisi ut carne humana vescaris. Quamobrem aut pereundum est omnibus, aut unus jugulandus vel inuitus, vel sorte ductus. Conservatio vitæ est legis præceptivæ (§. 164. part. 1. Phil. pract. univ.), interfectio alterius legis prohibitivæ (§. 163. part. 1. Phil. pract. univ.), cum omnes obligentur vitam conservare (§. 350. part. 1. Jur. nat.), ac prohibeantur occidere alterum (§. 743. part. 1. Jur. nat.), si vel maxime consentiat (§. 745. part. 1. Jur. nat.). Colliditur adeo in casu præsentī lex præceptiva cum prohibitiva (§. 206. part. 1. Phil. pract. univ.). Enimvero si lex præceptiva colliditur cum prohibitiva, prohibitiva vincit (§. 210. part. 1. Phil. pract. univ.). Quamobrem in summa cibi penuria alium occidere licet.

(Wolffii Jur. Nat. Pars VI.)

Kkk

penu-

penuria nec invitum, nec sorte ductum occidere licet, ne omnibus sit pereundum.

Nimirum lex prohibitiva de non occidendo altero, si vel maxime occidi velit, in summa cibi penuria conservationem sui efficit impossibilem, adeoque eandem eximit a lege præceptiva de vita sua conservanda, ut adeo conservatio sine peccato omittatur. Necessitas adeo vim suam exerit in legem præceptivam tollendo obligationem, non vero in legem prohibitivam, ut actum alias illicitum faciat licitum, seu conferendo jus ad actum in eadem prohibitum. Alia sane est ratio interfectionis alterius in casu defensionis, in quo necessitas facit interfectionem medium unicum sese defendendi ac vitam suam conservandi licitum (not. §. 572.). Etenim in casu defensionis defensor jure suo utitur, dum vim vi repellit (§. 973. part. 1. Jur. nat.), contra eum, qui jus ipsius, nimirum securitatis (§. 917. part. 1. Jur. nat.) violat, sine ullo jure (§. 918. part. 1. Jur. nat.), adeoque necessitas, quæ oritur ex facto illicito aggressoris eximit e lege prohibitiva actum sub jure defensoris contentum: est in casu præsentis fortuna adversa constituit utrumque in eadem necessitate, quæ utrumque ab obligatione se conservandi liberat (§. 566.), ut neuter peccet, si fame pereat. Cum adeo nulla adsit obligatio, cui satisfaciendum, nec lex naturæ dare potest jus ad actum utriusque æqualiter prohibitum. Equidem Puffendorfius lib. 2. c. 6. §. 3. dubitat, quid in casu propositionis præsentis pronuntiandum sit, propterea quod cum lege homicidii pugnet atrocitas famis venterque auribus carens, & quod circa tristissimum hoc medium omnibus foret pereundum; non tamen rationes istæ sufficiunt ad conferendum jus in vitam alterius. Etenim atrocitas famis est malum difficulter superabile, ex eo autem nullum jus nascitur ad actum lege prohibitum. Sane si hoc admittere velis, quod probari nulla ratione potest, ad evitandum tormentum quævis illicita patrare liceret. Et quamvis omnibus sit pereundum, nisi unus juguletur ac carne ejus vescantur ceteri; nec tamen hinc quoque jus nascitur uni in vitam alterius, neque

que etiam in vitam suam, ut in eadem sui consentire possit. Jus nasci nequit nisi ex obligatione passiva (§. 23. *part. 1. Jur. nat.*), ubi nulla obligatio, ibi jus nullum (§. 25. *part. 1. Jur. nat.*). Obligationem vero vitam conservandi tollit necessitas inevitabilis ac irresistibilis quoad omnes, adeoque ex ea jus nullum oriri potest uni in alterum. Exemplum ex *Nicolao Turpio* in *obl. med.* refert *Zieglerus* ad *Grotium* lib. 2. c. 1. §. 3. de septem Britannis, qui vastum in mare projecti deficiente cibo potuque fortiti unum non sane reluctanter jugularunt, cujus sanguine intolerabilem sitim ac famem carnibus utcumque sedaverunt, quos ad terram delatos post judex homicidii absolvit. Non sine peccato ceteri jugularunt unum, quamvis non reluctanter, etsi facile concedamus, homicidii reos miseratione fuisse dignos nec pœnam homicidii lege positiva sancitam iisdem irrogari potuisse a judice. Alia nimirum quaestio est, num jure jugulaverint socium ceteri, alia vero, an propter hoc factum pœna ordinariâ locum habuerit aut, si extraordinariâ adhuc locus fuisset, in quod in præsentis non inquirimus, utrum ea potius condonanda, an exigenda fuerit. Ceterum cum propositione præsentis confundendum non est, quod alibi demonstravimus, nimirum quod nemo hominum alterum occidere debeat, ut carne ejus vescatur (§. 747. *part. 1. Jur. nat.*), neque enim ibidem supponitur, id fieri in summa cibi penuria, ut sine isto medio sit pereundum. Perperam vero huc refertur exemplum *Jonæ*, quem volentem in mare projecerunt, qui una cum ipso in eodem erant, sedandæ tempestatis causa, *Jon. I.* Sortes enim miserunt, ut palam fieret, cujusnam peccato excitata esset tempestas omnibus interitum minitans. Nec sortitio caruit eventu, cum enim fors cecidisset super *Jonam*, is peccatum suum confitebatur, ac sibi conscius, grandem istam tempestatem a Deo excitatam fuisse propter peccatum suum, ut in mare mitteretur ejus sedandæ causa voluit: quod num facere liceat, qui cum ipso in navi erant adhuc subdubitabant, Deum adeo invocantes, ut, si peccare contingat, peccatum hoc ipsis condonare velit c. l. 14.

Inde igitur inferri nequit licitum esse, ut plurium servandorum causa uni innocenti manus violentæ inferantur.

§. 588.

De pluribus in naufragio in scapham insilientibus. Si in naufragio plures in scapham insilierint, quam illa ferre possit, neque ad unum peculiari jure scapha pertineat, qui priores insilierunt posteriores projicere possunt, non vero idem licet posterioribus in priores. Quodsi vero omnes simul insilierint, qui potest, ei alterum projicere licet. Nimirum perinde est, si ve in naufragio quidam sui servandi causa tabulam capiant, si ve in scapham, quæ nullo jure peculiari ad unum pertinet, insiliant. Enimvero si quis prior in naufragio tabulam ceperit, ut evadat, & alter eodem fine eandem conscendere velit, sed non sine præsentis discrimine ejus, qui prior ceperat; ei, qui prior ceperat, alterum deturbare licet, non vero idem licet posteriori in priorem. Quodsi vero uterque simul eandem tabulam apprehendat, ei facere hoc licet, qui potest (§. 1017. part. 1. Jur. nat.). Ergo etiam si in naufragio plures in scapham insilierint, quam illa ferre possit, neque ad unum peculiari jure scapha pertineat; qui priores insilierant, posteriores projicere possunt, non vero idem licet posterioribus in priores: quodsi vero omnes simul insilierint, qui potest, ei alterum projicere licet.

Casum hunc proponit *Puffendorfius* loc. cit. sed non decidit. Nostrum igitur esse duximus definire, quid in eo sit juris. Quoniam vero convenit cum casu *Ciceronis*, de quo disputat *Laetantius* (not. §. 1017. part. 1. Jur. nat.); non opus erat nova demonstratione, sed sufficit illum ad hunc reducere: tabula enim & scapha hic spectantur tanquam instrumentum, quo ad se conservandum utuntur naufragium perpeffi, & quod nullo jure peculiari ad unum eorum spectat. Aliud vero dicendum est, si scapha ad unum eorum, qui in ea sunt, peculiari quodam

dam jure pertinet: tum enim scapha non amplius convenit cum tabula, quam in naufragio plures apprehendunt.

§. 589.

Si in naufragio plures in scapham insilierint, quam illa ferre potest, cum consensu ejus, ad quem ea peculiari quodam jure pertinet; qui priores insilierunt posteriores projicere possunt; non vice versa posterioribus licet projicere priores, nec projicere licet eum, ad quem scapha singulari jure pertinet. Quodsi vero omnes simul insilierint, qui possunt, iis ceteros projicere licet. Quodsi enim scapha ad aliquem singulari quodam jure pertinet, veluti quod sit dominus, vel usus ejus a domino quomodocunque concessus; is quoque de usu ejus disponere potest pro arbitrio suo (§. 118. part. 2. & §. 12. part. 3. Jur. nat.). Quamobrem si plures cum consensu domini vel ejus, ad quem peculiari quodam jure scapha pertinet, insilierint, cum acceptatione fiat ipso facto (§. 2. part. 3. Jur. nat.), acceptatione vero jus acquiratur (§. 381. part. 3. Jur. nat.), eo ordine jus acquirunt, quo in scapham insiliunt. Enimvero cum jus acquiritum nemini invito auferri possit (§. 336. part. 2. Jur. nat.); is, ad quem navis peculiari quodam jure pertinet, non pluribus permittere potest scapham conscendere, quam ea ferre potest, consequenter posterioribus, seu ultimis jus nullum conferre potuit in præjudicium priorum. Patet igitur eos, qui primi conscenderunt scapham, illos, qui ultimi in eam insilierunt projicere quidem posse, sed non hos, utpote violaturos jus priorum, illos projicere posse (§. 910. part. 1. Jur. nat.). Quod erat primum & secundum.

Quando id fit cum consensu ejus, ad quem jure singulari scapha pertinet.

Enimvero cum nemo obligetur alteri inservire citra neglectum officii erga seipsum (§. 608. part. 1. Jur. nat.), nec is, ad quem scapha peculiari jure pertinet, obligatur usum scaphæ concedere aliis ut ipsi salventur, sibi vero sit pereun-

dum, consequenter nec præsumitur aliis permisisse in scapham conscendere, nisi quatenus una cum ipso servari possunt. Quoniam itaque hæc non competit nisi jus sub hac conditione, si scapha eos una cum concedente ferre possit; quando contrarium contingit, jus iis non est manendi in scapha, quos ferre non potest, adeoque nemo eorum projicere potest illum, ad quem scapha singulari quodam jure pertinet.

Quod erat tertium.

Denique si plures simul cum consensu ejus, ad quem scapha jure quodam peculiari pertinet, in eam insilierint, patet per demonstrata n. 1. omnes quoque eodem momento jus acquirere, consequenter omnes esse jure pares. In hoc igitur casu officium uniuscujusque erga seipsum colliditur cum officio erga alios (§. 206. part. 1. *Phil. pract. univ.*). Quamobrem cum in casu collisionis officium erga seipsum vincat (§. 229. part. 1. *Phil. pract. univ.*); unicuique eum projicere licet, quem potest. *Quod erat quartum.*

Quodsi dicas, quoniam acceptatio præcedere potest voluntatem jus transferentis, quando scilicet plures una auxilium ejus efflagitant, ad quem scapha jure quodam peculiari pertinet (§. 10. part. 3. *Jur. nat.*), consequenter omnes eodem tempore jus acquirere sui servandi causa scapha utendi; haud difficilis est responsio. Cum ad transferendum jus requiratur declaratio sufficiens voluntatis ejus, ad quem scapha jure quodam peculiari pertinet (§. 13. part. 3. *Jur. nat.*), is vero non pluribus idem conferre possit, quam quot scapha ferre potest; non aliter quoque auxilium implorantibus jus conferre voluisse intelligitur, quam eo ordine, quo in scapham insiliant, ita ut, si plures insiliant, quam ea ferre possit, qui ultimi sunt, iis scapham conscendere non permiserit. Quamprimum nimirum tot in eam conscenderunt, quot ea ferre potest, nulli amplius permisisse intelligitur, ut in eam conscendat, aut in dubio non censetur permisisse nisi sub hac conditione, ut sit projiciendus,

dius, siquidem appareat, scapham cum ferre non posse (§. 531.). Quod vero is, ad quem scapha jure quodam singulari pertinet, ceteris omnibus sit preferendus, adeoque nunquam projici possit; patet etiam ex eo, quod, si per malum imminet, quilibet sibi potius, quam aliis consulere debeat (§. 574.), ut adeo usum scaphæ ad se pertinentem non concedere teneatur aliis, nisi quatenus una cum ipso idem servari possint.

§. 590.

Si eo, ad quem scapha singulari quodam jure spectat, non rogato, plures in eam insiliant, quam ferre potest; ille præcipere potest, ut projiciatur is, quem voluerit, si scapha omnes ferre nequit, aut ut forte ductus projiciatur: & siquidem contingat, tot scapham jam conscendisse, quot ea ferre potest, his impedire non licet, quo minus ille in eam insiliat. Etenim a voluntate ejus, ad quem scapha singulari quodam jure spectat, pendet, cui usum scaphæ concedere velit, ut servetur (§. 12. part. 3. Jur. nat.). Quamobrem cum non pluribus eam concedere possit quam illa ferre potest, quod per se patet, etsi tot concedere debeat, quot ferre potest (§. 641. part. 1. Jur. nat.); ipse omnino est statuere, quinam illorum, qui in scapham insilierunt, sit projiciendus, ne omnibus sit pereundum. Præcipere igitur potest, ut is projiciatur, quem voluerit. Quod erat primum.

Quodsi vero consilii inops statuere nequeat, quinam sit projiciendus, cum ad sortem confugere liceat in dubio, seu quando ex dubitationum fluctibus emergere non potest (§. 296. part. 5. Jur. nat.); si præcipit, ut forte ductus projiciatur, sorte ductus projiciendus. Quod erat secundum.

Denique cum nemo alteri inservire teneatur cum neglectu sui (§. 608. part. 1. Jur. nat.), nec is, ad quem scapha singulari quodam jure pertinet, usum ejus alteri concedere tene-

tenetur, dum ipse eodem indiget. Quamvis adeo jam tot eam conscenderint, quot ferre potest; non tamen qui in ea sunt, impedire licite possunt, quo minus ille in eandem insiliat & alius projiciatur. *Quod erat tertium.*

Nemini jus suum auferre licet (§. 336. part. 2. *Jur. nat.*), adeoque in communi periculo usum scaphæ privari nequitis, ad quem illa pertinet. Et quoniam nemo pati tenetur, ut alter quid faciat, quod est contra jus ipsius (§. 910. 913. 920. part. 1. *Jur. nat.*); cum hoc sit contra jus ejus, ad quem scapha singulari quodam jure pertinet, si plures in eam insilierint, quam ferre potest, pati is utique non tenetur, ut omnes in scapha maneant, atque adeo vel omnibus una sit pereundum, vel ipse excludatur. Patet itaque propositionem præsentem consentire cum principiis juris naturæ, nec quicquam in ea contineri, quod iisdem repugnet, quamvis in tanta consternatione, qualis in casu præsentis adest, & ubi natura unumquemque sibimetipfi commendat, si quid justitiæ adversum contingat, id facile excusationem habeat, præsertim cum non cujusvis sit perspicere, aut in tanta perturbatione animi trutinari, quid juris sibi, quid aliis conveniat. Sed de eo nobis jam quæstio non est, quidnam excusationis det suprema necessitas, quoniam definiendum est, quid in communi periculo quoad usum rei alienæ unicuique comperat juris, si omnes eundem participare nequeunt, in eadem necessitate constituti, sive cum illo, ad quem is pertinet, sive sine ipso.

§. 591.

Si arbitrio eorum relin- Quoniam is, ad quem scapha singulari quodam jure pertinet, quando ipso non rogato plures eam conscenderint, quam ipsa ferre quatur, qui potest, præcipere potest, ut projiciatur is, quem voluerit in scapha (§. 590.); si jubeat projicere eum, quem quis projicere potest, qui sunt, quem-primi aliquem projicere possunt, iis eum projicere licet. nam projicere velint.

Necessitas nimirum dat jus ad aliquem eorum, qui in scapha sunt, projiciendum (§. 572.); sed voluntate ejus, ad quem

quem ea singulari quodam jure pertinet, determinandum, quoniam ex illorum numero projiciendus sit (§. 590.). Quod si ergo neminem in specie nominare velit, aut, cum deliberatio moram minime ferat, præsertim in tanta consternatione, non possit, jus sibi competens aliis committere potest, ipsorum arbitrio relinquens, quid facere velint, vel possint, ne mora noceat omnibus. Casum hunc, etsi rariorem, ideo prolixè discutere volumus, immo debuimus, ut appareat, quomodo in aliis sit procedendum. Cum enim minima circumstantia variet jus, minime pronunciandum est, nisi singulis circumstantiis probe expensis: quod cum non faciant, qui generaliter pronunciare volunt, insuper habitis circumstantiis, quæ variare possunt, mirum non est, si in eo, quod justum est, definiendo cespitent.

§. 592.

Si quis stricto gladio duos fugientes persequatur, nec uterque simul servari possit, licet uni foribus clausis alterum in præsentem periculum destituere. Etenim cum quis obligetur vitam tam suam in præsentem periculum (§. 350. part. 1. Jur. nat.), quam alterius conservare (§. 641. part. 1. Jur. nat.), tum etiam integritatem omnium membrorum corporis (§. 372. 642. part. 1. Jur. nat.); in casu per se propositi officium erga seipsum colliditur cum officio erga alios (§. 206. part. 1. Phil. pract. univ.). Enimvero quando officium erga seipsum colliditur cum officio erga alios, officium erga seipsum vincit (§. 229. part. 1. Phil. pract. univ.). Quamobrem si quis stricto gladio duos fugientes persequatur, nec uterque simul servari possit, licet uni foribus clausis alterum in præsentem periculum destituere.

Idem etiam ostenditur hoc modo. Si quis stricto gladio me & te fugientem persequatur, utrique nostrum par malum imminet, nimirum periculum mortis aut læsionis membri cujusdam corporis. Enimvero si nobis par malum
(*Wolffii Jur. Nat. Pars VI.*)

imminet, ego potius mihi, quam tibi consulere debeo (§. 574.), consequenter multo magis mihi consulere, ac te in præsentis discrimine destituere possum, quando a neutro periculum averteretur, nisi mihi consulere malim. Quamobrem cum simul servari non possimus, *per hypoth.* mihi licet foribus clausis te in præsentis discrimine destituere.

Geminum casum affert *Puffendorfus* lib. 2. c. 6. §. 4. Scilicet quando duobus fugientibus hostis necem intentans instat, & unus vel ponte dejecto, vel porta clausa alterum in præsentis vitæ periculo destituit, si uterque simul servari nequeat. In collisione officiorum erga seipsum & erga alios facere licet, sui conservandi gratia, quod alias non liceret. Ita portem deicere, vel portam claudere non liceret, ut hostis fugientem prosternere posset, nisi hoc fieret sui conservandi causa. Multi occurrunt casus particulares passim apud Autores, qui cum præsentis in eundem censum referendi, sed iis immorari nonolumus. Quin potius demonstremus principium generale, sub quo isti omnes continentur.

§. 593.

*De periculo,
visando
cum præsen-
ti discrimi-
ne alterius.*

Si ego ac tu in præsentis periculo sumus, ex quo uterque nostrum simul extrahi nequit, talem actum suscipere licet, quo tibi effugiendi potestas adimitur. Quoniam enim ego ac tu in præsentis periculo sumus, ex quo uterque nostrum simul extrahi nequit, *per hypoth.* uterque autem obligatur mala quævis cum a se (§. 183, *part. 1. Jur. nat.*), tum ab altero depellere (§. 613, *part. 1. Jur. nat.*); officium erga seipsum colliditur cum officio erga alios (§. 206, *part. 1. Phil. pract. univ.*), adeoque illud vincit (§. 229, *part. 1. Phil. pract. univ.*). Quoniam vero mihi non suppetit actus alius, quo ex periculo extrahi possum, quam quo tibi adimitur potestas effugiendi *per hypoth.* quamvis alias illicitus foret actus, quo tibi adimitur periculum effugiendi potestas (§. 700, *part. 1. Jur. nat.*),
cum

cum tamen necessitas irresistibilis licitum efficiat actum, qui alias foret illicitus, quando fit medium unicum satisfaciendi obligationi tuæ (§. 573.); talem actum suscipere licet, quo tibi adimitur periculum effugiendi potestas, ut ego ex eodem extrahar.

Principium hoc generale multo latius extenditur, quam ad casus particulares, de quibus modo diximus. E. gr. Ponamus incendio suborto adesse aliquem, qui uni tantummodo opem ferre possit ad res servandas, nummos dare eidem licet, ut tibi potius opem ferat, quam alteri, qui nihil dare potest, vel tot dare nequit. Idem intelligitur de alio quocunque periculo, ad quod depellendum ope aliena indiges. Similiter si tu & alter in communi periculo imploratis opem tertii, licet tibi offerre rationes particulares, quibus te aliis commendes, ut eum permoveas ad auxilium tibi potius, quam alteri ferendum, modo non dehorteris, ne opem ferat alteri.

§. 394.

Si duo in presenti periculo sint, ex quo uterque extrahi minime potest, talem actum suscipere licet ejus servandi causa, qui ferendo uni vel solus sine electione servari potest, vel cui magis obligaris, quo cum discrimine eripitur effugiendi potestas. Quoniam enim impossibile mine alteri est, ut uterque ex communi periculo extrahatur, *per hypoth. riu.* ab utroque autem malum pro virili depellere obligaris (§. 613. *part. 1. Jur. nat.*), officia erga alios colliduntur (§. 206. *part. 1. Phil. pract. univ.*), adeoque illud vincit, ad quod major est obligatio (§. 230. *part. 1. Phil. pract. univ.*). Quamobrem ab eo periculum depellere debes, cui magis obligaris, quam alteri (§. 208. *part. 1. Phil. pract. univ.*), cumque necessitas irresistibilis licitum faciat actum, qui alias foret illicitus (§. 700. *part. 1. Jur. nat.*), quando fit medium unicum satisfaciendi obligationi tuæ (§. 573.), periculum

ut depellas suscipere licet talem actum, quo alteri adimitur effugiendi potestas. *Quod erat unum.*

Quodsi vero unus saltem sine electione servari possit, ipsa necessitas hunc præferre jubet alteri, cum ad impossibile minime obligeris (§. 209. *part. 1. Phil. pract. univ.*), si vel maxime alias alteri magis obligeris, ut is esset præferendus *per demonstrata.* Quamobrem alterum in præsentī discrimine destituere ac illius liberandi causa talem actum suscipere licet, quo alteri adimitur effugiendi potestas. *Quod erat alterum.*

Exempla, quæ modo dedimus, de servando seipso cum præsentī discrimine alterius, mutatis mutandis, facile huc aptantur. Ita mater dare potest nummos opem ferre valenti nonnisi uni, ut infantem suum flammis feralibus eripiat incendio furente, quam infantem matris alterius auxilium illius similiter flagitantis, sed quæ non habet, quod dare possit. Et pater in casu simili hoc facere potest, ut idem potius servet res filii sui, quam alterius. Similiter si quis stricto gladio duos fugientes persequatur, nec uterque servari possit, licet tibi eo in ædes tuas admissis, qui primus adest, fores claudere ac alterum in præsentī discrimine destituere, si vel maxime huic magis obligeris, quam illi, veluti si hic sit agnatus tuus, vel amicus intimus, ille autem homo tibi prorsus ignotus.

§. 595.

De rebus necessariis in extrema necessitate domino auferendis.

*Si quis destituitur penitus usu rerum necessariorum, nec in potestate ipsius sit, ut eas æquo pretio vel præstitis operis sibi comperet, neque etiam eas precibus ab aliis impetrare possit; in hactenus naturali eas alteri inscio ac invito auferre, immo vi eripere licet, qui iisdem carere potest. Etenim si quis penitus destituitur usu rerum necessariorum, adeoque illarum, sine quibus vita ac sanitas conservari nequit, nec anima perfici potest (§. 499. *part. 1. Jur. nat.*), nec in potestate ipsius sit, ut eas æquo pretio*

pretio vel præstitis operis sibi comparet; is tanta rerum inopia laborat, ut desint ea, quæ extrema vitæ necessitas exigit. Quod si ergo porro res necessarias precibus ab aliis impetrare non possit, nisi eidem penitus ablati esse debeat rerum necessariorum usus, non aliud superest in statu naturali, in quo nemo alterius potestati subjectus est (§. 143. 147. *part. 1. Jur. nat.*), medium obligationi naturali vitæ atque sanitatis conservandæ (§. 350. 393. *part. 1. Jur. nat.*), aut animam perficiendi (§. 180. *part. 1. Jur. nat.*), quam ut alteri vel incio ac invito, vel vi res necessarias eripiat. Quamobrem cum dominia cum tacita hac restrictione introducta intelligantur, ut, si in casu emergente contingat alicui penitus auferri necessarium rerum usum, eidem jus aliquod competat in eas res, quæ sunt in dominio (§. 563.), necessitas vero irresistibilis licitum efficiat actum, qui alias foret illicitus, quando est medium unicum satisfaciendi obligationi indispensabili (§. 573.); quamvis alias illicitum sit alteri invito rem suam auferre (§. 497. *part. 2. Jur. nat.*), consequenter nec vi eripere permissum, si quis tamen destituitur penitus usu rerum necessariorum, nec in potestate ipsius sit, ut eas æquo pretio vel præstitis operis sibi comparet, neque etiam eas precibus ab aliis impetra e possit, in statu naturali eas alteri incio ac invito auferre, immo vi eripere licet. Enimvero si par malum imminet, nobis potius, quam alteri consulere debemus (§. 574.), consequenter usum rerum necessariorum alteri concedere non debemus, si eodem carere minime possumus. Quamobrem nec domino incio ac invito rem suam auferre, vel vi eripere licet res necessarias, quibus ipse carere nequit, consequenter non nisi ei auferre, vel vi eripere licet, qui iisdem carere potest.

Quid sit juris in statu naturali quoad usum rerum necessariorum in suprema necessitate, ideo demonstrandum fuit, ut

Tuo loco ostendi possit, quid conveniat statui civili : jus enim in eodem obtinens metiendum est ex jure, quod in statu naturali competit ad extremam necessitatem reductis, & quando status naturalis reviviscit, ut eodem jure uti liceat. Idem enim institutum secuti sumus hactenus etiam in aliis.

§. 596.

An rei ablatione furtum committatur.

Quoniam qui usu rerum necessariarum penitus destituitur, nec eas sibi a quo pretio, aut praestitis operis comparare, neque etiam precibus easdem ab aliis impetrare potest, ei in statu naturali casus incio ac invito auferre licet (§. 595.), consequenter jus easdem auferendi habet (§. 170. part. 1. Phil. pract. univ.), cum dici nequeat eum abstulisse rem alienam, consequenter eam, ad quam jus nullum habet (§. 146. 120. part. 2. Jur. nat.), furtum vero non sit, nisi quis auferat rem alienam domino incio ac invito animo eam sibi habendi, consequenter ad quam jus nullum habet (§. 498. part. 2. Jur. nat.); furtum minime committit.

Nimirum suprema necessitas in hypothese propositionis presentis, communiōe primæva quoad eum, qui illa ad rem auferendam adigitur, reviviscente facit eandem communem domini ac auferentis, ut adeo uterque pari jure gaudeat (§. 4. part. 2. Jur. nat.). Non igitur auferitur res aliena, sed ea apprehenditur, ad quam auferenti jus est eadem utendi. Suprema necessitas extinguit jus singulare, & rem restituit communiōi primævæ (§. 562.).

§. 597.

An rapina committatur, si res vi eripiatur.

Quoniam in eadem hypothese rem, cujus usum extrema necessitas exigit, vi eripere licet (§. 595.), rapina vero non est, ad quam eripiendam jus habemus (§. 505. part. 2. Jur. nat.); rapina quoque non committitur, quando in eadem hypothese si alteri res vi eripitur.

Nimi-

Nimirum qui alteri rem, quam tenet, vi eripit ob extremam necessitatem, hoc facit jure suo (§. 170. *part. 1. Pbil. pract. univ.*), adeoque in ejus exercitio impediri nequit a tenente (§. 180. *part. 1. Pbil. pract. univ.*). Quamobrem si qui rem tenet impedire velit, quo minus eadem utatur, qui ad extremam necessitatem redactus: quin eum vi adigere possit dubitandum non est. Suprema necessitas facit rem communem ejus, qui eandem tenet, & alterius, qui eadem indiget (*not. §. 596.*). Quemadmodum itaque in communiione primæva homini competit jus perfectum non patien- di, ut alter ipsum quocunque modo impedire conetur, ne re- bus, prouti omnis fuerit, utatur (§. 49. *part. 2. Jur. nat.*); ita etiam hoc jus competit ei, qui ad extremam necessitatem redactus est. Jus vero perfectum utique involvit jus cogendi seu vi adigendi alterum, ut patiat hunc re, quam ipse tenet, *ut.* Qui vi utitur adversus impediendum jus suum, rem incorporalem (§. 498. *part. 1. Jur. nat.*), defendit adversus eum, qui idem ipsi rapere vult (§. 690. *part. 2. Jur. nat.*). Prædonis igitur nomen magis meretur, qui usum rei in extrema necessitate alteri denegat, dum ipse pari necessitate minime premitur, quam qui vi adigit alterum ad concedendum rei usum, quem extrema necessitas exigit (§. 506. *part. 2. Jur. nat.*). Probe hæc notanda sunt, cum sine iis jus belli publici intimius inspicere non detur.

§. 598:

Quia extrema necessitas indigenti facit usum rei neces- *Quousque*
sarius, quo dominus carere potest, licitum (§. 595.); *St. res jus istud*
fuerit talis, quæ usu consumitur, eandem consumi licet; quod si extenden-
vero ea usu non consumatur, finito usu restituenda. *dum.*

Jus, cui extrema necessitas locum facit, metiendum est ex jure communiione primævæ, utpote ab eodem minime differens, sed potius idem cum eodem (*not. §. 596.*). Enimvero si in communiione primæva tu re quadam in singulari, quæ usu consumitur, actu uteris; nemo alius ejusdem usum licite præ- tendere potest, consequenter patiendum, ut res ista a te con-
suma-

sumatur : si vero uteris re , quæ usu non consumitur , finito usu jus ad eam aliis , quod habent , adimi nequit (§. 35. 38. part. 2. *Jur. nat.*). Quamobrem si usus rei , qua dominus carere potest , in extrema necessitate tibi patet ; rem consumere licet , quæ usu consumitur , quod si vero usu non consumatur , finito usu , cum tunc nullum amplius jus ad eandem competat , domino res utique restituenda . In casu nimirum primo dominium rei in te transit , cum sine eo non detur usus ejusdem (§. 508. part. 4. *Jur. nat.*) ; in casu autem altero , dominium rei manet apud dominum , quoniam jus utendi , quod tibi competit , illo salvo subsistere potest . Quemadmodum commodatarius , cui non nisi usus rei concessus (§. 421. part. 4. *Jur. nat.*) , rem in specie restituere tenetur commodanti , finito usu (§. 445. part. 4. *Jur. nat.*) ; ita in præsentis quoque casu , is , cui necessitas non majus jus tribuit , quam commodans commodatario , perinde ac hic finito usu rem restituere debet . Immo in præsentis casu concessio usus rei , quæ eodem non consumitur , revera non est aliud quam commodatum necessarium : neque enim inter illam & hoc alia differentia intercedit , quam quod in domini voluntate positum sit , num rem suam alteri commodare , adeoque usum ejus concedere (§. 418. part. 4. *Jur. nat.*) velit (§. 425. part. 4. *Jur. nat.*) , nec is ad commodandum cogi possit (§. 426. part. 4. *Jur. nat.*) , in casu autem præsentis concessio usus non sit voluntatis , sed necessitatis , ac nolens ad eum concedendum cogi queat (§. 595.).

§. 599.

Vis necessitatis in jus petendi res necessarias vel earum usum.

Quoniam usu rerum necessariarum penitus destitutus , quando eas æquo pretio vel præstitis operis tibi comparare nequis , eas alteri inscio ac invito auferre , immo vi eripere licet , siquidem eas precibus ab aliis impetrare non possis (§. 595.) ; *necessitas extrema jus petendi vertit in jus cogendi , ut detur.*

Naturæ

Naturaliter homini competit jus petendi ab aliis, ut sibi inserviant, non vero jus alterum ad id cogendi (§. 234. *part. 1. Phil. pract. untv.*). Quamobrem cum homines introductis dominiis sibi mutuo ad dandum obligentur, prouti unusquisque re alterius indiget (§. 124. *part. 3. Jur. nat.*); dominiis introductis tibi competit jus petendi ab altero, ut det rem, qua indiges. Quando vero hoc jure tibi non consulitur, necessitas extrema vertit jus petendi in jus cogendi. Atque adeo apparet, cur eidem non ante locus sit, quam ubi jus petendi locum invenire nequit. Quamdiu itaque aliquis adhuc superest, a quo rem petere possis; neminem ad dandum cogere licet.

§. 600.

In extrema necessitate jus commune ad res reviviscit. In De jure extrema enim necessitate penitus destitutus es usu rerum necessariorum, nisi alteri invito & incio rem auferas, vel vi *reviviscen-* eidem eripias: quod cum facere liceat (§. 595.), tibi *se.* patet usus rei necessariæ necessarius, perinde ac si juri singulari seu proprio subjecta non esset (§. 119. *part. 2. Jur. nat.*), consequenter ac si esset communis (§. 110. *part. 2. Jur. nat.*). In extrema itaque necessitate jure communi cum uti liceat, jus commune reviviscit.

Nimirum per dominia sublatum quidem est jus commune, adeoque extinctum, ut eodem uti minime liceat, domino omni usu rei suæ alios excludente (§. 120. *part. 2. Jur. nat.*); quoniam tamen eadem introducta non intelliguntur nisi cum tacita hac exceptione, ut, si in casu emergente contingat alicui penitus auferri necessarium rerum usum, eidem jus aliquod competat in eas res, quæ sunt in dominio (§. 563.), extrema utique necessitas juri communi denuo locum facit quoad eos, qui eadem premuntur. Sane nisi in extrema necessitate tibi hoc jus competeret, per dominia introducta tibi ablatum esset jus commune, consequenter connatum (§. 110. *part. 2. Jur. nat.*): quod cum auferri non possit (§. 64. *part. 1. Jur. nat.*), in extrema necessitate

(*Wolfii Jur. Nat. Pars VI.*) M m m tibi

tibi utique adhuc competere debet. Quamprimum adeo ad
 exterrnam necessitatem redigeris, jus commune reviviscit.

§. 601.

Quale hoc
 sit.

*Jus commune ad res in extrema necessitate reviviscens est
 jus necessitatis ex communione primæva residuum.* Etenim do-
 minia introducta intelliguntur cum tacita hac restrictione,
 ut, si in casu emergente contingat alicui penitus auferrisum
 rerum necessariorum, eidem jus aliquod competat in eas
 res, quæ sunt in dominio (§. 563.), consequenter, in quas
 omni jure ceteros omnes excludit dominus (§. 120. part. 2.
Jur. nat.). Quoniam igitur huic juri sola locum facit ne-
 cessitas, ut jam licitum sit, quod alias licitum non est; pro-
 pterea quod alias obligationi tuæ indispensabili satisfacere
 haud quaquam potes (§. 595.), jus autem necessitatis est,
 cui sola necessitas locum facit ad actus quosdam alias non
 licitos, propterea quod sine iis obligationi cuidam indispen-
 sabili satisfacere minime potes (§. 564.); jus commune ad
 res in extrema necessitate reviviscens jus necessitatis est.
Quod erat unum.

Quoniam dominium, tanquam jus proprium (§. 118. part.
 2. *Jur. nat.*), absorpsit jus illud commune (§. 2. part. 2. *Jur. nat.*),
 quod natura hominibus competeat (§. 7. part. 2. *Jur. nat.*) in ex-
 trema tamen necessitate idem reviviscit (§. 600.), in introdu-
 ctione dominiorum tacite exceptum (§. 563.); jus commune
 in extrema necessitate reviviscens est jus ex primæva com-
 munionem residuum (§. 561.). *Quod erat alterum.*

Non omne jus necessitatis ex communione primæva resi-
 duum est; sed tantummodo illud, quod extrema necessitas
 nobis dat ad rem alterius, tanquam si adhuc esset communis,
 ut adeo in eam idem jus nobis competat, quod erat in com-
 munionem primæva, antequam dominia introducerentur. Ita

inter-

interfectio alterius in casu defensionis jus quidem necessitatis est, aut minime ex communione primæva residuum, quippe quod nobis competit etiam stante communione primæva. Sane in communione primæva si quis ad usum necessarium rem quandam apprehendit, nemini licet eam eidem invito eripere (§. 36. part. 2. *Jur. nat.*), neque etiam eripere licet, si apprehensam ad futurum usum necessarium servat (§. 93. part. 2. *Jur. nat.*), immo ei vi resistere licet, qui quocunque modo impedire conatur, quo minus usum rei apprehensæ necessarium faciat (§. 52. part. 2. *Jur. nat.*). Stante igitur adhuc communione primæva homini competit jus res ad usum necessarium apprehensas defendendi (§. 690. part. 2. *Jur. nat.*), & hoc jus in casu necessitatis extenditur ad interfectionem ejus, qui rem apprehensam eripere vult (§. 54. 699. part. 2. *Jur. nat.*). Atque adeo satis patet, propositionem præsentem minime converti posse. Immo analogum juris necessitatis, quod ex primæva communione residuum est, observatur jam in ipsa communione primæva, quatenus qui res apprehensas in futurum usum servat, earum usu excludere nequit alios, qui extrema necessitate urgentur: id quod in propositione sequente demonstrare lubet.

§. 602.

Si quis penitus destituitur usu rerum necessariorum in communione primæva & alius quidam res necessarias in usum futurum servat; eas inscio ac invito auferre, immo vi eripere licet. *De jure necessitatis in communione primæva.*
 Quoniam enim in communione primæva usus rerum necessariorum promiscue patet omnibus (§. 19. part. 2. *Jur. nat.*), si quis usus rerum necessariorum, adeoque illarum, sine quibus vita ac sanitas conservari, aut anima perfici nequit (§. 499. part. 1. *Jur. nat.*), prorsus destituitur, necesse est, ut res nulla amplius inveniri possit, quam non jam ad usum suum atiquis apprehenderit. Quoniam vero nemo excludi potest jure utendi re quacunque (§. 103. part. 2. *Jur. nat.*); si quis res necessa-

necessarias ad futurum usum servat, quamvis alias easdem ipsi eripere non liceat, si usu consumuntur (§. 93. *part. 2. Jur. nat.*), cum tamen in præsentī casu aliud medium non suppetat se aut sanitatem suam conservandi, consequenter obligationi suæ satisfaciendi (§. 350. 393. *part. 1. Jur. nat.*), quam usus rei ab alio asservatæ in usum futurum, necessitas vero irresistibilis licitum efficiat actum, qui alias foret illicitus, quando est medium unicum satisfaciendi obligationi indispensabili (§. 573.), qualem naturalem esse constat (§. 142. *part. 1. Phil. pract. univ.*); si quis penitus destituitur usu rerum necessariorum, quæ usu consumuntur, & alius quidam res necessarias in futurum usum servat, in communione primæva eas infcio ac invito auferre, immo vi eripere licet.

Quodsi vero res usu non consumantur, cum interea temporis, quo qui eas servat iisdem non utitur, earum usum aliis concedere teneatur (§. 93. *part. 2. Jur. nat.*), multo minus dubitari potest, quin in casu propositionis præsentis eas infcio ac invito auferre, immo vi eripere liceat.

Non licet excipere, quod, si quis res, quas in usum futurum servat, consumtibiles alteri concedere debeat usus præsentis causa, fieri possit, ut ipsemet posthac usu rerum necessariorum penitus destituatur, adeoque in eandem necessitatē incidat, qua alter nunc premitur. Præterquam enim quod hoc non semper metuendum sit, multo minus semper certus sit metus, ac in communione primæva, in qua usus rerum per universum terrarum orbem patet singulis (§. 94. *part. 2. Jur. nat.*), futuræ necessitati facile prospici possit; hic probe considerandum est, quid juris unicuique tribuat natura in statu originario, non vero quid huic vel isti utilius sit, aut magis commodum. In statu originario, in quo communio rerum primæva obtinet (§. 11. *part. 2. Jur. nat.*), homines omnes æquales sunt (§. 130. *part. 1. Jur. nat.*), adeoque tantum lem
juris

juris competit uni, quantum alteri (§. 78. part. 1. *Jur. nat.*), consequenter nemo alteri usum præsentem rei necessariæ auferre potest usus futuri causa. Sicuti commune est commodum, quando tanta rerum copia suppetit, ut sufficiat omnibus; ira quoque commune est periculum, quod ex illarum inopia venit, cui avertendo tempore unusquisque pro virili operam dare tenetur. Et quamvis si par malum imminet, nobis potius, quam aliis consulere debeamus (§. 574.); id tamen locum non habet, nisi quando usus rei, quo ipse in præsentem carere deberes, concedendus foret alteri, ita ut v. gr. tibi sit esuriendum, si esurienti cibum, quem habes, dare deberes. Sane si quis ob usum futurum auferret alteri usum præsentem necessarium, ei alterum ab usu rei necessario arcere liceret, quod tamen minime licet (§. 20. part. 2. *Jur. nat.*).

§. 603.

Si quis penitus destituitur usu rerum necessariorum & iis rebus uti potest ad vitæ necessitatem, quibus alter non utitur nisi tilibus & ad utilitatem vel jucunditatem; eas alteri inscio ac invito auferre, lupinarius immo vi eripere licet in communione primæva. Etenim si quis ob vitæ necessitatem penitus destituitur usu rerum necessariorum & iis rebus uti potest ad vitæ necessitatem, quibus alter utitur non nisi ad alteri eripitilitatem vel jucunditatem; huic uti non licet ad utilitatem vel jucunditatem, quibus ille indiget ad vitæ necessitatem (§. 101. part. 2. *Jur. nat.*). Quamobrem ob vitæ necessitatem vel jucunditatem nemo alterum privare potest usu rerum, quibus ad vitæ necessitatem indiget. Necessitas igitur eximit res ab altero apprehensas e numero rerum usus necessarii causa apprehensarum. Quamobrem etsi alias rem ab altero apprehensam eidem invito eripere miqime liceat (§. 36. part. 2. *Jur. nat.*); in præsentem tamen usus ejus adhuc patet ei, qui alias usu rerum necessariorum penitus destitueretur, consequenter cum nemo ab eodem arceri possit (§. 20.

part. 2. Jur. nat.), rem istam alteri in scio ac invito auferre, in mo vi eripere licet.

In communione primæva nemo majorem vitæ commoditatem aut jucunditatem prætere potest altero (§. 100. *part. 2. Jur. nat.*), adeoque commoditatem ac jucunditatem vitæ suæ non potest præferre necessitati vitæ alterius. Quando itaque commoditas ac jucunditas vitæ tuæ colliditur cum necessitate alterius, quemadmodum res necessariæ præferendæ sunt utilibus ac voluptuariis (§. 502. *part. 1. Jur. nat.*), ita etiam necessitas vitæ alterius præfertur commoditati ac jucunditati vitæ tuæ. Sane communio primæva, quæ omnibus idem jus dat ad res omnes (§. 3. 9. *part. 2. Jur. nat.*), non finit res esse in utilium vel voluptuariarum numero, quibus quis indiget ad vitæ necessitatem. Qui adeo rebus indiget ad vitæ necessitatem, quibus alter non utitur nisi ad utilitatem vel jucunditatem, cum alias penitus destitueretur usu rerum necessario, eas spectat tanquam res necessarias, quibus ille non indiget, & quas adeo in sui præjudicium apprehendere minime potuit.

§. 604.

*Quale sit
jus necessi-
tatis ex
communio-
ne primæva
residuum.*

Jus necessitatis ex communione primæva residuum jus perfectum est. Etenim necessitas jus petendi convertit in jus cogendi (§. 599.), adeoque jus necessitatis ex communione primæva residuum conjunctum est cum jure cogendi alterum, qui obligationi suæ satisfacere non vult. Ast jus perfectum est, quod conjunctum cum jure cogendi alterum, si obligationi suæ satisfacere noluerit (§. 235. *part. 1. Phil. præd. univ.*). Ergo jus necessitatis ex communione primæva residuum jus perfectum est.

Ostenditur etiam hoc modo. In extrema necessitate jus commune ad res reviviscit (§. 600.), adeoque jus necessitatis ex communione primæva residuum idem est cum jure, quod unusquisque habet in communione primæva. Enim-

vero

vero jus in res communes cuiuslibet competens in communione primæva jus perfectum est (§. 47. *part. 12. Jur. nat.*). Jus itaque necessitatis ex communione primæva residuum jus perfectum est.

A vero igitur aberrat *Puffendorfius* lib. 2. c. 8. §. 5. quando putat jus necessitatis ex communione primæva residuum ex imperfecta duntaxat obligatione oriri, quod ex virtute humanitatis fluat, ut quis teneatur alteri in extrema necessitate constituto rebus suis, quibus ipse pari modo non indiget, subvenire. Etenim extrema necessitas, quæ ablationem rei invito domino factam efficit licitam, tum demum adesse intelligitur, quando nemo adfuerit, qui petenti rebus suis subvenire voluerit, consequenter officio suo satisfacere. Ea autem quando adest, jus petendi in jus cogendi vertit (§. 599.) & juri necessitatis ex communione primæva residuo locum facit. Quamobrem opus non est, ut demum lege positiva obligatio imperfecta in perfectam & isti respondens jus in perfectum mutetur, quemadmodum visum est *Puffendorfo*. Verum enimvero quæ circa leges positivas hac in parte observari debeant, ea discutere non est hujus loci, ubi nonnisi ea demonstramus, quæ in statu naturali adventitio, postquam scilicet dominia, sed nondum imperia introducta supponuntur, obtineant.

§. 605.

Si res, qua jure necessitatis ex communione primæva residuo De finito usu usus, usu non consumitur; finito usu restituenda, modo noveris, rei, qua usus cujusnam ea sit, vel non adsit alia causa, qua restitutionem im-
possibilem efficit. Quoniam enim jus necessitatis ex commu-
nitione primæva residuum est jus commune ad res, quod in
extrema necessitate reviviscit (§. 604.), non plus juris tibi
in rem competit, quam in communione primæva compe-
tere poterat. Enimvero in communione primæva nemo
utitur rebus tanquam suis, sed tanquam communibus (§. 37.
part.

part. 2. Jur. nat.). Quamobrem in extrema quoque necessitate re non uteris nisi tanquam tui ac domini communi. Enimvero cum in jure necessitatis usum licitum faciat necessitas (§. 564.), necessitate cessante jus quoque tuum expirat, consequenter res tui ac domini non amplius communis est, adeoque domini solius. Quodsi ergo res usu non fuit consumpta, finito usu rem alienam in potestate tua habes (§. 461. *part. 2. Jur. nat.*), & quinam sit ejus dominus tibi non ignotum *per hypoth.* Quamobrem cum is, qui rem alienam in potestate sua habet & novit, cujusnam ea sit, eam domino restituere debeat, sive hic norit, quod in ipsius potestate sit, sive ignoret (§. 467. *part. 2. Jur. nat.*); qui jure necessitatis ex communione primæva residuo usus rem domino incio abstulit, vel invito vi eripuit (§. 595.), finito usu eandem domino restituere debet. *Quod erat primum.*

Enimvero si quis ignoret, quinam sit dominus, nec resciscere possit, quinam sit, etiamsi omni diligentia inquirat, quemadmodum debebat (§. 468. *part. 2. Jur. nat.*); restitutio rei efficitur impossibilis. Quamobrem cum nemo obligetur ad id, quod impossibile (§. 209. *part. 1. Phil. pract. univ.*); nec rem restituere obligatur, qui jure necessitatis eandem domino incio abstulit, vel etiam invito eripuit, etiamsi ea usu non consumatur. *Quod erat secundum.*

Idem eodem modo patet, si restitutio usu finito quacunq; alia de causa efficitur impossibilis. *Quod erat tertium.*

Equidem propositionem præsentem jam supra intulimus per modum corollarii (§. 598.), quoniam nulla ratio est, cur res, quæ usu non consumitur, tua fieri debeat, utpotè cujus nonnisi usum domino invito licitum facit necessitas; non tamen inconsultum duximus eandem hic uberius demonstrare, ut
tante

tāto clarū apparet restituendi obligatio. Dari autem casus, in quibus ignoratur, cujusnam ea res, qua usus fuisti, sit, vel alia etiam de causa restitutio efficitur impossibilis, ex subsequentibus patebit.

§. 606.

Si res, qua jure necessitatis ex communione primæva residuo De restitu-
usus es, usu fuerit consumpta, & necessitate cessante eam in gene-
re restituere possis, in genere restituenda est. Quoniam enim *qua usu con-*
sola necessitas juri necessitatis locum facit (§. 564.), id ul-
terius extendendum non est, quam necessitas exigit. Quo-
niam itaque nemo tenetur alteri gratis dare vel facere, si
is vicissim dare vel facere possit (§. 268. part. 4. *Jur. nat.*),
consequenter nec dare rem, quæ usu consumitur, sine onere
restitutionis in genere, si accipiens eandem in genere resti-
tuere possit (§. 486. part. 4. *Jur. nat.*); nec necessitas, quæ dat
jus rem domino incito vel invito ablatam, vel vi ereptam
(§. 595.) consumendi (§. 598.), id dare potest sine onere
restitutionis in genere, si quidem consumens cessante neces-
sitate eandem in genere restituere possit. Quamobrem si
res, qua jure necessitatis ex communione primæva residuo
usus es, usu fuerit consumpta & necessitate cessante eam resti-
tuere in genere possis, in genere restituenda est.

Grotius l. 2. c. 2. §. 6. jus necessitatis ex communione primæ-
va residuum deducit ex eo, quod mens eorum, qui primi do-
minia singularia introduxerunt, credenda sit talis fuisse, ut
quam minimum ab æquitate naturali recesserit. Unde porro
infert §. 9, jus istud non esse plenum, sed restrictum cum one-
re restituendi, ubi necessitas cessaret, cum tale jus sufficiat ad
servandam naturalem æquitatem contra rigorem dominii. E-
nimvero introductione dominiorum nemini auferri potuit pe-
nitus usus rerum necessarius (§. 562.), adeoque non a volun-
tate eorum, qui primi dominia singularia introducebant, pen-
(*Wolfii Jur. Nat. Pars VI.*) N n n de

debat, utrum ea introducere vellent eum tacita hac exceptione, ut in extrema necessitate reviviscat jus quoddam commune in res dominio subjectas (§. 600.), nec ne; sed non nisi eum ista exceptione eadem introduci potuerunt. Jus igitur istud non voluntate humana, sed ipsa natura constitutum est, quemadmodum per demonstrationes nostras evidens est. Immo per demonstrationem quoque propositionis presentis patet, ipsam naturæ legem non dare in extrema necessitate jus in res dominio subjectas nisi cum onere eas in genere restituendi, si necessitate cessante, postquam usu consumptæ sunt, in genere restitui possint. Sunt qui negant, eum, qui extrema necessitate adactus alteri rem suam eripuit, ad restitutionem esse obligatum, quia hoc fecit jure suo. Enimvero hi non perpendunt jus necessitatis ex communione primæva residuum in se tale esse, ut onus restituendi contineat, nec ab eo liberari nisi eum, cui restitutio cessante necessitate impossibilia. Jus nimirum hoc analogum est mutuo, a quo non nisi in eo differat, quod a domini voluntate pendeat, utrum mutuo dare velit, nec ne (§. 539. part. 4. *Jur. nat.*), nec mutuarius ad mutuo dandum eum cogere possit (§. 540. part. 4. *Jur. nat.*), aut in extrema necessitate concessio usus rei, quæ usu consumitur, sit necessaria, ita ut ad eam cogi possit dominus, si concedere nolit (§. 599.). Jus igitur, de quo loquimur, in eo casu, quo cessante necessitate restitutio fieri potest, mutuum necessarium est. In altero casu, quo restitutio impossibilis, idem jus analogum est elemosynæ, a cujus datione non nisi in eo differat, quod a domini voluntate pendeat, utrum elemosynam dare velit, nec ne (§. 224. part. 4. *Jur. nat.*), nec is ad dandum cogi possit (§. 223. part. 4. *Jur. nat.*), in presenti autem casu ad dandum cogi queat (§. 599.), ut adeo jus necessitatis in presenti casu sit elemosynæ exactio necessaria. Nimirum in genere notandum est, jus necessitatis ex communione primæva residuum convertere contractus & actus mete beneficos, qui voluntarii sunt, in necessarios. Atque hoc est principium heuristicum, quo si utamur, nihil occurrit in omni jure necessitate

cessitatis ex communione primæva residuo, quod non sit expeditum. Quod si quis theoriam hujus juris omnibus numeris absolutam condere velit, in quam arenam nobis jam descendere minime licet, is de fecunditate istius principii non dubitabit. Neque vero existimandum est, inutilem fore illam theoriam: mirifice enim prodest cum ad condendas leges positivas, tum ad definiendum, quid liceat in bello, ne ab æquitate recedatur ultra quam par est.

§. 607.

Quoniam rem in genere restituere debes, necessitate cessante, si res, qua jure necessitatis ex communione primæva re-
Quando pretium rei siduo usus es, usu fuerit consumpta, & necessitate cessante eam consumpta in genere restituere possis (§. 606.), perinde vero est, siue præstandum rem in genere restituas, siue pretium ejus præstes; si cessante necessitate necessitate rem in genere restituere nequeas, pretium tamen ejus cessante præstare possis, ad hoc præstandum tenoris, consequenter deficientibus etiam nummis rem aliam restituere licet, qua tantundem valet.

Nimirum tum actus, ad quem necessitas jus dat, non est mutuum necessarium, sed quod erat ab initio necessarium mutuum ex postfacto abit in emtionem necessariam (§. 937. part. 4. Jur. nat.), vel necessariam permutationem (§. 879. part. 4. Jur. nat.). Facile autem patet, si emtorem rei, quam pro re ex necessitate consumpta dare velis, invenire possis, vendendam potius esse eam, quam accipere nolenti obtrudendam (§. 200. part. 4. Jur. nat.).

§. 608.

Si quis penitus destituatur usu rerum necessariorum, nec qui *Quando* in eis abundans pro æquo pretio eas ipsi dare velint; in statu naturali extrema ne easdem alteri, qui iisdem abundas, inscio ac invito auferre, vel cessitate res vi eripere ac pretium æquum solvere licet. Introductis enim do-
pro æquo miniis homini competit jus res ab alio sibi comparandi (§. pretio ab in-

viro compa- 126. *part. 3. Jur. nat.*), qui ipse iisdem non indiget (§. 127. *part. 3. Jur. nat.*), cumque nemo alteri gratis dare teneatur *viri possint.* quidpiam ei, qui vicissim quid dare potest (§. 268. *part. 4. Jur. nat.*), pretio æquo oblato (§. 321. *part. 4. Jur. nat.*), consequenter res, quibus indiget ab alio emendi (§. 938. *part. 4. Jur. nat.*). Quodsi vero quis penitus destituatur usu rerum necessariarum, ac qui iis abundant pro æquo pretio eas ipsi dare nolint; in statu naturali non aliud datur medium necessitati extremæ consulendi, quam si vel incio ac invito res auferatur, vel vi eripatur & æquum pretium deinceps solvatur. Quamobrem cum dominia introducta intelligantur cum tacita hac restrictione, ut, si in casu emergente contingat alicui penitus auferri necessarium rerum usum, eidem jus aliquod competat in eas res, quæ sunt in dominio (§. 563.), necessitas vero irresistibilis licitum efficiat actum, qui alias foret illicitus, quando est medium unicum satisfaciendi obligationi indispensabili (§. 573.); quamvis alias illicitum sit alteri invito rem suam auferre (§. 497. *part. 2. Jur. nat.*), consequenter nec vi eripere permissum, si quis tamen destituatur usu rerum necessariarum, nec qui iis abundant pro æquo pretio easdem dare ipsi velint, in statu naturali easdem alteri, qui iisdem abundat, incio ac invito auferre, vel vi eripere ac pretium æquum solvere licet.

Nimirum quando æquum pretium pro re, qua indiges, solvere potes; extrema necessitas non ante adest, quam si nemo, qui rebus necessariis abundat, æquum pretium offerenti rem dare velit. Quamobrem si plures sint, qui abundant, ac unus dare renuat, adeundi quoque sunt ceteri, antequam dici possit, te in extrema necessitate constitui. Ferendum enim, si quis naturali libertate abusus officio suo satistacere nolit, quamdiu jus perfectum tuum non violat (§. 156. *part. 1. Jur. nat.*), quod tibi non competit, antequam extrema necessitas ad-

• adfuerit (§. 601. 604.). Ubi vero omnes, qui dare poterant, officio suo defunt, necessitas demum locum facit juri tuo, quo uti potes adversus eum, a quo tutius rem consequi potes. Immo cum ad pretium solvendum obligeris, si rem inscio auferas, loco rei deponendum est pretium, modo satisfutum ibidem deponatur, vel metuendum non sit, ne auferatur ab alio, cui non debetur.

§. 609.

Quoniam si penitus destitueris usu rerum necessariorum, *Quando pro* nec qui iis abundant pro æquo pretio tibi eas dare voluerint, *re alia.* in statu naturali easdem alteri, qui iisdem abundat, inscio ac invito auferre vel vi eripere ac pretium solvere licet (§. 608.), perinde vero est sive pretium æquum solvas, sive rem aliam præstes, quæ tantundem valet; *deficientibus nimis pro re, quam vel inscio ac invito auferas, vel vi eripis in extrema necessitate tibi constituto dare nolenti, cum possit, rem aliam, qua tantundem valet, dare potes.*

Necessitas non facit locum juri majori adversus rigorem dominii, quam sufficit, ut eidem consulatur. Quodsi ergo pretium æquum dare possis pro re, quæ domino auferatur, vel vi eripitur, non licet eandem auferre aut eripere sine pretio, nec dare loco pretii rem aliam. Quodsi vero pretium dare non possis, dare tamen adhuc queas rem aliam; non licet eam eripere, vel auferre nihilo dato. Et si statim nec pretium, nec rem aliam dare commode possis, necessitate autem cessante rem in genere restituere, eam auferre, vel rapere non licet nisi cum onere restituendi, nec licet restituere speciem aliam, si in genere restituere potes, quod abstulisti, vel rapuisti. Hæc omnia manifesta sunt per ea, quæ in asterioribus demonstravimus, eaque æquitati maxime consentanea esse minime dubitabit, qui ad principia demonstrandi, quibus usi fuimus, animum attendit.

§. 610.

*Vis necessi-
tatis in jus
aquo pretio
rem sibi
comparandi
ab alia.*

Similiter quia æquum pretium solvere tenetur pro re, quam quis jure necessitatis alteri incio ac invito aufert, vel vi eripit (§. 608.), aut rem aliam præstare, quæ tantundem valet (§. 609.); *necessitas extrema jus a quo pretio sibi ab alio comparandi*, quod introductis dominis unicuique competit (§. 322. part. 3. *Jur. nat.*), *vertit in jus cogendi, ut pro æquo pretio res detur, aut pro re, quæ tantundem valet, consequenter obligationem mutuam dandi, qua imperfecta est (§. 354. part. 3. *Jur. nat.*) perfectam, adeoque & jus a quo pretio rem ab alio sibi comparandi, quod imperfectum est (§. 355. part. 3. *Jur. nat.*), perfectum efficit (§. 235. 236. part. 1. *Phil. pract. univ.*).*

Extrema necessitas non ante adest, quam ubi nemo fuerit, qui officio suo facere vult satis. Quoniam vero obligatio perfecta ad officia humanitatis libertati naturali sepugnat (§. 660. part. 1. *Jur. nat.*), ut tamen alter officio suo satisfaciat est medium unicum satisfaciendi obligationi tuæ indispensabili *vi hypoth.* aut tu omittere debes id, ad quod faciendum obligaris, aut committere aliquid, quod est contra libertatem, adeoque jus quoddam alterius, consequenter obligatio tua cum jure, aut rectius abusu juris alterius colliditur (§. 206. part. 1. *Phil. pract. univ.*). Quamobrem cum lex præceptiva collidatur cum permissiva (§. 164. 165. part. 1. *Phil. pract. univ.*), in hac collisione autem lex præceptiva vincit (§. 211. part. 1. *Phil. pract. univ.*); tibi utique permissum est cogere alterum ad officium humanitatis, adeoque necessitas juri cogendi ad id præstandum, quod alias tibi non competit, (§. 658. part. 1. *Jur. nat.*), locum facit. Et hoc pacto jus rem æquo pretio, aut, deficientibus nummis, pro se alia sibi ab alio comparandi perfectum evadit. Quæ hic dicuntur, probe perpendi velim, ut origo juris necessitatis penitus perspiciatur. Oritur nimirum per modum exceptionis ex collisione legum naturalium, ac inde necessitas vim acquirit jus imperfectum in perfectum mutandi. Simile quid observare datur in agentibus

ibus necessariis: quando enim unumquodque agit id, ad quod per essentiam & naturam suam aptum est, adeoque juxta præscriptam quasi sibi legem, in eorundem tamen concursu propter collisionem actionum natura per modum exceptionis præducit effectum extraordinarium, necessitate locum malo physico faciente. Ast hæc uberius explicare non est hujus loci: sufficit excitasse attentionem illorum, qui veritatem intimius perspicere gestiunt.

§. 611.

Si in navigatione aut obsidione defecerint cibaria, quod quisque habet in commune conferre debet. De cibariis que habet in commune conferre debet. Quando enim in navigatione aut obsidione deficiunt cibaria, cum sine iis corpus conservari nequeat (§. 380. part. 1. Jur. nat.), adeoque eadem in rerum necessariorum numero sint (§. 499. part. 1. Jur. nat.), nisi quod quisque habet in commune conferatur, quidam destituuntur penitus usu rerum necessariorum, quas aliunde sibi comparare minime possunt. Quoniam itaque extrema adest necessitas, in hoc autem jus commune ad res reviviscit (§. 600.); si in navigatione aut obsidione defecerint cibaria, quod quisque habet, id commune est, consequenter cum omnibus, ad ea simul sumpta, quæ adsunt, idem jus sit (§. 2. part. 2. Jur. nat.), scilicet quoad usum eorundem (§. 211. part. 2. Jur. nat.), quod quisque habet id utique in commune conferre debet.

Postquam in genere demonstravimus, quale sit jus necessitatis ex communione primæva residuum; casus quosdam particulares expendere lubet, ut tanto facilius intelligatur, quomodo principia generalia ad casus particulares applicentur, utque tanto major lux iisdem affundatur. Facile autem patet, quod hic de cibariis in navigatione aut obsidione deficientibus ostenditur, idem etiam valere de cibariis deficientibus alio quocunque in loco, veluti in itinere per loca deserta, aut alia,

in quibus cibi copia haberi nequit, aut in annonæ caritate. Quæ vero in præfenti casu porro addenda erant de restitutione, necessitate cessante, ea ex antecedentibus haud difficulter petuntur, ut non opus sit, nos in hisce explicandis esse prolixiores.

§. 612.

*Quale tum
competat
jus.*

Quoniam deficientibus in navigatione, obsidione aut alio quocunque casu cibariis, quod quisque habet in commune conferre debet (§. 611.), jus vero necessitatis ex communione primæva residuum jus perfectum est (§. 604.), adeoque conjunctum cum jure cogendi alterum, ut faciat, quod debet (§. 235. part. 1. Phil. pract. univ.); si in navigatione, obsidione vel alio quocunque casu defecerint cibaria, quod quisque habet ut in commune conferat cogi potest.

Hoc probe notandum est, ut suo loco pateat, quid in istiusmodi casibus liceat in statu civili.

§. 613.

De jure necessitatis ad res, que in navi sunt.

Si in navigatione nemo, qui in navi est, cibariis deficientibus, habeat quod in commune conferre possit; res comestibiles, que in navi sunt, alio transportandas consumere, quantum ad famem duram depellendam sufficit: immo si navi ad littora appulsa deficient nummi, ut aquo pretio cibaria comparari possint, res quædam, que in navi sunt, etsi alio transportanda, vendi possunt. Etenim si in navigatione nemo, qui in navi est, cibariis deficientibus, habeat, quod in commune conferre possit; unicum medium sui conservandi iis, qui in navi sunt, suppetit, ut rebus comestibilibus, quæ in navi sunt, alio transportandis famem duram depellant. Quoniam itaque extrema adest necessitas, & in hac jus commune ad res reviviscit (§. 600.); ad famem duram depellendam licebit consumere

res

equum alienum adhibet, peregrinus versetur in regione ignota, nec noscatur dominus, aut alia quacunque de causa restitutio reddatur impossibilis, equum restituere non tenetur.

Quod erat alterum.

Si noscatur dominus, nec equus longius sit abducendus; qui eodem ad capeffendam fugam usus non modo equum restituere (§. 605.), verum etiam, cum nemo alteri gratis dare debeat, si vicissim dare potest (§. 268, part. 3. Jur. nat.), mercedem pro usu equi equam solvere tenetur, ut adeo necessitas ultra id non extendenda, quod sufficit (§. 279. *Onsol.*), locationem conductionem saltem efficiat necessariam (§. 1194. part. 4. *Jur. nat.*). Quoniam tamen jure suo usus, dum inconsulto domino equum quasi conduxit, non tenetur ad id, quod interest, equum non fuisse abductum. Quod si noscatur dominus, equus vero longius abductus, ut sine magno vel nimio sumtu restitui minime possit; æstimatio ejus præstanda. Quamdiu nimirum æquitati naturali locus est, nulla necessitati in eam vis est.

§. 615.

De usu armorum alienorum ad sui defensionem.

Si adversus iniuriam re defensurus, armis desistaris, ad sine vero ad manum arma aliena; ea domino inconsulto seu non rogato, immo contradicente arripere licet. Patet eodem, quo ante (§. 614.), modo. Immo inferri id etiam potest ex eo, quod supra demonstravimus (§. 595.).

Tenendum nimirum, quando periculum nullam fert mortem, ut usus armorum a domino præsentem peti possit, necessitatem quoque excludere jus petendi, quemadmodum idem valet, si armorum præsentium dominus non noscatur. In casu particulari ex circumstantiis præsentibus haud difficulter colligitur, quibus limitibus contineatur necessitas, nimirum omne id, quod per circumstantias præsentem fieri nequit, est tribuendum.

§. 616.

Si ad restinguendum incendium rebus, vel instrumentis alienis fuerit opus, iis uti licet infcio, immo etiam contradicente domino, qua primum ad manus sunt. Patet eodem modo, quo ante (§. 614.) & ex eo quoque per modum corollarii tubsumi potest, quod supra demonstratum (§. 595.).

Licet tum ædes alienas ingredi & ex iis petere instrumenta necessaria, vel etiam res, veluti equos, si ad aquas advehendum iis fuerit opus. Probe tamen hic perpendenda sunt, quæ modo de necessitatis requisitis annotavimus (not. §. 614.), ne quis usum rei alienæ sibi arroget præter necessitatem. Quemadmodum vero in præsentis necessitatis non consideramus, nisi quale obtinet in statu naturali; ita hic omittimus, quomodo in statu civili lege positiva caveatur, ne necessitas habeatur pro extrema, quæ non est, nec jus necessitatis ultra suos limites extendatur, & ne eodem quis utatur in præjudicium domini. Incendium ædes visitat & res, quæ in iis sunt, concremantur. Incendium adeo restinguere idem est ac res suas defendere. Quale adeo jus necessitas dat ad defensionem rerum suarum in res alienas; idem etiam locum habet in incendio restinguendo.

§. 617.

In annonæ difficultate, qui frumento abundant, ad vendendum cogi possunt. Quoniam enim in annonæ difficultate frumentum difficulter haberi potest; plurimi destituuntur usu rei maxime necessariæ ad vitam conservandam, nec æquo pretio sibi eandem comparare possunt, consequenter si qui frumento abundant, id æquo pretio vendere nolint, suprema adest necessitas. Quoniam itaque medium unicum est sui conservandi, ne scilicet multis sit fame pereundum, ut, qui frumento abundant, id vendant, necessitas vero actum facit licitum, qui alias illicitus foret, si sit medium unicum

satisfaciendi obligationi sui (§. 573.), qualis est obligatio se conservandi (§. 349. part. 1. Jur. nat.); quamvis alias a domini voluntate unice pendeat, num dominium rei suæ in alium transferre (§. 12. part. 3. Jur. nat.), consequenter etiam eam vendere velit (§. 939. part. 4. Jur. nat.), in annonæ difficultate, qui frumento abundant, ad vendendum cogi possunt.

Necessitas non facit jus alteri rem suam vi eripiendi sine pretio, nisi quando in eadem constitutus pretium non habeat, quod solvere possit (§. 606.). Quando itaque necessitati aliorum subvenitur, modo frumentum vendatur; necessitas quoque nonnisi venditionem necessariam facit, ut, qui vendere debet, sed non vult, vendere cogatur.

§. 618.

*De pretio
frumenti
determi-
nando in an-
nona incen-
dio.*

Qui annonam incendit, ad æquo pretio frumentum vendendam cogi potest. Qui enim annonam incendit, pretio iniquo frumentum vendere vult lucri sui causa, consequenter pretium majus, adeoque plus habere vult, quam habere debet (§. 321. part. 4. Jur. nat.). Quoniam itaque locupletior fieri vult cum damno aliorum (§. 486. 582. part. 2. Jur. nat.); nemo autem locupletior fieri debet cum damno alterius (§. 585. part. 2. Jur. nat.), & in annonæ difficultate qui frumento abundat ad vendendum cogi potest (§. 617.); qui annonam incendit, ad frumentum æquo pretio vendendum cogi potest.

Quomodo pretium æquum ab iniquo discernatur, per ea patet, quæ alibi demonstrata sunt (not. §. 321 part. 4. Jur. nat.). Neque metuendum est, ne sic injuria fiat venditori: quando enim frumenti minor copia est, consequenter in annonæ difficultate, pretium quoque majus licitum est, quam si annona fuerit laxior (§. 305. part. 4. Jur. nat.) Absit itaque

ut tibi persuadeas, in statu naturali hoc modo determinationem pretii conferri in arbitrium emtoris. Variatis circumstantiis pretium æquum esse potest, quod sub circumstantiis aliis erat iniquum (§. 325. *part. 4. Jur. nat.*). Naturaliter obligatur pretium æquum solvere, qui rem sibi ab alio comparare vult (§. 323. *part. 4. Jur. nat.*). Hanc autem obligationem non tollit necessitas, si quis pretium æquum solvere possit: neque enim necessitatis ulla vis est, nisi quando id, quod fieri debebat, fieri minime possit (§. 209. *part. 2. Phil. pract. univ.*).

§. 619.

Immo in genere necessitas extrema jus æquo pretio rem sibi De vine- comparandi ab alio, quod in se imperfectum est, in perfectum concessitatis in vertit. Naturaliter homines obligantur ad res pro æquo *jus æquo* pretio sibi invicem communicandas (§. 322. *part. 4. Jur. nat.*), pretio sibi & qui rem sibi ab alio comparare vult, æquum pretium *rem ab alio* ferre tenetur (§. 323. *part. 4. Jur. nat.*). Jus igitur, quod *comparandi,* homini competit, dominiis rerum introductis, res ab alio sibi comparandi (§. 126. *part. 3. Jur. nat.*), involvit onus solvendi pretium æquum. Enimvero quoniam a domini voluntate pendet, utrum dominium rei suæ, quod in te transferendum, si rem ab eo tibi comparare velis (§. 125. *part. 3. Jur. nat.*), in te transferre velit, nec ne (§. 12. *part. 3. Jur. nat.*); ad transferendum a te cogi nequit, consequenter jus æquo pretio rem sibi comparandi ab alio non conjunctum habet sibi jus cogendi dominum. Imperfectum vero jus est, cum quo jus cogendi conjunctum non est, ubi alter obligationi, quæ eidem respondet, satisfacere non vult (§. 237. *part. 1. Phil. pract. univ.*). Jus itaque æquo pretio rem sibi comparandi ab alio in se imperfectum est. *Quod erat unum.*

Si extrema necessitas adfuerit, aliud medium non suppetit eidem subveniendi, quam ut rem ab alio tibi æquo

pretio compares, consequenter eundem, si nolit, ad transferendum in te dominium ejus cogas (§. 125. *part. 3. Jur. nat.*). Quoniam itaque necessitas irresistibilis actum licitum efficit, qui alias foret illicitus, quando est medium unicum satisfaciendi obligationi indispensabili, id quod in extrema necessitate obtinet (§. 573.); in extrema necessitate ad dominium rei suæ in te transferendum alterum cogere potes, rem æquo pretio tibi ab eodem comparaturus, si consentire nolit. Enimvero jus perfectum est, quod conjungitur cum jure cogendi alterum, si obligationi suæ satisfacere nolit (§. 235. *part. 1. Phil. pract. univ.*). Ergo jus æquo pretio rem sibi comparandi ab alio, quod in se imperfectum est (*per demonstrationem n. 1.*), necessitas extrema in perfectum convertit. *Quod erat alterum.*

Propositionem hanc jam aliter ostendimus in superioribus (§. 610.). Placuit tamen hic eandem adhuc aliter demonstrare methodi addiscendæ causa, præsertim cum hoc usui esse possit etiam in jure civili, seu positivo, leges particulares ad universales revocando, ut menti legislatoris conformiter casus etiam alii definiantur sub lege non comprehensi: id quod mirifice conducit ad interpretationem extensivam (§. 516.) & scientiam juris civilis amplificandam. Sane non inutilem operam sumeret, si quis jus civile Romanum ad principia maxime generalia revocaret: ast methodi demonstrandi apprimè peritus esse debet, qui opus tam arduum ac difficile aggredi voluerit: neque enim existimandum est, hoc levi brachio agi posse. Mirum videri poterat post tot commentatores in Pandectas & compendiorum confarcinatores neminem adhuc de re tam utili cogitasse: ast mirari desinet, qui intellexerit, inanem operam sumi, nisi quis in arte demonstrandi fuerit artifex ac in philosophia satis versatus.

§. 620.

Si vim injustam depellere possis, res aggressoris perdendo; De rebus pendere licet. In aggressorem tantundem licet, quantum læ aggressoris: hioni arcendæ sufficit (§. 980. part. 1. Jur. nat.) &, si leniora perdendis. media defensionis sufficiunt, non utendum durioribus (§. 982. part. 1. Jur. nat.); consequenter ea, quibus malum minus infertur aggressori, præferenda sunt iis, quibus malum majus infertur (§. 981. part. 1. Jur. nat.). Quod si ergo vim injustam depellere possis, rem aggressoris perdendo, &, si periculum vitæ vel mutilationis membrorum aliter evitari non possit, quam illum interficiendo, cum interficere liceat (§. 1013. part. 1. Jur. nat.), per se autem evidens sit, minus malum inferri aggressori, si res ejus perdantur, quam si interficiatur; quin res ejus perdere liceat, si vim injustam depellere possis, res ipsius perdendo dubitandum non est.

Ita e. gr. Si gladium e manu aggressoris extorquere, & vell frangere, vel in flumen projicere possis; hoc facere utique licet: immo debes (§. 992. part. 1. Jur. nat.), ipsa etiam prudentia jubentè (§. 258. part. 1. Jur. nat.), ut medium tutius in depellenda vi injusta præferatur medio minus tuto, seu cum majore periculo conjuncto (§. 257. part. 1. Jur. nat.). Idem intelligitur de armis quibuscunque aliis. Similiter si fuga tibi consulere possis, rebus aggressoris ignes injiciendo, injicere licet. Immo eodem fine interficere licet equum aggressoris, immo etiam alium quemcunque, si hoc modo impedire possis, ne satis celeriter te fugientem persequatur. Non addimus casus alios, quos sub propositione præsentis tanquam particularis comprehendi facile apparet.

§. 621.

Si commune periculum aliter depelli non possit, quam rem De re aliena: alienam perdendo; eam perdere licet, dan. num. vero communione est in communi se debes. Quod si enim periculum commune est, id. tan. re- periculo bus peruenda.

bus tuis, quam alienis imminet, quod per se patet. Ego pariter ac tu obligamur ad damnum, quod rebus nostris imminet, quantum in nobis est, avertendum (§. 493. 495. *part. 2. Jur. nat.*). Enimvero cum periculum commune aliter depelli, adeoque nec damnum a rebus averti aliter possit, quam rem alienam perdendo, scilicet ut ego perdam tuam, aut tu meam, *per hypoth.*, necessitas vero faciat actum licitum, qui alias illicitus foret, quando est medium unicum satisfaciendi obligationi suæ (§. 573.); si commune periculum aliter depelli non possit, quam rem alienam perdendo, eam utique perdere licet. *Quod erat munus.*

Quoniam vero utrique nostrum jus æquale est ad commune periculum depellendum, *per demonstrata*, & ego non minus obligatus sum damnum a rebus tuis avertere, quam tu a meis, quantum in potestate est (§. 495. *part. 2. Jur. nat.*), nulla sane ratio est, cur unus solus damnum ferre debeat, cujus rebus perditis res alterius servantur, quin potius commune esse debet damnum, si commune periculum depellitur res alterius perdendo, quod aliter res unius servari minime poterant. *Quod erat alterum.*

Communis periculi depulsio finis est, ad quem consequendum uterque nostrum obligatur tam ratione sui, quam ratione alterius, quantum in potestate utriusque est (§. 493. 495. *part. 2. Jur. nat.*). Quamobrem cum aliter periculum depelli non possit, nisi res alterius perdendo; necessitas quasi societatem inducit, ut damnum & lucrum sit commune (§. 1318. *part. 4. Jur. nat.*). Et quamvis alias societas mutuo consensu perficiatur (§. 1320. *part. 4. Jur. nat.*); in præsentem tamen casu jus necessitatis contractum societatis facit necessarium, perinde ac quando casu quidam incidunt in communionem (§. 564. *part. 5. Jur. nat.*). Casus adeo propositionis præsentis non inepte

inepte reduci potest ad societatem, aut, si mavis, quasi societatem.

§. 622.

Quoniam damnum commune est, si commune periculum Quomodo
perdendo rem alienam depellitur (§. 621), singuli damnum *damnum*
pro rata participant (§. 135. part. 3. *Jur. nat.*), quæ cum ali- *commune di-*
ter æstimari non possit, quam ex pretio rerum, quas unus- *videndum.*
quisque habuit, in ratione pretii rerum, quas unusquisque habu-
it, *damnum commune dividendum.*

E. gr. Ponamus res tuas, quæ perdendo res alterius serva-
tæ sunt, valere 10000, alterius vero res, quæ perditæ sunt
5000, pretia rerum erunt ut 1 ad 2, adeoque damnum
commune 5000 dividendum in ratione subdupla per regulam
societatis (§. 314. *Aritbm.*). Damnum igitur tuum erit $3333\frac{1}{3}$,
alterius $1666\frac{2}{3}$, adeoque tu alteri restituere teneris $3333\frac{1}{3}$, ut ad-
eo quod perdendo res alienas tibi servatum sit $6666\frac{2}{3}$. Quod si
non res omnes alterius perditæ sint, sed saltem pars earun-
dem, veluti quarta, ut damnum commune sit 2500; idem ut
ante dividetur in ratione 1 ad 2, & inveniatur damnum tu-
um $1666\frac{2}{3}$, alterius vero $833\frac{1}{3}$, ut adeo quod tibi servatum
sit $8333\frac{1}{3}$ & alteri resarciens damnum dare teneris $1666\frac{2}{3}$,
atque hoc pacto alteri supersint $4166\frac{2}{3}$. Immo si utriusque
res quædam fuerint perditæ, ut servatæ fuerint reliquæ, da-
mnum commune, quod constat ex pretio rerum utriusque
perditarum, adhuc dividendum est in ratione pretii rerum,
quas uterque habuit, veluti si in exemplo dato res perditæ u-
nius, qui 5000 habuit, sint ut 2000, alterius vero, qui 10000
habuit, ut 600, erit damnum commune 2600, consequenter
quod illi ferendum, erit $866\frac{2}{3}$, quod autem ferendum huic,
 $1733\frac{1}{3}$, adeoque illi hic restituere debet $1133\frac{1}{3}$. Ete-
nim ob jacturam rerum suarum illi restituere deberet
 $1333\frac{1}{3}$, sed ille huic eadem de causa 200; facta igitur
compensatione, hoc est, 200 ex $1333\frac{1}{3}$ subductis restat quod
(*Wolffii Jur. Nat. Pars VI.*) Ppp resti-

restituendum $1133\frac{1}{3}$. Arque adeo patet, quomodo computetur damnum resarciendum ei, cujus res perdendo alterius servatae fuerunt, vel si inaequali jactura res utriusque fuerunt servatae. Quamvis enim plures, quam duo, ad damnum commune concurrant; hoc tamen minime obstat, quin per communem regulam societatis definiatur, quid unusquisque contribuere debeat: regula enim illa docet, quomodo quantitas data, quale est hic commune damnum, sit dividendum in ratione data, seu, ut Jcti loquimur, pro rata.

§. 623.

*De electione
facienda, si
perdendores
quasdam
servandae
alia.*

Quoniam damnum commune est, quando in communi periculo res aliter servari nequit quam rem alterius perdendo (§. 621), quilibet autem cum a se, tum ab alio damnum avertere debet, quantum in se est (493.495. part. 2. Jur. nat.): *in periculo communi non licet perdere rem pretiosorem, ut servetur minus pretiosa, si pretiosior servari possit perdendo rem minoris pretii; consequenter si quis perdidit res alterius pretiosiores, ut servaret suas minus pretiosas, cum suas perdendo has servare posset, cum huic damnum dederit culpa sua (§. 488. part. 2. Jur. nat. & §. 696. part. 1. Phil. pract. univ.) huic damnum resarcire tenetur; consequenter ut constet quid sit resarciendum, fingendum est, quasi res minoris pretii perditae fuerint, servatis pretiosioribus, & ex illarum pretio estimandum est damnum commune pro rata, seu in ratione pretii rerum utriusque dividendum (§. 622).*

E. gr. Ponamus perditas esse res, quarum pretium est 10000, ut salve essent res, quarum pretium est 5000, cum his perditis illae servari potuissent, & culpa quidem ejus, cujus sunt res vilioris pretii. Quodsi res vilioris pretii perditae fuissent, damnum ejus, cujus sunt pretiosiores, foret $3333\frac{1}{3}$ (not. §. 622), consequenter eidem restarent 6666 $\frac{2}{3}$, qui igitur eas perdidit 6666 $\frac{2}{3}$ huic restituere tenetur, adeoque non

modo jacturam facit rerum suarum omnium, verum etiam præterea adhuc solvere tenetur 1666 $\frac{2}{3}$, cum alias damnum ipsius non fuisset nisi 1666 $\frac{2}{3}$, consequenter retinisset 3333 $\frac{1}{3}$ (not. §. 622). Nimirum damnum 3333 $\frac{1}{3}$ casui imputandum; damnum vero 6666 $\frac{2}{3}$ ei, qui culpa sua id dedit.

§. 624.

Cum in eo casu, quo in communi periculo perdendo res *De tertio pretiosiores servatæ sunt res minoris pretii, cum has perden-* *commune*
do illæ servari potuissent, damnum casuale distinguendum fit periculum
ab eo, quod dolo vel culpa datum (§. 623), damnum vero ab aliis de-
culpa datum refarciendum fit ab eo, qui dedit (§. 580. part. pellenste.
2. Jur. nat.); si tertius quidam in periculo communi, qui ad id
depellendum obligatur, vel sua sponte id avertere conatur, res
pretiosiores perdit, ut salva sint viliores, cum viliores per-
dendo pretiosiores servare potuisset, damnum culpa datum ipse re-
farcire tenetur.

Qui rem alienam servat perdendo rem alienam, is proprio motu sine mandato domini vel dominorum, negotium alienum gerit, adeoque negotiorum gestor est (§. 513. part 5. *Jur. nat.*). Quamobrem cum negotiorum gestor damnum dolo vel culpa sua datum domino refarcire teneatur (§. 516 part 5. *Jur. nat.*); mirum videri minime debet, quod damnum refarcire teneatur, quod non casui, sed culpæ debetur, qui res pretiosiores perdidit, ut salvæ essent viliores, cum has perdendo illas servare potuisset. Aliter sese res habet, si mora non ferat electionem, vel adsint aliæ circumstantiæ, quæ eam reddunt impossibilem, aut nimis difficilem; cum damnum totum tunc casui sit imputandum.

§. 625.

Si evitari naufragium aliter nequit m. merces quasdam ex De jactu re-
navi in mare jaciendo; eas jacere licet, & damnum commune est rum evi-
omnium, qui merces in navi habent, ac ejus, cujus navis est, di-tandi nau-
viden-frogii causa.

videndum in ratione pretii rerum, quas unusquisque habuit, ac ipse naves. In naufragio enim cum ipsa navi res omnes, quæ in navi sunt, interire possunt, adeoque periculum, quod imminet, commune est omnium eorum, qui merces in navi habent, ac ipsius domini navis. Quod si ergo naufragium aliter evitari nequit, quam merces quasdam ex navi in mare jaciendo, merces reliquæ cum ipsa navi servari aliter nequeunt, nisi res alienæ perdantur, adeoque commune periculum depelli aliter non potest, nisi perdendo res alienas. Quoniam itaque rem alienam perdere licet, si periculum aliter averti nequit, quam eam perdendo, tumque damnum commune est ejus, cujus res perdita, ac alterius, cujus servata (§. 621); si evitari naufragium aliter non potest, nisi res quasdam ex navi in mare jaciendo, eas jacere licet, & damnum commune est omnium, qui merces in navi habent, ac domini navis. *Quod erat primum & secundum.*

Enimvero si communis periculi evitandi causa res aliena perditur, damnum commune dividendum in ratione pretii rerum, quas unusquisque habet, scilicet amissarum & servatarum (§. 622). Quamobrem cum jactu mercium naufragii evitandi causa facto commune periculum eorum, qui merces in navi habent, ac domini navis depellatur; damnum commune in casu quoque propositionis præsentis dividendum est in ratione pretii rerum, quas unusquisque habuit, ac ipse naves. *Quod erat tertium.*

Naturalem hanc æquitatem observarunt Rhodii in legibus navalibus, per universum tractum maris mediterranei propter æquitatem tanquam jus gentium cultis. Legem adeo Rhodiorum eadem de causa etiam receperunt Romani. l. Rhod. de jactu. Leges Rhodias navales a *Peckio* collectas recenset *Müllerus* ad *Sirvii* syntagma Jurisprudentiæ Exercit. 20. §. 16. not. 3. Interest non minus domini navis, ut naves serventur, quam eorum,

rum, qui merces in navi habent, ne merces omnes intereant, sed, cum servari omnes non possint, saltem serventur, quot servari possunt. Quamobrem cum jactu mercium servetur etiam navis, alias interitura; damnum ut dominus navis quoque pro rata sentiat æquitati maxime consentaneum. Nulla enim ratio est, cur quis pati debeat res suas perdi navis conservandæ causa in communi periculo, ut damnum sit solum ipsius. Jactu mercium levatur navis: metuendum autem est naufragium, si saxo vel fundo allidatur navis, vel procella tam vehementer eam jactet, ut adversus fluctuum insultus exurgere nequeat, nisi jactu levetur. Arque hinc patet jactus necessitatis, tanquam unicum medium servandi navim cum iis, quæ in eadem sunt, siquidem non prorsus impossibile ut servetur. Ideo l. 2. de L. R. de jactu jactura facta dicitur necessario tempestate orta.

§. 626.

Quoniam eventus rerum nemo hominum certo prævi- *Quando ne-*
dere (§. 1191 part. 1. *Jur. nat.*), nec casum minime prævisum cessitas ja-
evitare potest (§. 460. part. 2. *Theol. nat.*) consequenter orta est adesse
procella gravi non semper certo constat, utrum sine jactu *pusetur.*
navis cum iis, quæ in ea sunt, salva esse possit, nec ne; id-
eo jactu navem levare licet, si probabile fuerit, sine eo navem
& merces, quæ in ea sunt, nullas servari posse, vel, naufragi-
um evitari minime posse, consequenter si experientia constet in
istiusmodi casu, qualis nunc emergit, naufragium contingere sole-
re (§. 248. part. 2. *Jur. nat.*), & propterea determinatio jactus
illorum arbitrio relinquenda, qui majorem experientiam istiusmo-
di reru. habent.

Recte igitur jam ab aliis observatum est, jactum non esse
restringendum ad extremam & gravissimam necessitatem. Suf-
ficit nimirum adesse rationes probabiles, ob quas naufragium
metuendum, nisi navis jactu levetur. In rebus humanis e-
nim standum est plerumque probabilitate ac propterea eligen-

dum, quod tutius, ut damnum minus majori etsi non profus certo præferatur.

§. 627.

Quenam ad refarciendum damnum communum contribuere debent.

Quoniam damnum commune est domini navis & eorum qui merces in navi habent (§. 625.), ei vero refarciendum, cujus res ejectæ, utpote qui alias damnum solus pateretur, non vero pro rata; *ad refarciendum damnum contribuere debent dominus navis & ii, quorum merces servata sunt, & tantum quidem unusquisque contribuere debet, quanta est rata damni.*

E. gr. Si quis tertiam damni partem præstare debeat, ac pretium rerum amissarum sit 300; is 100 contribuere tenetur.

§. 628.

Quenam

Similiter quia commune damnum dividendum est in ad computationem pretii navis & rerum, quas unusquisque in navi habuit (§. 625.); *ut computatio fieri possit, seu determinari, quantum tributionis unusquisque contribuere debeat ad damnum refarciendum ei, cujus requirantur res amissæ, æstimari debent merces tam amissæ, quam servatæ, atque navis cum instrumentorum apparatus.*

Hicce cognitis quomodo per regulam societatis fiat computatio, supra docuimus (not. §. 622.), ut adeo non opus sit exemplo eam hic denuo illustrari.

§. 629.

Naulam quid sit.

Naulam dicitur merces, quæ solvitur pro vectura in navi, nimirum ut merces in locum destinatum devehantur. Quodsi ergo merces in locum destinatum salvæ non perveniant, nec naulam pro iis debetur, veluti si in naufragio res fuerint amissæ, vel navis cum mercibus a piratis capta, aut alio casu infelici interierit.

Casui tribuendum, quod res fuerint amissæ: eidem quoque

que tribuendum, quod naulum amittatur. Damnum utrumque casuale est (§. 491. *part. 2. Jur. nat.*). Casum cum nemo prævidere ac evitare possit (§. 460. *part. 2. Theol. nat.*), damnum casuale patienter ferendum ei, qui damnum in re vel lucro suo contraxit (§. 593. *part. 1. Jur. nat.*). Non licet excipere, quoniam merces pro rata debetur operarum locatori, qui partem aliquam operarum præstitit, casu autem impeditur, quominus integras præstare possit (§. 1262. *part. 4. Jur. nat.*), naulum quoque pro rata deberi pro vectura usque ad eum locum, ad quem navis cum mercibus in mari salva pervenit. Dispar enim utrobique ratio est. Etenim in casu priori ex parte operarum præstititarum conductor eam capit utilitatem, quæ ex illa operarum parte habetur; ast in posteriori nulla est ejus, cujas sunt merces, utilitas ex vectura, nisi merces salvæ devehantur in locum destinatum: in negotio igitur præsentis cum casus removeri nequeat, utpote nulla arte humana prævidendus atque evitandus (§. 460. *part. 2. Theol. nat.*); uterque contrahentium aleam subire tenetur, (§. 291. *part. 5. Jur. nat.*) nisi iisdem aliud placuerit. Quemadmodum enim ita conveniri potest, ut unus sociorum sit particeps lucri, sed non particeps fiat damni (§. 1328. *part. 4. Jur. nat.*); ita quoque conveniri potest, ut, si merces casu interire contingat, naulum debeat pro ea itineris parte, qua salvæ vectæ fuerunt. Alias casus saltem liberat a damno, quod in mercibus contingit, resarciendo.

§. 630.

Quoniam naulum non debetur, si in naufragio res fuerint amissæ (§. 629.), consequenter si jactu periculum naufragii depellitur; non minus naulum, quam merces, quæ in navi sunt, una cum navi conservatur, adeoque eadem est ratio, cur naulum in contributionem venire debeat, quam cur in eandem veniat navis (§. 625. 627.). Quamobrem si jactu mercium evitandi naufragii causa nautæ levata fuit, ad resarci-

An naulum in contributionem veniat.

sarciendum damnum ejus, cujus merces jacta sunt, pro rata quoque nautum in contributionem venire debet.

Naturalis hæc æquitas etiam comparet in lege *Rhodia* de jactu, quippe qua cautum est, ut, si levandæ navis gratia jactus mercium factus est, omnium contributione sarciatur, quod pro omnibus datum est. Per ea autem, quæ de nautum demonstravimus, abunde patet, non minus pro eodem datum esse, quod e navi ejectum, quam pro mercibus in navi retentis & pro ipsa navi. Unde & *Wernerus* in dissert. de contribut. propter jactum th. 65. casum proponens vecturam quoque perinde ac navim æstimat, ut computatio fieri possit, quantum unicuique sit contribuendum.

§. 631.

De nautum, deperditis si datum fuerit, restituendum est, adeoque ab eo, qui dedit, repeti mercibus restituendo.

Quia mercibus deperditis nautum non debetur (§. 629.); si datum fuerit, restituendum est, adeoque ab eo, qui dedit, repeti

Quando nautum pro vectura solvitur, antequam advectæ fuerint merces, utique sub hac conditione solutum, ut restituatur, si advectæ non fuerint, sicuti conductor mercedem ante operarum præstationem solvens eandem non aliter solvisse intelligitur nisi sub tacita hac conditione, ut, si forsitan contingat locatorem operas promissas præstare non posse, eandem restituat.

§. 632.

De quantitate nauti in betur (§. 629.), immo datum restituendum est (§. 631.) idem contributio- vero in contributionem venit, si jactus mercium evitandam veni- naufragii causa factus (§. 630.); magister navis pro toto nautum, entis. seu pretio vectura tam promisso, quam jam accepto (§. 629.), conferre debet.

Non est, quod excipias, nautum ei, cujus merces amissæ sunt, esse restituendum, etiam si jam datum fuerit (§. 631.): quoniam

niam enim contributione refarcitur, quod amissum est, ita ut nonnisi damni partem pro rata ferre teneatur, qui merces amisit (§. 630.), consequenter perinde fit ac si res ejus servatæ fuissent & damnum tantummodo casu quodam in iisdem contigisset, ideo pro eo, quod servatum est, adhuc naulum debet, perinde ac ceteri, quorum merces salvæ sunt. Quemadmodum itaque damnum contigisse sumitur in omnibus mercibus pro rata, ita quoque in naulo.

§. 633.

Cum magister navis pro toto naulo conferre debeat, si *Quomodo in jactus mercium naufragii evitandi gratia factus (§. 632.); 10- contributio- tum naulum, seu totum vectura pretium, in computanda contribu- ne spectetur. tione accensetur mercibus, quæ sunt in navi.*

Nimirum perinde est, ac si magister navis merces haberet in navi, quæ tantundem valent, quantum est naulum, quod pro vectura mercium solvitur.

§. 634.

Res tam amissa, quam servata eo pretio æstimande sunt, quo De æstima- vendi potuissent ac vendi possunt loco destinato. Quoniam enim tione rerum. jactu quarundam mercium servantur reliquæ; is, cujus merces ejectæ sunt, non deterioris esse debet conditionis, quam ceteri, quorum res servatæ sunt, cum damnum omnium, qui merces in navi habent, commune esse debeat (§. 625.). Sed merces, quæ servatæ sunt, loco destinato venduntur non eo pretio, quo emtæ sunt, sed quo ibidem vendi possunt. Necessè igitur est, nisi damnum majus sentire debeat, qui jactu suarum mercium servavit merces ceterorum, ut ejus quoque merces æstimentur non eo pretio, quo fuerunt emtæ, sed quo vendi possunt loco destinato. Patet itaque tam res amissas, quam servatas eo pretio æstimandas esse, quo vendi potuis- sent vel vendi possunt loco destinato.

Equidem secundum legem Rhodiam res amissæ æstimandæ sunt, quanti fuerint emtæ, servatæ vero, quanti peritorum virorum arbitrio loco destinato vendi possunt l. 2. §. 4. de L. R. de jactu; ast hoc æquitari minime convenit, quicquid alias de æquitate legis Rhodiæ dicatur. Ratio enim, quæ redditur l. c. quod detrimenti, non luci fiat præstatio ei, cuius merces sunt amissæ, ceteris tantum revera lucrum ex alterius ejectione percipientibus, quanti res loco destinato venduntur, nulla omnino est, cum hoc pacto in damno communi dividendo non observetur æqualitas, quæ parem facit communionem omnium, qui merces in navi habent. Omnium eadem est obligatio patiendi, ut perdendo res suas ferventur ceteræ, ac inde resultat æquale jus ad res suas servandum perdendo alicui. Æqualitas igitur, quæ aderat, cum periculum commune esse avertendum, ut tollatur postea, ubi aversum fuit unitis damno & hoc refarciendum, nulla prorsus ratio suadet, eadem patiente obligatione ferendi partem damni, sine qua periculum averti non poterat, & eodem subsistente jure percipiendi utilitatem ex periculo averso, cui res omnes æqualiter subiacebant. Æquitas propositionis præsentis statim per se in oculis incurrit, ut propterea communi omnium consuetudine hæc distinctio, quam facit lex Rhodia quoad æstimationem inter res amissas & servatas, recedatur. Et quamvis *Wentius* in *Tra-* *ctatu von Xorien* hoc usu observari scribat, ut, si jactura mercium facta sit, antequam dimidium itineris navis confecerit, merces amissæ non pluris æstimentur, quam quanti emtæ sunt, dimidio vero itineris jam superato eo æstimentur pretio, quo venditæ fuissent loco destinato, & idem moribus *Belgarum*, *Britannorum* & *Francorum* dudum observatum notent *Mil-* *lero ad Struptionem* Exerc. 20. th. 19. n. β. hæc ipsa tamen differentia æstimandi res amissas prorsus arbitraria est, omni ratione naturali destituta, quippe quæ per antecedentia eadem est, sive jactura fiat, antequam navis dimidium itineris nondum confecerit, sive demum fiat, dimidio itineris jam superato. Quod *damnum commune esse debeat, a quantitate itineris confecta*
mini-

minime pendet, sed quod commune periculum sine damno averti nequeat. Eadem igitur ratio, cur damnum pro rata commune esse debeat; subsistit, quacunq; itineris parte periculum ingruat nonnisi jactu quarundam mercium avertendum, ad quod adeo avertendum unusquisque conferre debet pro ratione utilitatis, quam ex ejus averfione percipit. Jus de jactu pertinet ad jus ex communiione primæva residuum, quæ nullam admittit inæqualitatem (§. 19. 27. part. 2. *Jur. nat.*).

§. 635.

In contributionem propter jactum veniunt etiam res, quæ navim non multum onerant, veluti gemmæ ac nummi. Quoniam res in communi jactu mercium servantur ceteræ, quæ in navi manent; contributionem pretium ejectarum spectatur tanquam datum pro mercibus veniant omnibus, quæ in navi sunt, servandis. Quamobrem cum non minus res, quæ navim non multum onerant, quam ponderosæ servatæ fuerint; pretium istud non minus datum intelligitur pro mercibus servandis, quæ navim non multum onerant, quam pro ponderosioribus. Enimvero omnes contribuere debent, pro quibus illud datum est. In contributionem igitur veniunt propter jactum etiam res, quæ navim non multum onerant, veluti gemmæ ac nummi.

Convenit hoc legi Rhodiæ, qua expresse cavetur, ut omnium contributione Yarciatur, quod pro omnibus datum est l. 1. de L. R. de jactu: unde *Paulus* l. 2. §. 2. h. t. recte infert, jacturam præstare etiam debere, qui tales merces imposuere, quibus navis non oneratur, velut gemmas, margaritas, quia id tributum ob servatas res debetur. Equidem res pretiosas, quæ navem parum onerant, quales sunt gemmæ ac margaritæ, nihil ad periculum conferunt; cujus avertendi gratia jactus mercium fit, consequenter nec is, qui tales merces navi imposuit, ad periculum avertendum quicquam conferre debere videtur; hoc tamen dubium facile removetur, modo cogitemus casum, qui contingit, non tribuendum esse mercibus

ponderosioribus, quibus onusta est navis, sed processu, que jactant navem, aut causis aliis, ob quas navis saxo vel fundo alliditur, ut adeo periculum non magis imputandum sit iis, qui navi merces ponderosas imposuere, quam illis, qui minus ponderosas in eo habent, hoc est, nulli eorum, cujus in navi merces sunt. Omnium vero interest, ut periculum, quod navi ac mercibus in ea contentis, imminet, avertatur, & quo quis pretiosiores merces in navi habet, eo magis ejus interest, ne naufragium fiat. Necessitas jus facit in res alienas, ut eas perdendo serventur propriæ. Eodem igitur medio perinde utuntur ad res minus ponderosas, etsi ponderosis multo pretiosiores, servandum, qui tales merces in navi habent, quam qui ponderosas eidem imposuere ad has servandum. Obligatio contribuendi non nascitur ex qualitate mercium, sed ideo ad contribuendum unusquisque obligatus est, quod jactu rerum alienarum suæ fuerunt conservatæ. Et ea de causa plus omnino conferre debet, qui majorem ex jactu utilitatem percepit, quam qui minorem. Qui merces suas navi imponunt, eidem casui easdem committere tenentur, qui in mari contingere potest, qualescunque tandem illæ fuerint. Atque ideo tacite consentire censentur in commune periculum, quod forsan imminere in itinere potest, communi sumtu averrendum, consequenter in contributionem pro rata ad damnum jactu mercium quarundam datum refarciendum.

*An servi
in contribu-
tionem ve-
niant.*

§. 636.

In contributionem ob jactum veniunt servi: servi autem, qui in mari perit, non fit aestimatio. Patebit suo loco, servos certo pretio perinde ac merces vendi posse, consequenter si servi ob jactum serventur, perinde est domino, ac si merces, quas in navi habuisset, servatæ fuissent. Quoniam itaque merces omnes, quæ servatæ fuerunt, in contributionem veniunt (§. 627.), in eandem quoque venire debent servi. *Quod erat unum.*

Enim-

Enimvero si servus in mari perit, cum is non fuerit ejus levandæ navis gratia, consequenter ut servantur res ceteræ, quæ sunt in navi, damnum, quod sentit dominus, qui eam certo pretio emit ac vendere rursus poterat, non pertinet ad damnum commune, quod mercium servandarum causa subeundum fuit. Quoniam itaque cessat ratio, ob quam damnum datum per jactum refarciendum, quando de eo, quod eo fine contribuendum, disquiritur; servi, qui in mari periit, nulla habenda ratio est, adeoque nec ejus fit æstimatio. *Quod erat alterum.*

Servus adeo, qui in mari perit, suo domino perit, ita ut ipse solus damnum pati teneatur, nec quicumque ceteri ad id refarciendum conferre debeant. Per se autem patet, mercium conservandarum gratia servos e navi in mare ejici non posse, cum neminem occidere liceat (§. 743. part. 1. *Jur. nat.*). Quod si ergo servus in mari perit, hoc absque facto eorum, qui in navi sunt, ac præter eorundem intentionem accidit, ut adeo perinde sit, ac si quis æger in navi moreretur, & ejus cadaver in mare projiceretur. Quemadmodum vero merces æstimantur eo pretio, quo vendi possunt loco destinato (§. 634.); ita quoque servi eodem pretio æstimari debent, minime vero, quanti fuerint emti. Quamvis enim dominus eos non vendat; sufficit tamen, quod eos vendere possit, quemadmodum quoque merces æstimantur eo pretio, quo vendi possunt, si vel maxime dominus eas vendere nolit, sed proprio usui reservat. Sufficit merces esse servatas, quæ destinato loco tanto pretio vendi possunt.

§. 637.

Vector dicitur, qui in aliena navi pretio vehitur. Hoc *Vector* qui nomine quoque compellatur, qui in equo, vel plauastro alieno vehitur pretio. *nam dicitur.*

Vehere proprie dicitur de navi, equo vel aliis jumentis &

curru, seu plauſtro. Vector autem non modo active ſumitur de eo qui vehit; ſed etiam paſſive de eo, qui vehitur: unde *Ovidio* vector dicitur nomine generali, qui ſpeciali eques appellatur.

§. 638.

An vectores in cauſa vis levanda gratia jactus fieri debet, vectores non minus in cauſa ſint, ut na- ſunt, quam merces navi impoſita. vis levetur.

Nimirum navis levanda ideo, quia pondere eorum, quæ in navi ſunt, nimis gravatur. In levanda igitur navi cum ſpectetur ſolum pondus, perinde eſt ac ſi vectorum loco in navi eſſent merces tanti ponderis, quantum eſt pondus vectorum. E. gr. Ponamus vectorum pondus eſſe ſexcentarum librarum; eodem modo gravatur navis, ac ſi merces totidem librarum eidem impoſitæ fuiſſent. Immo quidni etiam contingere poteſt, ut loco mercium imponantur vectores, quæ alias impoſitæ fuiſſent.

§. 639.

De vecto- rum pondere ac merces ac propterea pretium pro vectura ſolvunt (§. 637.); æſtimando. pondus eorum aliquid æſtimabile eſt, & valor æquipollet pretio mercium, quæ in illorum locum ſubſtitui potuiſſent habita ratione ſaltem ponderis.

Homo liber cum non ſit in commercio, quemadmodum ſervus, ſeu certo pretio ſicuti hic vendi nequeat; ejus quoque æſtimatio nulla eſt. Non tamen hinc ſequitur, pondus ejus non eſſe aliquid æſtimabile, ubi ob pondus res æſtimantur, confequenter homines & res ponderoſæ ſibi invicem ſubſtitui poſſunt. Neque hoc a communibus abhorret notionibus, quippe cum non modo propter ſpatium, quod in navi occupant vectores, verum etiam propter pondus, quo eadem oneratur, pretium pro vectura ſolvant. Non eſt quod excipias, vectores ſolve-

solvere pretium pro deportatione sui in locum destinatum, adeoque mercedem pro præstita opera, consequenter pondus ipsorum spectari minime posse tanquam aliquid æstimabile, quando æstimandæ sunt res navi impositæ communi quadam de causa, veluti ob jactum mercium factum. Id enim saltem obtinet, quoties navis mercibus non oneratur, sed vectores saltem recipit, qui adeo mercium loco tum esse nequeunt. Quod æstimationem attinet, cum hominis liberi in se spectati nulla sit æstimatio, atque adeo nonnisi pondus ejus, quo gravatur navis, æstimari possit; ut æstimatio fieri possit, cum iis rebus comparandus, in quibus taxandis nauti definiendi gratia ponderis saltem habetur ratio, nulla vero attenditur pretiositas. E. gr. Ponamus navim oneratam esse nonnisi frumento. Æquitati minime repugnat, ut pondus hominis 130 librarum æstimetur, quanti valet frumentum totidem librarum, propterea quod tantam frumenti copiam navi immittere potuisset magister, nisi homini in eadem locum concessisset. Quamvis autem rigor juris naturalis nimiam in æstimando hoc pondere subtilitatem requirere videatur; ad eam tamen recurrere in praxi non est opus, cum consilio peritorum ac expertorum facile definiatur pretium, quod lege positiva efficitur constans. Immo cum in hac æstimatione nonnisi ponderis habenda ratio est, si ab homine, qui in navi est, ratione ponderis sui quid contribuendum, quid ratione ponderis contribuendum sit, computandum, siquidem omnes, qui merces in navi habent, ratione ponderis contribuere deberent, & id a summa contributionis subducendum, ut constet, quid contribuendum fit a ceteris, qui merces in navi habent, pro ratione pretii earundem, quemadmodum supra ostendimus. Hoc maxime naturale est & cum exemplo convenit, quod paulo ante dedimus, ac locum habere debere nemo non videt, si merces omnes ejusdem sint pretii. Cessat nimirum ratio in homine æstimando, quæ obstat, quo minus in computando eo, quod contribuendum, saltem attendatur pondus, sed cur potius respici debeat pretium mercium. In ratione ponderis contributio fieri nequit

quit, nisi quando merces omnes ejusdem sunt pretii, quod tunc attendendum minime venit, cum pretium tum fit ut pondus. Quamobrem cum hominis nullum statui possit pretium, nisi qua servi; quoad hominem liberum non aliter fieri potest computatio, quam si nec in mercibus attendendum foret pretium, sed solum pondus. Hoc pacto omnia expedita sunt, nec ulla accusanda est scrupulositas, nisi quis Arithmetice fuerit imperitus, ut nec in ratione pretiorum computationem facere possit.

§. 640.

*An homines
liberi in
contributio-
nem veniant
propter ja-
ctum.*

*Naturaliter non repugnat, ut propter jactum in contributio-
nem etiam veniant homines liberi, seu vectores.* Etenim si na-
vis levandæ gratia jactus fieri debet, vectores non minus in
causa sunt, quam merces navi impositæ (§. 638.), & per se
patet, jactu non minus periculum a vectoribus depelli, quam
ab iis, qui merces in navi habent, consequenter damnum,
quod jactu datur, commune est vectorum atque eorum, qui
merces in navi habent, cum nemo gratis facere teneatur
ei, qui vicissim quid dare potest (§. 268. part. 4. Jur. nat.),
adeoque nec gratis depellere ab altero periculum, hoc est
perdendo rem suam servare alterum, si is damnum sui ser-
vandi causa datum resarcire possit. Quamobrem cum da-
mnum jactu datum dividendum sit inter eos, a quibus peri-
culum aversum, in ratione pretii rerum, quas unusquisque
habet in navi (§. 625.), vectorum autem pondus sit aliquid
æstimabile ejusdemque valor æquipolleat pretio mercium,
quæ in illorum locum habita ratione ponderis substitui po-
tuissent (§. 639.); naturaliter non repugnat, ut etiam ve-
ctores pro ratione ponderis sui ad damnum jactu datum re-
sarcendum quid conferant, consequenter & propter jactum
in contributionem veniant.

Ostenditur etiam hoc modo. Quoniam vectores pon-
dere

dere suo navem onerant, perinde est in præsentī casu, in quo navis levanda, ac si merces tanti ponderis in navi haberent. Enimvero si merces in navi haberent, eadem in contributionem venirent propter jactum (§. 627.). Ergo etiam vectores ratione ponderis sui, quod æstimari perinde ac merces potest (§. 639.), in contributionem venire debent.

Nemo non agnoscat, æquitati naturali minime adversari hanc contributionem, cum in rata vectorum computanda tantummodo spectetur pondus, quo navis levanda oneratur. Neque ullum est dubium, quin eandem agnovissent omnes, nisi dubium movisset, quod homines liberi æstimari non possint, quemadmodum servi. Quoniam vero ostendimus pondus hominis liberi in præsentī casu esse aliquid æstimabile, ut quoad pondus mercibus, quæ in navi sunt, comparari ac inde rata contributionis computari possit (§. 639.); dubium hoc nos minime moratur. Juris adeo mere positivi est, quod liber homo ab onere contribuendi excipiat. Sed quæ hic adstruximus tantummodo valent de vectoribus, non vero de hominibus, qui navigandi causa in navi sunt. Horum enim nonnisi opera utuntur ceteri, adeoque damnum casuale, quod sine culpa ipsorum contingit, ad eos non pertinet.

§. 641.

Quoniam vectores naturaliter in contributionem veniunt (§. 640.), pro locis autem, quæ conduxerunt, locarium solvunt, quemadmodum qui merces in navi habent naulum (§. 639.), & naulum totum in contributionem venit (§. 632.); naturaliter quoque locarium, quod vectores solvunt pro locis conductis, in contributionem venit.

Quodsi ad naulum etiam referas locarium, quod vectores solvunt, ut hoc cum ipso in contributionem veniat, ab hac autem excipiantur vectores; magister navis plus oneratur, quam æquum est, cum perinde sit vi eorum, quæ antea ostendimus,

ac si pro toto nauulo contribuere deberet, etsi ab onere contribuendi certæ quædam merces exciperentur. Quamobrem si ab eodem excipiantur vectores, locarium quoque, quod pro locis in navi conductis solvunt, excipiendum.

§. 642.

An vestes in contributionem veniant.

Quoniam vestes, quas vectores corpori suo applicuerunt, & alia, quæ ordinario cultui atque amictui corporis serviunt, ad vectores pertinent, nec ab iis tanquam res diversæ considerantur in casu præsentis, ubi nonnisi ponderis habetur ratio, cum homines nudi non incedant, vectores autem in contributionem pro ratione ponderis sui veniunt naturaliter (§. 640.); ideo vestes, quas vectores corpori suo applicuerunt & alia, quæ ordinario cultui atque amictui corporis serviunt, propter jactum ratione pretii in contributionem minime veniunt, quemadmodum res servatæ aliæ (§. 625.).

Ex principiis naturalibus facile patet, cur vestes & alia, quæ ordinario cultui atque amictui serviunt, in contributionem ob jactum minime veniant pretio suo seorsim taxatæ. Qui vero nolunt hominem liberum in contributionem venire, quod ejus nulla sit æstimatio; illi non eadem facilitate vestes quoque, quas corpori applicuerunt, & alia, quæ ordinario cultui & amictui serviunt, ab onere contribuendi excipiunt, cum res hæc utique æstimabiles sint, licet homines ipsi non sint æstimabiles, ac propter jactum etiam servatæ.

§. 643.

De rebus præsertim pretiosis vestimentorum.

Annuli, quos vectores in digitis gerunt, & res præsertim pretiosa aliæ, quas penes se habent, ob id etiam in contributionem veniunt. Res enim istæ, quocumque nomine veniant, & quocumque usui inserviant, minime referri possunt ad ipsam personam, quemadmodum vestimenta corpori applicata, quibus nemo carere potest, ut sub pondere eorum una com-

prehendantur, sed potius rebus annumeranda, quas quis in navi habet. Quamobrem cum in contributionem propter jactum veniant etiam res, quæ navim non multum onerant, veluti gemmæ ac nummi (§. 635.); quin etiam annuli, quos vectores in digitis gerunt, & res pretiosæ aliæ, quas penes se habent, ob jactum in contributionem venire debeant, dubitandum non est.

Non est, quod excipias, si naturaliter vectores ipsi in contributionem veniant (§. 640.), non opus esse, ut annuli & res præsertim pretiosæ aliæ, quas secum habent, a persona ipsorum distinguantur. Etenim modus contribuendi quoad personam differt a modo contribuendi quoad res. Personæ enim contribunt pro ratione ponderis (§. 639.); res autem in contributionem veniunt in ratione pretii (§. 625.). Magna adeo differentia inter utrumque contribuendi modum intercedit, si ve pretium ponderis personarum æstimare velis ut rerum, pro quarum pondere solvitur naulum locario pro loco conducto præstando æquale (§. 639.), si ve pondus referas ad pondus omnium rerum simul sumtarum, quæ sunt in navi (not. cit.).

§. 644.

Locarium, quod solvitur ministris navium, & modicum illud, De locario in quo sibi rem gerere ipsis conceditur in contributionem non venit. ministro-
Ministri enim navium sunt locatores operarum & damnum, rum navis quod propter jactum datur, casuale est, quod per se patet. & eo, in quo Quamobrem cum locator operarum non teneatur de casu, rem sibi gerentem nulla ipsius culpa antecedit (§. 1277. part. 4. Jur. nat.), runt. nec ministri navium tenentur ob jactum mercium, consequenter nil conferre debent ad resarciendum damnum eodem datum, adeoque locarium, quod iisdem solvitur, in contributionem non venit. Quid erat unum.

Quoniam modicum illud, in quo sibi rem gerere ministris

stris navium conceditur, pro parte locarii habetur, locarium vero in contributionem minime venit, *per demonstrata*; nec modicum illud, in quo sibi rem gerere conceditur ministris navium, in contributionem venit. *Quod eras alterum.*

Locarium, quod ministris navium solvitur, vocatur *Bootsmanns-Geld*; modicum vero, in quo rem sibi gerere ipsis conceditur, *des Wolcks Führung* appellari solet. Præstant ministri operas suas, sive jactus fieri debeat, sive eodem non sit opus, nec ipsis imputari potest periculum, cujus evitandi gratia jactus fieri necesse est; iniquum adeo foret eos sine omni culpa sua defraudari parte mercedis meritæ,

§. 645.

An cibaria consumendi causa navi imposita in contributionem veniant.

Cibaria, quæ quis in itinere consumendi causa navi imposuit, in contributionem ob jactum minime veniunt. In itinere enim maritimo necesse est ut cibaria, quibus quotidie indigent, qui in navi sunt, sint in navi, & quando contingit in navigatione deficere cibaria, quod quisque habet in commune contere debet (§. 611.). Atque adeo non modo omnium eorum, qui in navi sunt, verum etiam illorum, qui merces in navi habent, interest, ut sufficiens cibariorum copia in navi sit. Cibaria igitur, quæ consumendi in itinere causa navi imponuntur, minime referri debent inter ea, quæ ad locum quendam destinatum vehenda sunt, consequenter nec accenterari possunt iis rebus, quæ ut servantur, aliæ e navi ejiciuntur. Jactus adeo cum non fiat pro cibariis conservandis, etsi cibaria conservanda sint propter homines, qui in navi sunt; nec propter cibaria, quæ quis in itinere consumendi causa navi imposuit, ad resarciendum damnum, quod jactum datur, quicquam conferre tenetur, adeoque cibaria ista propter jactum in contributionem minime veniunt.

Cibaria, quæ in itinere consumendi causa navi imponuntur,

tur, distinguenda sunt a rebus comestibilibus, quæ ad destinatum locum deportanda, ut ibidem instar mercium aliarum vendantur: has enim mercibus ceteris accensendas esse per se patet, cibaria vero, quæ in itinere consumuntur, non sunt res lucrativæ, quæ de loco in locum vehuntur, & necessitas imperat, ut navi imponantur, nisi omnibus, qui in navi sunt, sit pereundum, consequenter si navis ad locum destinatum deduci debet.

§. 646.

Si jactus fieri debet, prius ejicienda res majoris ponderis & De electione minoris pretii, nisi periculum in mora sit, ut illa ejicienda sint, verum ejicienda quæ proxime ad manum sunt: qui vero præter necessitatem res minores ponderis & majoris pretii ejicit, cum possit ponderosiores ac viliores ejicere, partem damni, quam dedit, resarcire tenetur. Etenim jactus fit navis allevandæ causâ. Quamobrem cum res ponderosiores ejiciendo navis magis allevetur, quam si leviores ejiciantur, consequenter minorem quantitatem mercium perdi necesse sit, ponderosioribus ejectis; utique prius ejiciendæ res majoris ponderis. Quoniam tamen jactus mercium fit naufragii evitandi, adeoque communis periculi declinandi causa, in periculo autem communi non licet perdere rem pretiosioris ut servetur minus pretiosa, si pretiosior servari possit perdendo rem minoris pretii (§. 623.); non sufficit, ut tantummodo ratio habeatur ponderis, verum etiam pretium attendendum. Atque adeo patet, si jactus fieri debet, prius ejiciendas esse res majoris ponderis & minoris pretii. *Quod erat primum.*

Enimvero si periculum sit in mora, medium unicum allevandæ navis, adeoque evitandi naufragii est jactus mercium, quæ proxime ad manus sunt, quod per se patet. Quare cum navis allevanda sit, ut cum ipsa serventur merces,

quot servari possunt, ac homines, qui sunt in navi (§. 493. 495. part. 2. & §. 350. 641. part. 1. Jur. nat.), & necessitas irresistibilis licitum efficiat actum, qui alias foret illicitus *per demonstrata n. 1.* quando est medium unicum satisfaciendi obligationi indispensabili (§. 573.); si periculum in mora sit, merces ejicere licet, quæ proxime ad manum sunt. *Quod erat secundum.*

Denique si quis præter necessitatem res minoris ponderis ac pretii majoris ejicit, cum ejicere posset ponderosiores ac viliores, is res pretiosiores perdit servandarum minus pretiosarum causa. Sed qui hoc facit, damnum refarcire tenetur (§. 624.). Quamobrem qui præter necessitatem res minoris ponderis ac pretii majoris ejicit, cum ejicere posset res majoris ponderis & pretii minoris, is eam damni partem, quam dedit, refarcire tenetur. *Quod erat tertium.*

Periculum commune sine damno averti minime potest: sed propter obligationem damni cum a se, tum ab aliis avertendi (§. 493. 495. part. 2. Jur. nat.), non licet majore damno depellere periculum, quod minori cum damno evitari poterat. Qui adeo majus damnum causatur, quam necessarium fuerat, is tenetur ad damnum refarciendum, in quantum majus dedit, quam necesse fuerat. Damnum nimirum, quod tunc datur, duplex est, alterum casuale, alterum culposum: casuale æstimatur ex pretio rerum ponderosiorum ac viliorum, quæ ejici potuissent ac debuissent; culposum vero ex excessu pretii rerum ejectarum supra pretium illarum, quæ ejici debuissent.

§. 647.

De rebus pretiosis an-pretiosas, quas tamen ante jactum non indicavit; contenta in eadem ad communia bona referuntur. Quoniam enim pro diversitate mercium diversum solvitur nautum, a contractibus vero fraus

ro fratis omnis procul abesse debeat (§. 149. *part. 5. Jur. nat.*); qui merces navi imponit, indicare debet, quales sint, cumque pro vero habendum, quod indicavit (§. 427. *part. 3. Jur. nat.*), contenta in cista in eorum bonorum numerum referenda, qualia esse dixit mercator, cum eam locaret. Quodsi ergo in cista contenta fuerint res pretiosæ, quas ante jactum non indicavit; contenta omnia ad communia bona, qualia scilicet esse dixit, cum contraheret, referenda.

Sibi imputare debet damnum, quod incurrit injusta æstimatione cistæ ejectæ, qui defraudandi animo noluit indicare res pretiosas in eadem contentas, scilicet ut nulum ac vectigal minus solveret. Sane si cista ejus ejecta non fuisset; non nisi pro pretio rerum communium contribuisset, fraudem sibi minime nocuam non confessurus. Contentus igitur etiam esse debet, quod pro pretio bonorum communium ipsi resarciatur damnum, si cista jacta fuerit. Non est, quod excipias, si probare possit post jactum, quales res pretiosæ in cista fuerint contentæ, æquum omnino esse ut in æstimanda cista eandem habeatur ratio. Quoniam enim prius ejicienda sunt res minime pretiosæ (§. 646.); ante jactum constare debet, quales res in cista contingantur, atque adeo mature, non demum post jactum indicandæ. Qui res pretiosas reticet, is eas pro talibus haberi vult, quales indicavit, aut quales vi contractus videri voluit.

§. 648.

Ab æstimatione rerum ejectarum detrahenda sunt impense, De eo, quod veluti vectura, gabella &c. antequam contributio computari possit, ab æstimati-
Etenim res æstimari debent eo pretio, quo venduntur loco one rerum destinato (§. 634.). Pretium vero hoc continet etiam im-
detrahenda.
pensas, quas si tacere non dedisset mercator, minoris vendere potuisset. Quoniam itaque contributio non fit pro eo, quod impensum est, sed pro eo, quod servatum; ab æstimati-
one

tione rerum detrahendæ sunt impensæ, antequam contributio computari possit.

Nimirum mercatori servatur fors, quæ consistit in pretio, quod pro mercibus emtis solum, & præterea lucrum, quod percipit, dum destinato loco venduntur, non autem intelligitur nisi deductis impensis. Obiter notamus, gabellarum nomine venire certam tributi & exactionis speciem. Ira in Gallia hoc nomine appellatur vectigal, quod pro vino & sale solvitur.

§. 649.

De vestimentis cistæ inclusis.

Vestimenta cistæ inclusa, vel quæ pro sarcina sunt, in contributionem veniunt. Etenim vestimenta cistæ inclusa, vel quæ pro sarcina sunt, non referuntur ad personam, veluti ea, quæ corpori applicata aut amictui ordinario inserviunt, sed rebus accensentur, quibus oneratur navis. Quamobrem cum res omnes, quæ in navi sunt, quocumque tandem nomine veniant, in contributionem veniant (§. 625.); in eam etiam venire debent vestimenta cistæ inclusa, vel quæ pro sarcina sunt.

Pro vectura vestimentorum cistæ inclusorum, vel eorum, quæ pro sarcina sunt, perinde merces solvitur, ac pro rebus aliis, quibus navis oneratur, adeoque tum non spectantur tanquam vestimenta, sed tanquam res, quæ navi impositæ sunt. Quamobrem quoad contributionem inter istiusmodi vestimenta & res quascunque alias navi impositas nulla est differentia. Attendendum vero est pretium, quo vendi possunt, non quo comparatæ fuerunt, cum spectandum sit in contributione, quod unicuique jactu servatum fuit.

§. 650.

Si plurimæ merces jactæ servatæ sunt.

Si plurimæ merces fuerint jactæ, quod a reliquis, quarum res servatæ sunt, contribuitur, inter ipsas dividendum est in ratione mercium.

mercium amissarum. Quod enim ii contribuunt, quorum res per jactum salvæ sunt, id debetur illis, quorum merces amissæ, ut damnum commune non patiantur nisi pro rata (§. 625), consequenter spectari potest tanquam lucrum commune, quod adeo singuli pro rata participant (§. 135. *part.* 3. *Jur. nat.*). Inter ipsos itaque in ratione rerum amissarum dividendum.

Per regulam adeo societatis (§. 914. *Aritbm.*) computatur, quid de eo, quod a reliquis confertur, unusquisque eorum accipere debeat, cujus res jactæ fuerunt. E. gr. Si quod a reliquis confertur fit 48, merces autem amissæ a duobus æstimantur ut 5 ad 3; 48 dividere tenemur in ratione 5 ad 3, adeoque priori ex contributione debentur 30, alteri 18.

§. 651.

Si propter jactum res quædam deteriorantur; damnum dete De rebus *rriorationis commune est omnium, qui res in navi habent & ejus, propter jactum est navis.* Etenim quando res alicujus, quæ in navi remanserunt, deteriores fiunt, cum jactus de nave fit, veluti quod propter jacta nudatæ sunt; damnum ideo subsequitur, quia depellendi communis periculi causa jactus fieri debuit, consequenter perinde est ac si aliqua pars mercium, quæ pretio deteriorationis æstimantur, jactata, altera vero, quæ æstimantur pretio rerum præsentis, servata fuisset. Quoniam itaque damnum jactu datum commune est eorum omnium, qui res in navi habent, & ejus, cujus est navis (§. 625.); damnum quoque deteriorationis commune esse debet omnium, qui res in navi habent, & ejus, cujus est navis, si quis propter jactum res deteriores habere cœperit.

Sane unum idemque est, sive pars rerum, quas quis in navi habet, propter jactum amittatur, sive propter eandem res quædam ipsius deteriorentur, utrumque enim damnum jactu datur.

adeoque eo fine subeundum, cujus gratia fit jactus, nimirum ut commune periculum avertatur. Quemadmodum itaque ei subvenitur, qui res suas perdidit; ita quoque subveniendum ei, qui propter jactum res deteriores habere cœpit. Æquitatem hanc agnoscit *Cullistratus* l. 4. de L. R. de jactu §. 2. in fine. Eodem igitur modo contribuendum ob rerum propter jactum deteriorationem, quam ob earundem amissionem.

• §. 652.

De computanda contributione rebus non nullis per jactum deterioratis.

Quoniam si propter jactum res quadam deterioratæ, damnum deteriorationis commune est omnium, qui res in navi habent & ejus, cujus est navis (§. 651.), perinde ac si res quædam e navi jactæ fuissent (§. 625.); in computando eo, quod ab unoquoque contribuendum, pretium deteriorationis accenseatur pretio rerum amissarum, & summa æstimatur damnum commune.

Non igitur opus est subtiliori distinctione, quid plus sit, in damno, an in collatione, quam adhibendam esse *Papirius* respondit *Fronto*, probante *Cullistrato* l. c. quemadmodum illa distinctione non habemus opus, si pars major rerum, quas quis in navi habuit, de ea jacta fuerit, minor autem in navi remanserit,

§. 653.

De æstimatione rerum deterioratarum in computanda contributione.

Cum rebus quibusdam propter jactum deterioratis in computando eo, quod ab unoquoque contribuendum, pretium deteriorationis accenseatur pretio rerum amissarum, & summa æstimetur damnum commune (§. 652.), ut vero determinari possit, quantum unusquisque contribuere debeat propter jactum, æstimari debeant tam res amissæ, quam servatæ (§. 628.); si propter jactum res quadam deteriorata, eadem in computando eo, quod ab unoquoque contribuendum, æstimantur eodem pretio, quo integra.

Si cujus merces fuerint 100, & jactæ fuerint 130; in computatione contributionis jactæ & servatæ simul æstimantur 100, ut adeo pro 100 contribuat ad damnum commune refarciendum, qui 30 perdidit. Quodsi ergo merces integræ fuerint 100 & pretium deteriorationis pretio rerum jactarum accensendum sit 30, ut constet de damno communi dividundo (§. 652.); is, cujus res deterioratæ sunt, itidem conferre debet pro 100, cum in computatione nulla attendatur differentia inter res servatas & servatas quoad pretium earundem (§. 634.) Nihil in hisce difficultatis est, modo Arithmeticæ vulgaris non sis ignarus, ut constet, quomodo damnum commune inter socios pro rata sit dividendum per regulam vulgarem societatis. Neque hac ratione metuendum est, ut duplici damno oneretur is, cujus res deterioratæ sunt, nimirum & damno collationis, & quod res deteriores factæ sunt; sicuti nec duplici damno oneratur ille, cujus quædam merces de nave jactæ sunt, quædam in ea remanserunt, propterea quod in computando eo, quod ipsi contribuendum, totum rerum pretium tam amissarum, quam servatarum sumitur.

§. 654.

Si res jactæ recuperata, nec deteriores facta fuerint, contributio cessat: si quædam saltem recuperatæ fuerint, collatio demeretur pro pretio rerum præsentis, si quidem deteriores facta. Quorum jactam res jactæ manent dominorum suorum (§. 427. part. 2. Jur. nat.); si recuperatæ fuerint, nec deteriores factæ, perinde est ac si jactæ non fuissent, consequenter cum earum jacturam non fecerit dominus (§. 487. part. 2. Jur. nat.), damnum cessat (§. 486. part. 2. Jur. nat.). Quamobrem cum ad damnum jactu datum refarciendum fiat contributio (§. 627.); si res jactæ recuperatæ, nec deterioratæ fuerint, contributio cessat. Quod erat primum.

Quodsi res omnes non fuerint recuperatæ, sed saltem nonnullæ; perinde est, ac si res pauciores jactæ fuissent,

consequenter cum damnum in rebus amissis consistat (§. 486. 487. part. 2. *Jur. nat.*), damnum commune inter omnes, quorum interest jactum factum fuisse, dividendum (§. 625.), minus evadit. Quoniam itaque ad damnum resarciendum fit contributio (§. 627.); si rerum jactarum quædam recuperentur, contributio deminuitur. *Quod erat secundum.*

Quodsi res, quæ recuperantur, fuerint deteriores factæ, damnum deteriorationis adhuc commune est (§. 650.). Quamobrem ut constet, quantum sit hoc damnum, res recuperatæ æstimandæ sunt, quanti nunc vendi possunt loco destinato (§. 634.), adeoque damnum jactu datum deminuitur pro pretio rerum recuperatarum præsentis, si deteriores factæ, consequenter cum parti damni unicuique ferendi respondeat, quod unusquisque conferre debet, etiam collatio pro pretio rerum recuperatarum præsentis deminuitur, si deteriores factæ. *Quod erat tertium.*

Damnum propter jactum æstimatur pretio rerum amissarum, quod per se patet. Quodsi ergo res omnes, quæ jactæ fuerant, recuperentur, nec deteriores factæ sunt, cum idem adhuc sit earum pretium, quod ante jactum fuerat, damnum nullum est. Quodsi deteriores factæ, cum præsens pretium minus sit, quam quod fuerit antea, damnum in decremento pretii consistit, quasi res tanti pretii jactæ fuissent. Unde porro intelligitur, quantum deminuat damnum, si res quædam recuperatæ vel deteriores factæ fuerint, vel non. Contributio vero consistit in pretii parte, quam unusquisque conferre debet, ut damnum ei resarciatur, cujus res de navi sunt jactæ.

§. 655.

Si contributio jam facta.

Quoniam contributio cessat, si res jactæ integræ recuperentur, aut exoneratur, si saltem nonnullæ, vel deteriores factæ recuperentur (§. 654.); contributio non fit, nisi sub tacita

tacita hac conditione, ut rebus recuperatis restituatur quod collatum fuit, vel quod plus collatum. Quamobrem *si contributione jam facta res jacta recuperata, nec deteriores facta fuerint, quod collatum est totum restituendum: si quædam recuperata fuerint, vel, qua recuperantur, deteriores facta, quod plus datum restituendum.*

Nimirum quod recuperatur, spectatur tanquam lucrum commune, & eadem ratione dividitur inter omnes, qui contulerunt, quo ante divisum fuerat damnum commune. Aut, quod perinde est, damnum deminuitur eo, quod recuperatum est, & damnum minus ut ante dividitur inter eos, qui contulerunt, ut ex collatione ejus, quod datum est, cum eo, quod debuisset, si contributio nunc demum fieri deberet, appareat, quidnam plus datum. Arithmetice vulgaris peritus facile dicta intelligit, cujus si quis imperitus fuerit, eum pudeat, quod non didicerit ea, sine quibus juris quædam capita intelligi nequeunt.

§. 656.

Si quis rerum, qua de navi jacta sunt, recuperandarum De impensis gratia impensas facere coactus fuerit; ad eas conferre debent omnes, quorum interfuit jactum fieri. Quoniam enim contributio vel prorsus cessat, vel saltem deminuitur, siquidem res jactæ recuperentur vel omnes, vel saltem nonnullæ (§. 654.), omnes autem contribuunt, quorum interfuit jactum fieri (§. 625.); omnium quoque interest, ut impensæ fiant, sine quibus res jactæ recuperari nequeunt. Impensæ igitur istæ non minus communes esse debent, quam damnum, quod jactu datum fuerat (§. cit.). Quamobrem ad eas quoque conferre debent omnes, quorum interfuit jactum fieri.

Antequam res recuperarentur, damnum consistebat in rebus amissis: est ubi factis impensis recuperantur, idem non consistit nisi in impensis factis, consequenter damnum majus in

minus convertitur. Quemadmodum vero damnum majus commune erat, ita quoque minus commune esse debet. Sane si ad impensas rerum recuperandarum gratia factas conferre non deberent omnes, quorum interfuit jactum fieri; nec ob res recuperatas contributio deminui posset: quod tamen absurdum (§. 654.). Impensæ adeo eadem ratione dividuntur, quemadmodum damnum ob jactum datum antea fuerat divisum.

§. 657.

*De navi non
obstante ja-
ctu inter-
cunte.*

Si jactu facto navis tamen statim interit, nulla fit contributio, etiam si quis in naufragio res quasdam suas servaret. Jactus enim fit communis periculi avertendi gratia, ac ideo damnum jactu datum commune est, quia eodem commune periculum avertitur (§. 625.). Enimvero si navis statim interit, jactu licet facto, periculum commune eodem aversum non est, adeoque perinde ac si jactus non fuisset. Cesante igitur ratione contributionis, nimirum quod perdendo res alienas suæ fuerint conservatæ, ipsa quoque cessat contributio (§. 118. Ontol.). Quod erat unum.

Quodsi vero dum naufragium contingit, quidam res quasdam suas servant, id non jactuitribuendum, sed ipsorum operæ, qua eadem res easdem servare potuissent, etiamsi res nullæ de navi jactæ fuissent. Nulla igitur ratio est, cur ad resarciendum damnum ejus, cujus res jactæ fuerunt & qui easdem amisisset naufragio, etiamsi in navi remansissent, aliquid contribuant, consequenter omnis contributio adhuc cessat. *Quod erat alterum.*

Perinde est, quomodocunque res servantur, & num id fiat sine impensis, an vero impensæ faciendæ sint, veluti si submersæ per urinatores extrahantur.

§. 658.

*De rebus ja-
ctis si nau-*

Quoniam si jactu facto eadem tamen tempestate navis interit,

terit, nulla fit contributio, & res naufragas quisque sibi ser-
vat (§. 657.); res quoque jactæ, quæ quomodocunque recupe-
rantur, manent dominæ suæ, nec quisquam alius, qui res in navi hæ-
bit, de iis quicquam participat.

Eadem omnium, qui res navi imposuerunt, esse debet con-
ditio, & quando naufragium jactu vitari non potest, res e
navi ejus levandæ causa ejectæ naufragio accenserentur. Quod
igitur juris est circa res naufragas, id etiam esse debet circa res
jactas in hoc casu.

§. 659.

*Si navis jactu mercium in tempestate levata postea alio in loco, orta iterum tempestate, vel alio casu inevitabili perierit; illi, quorum res perierunt, a contributione liberantur, ast hi, qui a sed postea liquid quocunque modo servarunt, pro eo, quod servatum est, pro-
pter jactum adhuc conferre tenentur.* Quoniam enim jactus mercium fit eo fine ut navis cum rebus, quæ in ea sunt, servetur, adeoque salva ad locum destinatum deduci possit; contributio quoque non fit nisi sub tacita hac conditione, si eodem obtineri posset, ut navis cum iis, quæ in eadem remanent, salva in locum destinatum perveniat. Hæc igitur conditio cum non existat, si navis postea alio in loco, orta iterum tempestate, vel alio casu inevitabili perierit, una cum iis, quæ in eadem sunt; illi, quorum res perierunt, adeoque salvæ in locum destinatum pervenire non potuerunt, propter jactum quoque nihil contribuere debent, tenentur tamen hi, qui aliquid quocunque modo servarunt pro eo, quod servatum est (§. 468. pars. 3. Jur. nat.).

Totum iter marinum periculosum est, & tempestates ingruere possunt in quovis maris loco aliique accidere casus navigantibus funesti non uno saltem in loco. Qui igitur vult, navim vel merces suas in navi salvas esse, is non tantummodo vult, ut serventur eo in loco, ubi periculum in præsentem navim immi-

imminet, sed ut salvæ perveniant in locum destinatum. Quamobrem jactus quoque non tantummodo fit eo animo, ut præsens periculum depellatur; verum etiam sub spe fore, ut, ubi navis præsens periculum evaserit, postea salva in locum destinatum ventura sit. Non igitur absolum videri debet, quod contributio, quæ propter jactum, quo servatur navis, faciendâ, conditionata intelligatur, scilicet ut fit præstanda, siquidem navis cum iis, quæ in eadem sunt, salva in locum destinatum pervenerit. Jactus enim non prodest nisi iis, quorum res salvæ in locum destinatum perveniunt. Sane si jactus non fuisset factus, sed res jactæ in navi mansissent; navi laborante, dum casus alius funestus contingit, eidem periculo expositæ fuissent, cui nunc exponuntur res ceteræ, quæ tum in navi remanserunt adeoque his pereuntibus una periissent. Nulla igitur ratio est, cur ii, quorum res nunc pereunt, conferre debeant illi, cujus res per jactum amissæ. Propter jactum factum perinde est, ac si is, cujus res de navi jactæ sunt, tantum adhuc in navi haberet, quantum ipsi conferendum de iis, quæ per jactum servata sunt, ut adeo massa bonorum, quæ in navi habet, constituatur quasi ex partibus rerum servatarum. His adeo rebus pereuntibus perit quoque ipsi massa bonorum in periculo priori, cujus avertendi gratia jactus fieri necesse fuerat, ipsi quasi servatorum, quod vero ipsi conferendum fuerat de rebus, quæ secundum periculum evaserunt, adhuc subsistit, consequenter nulla ratio est, cur non sit adhuc conferendum. Enimvero si impensas facere debuit, qui res quasdam servavit, veluti si mercedem solverit urinatoribus, ut merces submersas extraherent, a pretio mercium hæ impensæ utique subducendæ, sicuti & pretium deteriorationis, quando deteriores factæ sunt: neque enim servatum dici potest, nisi quod adhuc in lucro est. Quodsi hoc modo singula perpendas, nihil superesse puto, quod possit esse obscurum. Equidem si nobis prolixioribus esse liceret, ac jam propositum esset exasciatam juris marini theoriam condere singula accuratius demonstrari poterant: quoniam vero de jactu navis levandæ gratia faciendo non agimus, nisi quatenus ad hanc telam

lam pertexendam nos invitavit jus necessitatis ex primæva communiōne residuum; ideo sufficit aperire fontes, unde deducenda sunt, quæ ad casus huc spectantes definiendum usus esse possunt. Non licet excipere, quod res naufragæ v. gr. ab urinatoribus extractæ non fuerint servatæ per jactum, sed per urinatores: etsi enim jactus non sit causa proxima, cur servatæ fuerint, causa tamen remota est, sine qua proximæ non fuerat locus, quatenus nimirum propter jactum navis delata in eum locum, ubi res submersæ extrahi potuerunt.

§. 660.

Quoniam si navis jactu levata orta iterum tempestate vel alio casu funesto postea interit, illi, quorum merces periere, nihil ei conferunt, qui per jactum suas amiserat (§. 659.); jactarum, si contingat merces quasdam jactas recuperari, dominus earundem nihil conferre tenetur iis, quorum res postea naufragio perierunt.

De recuperatione rerum si postea alio casu navis intereat.

Horum enim res, cum naufragio perierint, nihil ad hoc conferunt, quod res jactæ fuerint servatæ, consequenter nulla ratio est, cur damnum ipsorum ei, cujus res jactæ sunt, commune esse debeat, adeoque nec quicquam hic ad damnum istud resarciendum conferre tenetur. Ast si hujus res quædam de navi dejectæ recuperatæ fuerint, id prodest ei, cujus res naufragæ recuperatæ sunt; cum, quod hic illi conferre debet (§. 659.), jam sit minus (§. 654.).

§. 661.

Si navis levanda causa merces quædam in scapham fuerint trajecta, veluti ut portum intrare possit, & scapha submergatur, vis levanda navi salva; illi, qui merces in navi habent, contribuere tenentur ad damnum resarciendum. Sed si scapha salva navi intereat, illi, quorum merces in scapha salvæ sunt, illis nihil conferre tenentur, quorum merces cum navi interierunt. Etenim si navis levanda causa in scapham trajectis.

(Wolffii Jur. Nat. Pars VI.)

Ttt

levan-

levandæ causâ merces quædam in scapham trajiciantur, hoc fit naufragii evitandæ causâ, consequenter si scapha submergitur, perinde est ac si res navis levandæ causâ de navi jactæ fuissent in mare. Enimvero si naufragii evitandæ causâ jactus fiat, damnum commune est, ac omnes, quorum res in navi salvæ sunt, ad id refarciendum contribuere tenentur (§. 625.). Ergo etiam commune erit damnum & ad id refarciendum contribuere tenentur omnes, quorum res in navi salvæ sunt, si navis levandæ, adeoque naufragii evitandæ causâ merces quædam in scapham fuerint trajectæ, scapha vero submersa fuerit. *Quod erat unum.*

Quodsi scapha salva intereat navis, perinde est ac si navis jactu levata eadem tamen tempestate intereat, is vero, cujus res jactæ sunt, eas recuperet. Enimvero quando hoc contingit res recuperatæ manent domini sui, nec quicquam de iis conferre tenetur ad refarciendum damnum reliquorum (§. 658.). Quamobrem si scapha, in quam navis levandæ causâ res trajectæ, salva navis intereat; hi quoque, quorum res in scapha salvæ sunt, nihil iis conferre tenentur, quorum res cum navi perierunt. *Quod erat alterum.*

Ratio contributionis in casu priore manifesta est. Nisi enim res trajectæ fuissent in scapham, sed in nave mansissent, non periissent, sed salvæ fuissent. Quoniam tamen ut merces in navi manentes servari possint, quædam in scapham trajiciendæ fuerunt; ideo earundem interitu servatæ sunt ceteræ. Ast hæc ratio cessat in casu posteriori, in quo merces in scapham trajectæ minime servatæ fuerunt ea de causâ, quod quæ in navi manserunt, periire. Ratio nimirum contributionis, cum qua jam nobis negotium est, hæc est, quod damno unius promoveatur commodum reliquorum, seu damnum ab iis avertatur. Ad hanc qui animum advertit, facile in quovis casu perspiciet, utrum locum habeat contributio, nec ne.

§. 662.

Jactus temerarius dicitur, si quis culpa sua in mare quid *Differenzia* projecerit, veluti si calicem alterius per negligentiam in *jactus* profundum labi patiatur. *Lascivus* vocatur, si quis dolo rem alterius in mare projecerit, veluti si nummos alteri excusserit, ut in mare cadant, aut animo perdendi res, quæ sunt alterius, in mare projicit. *Meticulosus* appellatur, si quis mari non adfuetus a periculo naufragii sibi metuit, ubi metuendum non est, ac propterea navis levandæ causâ jactum facit. *Jactus* denique *non pure necessarius* vocatur, quando periculum navi revera quidem imminet, sed casum fortuitum culpa præcessit, aut periculo causam dedit, ut jactum fieri necesse sit. Unde patet *jactum necessarium* eum dicendum, qui fieri debet, quando periculum navi revera imminet, cui nulla culpa causam dedit, aut quod culpa nulla præcessit.

Casus, in quibus fit jactus, probe distinguendi sunt, ut appareat, quando necessarius sit existimandus, consequenter contributioni locus sit, ne ad damnum resarciendum contributione communi cogantur, qui nihil contribuere debent.

§. 663.

Ob jactum temerarium, lascivum, meticulosum & non pure necessarium contributio non fit; sed damnum eodem datum resarc- *Quando ob jactum ces-*
circare solus tenetur, qui in causa fuit, cur factus fuerit jactus, aut res contribu-
fieri debuerit. Quod si enim jactus fuerit temerarius, lascivus, *110.*
 meticulosus, vel non pure necessarius, damnum, quod eodem datum, vel dolo, vel culpa datum (§. 662.). Quamobrem cum damnum dolo vel culpa datum sit resarciendum ab eo, cujus dolo vel culpa datum (§. 580. part. 2. *Jur. nat.*) solus damnum resarcire tenetur, qui in causa fuit, cur jactus

ctus factus, aut fieri debuerit, consequenter ob jactum temerarium, lascivum, meticulosum & non pure necessarium contributio non fit.

Exempla, quæ modo dedimus de singulis jactus speciebus, propositionem præsentem satis illustrent. Ex jactu temerario & lascivo nullum percipere commodum eos, qui res in nave habent, nec per eandem servari alias perituras, per se patet, ut adeo superfluum videatur hunc jactum contributioni subtrahere. Si jactus meticulosus fuerit, cum is ab imperitia proficiatur; dubium saltem videri poterat, num imperitia projicienti imputari possit. Quodsi navicularius is fuerit, cum in navigando se artificem profiteatur, imperitia ejus culpæ accensetur (§. 1273. part. 4. *Jur. nat.*): sin alius fuerit, utique ipsi imputandum, quod proprio motu fecerit, quæ non sine consilio & suffragio aliorum se peritorum, quos in nave adesse noverat, facere debebat. Ceterum ne lis moveri possit, utrum jactus fuerit meticulosus, an necessarius; lege positiva cautum est, ne jactus fiat nisi explorata prius voluntate mercatorum & institorum, si qui in nave adsint, aut si præsentem consentire nolint in jactum, reliquorum navalium sociorum, qui majore istiusmodi rerum experientia instructi sunt. Culpa nautæ casum, quo naufragii periculum imminet navi, non vno modo præcedere potest, veluti si nulla tempestate coactus, sed sola imperitia sua navim ad scopulos deducit, si sola avaritia ductus, vel absque ulla prægnante causa loca devia sectatur, si debito tempore navim e portu non solvit, vel si solvit media tempestate. *Wernerus* in dissert. de contrib. propter jact. th. 35. culpam nautæ ad tres fontes reducit, nimirum si non facit, quod diligens facere solet; si contra pactiõnem, & si fuit in mora. Sed talia discutere non est hujus loci, ubi saltem exempli causa quædam in medium proferuntur. Nulla concipi potest actio humana, circa quam non uno modo culpa committi possit. Culparum igitur species in quolibet actionum genere committendas qui detegere voluerit, ei loco notionum directricium esse possunt, quæ de actionis rectitudine in genere & de culpa

pæ generibus dicta sunt in parte prima Philosophiæ practicæ universalis, actionis vero illius, circa quam quot modis culpa committi possit disquiritur, notionem habere debet, quantum fieri potest, adæquatam, veluti in præsentis totius artis navigandi in mari. Latissimus hic aperitur campus, in quo utiliter versari possunt, qui Philosophiam practicam novis veritatibus dicare voluerint.

§. 664.

Si magister navim plus æquo oneravit, ac propterea jactum De navi fieri necesse fuit; ipse damnum solus refarcire tenetur, nec ulla a plus æquo reliquis, qui merces in navi habent, fieri debet contributio. Etenim *onerata.* si navis levanda naufragii evitandi causa, quia magister eam plus æquo oneravit; cum is scire debeat, quantum navi onus imponi possit, culpa magistri jactus fit (§. 717. part. 1. *Phil. pract. univ.*), consequenter jactus non pure necessarius est, etsi evitandi naufragii causa fiat (§. 662.). Quoniam itaque ob jactum non pure necessarium nulla fit contributio, sed damnum datum solus refarcire tenetur, qui in causa fuit, cur jactus fieri debuerit (§. 663.); magister quoque navis, qui eam plus æquo oneravit, damnum jactu datum solus refarcire tenetur, nec ulla a reliquis, qui merces in navi habent, fieri debet contributio.

Num navis plus æquo fuerit onerata non modo inde intelligitur, si meruendum sit, ne nimio pondere submergatur navis, ubi alias istiusmodi periculum metuendum non est; verum etiam colligitur ex pondere rerum in navi residuarum jactu facto, quando tempestas naufragium minabatur. Ast in hæc inquirere non est huius loci.

§. 665.

Si communis periculi avertendi gratia armamenta navis, De armamentis, anchora, rudentes dejiciuntur, vel caduntur; damnum communis na-

vis de-
ctis, vel ca-
lis.

mune est domini navis ac omnium, qui res in nave habent, divi-
dendum adeo inter eos eodem modo, quo damnum jactu datum
dividitur. Ostenditur eodem profus modo, quo supra de-
monstravimus, damnum jactu datum commune esse atque
dividendum in ratione pretii rerum, quas unusquisque in
nave habuit, ac ipsius navis (§. 625.).

Nimirum perinde ac in jactu hic res propriæ unicuique ser-
vantur perditis alienis. Atque adeo huc applicari debent, quæ
in genere de rebus perdendo alienas servatis demonstrata sunt
(§. 621.), quemadmodum ea ad casum jactus applicavimus.
Ceterum hic non tantummodo intelligitur periculum naufragii,
quemadmodum in casu jactus; verum etiam aliud quod-
cunque, quod navi ac omnibus, quæ in ea sunt, tam personis,
quam rebus una imminet, veluti si nauta navim a periculo ab
hoste vel piratis imminente liberaturus anchoram detrunca-
re cogitur, cum eidem ex profundo extrahendæ mora nulla
superfit.

§. 666.

De casu in
nave vel
mercibus
contingente.

Si casus quidam in nave vel rebus eidem impositis contingit,
vel naufragium factum fuerit, quod evitari non poterat; da-
mnum est solius domini: si quis ex naufragio quocumque modo quid
servat, id sibi servat. Quodsi enim casus quidam in nave,
vel rebus eidem impositis contingat, cum magister navis lo-
cet operam suam iis, qui res suas navi imposuerunt, scilicet
ut eas in locum destinatum vehat (§. 1194. part. 4. Jur. nat.);
in casu priori perinde est, ac si locator operarum instrumen-
tum operas præstando frangit, vel perdit, in posteriore au-
tem, ac si damnum in materia conductoris operarum con-
tingit casu, quæ ad faciendum ex materia ista opus condu-
ctæ sunt. Enimvero si locator operarum fregerit vel perdi-
derit instrumentum, operas promissas præstando, damnum
ipsum est (§. 1267. part. 4. Jur. nat.), si vero opera alterius

con-

conducatur ad faciendum opus ex materia tua, damnum in materia casu datum tuum est (§. 1266. *part. 4. Jur. nat.*). Ergo etiam si casus quidam in nave vel rebus eidem impositis contingit; damnum est solius domini, nimirum si casus contingat in nave, domini navis, si in rebus eidem impositis, domini istarum rerum. *Quod erat primum.*

Quodsi naufragium factum fuerit, quod evitari non poterat, casus tam in nave, quam in rebus eidem impositis contingit. Quamobrem cum in casu priori damnum sit domini navis, in posteriori vero domini rerum naufragarum; si naufragium factum fuerit, quod evitari non poterat, damnum, quod in nave datur, est domini navis solius, quod vero datur in rebus eidem impositis domini rerum. *Quod erat secundum.*

Cum res naufragæ maneant dominorum suorum (§. 428. *part. 2. Jur. nat.*), quemadmodum si naufragio, quod evitari non poterat, amittantur, damnum solius domini est, *per demonstrata n. 2.*

Si casus in nave contingat, quod tum perinde fit ac si locator operarum instrumentum aliquod perdit, vel frangit operas præstando; nemo facile in dubium revocaverit. Enimvero erunt forsitan nonnulli, quibus dubium videtur, num perinde haberi possit, ac si casus contingat in materia, ex qua locator operarum opus conficere debet, quando casus contingit in rebus navi impositis. Velim igitur cogitent, in utroque casu amitti vel deteriorari rem conductoris, circa quam operas promissas præstare debet locator. Sive igitur casu quodam mere fortuito amittantur, sive deteriorentur res conductoris, id sine ullo facto locatoris contingit, sive ex iis opus quoddam tanquam ex materia conficere debeat, sive eas in locum quendam destinatum vehere. Quodsi vero quispiam res naufragas quocunque modo servet, cum non servantur interitu ceterarum, quæ

quæ una in nave fuerunt, contributionis ratio cessat, quæ propter jactum fieri debet.

§. 667.

*De nave à
piratis red-
emta & re-
bus aliquo-
rum ex ea
allatis.*

*Si navis mercibus quibusdam datis tota redimatur a piratis, vel hoste; damnum commune omnium contributione refarciendum, quemadmodum propter jactum. Quodsi vero quis res suas saltem redemit, ceteris nihil conferre tenetur. Et, si pirata uni, vel alteri aliquid abstulerint, damnum ejus solius est, cujus sunt res. Etenim si navis tota mercibus quibusdam datis redimatur a piratis vel hoste, perinde omnino est, ac si communis periculi causa perderentur res alienæ, aut, si mavis, evitandi naufragii causa merces quædam de nave deicerentur. E-
nimvero si communis periculi depellendi causa res alienæ perduntur, damnum commune est (§. 621.), & si evitandi naufragii causa jactus fit, damnum commune est domini navis & eorum, qui merces in nave habent (§. 625.), communi contributione refarciendum (§. 627.). Quamobrem si navis mercibus quibusdam datis tota redimatur a piratis vel hoste, damnum quoque omnium contributione refarciendum, quemadmodum propter jactum. *Quod erat primum.**

*Si nave a piratis vel hoste capta unus saltem vel alter res suas redemit, cum tunc perinde sit ac si res suas, quas amiserat, recuperasset certis impensis factis, nulla sane ratio est cur ceteris, qui res suas non redemerunt, aliquid conferre debeat. Nihil adeo conferre debet (§. 70. *Onsol.*). *Quod erat secundum.**

Denique si piratæ uni, vel alteri aliquid abstulerint, tum casus in rebus navi impositis contingit, nullo quippe facto eorum, qui in nave sunt. Quodsi vero casus in rebus navi impositis contingit, damnum est solius domini (§. 666.).

Ergo

Ergo etiam damnum solius domini esse debet, si piratæ res, quas in navi habebat, abstulerint. *Quod erat tertium.*

Nimirum quando mercibus quibusdam datis redimitur tota navis, eadem pro omnibus dantur, qui merces in nave habent, & ipso domino navis: ast quando quis merces suas tantummodo redemit, nec ipse quidpiam dat pro aliis, nec ceteri, qui merces suas non redimunt, pro ipso quidpiam dederunt. In casu adeo priori manifesta est ratio contributionis, in posteriori nullam adesse apparet.

§. 668.

Quoniam perinde est, sive pro redimenda tota navi *De nave pecunia redempta.* dentur merces quædam, quæ in navi sunt, sive certa pecuniæ summa, quando vero navis tota mercibus quibusdam datis redimitur a piratis, vel hoste, damnum commune omnium contributione refarciendum, quemadmodum fit propter jactum (§. 667.); *si navis a piratis, vel ab hoste tota redimatur certa pecunia summa, cum domino navis omnes, qui res quasdam in nave habent, contribuere tenentur, consequenter si nauta pro promissa pecunia summa, qua navis tota redempta, interim captus manet, omnium contributione liberandus.*

Eadem etiam hic est ratio, quæ fuit in contributione propter jactum, nimirum ut omnes contribuant ad hoc, per quod res eorum servatæ sunt, & in hoc solutio pecuniæ, qua redimitur navis, convenit cum jactu, quo eadem levatur: utrumque enim est medium avertendi periculum res omnes amittendi.

§. 669.

Si nauta præter necessitatem sectetur loca devia aut non tuta; De nauta lo-
damnum, quod contingit, ipse solus refarcire tenetur. Etenim ea devia vel
si nauta præter necessitatem sectetur loca devia aut non tuta, minus tuta
ac damnum ideo datur; damnum hoc datur culpa ipsius, sectante.

Quamobrem cum damnum culpa datum is refarcire teneatur,
(*Wolfii Jur. Nat. Pars VI.*) U u u tur,

tur, qui dedit (§. 580. part. 2. Jur. nat.); nauta quoque solus damnum refarcire tenetur, si præter necessitatem sectetur loca devia, aut non tuta, ac damnum ideo detur.

Per se patet, notorium esse debere, quod loca sint minus tuta, cum ignorantia invincibilis nautæ imputari non possit (§. 550. part. 2. Phil. pract. univ.).

§. 670.

De mercibus vitio navis deterioratis.

Si vitio navis merces deteriorentur, damnum magister navis refarcire tenetur. Magister enim navis curare debet, ne vitio navis merces deteriores fieri possint, consequenter, si non fecerit, negligentem se præbet (§. 750. part. 1. Phil. pract. univ.). Quamobrem cum negligentia culpa sit (§. 758. part. 1. Phil. pract. univ.); si vitio navis merces quædam madescant ac deteriorentur, damnum culpa magistri datur. Quoniam itaque damnum quod quis culpa sua dat, refarcire tenetur (§. 580. part. 2. Jur. nat.); magister quoque navis damnum refarcire tenetur, si vitio navis merces deteriorentur.

Huc pertinet, si navis non bene stipata fuerit, aut non integra præstita. Quodocunque nimirum damnum datur culpa, id refarciendum est ab eo, cujus est culpa, nec propterea conferre debent alii, qui merces in navi habent. Non igitur opus est, ut plures casus afferamus, in quibus ob damnum vel in navi, vel in mercibus contingens cessat contributio.

§. 671.

Avaria quid sit.

Contributio, quæ datur ob jactum mercium, vel ad refarciendum damnum, quod quis in itinere maritimo aliter navis & omnium causa, qui res in nave habent, sustinuit, vocatur vocabulo barbaro *avaria*, idiomate patrio *Haverey*. Dividi vulgo solet in grandem & communem, in die *grosse und gemeine*. *avaria grandis* vocatur, quando etiam na-
vis

vis in contributionem venit: *communis* autem, quando tantummodo contribuunt, qui merces seu res in nave habent. Grandis etiam *grossa* appellatur.

Haverij sine omni dubio descendit a vocabulo Haven, quod portum significat, quemadmodum a vocabulo *Eclave* derivatur *Eclaverey*, a vocabulo *Zauberer* venit *Zaubererey*, & ita porro. Solet etiam quemadmodum in nomine Latino *b* a nonnullis omitti, ut loco *Haverij* dicatur *Averey*, vel minus recte *Averie*, quasi vocabulum Germanicum formandum esset e Latino, cum tamen vice versa Latinum formatum sit a Germanico. *Grossa* autem dicitur avaria a vocabulo itidem Germanico *groß*. Ad avariam communem, referri solet, notante *Müllero* ad *Struvium* Exerc. 20. §. 16. not. d: 1. pecunia, quæ piscatoribus & aliis personis locorum gnaris a magistro navis datur, ut navem salvam cum mercibus in tuto constituent, vulgo *loothmangeld*, nisi excedat sex marcas flandricas, cum alias pertineat ad avariam grossam: 2. quod datur ab eodem, dum prætervehuntur arces sive in fluminibus, sive in portibus: 3. quod solvitur pro navibus ex flumine & portu educendis. Sed nostrum jam non est ea discutere, quæ sunt juris positivi. Terminos tamen explicari hic consultum duximus, ut facilius appareat, quænam ex antea demonstratis ad avariam sint referenda, ne de hoc juris capite nihil prorsus dixisse videamur. Naturaliter ad avariam communem referenda facile agnoscuntur, quod scilicet ea non tam navis cum rebus, quæ eidem impositæ sunt, servandæ causa data sint, quam ut merces in locum destinatum salvæ perveniant. Sequentem adeo addere lubet propositionem.

§. 672.

Quæ non tam navis, quam mercium saltem gratia quæcumque de causa impendantur; ad ea tantummodo conferre debent, qui vis non veres navi imposuerunt, non vero dominus navis quicquam conferat in contrævenetur. Quoniam enim qui res suas navi imponunt, cum contributionem.

magistro navis conveniunt, ut eas pro mercede promissa in locum destinatum deferat; magister quoque navis non obligatur nisi ad navem huic usui aptam præstandum & ad præstandum operas ad vehendum navem necessarias (§. 428. *part. 3. Jur. nat.*). Quodsi ergo necesse fuerit, ut quacunq; de causa mercium saltem gratia quædam fuerint impendenda; ad ea nihil conferre tenetur magister, vel dominus navis. Cum vero intersit omnium eorum, qui merces aut res quasdam in nave habent, impensas istas fuisse factas; ad id, quod omnium causa datum est, conferre quoque omnes debent.

Hinc facile deducitur, utrum navis in contributionem venire debeat, nec ne, in casu quodam dato, consequenter ea discernuntur, quæ ad avariam grossam & quæ ad communem pertinent. Ita pecunia, quæ datur personis locorum gnaris a magistro navis, ut navem salvam cum mercibus in tuto constituent, naturaliter ad avariam grossam referenda: jus naturæ enim non distinguit inter majus & minus, sed in magno & parvo idem jus est, nisi aliunde differentia veniat. Juris ad eo mere positivi est, ut pecunia ista non referatur ad avariam grossam, nisi quando sex marcas flandricas excedit.

§. 673.

De impensis solius navis causa factis. Qua in navem reficiendam, armandam & ministris necessariis instruendam impenduntur; ad ea nil conferre tenentur, qui merces in nave habent. Quoniam enim magister navis vel solam operam locat ad res in locum destinatum nave vehendas, vel ipsam etiam navem; in casu posteriori ipse suo fuitu navem præstare debet huic usui aptam, ad quem conducitur (§. 1230. *part. 4. Jur. nat.*), in priori autem navis armata & ministris necessariis instructa spectatur tanquam instrumentum, sine quo operæ promissæ præstari nequeunt, consequenter necesse est, ut in eodem quoque navem aptam præ-

præstet ad res in locum destinatum vehendas. Quodsi ergo navis reficienda, armanda aut ministris necessariis instruenda, quicquid est hujus negotii, id ad magistrum navis solum pertinet, consequenter nec ad ea, quæ eo fine impendenda, qui res in nave habent, quicquam conferre tenentur.

Idem omnino etiam observandum & observari solet, quando res curru vel plastro vehuntur, ubi quæ in equos & currum impendit auriga, ad ea nihil conferunt, qui res curru imposuerunt, & damnum, quod in equis ac curru contingit, solius aurigæ est. Conveniunt sane vectura marina & terrestris in eo, quod res pro certa mercede salvæ deferri debeant in cerum locum: mirum igitur non est, quod utrobique æquale jus sit, nisi quatenus in mari quædam accidunt, quæ in terra locum non habent, nec ad commune quoddam genus reduci possunt.

§. 674.

Si navis defendenda causa in conflictu cum piratis, aut in ministerio navis quis vulneratus fuerit, impensa in curationem factæ cum plena mercede ab omnibus pro rata restituenda. Idem tenendum de impensis in sepulturam, si occisus fuerit. Quando enim navis contra piratas defenditur, id fit communis periculi avertendi causa, ne scilicet navis cum iis, quæ in eadem sunt, capiatur, consequenter dominus navis navem, qui res in nave habent, res suas amittant. Quamobrem si quis vulneratus fuerit navis defendendæ causa, damnum hoc spectatur tanquam medium, quo commune periculum depelli necesse fuit, adeoque perinde ac damnum ex jactu emergens censeretur debet, quod in curationem impenditur. Quoniam itaque ad damnum, jactu datum pro rata contribuere tenentur, qui res in nave habent & dominus ipse navis (§. 627.), ad impensas quoque in curationem factas

De eo, qui in conflictu cum piratis, vel ministerio navis vulneratur aut occiditur.

conferre debent, quotquot res in nave habent ac dominus navis pro rata. *Quod erat primum.*

Enimvero quoniam vulneratus operas præstare nequit, quia navis cum rebus eidem impositis defendendæ causa periculum subiit, si mercede ob operas, quas præstare non potuit, antequam vulnus curatum fuerat, carere deberet, damnum hoc pati deberet omnium eorum causa, qui res in nave habent, ac ipsius domini navis causa, perinde ac si is solus damnum pati deberet, cujus res communis periculi avertendi causa de nave dejectæ sunt. Quamobrem cum ad damnum jactu datum omnes, qui res in nave habent, ac dominus navis contribuere debeant (§. 112.). ad eam quoque mercedem, qua propter vulnerationem carere deberet, conferendum tenentur omnes, quorum merces in nave sunt, ac ipse dominus navis, pro rata, ut plenam adeo mercedem accipiat, qui vulneratus fuerat. *Quod erat secundum.*

Quodsi quis in ministerio navis vulneretur, periculum hoc subire cum debuerit omnium causa, nimirum ut navis cum mercibus servetur, consequenter commune periculum avertatur; eodem, quo ante modo patet, ad impensas in curationem factas cum plena mercede omnes conferre debere, qui res in nave habent, atque ipsum dominum navis pro rata. *Quod erat tertium.*

Denique si quis in conflictu cum piratis, aut in ministerio navis occiditur; impensæ in sepulturam eadem de causa fiunt, qua fieri debent in curationem, si tantummodo vulneratus. Quamobrem cum impensæ in curationem factæ pro rata restituendæ sint ab omnibus, quorum res in nave sunt ac ipso domino navis *per demonstrata*; impensæ quoque

in sepulturam eodem modo restituendæ, si quis occisus fuerit in conflictu cum piratis, vel in ministerio navis. *Quod erat quartum.*

§. 675.

Pecunia in ipsam navem credita, bodemeria contracta, ob jactum vel casum alium similem in contributionem non venit. Bodemeria enim contrahitur, si nauta in itinere pecunia indiget, ut sine ea navem ducere non possit (§. 425. *part. 3. Jur. nat.*). Quamobrem pecunia, quæ mediante hoc contractu in ipsam navim creditur (§. 420. *part. 5. Jur. nat.*), ad impensas in iter faciendas pertinet, adeoque ad ea, quæ in itinere consumuntur, consequenter cibariis æquiparantur, quæ in itinere consumendi causa navi imponuntur. Quoniam itaque cibaria, quæ quis in itinere consumendi causa navi imposuit, in contributionem ob jactum minime veniunt (§. 645.); ideo nec pecunia in ipsam navem credita, bodemeria contracta, ob jactum, vel alium casum similem in contributionem venit.

*De pecunia
in navem
credita.*

Ostenditur etiam hoc modo. Qui pecuniam in navem credit, is nullas navi imponit merces, quæ eandem onerant, ut propterea jactus fieri debeat navis levandæ causa, nec pecunia ista, quando navis cum mercibus a piratis redimenda, redimitur: in utroque nimirum casu nulla ejus habetur ratio. Immo quæcunque fiunt navis ac rerum eidem impositarum conservandarum causa, eodem prorsus modo fieri debent, sive pecunia in navem fuerit credita, sive minus, & nihil horum fit ea intentione, ut debitum bodemeriale servetur, adeoque solvi possit. Quoniam itaque nec jactus fit, nec aliud damnum subitur, quod subeundum, ut navis una cum rebus eidem impositis salva in locum destinatum per-

pervenire possit, in gratiam ejus; qui pecuniam in navem credit; nulla quoque ratio est, cur creditor bodemerialis quicquam conferre debeat ad damnum istud refarciendum, adeoque pecunia in ipsam navem credita bodemeria contracta ob jactum vel casum alium similem in contributionem non venit.

Ex demonstratione priori liquet, ab ipsa pecunia in navem credita nullam desumi posse rationem, cur ea in contributionem venire debeat. Pecunia hæc referenda ad impensas, sine quibus navis in locum destinatum duci nequit. Impensæ autem in contributionem venire nequeunt, cum propter eas non fiat jactus, vel navis a piratis redimatur, aut simile quid fiat, nec adeo pro iis datum intelligatur, quod amissum est. Ex demonstratione autem posteriori patet, nec a creditore bodemeriali desumi posse rationem, cur quid ob jactum vel alium casum similem contribuere debeat, etsi ejus interfit, ut navis ac merces ferventur (§. 421. part. 5. Jur. nat.). Etenim non nisi per accidens fit, ut jactus profit creditori bodemeriali, quemadmodum assecuratori. Observari etiam hoc solent ut pecunia ista a contributione libera sit. Unde dici solet *Boomerer giebt nicht Haverey.*

§. 676.

De nave in retia impulsa. Si navis mea impulsæ fuerit in retia alterius, ea discindere licet, si aliter explicari nequit. Etenim si navis mea in retia aliena impulsæ aliter explicari nequit, nisi ea discendantur; medium unicum explicandæ navis, adeoque eam servandi est retium discissio. Quamobrem etsi nemini liceat rem alterius destruere (§. 647. part. 2. Jur. nat.), consequenter nec retia discindere; cum tamen dominia introducta intelligantur cum tacita hac restrictione, ut, si in casu emergente contingat alicui penitus auferri usum rerum necessariorum, eidem jus aliquod competat in eas res, quæ sunt in domi-

dominio (§. 563.), necessitate licitum efficiente actum, qui alias illicitus foret (§. 573.), quin discindere liceat retia alterius, in quæ navis mea impulsâ est, si aliter explicari nequeat, dubitandum non est.

Dominus rem suam nulla urgente naturali obligatione destruere, corrumpere vel deteriores reddere non debet (§. 648. *part. 2. Jur. nat.*), consequenter si navis in retia fuerit impulsâ, danda quoque opera est, ut explicetur. Actus igitur explicandæ navis jure naturali non modo licitus, sed etiam debitus. Quodsi adeo retia aliena discindere non liceret, tibi penitus ablati esset usus rei, quæ carere minime potes, siquidem obligationi tuæ satisfacere volueris. Quamobrem dubitandum non est, casum præsentem sub tacita ista restrictione, sub qua dominia introducta intelliguntur, contineri. At casu, quo navis mea in retia tua impulsâ, commune nobis periculum imminet, cum aut navis destruenda sit, aut retia discindenda. Enimvero in communi periculo, quo res sua servari nequit, nisi perdendo alienam, res minoris pretii perdenda, ut servetur pretiosior (§. 623.). Quamobrem retia potius discindenda, ut explicetur navis, quam navis destruenda, uti salva sint retia. Damnum minus præferendum majori & ut hoc fiat, utriusque interest, quia ex antecedentibus abunde patet, damnum pro rata commune esse debere, siquidem casu impulsâ fuerit navis: alias enim damnum dolo, vel culpa datum resarciendum (§. 580. *part. 2. Jur. nat.*).

§. 677.

Sæviente incendio, ædificium vicini destruere licet, ut serventur propria; damnum vero commune contributione eorum satisfaciendum, ad quorum ædes probabiliter ignis pervenire potuerat. *Structis communi incendio, ad quorum ædes probabiliter ignis pervenire potuerat, quod enim incendio sæviente ædibus meis ac vicini immittitur, periculum commune est. Enimvero si commune periculum aliter depelli nequit, quam rem alienam perdendo, eam perdere licet ac damnum commune est, eorum scilicet,*

(*Wulfi Jur. Nat. Pars VI.*)

Xxx

a qui-

a quibus periculum aversum (§. 621.). Quamobrem si incendio orto periculum imminet ædibus meis ac ulterioribus, ædes vicini destruere licet, ut serventur propriæ ac ulteriores, damnum vero commune est ejus, cujus ædes dirutæ, ac eorum, quorum ædes fuerant servatæ. *Quod erat unum.*

Enimvero quoniam damnum commune est, adeoque pro rata inter dominum ædium destructarum & eos, quorum servatæ sunt ædes, dividendum pro rata (§. 134. part. 3. Jur. nat.); damnum communi contributione eorum sarcindum, ad quorum ædes probabiliter ignis pervenire potuerat. *Quod erat alterum.*

Casum hunc ad extensionem legis Rhodiæ referunt interpretes Juris Romani vi interpretationis extensivæ (§. 516.). Enimvero casus præsens non minus particularis est, quam aliter de jactu navis levandæ causa factus, qui cum hoc sub eadem lege generali continetur (§. 621.). In Jure igitur naturæ ex hac deducenda ejus definitio, minime autem is reducendus ad casum de jactu. Hoc tamen non obstante quæ de contributione ob jactum faciendâ demonstrata sunt, ad casum quoque præsentem applicari possunt, nec ea denuo repeti opus est.

§. 678.

*Quoniam
restric-
tio hic
non admit-
tenda.*

Quoniam ædificium vicini incendio sæviente destruere licet, ut serventur propriæ (§. 677.), consequenter si periculum imminet & vicini ædibus, ac propriis, per se autem patet, valia certo prævideri minime posse, atque adeo iudicio probabili esse standum; ideo *contributio non cessat, etiam si ignis de ædibus jam combustis non transeat usque ad eas, quæ destructæ sunt, consequenter ædes tam meæ, quam vicini salva manserunt sine destructione: neque etiam attendendum, utrum quodammodo aerium fuerit, nec ne, ædes dirutas nihilominus perituras fuisse.*

Nimirum ædes vicini diruntur, non quod certo constet, nisi iis dirutis ceteras remotiores servari minime posse; sed ob
metum

metum justum, ne ad eas quoque transeat feralis flamma. Suf-
ficit adeo adesse rationes probabiles, ob quas metuendum, ne
hoc fiat. Sed ne postea de contributione lis oriatur; ideo
consultum est, ut in eandem consentiant, qui sibi metuunt, ne
ædes suæ comburantur. Quoniam vero ædium paulo remo-
tiorum non idem est periculum, quod propiorum; ideo in æsti-
mando eo, quod unicuique contribuendum, habenda quoque
ratio est magnitudinis periculi. Sed cum difficilis sit hujus de-
terminatio, ideo quoque consultum est, ut unusquisque, qui
in destructionem ædium alienarum conservandarum propria-
rum gratia consentit, declaret, quantum contribuere velit. In
statu civili, quando lege positiva definiendum quid conveniat,
ne ab æquitate nimis recedatur, ex magnitudine periculi, a po-
steriori probabiliter æstimanda, definienda est rata contributio-
nis, nisi utilitas publica aliud suaserit: quod ideo monendum
esse duximus, ne perperam ad statum civilem trahantur, quæ
naturali conveniunt.

§. 679.

Si ædibus vicini destructis tua nihilominus comburantur; con- *Quando*
tributio cessat. Etenim si ædibus vicini destructis nihilomi- *con-*
nus tuæ comburantur; illarum destructione tuæ non fue- *tributio*
runt servatæ, ac cum flamma tuas corripere non potuisset nisi *cessat.*
deslagratis ædibus vicini, huic in gratiam tuam nullum damnum
datum intelligitur. Nulla igitur ratio est, cur ad resarcien-
dum damnum illius quicquam conferre debeas, aut confer-
re debeat alius, qui nullum commodum ex ædium destru-
ctione percepit. Quamobrem si ædibus vicini destructis
tuæ nihilominus comburantur; contributio cessat.

Casus hic assimilatur ei, quo jactu mercium facto navis ni-
hilominus naufragio interit (§. 657.). Quamobrem huc et-
iam applicari poterat demonstratio, quam de eo dedimus (§.
cit.). Ratio nimirum contributionis quemadmodum in ja-
ctu hæc est, quod damno alterius commune periculum fuit

depulsum. Hoc igitur ubi factum non fuerit, contributionis ratio nulla est, consequenter ipsa contributio cessare debet.

§. 680.

*De domo incendi
cendii ex-
tinguendi
causa diru-
ta.*

Si domus incendi; extinguendi causa diruatur, quæ jam ardet, vicini nihil conferre tenentur. Quodsi enim domus alicujus ardeat, incendium extinguendum est, quod per se patet. Quodsi ergo incendi; extinguendi causa sit diruenda, ne conflagrando flamma alatur; domus utique diruenda. Quamobrem cum domus in hoc casu non diruatur, ut ab ea ac ædibus vicinorum periculum commune avertatur, sed tantummodo caveatur, ne interitæ ædium conflagrantium damnum faciant vicinæ; nulla quoque ratio est, cur vicini aliquid ad refarciendum damnum ejus, cujus domus incendi; extinguendi causa diruta, conferant, adeoque nihil conferre tenentur (§. 70. *Ontol.*).

Aliud omnino est periculum commune damno unius avertere, aliud caverè, ne damno unius damnum faciat alter. Quoniam quilibet obligatur ad damnum ab altero, quantum in se est, avertendum (§. 495. *part. 2. Jur. nat.*), quilibet etiam cavere debet, ne damno suo damnum faciat alter, quantum fieri potest. Atque adeo quilibet obligatur ad diruendum domum suam incendi; extinguendi causa, siquidem metuendum sit, ne alias flamma ædes vicinas corripiat. Sane id intenditur, quocunque modo incendium restingvatur, nec propterea illi, quorum interfuit, incendium restingui quicquam conferre tenentur ad refarciendum damnum incendio datum. Omne autem damnum, quod incendi; restingvendi causa patitur dominus, cujus domus ardet, incendio eidem datum intelligitur, nec ullo modo aliis imputari potest. Ast si damnum uni datur, ut reliquorum damna avertantur; tunc demum contributioni locus est, cum nemo damno suo damnum alienum avertere teneatur.

§. 681.

§. 681.

Is, cujus dolo vel culpa incendium ortum, ei, cujus domus Si incendi-
alium conservandarum causa diruta, damnum datum refarcire um dolo vel
tenetur: quodsi facere possit, ceteri, quorum ædes conservatae sunt, culpa alicu-
a contributione liberantur. Quoniam enim is, qui dolo vel *ius ortum.*
culpa sua damnum dat, id refarcire tenetur (§. 580. part. 2.
Jur. nat.); is etiam, cujus dolo vel culpa incendium oritur,
damnum omne refarcire tenetur, quod eodem datur aliis,
consequenter etiam ei, cujus domus diruenda fuit aliarum
conservandarum causa. *Quod erat primum.*

Quodsi ergo damnum refarcire possit, cum tum nihil
amplius supersit, quod refarciendum, nec ceteri, quorum
ædes destructione domus unius servatae sunt, quicquam am-
plius conferre tenentur, consequenter a contributione sua
liberantur. *Quod erat secundum.*

Enimvero cum & is, cujus dolo vel culpa incendium
ortum fuit, *per demonstrata n. 1.* & ceteri, quorum ædes ser-
vatae sunt, ad damnum datum refarciendum teneantur (§.
677.); per hoc, quod ipse solvendo non sit, non liberan-
tur ceteri ab obligatione sua, cum damnum nondum sit repa-
ratum, quemadmodum contingit, si ille refarcire damnum po-
tuerit, *per demonstrata n. 2.* Quamobrem adhuc id conferre
tenentur pro rata, ad quod conferendum erant obligati.
Quod erat tertium.

Refarciendi damni ejusdem duplex obligatio est, una quæ
nascitur ex delicto, vel quasi delicto, seu ex facto dolo, vel
culposo alterius; altera vero, quæ nascitur ex communis pe-
riculi aversione damno unius facta, quod impensis communibus
avertendum erat. Idem damnum nonnisi semel refarciri pot-
est, quemadmodum debitum unum nonnisi semel solvi.
Quodsi ergo is damnum refarcivit, cujus dolo vel culpa datum;

contributio illorum cessat. quorum ædes destructione domus unius servatæ sunt. Enimvero cum duo hic sint ad idem damnum resarciendum obligati, ita ut unius solutione liberetur alter; ratio utique aliqua esse debet, cur unus principaliter, alter vero minus principaliter, adeoque nonnisi in subsidium obligetur. Tenendum itaque, obligationem, quæ ex facto dolo, vel culposo oritur, jam extare, antequam de communi periculo damno unius avertendo cogitari possit. Quando igitur casus emergit, quo hoc faciendum, obligatio damni communi contributione resarciendi non nascitur nisi sub hac conditione, si is, qui dolo, vel culpa sua dedit damnum, id resarcire non potuerit: neque enim propterea quod hoc facere non possit ædes suas conflagrare malunt ii, quorum ædibus periculum imminet, quam ejus avertendi causa quidpiam conferre. Immo cum omne damnum a se avertere obligentur (§. 493. part. 2. Jur. nat.); id malle debent.

§. 682.

Innoxia utilitas dicitur, quæ percipitur sine detrimento alterius, ac molestia. Et *Res innoxia utilitatis* appellatur, quæ accipienti utilis, dantem tamen non gravat, seu nullum ei detrimentum, aut molestiam affert.

Huc e. gr. refertur non prohibere aquam profluentem, pati ab igne ignem capere, consilium fidele deliberanti dare, erranti viam rectam monstrare, non perdere rem necessariam, cujus copia nobis suppetit, sed eam aliis relinquere, quibus usui esse potest, manum lapsò porrigere.

§. 683.

De rebus innoxia utilitatis alteri indulgendis. *Quod innoxia utilitatis est, alteri libenter indulgere debemus.* Quod enim innoxie utilitatis est, id accipienti quidem utile, dantem tamen non gravat, ita ut sine hujus detrimento ac molestia dare aut facere alter possit (§. 682). consequen-

sequenter eo, quod datur, dans non ipse opus habet, & ei qui facit, facere omnino vacat. Quoniam itaque homines sibi mutuo ad dandum, vel faciendum obligantur, prouti unusquisque indigere vel opera alterius (§. 124. *part. 3. Jur. nat.*), & si qui dare debet, re ipse opus non habet (§. 127. *part. 3. Jur. nat.*), aut qui facere debet, eidem vacat (§. 129. *part. 3. Jur. nat.*); quod innoxie utilitatis est, alteri libenter indulgere debemus.

Notandum hic est facere sub se comprehendere etiam permittere aut pati, ut alter quid faciat, veluti si permitto, aut patior, ut quis in area mea vestimentum madefactum soli exponat. Quando igitur non adsunt rationes singulares, ob quas accessus in aream meam mihi accidit molestus, vel alia in eadem peragenda minime obstant, quo minus locum concedere possim vestimento soli exponendo; indulgere alteri utique teneor, ut vestimentum madefactum in area mea soli exponat, nisi alibi eadem commoditate facere possit. Ita ignem capere de igne meo res innoxie utilitatis est, quando hoc fieri potest absque molestia mea: etsi enim nullum mihi detrimentum afferatur, si hoc fiat, molestum tamen non una de causa accidere potest, ut quis candelam accensurus ad me accedat. Hoc ubi fit, res, quæ in se spectata erat innoxie utilitatis, quatenus nullum mihi adfert detrimentum, talis esse desinit (§. 682.). Quamvis enim tibi denegare non debeam, quod sine detrimento meo fieri potest, *vi presentis*; tu tamen vicissim obligaris ad molestiam mihi non creandam (§. 723. *part. 1. Jur. nat.*). Nisi ergo extrema adsit necessitas, ut scilicet tibi aliter consulere non possis, a me petere non debes, quod cum molestia mea conjunctum est (§. 573.). Non est quod nimiam scrupulositatem in rebus exigui, vel nullius fere momenti accuses; etenim jus naturæ non distinguit inter magnum & parvum, sed eandem actionis rectitudinem semper ac ubivis requirit (§. 189. *part. 1. Phil. pract. univ.*). Quando demonstratur, quid debitum, quid licitum, quid illicitum sit; demonstratio semper

proce-

procedit absque hac restrictione, nisi res fuerit exigui, aut nullius fere momenti. Ita e. gr. quando demonstratur, te alteri nullum rædiuñ, seu molestiam nullam creare debere (§. 723. *part. 1. Jur. nat.*), haud quaquam sumitur, eam non esse debere exigui momenti, aut contemnendæ fere parvitat. Etiam alias monuimus (*not. §. 580 par. 2. Jur. nat.*), jus naturæ non attendere differentiam inter magnum & parvum, quando jubet damnum culpa datum resarcire, sed reparationem damni urgere, qualecunque & quantumcunque fuerit, & quacunque culpa fuerit datum, cujus nullos gradus admittit. Patebit quoque suo tempore in Philosophia morali, quantum interfit, ut etiam in minimis nos honestos & erga alios justos ac æquos præbeamus, quemadmodum Deus in minimis maximus.

§. 684.

*De jure in
rem innoxia
utilitatis.*

Quoniam obligamur ad lubenter indulgendum alteri, quod innoxia utilitatis est (§. 683.), ex obligatione autem passiva nascitur alteri jus ad id, ad quod alteri obligati sumus (§. 23. *part. 1. Jur. nat.*); *naturaliter homini competit jus ad res innoxia utilitatis, quæ sunt alterius.*

Ita tibi jus competit ad capiendum ignem de igne meo, nisi accessus ad eundem mihi accidat molestus. Similiter jus tibi competit a me petendi, ut viam rectam erranti tibi monstrem, aut ut tibi indigenti potius dem rem, qua uti ego non possum, aut cujus molesta mihi est asservatio, quam ut eandem corrumpam.

§. 685.

*Jus innoxia
utilitatis
quodnam sit.*

Jus, quod nobis competit ad res innoxia utilitatis, quæ sunt alterius, dicitur *Jus innoxia utilitatis.*

Ita jus capiendi ignem de igne alterius jus innoxia utilitatis est. Tale etiam est jus ad eas res, quas alter non curat, quia ipsi nulli sunt usui, quæ autem tibi usui sunt, itemque jus ad aquam profluentem, qua sitim restinguere vis.

§. 686.

§. 686.

Dominia rerum introduci non potuerunt nisi salvo jure innoxie utilitatis. Etenim in communione primæva finito rei usu, quæ usu non consumitur, alius quicumque eadem licite uti potest (§. 38. part. 2. *Jur. nat.*), nec rerum, quæ usu consumuntur, major copia tibi concessa, quam quanta indiges (§. 27. 28. part. 2. *Jur. nat.*), nec etiam impedire potes, ut alii volentes participant usum rei, quem tu actu facis, si alii adhuc eundem una participare possunt (§. 40. part. 2. *Jur. nat.*). Quoniam igitur dominiorum introductione jus commune in proprium abiit (§. 118. part. 2. *Jur. nat.*), ut adeo eodem excludantur ceteri omnes, in quorum dominio res non est (§. 120. part. 2. *Jur. nat.*), naturaliter vero homo homini obligetur ad alterius commoda perinde ac sua promovenda, quantum in se est (§. 608. part. 1. *Jur. nat.*); dominia introduci non potuerunt nisi cum tacita hac exceptione, ut alteri indigenti concessus esse debeat usus rei, quam sine detrimento ac molestia domini facere potest, consequenter innoxie rei usus (§. 682.). Quamobrem cum hoc sit jus innoxie utilitatis (§. 685.); dominia rerum introduci non potuerunt nisi salvo jure innoxie utilitatis.

Jus innoxie utilitatis quatenus in dominiorum introductione exceptum.

Introductione dominiorum sublata est communio primæva (§. III. 118. part. 2. *Jur. nat.*): quod etsi non invita lege nature fieri potuerit (§. 109. part. 2. *Jur. nat.*), cum tamen jus connatum sit (§. 10. part. 2. *Jur. nat.*), quale auferri homini non potest (§. 64. part. 1. *Jur. nat.*), dominia quoque introduci non potuerunt, nisi ut exercitium ejus restringeretur, quantum necesse erat, ut hoc jure, quod ultra usum necessarium rerum non extenditur (§. 21. part. 2. *Jur. nat.*), tutius & abundantius frui possent, consequenter jus istud non magis restringi potuit, quam necesse erat, ut dominia subsisterent. Quoniam itaque innoxia utilitas ex re alterius percipitur sine domini detrimento ac molestia (§. 682.), res communes ma-

nere debuerunt, quatenus innoxiam præbent utilitatem. Atque adeo patet dominia rerum introduci non potuisse, nisi salvo jure innoxie utilitatis. Ceterum quod dixi, dominia rerum introducta fuisse, ut jure per naturam communi tutius & abundantius frueremur, facile intelliget, qui communionem primævam penitus inspexit. Etenim in communiione primæva nemo excluditur a jure utendi re quacunque (§. 103. part. 2. *Jur. nat.*), ac nemo majorem vitæ commoditatem & jucunditatem prætereendere potest altero (§. 100. part. 2. *Jur. nat.*). Vis autem omnis licita in eum, qui quocunque modo impedit usum rerum necessarium actualem, sine qua conatus irritus fieri nequit (§. 54. part. 2. *Jur. nat.*), ac ubi fecerit, eundem punire licet (§. 55. part. 2. *Jur. nat.*), jusque puniendi infinitum est (§. 56. part. 2. *Jur. nat.*). Licet etiam servare res in usum futurum, nisi alterius necessitati præsentis derogetur (§. 93. part. 2. *Jur. nat.*). Metuenda igitur sunt continua bella (§. 1102. part. 1. *Jur. nat.*): quibus cum amplius locus non sit, si res sint in dominio (§. 118. 120. part. 2. *Jur. nat.*), dominiis introductis jure natura communi tutius frui utique datur. Præterea in communiione primæva res etiam industriales & artificiales sunt communes (§. 29. part. 2. *Jur. nat.*), nec ei, cujus curæ, industriæ ac labori debentur, plus juris in easdem competit, quam alii cuicunque (§. 32. part. 2. *Jur. nat.*). Quamobrem cum singuli operam dare debeant, ne defuit sufficiens copia rerum necessariorum, utilium & voluptuariorum, sive industrialium, sive artificialium (§. 511. part. 1. *Jur. nat.*); facile intelligitur, perpaucos fore, communiione primæva subsistente qui huic officio satisficiant, ut adeo multiplicato genere humano valde metuendum sit, ne rerum sufficiens copia deficiat, quibus homines indigent. Unde porro intelligitur dominiis introductis jure, quod per naturam erat commune, abundantius frui posse homines. Non est, quod ea hic urgeamus, quæ quotidiana, immo momentanea experientia suggerit.

§. 687.

Jus innoxie utilitatis est jus ex communione primæva residuum. Dominia enim rerum introduci non potuerunt, nisi salvo jure innoxie utilitatis (§. 686.). Quamobrem cum jus innoxie utilitatis nobis competat ad res, quæ sunt alterius (§. 685.), ex communione autem primæva residuum est jus, quod, postquam dominia rerum introducta sunt, nobis adhuc competit in eas res, quæ sunt in aliorum dominio (§. 561.); jus innoxie utilitatis, quo non nisi salvo dominia rerum introduci potuerunt, est jus ex communione primæva residuum.

Jus innoxie utilitatis undenam sit.

Jus innoxie utilitatis non ante datur, quam ubi dominia fuerunt introducta. Cum enim in communione primæva unicuique competat jus ad rem quamlibet, prouti usus ejusdem ipsi necessarius est (§. 27. 29. *part. 2. Jur. nat.*); dominiis introductis, saltem jus est ad res innoxie utilitatis: quod tamen ne in nimium extendatur contra jus domini, probe perpendenda sunt, quæ ad jus innoxie utilitatis requiruntur, nimirum ut utilitas percipiatur sine ullo detrimento domini, nec usus rei ipsius ullam eidem afferat molestiam (§. 682.). Quamprimum enim alterutrum horum obrinet, utilitas definit esse innoxia, consequenter nec juri innoxie utilitatis locus est.

§. 688.

Si flumina dominio subjecta sunt, nemo prohiberi potest aqua profluente, nimirum ne bibi hauriri que possit. Etenim cum aqua in flumine continuo profluat ac tandem in mare decurrat, in ejus autem locum, quæ decurrit alia continuo succedat; nihil detrimenti patitur is, cujus est flumen, si quis alius aquam inde hauriat, vel ut bibat, vel ad usum quendam alium. Ac per se patet, nullam molestiam afferri ei, cujus est flumen, quod quis alius aquam inde hauriat.

De jure in aquam profluente flumine proprio facte.

litas innoxia est, quæ ex re aliena percipitur sine detrimento ac molestia domini (§. 682.), adeoque & ipsa aqua in flumine profuens res innoxie utilitatis (§. cit.), naturaliter autem homini competit jus ad res innoxie utilitatis, quæ sunt alterius (§. 684.), quo non nisi salvo dominia introduci potuerunt (§. 686.); si flumina dominio subiecta sunt, nemo prohiberi potest aqua profuente, nimirum ne bibi haurisque possit.

Si utilitatis innoxie esse debet aqua profuens, non promiscue omnis usus ejus alicui concessus intelligitur. Sane si ad hauriendum aquam per hortum alterius accedere velis; aditus non conceditur jure innoxie utilitatis, utpote domino molestus, adeoque per accidens quoque haustus aquæ tum minime concessus intelligitur. Et, si quis ex flumine aquas deducere velit, quo illud fiat deterius, ad permissum non est. Innoxie vero utilitatis est usus aquæ profuentis ad aquandum, aut lavandum, adeoque prohiberi nequit.

§. 689.

*De transitu per terras & flumina pro-
pria concedendo.* *Transitus ad causas justas per terras & flumina dominio sub-
jecta denegari non potest, nisi merus justus damni adsit.* Etenim per se patet, per flumen navigando nullum detrimentum adferri ei, cujus est flumen, atque idem fieri absque ulla ipsius molestia, consequentes transitum per flumen in se esse innoxie utilitatis (§. 682.). Quod si transitus fiat ob justas causas, nihil a transeunte intenditur, quod officiis erga se vel alios repugnet, aut juri alicujus contrarietur: id enim per causas justas indigitamus. Quamobrem nec metuentum, ut concedendo transitum concurras ad actum illicitum. Quoniam itaque naturaliter nobis competit jus ad res innoxie utilitatis, quæ sunt alterius (§. 684.), nec dominia introduci potuerunt, nisi hoc jure salvo (§. 686.) tran-
situs

situs ad causas justas per flumina dominio subjecta denegari non potest. *Quod erat primum.*

Cum transitus per terras dominio subjectas sine ullo detrimento fiat, nec ulla ii, quorum in dominio sunt terræ molestiæ afficiuntur, si quis via ordinaria incedat, aut vehatur; idem quoque ad res innoxie utilitatis pertinet (§. 682.). Cumque fiat ad causas justas, *per hypoth.* denuo metuendum non est, ne ad actum illicitum concurras. Patet igitur ut ante, transitum quoque ad causas justas per terras dominio subjectas denegari nemini posse. *Quod erat secundum.*

Enimvero quam primum non vanus est metus fore, ut transitus iis, in quorum dominio sunt terræ vel flumina, sit damnosus, adeoque multo magis, si certum periculum illis inde imminet; transitus ille non amplius erit ad res innoxie utilitatis referendus (§. 682.). Cumque damnum quodvis a nobis avertere debeamus (§. 493. *part. 2. Jur. nat.*); nobis quoque jus est denegandi transitum per terras nostras ac flumina nostra (§. 159. *part. 1. Phil. pract. univ.*). Quamobrem aliis transitum ad justas causas per terras & flumina nostra concedere non tenemur, nisi quando justus damni metus abest. *Quod erat tertium.*

In concedendo transitu per terras ac flumina nostra duo consideranda sunt, nimirum primo an nobis sit innocuus, deinde secundo an petatur ob causas justas. Prima inquisitione opus est, ut constet, num transitus pertineat ad jus innoxie utilitatis: alterum vero requiritur, ne tibi imputari possit factum alterius, quod cum impedire posses, impedire noluisse (§. 678. *part. 1. Phil. pract. univ.*). Quoniam lex naturæ nobis non dat jus nisi ad ea, sine quibus obligationi naturali satisfieri nequit (§. 159. *part. 1. Phil. pract. univ.*); ideo nec dat jus ad

transitum innocuum per alienas terras ac flumina nisi ob causas justas, consequenter nec eis concedendus nisi in eo casu. *Grætur* de J. B. & P. lib. 2. c. 2. §. 13. huc refert, si finibus suis expulsi quærent terras vacuas, aut si qui commercium experunt cum seposita gente. Huc etiam refert, si qui quod suum est justo bello petunt. Sed de eo rectius agetur, quando de Jure Gentium agemus: ubi etiam accuratius discutienda erunt, quæ ad transitum ob commercium cum seposita gente concedendum spectant. Hic exempli loco esse potest, si quis valetudinis recuperandæ, vel studiorum gratia, aut sui perficiendi causa in alienas regiones excursurus transitu per terras nostras vel flumina opus habet: tum enim alterum adjuvare debemus, ut finem intentum consequatur, quantum in nobis est (§. 637. 643. *part. 1. Jur. nat.*). Quoniam inquirendum est in causas transitus alteri per terras ac flumina nostra concedendus; causæ istæ connexæ esse possunt cum officio transeuntis debito veluti in exemplo, quod modo dedimus, atque tunc obligatio concedendi transitus efficitur major, & rationes particulares ab officio erga transeuntem naturali pendo demonstratio efficitur evidentior, ac in consensu extorquendo fortior. Constat olim Sinenses aditum in terras suas denegasse omnibus exteris, ita ut pœna capitali afficeretur, si quis intra fines eorum deprehenderetur. Videtur hoc repugnare juri, quod hactenus stabilivimus. Nec forsitan deerunt, qui mirabuntur, cur tam severe prohibuerint accessum peregrinorum ad terras suas Sinenses, qui tamen præ aliis gentibus omnem moverunt lapidem, ut virtutum studio ac prudentia civili eminent. Enimvero si rationes penitus inspiciamus, ob quas peregrinis aditum ad terras suas denegarunt: in propatulo est, eam non sine ratione ipsis visum fuisse damnosum, ut adeo citra injuriam exteris promiscue denegari potuerit. Sed cum illas penitus inspicere non liceat, nisi jure civitatis cognito atque perspecto, eas alio loco rectius discutere dabitur.

§. 690.

De transitu

Quoniam homines sibi mutuo ad dandum obligantur,
pro-

prouti unusquisque indiget re alterius (§. 124. part. 3. *Jur. mercibus nat.*); adæoque commercia colere cum gente seposita illicitum non est (§. 170. part. 1. *Jur. nat.*), consequenter hoc ad causas justas referri debet, transitus autem ad causas justas per terras & flumina dominio subjecta denegari non potest, nisi metus justus damni adsit (§. 689.); ideo etiam *mercibus concedendus est transitus per terras ac flumina dominio subjecta, nisi metus justus damni adsit.*

Quando metus justus damni adsit, ut mercibus transitus propterea denegari possit, suo loco disertius docebitur, quando de commerciis ex instituto ageretur in Jure Gentium.

§. 691.

*Sic in refectionem viarum, pontium & fluviorum ac securitatem transeuntibus præstandam impensæ faciendæ; illi, quorum mercibus transitus conceditur, ad eas aliquid contribuere debent. Nemo alteri gratis præstare tenetur, qui vicissim quid præstare potest (§. 268. part. 4. *Jur. nat.*). Quamobrem illi, quorum sunt terræ ac fluvii, in gratiam eorum, quorum mercibus conceditur transitus, vias, pontes ac fluvios reficere gratis non tenentur, ut commodus ac securus sit transitus, nec ea impendere, quæ præterea ad securitatem transeuntibus præstandam impendenda sunt. Illi igitur, quorum mercibus transitus conceditur, ad impensas aliquid contribuere debent, quæ in refectionem viarum, pontium & fluviorum ac securitatem transeuntibus præstandam faciendæ sunt.*

Ex hoc principio suo loco deducetur vectigal pro transitu mercium licite exigendum: quod quantum esse debeat, ne sit injustum, suo loco disquiremus.

§. 692.

De jure morandi in terris dominio subjectis.

In terris dominio subjectis ob justas causas aliquantisper commorari licet. Etenim si quis justas ob causas commoretur in terris dominio subjectis, cum nil faciat, nisi quod citra violationem juris eorum, quorum sunt terræ fieri potest, & quod officiis erga se ac alios convenit, quodque adeo pro virili promovere illi ipsi tenentur, quorum sunt terræ (§. 608. *part. 1. Jur. nat.*); nullum detrimentum ac molestiam hisce affert, consequenter ibidem morari innoxie utilitatis est (§. 682). Quamobrem cum dominia rerum introduci non poterint nisi salvo jure innoxie utilitatis (§. 686.), unicuique naturaliter competente (§. 684. 685.); quin in terris dominio subjectis ob justas causas aliquantisper commorari liceat, dubitandum non est.

Quamdiu commorari liceat, ex ipsa causa, ob quam ibidem moramur, definiendum: neque enim idem temporis spatium una quæque causa exigit. E. gr. Quilibet operam dare teneatur, ut sanitati restituatur, quando morbo laborat (§. 413. *part. 1. Jur. nat.*), immo si quid ad hoc conferre poterimus, id alteri denegare non licet (§. 758. *part. 1. Jur. nat.*). Valitudinis ergo causa morari in terris dominio subjectis justa causa est, nec id alteri denegari potest. Patet autem tamdiu morari licere, donec sanitas fuerit restituta. Nec minus patet, nullum afferri iis, quorum sunt terræ, detrimentum, nec molestiam ullam, quod quis in hisce valetudinis suæ causa moretur. Huc etiam referri debet, quod liceat studiorum causa in terris aliorum commorari, ac tamdiu id licere intelligitur, quamdiu quis ibidem studiis literariis operam navare voluerit. Et prætervehentibus ac prætereuntibus cum jus transitus sit concedendum, iisdem quoque morari licet quietis commodæ capiendæ causa.

§. 693.

De perpetua

Qui sedibus suis expulsi receptum querant, iis perpetua habitatio

bitatio in terris dominio subjectis denegari nequit, nisi obstent ra-
tiones singulares. Nemo enim hominum habet jus seipsum sedibus ex-
vita privandi (§. 353. part. 1. Jur. nat.): quamdiu vero vi-
pulis conce-
ditur, necesse est alicubi terrarum habitet. Quoniam vero
introductione dominiorum nemini penitus auferri potuit u-
sus rerum necessarius (§. 562.); nec terræ ita dominio sub-
jici potuerunt, ut alicui nullibi perpetua habitatio concedatur.
Et cum dominia introducta intelligantur cum tacita hac restri-
ctione, ut, si in casu emergente contingat alicui penitus aufer-
ri rerum necessarium usum, eidem jus aliquod competat in
eas res, quæ sunt in dominio (§. 563.); nec terræ dominio
subjici potuerunt nisi cum tacita hac restrictione, ut, si quis
sedibus suis expulsus receptum quærat, ei competat jus do-
micihum sibi constituendi in terris dominio subjectis. Quam-
obrem eidem habitatio perpetua in iisdem denegari non pot-
est. *Quod erat unum.*

Enimvero si obstent rationes singulares, cur in his ter-
ris habitatio perpetua eidem concedi nequeat; tum perinde est
ac si quis in communione primæva rem apprehendit ac appreh-
ensa actu utitur. Quoniam itaque tamdiu nemo usum rei licite
prætendit, qua alter actu utitur (§. 35. part. 2. Jur. nat.); ita
etiam nemo qui receptum quærit prætere potest, ut habi-
tatio perpetua ipsi concedatur ibidem locorum, ubi cur con-
cedi non possit rationes singulares prostant. *Quod erat alterum.*

Ponamus e. gr. terram, in qua receptum quæruni sedibus su-
is expulsi, vix alere posse incolas suos. Cum tunc perinde
sit, ac si quis re sua ipsemet indigeat, qua indiget alter, ne-
mo vero alteri dare teneatur id, quo ipse indiget (§. 127.
part. 3. Jur. nat.); habitationem quoque fixam concedere mi-
nime tenemur iis, qui receptum quæruni, quando terram vix a-
lere potest incolas suos. Possunt aliæ quoque dari rationes,
ob quas habitationem fixam denegare licet receptum quæren-

ribus, etsi iisdem jus competat domicilium sibi constituendi in aliqua terra dominio non vacua. Quoniam vero eadem a jure civitatis pendent, de iis rectius diceretur alibi.

§. 694.

*De jure res
sibi in aliis
terrīs com-
parandi.*

In terris dominio aliorum subjectis permittendum est aliis, ut æquo pretio sibi comparent res, quibus illi, quorum sunt terræ, non indigent. Postquam enim dominia rerum introducta sunt, homines naturaliter obligantur ad res sibi invicem pro æquo pretio communicandas (§. 322. part. 4. *Jur. nat.*), & unicuique competit jus res sibi alio comparandi (§. 126. part. 3. *Jur. nat.*), siquidem ipse iisdem non æque indiget (§. 128. part. 3. *Jur. nat.*). In communione primæva cui-libet excurrere licebat in regionem quamcunque, ut inde peteret res, quarum usus sibi ac ceteris, qui una cum ipso in eadem terra habitabant, necessarius videbatur (§. 94. 43. part. 2. *Jur. nat.*). Quoniam itaque communio primæva tanquam jus connatum (§. 10. part. 2. *Jur. nat.*), quod homini auferri nequit (§. 64. part. 1. *Jur. nat.*), introductione dominiorum restringi non potuit ultra id, quod necesse erat, ut dominia subsisterent; postquam hæc introducta sunt in terris dominio aliorum subjectis unicuique adhuc licet sibi æquo pretio comparare res, quibus incolæ non ipsimet indigent, adeoque ab his hoc permittendum (§. 910. part. 1. *Jur. nat.*).

Nonnulli jus hoc ad res in alieno territorio æquo pretio sibi comparandas restringunt ad res saltem necessarias: *Grotius* l. 2. c. 2. §. 18. extendit usque ad utiles. Enimvero cum homini jus sit ad omnia, quæ ad vitæ commoditatem ac jucunditatem faciunt & ad actus omnes huc requisitos (§. 468. 482. part. 1. *Jur. nat.*); nulla sane ratio est, cur jus istud ad certas quasdam res restringere velimus, præsertim cum dominia non alio

alio sine introduci potuerint, quam ut exercitium juris communis ab omni incommodo liberaretur, quod alias stante communione post se trahit, quemadmodum jam antea monuimus (not. §. 686.). Immo cum maxime innocua fit utilitas rem sibi æquo pretio comparare ab alio, qua ipse non indiget (§. 682.), dominia vero introduci non potuerint nisi salvo jure innoxie utilitatis (§. 686.); quin dominio subjectis terris salvum manserit jus res sibi ab incolis æquo pretio comparandi, quibus ipsimet non indigent, tanto minus dubitandum.

§. 695.

Introducitis dominiis unicuique liberum est, utrum res quasdam ab alio sibi comparare velit, nec ne, pro æquo pretio. De libertate In res sibi ab communione primæva uniuscujusque judicio relinquendum, alio comparandi. in quantum usus rerum sit ipsi necessarius, & quanta sit indigentia ipsius (§. 43. part. 2. Jur. nat.), ac quilibet rebus uti potest, quibus uti voluerit (§. 44. part. 2. Jur. nat.). Quoniam itaque dominiis introducitis jus istud rebus, quibus quis indigere sibi videtur, transit in jus res ab alio, quibus ipse non indiget, sibi comparandi pro æquo pretio (§. 126. part. 2. & §. 322. part. 4. Jur. nat.); uniuscujusque etiam judicio relictum esse debet, utrum res quasdam, nec ne, pro æquo pretio sibi ab alio comparare velit, adeoque liberum ipsi est utrum velit, nec ne.

Pendet hoc a libertate naturali, vi cujus unicuique permitendum, ut in determinandis actionibus suis suum sequatur judicium, quamdiu contra jus alterius nil quicquam facit (§. 156. part. 2. Jur. nat.). Unde etiam libertas rem quandam pro æquo pretio sibi ab alio comparandi immediate inferri poterat.

§. 696.

Quoniam *introducitis dominiis* unicuique liberum est, utrum res quasdam ab alio sibi comparare velit, nec ne, pro alteri venæquo dendi.

æquo pretio (§. 695.), rem autem ab alio emit, qui pro æquo pretio eandem sibi ab eo comparat (§. 937. part. 4. Jur. nat.); *unicuique liberum est, utrum rem quandam, quam alius eidem vendere vult, ab eo emere velit, nec ne, consequenter nemini competit jus ad rem alteri invito vendendam.*

Magna adeo differentia intercedit inter jus rem, qua indigemus, alter vero non indiget, ab eodem emendi, & inter jus rem, qua ipsimet non indigemus, alteri vendendi.

*Idem porro
expenditur.*

§. 697.

Quia unicuique liberum est, utrum rem, quam alter vendere vult, emere velit, nec ne, ac nemini competit jus ad rem alteri invito vendendam (§. 696.); *nemini quoque competit jus ad res suas in terris dominio subjectis, invitis iis, quorum sunt terra, vendendas, consequenter si hi permittere nolint, ut vendantur, venditionem prohibere licet.*

Principiis hisce utemur suo loco, quando jus commerciorum demonstrabimus aliaque ad jus civitatis pertinentia.

§. 698.

Qualia sint Jus morandi, domicilium sibi constituendi & res sibi pro æquo
jura moran-pretio comparandi in terris dominio subjectis est jus ex communio-
di, habitandine primæva residuum. Etenim in communione primæva ho-
& res sibi mini morari ac habitare licet ubivis terrarum, ubi libuerit
comparandi & quamdiu libuerit (§. 66. part. 2. Jur. nat.), & si quis in
in terris do- iis locis, ad quæ accedit, videt ædes a nemine inhabitatas,
minio sub- aut quæ plures habitatores recipere possunt, in iis habitan-
jectis. di jus habet, quamdiu ipsi opus visumque fuerit (§. 67. part.
2. Jur. nat.). Licet etiam excurrere in regionem quamcun-
que, ut inde petantur res, quarum usus sibi necessarius (§. 94.
part. 2. Jur. nat.). Quamobrem cum hæc jura dominiorum
introductione, consequenter terras dominio subjiciendo ab-
oleri

oleri non potuerint, sed in terris etiam dominio subjectis ob justam causam morari aliquantisper (§. 692.), immo perpetuo ibidem habitare (§. 693.), ac præterea æquo pretio res, quibus incolæ non indigent, sibi comparare liceat (§. 694.); jus morandi, domicilium sibi constituendi & res sibi pro æquo pretio comparandi in terris dominio subjectis tacite reservatum fuit, quando dominia fuerunt introducta. Quoniam vero jus, quod nobis adhuc competit in eas res, quæ sunt in aliorum dominio, postquam dominia introducta sunt, est jus ex communione primæva residuum (§. 561.) jus morandi, domicilium sibi constituendi & res sibi pro æquo pretio comparandi in terris dominio subjectis est jus ex communione primæva residuum.

Jura ex communione primæva residua non ejusdem prorsus sunt generis. Alia enim manserunt, qualia in communione primæva obtinuerunt, alia immutata fuerunt, in quantum opus fuit, ut cum dominiis subsistere possent. Quamobrem jura quoque ista non semper eodem prorsus modo exerceri possunt, quo in communione primæva ea exercere datur; sed ea etiam cautione, ne dominium violetur (§. 910. *part. 1. Jur. nat.*). Introductis quoque imperiis publicis, in istorum juri-um exercitio semper attendendum, ne quid committatur, quod imperio adversatur (§. *cit.*), quippe quod eadem quoque alterat, quemadmodum suo loco videbimus.

§. 699.

*In transitu per terras peregrini commode quietis causa in do- Quid in-
mum recipiendi, ubi commode recipi possunt, cibisque ac potus sa- transitu de-
lubris una cum operis, quibus indigent, pro æquo pretio præ- beatur pere-
stari debet. Etenim qui per terras dominio subjectas trans- grinis
eunt, iis competit jus aliquantisper ob causas justas ibidem
morandi (§. 692.) & iis permittendum est, ut æquo pretio*

sibi comparent res, quibus indigent, illi autem, quorum sunt terræ, non ipsimet opus habent (§. 694.), consequenter etiam operas, quæ dominiis introductis rebus æquiparantur, quæ sunt in dominio (§. 437. part. 2. *Jur. nat.*), ut perinde ad operas sibi invicem communicandas obligentur homines, quemadmodum ad dominia rerum transferenda (§. 123. part. 3. *Jur. nat.*), prouti unusquisque indiget opera alterius (§. 124. part. 3. *Jur. nat.*). Quoniam igitur iusta morandi causa est, si quis commodæ quietis ac cibi & potus capiendi causa alicubi moretur, ut vero morari possit in domum aliquam recipiendus, ubi commode recipi potest; quin in transitu per terras peregrini commodæ quietis causa in domum sint recipiendi, ubi commode recipi possunt, cibusque ac potus salubris una cum operis, quibus indigent, pro æquo pretio iisdem præstari debeat, habitandum non est.

Haecenus jus ex communione primæva residuum tantummodo consideravimus, quatenus a dominio pender, & nondum supposuimus homines in populos confociatos imperia civilia introduxisse. Dominium enim per se ab imperio independens est & ejus tuendi gratia imperium demum introductum. Quemadmodum itaque primo loco ostendimus, quale jus ad res ab aliis nobis præstandas natura competat, ac inde deduximus, cur dominia fuerint introducenda & in quantum per ea jus commune fuerit sublatum; ita quoque porro ostendendum erat, quale jus ex communione primæva salvum esse debuerit, cum dominia introducerentur, ne ea in præjudicium alicujus extenderentur, quam demonstraremus, quomodo idem jus introductione imperiorum fuerit alteratum, quidque adeo conveniat statui civili. Neque enim alias jura ista, qualia videntur in statu civili, intime perspicere datur.

CAPVT V.

De officiis erga mortuos & jure sepulturæ.

§. 700.

Quamprimum homo moritur, jus omne amittit, ac omnis ejus obligatio cessat. Quamprimum enim homo moritur, omni potentia agendi privatur, seu agere amplius nequit. Quamobrem cum jus sit facultas seu potentia agendi moralis (§. 156. part. 1. Phil. pract. univ.), obligatio necessitas agendi vel non agendi moralis (§. 118. part. 1. Phil. pract. univ.), consequenter etiam sub se comprehendit, omissionem actionis physice possibilis, cum ad impossibile nulla detur obligatio (§. 209. part. 1. Phil. pract. univ.); quamprimum homo moritur, jus nullum, nec obligatio ulla in ipso tanquam subiecto subsistere potest, adeoque jus omne amittit, ac omnis ejus obligatio cessat.

*Effectus
mortis quo-
ad jus obli-
gationes.*

Jura & obligationes hominum sunt, quos ex corpore & anima constare novimus. Homo quando moritur, homo esse desinit, cessante quippe commercio, quod inter animam & corpus intercedit. Ergo nec amplius ullum esse potest ipsius jus, nec ulla in ipsum cadit obligatio. Quamvis vero certum sit, animam cum corpore non interire (§. 730. Psych. rat.), consequenter nec vim activam, quæ ipsi essentialis est (§. 66. Psych. rat.), per mortem tolli; qualis tamen sit ejus postmortem status, nemo hactenus ex principiis rationis demonstrare potuit. Quando igitur in Jure naturæ demonstratur, quænam homini competant jura, quænam in ipsum cadant obligationes, nonnisi de jure ac obligatione sermo est, cui in hac vita locus est, in qua actiones corporis sunt dependentes a voluntate animæ. Ceterum in propositione præsentè omne jus intel-

intelligitur, five fuerit connatum; five acquiritum, quemadmodum etiam omnis obligatio, five connata fuerit, five contracta. Absit tamen ut hinc inferas, quod jus amissum extrinquetur, ac cessante obligatione tollatur omne jus, quod ex ea alteri oritur. Contrarium enim patebit per ea, quae mox demonstrabuntur.

§. 701.

An dominium a moriente amittatur.

Quoniam homo amittit omne jus, quamprimum moritur (§. 700), dominium vero, quod in rebus suis habet, jus est (§. 118. part. 2. Jur. nat.); quamprimum moritur, dominium quoque amittit, quod habuit in rebus, consequenter res omnes, quae erant ipsius, ejusdem esse desinunt, ac jus omne aliud in re, quod ipsi competeat.

Quantæcunque igitur fuerint ipsius opes, cum viveret, post mortem tamen nihil amplius habet, atque adeo interditissimum ac pauperrimum post mortem nulla amplius differentia est. Et si vel maxime fingas, quod tamen fingi non potest, cum mortuus dominii capax non sit, mortuum adhuc esse rerum suarum dominum, res tamen, quibus abundat, nulli prorsus eidem usui erunt, nec ab ipso possideri possunt, quemadmodum mox patebit.

§. 702.

De possessione per mortem amissa.

Quamprimum homo moritur, possessionem omnium rerum suarum amittit. Quando enim homo moritur, non amplius physice possibile est, ut dominium sive per se, sive per alium exerceat, cum de re non amplius disponere possit ullo modo pro arbitrio suo, quemadmodum ad dominii exercitium requiritur (§. 118. part. 2. Jur. nat.). Quoniam itaque deficit potentia proxima ad eos actus, in quibus dominii exercitium consistit, sine ista autem possessio retineri non potest (§. 742. part. 2. Jur. nat.); quamprimum homo moritur, possessionem omnium rerum suarum amittit.

Eti fingas, quod tamen nullo modo probari potest, hominem morientem habere animum rem sibi adhuc habendi, eundemque post mortem retinere; cum tamen voluntatis suae nullam amplius significationem edere possit, adeoque nec exercere dominium per alium, solo autem animo possidendi possessio non retineatur (§. 742. part. 2. *Jur. nat.*); ideo necesse est possessionem amitti. Quod hic ex ipsa notione possessionis demonstratur, quemadmodum in *Jure naturæ* fieri debet (§. 2. part. 1. *Jur. nat.*); a posteriori abunde constat, ut nemo sit, qui de eo dubitet.

§. 703.

Quando homo moritur, jus possidendi omne amittit. Amit- De jure pos-
tit enim dominium, quod habuit in rebus suis, quamprimum moritur (§. 701.), adeoque dominus esse definit (§. 121. *mortem a-*
part. 2. Jur. nat.). Quamobrem cum jus possidendi non com- *missio.*
petat nisi domino (§. 139. part. 2. *Jur. nat.*), adeoque cum
dominio amittatur; quando homo moritur, jus possidendi
omne amittit.

Quod possessionem amittat mortuus, facile patet a poste-
riori: non vero æque obvium est, quod jus possidendi amittat,
cum possessio possit amitti, salvo hoc jure. Quamobrem su-
perfluum videri non debet, quod hic demonstratur, jus possi-
dendi a mortuo amitti, ut pateat, possessionem bonorum defun-
cti non contrariari juri ipsius, etiamsi ipse non disposuerit de
translatione dominii sui in eventum mortis: de qua dispositio-
ne suo loco agemus.

§. 704.

Quamprimum homo moritur, amittit omne jus ad rem, seu De jure ad
ad id, ad quod faciendum vel dandum alii ipsi obligantur, nec ipse rem & obli-
amplius ad quid præstandum aliis obligatur Etenim quamprimum homo moritur, jus omne amittit, qualecunque tandem qua istud
(*Wolfii Jur. Nat. Pars VI.*) A a a a illud oritur.

illud fuerit (§. 700). Quamobrem cum jus ad rem sit jus quoddam, utpote certa juris species (§. 781. *part. 3. Jur. nat.*); quamprimum homo moritur, jus quoque omne ad rem, seu ad id, ad quod dandum, vel faciendum alii ipsi obligantur, amittit. *Quod erat unum.*

Similiter quando quis moritur, omnis ejus cessat obligatio (§. 700.). Quoniam itaque obligatio ista, qua quis tenetur alteri ad aliquid præstandum, est obligatio; hæc quoque cessare debet, consequenter nec homo mortuus amplius ad quid præstandum aliis obligatur. *Quod erat alterum.*

Monuimus jam ante (*not. §. 700.*), ex eo, quod jus amittatur, inferri non posse, quod idem extinguatur, nec ex eo, quod obligatio cesset, inferri posse, quod omne jus ejus tollatur, quod ex ista obligatione alteri oritur. Quamobrem etiam mortuus amittat jus ad rem; non tamen propterea item extinguatur, nec alii ab obligatione sua, ex qua oritur, liberantur. Et quamvis mortuus ad quid præstandum aliis non amplius obligetur, non tamen propterea extinguatur jus illorum, quibus quid præstandum. Nimirum jus, quod mortuus amittit, transire potest in alium, in quo tanquam in subjecto subsistat, & similiter obligatio, quam amittit mortuus, transire potest in aliud subjectum, cui inhæreat.

§. 705.

De translatione domini & juris in alium in eventum mortis.

*Homo non modo dominium rei suæ, verum etiam jus quodcumque aliud in re, vel ad rem in eventum mortis in alium transferre potest, nisi personale fuerit. Etenim dominus dominium & jus quodcumque aliud suum in alterum transferre potest, quomodo seu quacumque lege voluerit (§. 11. *part. 3. Jur. nat.*). Quamobrem etiam non modo dominium rei suæ, verum etiam jus quodcumque aliud in re, vel ad rem in eventum mortis in alium transferre potest. Enimvero*
si jus

si jus personale fuerit, morte ejus exspirat (§. 542. part. 3. Jur. nat.), consequenter in nullum alium in eventum mortis transferre potest, qui eodem fruitur. Homo itaque & dominium rei suæ, & jus quodcunque aliud in re, vel ad rem in eventum mortis in alium transferre potest, nisi personale fuerit.

Ita in eventum mortis in te transferre possunt dominium prædii mei, ut scilicet tu ejus fias dominus, quamprimum me mori contingat. Ast usufructus tibi ad dies vitæ in re mea concessus jus personale est (§. 1420. part. 5. Jur. nat.). Eundem itaque in eventum mortis in alium transferre nequis. Similiter si tibi promisi quotannis centum, quamdiu in Academia vixeris, & determinate quidem in annos quinque, quos in academia consumere debes, tu vero anno primo moreris; jus ad centum thaleros quotannis percipiendum pro residuo tempore non potes transferre in alium, nec valet pactum, quo convenitur, ut, si ante elapsum quinquennium te mori contingat, pro tempore residuo alius percipiat, quod a te adhuc percipi poterat, nisi mortuus fuisses.

§. 706.

Jus transmissibile appellamus, quod amissum ab eo, qui *De Jure* habuit, in alium abit: *non transmissibile* vero, quod a *transmissi-* missum ab eo, qui habuit, in alium abire nequit. Quando *bili* & *non* itaque contingit, eum mori, qui jus habuit, in casu priori *transmissi-* *jus morte ejus in alium transmitti* dicitur: immo dicimus et- *bili.* *iam, morientem jus suum transmittere in alium.*

Nimirum jus non modo amitti potest morte, sed aliis etiam de causis, veluti si quis jure suo se abdicat, quod transmissibile est in alium: quale quid obtinet in regnis successoris usufructuariis, de quibus suo loco.

§. 707.

Quoniam jus personale ita ad personam, cui competit, *An jus per-* *restrin-*

sonale sit transmissibile. restringitur, ut ab ea in aliam transferri nequeat (§. 539. part. 3. Jur. nat.), adeoque morte ejus extinguatur (§. 542. part. 3. Jur. nat.); id quoque ab eo, qui habet, in alium abire nequit, consequenter cum jus transmissibile non sit, quod amissum ab eo, qui habuit, in alium abit (§. 706.), *jus personale morte sua in alium transmitti non potest.*

Non est, quod dicas, posse usufructum in aliquo prædio tibi ac liberis tuis constitui, ita ut, te mortuo, vel jus tuum abdicante, usufructus compètat liberis tuis, consequenter tum jus tuum, quod amittis, & quod personale fuerat (§. 1420. part. 5. Jur. nat.), abire in liberos tuos, consequenter in hos transmitti (§. 706.). Etenim tum jus personale constitutum est pro pluribus personis, qui certo ordine eodem frui debent, adeoque personale jus est respectu omnium istarum personarum, quæ suo ordine in id succedere debent, consequenter tum omnes istæ personæ simul sumtæ considerantur tanquam una persona moralis, & quod de jure personali demonstratur, de personis omnibus simul sumtis intelligendum. Non igitur jus personale ab una persona transmittitur in alteram, quatenus personale est; sed quia successive hoc jure frui debent personæ plures diversæ certo ordine sibi invicem succedentes. Transmittitur adeo ab una persona in aliam, quatenus pro pluribus personis sub certa transmissionis lege constitutum, consequenter tanquam jus successive pluribus personis debitum. Neque enim repugnat, ut jus personale, quod tibi confertur, quando a te amittitur, conferatur personæ alii. Et quemadmodum hoc fieri potest, quando a te fuit amissum, ita etiam quando tibi confertur, aliis quoque conferri potest sub ea conditione, quando a te amissum fuerit. Certum tamen semper manet, jus personale non egredi personam ejus, pro quo constitutum, consequenter cum ipsa persona extinguatur, ut adeo, si pro pluribus personis successive fuerit constitutum, id omnibus mortuis extinguatur, nec in aliam quandam transmittatur.

§. 708.

Si quis dominium rei suæ, aut jus quoddam aliud in re, vel ad rem in alium transtulit in eventum mortis; jus in alterum mortis in even-
 te sua transmittit. Etenim quando quis moritur, cum do-
 minium & jus quodcunque aliud in re (§. 701.), tum etiam *translati in*
 jus quodcunque ad rem amittit (§. 704). Quoniam tamen do-
 minium, ut jus aliud in re, vel etiam ad rem in eventum mortis *alium.*
 transtulit in alium *per hypoth.* cum hoc facere potuerit (§.
 705.), quamprimum moritur, jus istud in eum abit, in quem
 in eventum mortis fuit translatum. Quamobrem cum jus
 morte in alium transmittatur, quando ab eo, qui habuit, a-
 missum in alium abit (§. 706.); si quis dominium rei suæ,
 aut jus quoddam aliud in re, vel ad rem in alium transtu-
 lit in eventum mortis, jus in alterum morte sua transmittit.

Si quis dominium transfert in eventum mortis, is non ante
 vult eum fieri dominum, nisi quando fuerit mortuus, atque ad-
 eo dominium in eum actu transire nequit, nisi post mortem il-
 lius. Quando transferens moritur, dominium amittit: quo-
 niam vero in alterum transire debet, voluntate ejus, qui antea
 habuerat, in eundem statim abit. Atque hoc modo morte
 transferentis transmittitur in ipsum. Idem eodem modo in-
 telligitur de jure quocunque alio in eventum mortis transla-
 to in alium. Quodsi alicui ususfructus constituitur in even-
 tum mortis; tunc morte constituentis transmittitur jus, quod
 personale esse incipit in eo, in quem transmittitur, non vero
 personale fuerat in constituyente. Absit itaque, ut existimes, in
 hoc casu jus personale in alium transmitti. Aliud enim est
 transmittere jus, quod personale erat, aliud vero quod perso-
 nale evadit, dum transmittitur.

§. 709.

Quoniam dominium, aut jus aliud in re vel ad rem *Quando jus*
 morte sua transmittit in alium, qui in eventum mortis id in *a moriente*
 ipsum *amissum*

*non extin-
guatur.*

ipsum transtulit (§. 708.), dum autem moritur, ipse jus istud amittit (§. 701. 704.); si quis dominium, aut jus aliud in re, vel ad rem in eventum mortis in aliam transfert, quando moritur, jus, quod amittit, non extinguatur.

Patet adeo, ex eo, quod moriens amittat jus omne, minime inferri posse, quod idem extinguatur, cum transmissibile ubi fuerit, ab eo amissum adhuc superfit & in alio subjecto subsistat.

§. 710.

*De trans-
missione ju-
ris alteri
a morte sua
debiti.*

In genere jus post mortem ejus, cujus fuerat, alteri debitum morte ipsius in eum transmittitur, cui debetur. Oportenditur eodem prorsus modo, quo antea demonstravimus, jus in eum transmittit ab illo, qui jus in eventum mortis in eum transtulit.

Jura defuncti deberi etiam posse aliis, etiamsi in eventum mortis expressa illius voluntate non fuerint translata, patebit suo loco.

§. 711.

*Quod a te
amissum
non extin-
guatur.*

Quoniam in genere jus post mortem ejus, cujus fuerat, alteri debitum, morte ipsius in eum transmittitur, cui debetur (§. 710), amittitur autem ab eo, qui moritur (§. 701. 704.); ideo patet, *jus a morte tua alteri debitum, dum a te amittitur, non extingui.*

Unde denuo patet, ex eo, quod moriens jus omne amittat, inferri minime posse, quod extinguatur.

§. 712.

*De jure ad
bona defun-
cti.*

Si defunctus tibi obligatus erat ad aliquid dandum; tibi competit jus ad res ab ipso relictas, ut ex iis consequaris, quantum tibi debetur. Etenim si quis tibi obligetur ad aliquid dandum, ejus obligatio, quamprimum moritur, cessat (§. 701.), ut adeo

adeo ab eo consequi non possis, quod tibi debetur. Enimvero si quod tibi debetur a debitore tuo consequi non possis, loco ejus eidem auferre licet ex rebus ipsius rem aliam, quæ tantundem valet (§. 1112. part. 3. *Jur. nat.*), consequenter tibi competit jus ad res debitoris tui, ut inde consequaris, quantum tibi debetur. Quamobrem si defunctus tibi obligatus fuerat ad aliquid dandum, tibi competit jus ad res ab ipso relictas, ut ex iis consequaris, quantum tibi debetur.

• Homo mortuus non est subjectum dominii & obligationum capax. Quemadmodum dominium exercere nequit; ita nec alteri quicquam præstare potest. Quamvis autem homo mortuus solvere non possit, quod vivus debebat, nec opus fit, ut solutione liberetur, quem mors ab obligatione sua liberavit; non tamen propterea quod sibi debetur amittit creditor, cum expletione juris consequi possit, quod suum fieri debebat. Naturaliter habet jus ad eas res, quæ sunt in dominio debitoris creditor, quia expletio juris naturaliter licita (§. 1114. part. 5. *Jur. nat.*). Licet adeo mortuus dominium amiserit, non tamen ideo extinctum est jus creditoris ad res ab eo relictas, quod quidem rebus non inhæret, quemadmodum jus in re, iisdem tamen adhæret, quatenus earum pretium impendi potest in debitum extinguendum.

§. 713.

Quoniam si defunctus tibi obligatus erat ad aliquid *Quando* dandum, tibi competit jus ad res ab ipso relictas, ut ex iis *morre debi-* consequaris, quantum tibi debetur (§. 712.); *si defunctus totis debi-* res nullas relinquit, aut res ab eo relictæ tantundem non valent, tum *tolla-* quantum tibi debetur, debitum extinguitur; seu *interit, siue tur.* totum, siue pars ejus, & tu jus tuum amittis, ad id scilicet, quod debebatur, vel tuum fieri debebat.

• Obligationem debitoris mors perimit (§. 701.), sed salvo tuo

tuo jure ad res, quæ erant in dominio defuncti (§. 712.), utpote quibus id inseparabiliter adhæret, sine iis autem per se subsistere nequit. Quodsi adeo res nullæ adsint, quibus adhærere debebat, nec ipsum subsistere potest, consequenter nec mortui obligatio eodem salvo tolli potuit. Cum ea igitur una perimitur jus tuum ad res defuncti. Et quia id, quod tibi debetur, non nisi beneficio hujus juris consequi potes; cum eodem una interit jus tuum ad id, quod debebatur, vel tuum fieri debebat. Quamdiu homo vivit, etsi solvendo non sit, obligatio tamen ejus non perimitur, nec jus tuum ad id, quod tibi debetur, amittis. Quodsi enim ad meliorem fortunam perveniat, ut, qui solvendo non erat, cum solvere deberet, nunc sit solvendo, adhuc solvere tenetur. Quando vero homo moritur, cum tunc obligatio ejus cesset (§. 701.), jus tuum ad id, quod debetur, sustineri nequit nisi jure ad res, quæ ipsius fuerant. Hæ igitur si nullæ sint, jus quoque tuum ad id, quod tuum fieri debebat, subsistere nequit. Quæ hætenus demonstravimus, ex ipsis rerum notionibus consequuntur, ut ad sustinendum jus creditoris mortuo debitore nulla fictione opus sit, nec assumenda sint principia precaria, per quæ idem evincatur. Principiis vero jam demonstratis utemur, quando de successione in bonis defuncti acturi sumus.

§. 714.

Debitor defuncti cuiusnam fiat debitor a morte illius. Si jus defuncti morte ipsius in alium transmittitur; qui fuerunt debitores defuncti, hujus nunc sunt debitores. Etenim si jus defuncti morte ipsius in alium transmittitur, jus, quod erat defuncto ad id, quod ipsi debebatur, nunc est ejus, in quem fuit transmissum. Quamobrem cum is exigere possit debitum a debitore suo; nunc idem facere potest is, in quem defuncti jus transmissum fuit. Quoniam itaque jus exigendi debitum nascitur ex obligatione præstandi (§. 23. part. 1. Jur. nat.); debitor eidem ad præstandum, quod debet, consequenter ad solvendum obligatus est (§. 659. part.

S. Jur.

§. *Jur. nat.*). Qui adeo erat debitor defuncti, nunc est debitor ejus, in quem defunctus morte sua jus suum transmisit (§. 96. *part. 3. Jur. nat.*).

Si omne jus, quod homo amittit, quando moritur, extingueretur, una cum eo periret obligatio debitoris, sine qua jus ad id, quod debetur, subsistere nequit, consequenter debitor morte creditoris liberaretur. Enimvero quoniam jus, quod habuerat defunctus qua creditor ad id, quod ipsi debebatur, non extinguitur, quando transmittitur vel in eum, in quem in eventum mortis fuerat translatum (§. 709.), vel in eum, cui alia quacunq; de causa post mortem illius debetur (§. 711.); obligatio quoque debitoris defuncti morte creditoris tolli nequit, neque adeo debitor hujus morte liberari potest. Equidem ex iis, quæ hæcenus demonstravimus, tantummodo sequitur, morte creditoris non liberari debitorem, quando jus ipsius transmittitur in alium; nondum tamen constat, an nullus prorsus detur casus, in quo morte creditoris liberetur debitor, quia nondum patet, utrum detur aliquis casus, nec ne, in quo jus defuncti in neminem transmittitur. Sed de eo demum dispiciendum erit, quando de successione in bonis defuncti acturi sumus.

§. 715.

Laudem alteri, quam meretur, etiam post mortem tribuere Officium debemus, ac operam dare, ut famam, quam meretur, consequamur, aut ut ea conservetur, quam consecutus est. Tantum enim laudis alteri tribuere debemus, quantum meretur (§. 648. *part. 1. Jur. nat.*). Quoniam facta ex virtutibus intellectualibus ac moralibus profecta laudem pariunt (§. 551. *part. 1. Jur. nat.*) ac laude dignum probant (§. 552. *part. 1. Jur. nat.*), ac in eorundem commemoratione laus consistat (§. 541. *part. 1. Jur. nat.*); post mortem quoque alteri laus adhuc tribui potest, cumque quæ quis vivus fecit morte non reddantur infecta, laudem quoque post mortem adhuc meretur, (Wolffii *Jur. Nat. Pars VI.*) Bb bb

retur, quam quis vivus merebatur. Quamobrem alteri quoque post mortem laudem tribuere debemus, quam meretur.
Quod erat unum.

Similiter operam dare debemus, ut qui merentur famam consequantur (§. 650. *part. 1. Jur. nat.*). Cum fama consistat in communi hominum sermone de virtutibus intellectualibus & moralibus alterius (§. 553. *part. 1. Jur. nat.*), consequenter de factis, per quæ nobis illæ innotescunt; fama superesse potest, homine licet mortuo, & mortuus adhuc consequi eam potest, quam vivus quidem meruerat, sed consecutus non fuerat. Quamobrem operam quoque dare debemus, ut famam, quam merentur, consequantur etiam mortui, aut, si eam vivi jam consecuti fuerunt, ut conservetur. *Quod erat alteram.*

Facta hominum infecta fieri nequeunt, adeoque semper verum manet, te hoc fecisse, consequenter te instructum fuisse iis virtutibus intellectualibus ac moralibus, ex quibus facta ista profecta fuerunt. Quamdiu igitur eorum memoria conservatur, adhuc subsistere intelliguntur, ut, qui mortuus est, virtutibus istis conspicuus inter nos quasi adhuc vitam degat. Cessant officia cetera, quibus commoda alterius quomodocunque promovemus, quamprimum quis moritur, quod per se patet: ast laudis officium etiam mortuo debetur. Illa nimirum mors efficit impossibilia; hoc minime. Sane si fieri posset, quod tamen fieri non posse manifestum est, ut illa quoque officia mortuo præstare possemus; obligatio præstandi minime cessaret, quin potius omnia officia, quæ vivo debemus, mortuis quoque deberemus. Quamobrem non est, quod miremur, nos mortuis eandem laudem ac eandem curam circa famam ipsorum debere, quam vivis debeamus, quamdiu scilicet factorum memoria superest. Hac enim evanescente, officium quoque laudis efficitur impossibile.

§. 716.

Bonum bono referre possumus alteri etiam in iis, quos amat. Quod bonum
Qui enim alterum amat, is eundem considerat tanquam se-^{num bono}
ipsum (§. 659. *Psych. empir.*). Quod si ergo bonum aliquod ^{referri ali-}
in hunc conferas, perinde est ac si idem in ipsum contulis-^{cui possit in}
ses. Quamobrem cum bonum bono referatur, si quis tibi ^{aliis.}
causa boni existit, cui tu causa boni extitisti, quia extitisti,
seu, quod perinde est, si in te bonum aliquod conferat, quia
tu in ipsum prior contulisti (§. 797. *part. 1. Jur. nat.*); bo-
num utique bono referre possumus alteri etiam in iis, quos
amat.

Convenit hoc non modo notioni amoris, vi cuius ex alterius felicitate voluptatem percipimus (§. 633. *Psych. empir.*) atque voluntatem alterius, consequenter quod ipsi bonum est (§. 558. *Psych. empir.*), appetimus (§. 650. *Psych. empir.*); verum etiam notionibus communibus, cum nil frequentius sit, quam ut dicamus, nos beneficium alteri, quem amamus, præstitum eodem loco habituros, ac si nobis ipsis præstitum fuisset.

§. 717.

Quoniam amicos amamus (§. 625. *part. 1. Jur. nat.*), Idem porro
bonum vero bono referri nobis potest etiam in iis, quos a-^{expeditur.}
mamus (§. 716.); *bonum bono nobis referri potest in amicis nostris.*

Quod si hinc inferas, bonum bono nobis referri, si cuique alteri beneficiat is, quem nos beneficio affecimus, quia nos ipsi benefecimus, cum omnes homines amare debeamus tanquam nosmetipsos (§. 619. *part. 1. Jur. nat.*), consequenter ipsis amicos esse (§. 625. *part. 1. Jur. nat.*); id pro absurdo habendum non est, etsi vulgo non agnoscat. Quoniam enim officio amoris universalis parum satisfaciunt homines, id eo nec sibi præstitum esse beneficium putant, quando præsta-

tur alii cuicumque, multo minus existimant, gratiam sibi rependi posse in alio quocunque homine, etiam si quis profiteatur, se benefacere aliis, propterea quod nos ipsi benefecimus. Hoc tamen non obstante beneficia nobis præstita motivum esse debent beneficiorum in alios quoscunque conferendorum.

§. 718.

De obligatione bonum bono alteri referendi in aliis.

Bonum bono alteri referre debemus in iis, quos amat, veluti in amicis. Etenim bonum bono referre debemus (§. 806. *part. 1. Jur. nat.*). Quamobrem cum bonum bono alteri referre possimus etiam in iis, quos amat (§. 716.), veluti in amicis (§. 717.); bonum quoque bono alteri referri debemus in iis, quos amat, veluti in amicis.

Obligatio bonum bono referendi minime restringitur ad personam ejus, qui bene nobis fecit. Quin potius abunde liquet, siquidem modum, quo obligatio ista inducitur, perpendere velimus (*not. §. 806. part. 1. Jur. nat.*), nos bonum bono alteri referre debere quocunque modo, consequenter cum referri possit etiam in aliis, referre quoque in aliis debere. Nec obstat, quod modo (*not. §. 717.*) concesserimus, bonum bono referri posse alteri in homine quocunque: naturaliter enim omnino hæc obligatio oritur eodem prorsus modo, quo eam induci alias ostendimus (*not. §. 806. part. 1. Jur. nat.*). Et quamvis amor universalis jam contineat obligationem servandi alium quemcunque ope nostra indigentem, ut consequatur animi, corporis ac fortunæ bona, quantum in potestate nostra est (§. 612. *part. 1. Jur. nat.*), nec hoc obstat, ut alia adhuc de causa obligemur ad idem, ad quod antea jam eramus obligati: hoc enim modo fortior efficitur obligatio, ita ut turpius sit contra eam quicquam committere.

§. 719.

De eadem obligatione mortuis.

Bonum bono referre debemus mortuis in iis, quos viri amant. Etenim bonum bono alteri referre debemus in iis, quos

quos amarunt (§. 718.). Quamobrem cum hoc fieri possit, *respectu* etiamsi alter, cui bonum referri debet bono, jam fuerit mortuus; morte ipsius obligatio hæc non extinguitur. Bonum *mortuorum.* igitur bono referre etiam mortuis debemus in iis, quos vivi amarunt.

Obligatio tamdiu subsistit, quamdiu eidem satisfieri potest. Enimvero sive vivas, sive mortuus fueris, bonum bono tibi referri potest in iis, quos amas, vel amasti vivus. Obligatio igitur bonum bono referendi in iis, quos vivus amasti, te mortuo adhuc subsistit. Mors non delet memoriam boni, quod a defuncto in te profectum est. Quoniam itaque id ipsum motivum est bonum bono eidem referendi (§. 797. part. 1. *Jur. nat.*); motivum hoc faciendi mortuo benefactore adhuc superest, consequenter voluntas tua obligationi præsentis satisfaciendi eodem modo determinari potest, quo determinatur, si adhuc ille in vivis esset (§. 889. *Psych. empir.*). Mors adeo benefactoris in adimplendo hoc officio nil quietam immutat.

§. 720.

Qui habet animum bonum bono referendi, gratus est erga benefactorem. Etenim qui animum habet bonum bono referendi, is vult alteri existere causa boni, quia ipse sibi extitit (§. 797. part. 1. *Jur. nat.*), consequenter animum habet bonum in alterum conferendi, quia alter prior in se contulit, adeoque beneficium tribuendi ei, a quo accepit, propterea quod sibi beneficium tribuit (§. 3. 17. part. 4. *Jur. nat.*). Quoniam itaque animum habet beneficium reddendi (§. 32. part. 4. *Jur. nat.*), qui vero animum habet beneficium reddendi, erga benefactorem gratus est (§. 20. 43. part. 4. *Jur. nat.*); qui habet animum bonum bono referendi, erga benefactorem gratus est.

Reddere beneficium & bonum bono referre, fere unum idem-

que sunt. Quodsi actum externum spectes, nulla profus intercedit differentia, cum utrobique bonum conferatur in eum, qui prior contulit, seu officium quoddam humanitatis præstatur ei, qui prior nobis præstitit. Motivum quoque, si actus internos spectes, utrobique idem est, nempe bonum ab altero in nos collatum, seu beneficium ab altero in nos profectum: at finis differt. Quando enim beneficium reddimus, id fit ea intentione, ut declarem, nos memores esse beneficii accepti; quando vero bonum bono referimus, id potissimum significare intendimus, quod nolimus gratis in nos collatum esse beneficium, sed præstitum nobis officium alio officio compensare velimus, quantum nobis datur. Quamvis enim beneficium gratis præstetur (§. 19. part. 4. *Jur. nat.*), ut adeo pro eo, quod nobis præstatur, nihil vicissim recipiat benefactor (§. 18. part. 4. *Jur. nat.*), neque hic ex conventionem nascatur aliqua obligatio ad aliquid pro eo, quod nobis præstitum, vicissim præstandi, cum ipsiusmodi conventio a beneficio absit, quod per se patet; nihilominus beneficiarius sese obligatum agnoscit ad beneficium vicissim præstandum, si quidem occasio sese obtulerit, non secus ac si promittendo benefactori perfecte sese ad id obligasset (§. 393. part. 3. *Jur. nat.*). Reddit adeo beneficium bonum bono referre cupiens tanquam debitum. Non abhorrent ea, quæ hic dicuntur, a notioniibus communibus. Quando enim benefactori bonum bono referimus, dicere solemus, nos ad multo majus eidem esse obligatos, quam quod eidem præstamus.

§. 721.

*De officio
gratitudinis
erga mor-
tuos.*

Erga benefactores mortuos grati esse debemus. Etenim etiam mortuis bonum bono referre debemus in iis, quos amaverunt (§. 719.). Enimvero qui habet animum bonum bono referendi, is gratus est erga benefactorem (§. 720.): Erga benefactores itaque mortuos grati esse debemus.

Gratus animus duo continet, nimirum memoriam benefici-
orum

orum acceptorum & voluntatem vicem reddendi. Benefactore licet mortuo, & memoriam beneficiorum acceptorum fervare, & voluntatem vicem reddendi habere possumus, cum bonum bono referri possit in iis, quos amavit mortuus. Animo igitur grato adhuc locus esse potest, benefactore licet mortuo. Eccur ergo eodem mortuo non subsistere debet obligatio nos gratos benefactori præbendi?

§. 722.

Benefactoribus mortuis gratias agere possumus, beneficia nobis tributa narrando & prædicando. Per se patet, mortem benefactoris in nobis non delere memoriam beneficiorum acceptorum. Quamobrem illo licet mortuo beneficia nobis tributa aliis adhuc narrare ac prædicare valemus, quando occasio de iis dicendi sese offert. Quamobrem cum gratum animum significemus erga mortuum, quando beneficiorum acceptorum adhuc nos memores esse eaque agnoscere declaramus (§. 31. part. 4. Jur. nat.), gratias vero benefactori agit, qui verbis significat gratum animum (§. 44. part. 4. Jur. nat.); benefactori mortuo gratias agere possumus beneficia nobis tributa narrando & prædicando.

Gratitudo consistit in dilectione benefactoris ob beneficia in nos collata (§. 31. part. 4. Jur. nat.). Quamobrem cum dilectio consistat in constante ac perpetua voluntate felicitatem alterius promovendi (§. 617. part. 1. Jur. nat.); gratitudo duo involvit, nimirum memoriam beneficiorum acceptorum & voluntatem benefactoris felicitatem promovendi, siquidem a nobis fieri possit, cujus voluntatis motivum sunt beneficia nobis tributa. Mortui felicitatem promovere non amplius datur, adeoque voluntas non subsistit, nisi quatenus eidem bonum bono referri, aut, si mavis, gratia rependi potest in aliis, quos amavit (§. 719.): quod tamen memores adhuc simus beneficiorum in nos collatorum eademque agnoscamus, verbis declarare possumus. Ad gratiarum adeo actionem, benefactore

ctore mortuo sufficit narrare ac prædicare beneficia accepta. U-
berius de modo gratias agendi dicemus suo tempore in Philo-
sophia morali.

§. 723.

*De obligati-
one gratias
agendi.*

Benefactoribus mortuis gratias agere adhuc debemus. Bene-
ficiarius enim obligatur ad gratias benefactori agendas (§.
45. part. 4. Jur. nat.). Quamobrem cum benefactoribus
mortuis gratias agere possimus beneficia nobis tributa nar-
rando & prædicando (§. 722.); quin benefactoribus mor-
tuis gratias agere adhuc debeamus, dubitandum non est.

Non abhorret hoc a notionibus communibus. Quando e-
nim beneficium petentes declarare volumus, nos fore erga dan-
tem gratos, dicere solemus, quod accepti memores fimus futu-
ri idemque prædicaturi, quamdiu vixerimus. Duratio igitur a-
nimi grati non restringitur ad ætatem benefactoris, sed bene-
ficiarii, propterea quod probe noverimus, memoriam benefi-
ciorum acceptorum & propensam in benefactorem voluntatem
adhuc subsistere in nobis posse, etiam si benefactor dudum
mortuus fuerit, & nos ad significandum animum gratum ad-
huc obligatos agnoscimus etiam post fata ipsius. Immo ne-
mo non gratum in benefactorem animum in dubium vocaret,
si quis alleveret, se memoriam beneficiorum acceptorum
non depositurum, quamdiu benefactor vixerit.

§. 724.

*Quid obser-
vandum, si
gratia re-
penditur
mortuis in
iis, quos a-
marunt.*

*Si benefactoribus mortuis bonum bono referimus in iis, quos
vivi amarunt; declarare debemus id fieri ob beneficia in nos colla-
ta ab illis.* Etenim non minus obligamur ad gratias agen-
dum benefactoribus mortuis (§. 723.), quam ad bonum bo-
no iisdem referendum in iis, quos vivi amarunt (§. 719.).
Quamobrem cum benefactoribus mortuis gratias agamus
beneficia in nos collata narrando & prædicando (§. 722.),
bonum vero bono referatur alteri propter beneficia in nos
colla-

collata (§. 797. *part. 1. Jur. nat.*), consequenter occasio mortuis gratias agendi offeratur, quando iisdem bonum bono referri datur in iis, quos vivi amarunt; quando benefactoribus mortuis bonum bono referimus in iis, quos vivi amarunt, utique declarare debemus id fieri ob beneficia in nos collata.

Grati esse debemus erga benefactores mortuos (§. 721.). Gratos autem nos iisdem præbemus, cum quatenus memoriam beneficiorum nobis præstitorum nos habere declaramus, tum quatenus propensam remunerandi voluntatem significamus. Utrumque quando fieri potest, omnes omnino animi grati partes adimplere debemus. Nos memores esse beneficiorum ab altero nobis datorum significamus ea narrando ac prædicando; propensam vero remunerandi voluntatem declaramus ipso facto, dum bonum bono referimus in eo, quem amavit vivus. Quodsi ergo ex assè satisfacere velis officio gratitudinis erga benefactores mortuos, quando hoc faciendi occasio sese offert; utique necesse est, ut, dum bonum bono iisdem refers in iis, quos vivi amarunt, id fieri significes propter beneficia in te collata. Neque obstat adesse rationes, cur etiã alteri benefaceres, etiamsi nulla istiusmodi beneficia ab alio in te fuissent collata: cum enim unius actus plura esse possint motiva, siquidem hæc indicari necesse sit, omnia simul indicari possunt.

§. 725.

Fama ac laudi mortuorum detrahere non debemus. Etenim *Detrahere* laudem alteri, quam meretur, etiam post mortem tribuere *famæ ac* debemus ac operam dare, ut famam, quam meretur, *con-*sequatur, aut ut ea conservetur, quam consecutus est (*laudi mortuorum illicitum.* §. 715.), consequenter laudem ac famam alterius diminuerenon licet (§. 722. *part. 1. Jur. nat.*). Quamobrem cum famæ ac laudi alterius detrahat, qui eam diminuerenonatur
(*Wolfii Jur. Nat. Pars VI.*) Cccc (§. 870.)

(§. 870. part. 1. Jur. nat.); famæ ac laudi mortuorum detrudere non debemus.

Non est quod excipias, mortuo noceri amplius non posse, consequenter parum referre, quicquid de eo dicatur. Nullam inde molestiam percipere mortuum, si vel ea narrentur, quæ famæ ipsius adversa sunt. Sufficit nimirum noceri famæ, quam integram conservari interest eorum, quibus ob benefacta defuncti beneficia præstanda, & qui alio quocunque modo famam illius participant. Neque ratio prohibitionis de non detrudendo famæ ac laudi alterius est nocementum vel modestia animi inde proveniens, quamvis in philosophia morali inter motiva referri talia possint, cur ab actu hoc vitioso sit abstinendum; sed quod contrarietur officio de curâ famæ alienæ (§. 650. part. 1. Jur. nat.).

§. 726.

De non propalandis factis mortuorum adversis.

Quoniam laudi mortuorum detrudere non debemus (§. 725.), facta autem ex virtutibus intellectualibus & moralibus profecta laudem pariunt (§. 531. part. 1. Jur. nat.), consequenter his contraria eam diminuunt, si ad illa accedant; facta mortuorum virtutibus intellectualibus & moralibus adversa aliis parum nota propalanda non sunt, nec, quæ oblivioni jam tradita, eorum memoria renovanda.

Recte hinc vulgo dicitur, de mortuis nil nisi bene: quod non ita intelligendum est, quasi de iis dicenda sint veritati adversa, sed ut minus recte, vel male facta reticeantur, quæ autem recte ac bene facta sunt commemorentur. Veritati nimirum semper litandum: id quod in casu præsentis sit, si tantummodo commemorentur recte ac bene facta, nulla facta mentione eorum, quæ male aut minus recte facta sunt.

§. 727.

De male factis mortuorum aliis.

Si male facta mortui notoria sunt, ea dicere licet ad instruendum alios. Quodsi enim facta notoria sunt, eorum memori-

am delere non possumus, nec a nobis dependet, ut aliis nota non sint. Quamobrem cum exempla mala sequi minime debeamus (§. 931. part. 1. Jur. nat.), consequenter dehortari etiam alios, ne sequantur; si de male factis mortuorum notoriis occasio dicendi sese offerat ad instruendum alios, quia salvo officio de non detrahendo iisdem de fama sua (§. 725.) illa dicere liceat dubitandum non est.

Sane in codice etiam sacro commemorantur mala facta eorum, quorum virtutes laudantur, quia ad instruendum alios faciunt. Et hoc nomine etiam excusantur Historici quod prava quoque facta posteritati mandent, & qui exempla vitiorum in usum moralem describunt. Sane quos penitet male factorum, ubi respiciunt, ipsimet volunt, ut alii ex ipsorum factis sapere discant. Et hoc convenit charitati, ut, qui quam nonia sint vitia expertus fuit, alios exemplo suo hoc doceat, ut sibi tempestive caveant. Quanta enim sit exemplorum vis in hominibus emendandis, alibi dictum demonstravimus.

§. 728.

Male aut minus recte facta mortuorum excusanda, quantum datur. Etenim famæ ac laudi mortuorum detrahere non debemus (§. 725.), consequenter eam non diminuere (§. 870. part. 1. Jur. nat.). Quoniam per se patet male aut minus recte facta de fama ac laude alicujus detrahere, aut minus detrahere, quatenus excusationem merentur; male aut minus recte facta mortuorum excusanda, quantum datur.

Historicorum ideo est ea etiam narrare, quæ ad excusationem facti faciunt: alias enim peccant, utpote ipsimet de fama ac laude eorum detrahentes, quorum facta narrant. Quando dicitur, omnia in bonam partem esse interpretanda, non aliud significatur, quam ut facta excusentur, quantum datur: excusatio enim ultra veritatem, aut in casu dubio ultra verisimilitudinem

dinem non extendenda. Ipsa autem demonstratio loquitur, quod, quæ hic de mortuis dicuntur, ea etiam de vivis intelligenda sint. Atque tum tanto magis ad excusandum sumus obligati, si quæ adversus nos commissa sunt ab iisdem excusentur adductis rationibus, ob quas ea excusationem merentur. Merito igitur reprehendi solet, si quis contrario modo omnia in malam partem interpretetur, nec excusationem admittere velit, etiamsi rationes sufficientes in medium afferantur.

§. 729.

Quamdiu officium laudis debeat mortuis.

Officium laudis debetur mortuis, quamdiu factorum memoria manet. Etenim officium laudis debetur mortuis ob facta ex virtutibus, intellectualibus & moralibus profecta (§. 551. *part. 1. Jur. nat.*). Quamobrem tamdiu fieri potest, ut laus, quam merentur, iis tribuatur, quamdiu horum factorum memoria manet. Quoniam itaque obligatio præstandi officii non ante expirat, quam quando impossibile est, ut eidem satisfiat (§. 209. *part. 1. Phil. pract. univ.*); officium laudis utique debetur mortuis, quamdiu factorum memoria

Obligatio quæ a lege naturæ venit, necessaria & immutabilis est (§. 142. *part. 1. Phil. pract. univ.*), adeoque per se nunquam desinere potest. Enimvero extenditur ad impossibile adeoque eidem nullus amplius locus esse potest (§. 209. *part. 1. Phil. pract. univ.*), quamprimum contingit, ut eidem satisfieri non possit. Quodsi memoria factorum perpetuo duraret, officium quoque laudis propterea debitum semper maneret. Sed quoniam ætas illam delet, laudis quoque officium perpetuum esse nequit. Facile autem patet, memoriam non deleri debere nostra culpa, cum ad eam vitandam obligemur (§. 299. *part. 1. Jur. nat.*). Quamdiu factorum memoria manet, moraliter adhuc vivit, & si ex factis ejus aliquod adhuc commodum in nos redundat, perinde est, ac si nobis quid faceret, suoque facto nos sibi obligaret ad grati animi officium præstandum. Enimvero quando factorum memoria deletur,

mora-

moraliter quoque moritur, qui physice dudum erat mortuus, tumque omne prorsus jus, quod ad officia laudis habebat, amittit, ut perinde sit ac si nunquam inter homines extitisset, & natura nunquam jus quoddam eidem tribuisset.

§. 730.

Mortuis injuria fieri nequit; peccari tamen in eos potest. An mortuis
Quoniam enim mortuus jus omne amittit (§. 700.); nul- *injurya fieri*
lum quoque jus perfectum ipsi competit, consequenter nec *in eos pec-*
quisquam jus ejus violare potest. Quamobrem cum injuri- *cari possit.*
am alteri faciat, qui contra jus perfectum quid facit (§. 859.
part. 1. Jur. nat.); mortuo injuria fieri nequit. *Quod erat*
primum.

Enimvero quoniam obligamur naturaliter ad laudem meritam mortuis tribuendum, & famam eorum servandam (§. 715.), tum etiam ad nos gratos iisdem præbendum (§. 721.) & ad gratias agendum (§. 723.) immo ad gratiam rependendam in aliis (§. 724.); & ad omittendum quæ hisce contrariantur (§. 722. *part. 1. Jur. nat.*); si mortuis laudem meritam non tribuimus, nec eorum famæ studemus, neque gratos nos iisdem præbemus, aut hisce prorsus contraria facimus, actiones nostræ tam negativæ, quam positivæ legi naturæ contrariantur. Quamobrem cum is peccet, cujus actio legi naturæ contraria (§. 440. *part. 1. Jur. nat.*); omisso officiorum mortuis debitorum atque actio iisdem contraria peccatum est. Quoniam vero in eum peccamus, cui officium naturaliter debitum denegamus, aut quod eidem contrariatur facimus; in mortuos peccari posse patet. *Quod erat alterum.*

Patet adeo, quantum fallantur, qui sibi persuadent, in mortuos quidvis sibi licere, propterea quod se impune hoc facere posse vident, ita ut mortuo insultare leoni haud raro sibi glo-

riofum existiment. Æque tamen turpe est, deesse officio erga mortuos, quam erga vivos. Atque ipsi naturæ humanæ quasi insita est turpitudinis hujus notitia, cum qui a partium studio procul remoti sunt reprehendant unanimiter eum, qui contra officium mortuo debitum quid facit, immo reprehendant viri boni non sine indignatione. Mortui quoad ea officia, quæ ipsis adhuc post fata præstari possunt, ac debentur, æquiparantur vivis, ut adeo perinde sit, sive desis officio erga vivos, sive erga mortuos, aut contra id quicquam committas.

§. 731.

De infamia mortuis adspersa & ignominia, qua afficiuntur.

Mortuis infamiam adspargere non licet, nec eos ignominia afficere licet. Nemo enim alteri infamiam adspargere (§. 866. *part. 1. Jur. nat.*), nec ignominia alterum afficere quisquam debet (§. 829. *part. 1. Jur. nat.*). Quamobrem cum ex ipsa notione ignominie ac infamie pateat, mortuis quoque infamiam adspergi eosque ignominia affici posse (§. 811. 862. *part. 1. Jur. nat.*); nec mortuis infamiam adspargere, nec eos ignominia afficere licet (*not. §. 729.*).

Ex antea demonstratis satis patet, ea, quæ quoad honorem aliis debemus naturaliter, mortuis quoque deberi, & quæ naturaliter quoad eundem prohibita sunt, ea nec in mortuos licere. Quamobrem opus non est, ut de hisce prolixius dicamus, cum quæ de hisce demonstrata sunt in parte prima Juris naturæ ad mortuos facile applicentur: eos enim spectare debemus tanquam vivos, quatenus officia ad honorem spectantia iisdem adhuc debentur, & illis contraria prohibentur (*not. §. 729.*). Quicquid hac in parte lege naturali præcipitur, vel prohibetur, respectu vivorum & mortuorum unum prorsus idemque est. Eadem enim lege consultitur honori ac famæ tam vivorum, quam mortuorum.

§. 732.

An mortuus

Mortuus injuria specialiter dicta affici, seu injuriari potest.
Etenim

Etenim ex notione infamiae ac ignominiae patet, quod mortuus injuriari
tuo ignominia affici, ac infamia eidem adspergi possit (§. *possit.*
811. 862. *part. 1. Jur. nat.*). Cum famam alterius laedat,
qui eidem infamiam adspergit, honorem vero laedat, qui
ignominiam facere conatur (§. 867. *part. 1. Jur. nat.*), laesio
autem honoris ac famae sit injuria specialiter dicta (§. 874.
part. 1. Jur. nat.); mortuus quoque injuria specialiter dicta
affici, seu injuriari potest.

Injuria dividitur in realem & verbalem, quarum illa factis,
haec verbis committitur (§. 875. *part. 1. Jur. nat.*). Verbis
injuriam fieri posse etiam mortuis, palam est. Enimvero erunt
forsitan, qui dubitaturi sunt, num etiam injuria realis com-
mitti possit adversus mortuos, utpote qui in rerum natura non
amplius existunt. Hos igitur perpendere velim, injuriandi a-
nimo corpus quoque mortui verberari aut fustibus caedi posse,
perinde ac vivi: neque enim in injuria inferenda spectatur
dolor, quem sentit injuriatus, sed laesio honoris, aut famae,
quae facto intenditur. Similiter quemadmodum injuria realis
est, si quis alterius domum ut debitoris possidet (*not. §. cit.*);
quidni etiam si mortui domum ut debitoris possidere velit, in-
juria realis esse debet? Dantur etiam facta injuriola alia in
mortuos, etsi rationa, aut saltem non adeo manifesta, quae ad-
huc locum habent, etiam si corpus defuncti dudum fuerit corru-
ptum. Exempli loco esto, si quis animo injuriandi, quem
prodere vult, injuriam realem inferat liberis defuncti, aut si quis
eodem animo aures asinas appingit imagini defuncti.

§. 733.

Corpora mortuorum ex iis locis, in quibus viros degunt, remo- De remo-
venda. Corpus mortuum putredine corrumpitur, atque foe- *vendis cor-*
tore suo non modo molestiam creat, verum etiam veren- *poribus*
dum est, ne sanitati viventium nocumentum adferat. Quo- *mortuis.*
niam itaque operam dare debemus, ut omnem molestiam
quae

quantumlibet exiguam evitemus (§. 451. *part. 1. Jur. nat.*) & ut sanitatem conservemus, quantum datur (§. 393. *part. 1. Jur. nat.*), ac utrumque aliis quoque debeamus (§. 608. *part. 1. Jur. nat.*); corpora mortuorum ex iis locis removenda sunt, in quibus vivi degunt.

De jure sepulturæ cum jam nobis sit agendum, gradatim progrediendum est: alias enim fieri non poterit, ut hoc jus evincamus. *Grotius* de J, B. & P. lib. 2. c. 19. §. 1. hoc jus ad jus gentium voluntarium refert, quod scilicet ex voluntate humana ortum habet; hos tamen gentium mores communes naturali rationi consentaneos agnoscit. Quodsi vero naturalis detur ratio, cur mortui sint sepeliendi; in eam hic inquirendum, non vero ad tacitam gentium voluntatem provocandum. Naturalis illa ratio si inducat necessitatem moralem mortuos sepeliendi; ad mortuos sepeliendos naturaliter obligamur, consequenter jus sepulturæ erit juris naturalis, minime autem juris Gentium voluntarii. Patet itaque jus sepulturæ a *Grotio* non satis fuisse expensum; sed idem altius reperendum esse. Quid igitur principiis juris naturæ hic conveniat, a nobis demonstrandum. In præsentī propositione ostendimus, rationem a corporis mortui natura desumptam inducere necessitatem moralem, adeoque obligationem mortuos ex iis locis removendi, in quibus viventes degunt: nondum autem definimus modum, quo removendi sunt, sed in eum ulterius jam erit inquirendum. Ista autem obligatio nos tenet non minus quoad cadavera brutorum, quam quoad corpora humana mortua, quemadmodum ex demonstratione abunde liquet, quippe quæ tota subsistit, etiam si in locum corporum humanorum mortuorum cadavera brutorum substituas. Et hæc forsitan ratio est, cur quædam gentes, præsertim barbaræ, in modo removendi a viventibus corpora mortuorum & cadavera brutorum nullam differentiam admiserint, sed idem sibi licere in corpora hominum mortuorum, quod in cadavera brutorum licet, existimati fuerint. Hoc præjudicium ut tollatur, sequentem addimus propositionem.

§. 734.

Corpora mortuorum hominum cadaveribus brutorum non æquiparanda sunt. Etenim mortuis hominibus debentur adhuc *bus humanis* certa officia (§. 715.), ita ut etiam injuria specialiter dicta *mortuis* iisdem inferri possit (§. 732.); in ipsorum etiam corporibus *brutorum* (*nat. §. cit.*). Quoniam vero ex demonstratis facile patet, *cadaveribus* eadem non valere de brutis mortuis; homines mortui & *non æquipa-* bruta mortua in eundem censum venire minime possunt, adeo *randis.* que nec corpora mortuorum hominum cadaveribus brutorum æquiparanda sunt.

Negari equidem non potest, corpora mortua hominum & cadavera brutorum physice non differre a se invicem, ac eodem modo corrumpi. Ast inde minime sequitur, quod nec moralis quædam differentia intercedat: quin potius contrarium patet per antea demonstrata & iisdem innixam demonstrationem præsentem. Quando igitur inquiritur in modum removendi a se corpora mortua humana; ad differentiam istam utique animam advertere debemus, nec a modo, quo cadavera mortuorum removemus, argumentari licet ad modum removendi corpora mortua hominum. In illo nimirum tantummodo rationem nostri habemus; in hoc vero ratio quoque habenda est hominum mortuorum, ne quid committatur, quod officio erga ipsos repugnat.

§. 735.

Quoniam cadaveribus brutorum minime æquiparanda *Quid inde* sunt corpora hominum mortuorum (§. 734.); ea non eodem modo *sequatur.* e conspectu nostro removenda, quo cadavera brutorum removeri solent, consequenter cum cadavera brutorum canibus ac feris abjiciantur, & sub sole putrescant, *corpora hominum mortua canibus ac feris non abjicienda, nec patiendum, ut sub sole putrescant.*

Constat gentes barbaras mortuos volucris ac feris devorandos
(Wolffii Jur. Nat. Pars VI.) D d d d

randos abjecisse ; sed hæ fuerunt, quæ inter corpora hominum mortuorum & cadavera brutorum nullam differentiam agnoverunt, ad physicas tantummodo rationes, quæ in omnium oculos statim incurrunt, animum advertentes, non vero ad rationes morales in sensum non incurrentes illum attendentes. Nemo facile erit, qui existimaturus est, nihil in eo committi, quod sit a ratione alienum, si corpora humana mortua feris devoranda abjiciantur, consequenter morem illarum gentium, quæ hoc fecerunt, reprehendi minime posse: qui enim ita sentit, cum præjudicio a prima ætate contracto non occæcatum possideat animum, quemadmodum gentes barbaræ, quarum is mos fuit, omni amore in alios vacuum habere debet animum, quoniam alias æquo animo non laturus, ut is, quem vivus dilexerat, post fata brutis æquiparetur.

§. 736.

An amor, quo alterum prosequimur, morte ipsius extinguatur.

Si is, quem amamus, moritur; morte i. s. amor in nobis minime extinguatur, sed tantummodo effectu suo orbatur. Amor enim est dispositio animæ ad percipiendam voluptatem ex alterius felicitate (§. 633. *Psych. empir.*), consequenter ex eo, quo ipse voluptatem percipit (§. 636. *Psych. empir.*). Quando quis moritur, impossibile quidem efficitur, ut voluptatem mortuo creemus, ac tædium ab eo avertamus, qui effectus amoris est (§. 652. *Psych. empir.*), non tamen propterea tollitur illa dispositio animæ, in qua amor consistit, quippe cum mors alterius minime obstet, quo minus velimus, ut adhuc in vivis esset, ac ipsi voluptatem creandi occasio sese nobis offerret. Amor itaque morte illius, quem amamus, non extinguatur. *Quod erat unum.*

Enimvero quoniam fieri non potest, ut mortuo voluptatem creemus, vel tædium ab eo avertamus, in quo effectus amoris consistit *per demonstrata*; si is, quem amamus, moritur, amor, etsi minime extinguatur *per demonstrata*, effectu tamen suo orbatur. *Quod erat alterum.* Amo-

Amoris effectus ab ipso amore probe distinguendus. Non semper nobis datur, ut ei, quem amamus, voluptatem creare, vel tædium aliquod seu molestiam ab eo avertere actu studeamus: hoc tamen non obstante amor subsistit. Absonum sane foret, si quis durationem amoris restringere vellet ad actum, quo voluptatem alteri creare, vel tædium ab eo avertere studemus. Nec, quod hic dicitur de amore, singulare quid est; sed quod omni virtuti tam intellectuali, quam morali, immo in genere omni habitui convenit. Neque hoc abhorret ab experientia. Amamus sane eos, qui dudum mortui sunt, & quos vivos impense amavimus, ita ut, quando occasio offeratur, qua ipsis voluptatem creare, seu officia grata præstare poteramus, si adhuc in vivis essent, optemus: utinam adhuc in vivis essent! ac amoris misceatur aliquid tristitiæ, quod voti nostri minime compotes fieri queamus. Immo quis est, qui nesciat, quomodo amore prosequamur imagines eorum, quos vivi amavimus, mortuos amantes in ipsorum imaginibus. Cumque amor oriatur ex eo, quod nobis placet in altero (§. 649. *Psych. empir.*); amorem erga eum, qui dudum mortuus est, nasci in nobis experimur, quando placent facta, quorum memoria superest. Quodsi ergo amor erga dudum mortuum nasci potest, quidni subsistere possit erga eum, quem vivum jam amavimus, quando moritur? Sane res etiam inanimatas amare possumus atque solemus (§. 654. *Psych. empir.*). Quidni igitur etiam mortuum, quem quoad animam adhuc superstitem novimus, corpore licet corrupto (§. 744. *Psych. rar.*), & quem adeo spectare possumus tanquam procul absentem, tamdiu tamen adhuc viventem, quamdiu memoria ejus nobis superest?

§. 737.

Quia morte ejus, quem amamus, amor non extinguitur *De duratione* (§. 736.), hominem autem quemcunque amare debemus *amoris uni-* tanquam nosmetipos (§. 619. *part. 1. J. nr. nat.*), *universalis versalis o-* quoque amor, quo homines in universum omnes prosequi debemus, *innum ho-*

extingui in nobis minime debet, quamdiu memoria ipsorum nobis superest, quando mortui fuerunt.

Constat olim plerasque gentes amorem illum universalem, lege naturæ nobis præceptum (§. 619. part. 1. Jur. nat.), non agnovisse, sed ad eos solos restrinxisse, qui nobiscum in eadem societate civili vivunt: quæ perversa opinio ipsorum etiam Judæorum animos occupaverat, a Christo autem vehementer improbata fuit. Quid ergo mirum, si non agnoverint, amorem illum subsistere debere in nobis, etiamsi homines fuerint mortui, quamdiu memoria eorum adhuc superest. Multo minus autem mirari debemus, si gentes barbaras hoc non agnovisse deprehendimus, consequenter fecisse, quod quomocumque eidem adversatur, vel parum convenit.

§. 738.

De obligatione edendi signa amoris erga mortuos.

Quoniam etiam homines mortuos quoscumque amare debemus tanquam nosmetipsos, quamdiu memoria eorum superest (§. 737.); *si qua sese offerat occasio quomocumque edendi signa amoris erga mortuum, ea edere debemus.*

Non deesse signa, quibus palam facimus amorem erga mortuum, dubitandum non est. Sane dantur actus externi, quibus amorem in res inanimatas significamus, etsi revera amor effectu proprio destituatur (§. 655. Psych. empir.). Quamvis adeo amor erga mortuum effectu destituatur (§. 736.); hoc tamen minime obstat, quo minus actibus quibusdam externis eundem significemus. Pertinet huc pretium affectionis, quod statuimus imagini defuncti, vel rei ab eo nobis, cum viveret, donatæ, aut quæ quondam fuerat ipsius, nunc vero quocumque titulo ad nos pervenit. Sane pretium istud tanquam licitum defenditur amore, quo defunctum adhuc prosequi fas est (§. 159. part. 1. Phil. pract. univ.). Quodsi amor defuncti foret illicitus, aut absurdus; pretium quoque affectionis, de quo nobis sermo est, illicitum, aut absurdum dici deberet, ac minimum pro stulto habendus esset, qui pretium istiusmodi rei

rei a defuncto profectæ statueret : id quod tamen nemo facile dixerit.

§. 739.

Quia signa amoris erga mortuum edere debemus, *De signo a-*
quando occasio quæcunque nobis offertur (§. 738.); si sic-
ri possit, ut in modo, quo corpus mortui e conspectu nostro remove-
nerando cor-
pus, signum quoddam amoris erga ipsum edamus, id edere atque pœre mortui
debemus. edendo.

Atque adeo vel hinc patet, non prorsus indifferens esse,
quocunque modo corpus mortui e conspectu nostro remove-
atur: si quis enim datur, qui signa amoris erga mortuum ad-
huc continet, is utique præferendus erit ceteris, qui signis isti-
usmodi destituuntur.

§. 740.

Quoniam amor universalis lege naturali ad ipsos et- *De diâis ad*
iam inimicos extenditur (§. 632. part. 1. Jur. nat.), idem inimicos ex-
vero in nobis extingui minime debet, quamdiu mortuorum tendendis.
memoria nobis superest (§. 737.), ejusque signa edere te-
nemur quacunque occasione oblata (§. 738.), etiam in eli-
gendo modo, quo corpora mortuorum e conspectu nostro
removentur (§. 739.); *inimicos etiam mortuos amare debemus,*
quamdiu eorum memoria nobis superest, ejusque signa edere tene-
mur, quacunque occasione oblata, qua id fieri potest, etiam in eli-
gendo modo, quo corpora mortuorum e conspectu nostro removentur.
Iam etiam valet de iis, qui indifferenti in nos sunt animo.

Officium amoris universalis, quod homo homini debet,
ab amicitia & inimicitia prorsus independens est, cum in na-
tura hominis unice fundatum fit, nullo habito respectu ad eo-
rum amicitiam, vel inimicitiam. Quæcunque igitur ex amo-
re universalis fluunt, ea non minus ad inimicos, quam amicos
pertinent, vel etiam eos, qui indifferenti in nos sunt animo.

Immo ex eadem ratione in amore universali ac iis, quæ influunt, non attenditur, qualis quid sit, utrum bonus, an malus. Quamvis enim facta prava a nobis improbentur, non tamen propterea cessant officia, quæ ipsi tanquam homini debentur. Hæc imprimis probe notanda sunt in præsentia, ubi de jure sepulturæ agendum, ne hoc jus ætioribus limitibus constringatur, quam par est, & ut intelligatur cur hoc jus a veteribus nonnullis vocetur jus humanitatis.

§. 741.

Cuinam mortuus benefactor ejus, in quem morte sua dominium rerum suarum & jura ad rem, vel in re sibi competentia transmittit.

Mortuus est benefactor ejus, in quem morte sua dominium rerum suarum & jura ad rem, vel in re sibi competentia transmittit. Qui enim dominium rerum suarum & jura ad rem vel in re sibi competentia transmittit, is bona sua gratis dare eidem intelligitur (§. 448. 451. part. 2. Jur. nat.). Quamobrem cum hic actus mere beneficus sit (§. 3. 4. 18. part. 4. Jur. nat.), qui in præsens absolvitur, quod per se patet; istiusmodi autem actus beneficium sit (§. 17. part. 4. Jur. nat.); qui morte sua dominium rerum suarum & jura ad rem, vel in re sibi competentia in alterum transmittit, maximum in eum beneficium confert, quod conferre potest. Benefactor alterius est, qui beneficium dat (§. 20. part. 4. Jur. nat.). Mortuus igitur est benefactor ejus, in quem morte sua dominium rerum suarum & jura ad rem, vel in re sibi competentia transmittit.

Non semper hoc agnoscitur, cum multi sibi persuadeant, quasi bona defuncti accipiant tanquam debita, non tanquam beneficium, nec mortuo deberi gratias, cum non amplius existat. In utroque autem oppido falluntur; quid in priori errori tribuendum sit, suo loco clarius elucescet, quando de successione ab intestato acturi sumus: mortuis autem gratias agi ac rependi posse, ex antea demonstratis abunde patet.

§. 742.

Quoniam mortuus est benefactor ejus, in quem morte sua omnia bona sua transmittit (§. 741.), erga beneficentem vero etiam mortuum grati esse debemus (§. 721) quem defunctus eidemque gratias agere (§. 723.); in quem bona sua defunctus morte sua transmittit, vis erga defunctum gratus esse ac eidem transmittit gratias agere debet.

Maximum omnino beneficium est, quod ab alio accipere possumus, si dat, quicquid habet, ut nihil prorsus sibi retineat. Hoc autem obtinet, si defunctus omne jus suum, aut, si malis, omnia bona sua in nos transmittit. Quamobrem etiam eidem ad gratias agendas præ aliis beneficiariis nos obligatos existimare debemus. Si qua adhuc dubitatio suboriri potest, quæ a modo æstimandi beneficia dependet; ea tum expendenda, quando in philosophia morali modum beneficia æstimandi explicaverimus. Multo omnino hic considerata veniunt, quibus dici paucis non potest.

§. 743.

Quoniam mortuus est benefactor ejus, in quem morte sua dominium rerum suarum & jus omne reliquum transmittit (§. 741.), beneficiarius vero benefactorem amare debet (§. 39. part. 4. Fir. nat.), & amare potest etiam mortuum (§. 736.); is, in quem defunctus dominium rerum suarum & jus omne reliquum transmittit, defunctum amare debet, consequenter signa amoris erga eum edere, si qua edendi occasio sese offert (§. 738.), etiam in modo, quo corpus mortui e conspectu nostro removendum, siquidem fieri possit (§. 739.).

Quicquid de amore in genere valet, id etiam valet de amore beneficiarii erga benefactorem, adeoque & de amore ejus, in quem defunctus morte sua omnia bona sua transmittit.

§. 744.

§. 744.

Sepeliri & *humari* quid sit. *Mortuus sepeliri* dicitur, qui quoquo modo conditur; in specie autem *humari*, qui humo contegitur. *Quis adeo humatur, is sepelitur; at non omnis, qui sepelitur, humatur.*

Differentiam hanc inter sepulturam & humationem tradit diserte *Plinius* Hist. nat. lib. 7. c. 54. ac ideo *Cicero* de modo, quo mortui a viventibus removendi (§. 733.) dicitur humationem & sepulturam conjungit. Quoniam autem non alius fere modus sepeliendi apud nos usu receptus est, quam humatio; ideo sepeliri dicuntur termino generali, qui humantur, quasi *humari* & *sepeliri* prorsus unum idemque sint.

§. 745.

De mortuo in se sepulto. Quoniam sepeliuntur mortui, si quocunque modo conduntur (§. 744.); qui vero mortuos comedunt, eos in seipsis condunt; *qui mortuos comedunt, eos in seipsis sepeliunt.*

Constat olim gentes quasdam mortuos suos comedi & *Moschion* existimat, humationi causam dedisse gigantem feritatem mandendi homines. Vid. *Grotius* l. 2. c. 19. §. 2. Si significatum vocabuli *sepelire* generalem retinere volueris, quemadmodum fas est, ubi nulla necessitas nos cogit ab eodem recedere; dicendum utique mortuos comedere esse quandam sepeliendi modum, saltem imperfectum, quatenus non totum corpus mortuum, sed caro saltem comedi potest. Non tamen ideo sequitur, hunc sepeliendi modum legi naturæ esse consentaneum.

§. 746.

Sepultura & *sepulchrum.* *Sepultura* dicitur actus, quo mortui a vivis remoti conduntur. *Sepulchrum* vero locus est, in quo corpus mortuum conditur, vel ossa cremati cum cineribus conduntur.

Quodsi ergo mortui comedantur, ossibus ac ceteris, quæ non comeduntur, in loco quodam conditis; sepulchrum erit

erit partim corpus ejus, qui comedit, partim locus, in quo ossa cum ceteris reliquiis condita fuerunt. Duplex nimirum hic actus est, quo mortuus conditur, ut e conspectu viventium tollatur, & duplex etiam locus, in quo conditur. Quodsi vero ossa tanquam res nullius usus abjiciantur, & reliquiæ, quæ non comeduntur, canibus ac feris projiciantur; actus, quo mortui a vivis removentur, erit mixtus, aut, si mavis, compositus ex sepultura & alio, qui sub ea comprehendi nequit, quemadmodum obtinet, si mortui cremati ossa cum cineribus demum conduntur.

§. 747.

Monumentum in genere dicitur, quicquid memoriam rei *Monumentum* præteritæ conservat, aut posteritati mandat. Unde *Monumentum* & *Epitaphium* mortui seu ejus causa factum dicitur res, quæ mortui memoriam posteritati mandat. *Epitaphium* vero est inscriptio supra sepulchrum, seu in monumento in laudem, vel memoriam mortui facta. *quid sit.*

Quando monumento additur inscriptio, sub vocabulo epitaphii una comprehendi solet. Monumentum tamen multo latius patet. Ita monumentum fit, si ad memoriam posteritatis scriptor celebris laudes alterius in scriptis suis propagat.

§. 748.

Exequia vocantur actus solennis, quo corpus mortui effertur in eum locum, ubi conspectui vivorum subducendum, & *funus* veluti ad sepulchrum, si mortui sepeliuntur, vel ad rogam, si comburi solent. *Funus* vero dicitur pompa exequiarum, *quid sint.* *Donato* interprete, ut adeo ad funus referantur actus omnes, qui corporis sepeliendi causa fiunt.

Schardus in Lexico: Funus, inquit, generalius est, quam exequiæ. Est enim tota pompa tam domestica, quam extrinseca: Exequiæ vero tantum in via, dum funus procedit, (Wolffii Jur. Nat. Pars VI.) Ee eg Item;

Item: Exequiæ sunt funeris celebratio, dum corpus effertur, sicuti funus pompa exequiarum.

§. 749.

*De funere
imaginario
& legitimo.*

Funus imaginarium vocatur, quod ducitur cadavere absente. Græci *Cenotaphion* vocant, nos ein *Leichenbegängnis* dicimus. *Legitimum* vero dicitur *funus*, quando cadaver, seu corpus defuncti adest. *Funus* adeo *imaginarium* ducitur, sepultura jam clam sine ulla pompa facta.

Funera imaginaria etiam inter nos frequentantur non una de causa. Apparet vero, ea esse antiquissima, cum apud Græcos jam usu fuerint recepta.

§. 750.

*Quando
mortuos
mandere
non liceat.*

Mortuos mandere non licet, nisi in extrema necessitate. Et enim carne cadaverum humanorum vesci, si homines non eo sine fuerunt trucidati, ut in pabulum cedant, non contrariatur juri naturali communi, contrariatur tamen legi naturali perfectivæ (§. 388. part. 1. *Jur. nat.*), atque vesci licet, si desit cibi alterius copia (§. 390. part. 1. *Jur. nat.*). Mortuos igitur mandere non licet, nisi si desit cibi alterius copia, ut vel fame sit pereundum, vel carne cadaverum humanorum corpus pascendum nostrum, adeoque non licet mandere, nisi in extrema necessitate.

Extra casum necessitatis extremæ nemo facile appetet carnem cadaveris humani, nisi a prima infantia hoc cibo fuerit passus, ut adeo superfluum videri possit talia hic demonstrari, nisi instituti ratio urgeret, ut de more mortuos in vivis sepeliendi olim usitato apud barbaras quasdam gentes hic quoque diceremus.

§. 751.

An mortuos

Mortuos mandere non est modus sepeliendi aptus. Etenim is esse

is esse debet modus sepeliendi mortuos, ut non modo illi, in *mandere sit* quos defunctus morte sua transmittit omnia bona sua (§. aptus sepe-
743.); verum etiam alii, qui eundem amarunt & promiscue *liendi mo-*
homines quicumque signa amoris erga defunctum in eodem *du.*
edere possint (§. 739. 737.), & quo corpus humanum mor-
tuum a cadaveribus brutorum distinguitur (§. 734. 735.).
Enimvero si mortuorum carne corpora vivorum pascuntur,
officium istud amoris cessat, cumque dubitandum non sit,
quin carne etiam cadaverum aliorum vescantur, qui a car-
ne cadaverum humanorum non abhorrent, cadavera homi-
num & brutorum eodem loco habentur. Mortuos adeo
mandere non est aptus sepeliendi modus.

Non igitur mirum, quod nonnisi gentes feræ ac barbaræ eun-
dem probarint; ab eodem vero abhorreant non modo cultio-
res, verum etiam barbaræ, quæ ferinis moribus destituuntur.
Vesci carne cadaverum humanorum ferinis moribus utique
accensendum: etenim feræ, sive quadrupedes fuerint, sive vo-
lucres, quæ carne pascuntur, inter cadavera brutorum ac ho-
minum non distinguunt. Perinde igitur est, sive corpus hu-
manum mortuum carnibus ac feris abjiciatur, sive homines
mortuos mandent. Quamobrem cum illud facere non debe-
amus (§. 735.); nec hoc nobis permixtum censeri potest. Ne-
que est, quod dubitemus, morem mandendi mortuos conjun-
ctum fuisse cum more abjiciendi cadavera eorum canibus ac
feris, propterea quod nec mortuos totos mandere potuerunt,
ut adeo reliquæ fuerint abjiciendæ, nec omnium promiscue
mortuorum caro commodum pabulum corporis humani præ-
bet, ut cadaver totum tanquam inutile fuerit abjiciendum.
Neque enim existimandum est, homines feros ac barbaros,
qui cadavera hominum ac brutorum eodem loco habuerunt,
peculiarem curam adhibuisse in condendis reliquiis cadaverum,
vel integris cadaveribus, quæ in pabulum cedere non potue-
runt.

§. 752.

*Quomodo
mortuis ho-
nor defera-
tur.*

Honor mortuis defertur, quando facto quodam declaramus, nos facta ipsorum ex virtutibus intellectualibus ac moralibus profecta agnoscere. Etenim facta ex virtutibus intellectualibus & moralibus profecta honore dignum probant (§. 552. part. 1. *Jur. nat.*). Quamobrem cum alteri honorem deferamus, si nostrum de iis iudicium actibus externis significamus (§. 538. part. 3. *Jur. nat.*); honor mortuis defertur, quando facto quodam declaramus, nos facta ipsorum ex virtutibus intellectualibus ac moralibus profecta agnoscere.

E. gr. Honorem mortuis deferre licet in ipsorum imaginibus, quas in conspectu nostro locamus memoriæ causa, quas osculamur, ornamus ac pretio affectionis tanquam rem pretiosissimam æstimamus, nec sine voluptate intuemur, & alio quovis modo possibili colimus. In alia facta non inquirimus, quibus etiam mortuis honorem deferre valeamus. Sufficit enim vel unico declarasse, delationem honoris, quæ mortuis fieri debet, non esse impossibilem.

§. 753.

*Quod sit de-
ferendus.*

Honorem etiam mortuis, quem merentur, deferre debemus. Unusquisque alteri honorem exhibere debet, quem meretur (§. 648. part. 1. *Jur. nat.*). Quamobrem cum impossibile non sit, ut etiam post fata ipso facto declarem, nos facta mortui ex virtutibus intellectualibus ac moralibus profecta agnoscere (*not.* §. 752.), quando vero hoc fit, honor mortuo defertur (§. 752.), quem meretur (§. 552. part. 1. *Jur. nat.*); honorem etiam mortuis, quem merentur, deferre debemus.

Vide quæ supra de obligatione naturali annotavimus (*not.* §. 729.) dum ostendimus, quamdiu officium laudis debeatur mortuis,

§. 754.

Honorem mortuis deferimus, si exequias comitemur. Quando enim exequiæ celebrantur, corpus mortui ad sepulchrum, vel, ubi mos est cremandi mortuos, ad rogam delatatur mortuis. fertur (§. 748). Qui adeo exequias comitantur, mortuum ad sepulchrum, vel rogam, seu eum locum comitantur, ubi conspectui vivorum subducendus, consequenter ipso facto significant, quod bene de eo existiment. Quamobrem cum in actibus externis, quibus existimatio significatur, honor consistat (§. 538. part. 1. Jur. nat.); quin honorem mortuis deferamus, si exequias comitemur, dubitandum non est.

Non est, quod objicias, fieri posse, ut quis exequias comitetur, etiamsi male de defuncto existimet. Sufficit enim, nos exequias comitari posse, quia bene existimamus de defuncto. Cum non aliud hic demonstrare intendamus, quam quod comitando exequias mortuo honor deferri possit. Si quis hoc facit in eorum gratiam, qui funus faciunt, vel amicorum aut agnatorum causa, quos habet, defunctus; sane nec hi aliud intendunt, quam ut mortuo honor deferatur, quorum adeo judicio ac voluntate stamus. Fieri omnino potest, ut etiam vivis perhibeatur honor, quem non merentur, sive animo sincero, sive simulato; id tamen ipsum actum, quo perhibetur, non efficit ineptum ad honorem tribuendum. Neque abhorret a notionibus communibus, quod, quando ad exequias honestandas convenitur, id honori mortui imputetur. Quando enim ad eundem exequias invitamus, dicere solemus, rogari eos, qui invitantur, ut ultimum honorem perhibeant defuncto.

§. 755.

Quoniam honorem mortuis deferimus, si exequias comitemur (§. 754.), honorem vero etiam mortuis deferre debemus, quem merentur (§. 753.), ob facta scilicet ex virtute

tutibus intellectualibus & moralibus profecta (§. 552. part. 1. *Jur. nat.*); si ab iis, qui funus faciunt, vel amicis defuncti ad comitandum exequias invitamur, ac defunctus hunc honorem meretur; exequias comitari debemus, nisi justa causa impediamur.

Nemo adeo malus est, ut nihil prorsus in eo deprehendatur boni, & propterea in casu dubio hoc præsumitur. Quamobrem cum illud bonum, qualecunque & quantumcunque fit, etiam agnoscere debeamus, & quod illud agnoscamus verbis ac factis declarare, quando occasio offertur, si quidem honorem alteri debitum denegare nolimus (§. 648. 538. part. 1. *Jur. nat.*), in casu autem dubio standum fit præsumtione; non facile dabitur casus, in quo comitatum exequiarum invitati, nec alias impediti licite denegamus, quasi defunctus indignus prorsus sit, cujus exequias præsentia nostra cohonestemus.

§. 756.

De exequiis mortuo debitis.

Quia honorem mortuis deferimus, si exequias comitemur (§. 754.), honorem vero etiam mortuis deferre debemus, quem merentur (§. 753.), ob facta sci licet ex virtutibus tam intellectualibus, quam moralibus profecta (§. 552. part. 1. *Jur. nat.*), consequenter etiam ob beneficia nobis præstita, & amicitiam, quam nobiscum coluerunt; *mortuis exequiis spoliare non debemus, sed eas potius celebrare.*

Quemadmodum hominibus omnibus non idem debetur honor; ita etiam exequiæ non celebrantur eadem pompa. Non tamen æquum est, ut quis exequiis spoliatur, & instar cadaveris brutorum cadaver ipsius ad sepulchrum deferatur.

§. 757.

Idem porro, expenditur.

Quoniam exequiis nemo spoliari debet (§. 756.), exequiæ autem celebrantur, quando corpus defuncti non sine omni solennitate ad sepulchrum deferatur (§. 748.); *cadaver*

ver humanum non absque omni solemnitate ad sepulchrum deferendum.

Non tamen hinc inferendum, quasi eadem solemnitate mortui omnes ad sepulchrum sint efferendi: sunt enim tam in statu naturali, quam in civili rationes sufficientes diversitatis solennitatum. In statu naturali, quemadmodum in omni alio casu, ita etiam hic veritati unice litatur: in statu autem civili multum, immo plurimum dandum est opinioni, quemadmodum suo loco patebit. Exequiæ ducuntur honoris causa: non autem omnibus idem debetur honor, cum unicuique debeatur is, quem meretur (§. 648. part. 1. Jur. nat.). Honor autem verus, cui in statu naturali locus unice est, plurimum differt a civili: quam differentiam suo loco exposuimus. Ceterum cum homini jus sit ad omnes actus, quibus honorem alteri deferre, adeoque quanti eum faciat declarare potest (§. 159. part. 1. Phil. pract. univ.); ab arbitrio quoque hominum dependet, quas honorandi mortui causa solennitates in effendis mortuis ad sepulchrum introducere velint.

§. 758.

Comitatus exequiarum ad funus pertinet. Quoniam enim *De comitatu exequiarum.* exequiæ consistunt in modo solenni, quo mortui ad sepulchrum, vel ubi eos cremare mos est, ad rogam deferuntur (§. 748.); comitatus exequiarum ad earundem pompam referendus. Quamobrem cum in pompa exequiarum consistat funus (§. cit.); comitatus earundem ad funus pertinet.

Obscurum ac difficile videri poterat, quomodo ea, quæ sunt exequiarum, ab illis distinguenda sint, quæ ad funus pertinent. Tenendum itaque est in exequiis potissimum spectari actum elationis, quatenus distinguitur ab eo, quo cadavera brutorum e conspectu nostro removentur (§. 735.), ut ex eo appareat, nos inter homines mortuos & brutorum cadavera distinguere, & quatenus amoris universalis erga homines in universum omnes indicium est (§. 737. 739.) Quæ vero actui elationis ad
utrum-

utrumque significandum apto præterea accedunt, ad pompam exequiarum faciunt, adeoque ad funus pertinent. Pertinent huc vestes, quibus mortui induuntur & loculo immittuntur, ipse etiam loculus & ejus ornamenta, ac alia istiusmodi pro diversis gentium moribus diversa, veluti pulsus campanarum funebris & ita porro. Unde facile patet funus multo latius patere, quam exequias, quæ in se spectatæ pompa omni destituuntur.

§. 759.

Honor humanitatis quid sit.

Honor humanitatis dicitur, qui homini defertur quatenus homo est, consequenter in actibus consistit, quibus significamus, nos agnoscere, quod alter sit homo.

Equidem cum honor consistat in actibus, quibus nostrum de perfectione alterius iudicium significamus (§. 538. *part. 1. Jur. nat.*) & facta ex virtutibus intellectualibus ac moralibus profecta hominem honore dignum probent (§. 552. *part. 1. Jur. nat.*), dubitari poterat, num homini ea sola de causa honor aliquis deferri possit, quia homo est: attamen hoc fieri utique posse non amplius dubitabit, qui rem penitius inspicere voluerit. Datur enim perfectio naturalis hominis, qua is distinguitur a rebus omnibus aliis, quam agnoscere ac ipso facto, quod eam agnoscamus, significare utique possumus. Actus autem, quibus hoc significatur, ad honorem utique referendi, qui talis est, qualem humanitas exigit, diversus utique ab eo, qui alia de causa exhibendus, nec ipse idem est in omni casu. Commendat lex naturæ hominem homini, ut eundem amet tanquam seipsum (§. 632. *part. 1. Jur. nat.*), consequenter tanquam amore nostro dignum. Quamobrem si actibus externis declaramus, nos hominem qua hominem amore nostro dignum existimemus, tum ipsi honorem exhibemus, qui humanitati deferri potest. Nec honor, qui humanitati exhibetur, repugnat notionibus communibus. Reprehendimus enim eos, qui homines alios brutorum loco habent, immo abjectius de iisdem, quam de brutis existimant, manifesto indicio, humanitatis admitti contemptum. Qui vero contem-

tum

tum humanitatis admittit, is etiam honorem admittere tenetur, qui homini propter humanitatem, seu ideo, quod homo est, defertur (§. 787. part. 1. Jur. nat.).

§. 760.

Humanitatis honorem unicuique exhibere debemus. Ete- Quod sit
nim natura homines omnes æquales sunt (§. 81. part. 1. Jur. præceptus
nat.), adeoque unumquemlibet spectare debemus tanquam lege natura-
æque hominem. Homines omnes amare debemus tan- li.
quam nosmetipfos (§. 632. part. 1. Jur. nat.), adeoque eos
considerare debemus tanquam amore nostro dignos. Ho-
mines denique perfectione naturali superant res creatas o-
mnes, quod per se patet, adeoque agnoscere debemus, eos
esse præstantissimos omnium creaturarum. Quoniam itaque
obligamur ad actionum rectitudinem (§. 189. part. 1. Phil.
pract. univ.), ad eandem vero etiam requiruntur actus exter-
ni internis consentanei (§. 80. part. 1. Phil. pract. univ.); a-
ctibus quoque externis significare debemus, quod homines
alios quoscunque spectemus tanquam æque homines, amo-
re nostro dignos & omnium creaturarum præstantissimos.
Quamobrem cum in his actibus consistat honor humanita-
tis (§. 759.); humanitatis honorem unicuique exhibere de-
bemus.

In honore, qui humanitati debetur, non spectantur nisi ea,
quæ ad humanitatem spectant, seu homini, qua homini com-
petunt. Ne autem eundem violemus, quotiescunque nobis
cum altero negotium est, probe perpendendum nobis cum eo
esse negotium, quem natura nobis æqualem fecit (§. 81. part.
1. Jur. nat.), adeoque eadem tribuit jura, quæ nobis (§. 78.
part. 1. Jur. nat.), ita ut nemini prærogativa ulla comperat (§.
94. part. 1. Jur. nat.), & quem amore nostro dignum decla-
rat (§. 632. part. 1. Jur. nat.). Dum lex naturæ præcipit,
ut quod jure connato tibi fieri vis, id alteri cuicumque facias
(Wolffii Jur. Nat. Pars I.) Ff ff (§. 102.)

(§. 102. *part. 1. Jur. nat.*), & ex aduerso prohibet, quod jure connato tibi fieri non vis, ne facias alteri (§. 101. *part. 1. Jur. nat.*); honorem utique urget, qui humanitati debetur. Quibus paradoxa videntur, quæ de honore humanitati debito hic dicuntur; ex distinctis notionibus de re quacunque statuere nondum didicerunt, sed confusis notionibus intenti actus externos, quibus honoris exhibitionem sibi repræsentant, ad alienum casum transferunt, immo honorem imaginarium cum vero confundunt. Ceterum haud invitus largior, honorem, qui humanitati debetur, inter ea esse referendum, ad quæ paucissimi animum attendunt, etsi negari non possit, neglectum hujus officii actus humanos contaminare, quando ipse cum aliis negotium est.

§. 761.

De honore humanitatis mortuis deferendum in remouendis cadaveribus ipsorum.

Quoniam honorem humanitatis unicuique exhibere debemus (§. 760), adeoque externis actibus significare, quod agnoscamus alios esse homines (§. 759.), honor vero etiam mortuis, quem merentur, deferendus (§. 753.); *in moro, quo corpora mortuorum e conspectu nostro remouemus, honorem humanitatis mortuis deferre debemus.*

Hinc sequitur, quod supra jam ostendimus, non eodem modo cadavera humana e conspectu nostro remouenda esse, quo cadavera brutorum remouentur (§. 735.). Sane gentes, quæ hoc fecere, vel hodiernum faciunt, dignitatem naturæ humanæ non prospiciunt, ac seiplos ad brutorum consortium deprimunt. Agnovit dubio procul honorem hunc, qui mortuis promiscue exhibetur, dum sepeliuntur, *Cicero*, agnovit *Quintilianus* & *Lactantius*, qui sepulturæ officium humanitatem vocant, notante *Grotto* l. 2. c. 19. §. 1. Immo huc inprimis facit, quod apud eundem *Spartianus* tales esse sine reverentia humanitatis affirmet, qui mortuorum corpora sepeliri vetant in odium illorum. Quamdiu nimirum negare non potes, alterum esse hominem; tamdiu quoque honorem,

norem, aut si mavis reverentiam humanitatis eidem denegare non potes.

§. 762.

Funus defuncto parare ac exequias ducere eodem modo licet, De aequipol- sive cadaver cremetur, sive humetur, aut in crypta recondatur. lentia cada-
Quando enim exequiæ ducuntur, cadaver defuncti non sine vera cre-
solennitate effertur ad eum locum, in quo e conspectu vi-
mandi & se-
ventium removendum, & funus paratur, dum ea fiunt, quæ *sepeliendi.*
ad pompam exequiarum faciunt (§. 748.). Quodsi cada-
ver cremandum, ad rogam effertur; si vero humanum, aut
in crypta recondendum, ad sepulchrum. Quamobrem fa-
cile patet, nil prorsus ob stare, quo minus eodem modo ad
rogam & ad sepulchrum efferatur, & eadem pompa in u-
troque casu. Funus adeo defuncto parare ac exequias du-
cere eodem modo licet, sive cadaver cremetur, sive hume-
tur, aut in crypta recondatur.

Apud nos corpora humanantur, quædam etiam in crypta re-
conduntur. Ponamus, ea rogo esse imponenda, ut cremantur
quamprimum ad eum locum delata sunt, ubi sepeliendi. Ec-
quis non videt, hoc fieri posse, etiamsi ea omnia facta fue-
rint, quæ facta fuerunt, antequam ad sepulchrum deferretur
cadaver. Nemo igitur dubitare potest, quin in funere paran-
do ac exequiis ducendis nihil prorsus immutandum sit, sive ca-
daver sit rogo imponendum, sive humanum, aut in crypta
recondendum. Funus igitur atque exequias si spectes, quoad
utrumque modum mortuos e conspectu vivorum removendi
nulla prorsus datur differentia.

§. 763.

Eorum, qua funeris causa fiunt, ratio desumenda est ab of- Ratio eorum,
ficiis erga mortuos. Quoniam enim funus continet actus omnes, *qua funeris*
qui corporis sepeliendi, aut in genere a viventibus remo causa fiunt.

Ff ff 2

veni

vedi causa fiunt (§. 748.); in parando funere satisfaciendum est officiis erga mortuos, quæ in modo cadavera humana a viventibus removendi observanda sunt (§. 735. 739. 743. 753. 754.). Quæ igitur funeris causa fiunt, cur fiant potius, quam non fiant, ex officiis istis intelligi debet. Quamobrem cum id, per quod intelligitur, cur quid potius fiat, quam non fiat, sit ratio ejusdem (§. 56. *Ontol.*); eorum, quæ funeris causa fiunt, ratio desumenda est ab officiis erga mortuos.

Si nulla essent hominis erga defunctos officia, temerarium foret parare funus & exequias celebrare, nec jure naturæ id approbari poterat, quod omnem actum temerarium damnat (§. 278. *part. 3. Jur. nat.*), ac perinde foret, quocumque modo mortui a vivis removerentur, cum modus eadem removendi præter rationem physicam non haberet aliam, nimirum ne, dum corumpuntur, fetore suo viventibus molestiam creent, nec sanitati nocumentum adferant. Ob hanc rationem physicam cum lex naturæ præcipiat remotionem cadaverum humanorum ex iis locis, in quibus vivi degunt (§. 733.); siquidem nulla prorsus essent erga mortuos officia, eadem nobis jus daret ad quemlibet actum, quo removeri possunt (§. 159. *part. 1. Phil. pract. univ.*). Quoniam vero ipsa urget officia quædam erga mortuos; ideo nec jus dat nisi ad modum removendi cadavera humana a viventibus, in quo officiis istis satisfieri potest, illum vero damnat, qui iisdem adversatur. Exequiæ igitur ac funus cum pertineant ad modum, quo cadavera humana a viventibus removenda; quæ exequiarum ac funeris causa fiunt, eorum utique ratio aliunde desumenda non est, quam ab officiis erga mortuos. Hic quidem agitur de eo, quod naturalis ratio suggerit: quæ enim religio suadet, aut jubet, ea non sunt hujus fori, atamen non contraria illis, ut, quæ ejus nomine accedunt, cum istis consistere possint, eademque firment, immo mediantibus principiis juris naturæ, quæ jam evincuntur, demonstrantur. Sane dignitatem hominis,

minis, qua nititur honor humanitatis in ipso quoque modo, quo cadavera humana e conspectu nostro tolluntur, mortuis deferendus (§. 761.), religio christiana magis conspicuam facit, & amorem illum universalem, qui in præsentī casu non negligendus (§. 739.), magis firmat. Ast ea, quæ ex principiis theologicis demonstranda sunt, Theologis discutienda relinquimus, immo relinquere debemus, ne extra oleas evagemur.

§. 764.

Cadavera humana cremare ac cineres cum ossibus, si quæ supersint, An cadaver persint, condere ductis exequiis ac funere jure naturali permissum; ra mortuorum tamen æque commodum est ac eadem humo condere. Etenim crematum cremati si cadavera crementur, nulla viventibus molestia creatur, nullo re liceat.

lum sanitati periculum imminet a foetore, quando corrumpuntur, quod per se patet. Quamobrem cum ea de causa mortuorum corpora ex iis locis, in quibus degunt, sint removenda (§. 733.); cadaverum crematione obligationi huic naturali satisfit. Enimvero lex naturæ quoque urget certa officia defuncto præstanda in modo, quo a viventibus cadaver ejus removetur, *per antea demonstrata*, adeoque dat jus ad eum modum, quo officiis istis satisfieri potest (§. 159. *part. 1. Phil. pract. univ.*). Quamobrem cum defuncto funus parari ac exequiæ duci possint, si cadaver ipsius rogo impositum cremetur (§. 762.), & eorum, quæ funeris causa fiunt, ratio desumenda sit ab officiis erga mortuos (§. 763.); lex naturæ quoque dat jus ad cadavera humana cremanda & cineres cum ossibus, si quæ supersint, condendum, funere ac exequiis ductis, consequenter jure naturali hoc permissum (§. 165. *part. Phil. pract. univ.*). *Quod erat unum.*

Enimvero cum non modo magna lignorum quantitas requiratur ad corpus defuncti cremandum, cineres vero cum ossibus, si quæ supersint eodem modo condendi, quo cor-

pus prouti est condi potest, ac præterea multum temporis spatium requiratur, antequam comburetur, cum cadaver facillime condatur; modus cadavera humana cremandi accineres demum cum ossibus, si quæ supersunt, condendi non æque commodus est, ac modus eadem humandi. *Quod erat alterum.*

Constat olim apud plerosque Græcos mortuos crematos fuisse. Nostrum igitur esse duximus, ut ostenderemus, morem hunc minime adversari juri naturæ. Sumtuosus vero est in iis præsertim locis, ubi lignorum magna copia non suppetit, ac fere impossibilis efficitur, ubi lignorum magna penuria est, ut ea præter necessitatem consumenda non sint. Quamvis adeo legi naturæ per se non adversetur mos cremandi cadavera humana; non tamen propterea promiscue eandem ubivis permittit, ut adeo dici nequeat eum universaliter jure naturæ approbari. Si quibus mos iste horridus videatur, id quidem inde est, quod incendiorum idea animo obversetur & apud nos in pœnam maximorum delictorum cadavera decollatorum comburi solèant.

§. 765.

De mortuorum humatione.

Mortuos humare jure natura permissum & modus hic eos e conspectu viventium removendi omnium commodissimus. Cum mortui humantur, corpora eorum humo teguntur (§. 744.). Quando itaque in putrefactionem abeunt, nullo fœtore inficitur aër, qui vel molestiam creare viventibus, vel eorum sanitati insidiari possit, quemadmodum diuturna experientia dudum comprobatum est. Atque adeo satisfieri potest hoc modo obligationi mortuos removendi ex iis locis, ubi sunt vivi (§. 733.). Præterea quoque exequiæ ac funus duci possunt mortuis humandis eodem modo, quo duci possunt, si cremantur (§. 762.), consequenter & in humanis mortuis satisfacere datur officiis erga eosdem (§. 763.). Quo-

Quoniam itaque lex naturæ dat nobis jus ad eos actus, sine quibus obligationi naturali satisfacere nos non possumus (§. 159.), consequenter si plures fuerint, quibus eidem satisfieri potest, ad singulos; nobis utique etiam jus dat ad mortuos ductis exequiis ac funere humandos. Jure adeo naturæ permissum humare mortuos (§. 165. *part. 1. Phil. pract. univ.*)

Quod erat unum.

Humatio mortuorum minus sumtuosa est, quam crematio, nec ceteris incommodis obnoxia, quæ crematio secum trahit: id quod per se satis patet. Est igitur modus magis commodus mortuos e conspectu viventium tollendi, quam crematio. Enimvero quoniam cadavera humana feris ac volucribus non abjicienda, nec permittendum, ut sub sole putrescant (§. 735.), neque etiam eos mandere licet, ut intra viscera nostræ condantur (§. 750. 751.); non alius modus superest mortuos e conspectu vivorum tollendi, ut sint contra feras ac volucres tuti, quam ut vel crementur, vel humentur, aut, quod perinde est, in crypta quadam recondantur. Mortuos itaque humare est modus omnium commodissimus eos a conspectu viventium removendi. *Quod erat alterum.*

Non est quod excipias, posse quoque cadavera in fluminibus submergi. Præterquam enim quod non ubivis locorum flumina vicina sint, in quibus hoc fieri possit, me tacente abunde patet, quanta sese offerant incommoda, si facere velis, ut ideo nulla unquam gens extiterit, quæ cadavera humana fluminibus commiserit. Quodsi ergo sub dio non relinquenda, necesse omnino est, ut vel crementur, vel humo tegantur, aut, quod perinde est, in crypta quadam recondantur. Neque est, quod objicias, posse eadem muris includi: facile enim patet, hunc morem universaliter recipi minime posse. Manet igitur ratum, non dari nisi duos modos mortuos e numero viventium

ventium tollendi, quos probat jus naturæ, nimirum ut cadavera vel crementur, vel humo tegantur, modum vero posteriorem ubivis locorum ac tempore omni esse commodissimum. Ponamus e. gr. magnam stragem dari in prælio. Facile aliquot millia hominum humo teguntur, non autem eadem facilitate tot cadavera cremantur. Idem patet, si pestilentia cætervatim stragem det.

§. 766.

*Quo jure
mortui hu-
mandi.*

Jure natura perfectivo mortui sunt humani. Etenim humare mortuos non modo jure naturæ permissum; verum etiam hic mos omnium commodissimus mortuos e conspectu vivorum tollendi (§. 765.). Quamobrem cum lex naturæ nos obliget ad id, quod altero melius, eidem præferendum (§. 192. part. 1. Phil. pract. univ.), sitque hæc lex naturæ perfectiva (§. 193. part. 1. Phil. pract. univ.), jure naturæ perfectivo mortui sunt humani.

Atque adeo patet, jure naturæ non tantummodo permissum esse, ut mortuos humemus; sed nos etiam ad eosdem humanandos obligari, et si dici simpliciter nequeat peccare eos, qui cremant mortuos, cum cremare quoque sit permissum, quamvis nulla prorsus adsit obligatio, ut morem istum præferamus æque licitis aliis.

§. 767.

*An sepul-
tura mortuis
debita.*

Quoniam jure naturæ perfectivo mortui sunt humani (§. 766.), consequenter ad eosdem humanandos obligamur (§. 118. part. 1. Phil. pract. univ.), id vero alteri debetur, ad quod faciendum eidem sumus obligati (§. 170. part. 1. Phil. pract. univ.); *humatio mortuis debetur*, cumque actus, quo humanantur mortui, sepultura sit (§. 744.), *sepultura mortuis debetur.*

Sepulturam spectari debere tanquam debitam, sunt qui dubitant. Unde ipse *Grotius* eandem ad jus gentium voluntarium

um refert, quasi mos sepeliendi mortuos a sola hominum voluntate veniat. Contrarium tamen ex iis, quæ hæcenus demonstrata sunt, patere puto. Cum nostro ævo apud plebrasque gentes mortui humentur, quando de sepultura loquimur, humationem intelligimus: sit ita quod etiam mos cremandi mortuos significatu latiori sub hoc termino contineatur (§. 744.), quam jure naturæ permissam esse, etsi non debitam simpliciter, antea demonstravimus (§. 764.).

§. 768.

Quoniam ad mortuos humandos jure naturæ perfecti-vo obligamur (§. 766.), ex obligatione autem nascitur jus mortuis ad id, quod facere ipsis tenemur (§. 23. part. 1. *Jur. nat.*); mortuis competit jus ad sepulturam.

Atque adeo liquet, jus sepulturæ esse jus naturale, seu quod homini natura competit, adeoque posita essentia & natura hominis ponitur, consequenter connatum est (§. 28. part. 1. *Jur. nat.*), ac ideo illi auferri nequit (§. 64. part. 1. *Jur. nat.*). An vero auferri possit in pœnam, suo loco disquirendum.

§. 769.

Jus sepulturae humanitati debetur, seu homini ideo competit, Fundamē- quia homo est. Quando enim homo sepelitur, vel prouti est cadaver conditur, vel idem crematur & cineres cum ossibus, si quæ supersunt, conduntur (§. 764.). Non igitur instar cadaverum brutorum sub dio relinquitur, ut sub sole putrescat ac feris & volucris in pabulum cedat. Sepultura igitur distinguitur a brutis, & eadem significatur, quod agnoscamus, mortuum fuisse æque hominem, ac nos sumus, consequenter humanitatis honorem ei exhibemus (§. 759.). Quoniam itaque hominibus mortuis debetur sepultura (§. 767.); jus sepulturæ homini ideo competit, quia homo est, adeoque humanitati debetur.

(Wolffii *Jur. Nat. Pars VI.*)

Gg gg

Ideo

Ideo nimirum homo mortuus sepeliendus, quia homo est, ne cum brutis, qui feris ac volucris abjiciuntur & sub sole putrescunt, in eundem censum referatur. Quamobrem nunc multo clarius patet, cur sepulturæ jus vocetur jus humanitatis. Quoniam homines mortuos sepeliendo honorem humanitati deferimus (§. 759.); in humanitatem injurii sunt, qui mortuos sepultura privant, nisi fiat in justam pœnam eorum, qui sese sepultura indignos reddiderunt, in statu scilicet civili, de quo suo loco.

§. 770.

*Quinam
sint sepeli-
endi.*

Quoniam jus sepulturæ debetur humanitati, seu homini ideo competit, quia homo est (§. 769.); *homines omnes sunt sepeliendi, sive fuerint amici, sive inimici, sive indifferentis in nos animo, & cujuscunque tandem fuerint conditionis, consequenter neminem sepultura privare debemus (§. 64. part. 1. Jur. nat.).*

Ostendimus paulo ante, neminem exequiis esse spoliandum (§. 756.). Exequiæ igitur ducendæ sunt, quando sepeliendus. Quamvis vero exequias comitando honorem mortuis deferamus (§. 754.), honorem vero mortuis, quem merentur, denegare non debemus (§. 753.); exequiæ tamen duci possunt etiam sine comitatu, utpote qui ad funus, adeoque ad pompam exequiarum pertinet (§. 758.). Humanitati debentur exequiæ (§. 757. 748.), quemadmodum sepultura (§. 769.); pompa vero earundem non in humanitate, sed in officiis aliis erga mortuos rationem sufficientem habet (§. 763.), adeoque cum exequiis non inseparabiliter cohærent. Hæc igitur etsi absit, non tamen in humanitatem peccatur, consequenter necesse non est, ut omnibus hominibus non sine pompa ducantur exequiæ, nec sine ea sepeliantur. Immo quoad eandem in sepeliendis mortuis ac exequiis ducendis diversitatem locum habere posse immo debere, ex iis, quæ de officiis erga mortuos in anterioribus demonstrata sunt, intelligitur.

§. 771.

Quoniam jus sepulturæ humanitati debetur (§. 769.); *Cuinam pro-*
officium sepeliendi non tam homini, quam humanitati, hoc est, prae *præste-*
non tam persona, quam naturæ humanæ præstatur. *tur officium*

Atque ideo Seneca de Benef. lib. 5. c. 20. & *Quintilianus* *sepulturæ.*
Decl. 6. sepulturæ officium vocant humanitatem publicam,
quæ scilicet univèrsis debetur, sive fuerint pauperes, sive divi-
tes, sive plebæji, aut rustici, sive nobiles, cum natura huma-
na conveniat singulis. Præstatur adeo mortuo a vivis tan-
quam naturæ consorti, ne velut probro afficiatur post mor-
tem, si cadaver nudum confluat. Dignitatem humanæ naturæ non
prospiciunt, qui humanitatis honorem, quem diximus (§. 759.),
non capiunt.

§. 772.

Quoniam jus sepulturæ omni homini competit, quia *Jus sepultu-*
homo est (§. 769.), jus autem univèrsale est, quod homi- *ra quale sit.*
ni cuilibet competit, quia homo est (§. 13. part. 1. *Jur. nat.*);
jus sepulturæ jus univèrsale est.

Recte itaque dicitur *jus generis humani*, cumque naturæ hu-
manæ cohæreat qua tali (§. 771.), generis humani proprium
est, nec ad jus naturæ commune, hominum scilicet ac bruto-
rum, sed ad jus hominum proprium pertinet (§. 162. part. 1.
Phil. pract. univ.).

§. 773.

Cæmeterium dicitur locus, ubi corpora mortuorum pro- *Cæmete-*
miscue humari solent, vel ubi sunt sepulchra. Vocatur etiam *rium vel se-*
Sepulchretum. Idiomate patrio dicitur *der Kirchhof*, si locus iste *pulchretum*
fuerit juxta ædes sacras; *der Gottes-Äcker*, si fuerit extra *quid sit,*
portam, vel loco intra urbem a templo remoto.

Cæmeterium Latine dormitorium sonat, adeoque locum
denotat, in quo dormitur vi originis. Scriptores adeo christia-

ni locum publicum, in quo humantur corpora mortuorum, cœmeterium dicere maluerunt, quam sepulchretum, quia propter resurrectionem mortuorum mortem cum somno compararunt, ut adeo mortui in sepulchris quasi dormiant, donec in die extremo voce divina resuscitabuntur.

§. 774.

*Ubi mortui
sint sepeli-
endi.*

Naturaliter mortuum sepelire licet, ubi placuerit: introductis autem dominiis, nemo mortuum inferre potest nisi in locum proprium; in locum autem alienum mortuus inferri nequit, nisi consentiente domino. Mortuos enim sepelire debemus (§. 767.). Quamobrem cum sepeliantur, ubi humo injecta conduntur (§. 744.); officium hoc humanitatis mortuo præstatur, ubicunque sepelitur. Naturaliter adeo mortuum sepelire licet, ubi licuerit. *Quod erat primum.*

Enimvero cum de usu loci disponat, qui mortuum eidem infert, utpote sepulturæ eandem destinans, hoc vero jus ad dominium pertineat (§. 136. part. 2. *Jur. nat.*), quo dominus ceteros omnes excludit (§. 130. part. 2. *Jur. nat.*); nemo quoque dominiis introductis mortuum inferre potest in locum alienum, adeoque nemo eum inferre potest nisi in proprium. *Quod erat secundum.*

Quoniam tamen quilibet jus quoddam suum in alterum transferre potest voluntate sua (§. 12. part. 3. *Jur. nat.*); alteri quoque permittere potest, ut in locum suum inferat mortuum. Cum tamen hoc siapte sponte facere non possit inscio ac inconsulto domino, *per demonstrata*; in locum alienum mortuum inferre non licet, nisi consentiente domino. *Quod erat tertium.*

Romanis locus dicebatur religiosus, in quem mortuus illatus fuerat l. 6. ff. de rer. div. Et Cicero l. 11. de Leg. referente, ea loca, in quæ mortuus illatus fuerat, neque arari, neque

que coli jus fuit. Notandum tamen, quod *Celsus* monet l. 2. §. 2. de relig. non totum locum, qui sepulturæ destinabatur, religiosum factum fuisse, sed quatenus corpus humatum est. Quod vero Romani noluerint, locum sepulturæ destinatum alii adhuc usui destinari tanquam rem promiscui usus; id factum videtur ex reverentia humanitatis, mortuis in sepultura præstanda (§. 761.).

§. 775.

Quoniam naturaliter mortuos sepelire licet, ubicunque libuerit, introductis tamen dominiis in loco nonnisi proprio (§. 774.); cœmeterium vero locus est, qui sepulturæ mortuorum promiscue destinatur, & in quo adeo plura sunt sepulchra (§. 773.); *in statu naturali*, quo solo jure naturæ utuntur homines (§. 124. part. 1. *Jur. nat.*), *nulla dantur cœmeteria.*

Immo nec necesse est, ut sint cœmeteria, seu sepulchreta in statu civili, siquidem commode fieri possit, ut locum quemdam in agro privato sepulturæ destinet unusquisque. Sed de eo plura dicenda erunt suo loco. Quamvis vero naturaliter mortuum humare licet, ubicunque placuerit (§. 774.); per se tamen patet, si qua loco insit ratio, quæ honori humanitatis in sepultura mortuo deferendo adversatur, eum ibidem humari non debere. Ita si quis locus destinatus sit cadaveribus brutorum; cadaver humanum ibidem humare officio sepeliendi utique contrariatur.

§. 776.

Dominiis introductis pluribus sepulchrum, vel sepulchretum ali- *De sepulchro*
quod commune esse potest. Etenim introductis dominiis non repu- *ut sepul-*
gnat, ut plures in re indivisa dominium conjunctim habeant, *chreto com-*
adeoque comunione positivam introducant (§. 126. *mani.*
part. 2 Jur. nat.). Quamobrem cum de usu rei disponere,
adeoque eam sepulturæ destinare sit actus domini (§. 135.

136. *part. 2. Jur. nat.*), actus vero dominij consensu omnium eorum, qui in communiione sunt, efficiatur validus (§. 131. *part. 3. Jur. nat.*); plures locum communem unanimi consensu sepulturæ destinare possunt. Quamobrem cum locus, in quo mortuus sepelitur, sit sepulchrum (§. 746.), & locus, ubi plura sunt sepulchra sepulchretum (§. 273.); dominiis introductis sepulchrum, vel sepulchretum aliquod pluribus commune esse potest.

Sepulchrum & sepulchretum commune utique differunt. Etenim commune est sepulchrum, si eidem sepulchro plura cadavera inferuntur; ast sepulchretum commune est, si in eodem fundo plura cadavera humanantur, sed unumquodque in loco peculiari, ita ut unicuique sit suum sepulchrum.

§. 777.

De officio erga seipsum respectu mortuorum.

Operam dare debemus, ut exemplis bonis defunctorum nos addamus; mala vero ne sequamur. Etenim defunctis etiam laudem, quam merentur, tribuere debemus (§. 715.) consequenter in facta eorum, quæ ex virtutibus intellectualibus & moralibus profecta, adeoque & in ipsas virtutes intellectuales & morales, quibus præditi fuerunt, inquirere (§. 551. *part. 1. Jur. nat.*). Quamobrem cum singularia sub notionibus universalibus comprehensa, quatenus ea, quæ notioni universali insunt, intuenta exhibent, exempla sint (§. 250. *part. 2. Phil. pract. univ.*), eaque bona, quibus virtutes intellectuales ac morales docemur & ad eas incitatur (§. 929. *part. 1. Jur. nat.*); bona mortuorum exempla cognoscere ac nobis proponere debemus. Enimvero exemplis bonis etiam nos addere debemus (§. 931. *part. 1. Jur. nat.*). Operam igitur dare tenemur, ut exemplis bonis defunctorum nos addamus. *Quod erat unum.*

Exempla mala contraria sunt bonis (§. 929. *part. 1. Jur.*)

Jur. nat.). Enimvero si ad hoc faciendum obligaris, ad contrarium non faciendum simul obligaris (§. 722. *part. 1. Jur. nat.*).

Jur. nat.). Quoniam itaque operam dare debemus, ut exemplis bonis defunctorum nos addamus, *per demonstrata n. 1.* operam quoque dare debemus, ne mala eorum exempla sequamur. *Quod erat alterum.*

Fluit idem ex generali quoque obligatione cognoscendi alios, quoad animam, corpus atque statum illorum externum (§. 194. *part. 1. Jur. nat.*). Nimirum inquirere debemus, quænam sint perfectiones ac imperfectiones animæ & corporis statusque externi aliorum, & quemnam usum facultatum suarum faciant in illis promovendis, his vero arcendis, itemque in non usum & abusum earundum, quo illarum jacturam faciunt, in hæc vero incidunt (§. 193. *part. 1. Jur. nat.*). Quamobrem cum hoc etiam fieri possit, etiam si alter fuerit defunctus; obligatio ista etiam subsistit respectu mortuorum. Quoniam vero hæc cognitione non aliud intenditur, aut intendi debet, quam ut ex alieno exemplo discas, quæ facienda, quæ vitanda sint; exemplis bonis defunctorum te addere, mala vero minime sequi debes. Quantum possit cognitio aliorum in cognoscendo seipso, alibi jam monuimus (*not. §. 193. part. 1. Jur. nat.*), & quantum adjumenti adferant ad virtutis studium, abunde demonstravimus alias (§. 260. 265. *& seqq. part. 2. Phil. pract. univ.*). Officium vero hoc erga nosmetipsos ærto admodum vinculo connexum est cum laudis officio, quod mortuis debetur, ut ab eo divelli minime possit, quemadmodum ex propositionis præsentis demonstratione liquet.

§. 778.

Quoniam operam dare debemus, ut exemplis bonis defunctorum nos addamus (§. 777.), consequenter ea facimus, quæ recte ac bene ab ipsis facta sunt (§. 929. *part. 1. Jur. nat.*), adeoque ad eadem facienda nos incitant, quæ a defunctis recte ac bene facta sunt (§. *cit.*); *exempla bona defunctorum*

Et eorum nos excitare debent ad ea facienda, quæ ab ipsis recte ac bene facta sunt, consequenter cum alterum imitetur, qui actionem suam ad alterius actionem conformat (§. 204. part. 2. Phil. pract. univ.), defunctos in iis, quæ recte ac bene fecerunt, imitari debemus.

Hoc pacto mortui profunt vivis, cumque ad exempla bona aliis præbenda obligemur (§. 930. part. 1. Jur. nat.), ex sepulchro quasi nos adhortari dicendus est defunctus, ut sumus imitatores ipsius.

§. 779.

*In quibus
mortuos
imitari non
liceat & de
usu exem-
plorum ma-
lorum.*

Similiter quoniam operam dare debemus, ne malade-
functorum exempla sequamur (§. 777.), consequenter ne ea
faciamus, quæ minus recte ac male ab ipsis facta sunt (§. 929.
part. 1. Jur. nat.), eadem vero per se ad vitia perpetranda
incitant (§. cit.); *cavere debemus, ne exempla defunctorum
nos incitent ad ea facienda, quæ ab ipsis minus recte ac male
facta sunt, consequenter cum alterum imitetur, qui actionem suam ad alterius actionem conformat (§. 204. part. 2. Phil. pract. univ.), defunctos in iis, quæ minus recte ac male fecerunt, imitari non debemus, sed omni potius studio talia vitare.* Idem etiam ostendi poterat hoc modo. Exempla bona defunctorum nos incitare debent ad ea facienda, quæ ab ipsis recte ac bene facta sunt, ac in his eos imitari debemus (§. 778). Quoniam itaque, si ad hoc faciendum obligaris, ad contrarium non faciendum obligaris (§. 722. part. 1. Jur. nat.); *cavere utique debes, ne exempla defunctorum te incitent ad ea facienda, quæ ab ipsis minus recte ac male facta sunt, nec in his eos imitari debes, sed omni studio in id eniti, ut talia vitas.*

Hoc etiam pacto mortui profunt vivis, cumque ad exempla mala non prodenda obligemur (§. 930. part. 1. Jur. nat.), ex sepul-

sepulchro quasi nos dehortari dicendus est defunctus ab iis, quæ ipse minus recte ac male fecit.

§. 780.

Opera nobis danda est, ut memoria eorum, quæ recte ac bene fecit defunctus, conservetur. Etenim defunctum imitari debemus in iis, quæ bene ac recte fecit, & facta hæc nos imitari debent ad talia facienda (§. 778.). Per se patet, hoc fieri minime posse, nisi memores simus factorum istorum. Quamobrem opera nobis danda est, ut memoria eorum, quæ recte ac bene fecit defunctus, conservetur.

Debemus hoc officium mortuis propter nosmetipsos, ut ad eo officium erga mortuos simul contineat officium erga nosmetipsos. Nimirum continet officium laudis ac famæ conservandæ, quod mortuis debemus (§. 715.), ac officium emendationis nostræ ac profectus in bono (§. 778.), immo officium quoque eidem inest erga alios, quatenus etiam aliis perinde ac nobis mortuorum exempla prodesse possunt (§. 637. *part. 1. Jur. nat.*). Officia erga nosmetipsos atque alios, tam vivos, quam defunctos, indivulso quodam nexu inter se coherent, ita ut, si actionum rectitudinem curæ cordique habetas, non possis satisfacere uni, nisi simul satisfiat alteri.

§. 781.

Quoniam opera nobis danda est, ut memoria eorum, quæ recte ac bene fecit defunctus, conservetur (§. 780.), si vero facta notoria sunt, ut, quando defuncti meminimus, etiam ista memoriam nostram subeant, quod hic vel a posteriori tanquam satis cognitum sumere licet; si facta defuncti recta atque bona notoria sint, opera saltem danda est, ut memoria defuncti conservetur.

E. gr. Si quis multa beneficia accepit a defuncto, quoties meminit defuncti, toties etiam recordatur beneficiorum ab eo
 (*Wolffii Jur. Nat. Pars VI.*) Hh hh accep-

acceptorum. Quodsi ergo saltem det operam, ut memoria defuncti conservetur; verendum non est, ne memoria beneficiorum ab eo acceptorum deleatur. Ubi memoriam defuncti conservare studemus, tum ut eidem officium laudis debitum tribuamus (§. 715.), tum ut eundem imitemur in iis, quæ laudem merentur (§. 778.); nec verendum est, ne, dum defuncti meminimus, animum a factis ejusdem avertamus, quæ una occurrunt, atque adeo horum in nobis memoriam successu temporis deleamus, sublato nexu inter ideas personæ & factorum, sine quo una alteram resuscitare nequit (§. 117. *Psych. empir.*). Ita qui imaginem benefactoris sibi comparavit, quia ejus meminisse dulce est; conspecta imagine recordabitur beneficiorum acceptorum, nec adeo facile erit, ut nexum inter ideas personæ benefactoris ac beneficiorum ab eo acceptorum dissolvat.

§. 782.

Facta illustria quænam sint.

Factum illustre dicitur, quod eminentem, aut minime vulgarem gradum virtutis cujusdam intellectualis, aut moralis supponit. Quoniam facta a virtutibus intellectualibus & moralibus profecta laudem pariunt (§. 551. *part. 1. Jur. nat.*), adeoque magnitudo laudis a gradu virtutis intellectualis, aut moralis dependet, unde proficiscitur, facta vero illustria eminentem, aut minime vulgarem gradum virtutis cujusdam intellectualis supponunt, *vi def. eadem quoque laudem insignem ac minime vulgarem pariunt.*

Hinc Cicero conjungit factum illustre ac gloriosum. Illustre exemplum eleemosynæ est illius viduæ, quæ unicum obolum, quem habebat, dedit. Neque enim in facto illustri attenditur dignitas personæ; sed saltem gradus virtutis, qui eximius esse potest etiam in persona vilioris conditionis.

§. 783.

De usu facta-

Quoniam facta illustria eminentem ac minime vulgarem

rem gradum virtutis cujusdam intellectualis, aut moralis superponunt (§. 782.), eadem dicunt, ad quem gradum virtutes intellectuales ac morales recto facultatum humanarum usu perducantur. *Florum illustrium.* consequenter nobis incitamento sunt, ne in aliquo inferiori subsistamus, quasi ulterius progredi non detur, adeoque ad perfectum in bono faciunt.

Nihil frequentius est, quam ut de infirmitate humana conquerantur homines, ac propterea sibi persuadeant, ad hunc vel illum virtutis sive intellectualis, sive moralis gradum hominem pervenire non posse, sed supra vires humanas eundem positum esse. Erroris adeo sui non rectius convincuntur, quam per facta aliorum illustria. Et quamvis non omnibus eundem virtutis cujusdam sive intellectualis, sive moralis gradum attingere detur, nihil tamen intentarum relinquere debemus (§. 197. part. 1. Jur. nat.). Quinam vero usus sit philosophiæ moralis verioris in factis illustribus rite expendendis, suo constabit tempore, quando eandem pertractaverimus.

§. 784.

Quoniam facta illustria insignem ac minime vulgarem *De factis illustribus defunctorum.* laudem pariunt (§. 782.), laudem vero alteri, quam meretur, etiam post mortem tribuere debemus (§. 715.), commemorando scilicet eorum facta (§. 541. part. 1. Jur. nat.); *facta illustria imprimis defunctorum post eorum obitum commemorare debemus.*

Præcipuam laudem quis meretur propter facta illustria (§. 782.), cum ob eadem inter eos, qui eadem virtute sive intellectuali, sive morali præditi sunt, emineat, consequenter plus laudis mereatur ceteris. Ad virtutes intellectuales referuntur etiam artes cujuscunque generis, consequenter etiam opificia & artes manuarum vilissimæ. In quacunque igitur harum si quis excellit, quod facta ipsius probant, inter homines ejusdem conditionis eminet ac laudem meretur non infimam, quod

personam suam tueri noverit. Mors homines, quos natura æquales (§. 81. *part. 1. Jur. nat.*), fortuna inæquales fecerat, iterum æquales efficit (§. 700.). Post fata igitur non amplius quæritur, quinam quis fuerit, sed quomodo in hoc mundi theatro personam suam gesserit. Rex, qui male imperavit, nullam post fata laudem meretur: ast mendico, qui omni mendici officia adimplevit, adeoque personam suam rite gessit, sua debetur laus. Nullius laudi imputari potest, qualem personam in hoc mundo theatro gerendam ipsi tribuit inevitabile fatum: sed quando laudandus, quæritur quomodo personam gesserit. Post fata laudatur *Lazarus* in extrema egestate ac miseria Deum amans, eidem confidens, in voluntate ejus acquiescens, nec diviti, epuloni delicias invidens; ast non laudatur *Sardanapalus*, non laudatur *Nero*, qui imperantis munera ac officia minime executi sunt.

§. 785.

De factorum illustrium memoria conservanda.

Operam dare debemus, ut factorum illustrium memoria post obitum illustrium hominum conservetur. Etenim facta illustria merentur laudem insignem ac minime vulgarem (§. 782.), & ad profectum in bono faciunt (§. 783.). Quamobrem cum non modo mortuis eam tribuere laudem debeamus, quam merentur (§. 715.), verum etiam in his eos imitari, quæ ab ipsis recte ac bene facta sunt (§. 778.), adeoque quam maxime in factis illustribus (§. 782.); operam omnino dare debemus, ut factorum illustrium memoria post obitum hominum conservetur.

Mors homines omnes æquales facit; sed facta, quæ infecta fieri nequeunt, & mortuos comitantur, inæquales faciunt. Quodsi ergo remotis iis, quæ fortunæ tribuenda, post fata homines consideres; fieri omnino potest, ut homo infimæ sortis præferendus sit aliis in summa fortuna natis, vel cum viverent constitutis. Facta illustria cum etiam esse possint hominum infimæ sortis, ea post fata eosdem supra alios extollunt, quos vivos fortuna in summum fastigium evexerat. Sive itaque officium

cium laudis, quod mortuis debetur (§. 715.), sive officium imitamenti, quod tibi ipsi debes (§. 778.); spectes; alio omnino loco habendi sunt mortui, quam vivi.

§. 786.

Virtus una tam intellectualis, quam moralis præstat altera, De præstantiori ad felicitatem hominum majus adfert adjumentum, aut materia virtutis ipsi præbet utilitatem. Quoniam enim custodia legis unius præ naturalis, adeoque beneficio virtutis (§. 321. part. 1. Phil. altera. pract. univ.), felicitatem consequimur (§. 396. part. 1. Phil. pract. univ.), & conservamus (§. 397. part. 1. Jur. nat.), nec sine virtute felices esse possumus (§. 400. part. 1. Jur. nat.); virtutes intellectuales ac morales sunt media felicitatem consequendi & conservandi (§. 937. Ontol.). Ast nemo non negabit, præstare medium istud altero, quod majus adjumentum adfert ad finem consequendum, quam quod minus. Quamobrem virtus una tam intellectualis, quam moralis præstat altera, prouti ad felicitatem hominum majus adfert adjumentum. *Quod erat unum.*

Porro virtus consistit in habitu actiones suas legi naturali conformiter dirigendi (§. 321. part. 1. Phil. pract. univ.) consequenter cum jus naturæ utilitati hominum consulat (§. 263. part. 1. Phil. pract. univ.), quamvis non ex utilitate solummodo constitutum sit ab hominibus jus (§. 266. part. 1. Phil. pract. univ.), virtus quoque tam intellectualis, quam moralis spectari potest ac debet tanquam medium utilitatem hominum promovendi (§. 937. Ontol.). Unde porro ut ante patet, virtutem tam intellectualem, quam moralem unam præstare altera, prouti hominibus majorem præbet utilitatem. *Quod erat alterum.*

Utilitas hic accipitur in ea latitudine, quam vocabulo tribuimus (§. 262. part. 1. Phil. pract. univ.), adeoque non restrin-

gendus est vocabuli significatus, quemadmodum in contractibus fit, ad eam utilitatem, quæ in pecunia consistit, vel pecunia æstimari potest (§. 717. part. 4. *Jur. nat.*). Hoc ideo monendum fuit, ne quis forsitan existimet, nos virtuti pretium ex quæstu statuere velle, dum eam alteri præstare affirmamus, quæ majorem altera hominibus utilitatem præbet. Sane jus naturæ in significato latiori, qui a communi usu loquendi minime abhorret, etiam utile dici potest, quatenus ad felicitatem hominis omne affert adjumentum. Et ipse Apostolus in significato hoc latiori pietatem ad omnia utilem dicit. Sed prolixum nimis foret, nec præsentis loci est, ut de utilitate virtutis disertius hic dicamus. Talia enim pertinent ad philosophiam moralem, sive Ethicam. Sufficit hic tantummodo adhuc notasse, quod facta ex eadem virtute profecta nunc pluribus, nunc paucioribus utilia esse possint: quod in præsentem attendi meretur

§. 787.

De præstantia factorum illustrium & diversitate hinc orientis laudis.

Quoniam virtutum tam intellectualium, quam moralium una præstat altera (§. 786.), facta vero illustria ex eminenti gradu virtutis cujusdam moralis vel intellectualis proficiscuntur (§. 782.); *factorum quoque illustrium unam præstat altero*, consequenter cum facta quidem illustria mereantur laudem insignem ac minime vulgarem (§. *cit.*), unicuique tamen sit tribuenda laus, quam meretur (§. 648. part. 1. *Jur. nat.*), *factorum illustrium laudes pro præstantia eorundem differre debent.*

Jus naturæ requirit veritatem in laude, quatenus nos obligat ad actionum rectitudinem (§. 189. 80. part. 1. *Pbil. pract. univ.*), nec sine ea satisfieri potest officio de laude merita unicuique tribuenda. Laus consistit non in nuda factorum recensione, sed in oratione, qua nostrum de perfectione alterius judicium significamus (§. 541. part. 1. *Jur. nat.*). Facta igitur illustria quando præbent materiam laudis, eorum quoque præstantia perinde

inde ac gradus virtutis, quem supponunt, indicari debet, consequenter ea commemoranda sunt, quæ ad præstantiam facti evincendam faciunt.

§. 788.

Quia factorum illustrium alia aliis præstant (§. 787.), De conserv-
operam vero dare debemus, ut factorum illustrium memoria *vatione me-*
post obitum conservetur (§. 783.); *conservanda memorie fa-* *moria facto-*
rum illustrium præstantium potior esse debet cura. *rum illustri-*

Conservatio memoriæ factorum illustrium duas habet ratio- *um præstan-*
nes, quarum una respicit agentem, altera alios. Illa est laudis *tium.*
meritæ attributio, hæc vero profectus in bono. Quodsi utram-
que rationem perpendere libuerit, non amplius obicurum vi-
debitur, cur factorum illustrium præstantium memoriæ con-
servandæ potior quædam esse debeat cura. Non vanitati ser-
vit jus naturæ, atque ideo laudem quoque unius, profectum in
bono quoad alios intendit, qui, quo major est, eo magis quo-
que eandem urget.

§. 789.

Facta alia multis profunt, alia paucioribus: alia præsentem De differen-
tantummodo utilitatem promovens, alia vero futura quoque consu- *tia facto-*
lunt. Sumimus hæc tanquam a posteriori nota, modo *rum respe-*
num attendere velis ad ea, quæ quotidie fiunt. E. gr. Qui *tu aliorum.*
artem aliquam & opificium exercet, quamvis in arte sua,
vel opificio excellat, nonnisi tamen paucis prodesse potest,
ac quæ facit, ea ad præsentem tantummodo utilitatem nonnul-
lorum spectant. Qui munere ecclesiastico cum eminente
laude fungitur, pluribus prodest, sed tantummodo in præ-
sens, quamdiu nimirum vivit. Ast *Euclides*, qui elementa
Matheseos puræ scripsit & in iis genuinam demonstrandi ra-
tionem conspicuam fecit, plurimis insigniter prodest, & opus
ipsum ejusdem utilitatis manet in futura quævis secula, ni-
mirum

mirum non modo utile illis, qui ad Matheseos cognitionem adspirant, quocunque fine; verum etiam omnibus, qui accuratam demonstrandi methodum curæ cordique habent, sine qua in nullo cognitionis genere veritatem intimius inspicere datur.

De hac factorum humanorum differentia disertius dicendum in philosophia morali, ubi praxis debite laudis ac gratiæ rependendæ officii explicanda. Ad eam vero animum attendere debemus, si officiis erga mortuos satisfacere velimus. Deprehenditur vero etiam in iis factis, quæ futuræ utilitati consulunt, multiplex adhuc differentia, non solum quoad magnitudinem utilitatis & quod ea ad plures, vel pauciores diffundatur, verum etiam quoad durationem ejusdem & quod ea humanum genus minus carere possit, quam alia. Neque ullum superesse potest dubium, quin ad omnem istam differentiam animum adverti opus sit, siquidem officia laudis ac gratiæ rependendæ mortuis rite exequi velimus. Qui animo comprehendit ea, quæ ad actionum humanarum rectitudinem requiruntur, ei nihil supererit obscuritatis, vel difficultatis.

§. 790.

De monumento sepulchrali.

Monumentum sepulchrale vocamus monumentum mortui, quo ejus corpus, vel ossa, aut, si corpora cremari mos est, cineres continentur. Quamobrem cum locus, in quo corpus mortui conditur, vel si cadavera humana cremari mos est, cineres ac ossa, si quæ reliqua fuerint, conduntur, sepulchrum sit (§. 746.); *monumentum sepulchrale sepulchrum continet*. Ideo monumentum sepulchrale sepulchrum dici solet, quamvis cum sepulchrum esse possit etiam sine monumento, & frequentius sine monumento sit, monumentum sepulchrale ab ipso sepulchro rectius distinguatur,

Sepulchrale dici solet, quicquid ad sepulchrum pertinet. Monumentum itaque, quod ad sepulchrum pertinet, recte dicitur sepul-

sepulchrale. E. gr. Ponamus structuram fieri supra terram & ei includi loculum, in quo jacet corpus defuncti, extus vero accedere ornam. architectonicum cum statuis & imagine defuncti, nec non tabula, in qua conspicitur inscriptio in honorem ac memoriam defuncti facta: erit hoc opus monumentum sepulchrale, quia ipsum corpus defuncti in eodem continetur. Quodsi vero supra sepulchro eadem structura fieret eodem prorsus, quo ante modo, cum auferri possit sepulchro salvo, quod sub humo est; monumentum sepulchrale dici non poterit, si accurate loqui velis. Quodsi ad hæc animum attendas, quæ modo dicta sunt, monumentum sepulchrale ab alio monumento mortui facile distingues, etiamsi extrinsecus non appareat differentia, nisi quatenus tabulæ affixæ eidem inscriptio docet, corpus defuncti intra hanc structuram conditum fuisse, vel traditione hujus rei notitia propagetur.

§. 791.

Cenotaphium dicitur monumentum mortui, quo ejus corpus vel ossa, aut, si cadavera cremari mos est, cineres non continentur. Quoniam istiusmodi monumentum strui etiam potest alio in loco, quam ubi corpus defuncti, aut, si cadavera cremari mos, cineres ac ossa, si quæ supersunt, conduntur; *cenotaphium alicui extrui potest, ubi is sepultus non est.* De cenotaphio.

Differentiam Cenotaphii a monumento sepulchrali, quod diximus (§. 790), tradit *Florentinus* l. 42. ff. de relig. Cenotaphium vi originis sonat sepulchrum inane. Dicitur etiam subinde tumulus inanis, nec non sepulchrum honorarium, a nonnullis etiam imaginarium, quod a sepulchrali monumento non differat nisi in eo, quod illud corpus defuncti contineat, hoc minime. Ita *Suetonius* in Claudio c. 1. refert, exercitum *Drufo* tumulum honorarium excivisse, cui nimirum cenotaphium extructum fuerat in Germania, cum corpus ejus Romam deductum esset.

§. 792.

Ubi & quando extrui possit.

Quoniam cenotaphium non continet corpus vel ossa defuncti (§. 791.); *cenotaphium alicui extrui potest in loco quocunque, etiam a sepulchro remotissimo, & quocunque tempore ab obitu ejus elapso, immo eidem in pluribus locis cenotaphia excitari possunt.*

Eadem differentia inter cenotaphia & monumenta sepulchralia intercedit, quæ inter funus imaginarium & legitimum (§. 749.). Sane funus imaginarium ducere licet quocunque in loco etiam ubi quis non fuerit mortuus, & quocunque ab obitu die. Nec repugnat, ut alicui funus imaginarium ducatur in patria, qui mortuus est in loco peregrino, ibidemque sepultus, & ducto funere excitetur cenotaphium, aut, si dicere mavis, sepulchrum imaginarium struatur.

§. 793.

De oratione funebri.

Oratio funebri dicitur, quæ habetur in funere in laudem ac memoriam defuncti. Dicitur hodie etiam in significato strictiori *Parentatio*, idiomate patrio *die Abdankung*, quia in eadem gratias agi quoque solet iis, qui exequias comitantur eorum nomine qui easdem mortuo celebrant, vel nomine cognatorum. Quoniam facta ex virtutibus intellectualibus ac moralibus profecta laudem pariunt (§. 551. *part. 1. Jur. nat.*), ac facta illustria laudem insignem ac minime vulgarem (§. 782.), alterumque laudans suum de perfectione alterius, adeoque de virtutibus tam intellectualibus, quam moralibus iudicium verbis significat (§. 541. 550. *part. 1. Jur. nat.*); *in oratione funebri commemoranda sunt facta ex virtutibus intellectualibus ac moralibus profecta, ac predicandæ virtutes, ex quibus ista profecta.* Quoniam vero oratio funebri etiam habet in memoriam defuncti; *in eadem quoque commemoranda sunt facta defuncti.*

Cum

Cum denique mortuos in bōno imitari debeamus (§. 778.); orationi funebri inserenda quoque sunt, quæ ad imitationem eorundem faciunt.

Mores Romanorum in funerandis mortuis diversi fuerunt a nostris, qui nec ubivis iidem sunt. Peragebatur illorum moribus sacrificium, quod humanum appellat *Festus*, & hoc sacrificium *Jusorum* nomine veniebat. Unde funus ducere & justa facere conjungit *Ulpianus* l. 2. ff. de in jus voc. Qui parentibus vita defunctis justa persolvebat, sacrificando nimirum ipsorum manibus, parentare dicebatur. Postea tamen vocabulum latiore significato accepit, ut parentare etiam diceretur, qui avorum, majorum aliorumque manibus sacrificaret. Inconstantia tamen loquendi nec apud Romanos fixum ac determinatum satis admittit significatum illarum vocum, quibus usi sunt ad significandum diversos actus in humatione mortuorum fieri solitos. Verba igitur Romanorum ad mores nostros humandi mortuos propter aliquam analogiam, vel quatenus alii actus in locum aliorum successerunt, tantummodo aptari possunt. In Jure naturæ ad nullos prorsus gentium mores respicimus; sed ea solum tradimus, quæ ex officii erga mortuos eodem jure præscriptis demonstrari possunt: unde judicium deinde fieri debet de moribus humandi mortuos gentibus usitatis. Necesse igitur est, cum nova fingere vocabula non liceat, vocabulis apud Romanos in præsentī negotio usurpatis tribuere significatum ad denotandum eos actus, quos Jus naturæ approbat, propter analogiam quandam, seu convenientiam, eumque fixum, quem solum admittit methodus nostra. Quodsi ergo orationem funebrem appellare velis parentationem, aut hanc ab illa distinguere, tuo per nos abundabis sensu. Si quis vero circa vocabula litem nobis intendere velit, eam nostram non facimus. Nobis sufficit, quod vocabulis utamur in eo significato, quem ipsis tribuimus, ut a quocunque intelligi possimus. Ad orationem autem funebrem vi Juris naturæ alia non requiruntur, quam ea, de quibus oratori dicendum esse ostendimus. Prin-

cipia hic tradimus generalia, quæ æternæ sunt veritatis, ac ubi valent, aut valere debent, & quamvis ea hic infuper habeamus, quæ a religione veniunt, hæc tamen, quatenus vera sunt, vel tanquam vera sumuntur, iis non repugnant, aut repugnare non debent.

§. 794.

*Ceremonia
funebres.*

Ceremoniæ funebres dicuntur, quæ in funeratione adhibentur. Quoniam ceremoniæ sunt signa eorum, quorum in executione propositi alicujus meminisse debemus (§. 442. part. 2. Phil. pract. univ.); ceremoniæ funebres nobis in memoriam revocare debent ea, quorum meminisse debemus, quando funus ducitur ac mortui corpus humo conditur, seu quando mortuus sepelitur, vel memoriæ imprimere ea quorum posthac meminisse debemus.

Rétinemus vocabuli significatum, quem in genere eidem tribuimus loco citato, eumque laxiorem, cum ceremoniæ alias dicti tantummodo fuerunt ritus sacri: unde in significato hoc laxiori ceremoniæ distinguendæ sunt in sacras atque profanas. Apud christianos ceremoniæ funebres a religione ortum recte ducunt, non tamen apud omnes in principis quamvis consentientes eadem sunt. Immo inter Protestantes alii ceremonias funebres damnant & ad superstitionem referunt, quibus alii sine offenculo utuntur. Præcipitantur autem iudicia, quod non ex notione distincta ceremoniarum, qua vel destituuntur, vel ad quam animum non attendunt, de iisdem iudicent. Quod si vero ea tibi perspecta fuerint, quæ de ceremoniis prolixè demonstravimus (§. 443. part. 2. Phil. pract. univ.), in iis trutinandis haud facile a vero aberrabis, modo scilicet non sis ignarus principiorum religionis, si in iisdem rationem habeant (§. 56. Ontol.). E. gr. In patria mea, quæ Vratislavia est, quando funus ducitur, arcæ, cui corpus defuncti inclusum, præferuntur candelæ cereæ accensæ in altitudinem elatæ. Constat christianos credere, quod animæ piederunctorum cum Deo agant, apud quem nullæ sunt tenebræ,
ac co-

ac cognitione ipsius intuitiva frui, seu videre Deum, qui est. Hujus status animæ post mortem meminisse debemus, non una de causa in quam jam inquirere non vacat, quando mortuum ad sepulchrum efferrî videmus ac perpetuis quasi tenebris immergi. Quidni igitur liceat sine superstitione & absque temeritate præferre mortuo, dum funus eidem ducitur, ducuntur exequiæ, candelas cereas accensas ad significandum statum ejus post mortem, quem pie defunctum præsumimus, in usum eorum, qui exequias comitantur aut spectatorum numero sunt? Et quidni candelas istas in altum extollere liceat, ut ab omnibus spectari possint. Quos excipias ceremoniam destitui hoc effectu; id tribuendum est culpæ hominum, qui usum, quem habere debent, facere negligunt, minime autem hinc inferre potes, ipsam ceremoniam esse temerariam, aut ineptam, aut ridiculam, aut supersticiosam. Meminisse status futuri, quoties videmus mortuum ad sepulchrum efferrî, nemo christianorum reprehendet, cum ad profectum in pietate faciat ejus memoria, quavis adeo occasione renovanda. Ad eam renovandam cum faciat ceremonia, de qua diximus; equis jure eandem reprehendere poterit? Tum demum ceremonia supersticiosa dici potest, si erronea de Deo opinione nitatur (§. 1255. part. 1. *Jur. nat.*): id quod de præsentî dici minime potest. Non potest dici temeraria, cum sine, qui recte intenditur, non destituatur (§. 277. part. 3. *Jur. nat.*): nec dici potest inepta, cum ex ipso negotio, in quo adhibetur, possit reddi ratio, cur candelis accensis & in altum datis ad significandum statum defuncti post mortem utamur (§. 483. part. 2. *Phil. præct. univ.*): multo minus autem ridicula dici potest, quasi adhibeantur candelæ accensæ ad monstrandum mortuo viam, qua fit eundem, cum nemo sanus de eo vel per somnium cogitaverit. Unicum hoc exemplum satis clare docet, quomodo ceremoniæ in funere ac sepultura passim obviæ sub incudem sint revocandæ.

§. 795.

*Quorum facta illustria præstantia multis profuerant, ac in- Quibusnam
li ii 3 primis monumenta*

*sepulchralia primis posterorum quoque utilitatem promovent; iis monumenta se-
 & cenotaphia pulchralia ac cenotaphia extruere licet. Curæ nobis esse debet,
 exstrui pos- ut factorum illustrium præstantium memoria conservetur (§.
 sua. 788.), illorum præsertim, quæ posterorum utilitatem pro-
 movent, ac mortuis honorem, quem merentur, deferre debe-
 mus (§.753). Quamobrem cum per monumenta mortuorum
 memoria posteris commendetur (§.747.), ac inter monumen-
 ta ista emineant sepulchralia ac cenotaphia (§.790.791.),
 quæ non cuivis extrui posse per se patet, mortuis vero defe-
 ratur honor, quando facto quodam declaramus, nos facta
 ipsorum ex virtutibus intellectualibus ac moralibus prote-
 cta agnoscere (§.752.); monumenta sepulchralia ac ceno-
 taphia sunt media apta non modo conservandi memoriam
 factorum illustrium præstantium, quæ multis profuerunt, ac
 inprimis posterorum quoque utilitatem promovent, verum
 etiam honorem meritum iis deferendi, qui adeo præclare
 de aliis meriti sunt. Quoniam itaque lex naturæ dat nobis
 jus ad istiusmodi actus, sine quibus obligationi nostræ na-
 turali satisfacere non possumus (§. 159. part. 1. Phil. pract.
 univ.); nobis etiam dat jus ad extruendum monumenta se-
 pulchralia & cenotaphia iis, quorum facta illustria præstan-
 tia multis profuerunt, ac inprimis posterorum quoque utili-
 tatem promovent.*

Monumenta mortuorum plurimum differre posse, nemo est
 qui nesciat. Sunt quædam sumtuosa & magnifica, ad quæ
 referenda monumenta sepulchralia & cenotaphia. Hæc omni-
 no decent eos, quorum facta illustria præstantia sunt, quique
 de multis optime meriti sunt, ac ipsorum posterorum etiam
 post obitum utilitatem promovent. Hi sunt, quorum præcli-
 ra in Remp. aut humanum genus extant merita. Sed quæ
 statui civili conveniunt, hoc loco doceri nondum possunt, ubi
 ultra ea non progredimur, quæ in statu naturali locum ha-
 bent.

bent. Facile autem patet ad monumenta sepulchralia & cenotaphia excitanda nos minime obligari, cum alia etiam dentur monumenta, quibus memoriae ac honori eorum consulimus, quorum merita in alios eminent. Naturaliter saltem nobis competit jus monumenta sepulchralia & cenotaphia excitandi, siquidem commodum ac utile visum fuerit. Atque adeo nobis demonstrandum fuit, quoniam in casu jus istud competat, ne quid fiat, quod jure naturali parum convenit, & ne vanitati tribuantur, quæ jure fiunt. Quemadmodum vix res ulla datur, qua non abuti possis; ita nec monumenta sepulchralia & cenotaphia ab abusu sunt remota. Quodsi vero ea perpendere libuerit, quæ hic demonstrantur, usus ab abusu facile discernetur. Non datur monumentum præstantius, quod in gratiam mortui extrui potest, quam monumentum sepulchrale ac cenotaphium, quod istud æmulatur. Atque adeo intelligitur, istiusmodi monumentum non nisi iis extruendum esse, qui ab aliis hominibus ejusdem conditionis ob eminentia merita sunt distinguendi. Nisi enim rariora manerent, utique vilescerent, nec amplius eum habere possent usum, quem habere debent.

§. 796.

Quoniam monumenta sepulchralia & cenotaphia iis *Cur addenda* extruenda, qui factis illustribus ac multis, ipsis etiam postea *da sint epi-*ris, adhuc utilibus eminent (§. 795.), monumentis vero istis *saphia.* factorum illorum memoria conservanda (§. 747.); *monu-*mentis sepulchralibus ac cenotaphiis *addenda est tabula, in qua fa-*cta mortui illustris extantia breviter indicanda. Quamobrem cum inscriptio in monumentis in laudem ac memoriam defuncti facta sit epitaphium (§. 747.); *monumenta sepulchralia ac cenotaphia epitaphiis destitui non debent.*

Facile patet, breves esse debere istiusmodi inscriptiones; sed paucis multa dici possunt etiam per sola epitheta. Immo si in historicorum monumentis conservatur memoria factorum,

tum, subinde nomen solum sufficere videtur una cum iis, quæ personam ab aliis distinguunt (§. 781.), cum facta tum æquiparentur notoriis.

§. 797.

De jure erigendi monumenta & epitaphia.

Monumenta & epitaphia excitare licet iis, qui multa bene ac recte fecerunt, seu qui laudem merentur præ aliis. Etenim eorum, quæ bene ac recte fecit defunctus, memoria ut conservetur, opera nobis danda (§. 780.), eumque imitari debemus (§. 778.). Quoniam itaque monumenta & epitaphia memoriam eorum, quæ quis bene ac recte fecit, conservant (§. 747.), eaque ad imitamentum nos excitare potest (§. 204. part. 2. Phil. pract. univ.), lex autem naturæ dat nobis jus ad ea, sine quibus obligationi nostræ naturali satisfacere non possumus (§. 159. part. 1. Phil. pract. univ.); eadem quoque dat nobis jus ad excitandum monumenta & epitaphia iis, qui multa bene ac recte fecerunt, consequenter excitare licet (§. 170. part. 1. Phil. pract. univ.).

Ostenditur etiam hoc modo. Unicuique etiam post facta tribuere debemus laudem, quam meretur (§. 715.). Quamobrem cum monumenta & epitaphia faciant ad laudem defunctorum (§. 747.); inde porro ut ante patet, monumenta & epitaphia iis excitandi jus nobis esse, qui multa bene ac recte fecerunt.

Monumenta & epitaphia excitare iis, qui multa bene ac recte fecerunt, seu laudem merentur præ aliis, non obligamur, sed tantummodo jure facere possumus. Quamobrem non opus est, ut promiscue omnibus, qui laudem aliquam merentur, monumentum aliquod, vel epitaphium excitetur; sed si jure nostro uti velimus, quemadmodum debemus, iis potissimum excitare debemus, quorum sunt multa bene ac recte facta, seu qui insignem aliquam laudem merentur. Ita præstando mortuis officium simul non desumus officio erga nosmet ipsos

iplos atque alios vivos, quibus exempla mortuorum sunt incitamentum ad imitamentum (§. 778.). Facile adeo patet, quandam monumenta & epitaphia mortuis excitari consuevit, si juxta mortuos etiam vivorum rationem habeamus.

§. 798.

Benefactoribus suis monumenta & epitaphia excitare licet. Idem porro
Etenim benefactoribus etiam post fata animum gratum exhibere debemus (§. 781.), adeoque etiam eundem non modo verbis, sed & facto declarare. Quamobrem cum facto declarem animum gratum in benefactores, si monumenta & epitaphia in signum animi grati iisdem excitemus, lex vero naturæ det nobis jus ad ea, sine quibus obligationi nostræ satisfacere non possumus (§. 159. part. 1. *Phil. pract. univ.*); benefactoribus suis monumenta & epitaphia excitandi jus nobis competit, adeoque iisdem excitare licet. *expenditur.*

Non opus est, ut promiscue benefactoribus excitemus monumenta, vel epitaphia, cum alii adhuc dentur modi, quibus animum gratum in eos etiam post fata declarare valemus: immo nec semper fieri potest, ut in signum animi grati id faciamus. Modus significandi animum gratum per monumenta & epitaphia est maxime illustris, adeoque pro extraordinario habendus, ut adeo insignia supponat beneficia in nos a defuncto collata. Quando vero hoc modo animum gratum in defunctum præstare volueris; necesse est ut monumento inscribatur aut epitaphio inseratur, monumentum hoc, vel epitaphium fuisse excitatum in signum animi grati, subscripto nomine tuo.

§. 799.

Quoniam parentes sunt benefactores maximi liberorum suorum, quod hic sumimus, alibi demonstrabimus, mortuus vero est benefactor ejus, in quem morte sua dominium rerum suarum & jura ad rem, vel in re sibi competentia
Quibusnam potissimum monumenta vel epitaphia trans-excitanda.
(*Wolffii Jur. Nat. Pars VI.*) Kk kk

transmittit (§. 741.), benefactoribus autem suis monumenta & epitaphia excitare licet (§. 798.); *liberi parentibus & ii, in quos morte sua dominium rerum suarum & jura ad rem, vel in re sibi competentia transmittit defunctus, hoc est, heredes ejus, ipsi monumentum, aut epitaphium erigere possunt.*

Dico erigere posse, non vero erigere debere. Ratio patet tum ex iis, quæ ad propositionem præcedentem (not. §. 798.), tum quæ ad anteriores (not. §. 795. 796.) annotata sunt. Dum vero monumentum vel epitaphium extruimus in signum animi grati, eo ipso significamus animum bonum bono referendi, seu gratiam rependendi.

§. 800.

Cuius oratio funebris imitatione digni sunt, aut singularia facta experti. Etenim *haberi possit.* alteri quoque post mortem laudem, quam meretur, tribuere debemus (§. 715.), & eos in bono imitari debemus (§. 778.). Ac nemo est, qui nesciat, quod facta singularia, quæ quis expertus est, non uno modo faciant ad profectum in bono: prouti suo tempore ex Philosophia morali claris clucescet. Quamobrem cum in oratione funebri commemoranda sint facta, quæ ex virtutibus intellectualibus ac moralibus profecta (§. 793.), adeoque de sancto laus, quam meretur, tribuatur (§. 541. part. 1. Jur. nat.), eaque recensentur, in quibus ipsum imitari debemus (§. 778.), ac præterea facta singularia, quæ per omnem præsertim vitam suam expertus est (§. 793.); oratio funebris haberi potest omnibus, qui laude aliqua ac imitatione digni sunt, aut singularia facta experti.

In Jure naturæ omnia referuntur ad officia. In oratione inique funebri spectanda sunt, quæ pertinent ad officium erga defunctum & ad officia erga vivos respectu defuncti. Defunctis

his debetur officium laudis (§. 715.); vivorum est imitari defunctos (§. 778.), cumque factorum alienorum, præsertim singularium, seu non quotidie obviorem notitia multis modis prodesse nobis possit, fata defunctorum singularia contemplari & ad eum usum transferre eorundem notitiam, quem suo tempore passim in Philosophia morali tradituri sumus. Ratio igitur orationis funebris habendæ est meritum laudis ac imitamenti factorumque singularitas. Quod si adeo defunctus nulla laude dignus, nec ea sint ejus facta, quæ imitari debemus, neque fata, quæ expertus est, singulare quid habeant; cessat ratio orationis funebris, de qua in præsentibus demonstratur, quid Juri naturæ circa eam conveniat, non quid moribus. Mores enim plurimum haud raro abire solent ab eo, quod Juri naturæ consentaneum, etsi eidem confirmari deberent. Et quamvis moribus vivatur juxta illud pervulgatum: Si fueris Romæ Romano vivito more; ita tamen moribus vivendum, ne quid a nobis committatur, quod Juri naturæ seu officiis repugnet. Neque adeo hoc obstat, quo minus necesse sit, ut etiam in iis, in quibus mores dominantur, cognoscamus, quæ Juri naturæ consentanea sint. Nullus tamen dubito fore, ut, quæ de oratione funebri hic demonstrantur, modo satis ea perspexeris, quæ de officiis erga mortuos & respectu mortuorum erga nosmetipsos ac alios simul ostendimus, usui quoque sint oratoribus funebribus. Quamvis enim hic quoque standum sit moribus, iidem tamen præceptis Juris naturæ eos temperare possunt ac debent, siquidem recta esse debet oratio funebris. Lex naturæ, quæ nos in genere ad actionum rectitudinem, seu ad recte agendum obligat (§. 189. part. 1. *Phil. pract. univ.*), rectitudinem quoque exigit in oratione funebri, nec fert defectum rectitudinis, vel ex parte intellectus, vel voluntatis ac voluntatis, vel etiam locomotivæ facultatis. Quamobrem orator funebris observare utique tenetur, quæ de materia orationis præcipit lex naturæ, ne adfit defectus aliquis ex parte intellectus; observare quoque debet, quæ de officiis erga mortuos tam positivis, quam negativis demonstrata sunt, ne quid

desiderari possit ex parte voluntatis. Jus adeo naturæ instruit intellectum, rectificat voluntatem ac noluntatem oratoris, ne mores ac præcepta artis oratoriæ eundem in transversum agant. Insunt hæc, quæ de oratione funebri modo diximus, principia generalia ad alia quævis negotia humana applicanda, ad quæ animum attendi utile est.

§. 801.

*Quotupli-
ces esse pos-
sunt ceremo-
nia fune-
bres.*

Ceremonia funebres tam ceremoniam de præsentis, quam de futuro esse possunt. Etenim ceremoniæ funebres nobis in memoriæ revocare debent ea, quorum meminisse debemus, quando funus ducitur ac corpus mortui humo conditur, vel memoriæ imprimere ea, quorum posthac meminisse debemus (§. 794.). Enimvero ceremoniam de præsentis est, quæ nobis in memoriæ revocat quidpiam, cujus nunc meminisse debemus, vel etiam in determinationem actus præsentis quomodocunque influunt, de futuro autem ceremoniam est, quæ nobis memoriæ infigit quidpiam, cujus posthac recordari debemus (§. 491. part. 2. Phil. pract. univ.). Ceremoniæ itaque funebres tam ceremoniæ de præsentis, quam de futuro esse possunt.

Propositioni huic ideo hic locum facimus, ut ad funebres etiam ceremonias applicari possint, quæ de ceremoniis de præsentis ac de futuro alibi demonstravimus (§. 492. & seqq. part. 2. Phil. pract. univ.), ne opus sit eadem hic repeti, aut denuo in casu particulari demonstrari.

§. 802.

*Quales esse
debeant.*

Ceremonia funebres aptæ ac convenientes esse debent. Quodsi enim in ceremoniis nihil desiderari debet quoad significatum earundem determinandum, aptæ ac convenientes esse debent (§. 488. part. 2. Phil. pract. univ.). Quamobrem cum lex naturæ urgeat ceremoniarum rectitudinem (§. 500. part. 2. Phil.

2. *Phil. pract. univ.*), adeoque exigit, ne in imponendo significatu, qui ceremoniam facit (§. 481. *part. 2. Phil. pract. univ.*), quicquam desiderari possit ex parte intellectus, voluntatis ac noluntatis (§. 79. *part. 1. Phil. pract. univ.*), ceremoniæ autem funebres sint ceremoniæ (§. 794.), nec in ceremoniis adeo funebribus quicquam quoad significatum earundem determinandum desiderari debeat; ceremoniæ utique funebres aptæ ac convenientes esse debent.

Differentiam inter ceremoniam aptam & ineptam, convenientem ac inconvenientem alibi exposuimus (§. 483. 485. *part. 3. Phil. pract. univ.*), & quænam ad convenientiam ac aptitudinem requirantur, demonstravimus (§. 486. 487. *part. 2. Phil. pract. univ.*). Ad ea igitur recurrendum, ubi ceremoniæ funebres instituendæ, vel abrogandæ, vel de iis, quæ usu receptæ sunt, judicium ferendum. Absit itaque ut tibi persuadeas, nonnisi cum nominibus hic nobis rem esse.

§. 803.

Ceremonia funebres universales sunt, quæ in omni fune- *De ceremoniis univ-*
ratione adhiberi possunt: aut *singulares*, quæ personam mor- *nibus &*
 tui in singulari respiciunt. Quoniam ceremoniæ nobis in *salibus &*
 memoriam revocare debent ea, quorum meminisse debe- *singulari-*
 mus, quando funus ducitur ac cadaver sepulchro infertur *bis.*
 (§. 794.); *ceremoniæ universales significare nequeunt nisi ea, quæ*
de morte hominum in genere tenenda & quæ ad executionem officio-
rum erga mortuos atque erga nosmetipsos respectu mortuorum fa-
ciunt, particulares vero merita singularia ac fata defuncti signi-
ficare possunt.

Indicare lubet fontes ceremoniarum funebrium, siquidem rationales, hoc est, aptæ ac convenientes esse debeant, quales probat Jus naturæ (§. 802.). Christiani longe alia de morte hominum tenent, quam quæ rationi obvia sunt. Eorum adeo ceremoniæ doctrinæ suæ conformes esse debent. Quoni-

am Deus in omnibus actionibus colendus (§. 1124. part. 1. Jur. nat.); ipsi etiam Juri naturæ convenit, ut colatur in exequiis & sepultura mortuorum. Christiani vero suo eundem colunt modo. Quamobrem in ceremoniis funebribus generalibus habenda quoque ratio est eorum, quorum cultus hujus gratia meminisse debemus & quæ in determinationem actionum ad eundem pertinentium influunt.

§. 804.

An naturaliter liceat ceremonias funebres instituere.

Quoniam ceremoniæ ea nobis in memoriam revocant, quæ de morte hominum tenenda & quæ ad executionem officiorum erga mortuos & erga nosmetipsos respectu mortuorum faciunt (§. 803.); ceremoniarum vero institutio legi naturali conformis, si ad bene & recte agendum profunt (§. 501. part. 2. Phil. pract. univ.), & lex naturalis nobis dat jus ad eas instituendas (§. 503. part. 2. Phil. pract. univ.), *quin jure naturali ceremonia funebres institui possint, dubitandum non est.*

Vulgo non agnoscitur, ceremonias legi naturæ subesse, sed pro indifferentibus habentur, quas lex ista prorsus intactas relinquit. Enimvero qui ita sentiunt amplitudinem Juris naturæ non prospiciunt, sed arctis nimium limitibus idem constringunt. Lex naturæ non modo nobis dat jus ad ceremonias instituendas, verum etiam eandem institutionem regit. Inde est, quod non omnes probari possint, quod alix aliis sint præferendæ & quædam prorsus rejiciendæ, adeoque detur juris illius tam abusus, quam usus, quorum iste ceremoniam facit illicitam. Puto hoc abunde patere ex theoria generali, quam de ceremoniis tradidimus (§. 442. Et seqq. part. 2. Phil. pract. univ.), & ex hisce quoque liqueret, quæ de funebribus in specie nunc dicta sunt. Plurimum falluntur, qui sibi persuadent, ceremonias funebres esse superfluas ac homines mortuos absque omni ceremonia esse sepeliendos.

§. 805.

In statu naturali unicuique jus est ceremoniis funebris utendi, quibus uti libuerit. Etenim lex naturæ dat hominibus jus ad ceremonias funebres instituendum (§. 804.). Enimvero natura homo omnis liber est (§. 146. part. 1. Jur. nat.), & vi libertatis naturalis permittendum, ut unusquisque in determinandis actionibus suis suum sequatur judicium, quamdiu contra jus tuum nil facit (§. 156. part. 1. Jur. nat.). Quamobrem cuiuslibet quoque permittendum est, ut, quando funus mortuo suo parat & exequias ducit, iis utatur ceremoniis, quibus uti voluerit. In statu itaque naturali unicuique jus est ceremoniis funebris utendi, quibus uti libuerit.

Quoniam nemo hominum habet jus sine ulla restrictione faciendi, quod liber (§. 148. part. 1. Jur. nat.), nec libertas tollit obligationem naturalem (§. 159. part. 1. Jur. nat.); nec in statu naturali jus ceremoniarum funebrium eousque extendi potest, ut eæ sine omni discrimine recte adhibeantur. Cum enim jus naturæ ceremoniarum quoque institutionem regat (§. not. §. 804.); in statu quoque naturali unicuique perpendendum, quid hoc jure fieri debeat, vel conveniat. Ceremoniæ igitur ineptæ, inconuenientes, absurdæ ac superstitiosæ non minus reprehenduntur, quam in statu civili. Horum statuum diversitas nihil variat in judicio de ceremoniis ferendo. In statu tamen naturali permittendum, ut alter in electione ac usu ceremoniarum suo stet judicio (§. 156. part. 1. Jur. nat.), nec is rationem reddere ulli tenetur, cur hisce ceremoniis uti velit, si vel maxime sint improbandæ (§. 158. part. 1. Jur. nat.), quemadmodum ipse quoque liberum unicuique relinquere debet, ut ceremoniis, quibus uti eidem libuit, judicent, quemadmodum unicuique visum fuerit, modo judicium non sit cum injuria erga utentem conjunctum (§. 156. 886. part. 1. Jur. nat.). Quemadmodum libertas naturalis actiones homines subducit voluntati alterius (§. 152. part. 1. Jur. nat.), non venio legi naturæ (§. 166. part. 1. Jur. nat.); ita quoque jus ce-

remo-

remoniarum funebrium unicuique in statu naturali competens id tantummodo operatur, ne in iis stare quis teneatur voluntate alterius, ac ab aliis permittendum sit, ut iis utatur, quibus uti voluerit, ceteris conscientiae ejus relictis (§. 157. part. I. Jur. nat.).

§. 806.

*Ceremoniis
singularibus
ubi nam sit
locus.*

Quoniam in statu naturali unicuique jus est ceremoniis funebribus utendi, quibus uti libuerit (§. 805.), ceremoniae autem singulares personam mortui in specie respiciunt (§. 803.); *in statu naturali ceremoniis singularibus locus est.*

Si tibi liberum non est ceremoniis funebribus uti, quibus volueris; nec in eorum significato respicere potes ad merita vel fata personae defuncti; sed ut hoc fieri possit, necesse omnino est, ut in iis non dependeas a voluntate alterius, quae certae ceremoniae funebres praescriptae sunt, pro lubitu suo non immutandae. Equidem non repugnat, ut in statu quoque civili libertas naturalis quoad ceremonias funebres vel prorsus non, vel non tota restringatur; vix tamen consultum est, ut hoc promiscue fiat. Quamobrem ceremoniis singularibus semper quidem locus est in statu naturali; non tamen hinc inferre licet, quod nullus prorsus locus eidem esse possit etiam in statu civili.

§. 807.

*Ritus in genere
& funebres in
specie quid
sint.*

Rituum nomine in genere veniunt, quae ab actu quodam abesse possunt, moribus tamen in eodem recepta sunt. Hinc *Ritus funebres* dicuntur, quaecunque moribus introducta sunt in sepeliendis mortuis, sine quibus tamen sepeliri possunt.

Ita e. gr. comitatus exequiarum est ritus funebis, cum sine eo in sepulchrum honesto modo inferri possit mortuus. Similiter pulsus campanarum, dum funus & exequiae ducuntur, est ritus funebis, cum sine isto funus ac exequiae duci possint.

Ad

Ad ritus etiam refertur oratio funebris, & quæ sunt hujus generis alia.

§. 808.

Quoniam ad ritus referendum, quicquid in sepelien- *De discrimi-*
dis mortuis introductum, sine quibus tamen sepeliri possunt *mine rituum*
(§. 807.), ceremoniæ autem funebres non alio fine adhiben- *um & cere-*
tur, quam ut nobis in memoriam revocent, quorum me- *moniarum.*
minisse debemus quando funus ducitur ac corpus mortui
humo conditur (§. 794.), adeoque ab hoc actu abesse pos-
sint; *ceremoniæ funebres moribus introductæ in numero rituum*
sunt: quia tamen non omnia, quæ moribus in humanis
mortuis introducta sunt, significatum quendam habent,
quemadmodum ceremoniæ (§. cit.), *ritus quoque omnes*
non sunt ceremoniæ, sed ceremoniæ tantummodo sunt ritus signifi-
cativi.

Equidem vulgo ritus ac ceremoniæ non distinguuntur, sed
promiscue tanquam synonyma usurpantur; in jure tamen na-
turæ consultum est, ut a se invicem distinguantur, cum non
eodem modo de ceremoniis, quemadmodum de ritibus aliis
fit ratiocinandum. Immo ceremoniæ arctioribus limitibus
constringuntur, quam ritus alii, in quibus arbitrium huma-
num liberius dominatur, cum hominum opinio actioni cui-
dam tribuere possit valorem, quem per se non habet. Ita
e. gr. honori mortui imputatur pulsus campanarum, in quo
tamen per se honorem consistere non posse patet (§. 538. *part.*
1. Jur. nat.), opinio tamen pulsus campanarum efficere pot-
est modum mortuo honorem deferendi.

§. 809.

Ritus funebres non esse debent temerarii; sed officiis erga mortuos convenientes, aut etiam officiis erga nosmetipsos respectu debeant vi-
moruorum. Quoniam enim nil temere faciendum (§. 278. tus.
(*Wolfii Jur. Nat. Pars VI.*) *Ll ll* *part. 3.*

part. 3. Jur. nat.); nec ritus funebres temerarii esse debent.
Quod erat unum.

Enimvero quod temere non fit, certo fine fieri debet (§. 277. *part. 3. Jur. nat.*). Quamobrem etiam ritus funebres certo fine fieri debent. Quoniam ritus accedunt ad humationem mortuorum, a qua abesse possunt (§. 807.), eorum autem, quæ funeris causa fiunt, ratio desumenda est ab officiis erga mortuos (§. 763.), ritus funebres alio fine fieri non debent, quam ut officiis erga mortuos satisfaciamus, cumque defunctos imitari debeamus in iis, quæ recte ac bene fecerunt (§. 778.), quin præterea per ritus etiam intendi possit hic finis, dubitandum non est. Patet itaque ritus funebres officiis erga mortuos, aut etiam officiis erga nosmetipsos respectu mortuorum convenientes esse debere. *Quod erat alterum.*

Quodsi ergo ea perpendere velis, quæ de officiis erga mortuos in anterioribus demonstrata sunt, tum etiam ea, quæ de officiis erga nosmetipsos respectu mortuorum dicta; de ritibus haud difficulter iudicium feres. Et quamvis jam antea (*not. §. 808.*) monuimus, in ritibus multum dari posse opinioni; necesse tamen est, ut hæc quoque ad officia ista referatur, siquidem iure naturæ permissum esse debet, ut eidem pareamus. Exemplum esse potest pulvis campanarum, quem, ut modo diximus, opinio fecit modum mortuo honorem deferendi.

§. 810.

An homines nudi sint sepeliendi. *Homines non sunt sepeliendi nudi, sed veste quadam induti aut linæo aliquo involuti.* Etenim in sepultura, quam humanitati debemus (§. 771.), cadaver humanum distinguendum est a cadaveribus brutorum (§. 735.). Quamobrem cum cadavera brutorum abjiciantur, prouti sunt, immo pellicis detrahatur, quæ vestimenti loco est; mortuos sepulchro infer-

inferre, quales in lucem editi sunt, non convenit, consequenter iidem nudi sepeliendi non sunt. *Quod erat unum.*

Enimvero vestimenta, quæ natura homini nulla dedit, ars parat, non modo adversus injurias tempestatum corporis muniendi (§. 445. *part. 1. Jur. nat.*), verum partium obscœnarum velandarum causa (§. 448. *part. 1. Jur. nat.*). Quamobrem cum homines in eo a brutis distinguantur, quod vestibus induti incedant, aut partes saltem obscœnas velare soleant; cadaver humanum cadaveri brutorum æquiparari videtur, si nulla veste indutum, aut saltem linteo aliquo non involutum sepulchro immittatur. Quamobrem cum corpora hominum mortuorum cadaveribus brutorum non sint æquiparanda; homines mortui veste quadam induti, aut linteo aliquo involuti sunt sepeliendi. *Quod erat alterum.*

Ad honorem humanitatis, quem mortuis promiscue exhibere debemus (§. 760.), pertinet, ne nudi, sed ut veste quadam induti, aut linteo aliquo involuti sepeliantur. Consistit enim honor humanitatis in actibus, quibus significamus, quod alter sit homo (§. 759.). Quamobrem cum id significemus, quemadmodum ex demonstratione intelligitur, si mortuum veste quadam indutum, aut linteo quodam involutum in sepulchrum inferimus, & honorem mortuis etiam in modo, quo eorum corpora e conspectu nostro remouentur (§. 761.), consequenter in sepultura (§. 746.), deferre debeamus; honorem humanitatis eidem utique exhibemus, si corpus ejus veste quadam indutum, aut linteo aliquo involutum sepulchro inferamus. Immo etiam si moribus tantummodo tribuas, quod homines vestibus induti incedant, aut ubi nudi incedere solent, partes saltem obscœnas velent, ita ut nulla adfit naturalis ratio, cur hoc facere debeant; negari tamen minime potest, opinionem hominum convenire, ut per vestes, aut saltem velamina partium obscœnarum a brutis distinguantur. Quamobrem cum ad honorem humanitatis deferendum etiam sufficiat

opinio hominum communis & quicquid contra eam fit eidem adverteretur; admittendum utique erit, quamdiu standum hac opinione, homines quoque mortuos nonnisi veste quadam indutos, aut linteo quodam involutos in sepulchrum inferri debere. Qui ad gentium barbararum mores provocare voluerit, is audiendus non est: neque enim ea, quæ Juri naturæ consentanea sunt, ex moribus gentium sunt dijudicanda, sed de his potius ex principiis Juris naturæ statuendum. Quid de sepultura militum in prælio occisorum tenendum sit, alio loco dicendum.

§. 811.

Quales vestes mortuis induuntur, aut involvuntur, quales nimirum esse debeant, desumenda est ab officiis erga mortuos. Per se patet, quod cadavera mortuorum vestibus induantur, aut linteo quodam involvantur, id ad ea referri debere, quæ funeris causa sunt. Enimvero eorum quæ funeris causa sunt, ratio desumenda est ab officiis erga mortuos (§. 763.). Ergo etiam vestium & velaminum ratio, quibus cadavera humana induuntur, aut involvuntur, quales nimirum esse debeant, desumenda est ab officiis erga mortuos.

Cum nihil temere fit faciendum (§. 278. part. 3. Jur. nat.), certo quoque fine cadavera mortuorum veste aliqua sunt induenda, aut linteo quodam involvenda (§. 277. part. 3. Jur. nat.), qui alius esse nequit, nisi ut officio cuidam erga mortuos, vel officiis pluribus satisfacias, aut saltem animum iudem satisfaciendi significes, cum obligationi naturali satisfacere utique teneamus (§. 142. part. 1. Phil. pract. univ.). Actus hominum liberos, qualescunque tandem sint, regit lex naturæ, ad quam adeo tanquam ad normam sunt exigendi. Quibus scrupulositas nimia videtur in istiusmodi hominum actionibus attendere rationes morales, hi nondum capiunt, quæ de vita morali hominis perfecta alibi demonstravimus (§. 9. & seqq. part. 2. Phil. pract. univ.).

§. 812.

Quoniam ratio, cur his potius vestibus induamus mortuos, quam aliis, aut linteo potius involvamus, quam vestimento quodam induamus, defumenda est ab officiis erga mortuos (§. 811.), ex anterioribus autem abunde patet, non unum esse officium, quod mortuis præstandum, & quædam talia esse, ut promiscue omnibus sint præstanda, quædam vero istiusmodi, ut uni magis convenient quæ secundum ea fiunt, quam alteri; ideo *neceffe non est, ut cadavera humana linteo aliquo potius involvantur, quam veste quadam induantur, nec ut eodem modo vestiantur omnia, sed pro diversitate circumstantiarum fieri debet, quod officiis in dato casu magis convenit.* *An eadem veste omnes induendi.*

Quæ de differentia officiorum erga mortuos sumimus, facile intelliget qui ad ea advertere voluerit. E. gr. Honor humanitatis officium est promiscue omnibus præstandum (§. 760.), officium animi grati non nisi benefactoribus præstari potest (§. 721.), & quamvis laudem etiam mortuo præstare debeamus, quam meretur (§. 715), cum tamen non omnes eandem mereantur, nec omnibus eadem tribui potest: officium vero commemorandi facta illustria non omnibus debetur (§. 782, 784.), & quoniam factorum illustrium laudes plurimum differre possunt (§. 787.), ob eadem non omnibus eadem laus debetur. Quod si officium præstandi honorem humanitatis solum respicias, cum mors homines iterum æquales efficiat omnes, quemadmodum natura fecerat, ac mortui non opus habeant veste, nisi ad velandas partes corporis obscenas, non vero ut eadem muniantur adversus injurias tempestatis; maxime omnino convenit, ut cadavera saltem linteo quodam involvantur, aut veste linteâ induantur. Ex adverso si quis ob laudem, quam meretur, ab aliis hominibus sit distinguendus; quin vestitu quoque cadaveris id significari possit, dubitandum non est. Idem dicendum est, si eodem vestitu amorem, vel animum gratum erga defunctum significare velimus.

§. 813.

Quando vestitus mortuorum ad ceremoniam referendus.

Si vestitu mortui significare velimus nostrum in eum amorem, vel animum gratum, aut merita ejusdem præclara; vestitus ad ceremonias funebres referendus. Etenim si vestitus est signum amoris, vel animi grati erga defunctum, aut præclarorum ejusdem meritorum, adeoque eodem hæc spectantibus insinuare volumus; erit is utique ceremonia (§. 442. part. 2. Phil. pract. univ.), eumque ea in funeratione adhibeatur, ceremonia funebris (§. 794.).

Facile patet, si hoc fiat non ea intentione, ut amor vel animus gratus in defunctum, vel ejus merita præclara significentur, nec intentio hæc spectantibus cadaver vestitum sit nota, sed tantummodo ut mori obsequamur; vestitum nudum saltem esse ritum, qui quidem reprehendi nequit, cum in genere spectatus ratione legitima minime destituatur, cui tamen non multum tribuendum, quamdiu significatus iste negligitur, qui tamen in dubio præsumitur, nisi adsint conjecturæ probabiles in contrarium. Vicia nimirum hominum, quemadmodum actiones ceteras hominum contaminant, non modo licitas, verum etiam debitas, ita quoque in determinationem vestitus influere possunt. Hinc etiam subinde vestitus cadaveris cujusdam humani recte reprehenditur.

§. 814.

Quando mortuorum spectanda exponi debent.

Si vestitu mortui significare velimus nostrum in eum amorem vel animum gratum, aut ejusdem etiam merita; cadaver vestitum oculis spectatorum exponendum, aut locutus, ita quo situm, antequam in sepulchrum demittitur, aperiendus, ut ab adstantibus spectari possit. Per se omnino patet, nullo modo fieri posse, ut ipsis mortuis significemus nostrum in eos amorem, vel animum gratum, aut quod eorum merita agnoscamus. Quamobrem si vestitu eorundem significare velimus nostrum in eos amorem, vel animum gratum, aut eorum merita; id significan-

ficandum est aliis viventibus. Quoniam vero hoc fieri nequit, nisi cadaver vestitum videant; ideo omnino necesse est, ut vel oculis spectatorum exponatur, aut loculo saltem aperto, antequam in sepulchrum demittatur, adstantibus conspiciendum præbeatur.

Utrumque hinc inde usitatum est, ac posterius iis præsertim in locis commode fieri potest, ubi qui funus comitantur prope sepulchrum tamdiu stare solent, donec loculus in idem fuerit demissus.

§. 815.

Lugere dicimur, quando actibus externis tristitiam indicamus. Unde *Luctus* dicuntur actus externi, qui tristitiam indignant. Actus illi vel *naturales* sunt, qui per essentiam ac naturam corporis humani tristitiam comitari solent, veluti vultus, gestus, vox & verba tristia, ac fletus & ejulatus, vel *voluntarii*, quatenus quibusdam actibus significatum tristitiæ imponimus, veluti si veste lugemus.

Luctus quid sit.

Ira lugemus fata adversa tam domestica, quam aliena, quando vultu tristi de iisdem conquerimur. Quemadmodum vero tristitia gradu differt, ita quoque luctus suos habet gradus & pro diversitate eorundem variat. Et sicuti actus externi, qui affectibus seu passionibus animi respondent, pro diversitate subjectorum variant in eodem affectu; ita quoque non omnes eodem lugent modo. Constat autem experientia, nos lugere adhuc posse, etiamsi tristitia jam cesser, quatenus actus externus imperari a nobis potest, cum tristitia periinde ac ceteri affectus imperio animæ subsint. Sunt vero quidam actus externi ita comparati, ut aliis quoque affectibus conveniant, non tristitiæ soli, ut adeo ex iis solis laus non intelligatur.

§. 816.

Mortuos amicos, benefactores ac eos, quorum insignia in *Ad mortuos*
lias

*lugere sit
prohibitum.*

lios sunt merita, lugere non prohibemur. Quando amicis, benefactoribus ac iis privamur, qui bene de nobis merentur, nemo non agnoscit statum nostrum reddi imperfectiorem, consequenter jacturam eorundem ad mala fortunæ esse referendam (§. 565. 567. *Psy. h. empir.*). Quamobrem cum homini naturale sit, ut ex repræsentatione mali præsentis tristitia oriatur (§. 623. *Psy. h. empir.*); naturale quoque eidem est, ut ob mortem amicorum, benefactorum ac eorum, qui bene de ipso & aliis meriti sunt, contristetur, consequenter cum actus externi tristitiam comitantes luctus sint (§. 845.), ut mortem amicorum, benefactorum ac eorum, qui bene de ipso ac aliis meriti sunt, lugeat. Enimvero lex naturæ nos non obligat ad id, quod impossibile (§. 209. *part. 1. Phil. pract. univ.*), consequenter nec obligare potest ad mortem amicorum, benefactorum atque eorum, quorum insignia in alios sunt merita non lugendum. Lugere igitur non est prohibitum.

Loquimur hic de luctu naturali, qui imperio animæ non magis subest, quam tristitia, & adeo in quem non major vis nobis competit, quam in affectus, quos quidem moderari & sedare possumus, sed non extirpare. Quatenus tamen luctus subsistit, tristitia sedata, quoad actus tales, qui etiam a voluntate animæ dependent, jam major in eundem vis est. Ast luctus voluntarius a nostra voluntate prorsus dependet. Quamobrem nunc porro inquirendum nobis erit, quid liceat quoad eos actus, qui liberi sunt. Ceterum dum affirmamus luctum esse homini naturalem, si amicus, benefactor ac aliquis de nobis atque aliis bene meritis moriatur; non negamus fieri posse, ut aliqui ob mortem eorundem non contristentur. Fieri enim potest, ut jacturam, quam faciunt, boni non perpendant, vel ut eandem alio modo statim resarciri posse sibi persuadeant, vel ut mortem alterius quocunque modo sibi tanquam bonam repræsentent, veluti si fiant hæredes multorum bonorum, quo-

quorum possessionem dudum optarunt. In præsentem seponimus ea omnia, quæ vitii cujusdam labe infecta sunt, nec sumimus nisi ea, quæ homini per essentiam & naturam suam insunt, vel inesse possunt, nullo præcedente facultatum abusu.

§. 817.

Luctus voluntarius & quatenus talis etiam naturalis ob mortem amicorum, benefactorum & bene de nobis ac aliis meritorum voluntarius licitus, seu jus lugendi nobis competit. Nemo in dubium revocare potest, quin lugendo mortem amicorum, benefactorum, ac bene de nobis atque aliis meritorum testemur, nos esse memores amoris, beneficiorum ac meritorum eorum. Quoniam itaque honor mortuis defertur, quando facta quodam declaramus, nos facta ipsorum ex virtutibus intellectualibus ac moralibus profecta agnoscere (§ 752.), & gratias agimus mortuis, quando beneficia ab iis in nos profecta narramus ac prædicamus (§. 722.), ac per se patet, perinde esse, sive hoc verbis fiat, sive factis; qui mortem benefactorum, amicorum & bene de se atque aliis meritorum luget, honorem post obitum iisdem defert ac gratias agit. Quamobrem cum etiam mortuis honorem, quem merentur, deferre debeamus (§. 753.), & benefactoribus mortuis gratias adhuc agere (§. 723.), nec lugere mortuos lege naturali prohibitum (§. 816.), lex autem naturæ det nobis jus ad istiusmodi actus, quibus obligationi naturali satisfacimus (§. 159. *part. 1. Phil. pract. univ.*); nobis quoque eadem dat jus lugendi mortem amicorum, benefactorum & bene de nobis atque aliis meritorum, consequenter lugere licet. Atque adeo patet, luctum quoque voluntarium, & quatenus talis, etiam naturalem, ob mortem amicorum, benefactorum ac bene de nobis atque aliis meritorum licitum esse.

Aliud est, num quid tale fit, ut prohiberi non possit, aliud vero, num jus quid faciendi nobis competat, seu num jure quid fieri possit. Atque adeo luctus naturalis a voluntario utique distinguendus, atque propterea non modo ostendendum erat, illum prohibitum non esse, verum etiam demonstrandum; hunc esse licitum. Quemadmodum vero actiones naturales & liberæ multis modis a se invicem dependent, atque hinc fieri potest, ut etiam in naturales aliquid vitiosum deriveretur a liberis; ita etiam luctus naturalis labe affici potest, quatenus actualitas ejusdem ab actionibus quibusdam vitiosis præteritis dependet. Ast hic consideramus actus humanos, quales in se sunt, ac quales liberi esse debeant vi legis naturæ. Quomodo vero labe quadam inficiantur, quæ in se spectatæ ab eadem immunes sunt; in Philosophia morali ostendendum & quodammodo ex iis jam patet, quæ de actionum humanarum dependentia a libertate animæ demonstravimus (§. 16. & seqq. part. 1. Phil. pract. univ.). Quoniam vero actiones hominum externæ, quæ in se spectatæ bonæ sunt ac licitæ, a vitiis labem contrahunt; ita haud quam mirum videri potest, si luctui idem accidit. Quod si in eodem observentur, quæ ad rectitudinem actionum humanarum requiruntur (§. 80. part. 1. Phil. pract. univ.); metuentium non erit, ne labe quadam sit infectus.

§. 818.

*An veste lugere liceat
necesse sit
mortuos.*

Quoniam luctus voluntarius ob mortem amicorum, benefactorum & eorum, qui de nobis ac aliis bene meriti sunt, licitus (§. 817.), ad eum vero pertinet, si veste lugeamus mortuos (§. 815.); *veste lugere mortuos licet.*

Pertinet huc ritus, ut aliis, quam vestibus ordinariis, utamur in exequiis, & ut cognati, agnati atque affines veste lugeant defunctum, qui in se juri naturæ minime repugnat.

§. 819.

Settio cada-

Settio cadaverum est actus, quo corpora & membra ita dis-

diffecantur, ut singula organa & horum partes a se invicem separentur. Dicitur vulgo solet *Anatomia*. *verum vel anatomia quid sit.*

Constat a Medicis sectionem cadaverum humanorum fieri. Quoniam sepulture jus humanitati debetur (§. 769.); dubium videri poterat, an citra injuriam cadaver hominis secare liceat. Quamobrem cum nobis proposuerimus ostendere, quicquid in actionibus humanis sit boni, vel mali, liciti, vel illiciti; non inconsultum quoque duximus de jure secandi cadavera humana hic agere.

§. 820.

Quoniam si corpora & membra ita diffecantur, ut singula organa & horum partes a se invicem separentur, non modo notionem distinctam partium, ex quibus corpus humanum constat, verum etiam totius structuræ corporis humani acquirimus (§. 682. *Log.*), actus vero, quo corpora & membra eorum ita diffecantur, ut singula organa & horum partes a se invicem separentur, sectio cadaverum humanorum, seu anatomia est (§. 819.); *sectio cadaverum, seu anatomia distincta notio totius corporis humani & singularum ejus partium acquiritur*, consequenter cum in structura essentia corporis humani consistat (§. 276. *Cosmol.*), *essentia corporis humani cognoscitur*.

Sine sectione cadaverum ad distinctam corporis humani cognitionem nos pervenire non posse, nemo est qui dubitat, nec alio fine istiusmodi sectiones fiunt a Medicis: sit ita quod non omnes agnoscant, corporis humani totius in structura ejusdem & singularum partium, quæ itidem corpora organica sunt, essentiam in eorundem structura contineri.

§. 821.

Quoniam ratio eorum, quæ corpori organico, consequenter etiam humano & singulis ejus organis vel actu in-
Sanitatis ac morborum
Mm mm 2 sunt,

cognitio un- sunt, vel inesse possunt, in structura continetur (§. 277. *Cos-*
de pendeat. *mol.*), & in eadem quoque deprehenditur ratio, cur singu-
 la organa ad functiones suas apta sint (§. 278. *Cosmol.*), con-
 sequenter quandonam munere suo rite fungantur, & quando
 ad suos usus, quibus destinantur, apta non sunt, status autem
 corporis, quo singulæ ipsius partes munere suo rite fungun-
 tur, sanitas est (§. 345. *part. 1. Jur. nat.*), eidem autem op-
 positus, quo una vel plures ad usus suos, quibus destinan-
 tur, aptæ non sunt, morbus (§. 346. *part. 1. Jur. nat.*); *sine*
structura corporis humani & singularum ejus partium nec sanitas,
nec morbi, quibus laborat, distincte cognosci possunt, adeoque a-
natomia, seu cadaverum sectio ad sanitatis ac morborum cognitio-
nem necessaria (§. 320.).

Satis hoc exploratum est medicis peritis, ut anatomiz neces-
 sitas non vocetur in dubium, nisi ab iis, qui in empiricorum,
 quam Medicorum rationalium numero esse malunt. Et quis
 ignorat, quot dentur casus, in quibus anatomiz imperitus non
 caute procedere potest in operationibus chirurgicis, ut sæpis-
 sime plus noceat, quam profit ei, qui opem ipsius efflagitat?
 Anatomia veluti basis est totius theoriæ medicæ rationalis, im-
 mo & chirurgiæ. Nec Physicus in anthropologia proferet,
 quæ rationi consentanea sunt, siquidem anatomiz fuerit im-
 peritus. Qui adeo contendit, Medicinam & chirurgiam rati-
 onalem esse debere, qui Physiologiam seu anthropologiam a
 Physico rite tradi jubet; is anatomiam seu sectionem cadave-
 rum non posse negligi ultro fatebitur. Ceterum cum sine au-
 topsia ad solidam structuræ corporis humani & organorum e-
 jusdem cognitionem perveniri vix detur; ideo necesse est, ut
 sectionibus interfint qui ad istam cognitionem adspirant, con-
 sequenter etsi plures prostant de anatomia libri, sectiones ta-
 men cadaverum adhuc hodie sunt instituendæ, tamdiu repe-
 tendæ, quamdiu non deerunt, qui structuram corporis huma-
 ni ac singularum ejus partium perspicere gestiunt.

§. 822.

*Homo obligatur Deum cognoscere etiam ex structura corporis De obligati-
humani & cognoscere, qualis hac sit.* Deum enim cognoscere *one ad stru-*
debet ex contemplatione hujus universi & eorum, quæ in *cturam cor-*
eodem sunt (§. 1131. part. 1. Jur. nat.), & obligatur ad con- *poris nostri*
templandum hoc univ^{er}s^um & ea, quæ in eodem sunt, & ad *& ex ea De-*
cognoscendum, qualia sint. Quoniam itaque homo est in *um cogno-*
eorum numero, quæ sunt in universo; Deum quoque co- *scendum.*
gnoscere debemus ex structura corporis humani & hanc con-
templari & qualis ea sit ut cognoscamus inquirere.

Quomodo creaturæ in universum omnes, adeoque etiam
humanum corpus, Deum repræsentent, dudum demonstravi-
mus (§. 799. & seqq. part. 1. Theol. nat.). Atque inde abunde
intelligitur, quomodo ex structura Corporis humani ac singu-
larum ejus partium Deus sit agnoscendus. Quo magis igitur
structura illa nobis fuerit perspecta; eo clarius quoque evadit
Dei ex ista derivata cognitio. Corpus humanum omnium
confessione est machina omnium artificiosissima, quam in hoc
universo nobis cognoscere datur. Ecquis vero non ultro lar-
gitur, si quis velit agnoscere artificem, opus ejus præstantissi-
mum considerandum esse. Multum quoque influit hæc co-
gnitio in praxi officiorum erga Deum, quemadmodum suo
tempore in Philosophia morali ostendemus.

§. 823.

Cadavera humana secare licet, seu anatomia naturaliter lici- *An anat-*
ta. Etenim sine sectione cadaverum humanorum distinctam *mia sit na-*
corporis humani ac singularum ejus partium notionem ac- *turaliter*
quirere non licet (§. 820.). Enimvero natura homini jus *licita.*
est in res naturales, consequenter etiam in cadavera huma-
na, quoad omnem usum, qui ad earum cognitionem facit
(§. 1136. part. 1. Jur. nat.). Ergo natura quoque ipsi com-
petit jus cadavera humana secandi, adeoque eadem secare

licet (§. 170. *part. 1. Phil. pract. univ.*), consequenter anatomia naturaliter licita (§. 819.).

• Ostenditur etiam hoc modo. Homo obligatur Deum cognoscere etiam ex structura corporis humani (§. 822.), consequenter eidem jus est ad eos actus, sine quibus cognitioni isti non datur locus (§. 159. *part. 1. Phil. pract. univ.*). Quamobrem cum sine sectione cadaverum humanorum notionem structuræ corporis humani distinctam acquirere non possimus (§. 820.); jus quoque nobis est secandi cadavera humana, adeoque secare licet.

Immo etiam ita demonstratur. Homo sanitatem suam conservare (§. 393. *part. 1. Jur. nat.*), & morbos, quantum in potestate sua est, evitare (§. 394. *part. 1. Jur. nat.*), quod si vero in morbum incidat, operam dare tenetur, ut sanitati restituatur (§. 413. *part. 1. Jur. nat.*). Cognoscere igitur debet, quid sit sanitas, quid sint morbi. Quamobrem cum sine cadaverum sectione sanitas & morbi cognosci nequeant (§. 821.); lex quoque naturæ nobis dat jus cadavera humana secandi (§. 159. *part. 1. Phil. pract. univ.*), adeoque secare licet.

Si nulli darentur morbi, nulli quoque darentur Medici, neque sanitatis ac morborum causa structuræ corporis humani ac singularum ejus partium cognitio foret necessaria: non tamen propterea negligenda esset anatomia, cum adhuc supersit obligatio Deum ex structura corporis humani ac singularum ejus partium agnoscendi, cui absque anatomia satisfieri nequit. Qui Deo gratias agere vult, quemadmodum debet, quod corpus suum admiranda arte sit constructum; is nosse utique debet, quæ sit structura ejusdem. Equidem nostris moribus anatomix operam non navant, nisi qui Medicinæ se devoverunt, qui vero Theologiæ se consecrarunt, eam tanquam sibi inutilem negligunt; non tamen moribus metiri veritatem debemus

mus, quippe quos ab eadem non infrequenter recedere nemo est qui nesciat. Nostrum adeo fuit non uno modo demonstrare jus secandi cadavera humana.

§. 824.

Sceletus dicitur cadaver decarnatum, sola ossium compage constans. *Sceletus* adeo facit ad cognitionem ossium corporis animalis, veluti humani, & modi, quo per totum corpus distribuntur ac inter se junguntur. *Sceletus quid sit & ejus usus.*

Hæc de ossibus doctrina *Osteologia* dici solet, ut adeo sceleti fiant in usum *osteologiae*. Sceleti humani arte parantur, qua singula ossa eodem ordine inter se junguntur, ac connectuntur, quo in cadavere juncta & connexa deprehenduntur.

§. 825.

Quoniam sceletus integram ossium compagem nobis *Sceletorum* inspiciendam sistit, qualem in cadavere non decarnato spectare non datur (§. 824.), sine ea tamen structura corporis humani cognosci minime potest, quod per se patet, *sceletorum fabricatio ad perspiciendam structuram corporis humani necessaria.*

Per se patet sceletorum eandem esse necessitatem ad cognoscendam structuram corporis animalis cujuslibet. Quoniam tamen aliorum animalium cognitio magis curiosa, quam utilis habetur, de iis fabricandis non admodum solliciti sunt historia animalium conditores. Cognitio enim Dei ex creaturis haurienda etsi defendatur, vulgo tamen creditur, ad eam sufficere, ut ignorantia pariat admirationem, atque hac satisfieri posse officiis erga Deum existimatur. Qui vero ad animum revocaverit ea, quæ de modo, quo res naturales Deum representant, demonstravimus (§. 799. & seqq. part. 1. Theol. nat.), longe aliter sentiet.

§. 826.

De jure fabricandi sceletorum.

Natura hominibus competit jus sceletos fabricandi. Quoniam sceletorum fabricatio, perinde ac cadaverum humanorum sectio (§. 820.), ad perspiciendam structuram corporis humani necessariā (§. 825.); hominibus natura competere jus sceletos fabricandi eodem modo ostenditur, quo ante demonstravimus, iisdem competere jus secandi cadavera humana (§. 823.).

Ostenditur etiam hoc modo. Homini natura competit jus ad omnes actus, quibus rerum naturalium cognitio promovetur (§. 1138. *part. 1. Jur. nat.*). Ad cognitionem rerum naturalium etiam pertinet structura corporis humani, quod per se patet, & sceletorum fabricatio eandem promovet (§. 825.). Quamobrem natura quoque hominibus competit jus sceletos fabricandi:

Cadavera humana secare & sceletos fabricare mos inveteratus est. Quamobrem forsitan non deerunt, qui existimaturi sunt, non opus esse, ut demum demonstretur, hoc fieri licite, cum nemo de eo dubitet. Enimvero non queritur, num hoc permissum sit in Rep. ac toleretur; sed num jure naturali hoc fieri possit. Id vero moribus non probatur, sed rationibus ex principiis Juris naturæ desumptis. Quodsi dicas ex eo, quod homini competat jus ad omnes actus, quibus rerum naturalium cognitio promovetur, tuto inferri non posse jus secandi cadavera humana & sceletos fabricandi, cum jus illud restringi debeat ad actus per se licitos, consequenter ante demonstrandum esse, quod actus secandi cadavera humana & sceletos fabricandi nihil illiciti in se contineat; tenendum erit quod, si quis velit uti actu ad promovendum rerum naturalium cognitionem, quem aliunde constat illicitum esse, tum lex prohibitiva collidatur cum lege permissiva, adeoque actus iste excipiendus fit (§. 211. *part. 1. Phil. pract. univ.*).

§. 827.

Non licet secare homines vivos. Qui enim hominem vivum secat, facto suo mortem eidem consciscit, adeoque eum occidit (§. 741. part. 1. Jur. nat.). Enimvero ne volentem quidem occidere licet (§. 745. part. 1. Jur. nat.). Ergo non licet secare homines vivos.

Sectionem vivorum nemo non illicitam agnoscit, ob eandem, quam dedimus, rationem. Pugnat enim ea cum jure hominis, cum lex naturæ securitatem vitæ præstat (§. 743. part. 1. Jur. nat.), & hanc juri ejusdem subducit (§. 351. part. 1. Jur. nat.). Quamvis adeo sectio hominis vivi tibi prodesse poterat ad scientiam, non tamen ideo licita est (§. 1138. part. 1. Jur. nat.), cum aliunde constet, eam esse illicitam.

§. 828.

Sectio cadaverum humanorum non repugnat honori humanitatis. Quando enim cadavera humana secamus, id fit eo fine, ut distinctam totius corporis humani ac singularum ejus partium notionem acquiramus (§. 820.), consequenter hoc factum minime significamus, hominem, cujus cadaver secatur, non perinde ac nos esse hominem, & quoad humanitatem a nobis differre. Quamobrem cum honor humanitatis consistat in actibus, quibus significamus, nos agnoscere, quod alter sit homo (§. 759.); sectio cadaverum humanorum non repugnat honori humanitatis.

Quamvis adeo unicuique honorem humanitatis exhibere debeamus (§. 760.), nec hoc officium post obitum alterius cesset (§. 761.); hoc tamen minime obstat sectioni cadaverum humanorum.

§. 829.

Cadavera dissecta, sectione absoluta, sunt sepelienda. Per se patet, sectione absoluta obtentum esse finem, cujus gratia dissecta sepelienda sunt (§. 820.).

(Wolfii Jur. Nat. Pars VI.)

Nn nn

cada- liri debeant.

cadaver dissecatur (§. 820.). Quamobrem cum jam perinde sit sive cadaver integrum, sive dissectum e conspectu vivorum removeas, jus vero sepulturæ humanitati debeatur, ut promiscue omnes sint sepeliendi, ac nemo sepultura privari possit (§. 769. 770.); sectione absoluta cadavera dissecta sepelienda sunt.

Patet adeo homini mortuo honorem humanitatis, quem in modo cadaver ejus e conspectu vivorum removendi debemus (§. 761.), eidem adhuc deferri posse, etiamsi cadaver fuerit dissectum & partes ejus a se invicem separatæ. Cadaver humo conditum putredine consumitur, ut adeo nihil interfit, sive integrum condatur, sive dissectum. Cumque nihil detrahatur famæ mortui, etiamsi ad augendam vel amplificandam scientiam cadaver secetur (§. 553. 870. *part. 1. Jur. nat.*), adeoque dissectum humo condatur; sectio cadaverum juri ad sepulturam minime adversatur. Loquimur hic de sectione cadaverum humanorum in statu naturali, in quo singula nonnisi ad veritatis normam exiguntur. Quoniam vero in statu civili multum dandum est opinioni ac quoad veritatem quoque nonnulla mutantur; ideo quæ hic dicuntur non crude applicari debent ad sectionem cadaverum in statu civili, qui hominum inæqualitatem non invito jure naturæ introduxit, quemadmodum suo loco ostendemus, ut alia jam taceamus.

CAPVT VI.

De nondum natis & officiis erga posteros.

§. 830.

*An nondum
natus jus
quoddam*

Nondum natus nullum jus habere potest. Qui enim nondum natus est, aut in utero adhuc materno est, aut ne a matre quidem conceptus est. Quod si a matre ne qui-

ne quidem conceptus est, in rerum natura non existit, ad-habere pos-
eoque agere nequit. Qui vero in utero adhuc materno est, sit.
nihil adhuc inter homines agere potest. Quamobrem cum
jus sit facultas moralis agendi (§. 156. part. 1. Phil. pract. univ.),
ut scilicet salva actionis rectitudine seu falvis officiis erga se
atque alios, agere possit, quod physice agere potest (§. 157.
part. 1. Phil. pract. univ.); nondum natus jus nullum habere
potest.

Homo nondum natus non est subjectum juris capax, quo-
niam jus supponit agendi facultatem (§. 156. part. 1. Phil. pract.
univ.). De iis, qui ne in utero quidem materno concepti sunt,
neminem fore existimo, qui dubitet. Quamdiu vero foetus in
utero existit, pars matris est, & sanguine ipsius nutritur, nec
in lucem editur, nisi ubi perfectus fuerit, ut hominibus asso-
ciari possit. Atque tum demum opus habet alimentis & alio-
rum hominum auxilio indiget, utur ipse nondum aliis prodes-
se possit. A nativitate igitur incipit frui jure hominum. Ita
e. gr. in statu naturali, quamprimum natus est, ipsi perinde ac
aliis competit jus ad usum rerum quarumvis necessarium, ut
ut id per se nondum exercere possit.

§. 831.

Quoniam *nondum natus* jus nullum habere potest (§. *An nondum*
830.); *jus quoque nullum acquirere potest*, consequenter cum *natus* *jus*
foetus in utero materno existens nondum natus sit, idem *jus nul-* *acquirere*
tum acquirere potest. *possit.*

Sane si ponamus foetum in utero materno jus quoddam ac-
quirere; evidens est, quod nondum natus jus aliquod habeat:
id quod tamen fieri minime potest (§. 830.).

§. 832.

Quoniam foetus in utero materno existens jus nullum *An domini-*
acquirere potest (§. 831.), dominium autem jus est (§. 118. *um acquirere-*
Nn nn 2 *part. 2.*

re possit *fac. part. 2. Jur. nat.*); *quandiu fetus in utero materno existit, deus in utero. minium nullius rei acquirere potest.* Idem valet in genere de nondum nato (§. 831.).

Dominium rerum fetus in utero materno existenti prorsus inutile est, cum nulla re in eodem indigeat. Nec est quod excipias, non inutile manere, quando in lucem editus fuerit. Quandiu enim in utero materno est, nondum certo constat, utrum perfectus ac vivus in lucem sit proditurus, nec ne. Sufficit adeo dominium, si quod acquirere debet, tum ab eodem acquiri, quando ipsi utile.

§. 833.

Ad jus in eum trans-ferri possit.

Porro quia *fetus quandiu in utero materno existit, domini-um nullius rei (§. 832.), immo nec jus aliud quodcumque acquirere potest (§. 831.)* dominium quoque rei nullius, immo nec jus aliud quodcumque transferri potest in eum. Idem valet in genere de nondum nato (§. 831.).

Repugnat utique transferre jus in eum, qui ejus capax non est. In Jure naturæ rationes ultimæ petendæ sunt ab ipsa natura humana (§. 135. *part. 1. Pbil. pract. univ.*). Ubi ergo ratio ista deficit, nec juri locus esse potest. Nihil adeo agitur, quando dominium rei alicujus, vel jus quoddam aliud in factum, qui adhuc in utero materno subsistit, transfertur. Non est, quod excipias, nasciturum per fictionem haberi posse pro nato. Neque enim admittendæ sunt fictiones temerariæ (§. 278. *part. 3. Jur. nat.*), quales sunt, quæ naturæ fetus repugnant. Quodsi enim prospicere velis futuræ utilitati, quando scilicet in lucem editus fuerit; sufficit jus acquiri posse, quando nascitur.

§. 834.

Quomodo intelligendum sit,

Si quis dicat, se jus quoddam transferre in nondum natum veluti in factum in utero adhuc existentem; id velle intelligitur, ut idem ab eo acquiratur, quando nascitur, seu per nascitorem. Et enim

enim nemo jus quoddam transferre potest in nondum natum, veluti in foetum in utero adhuc existentem (§. 833.). *si quis se transferre dicit.* Quodsi ergo dicat, se hoc velle, cum aliquid agere voluisse intelligatur, id utique ita intelligendum est, ut, quando quis jus acquirere potest, idem in ipsum translatum esse debeat (§. 483.). Quoniam itaque jura utilia esse incipiunt, quamprimum quis nascitur, etsi interea per alios sint exercenda, donec ipse exercere possit, adeoque jura acquirere quis possit, quamprimum nascitur; qui dicit se jus quoddam transferre in nondum natum, veluti foetum adhuc in utero existentem, id velle intelligitur, ut id ab eodem acquiratur per nativitatem, seu quando nascitur.

Non est, quod excipias, posse quoque jus in utilitatem foetus in utero adhuc existentis exerceri per alium, consequenter nil obstare, quo minus in eum transferatur, ac perinde esse, sive ante nativitatem, sive post eandem ab eodem acquiratur. Enimvero quamprimum quis natus est, jus eidem utile esse incipit, etsi incertum sit, num tamdiu sit victurus, ut ipse per se hoc exercere possit: quando vero foetus adhuc in utero materno existit, incertum adhuc est, num vivus sit in lucem proditurus, consequenter jus utile ipsi futurum, nec ne, neque ulla adhuc affulget spes fore, ut ipse per se aliquando jus exercere possit. Dispar adeo utrobique ratio est. Præterea nec ratio suadet, cur jus transferatur in foetum adhuc in utero existentem contra naturam, cum idem prorsus sit juris effectus, si sub ea lege conferatur, ut per nativitatem acquiratur, siquidem utilitatem nascituri spectes. Quodsi enim vivus in lucem non edatur, nullam inde utilitatem percipere potest. Quodsi casus occurrat, in quo, jure in nasciturum translato, quatenus per fictionem habetur pro nato, alterius cujusdam utilitati in eventum incertum consulitur, id alio adhuc modo fieri potest, cum a transferentis voluntate pendeat, quomodo jus quoddam in alium transferre velis (§. 11. *part. 3. Jur. nat.*). Sed de eo dispiciemus suo loco.

§. 835.

De jure tibi ac descendens a te Si jus aliquod confertur tibi ac iis, qui a te descendunt (per nativitatem scilicet), ac id tibi & a te descendenti una competere potest; qui a te descendit idem acquirit, quamprimum in lucem editur. Quod si enim jus aliquod confertur nondum natis, conferens id velle intelligitur, ut id ab iis acquiratur, quando nascuntur (§. 634.). Quoniam igitur nondum natis confertur jus, quod iis confertur, qui a te per nativitatem descendunt; si hoc tibi ac a te descendenti una competere potest, jus, quod tibi ac a te descendentibus confertur, statim acquirit is, qui a te descendit, quamprimum in lucem editur.

Ita si tu cum omnibus descendentibus a te per nativitatem eleveris ad nobilitatem; filius, qui tibi nascitur, statim fit nobilis. Ac idem eodem modo intelligitur de nepote ac pronepote tuo, te licet adhuc vivo. Neque enim repugnat, ut tu ac filius tuus, vel nepos aut pronepos tuus eadem dignitate sitis conspicui.

§. 836.

De jure morte possidentis in alium transmissum Si jus in te transfertur certa lege in nondum natos, dum transfertur, morte possidentis successive transmittendum; quamprimum illi nascuntur jus acquirunt in jus in te translatum succedendi, conditione lege definita existente; quamprimum vero concipiuntur in materno utero, quasi spem acquirunt per nativitatem jus istud succedendi acquirendi. Quoniam jus, quod in te transfertur, voluntate transferentis, qui pro lubitu suo legem præscribere potest (§. 11. part. 3. Jur. nat.), successive in alios aliosque transmitti debet morte possidentis per hypothesein, antequam is, qui possidet, moriatur, nonnisi jus conditionatum succedendi in jus, quod in te translatum fuerat, habere possunt, in quos transmittendum, ita ut mortuo possessore is succedat, in quem morte ipsius jus istud transmitti debet juxta legem præ-

præscriptam. Quoniam vero omnes, qui successive succedere debent, nondum nati sunt, quando jus in te transfertur, *per hypothesein*, nondum vero nati jus nullum habere possunt (§. 830.), nec jus istud succedendi ipsis competere potest, antequam nascantur. Enimvero quando jus aliquod confertur nondum natis, conferens velle intelligitur, ut id ab iis acquiratur, quando nascuntur (§. 834.). Quamobrem si jus in te transfertur, quod certa lege in eos, qui tempore translationis nondum nati sunt, morte possidentis transmittendum; quamprimum illi nascuntur, acquirunt jus succedendi in jus, quod fuerat in te translatum, conditione lege definita existente. *Quod erat unum.*

Enimvero quamprimum quis in utero materno concipitur, spes est eum natum iri, quod per se patet, & quamprimum nascitur, jus succedendi, de quo diximus, acquirit, *per demonstrata.* Habet ergo foetus in utero quasi spem acquirendi jus istud in utero materno, quamprimum spes aliqua affulget, ipsum natum iri, consequenter quamprimum concipitur, atque adeo quasi spem jus succedendi per natiuitatem acquirendi acquirat eo ipso, quo concipitur, momento. *Quod erat alterum.*

Jus succedendi conditionatum dicimus, quia pendet a morte possidentis, qui jus in alium juxta legem præscriptam transmittere potest. Quodsi contingat hunc mori, antequam ille moriatur, aut jus, quod in te translatum fuerat, in ipsum transmittatur; conditio, sub qua in eum transmitti debet, non existit, nec unquam existere potest, consequenter hic quoque in jus, quod fuerat in te translatum, succedere nequit. Obtinet hoc in omni jure conditionato, quod evanescit, si is moriatur, cui competebat, antequam conditio existat.

§. 837.

Quasi spes acquirendi per natiuitatem jus conditionatum succeden- *Qualis sit*

*ista quasi
spes.*

cedendi in jus transmissibiliter in primum acquirentem collatum, foetus in utero materno competens, æquipollere spei, quam habet promissarius ex promissione conditionata. Etenim quando quis in te transfert jus certa lege in nondum natos, dum transfertur, transmittendum; eo ipso declarat, quod, si quis horum, qui nondum nati sunt, nascatur, extemplo jus succedendi in jus in te translatum habere debeat, conditione nimirum lege definita existente (§. 836.). Foetus igitur in utero quasi promittit, quod, si ipsum nasci contingat, jus istud conditionatum succedendi habere debeat (§. 361. part. 3. *Jur. nat.*). Quamobrem cum promissarius non nisi spem habeat debitum iri, quamdiu nondum certum est, conditionem extare (§. 471. part. 3. *Jur. nat.*); foetus in utero non nisi quasi spes acquirendi jus succedendi in jus transmissibiliter in primum acquirentem translatum tribui potest ex quasi promissione transferentis orta. Atque adeo patet, quasi spem acquirendi per nativitatem jus conditionatum succedendi in jus transmissibiliter in primum acquirentem collatum, foetus in utero existenti competens, æquipollere spei, quam habet promissarius ex promissione conditionata.

Actus, quo jus aliquod transmissionis certa lege in aliquem confertur, non simplex est, sed ex gemino actu compositus. Alius enim est, qui respicit primum acquirentem, in quem jus actu transfertur; alius vero est, qui respicit eos, qui in jus istud juxta legem transmissionis succedere debent, sive jam nati sint, sive nondum nati. Translatio juris in primum acquirentem datio est, quæ in præsens absolvitur: alii actus, qui respicit eos, in quos certa lege jus istud transmittendum, cum in futurum promineat, & sub certa conditione lege transmissionis definita fiat, non potest esse alius nisi promissio conditionata (§. 393. 462. part. 3. *Jur. nat.*). Recte adeo fingitur, quasi nondum nati, quos respicit lex transmissionis, sint præsentibus & transferens iis promittat, quod per nativitatem jus succedendi

dendi in jus juxta legem transmissionis acquirere debeant. Hæc igitur promissio cum aliquem habere debeat effectum juris, antequam nascatur, qui tum nondum natus fuerat; effectum sortitur necesse est, quamprimum fœtus in utero concipitur, ut natum igitur speretur. Voluntas adeo transferentis cum effectum quandam habeat, quamdiu quis nascitur, qui juxta legem transmissionis in jus in primum acquirentem collatum succedere potest; videtur transferens fœtui, postquam conceptus est, quasi promittere, quod siquidem eum nasci contingat, jus istud succedendi conditionatum habere debeat. Voluntas transferentis rite explicanda, ut appareat, quemnam effectum juris producat, seu qui operetur: jus enim eorum, in quos jus ali- quod transmitti debet, ex ipsius voluntate metiendum. Dispar autem ratio est inter eum casum, quo per nativitatem acquiritur jus purum (§. 635.), & quo acquiritur jus nonnisi conditionatum (§. 636.), qui adeo casus a se invicem sunt distinguendi. In illo a te descendenti acquiritur simile jus, quale tu habes, per nativitatem; in hoc autem jus conditionatum succedendi in idem jus, quod in te fuit translatum.

§. 838.

Quoniam spes, quam habet promissarius ex promissione conditionata, invito adimi nequit (§. 477. pars. 3. Jur. utero adimi nat.), quasi spes vero acquirendi per nativitatem jus conditionatum succedendi in jus in primum acquirentem transmissibiliter collatum fœtui in utero competens æquipollet spei, quam habet promissarius ex promissione conditionata (§. 837.); hæc quoque quasi spes fœtui adhuc in utero existenti adimi nequit.

An fœtui in utero adimi possit.

Fœtus in utero velle nequit, quod per se patet. Quando igitur spes ista eidem adimenda, quid de voluntate ipsius præsumi debeat, siquidem jam velle posset, quæritur. Id utique præsumendum, quod rati habiturus præsumitur, quando ad usum rationis pervenerit, judicio maturo acquisito. Nemo præsumitur velle, sibi jus quoddam adimi. Quamobrem cum fœtui in utero ademta spe acquirendi jus succedendi in jus trans-

missibile, ubi in lucem editus fuerit, ademptum fit jus succedendi; foetus in utero nolle praesumitur, ut spes, de qua nobis in praesenti sermo est, eidem adimatur. Adimeretur adeo invito, adeoque adimi nequit.

§. 839.

Si quid foetui in utero datum tibi tradatur.

Si quid datur foetui in utero existenti & tibi traditur; id tibi datum intelligitur sub modo, ut des infanti, quando nascitur. Et enim qui dicit se quid dare foetui in utero existenti, is dicit se dominium ejus rei, quae traditur, in ipsum transferre (§. 675. part. 2. Jur. nat.), consequenter jus aliquod (§. 118. part. 2. Jur. nat.). Quoniam itaque qui dicit se jus transferre in foetum adhuc in utero existentem id velle intelligitur, ut id ab eo acquiratur, quando nascitur (§. 834.); qui dicit se dare foetui in utero, quod tibi tradit, vult ut a foetu acquiratur, quando nascitur. Quamobrem cum tibi tradatur, *per hypoth.* perinde omnino est, ac si tibi daretur eo fine, ut des infanti quando nascitur, consequenter sub hoc modo datum tibi intelligitur, ut des infanti, quando nascitur (§. 557. part. 3. Jur. nat.).

Unum adeo idemque est, siue dicam, quod tibi trado do foetui in utero, siue do tibi hoc, ut sit infantis, qui nascitur, vel ut des eidem. Minime autem dici potest, in hypothese propositionis praesentis tibi tantummodo committi dationem, ut scilicet meo nomine in recens natum infantem dominium rei tradita transferas. Qui enim dicit se dare, is utique vult, ut dominium rei a se abeat in alium, cum datio in actuali translatione domini consistat (§. 675. part. 2. Jur. nat.). Quoniam vero transire nequit in foetum in utero (§. 833.); transeat necesse est in eum, in quem traditione transfertur possessio (§. 23. part. 3. Jur. nat.). Quia tamen hujus esse non debet, sed dans vult, ut sit infantis, qui expectatur, & quem natum in praesumit; non sine modo datum intelligi potest, adeoque sub

sub hoc modo, ut infanti detur, quando nascitur, five possessio maneat apud eum, qui accepit, five transferenda sit in alium, qui infantis nati nomine possidet. Ab utroque casu distinguendus est tertius, quo quid tibi datur, quia infans expectatur. Quamvis enim in hoc casu respiciatur utilitas infantis, veluti ut habeas, quod in educationem ipsius impendere possis; id tamen statim tuum est, ac tuum manet, nec dominium ejus in infantem transit, dum nascitur. Subtiliter omnino distinguendi sunt casus, ut de jure ac obligationibus ex actu dantis resultantibus accuratum fieri possit judicium. Sane si ponamus foetum in utero existentem non nasci, sed vel in utero mori, vel prægnantem foeminam abortum facere; non idem erit juris in omni isto casu, immo nec erit, si infans vivus in lucem edatur. Ceterum nec a notionibus Jstorum Romanorum abhorret, ut quod datur ei, qui dominii capax non est, datum intelligatur alteri, qui ejusdem capax est, veluti quando servus alienus hæres instituitur.

§. 840.

Si quid datur foetui in utero existenti & tibi traditur, dominium ejus in infantem transit, quando nascitur: quod si vero non nascatur, tu, quod tibi traditum, restituere teneris. Effectus
istius datio-
nis. Si quid enim datur foetui in utero existenti & tibi traditur, id tibi datum intelligitur sub modo, ut des infanti, quando nascitur (§. 839.). Quamobrem quando infans nascitur, tu ad id, quod tibi traditum, dandum, seu dominium ejusdem in eum transferendum obligaris (§. 556. part. 3. Jur. nat.). Quoniam itaque hoc fieri intelligitur; quando infans nascitur; dominium quoque rei traditæ in infantem, quando nascitur, statim transit. *Quod erat unum.*

Enimvero si infans non nascitur, qui expectabatur, veluti si mulier abortum faciat, aut foetus in utero moriatur; fieri non potest, ut quod tibi traditum des infanti nato, con-

sequenter modus adimpleri nequit. Quando vero modus non adimpletur, tu ad restituendum obligaris (§. 556. *part. 3. Jur. nat.*). Quamobrem si quid datur foetui in utero existenti & tibi traditur, infans vero minime nascitur, tu, quod tibi traditum, restituere teneris. *Quod erat alterum.*

Non est, quod excipias, per te non stare, ut modum adimpleas, consequenter perinde esse ac si eundem adimplevisses, adeoque quod tibi traditum tuum manere, quando infans, qui expectabatur, non nascitur. Dans enim infantis unice respicit utilitatem, non tuam, consequenter dum tibi dat eo fine, ut des infanti, quando nascitur, tacita subest conditio, ut restituatur, nisi nascatur. Neque vero etiam est, quod existimes hoc pacto perinde esse ac si tibi tantummodo committatur, ut des infanti, siquidem eum nasci contingat. Manifesta enim est diversitas in utroque casu. Quando enim das, ut detur, dominium transiit a te in accipientem, antequam is detur: quando vero tantummodo mandas, ut detur, tu dominus manes & ante dationem perfectam revocare potes mandatum. Prolixum nimis foret, si singula accuratius demonstrare velimus, quæ pro varietate casuum diversa sunt: sed non opus est ut finis prolixiores, cum eorum gnarus, quæ de actibus humanis, qui aliis utiles sunt, demonstravimus, facile in datu casu definire possit, quale jus & qualis obligatio ex actu nascatur.

§. 841.

De quasi spe, Si quid datur foetui in utero existenti & tibi traditur, foetui si foetui in utero desur. *comperit quasi spes dominium ejus, quod datum acquirendi & hoc spes ipsi adimi nequit.* Etenim dans vult, ut dominium ejus rei, quam dicit se dare foetui in utero ac tibi tradit, in ipsum transeat, quamprimum nascitur (§. 839. 840.). Quamobrem cum quod semel datum est, repeti non possit; irrevocabiliter vult, ut hoc fiat, nec in tuum confert arbitrium, utrum infanti nato

nato dare, an vero antequam nascatur, restituere velis. Foetui igitur in utero quasi promittit, quod, si ipsum nasci contingat, dominium rei tibi traditæ in eundem transire debeat. Quamobrem ex istiusmodi promissione nascitur quasi spes acquirendi rem tibi traditam infanti (§. 471. *part. 3. Jur. nat.*). *Quod erat primum.*

Quoniam vero spes ex promissione conditionata nata promissario adimi nequit (§. 477. *part. 3. Jur. nat.*); spes quoque acquirendi id, quod tibi traditur & foetui in utero dari dicitur, adimi nequit. *Quod erat alterum.*

Datur quid foetui, ut sit ejus, quamprimum ejus esse potest. Quoniam dando dominium transfertur (§. 675. *part. 2. Jur. nat.*), id in dante remanere nequit, adeoque in te, cui traditur, subsistit, tanquam debitum irrevocabiliter foetui, quamprimum in lucem prodit. Necesse igitur est, ut eidem quid competat, ob quod interea temporis, dum in utero existit, nec a dante, nec a te, cui traditum fuerat in gratiam dantis, dominii translatio in infantem natum irrita effici potest. Id vero aliud esse nequit, quam quasi spes suo tempore, nimirum quando infans nascitur, jus verum excitatura, quæ aliunde nasci haud quaquam potest, nisi ex promissione vel quasi conditionata. Vide, quæ paulo ante annotavimus (*not. §. 837.*).

§. 842.

*Juri per te in nondum natos transmittendo renunciare potes An pro non-
pro te & nondum natis citra injuriam nondum natorum, non tamen dum natis
pro factu in utero.* Nondum enim nati nullum adhuc habent *factu* *renun-*
jus succedendi in istud jus, quod per te in ipsos transmitten- *ciatio sit va-*
dum (§. 836.), &, si quidem in utero nondum sunt, nec *lida.*
quasi spem habent acquirendi jus istud succedendi (§. *cit.*).
Quando itaque renuncias juri per te in nondum natos, nec
adhuc in utero existentes transmittendo pro te & nondum
natis,

natis, nihil ipsis adimitur, quod citra injuriam adimi nequit (§. 336. part. 2. *Jur. nat.* & §. 838. b.). Quamobrem juri per te in nondum natos transmittendo renunciare potes citra eorum injuriam cum pro te, tum pro nondum natis, quamdiu eorum quis nondum in utero est. *Quod erat unum.*

Enimvero quamprimum foetus in utero concipitur, eadem competit quasi spes per nativitatem acquirendi jus succedendi in jus per te in ipsum transmittendum (§. 836.), & hæc ipsi adimi nequit (§. 838.). Quamobrem juri per te in nondum natum transmittendo pro foetu renunciare nequis, qui in utero est. *Quod erat alterum.*

Renunciatio pro se ac nondum natis duplicem actum continet, quorum alter respicit te, alter vero nondum natum. Actu priori renuncias juri, quod in te transmittendum, aut juri in istud succedendi conditione lege transmissionis definita existente; posteriori autem juri in nondum natos jus transmittendi. Prius licitum est naturaliter unicuique (§. 118. part. 3. *Jur. nat.*): posterius facere licet, quamdiu nemo adhuc existit, cui competit quasi spes jus succedendi in jus transmissibile acquirendi, quæ ipsi adimi nequit (§. 838.). Renunciatio nimirum tamdiu licita, quamdiu nil fit contra jus tertii (§. 118. part. 3. *Jur. nat.*), adeoque nec contra spem, jus aliquando verum excitare aptam, quæ juris jam aliquid continet (§. 44. part. 3. *Jur. nat.*), consequenter nec contra spem, quæ num jus sit excitatura, nondum exploratum est (§. 477. part. 3. *Jur. nat.*). Enimvero spes ista nondum existit, quando foetus in utero non est, quippe qui spei hujus subjectum est. Quamobrem si renuncias juri jus quoddam in nondum natos transmittendi, nec horum jus quoddam, nec spem probabiliter jus excitaturam, quæ jus quasi embryonatum est, violas, consequenter huic quoque renunciare potes (§. 118. part. 3. *Jur. nat.*). Quodsi vero jam destitutus es jure transmittendi jus succedendi conditionatum in jus quoddam, nec id in-

eum

eum, qui tibi posthac nascitur, transferre potes, cumque per nativitatem jus nullum acquirere possit, nec spes acquirendi eidem competere potest, dum in utero existit. Patet adeo in renunciatione pro nondum natis facta, nisi quis jam sit conceptus, nihil contineri, quod injustum dici possit.

§. 843.

Naturaliter non repugnat, ut, si quis renunciaret juri per se An renunciandi nondum natos transmittendo, sibi reservet jus idem in nondum natis fieri natos transmittendi. Etenim si quis renunciat juri per se in *possit salvo* nondum natos transmittendo, is sufficienter declarat, quod *jure nondum* habere nolit jus succedendi in jus transmissibile certa lege *natis acqui-* (§. 103. part. 3. *Jur. nat.*). Ab eo autem diversum est *jus rendo.* transmittendi jus transmissibile, cum utique diversa sint *nolle*, ut jus aliquod in se transmittatur, & velle, ut per se transmittatur in alios. Quamobrem cum fieri possit, ut quis simul illud nolit, hoc velit; minime repugnat, ut, si quis juri per se in nondum natos transmittendo renunciaret, sibi reservet jus idem in nondum natos transmittendi.

Ita e. gr. renunciare potes ea lege, ne renunciatio noceat filio, si quem tibi nasci contingat, consequenter quamprimum nascitur, in ipsum transmittas jus succedendi in jus transmissibile, quod ipse habere volebas. In quæstionibus juris rite definiendis singula ad vivum refecanda, ne quid affirmetur, nisi quod principiis manifestis convenit, nec negetur, nisi quod iisdem repugnat. Absit itaque, ut nimiam scrupulositatem accuses, si tamdiu distinguantur jura, quamdiu aliqua differentia manifesta est.

§. 844.

Quoniam naturaliter non repugnat, ut, si quis renunciaret *An renunciandi* juri per se in nondum natos transmittendo, sibi reservet jus *atio pro non-* idem in nondum natos transmittendi (§. 843.); *juri per se in dum natis non-*

expressa esse nondum natos transmissibili renunciaturus expresse pro se & nondum natis renunciare tenetur.

Patet per ea, quæ de renunciatione pro se & pro nondum natis modo annotavimus (not. §. 842.), duos esse actus diversos, quorum altero pro se, altero pro nondum natis renunciatur, ac ostendimus eos a se invicem separari posse (§. 843.). A renunciatione igitur pro se argumentum peti nequit pro renunciatione pro nondum ex se natis. Expresse igitur dicendum, renunciationem quoque fieri pro nondum ex se natis: alias ratio nulla est, cur ad eos extendatur. Non licet excipere, si renuncies juri succedendi in jus transmissibili juxta legem transmissionis, te jus istud non habere (§. 103. part. 3. Jur. nat.), consequenter quod non habes, id te in alium transferre non posse. Differre enim jam vidimus jus succedendi in jus transmissibile & jus transmittendi in alium. Non igitur hoc reservato per nativatem in alium transfers, quod ipse non habes, quasi alteri daturus, quod non habes.

§. 845.

De repudiatione juris in nondum natos transmissibilis. Si quis jus transmissibile per se in nondum natos repudiat, hoc non obstante in nondum natos adhuc transmittere potest, nisi eidem pro nondum natis expresse renunciatur. Quando enim quis jus per se in nondum natos transmissibile repudiat, is declarat, quod jus sibi juxta legem transmissionis delatum habere nolit (§. 111. part. 3. Jur. nat.). Eo ipso autem nondum significat, quod habere etiam nolit jus transmittendi jus istud per se transmissibile in nondum natos. Quamobrem necesse est ut expresse significet, se etiam hoc habere nolle. Quoniam vero tum renunciatur juri certa lege transmissibili per se etiam pro nondum natis (§. 103. part. 3. Jur. nat.); ideo patet, expressa renunciatione pro nondum natis opus esse, si jus per te in nondum natos repudies ac nolis id per te in eos transmitti posse, consequenter id per te in nondum natos non obstante repudiatione transmitti posse, nisi eidem pro nondum natis expresse renunciatur.

Nihil

Nihil in hoc difficultatis erit, modo perpendas renunciatio-
nem a repudiatione non differre nisi in eo, quod renunciatur
juri futuro, repudietur vero jus præsens (§. 103. III. part. 3.
Jur. nat.), consequenter ad repudiationem transferri debere,
quod de renunciatione demonstratum. In renunciatione casus
præsentis jus conditionatum, quatenus suspenditur a conditio-
ne, pro futuro habetur; ast in repudiatione, cum conditio exi-
stat, jus præsens est, quippe purum, non amplius conditionatum.

§. 846.

Si quis repudiat jus per se in factum, qui in utero est, trans- *An repudia-*
missibile; non obstante repudiatione id in ipsum per nativitatem *noceat*
adhuc transmittitur. Etenim foetus in utero jam habet spem *factui in u-*
per nativitatem acquirendi jus transmissibile (§. 836.), quæ *tero.*
ipsi adimi non potest (§. 838.). Quamobrem repudians
istud jus simul renunciare nequis juri id transmittendi in foet-
tum, qui in utero est (§. 118. part. 3. *Jur. nat.*). Quoni-
am itaque repudiatione non obstante jus in nondum natos
adhuc transfertur, nisi eidem valide fuerit pro iisdem renun-
ciatum (§. 844.); non obstante repudiatione jus in foetum,
quando nascitur, adhuc transmittitur.

Ex iis, quæ hætenus demonstravimus, in dato quovis casu,
ubi de jure transmissibili quæstio est, facile definietur, quando-
nam factum ejus, per quem jus transmittendum in alium,
nondum natis noceat, quandonam vero non noceat.

§. 847.

Jus, quod certa lege in aliquem transmittitur; dicitur *De jure pro-*
providentia majorum quæsitum. Quoniam qui jus in alium *videntia*
transmittit, non sua voluntate hoc facit, sed necessario *majorum*
transmittit, idem habet non a transmittente, sed a primo *quæsito.*
acquirente, in quem certa lege transmissionis collarum fue-
rat, quique adeo acquisiverat, non tantummodo pro se,
(*Wolfii Jur. Nat. Pars VI.*) Pp pp ve

verum etiam pro iis omnibus, qui sub lege transmissionis continentur. Atque adeo patet, *nos ius providentia majorum acquisitum habere a primo acquirente, non vero ab eo, a quo in nos transmittitur.*

§. 848.

Posterius quoniam sunt.

Posterius in genere dicuntur, qui mortuis iis, qui jam vivunt, demum nascuntur. Unde in specie *Posterius tui* dicuntur, qui te mortuo per nativitatem a te descendunt. Atque adeo patet, *posterius quancumque gradu distare posse ab iis, qui nunc vivunt, in infinitum.*

Ira Judæi, qui nunc vivunt, sunt posterius eorum, qui ex Ægypto migrarunt, sunt posterius *Jacobi* Patriarchæ, a quo omnes per nativitatem descendunt. Nos sumus posterius veterum Germanorum, a quibus per nativitatem descendimus.

§. 849.

Majores quoniam sunt.

Majores ex adverso dicuntur, qui ante parentes nostros vixerunt. Atque adeo patet, *majores quancumque gradu a nobis distare posse in infinitum.* Apud Romanos, Paulo Jcō teste l. 10. §. 7. ff. de grad. parentes usque ad tritavum proprio vocabulo nominabantur: posteriores, qui speciale nomen non habebant, *majores* appellabantur.

Significatu latiori sub majoribus continentur, etiam avi qui his sunt superiores: id quod usui quoque loquendi apud nos convenit, qui majores nostros unsere *Vorfahren*, sicuti posterius unsere *Nachkommen* appellamus. Singulorum majores & posterius simul sumti sunt majores & posterius universi: unde & majores ac posterius dicuntur respectu totius generis humani, qui ante eos, qui nunc vivunt, vixerunt, & post eos vivent. Atque hic significatus latissimus convenit juri naturæ, ubi de officiis erga posterius agimus, nisi in specie nominentur majores, vel posterius respectu alicujus personæ.

§. 850.

Si quod officium posteris præstare possumus, ad id præstandum sumus obligati. Etenim omnem tenemur facere facultatum nostrarum usum, qui ad perficiendum animam, corpus & statum hominum aliorum & ad arcendum omnem imperfectionem ab eorum anima, corpore & statu requiruntur, quatenus id absque neglectu officii erga se ipsum fieri potest (§. 609. part. 1. Jur. nat.), consequenter quodvis omni homini præstare officium, quo citra neglectum officii erga se ipsum præstari potest (§. 224. 152. part. 1. Phil. pract. univ.). Quamobrem cum posterum sint homines, qui nobis mortuis in locum nostrum succedunt (§. 848.); si quod officium iis præstari a nobis potest, ad id præstandum utique obligati sumus. Principium generale de officiis erga posteros.

Posterum nondum vivunt, quando nos vivimus, adeoque non ea iis præstare possumus officia promiscue, quæ vivis præstantur, neque etiam officia nostra nondum natis profunt, si præsentem utilitatem spectes. Enimvero impossibile non est, ut posteris quoque consulamus, quatenus dantur facta, quorum effectus durat, nobis licet mortuis, immo dudum mortuis, in infinitum. Hinc & istiusmodi factis de posteris bene mereri dicimur.

§. 851.

Posterum quoque amare debemus tanquam nosmetipsos. Aliter enim amat is, cujus animus dispositus est ex illius felicitate voluptatem percipiendi (§. 633. Psych. empir.). Quamobrem cum non repugnet, ut posterorum felicitatem nobis repræsentemus, atque adeo ex eadem voluptatem percipiamus; posteros quoque amare possumus. Amare alterum tanquam seipsum officium quoddam est, quod aliis præstamus (§. 619. part. 1. Jur. nat.). Quoniam itaque ad præstandum quoque posteris officium sumus obligati, quod iisdem præstare hominum a- mor ad po- steros exten- sus.

stare possumus (§. 850.); posteros quoque amare debemus tanquam nosmetipsos.

Nimis arctis limitibus amorem universalem omnium hominum includunt, qui eum ultra eos, qui nunc vivunt, non extendunt, & plurimum falluntur, qui sibi persuadent, qui nondum vivunt, immo demum nascentur, quando dudum fuimus mortui, amari non posse, propterea quod nobis prorsus sunt ignoti. Amor enim non requirit, ut tibi notus sit, quem amas. Sane amare possumus homines, qui in locis procul remotis vivunt, & eorum adversa dolere, quæ nobis narrantur, ita ut si per nos staret, ab omni calamitate eos liberaremus. Similiter eis, qui posteros amat, in votis esse potest, ut sint ab omni calamitate immunes, immo ne fata adversa experiantur, quæ nos premunt, & ut fortunam habeant sibi faventem, quæ nobis favet. Nec repugnat amor posterorum notionibus communibus. Laudamus enim eum, qui posteris bona quævis apprecatur, & ex adverso reprehendimus illum, qui iisdem diras imprecatur, adeoque laudamus amantem, reprehendimus odio prosequentem posteros.

§. 852.

De cura circa scientiam & artes posterorum. Operam dare debemus, ut scientia ac artes ad posteros propagentur, si qua suppeditare possumus, qua faciunt ad ulteriores progressus, ea suppeditemus. Officii enim nostri est, ut in propagandis virtutibus intellectualibus, consequenter scientiis atque artibus (§. 240. 261. part. 1. Jur. nat.); seduli simus (§. 638. part. 1. Jur. nat.). Quamobrem cum nemo sit, qui dubitet, scientias ac artes etiam ad posteros propagari posse, si quod verò officium præstare posteris possumus, ad id præstandum obligati simus (§. 850.); operam omnino dare debemus, ut scientiæ ac artes ad posteros propagentur. *Quod erat unum.*

Est etiam officii nostri efficere, si in potestate nostra fuerit,

erit, ut alii consequantur bona animi, quæ ipsimet pro rerum nostrarum statu consequi minime possumus (§. 646. *part. 1. Jur. nat.*), consequenter ut posteriores quoque in scientiis ac artibus faciant progressus, quam nobis facere datur. Patet igitur ut ante, si qua suppeditare possimus, quæ posteris profunt ad posteriores in scientiis ac artibus progressus, ea nos suppeditare debere. *Quod erat alterum.*

Nos sane ad eas scientias non pervenissemus, quæ hodie inter nos florent, nisi eas antiqui ad nos propagassent. Immo si ulterius progressi sumus, nobis non patuisset via ad ulteriora, nisi nobis cognita atque perspecta fuissent, quæ a veteribus inventa fuerunt. Sane Geometria ad sublimem illum gradum eversa a nobis non fuisset, nisi *Euclidis* imprimis, *Apolonii* ac *Archimedis* auxilio adjuti fuissemus. Astronomiam ad præsentem perfectionis gradum perducere prorsus impossibile fuisset, nisi veterum monumenta nobis conservata fuissent. Neque est quod dubites, fuisse quoque inter veteres, qui posteris prodesse voluerunt, ac id præcisè intenderunt, ut posterius ad eam scientiam perveniant, quæ ipsis negabatur. Sane *Hipparchus* occasione stellæ novæ, quæ ipsius tempore apparebat, catalogum fixarum condidit, in quo posteris annumeravit stellas, ut iisdem pateret, num fixæ quoque sint mutationi obnoxie, aliis intereuntibus, aut conspectui nostro sese subducentibus, aliis de novo orientibus, aut in conspectum nostrum prodeuntibus. Neque nostro tempore desunt, qui eodem cum *Hipparcho* sunt animo. Exempli loco esse potest *Hallejus*, qui anno 1742. diem supremum obiit. Is enim cum reperisset, quantum observatio transitus Veneris per solem, qui anno 1761 continget, inservire possit distantie solis a terra accuratius, quam hætenus fieri potuit, definiendæ, consequenter quantum inde incrementum Astronomia habere possit; tempestive de eo monuit Astronomos & ad phænomenon adeo rarum observandum adhortatus est, etsi probe gnarus sibi non licere esse tam felici, ut ad solidiorem cognitionem

nem systematis nostri Planetarii, quæ inde pendet, perveniat. Equidem non nego, raram admodum esse hanc virtutem, qua procurare intendimus, ut posterius ad majorem scientiam perveniant, quam nobis datur, nec nego, haud raro citra intentionem ejus, qui viam posteris ad ulteriora sternit, hoc fieri; non tamen putandum est, genus humanum adeo corruptum esse, ut nemo profectus sit, qui virtute tam præclara excellat. Confucius, cum a discipulis suis supra omnes mortales extolleretur, ultro confitebatur, venturum aliquem, qui ipso futurus sit superior, si non in amplissimo Sinarum imperio, at tamen in alio terrarum loco. Neque ullus dubito, si præclaro huic Philosopho datum fuisset efficere, ut posterius in univ-
ersum omnes ipsum scientia ac virtute superarent, quod id quam lubentissime facturum fuisset.

§. 853.

De veritatibus ac artibus humano generi utilis Quoniam operam dare debemus, ut scientiæ ac artes ad posteros propagentur (§.852.); si quis veritatem quandam generi humano cognitam utilem, aut artem quandam invenit, eam celare ac generi utilis ut secum intreat pati minime debet, consequenter in posteros non reticendis. *injuriæ sunt, qui quæstus gratia, aut vana quadam alia de causa, arcana quadam scientia ac artis revelare nolunt.*

Forfan huc referre licet arcana quædam Medicorum, quæ, cum generi humano plurimum prodesse prædicent, nota tamen aliis facere recusant, ob lucrum, quod ex his sperant, quamdiu vivunt. In eundem censum veniunt artifices, qui arcana artis non modo propalare nolunt, quamdiu vivunt, sed nec curæ cordique habent, ut post obitum suum aliis innotescant.

§. 854.

Am virtutes morales ad posteros propagare possumus, veritates morales ad morales inveniendos, exempla virtutum præclara memoria posteros pro-rum mandando & ad studium virtutis eos, qui nunc vivunt, ad-pagare liceat *ducen-*

ducendo. Etenim veritates morales faciunt ad virtutis cognitionem & quomodo hæc sint acquirendæ, conservandæ ac augendæ nos instruunt. Quamobrem cum veritates inventæ perpetuum habeant usum, inventoribus dudum mortuis, qui veritates morales invenit, virtutes morales ad posteros etiam propagare potest. *Quod erat primum.*

Exemplorum magna vis est in virtutibus propagandis (§. 266. 269. 270. 273. 275. 277. & seqq. part. 2 *Phil. pract. univ.*). Quamobrem si exempla virtutum præclara memoriæ posterorum mandamus; virtutes quoque morales ad posteros propagare possumus. *Quod erat secundum.*

Quodsi operam demus, ut, qui nunc vivunt, sint virtuti dediti, & a prima pueritia virtutis amor tenellis animis jam insinuetur, ut hic rursus alios ad virtutis studium adducere possint; virtus quasi per traditionem ad posteros propagari potest. *Quod erat tertium.*

Nemo dubitat, scientias ac artes ad posteros propagari posse. Quodsi quæsieris, quomodo hoc fiat; non difficilis est responsio, quam obvia unicuique experientia suggerit, nimirum quod veritates inventæ litteris consignentur, & hoc pacto memoriæ posterorum mandentur, aut quod ætate majores eas continuo doceant minores, quomodo in primis artes inter homines propagari solent. Artes adeo ac scientiæ propagantur partim per scripturam, partim per traditionem, utroque modo etiam ad posteros. Plura sane majoribus nostris debemus, quam iis, qui nunc vivunt, sive veritatum utilium cognitionem, sive artes quascunque spectes. Immo qui scientias amplificaverunt, aut artes perfecerunt, id præstare haud quaquam potuissent, nisi a majoribus inventa sive per scripturam, sive per traditionem ad nos propagata fuissent. Videmus adeo tam veritatum cognitionem, quam praxin cum per scripturam, tum per traditionem ad posteros propagari posse. *Ecquis ergo dubitet,*

bitet, eodem prorsus modo tam veritatum moralium notitiam, quam praxin virtutum, aut si mavis virtutes ipsas ad posteros propagari posse. Sunt utique rationes, quæ homines magis impellunt ad artes, quam ad virtutes propagandas: ast inde minime conficitur, has non eodem modo, quo illas propagari posse. Nihil adeo asserimus, quod sit a ratione alienum, nec experientiae consentaneum. Absit autem ut tibi persuadeas, perinde esse, five in propagandis scientiis, artibus ac virtutibus moralibus, præsentium saltem utilitatem ac felicitatem intendas, five etiam posterorum rationem habeas, quasi utilitas posteris inde expectanda per se in eosdem redundet. Contrarium enim patebit suo loco in Philosophia morali, ubi talia explicatius tradenda, quæ quomocumque ad praxin virtutum faciunt.

§. 855.

De virtutibus moralibus ad posterum propagandis.

Operam dare debemus, ut virtutes morales etiam ad posteros propagentur. Officii nostri est, ut in propagandis virtutibus moralibus seduli simus (§. 638. *part. 1. Jur. nat.*), ac fieri potest, ut easdem ad posteros quoque propagemus (§. 854.). Enimvero si quod officium posteris præstare possumus, ad id præstandum obligamur (§. 850.). Quamobrem etiam obligamur virtutes morales ad posteros propagare, consequenter operam dare debemus, ut propagentur.

Non una sane de causa contingit praxin hujus officii esse difficilem, & difficultates haud raro objici insuperabiles: id quod suo loco in Philosophia morali patebit, quando impedimenta virtutis & causas vitiorum demonstraturi sumus. Quamvis autem conatus noster eventu, quem optamus, destituatur; id tamen minime nos liberat ab obligatione nostra. Faciendum, quod nostrum est ac a nobis fieri potest; cetera committenda providentiæ divinæ. Neque tamen existimandum est, quod, si plures satisfacerent omni animi contentione huic officio, nullum prorsus fore effectum. Sed quicquid hu-

jus

ius sit, nobis hic saltem docendum est, quid sit officii nostri, non vero in præsentis disquirendum, quo effectu eidem satisfiat. Sane nemo diffitetur, recte in Jure naturæ demonstrari, quod homines in univèrsum omnes unusquisque amare debeat tanquam seipsum, etsi rarissima sint hujus amoris exempla, nec fieri a nobis possit, ut omnium omnino animis amor iste instilletur. Ecquis ergo jure reprehendet, quod virtutis ad posteros propagationem urgeamus, quia videmus quam multa sint, quæ conatus nostros irritos facere possunt?

§. 856.

Quoniam sine virtute nemo felix esse potest, nec felicitas a virtute sejungitur potest (§. 400. part. 1. Phil. pract. univ.), licitatis operam vero dare debemus, ut virtutes morales etiam ad posterorum felicitatem propagentur (§. 855.); nobis quoque opera danda est, ut felicitatem posterorum promoveamus.

Convenit hoc maxime amoris universali, quo etiam posteros prosequi debemus (§. 851.). Quodsi enim posteros amamus, voluptatem percipimus ex eorum felicitate (§. 633. Psych. empir.) & amor nos impellit, ut ad felicitatem illorum conferamus (§. 652. 636. Psych. empir.), quicquid a nobis proficiendi potest.

§. 857.

Arbores fructiferae posterorum causa plantandæ, immo etiam sylvestres, ubi verendum, ne posteris deficiat lignorum sufficiens copia, bus ingratis ac eorundem causa lignis parce utendum. Officii enim nostri est, am posterorum, ut, quicquid ad hoc conferre valeamus, ne aliis deficiat ea, rum plantarum necessitatem faciunt, multiplicando scilicet re-tandis. rum necessarium proventum, quas natura sua sponte nos profert (§. 506. part. 1. Jur. nat.) & plantare arbores sylvestres, si natura sua sponte non profert tantam lignorum copiam, quanta omnibus sufficit ad vitam conservandam & commode transigendam (§. 509. part. 1. Jur. nat.). Nemo (Wolffii Jur. Nat. Pars VI.) Qq qq igno-

ignorat, fructus arborum ad cibos referendos esse, adeoque vitæ necessitati inservire, non autem semper fieri posse, ut, arborum, quas plantas, fructus ipse percipias. Posteris adeo consulitur arbores fructiferas plantando. Ac idem patet de arboribus sylvestribus, quarum pleræque tarde admodum crescunt, antequam cædi possint. Quoniam itaque ad præstandum officium posteris obligamur, si quod iisdem præstare valemus (§. 850.); arbores fructiferas posterorum causa plantandæ sunt, immo etiam sylvestres, ubi verendum, ne posteris desit lignorum sufficiens copia. *Quod erat unum.*

Lignorum usu homines carere non posse, si vitæ necessitati ac commoditati prospicere velint, nemo est qui nesciat, ut adeo ligna sint in numero rerum tam necessariarum, quam utilium (§. 499. 500. part. 1. *Jur. nat.*). Lex naturæ omni homini tribuit usum rerum necessariarum & utilium necessarium (§. 14. part. 2. *Jur. nat.*), adeoque arbores sylvestres non modo destinantur usui eorum, qui nunc vivunt, sed etiam posterorum. Quamobrem lege naturæ permissum esse nequit, ut lignorum usu præventur posteris, si quidem is iisdem conservari potest. Quodsi ergo metuendum, ne posteris desit sufficiens lignorum copia, eorundem causa lignis parce utendum. *Quod erat alterum.*

De posteris adeo bene merentur, cum qui arboribus sylvestribus plantandis operam dant, ubi verendum, ne desit lignorum sufficiens copia posteris, tum qui lignorum parsimoniam docent, inquirendo in artem lignis parce utendi. Lignorum abusum non defendunt dominia, neque enim hæc introduci potuerunt in præjudicium posterorum. Natura res communes facit toti generi humano, neque consulit tantummodo iis, qui nunc vivunt, verum etiam posteris. Postquam adeo dominia introducta sunt, rebus ita utendum, ne posteris auferatur, quod ipsorum aliquando esse debet. Amori posterorum

rum adversatur, cum ipsorum detrimento suæ prospicere utilitati. Et justitiæ universali convenit, ut actiones nostras etiam referamus ad utilitatem posterorum, quantum datur (§. 934. *part. 1. Jur. nat. & §. 850. b.*). Sed nolumus in explicandis officiis erga posteros esse prolixiores: qui enim amore posterorum indulgere voluerit (§. 851.) & ad animum revocaverit, se ad omne officium posteris præstandum obligari, quod a se in ipsos proficisci potest (§. 850.), is per se agnoscat, quid posteris debeat, quoties sese occasio offert iisdem officium aliquod præstandi.

CAPUT VII.

De officiis & jure Eruditorum.

§. 858.

Eruditos vocamus eos, qui rerum cognitionem ac scientiam habent. Pro diversitate rerum, quarum quis cognitionem ac scientiam habet, speciale sortitur nomen. Ita *Juris* appellatur, qui juris cognitionem ac scientiam habet: *Medicus*, qui sanitatis ac morborum & modi illam conservandi, hos curandi cognitionem ac scientiam habet: *Physicus*, qui rerum naturalium cognitionem ac scientiam habet: *Literator*, qui linguarum cognitionem ac scientiam habet: *Historicus*, qui rerum singularium, factorum inprimis hominum in singulari, cognitionem habet: *Rhetor*, qui artis oratoriæ cognitionem ac scientiam habet, & ita porro.

Eruditi quoniam dicantur.

Notio eruditi communi loquendi usu non satis determinata est: hic vero vocabulum ad significatum fixum fuit reducendum, qui ab usu loquendi non abhorreat. Communis loquendi usus exigere videtur, ut quis cognitioni ac scientiæ rerum se unice dedat, nec aliud vitæ genus primario sectetur.

tur, quin potius sua rerum cognitione ac scientia aliis infervere studet, nisi in otio liberario confensescere malit. Videtur etiam idem requirere, ut quis recepto inter nos more rerum cognitioni ac scientiæ acquirendæ operam navaverit, ut alia taceamus. Immo sunt qui putant, neminem esse posse eruditum, nisi calleat linguam Latinam, vel etiam Græcam aut Hebraicam. Enimvero talia nobis insuper habenda sunt, ubi vāgus ac inconstans loquendi mos minime ferendus. Illud autem per se patet, non statim eruditi nomen mereri, qui unius, vel alterius rei cognitionem, aut scientiam habet; sed requiri ad eruditum, ut saltem rerum certi generis, veluti juris, aut modi conservandi sanitatem ac curandi morbos cognitionem ac scientiam habeat. Ideo eruditi minime appellantur artifices ac opifices, quamvis cognitionem habeant illarum rerum, quæ ad artem suam, vel opificium pertinent, nec eruditus vocatur miles, utut habeat cognitionem illarum rerum, quæ ad bellum gerendum necessariæ sunt. *Scaliger* dixit eruditum esse, qui norit rerum differentias ac possit unumquodque proprio suo nomine efferre: quod si rite explicetur, eruditos ab iis, qui non sunt, facile distingues, ac definitionem *Scaligeri* cum nostra consentire deprehendes. Qui enim rerum cognitionem habet, eas a se invicem distinguit, earundemque adeo differentias novit. Quod vero ad res a se invicem distinguendas requirantur vocabula tanquam signa, per quæ indigitantur, abunde constat. Enimvero quoniam non modo ea, quæ cognoscuntur, ad certa genera reduci possunt, verum etiam diversus datur facultatum usus, quo cognitio acquiritur; ideo eruditi pro varietate objectorum, circa quæ versantur, in varia genera distribuuntur, & in iis pro diverso cognitionis gradu, seu diverso usu facultatum ad cognitionem acquirendam adhibendo in suos ordines dividuntur. Quod genera eruditorum attinet, exempli loco quædam eorum commemoravimus, nec nostrum est, accurate enumerare singula, cum ad præsens institutum nihil faciat ista enumeratio. Sufficit igitur eruditos cujusvis generis distinguere in suos ordines.

§. 859.

Eruditorum alii ea, quæ cognoscunt, memoria saltem *De Erudito-*
 comprehendunt; alii vero intellectu: alii denique pollent *rum ordinibus.*
 habitu ex iis, quæ intellectu comprehenderunt, investigare
 alia, quæ nondum cognita sunt. Illi cognitione rerum non-
 nisi historica (§. 3. *Disc. pralim.*); ii philosophica; immo
 etiam mathematica instructi (§. 6. 14. *Disc. pralim.*); hi de-
 nique inventorum numero sunt (§. 454. *Psych. empir.*). *Erudi-*
ti infimi ordinis sunt, qui historicam saltem rerum cogniti-
 onem habent. Atque hi vocantur *Eruditi vulgares*, seu *tri-*
viales, idiomate patrio *gemeine Gelehrten*, item *Gedäch-*
nis-Gelehrten, quatenus memoria tantum comprehendunt
 ea, quæ cognoscunt. *Eruditi secundi, seu medi ordinis* sunt,
 qui philosophicam, immo etiam mathematicam rerum co-
 gnitionem habent. Hi dicuntur *solide eruditi*, sermone no-
 stro *gründlich Gelehrte*. *Eruditi denique primi ordinis* sunt,
 qui habitu veritates adhuc latentes inveniendi pollent. Et
 hi dicuntur *Inventores*, lingua nostra *die grosse Gelehrten*.
 In omnibus ordinibus diversi admodum dantur gradus, qui
 tam ab objecto cognitionis, quam a subjecto dependent.

Equidem non ignoro, esse haud paucos, quibus vulgarium,
 seu trivialium eruditorum appellatio odiosa, & qui agre fe-
 runt, de ipsis scientiam negari; falluntur tamen, quod sibi per-
 suadeant, per contemptum hoc fieri. Quæ enim distincta sunt,
 ea quoque a se invicem distinguenda sunt, & qui veritati con-
 sentanea dicit, non habet animum alterum contemnendi, nec
 veritas fert animum adulandi, cumque ad certam rerum cogni-
 tionem fixus ac determinatus requiratur vocabulorum signifi-
 catus, ex notionibus quoque fixis ac determinatis ferendum
 iudicium. Arrogantis vero est, affectare laudem, quæ in
 ipsum non cadit (§. 566. 550. *part. 1. Jur. nat.*). Non desti-
 tuuntur sua laude etiam eruditi infimi ordinis: aliud enim

est vulgus eruditorum, aliud vulgus imperitum. De aliis quoque bene mereri possunt, qui cognitionem rerum historicam tantummodo habent, ut inter inutilia terræ pondera minime sint referenda. Immo fieri potest, ut sola cognitione historica instructus aliis magis utilis sit, quam qui philosophica, immo etiam mathematica instructus est, & vel inter primi ordinis eruditos principem quandam locum tenet. Laus vero hæc diversa est ab ea, quæ a gradu cognitionis petitur, neque adeo cum hac confundenda.

§. 860.

Deloco inter eruditos ob-
tinendo.
Quilibet eruditus operam dare debet, ut locum quandam teneat in eo ordine in quo aliquem obtinere potest. Etenim ordines eruditorum distinguuntur usu facultatum, quo rerum cognitionem acquirunt (§. 859.), consequenter ab habitu facultatum cognoscendi pendet locus, quem inter eruditos in ordine quodam quis tenet. Quoniam itaque quilibet eruditus obligatur ad consequendum omnem habitum facultatum cognoscendi acquisitione sibi possibilem (§. 211. *part. 1. Jur. nat.*); quilibet quoque operam dare debet, ut locum quandam teneat in eo ordine, in quo aliquem obtinere potest.

Eruditorum omnino est, ut habitus facultatum cognoscendi acquirant, cum ipsorum sit rerum cognitionem sibi acquirere (§. 858.). Non vero liberati tuæ relictum est, quousque progredi velis; sed lex naturæ præcipit, quo usque sit progrediendum. Qui gradum sistit, cum ulterius progredi possit, peccat (§. 440. *part. 1. Phil. præf. univ.*). Quodsi vero quæratur, num ulterius progredi possis; non solum animum attendere debemus ad dispositiones naturales, quæ animæ insunt, & accedente exercitio ad habitum evehiri possunt (§. 430. *Psych. empir.*); verum etiam ad opportunitatem habitum aliquem acquirendi, quæ fortunæ subest, nec nostræ potestati subiecta. Quis enim est qui nesciat, nos non omnia agere posse, ad quæ usus facultatum nostrarum sufficeret, nisi nobis

nobis otium sit ac cetera faveant, quæ extra nos sunt. Satisfecit adeo officio suo, qui fecit, quantum facere potuit (§. 209. part. 1. *Pbil. pract. univ.*).

§. 861.

Quoniam *quilibet eruditus* operam dare debet, ut lo- *Idem porro*
cum quendam teneat in eo ordine, in quo aliquem obtine- *expenditur.*
re potest (§. 860.); *in gradu infimo subsistere non debet, qui*
in secundum ascendere potest, nec in secundo is, cui patet ad pri-
imum aditus.

Gloriam affectantes, quam nondum merentur, in gradu inferiori subsistere solent, cum, nisi maturius comparere mallent, in superiorem ascendere possent. In hunc censum veniunt, qui alios docere volunt, quæ nondum didicerunt, & ex aliorum libris exscribunt, quæ ipsimet nondum intelligunt, quamvis non destituantur aptitudine & opportunitate ad illa addiscenda, hæc intellectu comprehendenda. Ita sunt, qui inventores agere volunt, antequam ab aliis inventa sciant, ac oleum ac operam perdunt, tempus fallunt. Sed dantur adhuc aliæ causæ, cur multi in eum ordinem non veniant, in quem venire potuissent. Ita huc pertinet illud pervulgatum: multi ad scientiam pervenissent, nisi se jam pervenisse putassent. Sed de his expressius dicere, non est hujus loci.

§. 862.

Similiter quia eruditus *quilibet* operam dare debet, ut *De continuo*
locum quendam teneat in eo ordine, in quo aliquem obti- *progressu ad*
nere potest (§. 861.), & cum amplissima sit rerum cognitio, *cognitionem*
in unoquolibet dentur gradus (§. 859.); *in gradu inferiori ulteriores.*
subsistere non debet, qui ad altiore ascendere potest, consequenter
eruditus cujuscunque ordinis continuo ulterius progredi debet,
nec in ea rerum cognitione ac scientia acquiescere, quam acquisivit.

Officio huic satisfaciunt, qui morti vicini discendi animum nondum deposuerunt. Discendum, quamdiu vivimus, ad
quam-

quamcunque tandem ætatem pervenerimus. Nemo enim est, qui affirmare possit, se jam omnia didicisse, quæ scitu sibi utilia, quantamcunque demum rerum cognitionem ac scientiam acquisiverit & in quocunque rerum cognoscibilium campo versetur. Peccant igitur, qui, quam acquisiverunt rerum cognitionem atque scientiam, amplificare nolunt, aut ne ulterius progredi possint sibi metipsis obstacula opponunt. Recte tibi imputatur, cum, quæ tibi impedimento sunt, ab iis abstinere & potuisses, & debuisses, abstinere tamen nolueris. Lex naturæ nos obligat ad omnem perfectionem consequendam, quæ in potestate nostra est (§. 180. part. 1. Jur. nat.). Quamobrem arbitrii tui non est, quantam rerum cognitionem ac scientiam acquirere velis, sed danda tibi opera est, ut eam acquiras, quam potes. Equidem qui amore scientiarum ducuntur, sua veluti sponte ad ulteriora progrediuntur, immo subinde dolent, quod non omni rerum cognitioni vacare possint, quam sibi comparare vellent; negari tamen propterea nequit, eos non facere, nisi ad quod faciendum æterna lege obligantur. Immo si in rectitudine actionis eorundem nihil desiderari debet, hoc, ad quod naturali quasi quodam impetu feruntur, facere non debent sine sensu officii. Sane non alio fine officia eruditorum hic demonstramus, quam ut eruditus sensum etiam officii instillemus in iis, quæ pro lubitu suo facere sibi videntur. Sensus enim hic officii multum influit in appetitum, eundemque rectificat, ne ex eo, quod bene a nobis factum, vitiosi quidpiam contrahat. Quantumcunque ad incrementum scientiarum contuleris; nihil tamen fecisti, nisi quod facere debuisti. Urinam sensus iste officii, quo maxima pars eruditorum destituitur, omnium animis instillari posset! Nullus dubito fore, ut pessimi quidam eruditorum mores refoventur.

§. 863.

De rerum cognitione & promovere debens. Eruditi conjunctis viribus rerum cognitionem ac scientiam promovere debent. Etenim eruditi rerum cognitioni ac scientiæ

tiæ vacant (§. 858.), adeoque ipsorum est rerum cognitio- *scientia con-*
nem ac scientiam promovere (§. 184. *part. 1. Jur. nat.*). *junctis viri-*
Quamobrem cum per se pateat, conjunctis viribus rerum *bus promo-*
cognitionem ac scientiam rectius ac abundantius promove- *wenda.*
ri posse, quam disjunctis; eruditi omnino obligantur ad re-
rum cognitionem ac scientiam conjunctis viribus promo-
vendam.

Datur etiam lex naturæ perfectiva, quæ nos obligat ad id, quod altero melius, eidem præferendum (§. 192. 193. *part. 1. Phil. pract. univ.*) Quamobrem cum in dubium revocari minime possit, conjunctis viribus rerum cognitionem ac scientiam melius propagari posse, quam si unus alterius opera uti nolit; dubitari quoque nequit, lege saltem perfectiva nos obligari ad rerum cognitionem ac scientiam promovendam. Equidem non desunt, qui arroganter affirmant, se sibi solis omnia debere, nihil aliis, quorum adeo judicio opus esse non viderur, ut ad rerum cognitionem ac scientiam promovendam eruditi vires suas jungant; nemo tamen est, qui frivola istiusmodi jactantia se decipi patitur, nisi qui prorsus ignarus fuerit, qualis sit in scientiis progressus. Ingratus est in alios, qui fateri non vult, se ab aliis profecisse: injurius est in alios, qui sibi tribuit, quod aliis acceptum ferre debebat. Coniungunt autem vires suas eruditi non uno modo ad rerum cognitionem atque scientiam promovendam. Coniunctio alia indeliberata est, quatenus quæ unus publici juris facit, alter emendat magisque perficit, aut iisdem utitur ad ulterius progrediendum, vel etiam occasionem inde arripit ad alia addenda, de quibus alias non cogitasset. Alia vero deliberata est, quando unus utitur alterius consilio & auxilio, aut quæ a se inventa sunt, alterius judicio & examini subijcit, vel etiam quando scientiarum amplificandarum & propagandarum causa societas contrahitur. Huc etiam pertinent commercia literaria eum in finem celebrata. Quæ vero paulo ante (*not. §. 862.*) annotavimus de sensu officii; eadem quoque hic tenenda sunt, (*Wolffii Jur. Nat. Pars VI.*) Rr rr quem-

quemadmodum in casibus aliis bene multis. Non tamen opus est, ut semel dicta sæpius repetantur. Quodsi enim demonstratum fuerit, nos lege naturæ ad quidpiam obligari; per se patet a praxi abesse non debere sensum officii, hoc est, eo animo id a nobis fieri debere, ut obligationi naturali satisfaciamus, & ubi factum fuerit, firmiter teneamus, nos non fecisse, nisi quod debeamus.

§. 864.

De adju-
vandis aliis nem ac scientiam promovere debent (§. 863.); si quis suppe-
in veritate ditare quædam possit, quæ aliis ad ulterius progrediendum prosunt,
cognoscenda, ea suppeditare tenetur, & si quem consilio & auxilio juvare possit
vel detegen- in rerum cognitione ac scientia acquirenda, vel in veritate adhuc
da. latente detegenda, id labenter facere debet.

Qui ad ea animum attendit, quæ de jungendis viribus eruditorum ad rerum cognitionem ac scientiam promovendam modo annotavimus (not. §. 863.); facile animadverter, quomodo hæc inde inferantur. Officii hujus præstatio plurimum facit ad scientias propagandas, perficiendas & augendas. Convenit id amorii universali, quem omni homini debemus: convenit etiam amorii scientiarum. Vir eruditus, qui alios amat, vix veritatem quandam cognovit, quin nihil magis in votis habeat, quam ut ea etiam aliis sit perspecta. Et quo ea majoris momenti est aut utilitatis, eo ardentius idem desiderat. Qui scientias amat, is ex earum propagatione ac incremento voluptatem percipit (§. 654. *Psych. empir.*), & ad perfectionem earum promovendam pronus est (§. 655. *Psych. empir.*): Amor igitur tam aliorum eruditorum, quam scientiarum, officium, de quo nobis sermo est, imperat. Nec desunt illustria exempla eorum, qui huic officio satisfecerunt. Ita *Bessarion* Cardinalis, cum meliorem versionem Latinam *Ptolemai*, quam quæ tunc temporis extabat, meditarerur, sed ob alia negotia publica perficere non posset, suavit *Georgio Purbachio*, ut *Ptolemai*
 Alma-

Almagestum brevius lucidiusque facere conareretur. Enimvero cum is vix absolutis sex libris quasi in medio cursu (constat enim opus præclarum libris tredecim) vitam finiret, paulo ante, quam e vita discederet, *Joanni Regiomontano*, discipulo suo, cum in manibus & gremio moribundum teneret, continuationem operis cœpti commendavit: Vale, inquit, mi *Joannes*, vale, &, si quid apud te pii præceptoris memoria poterit, opus *Ptolomæi*, quod ego imperfectum relinquo absolute, hoc tibi ex testamento lego: *Bassarion* vero eundem hortabatur, ut grande opus prosequeretur. Atque ita factum est, ut hodie- num habeamus opus, in quo sententiæ *Ptolomæi* clariores sunt redditæ & Geometrarum more divisæ, ut & apertius intelligantur & facilius mandentur memoriæ, & tenacius hæreant. Nostro ævo *Leibniti*us, cum in omni eruditionis genere esset versatissimus, aliorum conatus lubentissime adjuvit, & alios ad præclara præstanda incitavit, ita ut, quemadmodum ipse de se dicere solebat, fungeretur loco cotis. Similiter *Joannes Bernoulli*, cujus eminentia in Mathesi sublimiorem merita grata venerabitur posteritas, non modo iis, qui disciplinæ ejus se dederunt, fideliter communicavit omnia, quæ in schedis habuit suis, ac artificia a se inventa Analyseos recentioris publice nondum extantia, ut pareret aditus ad ea, ad quæ alias pervenire ipsis datum non fuisset; verum etiam aliis, qui literis eum compellarunt, in consilio & auxilio se facilem præbuit, ut non tantum per se, sed & per alios scientiam promoveret, errantesque in viam reduceret. Utinam hæc exempla sequerentur alii, quemadmodum debent (§. 931. part. 1. *Jur. nat.*)! Cui cognitum atque perspectum est, quantum intersit fidum habere ducem in via non satis trita & tempestive a deviis in rectum tramitem revocari; is ultro fatebitur, ad scientiarum propagationem ac incrementum mirifice conducere officium præfens.

§. 865.

Quoniam eruditi superioris ordinis rectius intelligunt, *De consilio* quid ab iis fieri possit, qui sunt ordinis inferioris, quam eruditis in-
 Rr rr 2 *iplimet, ferioris or-*

dinis dando ipsimet, eruditus autem unus alteri consilio suo, in propa-
ab iis, qui ganda & promovenda rerum cognitione ac scientia deesse
sunt superi- minime debet (§ 863.); *eruditi superioris ordinis docere eos,*
oris. *qui sunt inferioris, debent, quid ad promovendam rerum cognitio-*
nem ac scientiam conferre utiliter possint.

Quemadmodum unusquisque eum laborem seligere debet, cui obeundo se parem sentit (§. 528. *part. 1. Jur. nat.*); ita quoque eruditus ad promovendam rerum cognitionem ac scientiam confere debet, quod potest, ne subeat onus humeris suis impar. Haud raro vero eruditi plus sperare solent de facultatibus suis, quam in iis est, atque adeo irrito conatu agrediuntur opus, quod aut prorsus non perficere, aut saltem rite perficere non valent. Necessse igitur est, ut doceantur ab aliis, quid ab iis præstari possit. Possunt autem eruditi etiam infimi ordinis prodesse illis, qui sunt superioris. E. gr. Non inutile foret Geometris primi ordinis, qui veritati operam dant, si theoremata omnia, quæ hæctenus inventa sunt, ordine alphabetico sine demonstratione digesta haberent, cum constet haud raro facilius ad quædam, quæ quærentur, per calculum algebraicum patere aditum per theoremata quoddam jam cognitum, immo subinde & parare aditum ad inaccessibleia. Sufficit his colligendis Geometra infimi ordinis, qui historicam saltem Geometriæ cognitionem habet, aut selecta saltem *Euclidis* theoremata vi demonstrationum intellectu comprehendit. Quodsi ergo quis hoc labore defungeretur, qui sufficiente librorum apparatu instructus est; is auxilium non contemnendum ferret Geometris etiam primi ordinis, præsertim iis, qui non toti omnem ætatem in lineis ac calculis consumere possunt.

§. 866.

Quid faci- *Qui per se statueret nequit, quid sit faciendum; is*
endum in *peritos consulere ac eorum consilium sequi debet.* Qui enim per
rebus dubi- se statueret nequit, quid sit faciendum, is alterius consilio in-
is. diget (§. 983. *part. 1. Theol. nat.*). Quamobrem cum qui-
libet

libet homo alterum ope ipsius indigentem juvare debeat, ut consequatur animi, corporis ac fortunæ bona, quantum in potestate sua est (§. 612. *part. 1. Jur. nat.*), consequenter etiam periti obligentur consilio adjuvare ejusdem inopes, & unusquisque obligetur ad actionum rectitudinem, seu recte agendum (§. 189. *part. 1. Phil. pract. univ.*); qui per se statuere nequit, quid sit faciendum, peritos consulere ac eorum consilium sequi debet.

Amor universalis, quem lex naturæ urget (§. 619. *part. 1. Jur. nat.*), homines omnino arctissimo vinculo copulavit, ita ut, qui alterius ope indiget, eundem spectare possit tanquam unum cum seipso. Quodsi ergo vi intellectus tui statuere nequis, quid sit statuendum; intellectus alterius, qui statuere valet, est tibi loco intellectus tui. In hoc nimirum casu intellectum tuum cum intellectu alterius unit amor universalis, ut perinde sit, ac si intellectus alterius tibi inesset, aut quæ inest alteri scientia inesset tibi. Ex obligatione alterius ad consilium ejus inopi impertiendum nascitur jus ad idem ab eodem expetendi (§. 23. *part. 1. Jur. nat.*): ex obligatione vero ad recte agendum (§. 189. *part. 1. Phil. pract. univ.*) descendit obligatio ad juris ipsius usum, ut adeo non amplius tantummodo licitum sit consilium periti expetere, verum etiam istud expetere & ubi datum fuerit, sequi debeas. Non igitur tantummodo adest physica quædam necessitas, ut de eo, quid faciendum sit, per alios statuat, qui per se statuere nequit, quando in necessitate agendi constitutus est; sed necessitas etiam moralis, ut statuere debeat, si vel maxime indispensabilis agendi necessitas non adsit. Alteri autem opem ferimus non minus quoad actum intellectus, quam quoad actus externos, ut adeo nemini dubium videri debeat, utrum ex eo, quod obligati sumus ad opem ferendum eadem indigenti (§. 612. *part. 1. Jur. nat.*), recte inferatur, nos etiam obligatos esse ad dandum consilium ei, qui consilii inops est. Consilium vero, quo ex dubitationum fluctibus eripitur animus, cum nos ab ignorantia

liberet, seu impotentia facultatibus animæ utendi, adeoque malo animi (§. 755. part. 1. Jur. nat.), bonum quoddam animi confert (§. 756. part. 1. Jur. nat.), adeoque qui consilium dat consilii inopi, huic fert opem, ut animi quoddam bonum consequatur. Hæc quidem addere visum est, ne quis hæreat circa demonstrationem propositionis præsentis. Ipsa autem propositio principium generale est, quod ad omnem casum spectat, quo quis per se ex dubitationum fluctibus emergere nequit.

§. 867.

Quando eruditus aliorum consilio (§. 866.); eruditus quoque, qui ad scientias propagandas, vel ad scientias amplificandas pro virili aliquid conferre vult, ipse tamen per se propagandas, vel amplificandas quid conferre debeat.

Quoniam qui per se statuere nequit, quid sit faciendum, is peritos consulere ac eorum consilium sequi debet (§. 866.); eruditus quoque, qui ad scientias propagandas, vel ad scientias amplificandas pro virili aliquid conferre vult, ipse tamen per se statuere nequit, quid conferre debeat, vel possit, eruditos alios consulere ac eorum consilium sequi debet.

Supponimus utique, consilium, quod datur, esse bonum ac rectum: alias per se patet, consilia prava nos sequi non debere, cum id contrarietur obligationi nostræ naturali. Quando enim sumimus, consilium dantem esse peritum, utique supponimus eum nosse, quid sit faciendum. Et quando de officiis hominum erga alios agitur, nil quicquam dolose fieri ubi vis supponitur. Nulla igitur foret objectio, quod inde sequatur, nos consilium quoque malum, aut temerarium sequi debere. Porro quando de officiis agitur, quid iisdem consentaneum fit demonstratur. Quamvis adeo sequi debeamus peritorum consilium, quando per nos de eo, quod faciendum, statuere nequimus; non tamen inde inferri potest, ab eo nobis imponi necessitatem sequendi, ac ei competere jus ad id sequendum nos cogendi. Libertati enim nostræ permittere tenetur, utrum sequi velimus, nec ne (§. 156. part. 1. Jur. nat.), cum alia sit obligatio interna, quæ a lege naturæ venit, alia vero externa, qua alteri tenemur, & qualis dari in præsentis casu nequit, utpote libertati adversa. Nihil adeo hic asseritur, quod contrarietur pervulgato isti: consilium non necessitat.

§. 368.

Eruditi in rerum cognitione ac scientia acquirenda, propaganda & amplificanda certum finem intendere debent, officiis minime ab eruditis adversum. Quoniam enim nihil temere faciendum (§. 278. intendendo. part. 3. Jur. nat.); nec eruditus rerum cognitioni ac scientiæ propagandæ & amplificandæ vacare temere debet. Quamobrem cum certo fine faciendum sit, quod temere fieri non debet (§. 277. part. 3. Jur. nat.); eruditi quoque in rerum cognitione ac scientia propaganda & amplificanda certum finem intendere debent. Quod erat unum.

Enimvero officia consistunt in actionibus, quas ita, non aliter juxta legem naturæ determinare obligamur (§. 224. part. 1. Phil. pract. univ.). Quamobrem cum nemo ab obligatione sua se liberare possit (§. 674. part. 3. Jur. nat.), & obligatio, quæ a lege naturæ venit, prorsus immutabilis sit (§. 142. part. 1. Phil. pract. univ.); nil quicquam intendere licet, quod officiis sit adversum (§. 170. part. 1. Phil. pract. univ.). Eruditi itaque in rerum cognitione ac scientia acquirenda, propaganda & amplificanda intendere non debent finem, qui sit officiis adversus. Quod erat alterum.

Temere rerum cognitioni ac scientiæ vacat, qui aliud non intendit, nisi ut eam possideat: id quod rarius quidem contingit, non tamen inter ea referendum, quæ contingere nequeunt. Plerumque in rerum cognitione acquirenda, subinde etiam in eadem propaganda, tantummodo intenditur lucratio panis. Inde est, quod indies audias, hanc vel istam rerum cognitionem ac scientiam non esse de pane lucrando. Manat hinc neglectus studii mathematici ac philosophici in Academiis. Et haud raro ideo censuram incurrunt Mathematici ac Philosophi, quod omnem ætatem consumant in iis, quæ de pane lucrando non sunt, quasi ea non digna sint, quæ ab aliis discan-

cantur, ut adeo genus humanum illarum rerum cognitione tuto carere possit. Plurimi eruditorum in rerum cognitione ac scientia acquirenda, propaganda & amplificanda hunc unice finem sibi propositum habent, ut laudem ac gloriam consequantur, toti adeo ambitioni dediti (§. 570. *part. 1. Jur. nat.*). Commune hoc eruditorum vitium multorum malorum fons est, quæ enumerare nimis prolixum foret, quotidiana vero experientia abunde loquitur. Plurimum autem eadem variant pro diversitate eruditorum in quolibet ordine. Optandum itaque foret, ut officii sui esse perpenderent eruditi in universum omnes, quod hic demonstratur, atque cognoscerent, quid debeant generi humano. Veri eruditi est gloriam spernere & recte factorum conscientiam ut habeat contentum esse: vera enim gloria sequetur fugientem. Vere nimirum dictum est: qui gloriam spreverit, veram habebit. Ast hæc in philosophia morali accuratius sunt disputanda.

§. 869.

De utilitate cognitionis ac scientie rerum. * *Rerum cognitio ac scientia alia ad intellectum, alia ad voluntatem, alia denique ad artes perficiendam utilis, quæ generi humano ad vitæ necessitatem, commoditatem ac jucunditatem proferunt.* Hæc sumere possumus tanquam a posteriori satis certa & explorata. Sane constat, veritates quasdam inservire aliis demonstrandis, vel etiam detegendis, si adhuc latent, etiamsi præterea alium usum non habeant, qui nobis sit cognitus atque perspectus. Juvant igitur intellectum in veritate cognoscenda ac invenienda. Cumque intellectus non perficiatur, nisi exercitio (§. 199. *part. 1. Jur. nat.*); veritatum demonstratu aut inventu difficilium cognitio intellectum omnino perficit, nec sine ea ad eundem perfectionis gradum eundem evehere licet. Non modo veritatem moralium, quæ in Jure naturæ, Philosophia morali atque civili demonstrantur, ad voluntatem perficiendam faciunt; verum cum voluntatis emendatio a perfectione intellectus depen-

dependeat, quemadmodum suo loco in Philosophia morali demonstraturi sumus, veritatum quoque theoreticarum cognitio ac scientia, ipsarummet mathematicarum, ad perfectionem voluntatis quædam conferre potest. Artes supponere quandam rerum cognitionem, nemo est qui nesciat. Illarum vero rerum dari quoque scientiam & hac ipsa artium theoriam perfici posse experientia dudum comprobatum est. Ast ipsas artes generi humano utiles esse ad vitæ necessitatem, commoditatem ac jucunditatem, obvia experientia docemur. Nihil adeo hic sumitur, quod sit ab experientia alienum, modo eam consulere velimus, ac possimus: neque enim experientia omnis in cujusvis potestate est.

Qui vel Elementa Euclidis evolvit, is animadvertet, propositionum aliarum usum esse in demonstrando, aliarum vero in efficiendo, ut adeo inutiles cenferi nequeant, quæ non ad praxin quandam per se tendunt. Ita qui hodie inter Geometras primi ordinis eminent de lineis curvis multa tradunt, quorum cognitione genus humanum tuto carere posse videtur: non tamen ideo sine omni utilitate in veritatibus, quarum cognitio ad nihil utilis videtur, tam operose investigandis ætatem consumere dicendi sunt, quatenus artificiiis, quibus utuntur, artem inveniendi augent, quam summam esse intellectus perfectionem nemo est qui nesciat, & quatenus fieri potest, ut oblata occasione alii utantur iisdem artificiiis ad detegendum veritates, quæ manifestam generi humano utilitatem præstant. Non igitur est, quod dubites ipsa etiam rerum cognitione ac scientia intellectum perfici posse. Quod vero inter ea, quæ cognosci possunt, dentur etiam quæ docent modum facultatibus cognoscendi rite utendi in omni rerum aliarum cognitione, verior docet Logica, ut adeo opus esse non duximus, ad præcepta logica hic provocari. Monendum potius erat, non solum eorum, quæ Logica docet, cognitionem facere ad intellectus perfectionem; verum etiam aliarum cognitionem ad eandem requiri. Sed de his plura dicemus in Philosophia Jur. Nat. Pars VI.)

lophia morali, quando intellectus perficiendi praxin traditur sumus. In eadem quoque expressius docebitur, quznam veritatum cognitio influat in voluntatis perfectionem, & quznam artium sit usus in perficiendo statu hominum externo, ut vitam commode ac jucunde agere possit.

§. 870.

*Quales fines
ab eruditis
recte inten-
dantur.*

Quoniam eruditi in rerum cognitione acquirenda, propaganda & amplificanda certum finem intendere debent officii minime adversum (§. 868.), rerum autem cognitio ac scientia alia ad intellectum, alia ad voluntatem, alia denique ad artes perficiendum utilis, quæ generi humano ad vitæ necessitatem, commoditatem ac jucunditatem profunt (§. 869.), officii autem convenit, ut intellectum ac voluntatem (§. 212. part. 1. Jur. nat.), ac artes perficiamus, quorum usus esse potest etiam in perfectione corporis ac status externi promovenda (§. 261. part. 1. Jur. nat.), consequenter quæ utiles sunt ad vitæ necessitatem, commoditatem atque jucunditatem, utpote quarum quævis nobis curæ cordique esse debet (§. 349. 466. 471. part. 1. Jur. nat.); *eruditi in rerum cognitione perfectionem intellectus, voluntatis ac artium, qua humano generi ad vitæ necessitatem, commoditatem ac jucunditatem profunt, recte intendunt tanquam finem.*

Rerum cognitio non propter se appetenda, sed tanquam medium satisfaciendi officii cum erga seipsum, tum erga alios, erga ipsum etiam Deum (§. 868.). Homo constat anima & corpore, ac certa ideo sunt officia, quæ cum sibi, tum aliis quoad animam & quoad corpus debet. Indiget quoque rebus aliis, siquidem officii istis satisfacere debet, ac aliorum opera & auxilio. Unde nascuntur quoque officia erga seipsum atque alios quoad statum externum, quibus sine arte satisfieri ex arte nequit. Rerum adeo cognitio recte refertur cum ad animæ ac corporis, tum ad status externi & hujus intuitu ad artium perfe-

perfectionem. Quamdiu adeo horum finium aliquis rerum quarundam cognitione obtineri potest, ea dici nequit inutilis. Non vero necesse est, ut idem finis obrineatur quoad homines in universum omnes: neque enim fieri potest, nec interest generis humani, ut omnes eandem perfectionem acquirant. Nemo hominum sibi soli nascitur, sed unus alteri utilis esse debet. Quoniam vero non eadem est utilitas, quam unus alteri præstare potest, nec omnem præstare possunt omnes; ita quoque non eadem perfectio requiritur in uno quovis homine, sed quilibet sese perficere debet, ut ad certam quandam utilitatem aliis præstandam aptus sit. Ipsa natura ideo diversas hominibus indidit dispositiones ac inclinationes, ut omni omnium utilitati consulatur. Quando igitur iudicium ferendum est de fine, qui ab erudito intendi debet; nemo ex se de eodem statuere debet. Quoad enim tibi nulli usui est, id propterea non etiam est aliis. Quamvis adeo respectu tui nullus intendi possit finis, intendi tamen adhuc poterit respectu aliorum. Non nego, finem, qui intendi poterat immo debebat, non semper intendi. Enimvero quis est, qui nesciat, non semper facere homines quod facere debent, ac ipsorum actiones non modo carere ea rectitudine, quæ omnem defectum moralitatis arcet, verum etiam labe quadam infici, quando animus vitiis quibusdam contaminatus. Hic vero nobis docendum est, ad quidnam naturaliter homines obligentur, dum rerum cognitioni acquirendæ, propagandæ ac amplificandæ operam navant. Et quamvis alii veritates invenerint & publici juris fecerint, non intento fine, qui intendi poterat ac debebat; alii tamen iisdem ad finem istum consequendum uti debent. Ut enim cognitio veritatis sit medium consequendi aliquem finem, seu utilitatem quandam habeat, non ab eo pendet, qui eandem invenit, vel aliis notam fecit. Et vitium, quod contaminat actum inventoris ac propagatoris, cum veritatis cognitione non transit in alios: ipsa veritas per se ab omni labe immunis est, semperque manet.

§. 871.

*Artium di-
viffo.*

Artes liberales dicuntur, quæ usu facultatum cognoscendi exercentur. Opponuntur *manuariis*, quæ manuum opera exercentur. Sunt etiam nonnullæ ex utrisque *mixtae*, quarum aliæ ad liberales, aliæ ad manuaras propius accedunt, ac inter liberales ac manuaras quasi mediæ sunt.

Ita artibus liberalibus annumerantur *Grammatica*, quæ docet modum recte loquendi scribendi; *Poëfis*, quæ docet modum carmina pangendi; *Ars oratoria & homiletica*; *Medicina*, quæ etiam *Ars salutaris* appellatur, & consistit in habitu curandi morbos. Sunt equidem medici, quibus invisum est artis nomen; sed hi nec distinctam artis in genere notionem habent, nec differentiam inter artes liberales atque manuaras perspiciunt, saltem ad utrumque animum non attendunt. Ad artes manuaras referenda sunt omnia opificia, quocumque tandem nomine veniant, immo etiam artes hisce viliores, veluti ars secandi ligna. Sumitur enim vocabulum artis in significato latissimo, quem eidem tribuimus (§. 260. part. 1. *Jur. nat.*). Ad artes mixtas refero Artem pingendi, statuariam, architecturam, artem musicam & ejus generis alias.

§. 872.

*De vita ge-
neribus, qua
eruditi se-
quuntur.*

Dantur etiam diversa vitæ genera, quæ eruditi sequuntur. Alii enim docent alios, qui certam rerum cognitionem ac scientiam sibi acquirere volunt, vel ad eam perducendi sunt, veluti *Professores, Concionatores, Didascali*. Alii certam rerum cognitionem, quam habent, ad casus obvios applicant, veluti *Judices & Advocati*, qui leges ad facta applicant, ut unicuique jus suum tribuatur, & *Medici*, qui morbis cui andis operam navant, seu artem salutarem exercent. In eundem censum veniunt, qui negotia publica agunt rerum civilium cognitionem ac scientiam, quam habent, ad eadem applican-

cantes, veluti *Consilarii* Regum ac Principum, aliique *Magistratus*. Alii denique in otio literario vivunt, & vel contenti sunt voluptate, quam ex certa rerum cognitione percipiunt, vel in veritatibus cognitis in usum aliorum propagandis, aut novis inveniendis operam suam collocant.

Diversa vitæ genera, quæ eruditi sequuntur, ad statum civilem pertinent, maxima saktem ex parte, atque adeo de iisdem alibi ex instituto erit agendum. Hic tantummodo eorum mentio fieri debuit, ut in genere demonstrari possit, quidnam officii sit eorum eruditorum, qui certo vitæ generi sese consecrant.

§. 873.

Eruditi, qui certum vitæ genus sequuntur, eam rerum cognitionem ac scientiam sibi acquirere debent, qua in eodem opus habent. Etenim eruditi, qui certum vitæ genus sequuntur, vel qui certum docent alios, qui certam rerum cognitionem ac scientiam sibi acquirere volunt, aut ad eam perducendi sunt, vel rerum cognitionem, quam habent, ad casus obvios applicant, vel denique in otio literario vivunt (§. 872.). Nemo docere potest alios, nisi ea, quæ ipse novit ac scit: nemo veritates universales ad casus obvios applicare valet, nisi qui easdem cognitas atque perspectas habet. Qui vero in otio literario vivunt genio suo indulgere possunt, prouti sua unumquemque eorum trahit voluptas. Quoniam itaque unusquisque eam scientiam acquirere debet, qua in eo, quod sequitur, vitæ genere maxime opus habet (§. 241. part. I. Jur. nat.), diversæ autem vitæ genera diversarum rerum cognitionem ac scientiam exigunt (§. 872.); eruditus quilibet, qui certam vitæ genus sequitur, eam rerum cognitionem ac scientiam acquirere debet, qua in eodem opus habet.

E. gr. Qui alios docere vult philosophiam, vel ejus quam partem, ipse in philosophia, vel ea, quam docere vult, parte multum versatus esse debet. Qui jus naturæ docere vult alios, juris hujus cognitione imbutum habere debet animum. Similiter concionatores, qui scripturam sacram interpretari aliis & ex ea credenda atque agenda docere eosdem debent, arte interpretandi sacræ literas & credendorum atque agendorum notitia instructi esse debent. Quamvis vero hæc adeo manifesta sint, ut de iis nemo dubitare audeat; nihil tamen frequentius accidit, quam ut in ordinem docentium importune se ingerant, qui in discipulorum numero esse debebant. Immo videas Professores, qui eorum, quæ docere alios debent, nihil adhuc didicerunt, immo opportunitate ea adhuc addiscendi destituuntur, omni spe iisdem adempta fore, ut aliquando si non cum laude, utcumque tamen munere suo fungi possint. Plurimi quoque sunt eruditi, qui non intelligunt, quænam rerum cognitio ac scientia ad istud vitæ genus sequendum requiratur, quod elegerunt. Quantum vero inde damnum redundet in Remp. non est hujus loci dicere disertius. Hinc intelligitur, quanti intersit, ut eruditi in universum omnes, qui certum vitæ genus eligunt, quod sequantur, omni animi contentione præsentis officio satisfaciant. Qui in otio literario agunt, suo quidem genio indulgere possunt, atque hoc vi libertatis naturalis ipsis permittendum est ab aliis (§. 156. part. 1. Jur. nat.); cum tamen libertas naturalis non tollat obligationem naturalem (§. 159. part. 1. Jur. nat.), & unusquisque hominum eum laborem seligere debeat, cui obeundo se parem sentit (§. 528. part. 1. Jur. nat.), qui in otio literario ætatem omnem consumunt, illarum rerum cognitioni vacare debent, ad quam maxime apti sunt.

§. 874.

De eligendo Eruditus, qui certum vitæ genus sequi vult, aut necesse habet, id genus vitæ eligere debet, ad quod maxime aptus est. Et-
certo vitæ genere. enim unusquisque hominum eligere debet vitæ genus, ad quod

quod aptus est (§. 533. *part. 1. Jur. nat.*). Quamobrem cum etiam eruditi certum vitæ genus sequantur (§. 872.); eruditus, qui certum vitæ genus sequi vult, aut necesse habet, id genus vitæ eligere debet, ad quod maxime aptus est.

Quemadmodum homines ceteri, ita etiam eruditi plerumque panis lucrandi gratia certum vitæ genus sequuntur. Atque ideo haud raro accidit, ut de eodem eligendo ex lucro isto statuant. Non desunt istiusmodi exempla etiam inter Professores in Academiis.

§. 875.

Eruditus operam dare debet, ut facultatibus cognoscendi De usu fa- prompte uti possit. Etenim rerum cognitioni ac scientiæ ac- *cultatum*quirendæ operam dat (§. 858.), eandemque vel alios doce- *cognoscendi.*re, vel ad casus particulares obvios applicare tenetur (§. 872.), immo etiam pro virili promovere debet (§. 863.). Quoniam itaque cognitionem rerum ac scientiam acquirimus facultatibus cognoscendi (§. 53. & *seqq. Psych. empir.*), & ex Logica constat, ad illam non modo acquirendam, verum etiam applicandam ac docendam requiri certum facultatum cognoscendi, inprimis operationum intellectus usum; eruditus omnino operam dare debet, ut facultatibus cognoscendi prompte uti possit.

Equidem intellectus homini datus est, ut veritatem cognoscere ac cognitam applicare possit; usus tamen intellectus carere nequit ministerio facultatum cognoscendi inferiorum. Qui Psychologiam empiricam didicit, & in Logica versatus est, is satis perspiciet, quomodo usus operationum intellectus dependeat ab usu facultatum cognoscendi inferiorum. Quamvis vero eruditi infimi ordinis ea, quæ cognoscunt, memoria saltem comprehendunt; ad historicam tamen rerum cognitionem, quam acquirunt (§. 859.), intellectus quoque usu opus habent. Cumque ea, quæ ipsemet cognovere, alios etiam doce-

docere ac ad casus obvios applicare teneantur (§. 872.); intellectus usu carere nequeunt. Absit adeo, ut tibi persuadeas, eruditos infimi ordinis in solo facultatum inferiorum, sensuum scilicet, imaginationis atque memoriae usu acquiescere posse. Quamobrem cum Logica doceat non modo usum intellectus in veritate cognoscenda, verum etiam in eadem cum aliis communicanda & ad usus vitæ dextre applicanda; Logica quoque historicam saltem cognitionem habere debent eruditi etiam infimi ordinis. Ad veritatem applicandam sufficit historica ejusdem cognitio: neque enim hic attenditur demonstratio, quæ scientiam parit (§. 594. Log.). Si veritatis applicationem spectes, perinde est, sive historicam saltem, sive scientificam habeas cognitionem. Ea saltem differentia intercedit inter eruditum infimi ordinis & ordinis superioris, quod ille sumat verum esse, quod pro vero venditur; hic vero veritatis convictus sit. In veritate cognita adeo applicanda eruditus infimi ordinis sumit aliquid verum esse, quia asserunt alii; eruditus autem ordinis superioris, quia recordatur se, quod verum sit, agnovisse. Patet hic eruditos infimi ordinis non minus sibi ac aliis, consequenter in statu civili Reip. utiles esse posse, quam eruditos ordinis superioris. Immo cum non rerum quarumvis cognitio eandem utilitatem præstet generi humano, eruditi inferioris ordinis magis utiles esse possunt aliis, ac pluribus, quam vel in ordine supremo supra omnes eminent. Aliter enim judicandum est, quando de gradu perfectionis intellectus questio est; aliter vero, quando de utilitate, quam eruditus sua rerum cognitione præstat aliis, ac in statu civili Reip. disquiritur.

§. 876.

*Eruditorum
in intelle-
ctum perfici-
endo officium.*

Quoniam facultatibus cognoscendi ut prompte uti possint, eruditus operam dare debet (§. 865.), eadem autem perficiuntur acquirendo habitus iisdem utendi (§. 209. *part. 1. Jur. nat.*); eruditi facultates cognoscendi, adeoque etiam intellectuum (§. 275. *Psych. empir.*), perficere debent, cumque quilibet

bet homo obligetur, ad consequendum omnem habitum intellectus acquisitu sibi possibilem (§. 211. part. 1. Jur. nat.), eruditus quilibet intellectum perficere debet, quantum potest.

Inde est quod, qui aliquem inter eruditos locum obtinere volunt, iis promiscue commendetur Geometriæ saltē elementaris ac Logicæ studium. Logica nimirum præcepta dat; Geometria exempla suppeditat & ad praxin Logicæ manuducit fidissima magistra. Pertinet huc discursus de intellectu per studium Matheseos perficiendo, qui legitur Tomo quinto Elementorum nostrorum Matheseos universæ. Ostendimus paulo ante in infimo gradu eruditorum subsistere non debere eum, qui in secundum ascendere potest (§. 861.), nec in eodem ordine in gradu inferiori eum, qui ad altiorem ascendere potest (§. 862.). Huic officio ut satisfiat, plurimum contribuit Geometriæ saltē elementaris ac Logicæ verioris studium. Ea enim Logica genuina, seu verior est, quæ praxi veterum Geometrarum conformis (§. 26. Log.). Prostant nimirum hodie plurimi de Logica libri, qui usum genuinum intellectus in veritate cognoscenda potius pervertunt, quam docent, propterea quod sibi supra alios sapere videntur auctores, qui vel ipsimet intellectus sui operationibus uti nondum didicerunt, vel saltē distincta illius usus notionē adhuc destituuntur, immo quod haud raro Logicam, quæ nomen suum tuetur, nondum didicerunt, aut, si didicerint, non satis intellexerunt. Logicam satis intelligere ac multo magis præcepta ejus ad praxin transferre arduum omnino est, nec adeo leve, quemadmodum vulgo putatur. Sed præjudicia, quæ hic regnant, hoc loco evertere non est præsentis instituti.

§. 877.

Quilibet eruditus obligatur ad eam cognitionem consequendam, quæ ad bona vera ab apparentibus, mala itidem vera ab apparentibus discernenda sufficit, ad acquirendam itidem boni & mali ad appetentiam legumque naturalium, quantum eidem sufficit, atque ad

(Wolffii Jur. Nat. Pars VI.)

virtutem omnem colendam, vitia omnia fugienda. Quilibet enim homo ad hæc singula obligatus est naturaliter, seu quia homo est (§. 242. 266. 278. part. 1. *Jur. nat.*). Ergo etiam eruditus ad hæc singula obligatur.

Quamvis adeo liberum est unicuique, qui inter eruditos locum aliquem in aliquo eorum ordine affectat, statuere, qualium rerum cognitioni ac scientiæ sese consecrare velit vi libertatis naturalis (§. 156. part. 1. *Jur. nat.*), nisi quod vi legis naturæ ei sese mancipare debeat, ad quam sibi comparandam maxime aptus est & quam genus vitæ, quod sequi decrevit, exigit (§. 873. 874.); quoad veritates tamen ac virtutes morales non eadem libertas est, sed peccant eruditi, si veritatum moralium cognitionem insuper habent ac studium virtutum prorsus negligunt, quasi ipsorum sit intellectum tantummodo perficere, ac virtutibus intellectualibus operam dare, iis præcipue, quæ theoriam respiciunt. Negandum equidem non est, quod hoc præjudicium occupaverit plurimos eruditos, ut propterea in proverbium abierit, tanto unumquemque esse pejorem, quanto sit eruditior, *idiomate patrio, je gelehrter, je verkehrter*; dolendum tamen est, quod præjudicium hoc, si quod aliud, noxium non dudum fuerit ex animo eruditorum evulsum.

§. 878.

Quanta sit ejus obligatio. Eruditi obligatio ad acquirendam boni ac mali scientiam & ad virtutem omnem colendam major est, quam aliorum hominum. Etenim eruditi rerum cognitioni ac scientiæ acquirendæ sese consecrant (§. 858.) & ideo operam dare tenentur, ut facultatibus cognoscendi prompte uti possint (§. 875.), consequenter ad boni ac mali scientiam acquirendam magis apti sunt ac eandem sibi facilius comparare possunt hominibus aliis, qui alio labore tempus consumere tenentur, nec facultates cognoscendi, præsertim intellectum, adeo perficere possunt. Quamobrem cum is ad plura præstanda obligetur,
cui

cui amplior est facultatum, virium ac rerum usus, & auxili-
um alienum majus, quam alter (§. 177. *part. 1. Jur. nat.*);
eruditi omnino obligatio ad acquirendam boni ac mali sci-
entiam major est, quam aliorum hominum. *Quod erat unum.*

Quoniam eruditi in rerum cognitione acquirenda cer-
tum finem intendere debent (§. 868.), cognitio autem bo-
ni ac mali ad virtutis culturam requiritur (§. 321. *part. 1. Phil. pract. univ.*); in acquirenda boni ac mali scientia vir-
tutis culturam intendere debet. Quoniam itaque ad virtu-
tem omnem colendam obligatur (§. 877.); boni ac mali
scientiam ideo sibi acquirere debet, ut virtutem omni ani-
mi contentione colere possit. Quamobrem cum major sit
ejus obligatio ad acquirendam boni ac mali scientiam, quam
aliorum hominum, *per demonstrata*; major quoque ejus esse
debet obligatio ad virtutem colendam, quam aliorum ho-
minum. *Quod erat alterum.*

Major hæc obligatio ad cognoscendum bonum atque ma-
lum hunc habet effectum, ut ignorantia, quæ ab erudito fa-
cilis evitari poterat, eidem magis imputetur: major vero ob-
ligatio ad colendam virtutem hoc operatur, ut gravius peccet
eruditus, quam vulgus imperitum, ac majorem censuram &
reprehensionem mereatur. Quantum unusquisque erudito-
rum perfectione intellectus præstat ceteris, tantum quoque eos
virtute superare debet. Equidem eruditi plurimi virtutis stu-
dium prorsus negligunt tanquam ad se minime pertinens, nec
vitia ac pravos mores sibi ignominia ducunt; diffiteri tamen
nequit, nil absurdius cogitari posse. Obligatio, quæ a lege
naturæ venit, immutabilis est ac necessaria (§. 142. *part. 1. Phil. pract. univ.*), adeoque ab ea non liberatur eruditus, quod re-
rum certarum cognitioni sese consecravit, quæ ad virtutis cul-
turam nil facit. Obligatio ista manat ex natura humana, &
essentia (§. 143. *part. 1. Phil. pract. univ.*), adeoque ad virtu-
tem colendam tamdiu obligatus manes, quamdiu homo ma-

nes. Equis ergo dicere audeat, eruditum exuere essentiam ac naturam hominis, ne amplius ad virtutem colendam maneat obligatus? Repugnat essentiae atque naturae hominis, ut sit exlex (§. 167. *part. 1. Jur. nat.*). Quamobrem nec eruditus fornicari potest, sibi competere privilegium licentiae (§. 165. *part. 1. Jur. nat.*), ut sine ulla restrictione faciendi jus habeat (§. 150. *part. 1. Jur. nat.*). Quamvis vero vix quenquam fore puto, qui tam absurda statuere videri velit; plurimorum tamen eruditorum, eorum etiam, qui ad nominis famam contendunt, tales sunt mores; qui abunde probant, quam altas radices in ipsorum animis egerit absurda ista opinio. Ignominiae sibi ducunt, si quis ipsis imputet ignorantiam cujusdam rei, vel errorem; at parum curant, si defectum virtutis aut vitia, quibus laborant, publice produnt. Tanto vero turpius est vitium, quanto is eruditior, in quo conspicitur, cum major sit ejus ad istud fugiendum obligatio, quam aliorum hominum, *vi praesentis*. Intellectus perfectio auget turpitudinem vitiorum, nec demonstratu difficile est, defectum virtutum moralium majorem ignominiam afferre erudito, quam lapsum quendam in rerum cognitione: fit ita quod vulgo aliter opinentur eruditi.

§. 879.

*Obligatio
eruditi ad
voluntatem
perficien-
dum.*

Eruditi voluntatem ac noluntatem perficere obligantur. Obligantur enim ad colendam virtutem omnem ac fugienda vitia omnia (§. 877.) & major ad hoc faciendum est eruditi obligatio, quam hominum aliorum (§. 878.). Virtutes sunt habitus morales utendi, vitia vero habitus abutendi facultate appetendi & averfandi, imprimis rationali, seu voluntate & noluntate (§. 276. 277. *part. 1. Jur. nat.*). Quamobrem cum facultates animae perficiantur acquirendo habitus iisdem utendi (§. 209. *part. 1. Jur. nat.*), adeoque voluntas atque noluntas perficiatur acquirendo virtutes morales, a quibus fuga vitiorum abesse nequit (§. 321, 322. *part.*

1. Phil.

1. *Phil. pract. univ.*); eruditi voluntatem ac noluntatem perficere obligantur.

Videmus adeo eruditos non tantummodo obligari ad intellectum perficiendum (§. 876.), quemadmodum vulgo putatur; sed eos etiam obligari ad voluntatem ac noluntatem perficiendam. Perfectio voluntatis ac noluntatis a perfectione intellectus nunquam sejungenda, sed pari passu utraque progredi debet. Officio suo nondum ex asse satisfacit eruditus, qui ad hanc consequendam non desiderari patitur industriam suam, illam vero parum curat, nec eidem consequendæ ac augendæ indies operam ullam impendit. Sunt qui alios semieruditos vocant vago quodam vocabuli significatu, quem unusquisque eidem tribuit, prouti sibi visum fuit, vel fastus & ambitio suadet, aut suam unusquisque amat Minervam. Forsitan verò præstaret *Semieruditos* appellare eos, qui cum cultura intellectus voluntatis ac noluntatis culturam minime conjungunt. Duæ nimirum sunt eruditi partes, cultura intellectus & cultura voluntatis ac noluntatis, quæ conjunctim efficiunt vere eruditum, aut, si mavis, eruditum integrum. Hæc igitur ubi abest, semieruditum merito dixeris. Neque hoc contrariatur notioni eruditi, quem diximus eum, qui rerum cognitionem ac scientiam habet. In numero enim cognoscibilium est etiam bonum ac malum, quorum illud nosse ac scire debemus, ut virtutem sectemur, hoc vero, ut vitia fugiamus. Boni ac mali cognitio ab erudito inseparabilis, cum obligatio ad eam acquirendam tolli nequeat nisi sublata essentia & natura hominis (*not. §. 878.*): in rebus ceteris cognoscendis, cum nemo unus sufficiat omnium rerum cognitioni acquirendæ, plus relictum est arbitrio ejus, ut adeo propterea semieruditus vocari nequeat, quod ea non didicit, quæ scit alter, qui vel aliud vitæ genus sequitur, vel quem ad aliam rerum cognitionem sua trahit voluptas, aut etiam in eum ordinem ascendere nequit, in quo alter constituitur, vel in eodem ordine ad eundem cum altero gradum ascendere non potest.

§. 880.

*Studere
quid sit.*

Studere dicitur, qui rerum cognitioni ac scientiæ acquirendæ operam dat. Dicitur etiam subinde cum addito *studere literis*, ac in specie pro diversitate rerum cognoscibilium & ad certum inprimis vitæ genus cognitu necessariorum *studere Theologia, Jurisprudentia, Medicina, Philosophia* & ita porro. Et *Studiosus* appellatur, qui studet, seu rerum cognitioni ac scientiæ acquirendæ operam dat. Unde in specie vocantur *Studiosi Theologiæ, Juris, Medicina, Philosophia* ac ita porro. Quoniam itaque studiosus rerum cognitioni ac scientiæ acquirendæ operam dat, eruditus vero est, qui rerum cognitionem ac scientiam habet (§. 858.); *studiosus eruditus fieri vult*, consequenter cum varii sint eruditorum ordines (§. 859.), ac varia vitæ genera, quæ eruditi sequuntur (§. 872.), *studiosus in aliquo eruditorum ordine aliquem locum obtinere vult ac certam vitæ genus sequi decrevit*.

Ita qui Medicinæ operam dat, vel artem salutarem exercere intendit, vel Medicinam docere alios, ad Professionem Medicam adspirans.

§. 881.

*Quomodo
sit studen-
dum.*

Quoniam studiosus quilibet eruditus fieri vult (§. 880.), quis autem eruditus facultates cognoscendi, inprimis intellectum (§. 876.), & voluntatem ac noluntatem perficere debet (§. 879.); *studiosus quilibet omni animi contentione id agere debet, ut non modo facultates cognoscendi, inprimis intellectum, verum etiam voluntatem ac noluntatem perficiat* (§. 861.).

Quam parum vulgo agnosceatur, quænam sint studiosi partes, experientia academica proh dolor! abunde loquitur. Equis enim est, qui nesciat, fingi licentiam quandam vivendi, quæ libertatis academicæ nomine celebratur, quasi studiosus

omnes

omnes sui officii partes adimpleverit, si tantum rerum cognitioni acquirendæ operam navat, neglecta prorsus omni voluntatis ac noluntatis cultura, faciendo ea, ad quæ unumquemque trahit voluptas sua? Pauci sunt, qui Philosophiæ morali operam navant, pauciores vero adhuc, qui virtutes acquirere & contra vitia sese muniri atque ab iis, in quæ prolapsi sunt, sese liberare conantur. Immo ex adverso potius virtutem, si quam habent, dediscunt, vitia, a quibus adhuc liberi erant, addiscunt & mores bonos pessime corrumpunt. Cum si non omnes, plerique tamen certum vitæ genus olim sequi decreverint, quo profunt aliis; ut munus suum rite obeant, nisi voluntas fuerit emendata, fieri haud quaquam potest. Sane *Vitruvius* lib. 1. c. 1. in Architecto requirit, ut etiam Philosophiæ moralis sit peritus. Mirum hoc videtur nonnullis, qui sibi persuadent, ad ædificiorum extruccionem non requiri virtutem, sed scientiam architectonicam, non attendentes, ut recte facias opus, haud quaquam sufficere, ut noris quomodo recte facias, sed etiam requiri animum recte faciendi, quem vitia non una de causa in transversum agunt. Nihil facere debemus sine sensu officii, nec sine animo eidem satisfaciendi, ac tum demum certi esse possumus, nihil a nobis committi, quod jure reprehendi possit.

§. 882.

Eruditi etiam qua eruditi ad exemplum bonum aliis præben- Obligatio
dum obligantur. Quoniam enim eruditorum est rerum cogni- eruditi ad
tionem ac scientiam habere (§. 858.), & intellectum perfici- exemplum
cere (§. 876.); illiterati præsumunt, quod ea, quorum ipsi bonum præ-
convicti non sunt, eruditi rectius intelligant; adeoque co- bendum.
rum tanto facilius stant judicio, ubi appetitus sensitivus in-
tellectum in assensum trahit. Ipsorum igitur exemplo sese
addere solent, præsertim si malum fuerit. Quoniam itaque
exempla mala prodere non debemus, bona vero aliis præ-
bere tenemur (§. 930. part. 1. Jur. nat.); eruditi inprimis,
atque

atque adeo qua eruditi, ad exemplum bonum aliis præbendum obligantur.

Non nego, præsumtionem istam non satis firmo niti talo. Cum enim eruditi omnes non eandem habeant rerum cognitionem; quamvis in suo genere inter eos, qui primi ordinis sunt, emineant, non tamen ideo de rebus aliis ad se non pertinentibus sanum iudicium ferre possunt, multo minus autem eorum scientia in appetitum influit & ab ea, qua pollet, intellectus perfectione emendatio voluntatis pendet. Ponamus aliquem inter Analystas recentiores principem locum tueri, atque ingenio, acuminè ac profunditate intellectus excellere. Quodsi tamen totus in lineis ac calculis omnem ætatem consumit, nec ad philosophiam practicam animum unquam appellit, nec virtuti aliam operam navat, quam vulgus imperitum, is quoque virtuti non magis deditus esse potest, quam vulgus imperitum, nec de rebus moralibus rectius iudicare, immo fieri potest, ut absurdus iudicet. Enimvero cum hic de facto sermo sit, adeoque non quærat, quid præsumi debeat, sed quid præsumatur; obiectio ista demonstrationem præsentem minime ferit. Illud potius observandum est, in præsentem casu de eruditis omnis generis non eandem esse præsumtionem. Ita rustici mores, virtutis defectus ac vitia Analystæ excellentis parum offendent alios, nec quisquam facile reperitur, qui ejus exemplo sese tueatur. Alio tamen modo sibi ac scientiæ, quam colit, nocet. Illorum enim eruditorum, qui rerum aliarum cognitioni vacant, nec non eorum, qui vulgo imperito acutiores sunt, contemptum & sibi, & scientiæ affert, ut etiam hoc nomine ad exempla bona præbenda aliis obligetur, cum nemo seipsum ac scientiam, quam colit, in contemptum adducere debeat. Naturalis nimirum obligatio propter nexum officiorum ob officia quædam nonnullis propria augetur, quatenus iisdem inducitur obligatio ad quid præstandum, etiam si non alia de causa ad idem præstandum jam quis obligatus esset.

§. 883.

Quoniam eruditus etiam qua eruditus, adeoque non *De neglecta* solum qua homo (§. 930. *part. 1. Jur. nat.*), obligatur ad exempla bona aliis præbenda (§. 882.), consequenter non solum obligatione communi, verum etiam propria ad id tenetur (§. 186. *part. 1. Jur. nat.*); *si eruditus desit officio suo in præbendis exemplis bonis, aut ex adverso mala prodatur, gravioris alius peccat* (§. 440. *part. 1. Phil. pract. univ.*).

Cum ex magnitudine obligationis hic æstimetur peccati gravitas; probe tenendum est, eruditorum quoque alios ad exempla bona præbenda, mala vero non prodenda aliis magis obligari. Venit hoc imprimis a diversitate generis vitæ, quod eruditus sequitur, vel quatenus quod id magis scire præsumitur, quid bonum, rectum, æquum, justum ac licitum sit, quam aliis constare poterat, vel quatenus ipsum vitæ genus etiam exigit, ut exemplo suo alios doceat. Qui ea, quæ de officiis in Jure naturæ demonstravimus, ac quæ in posterum in Philosophia etiam morali ac civili demonstraturi sumus, si Deo ita visum fuerit, animo comprehenderit; de magnitudine obligationis eruditorum ad præbenda exempla bona, mala vero non prodenda haud difficulter statuet. Quænam vero ratio sit, ut huic officio adeo parum satisfaciant eruditi; ex iis elucescet, quæ suo tempore in Philosophia morali demonstraturi sumus.

§. 884.

Erudito non competit jus ad ambiendum munus, nisi ad quod De jure ad administrandum aptus est. Etenim eruditus, qui munus quoddam ambit; quod non nisi ab erudito administrari potest, *munus ambiendum.* certum vitæ genus sequi vult, quod per se patet. At eruditus; qui certum vitæ genus sequi vult, eam rerum cognitionem ac scientiam sibi acquirere debet, qua in eodem opus habet (§. 873.), ac id vitæ genus eligere, ad quod maxime aptus est (§. 874.), consequenter si munere quodam
(*Wolffii Jur. Nat. Pars VI.*) Uu uu fungi

fungi velit, ad id administrandum aptus esse debet. Quoniam itaque jus nascitur ex obligatione (§. 23. part. 1. *Jur. nat.*), erudito non competit jus ad ambiendum munus, nisi ad quod administrandum aptus est.

In ipsa appetidine consistit jus imperfectum ad munus, vj cuius meretur, ut eidem præficiatur. Hoc autem jus imperfectum non confundendum est cum jure perfecto ambiendi munus, quod fluit ex obligatione non appetendi munus, nisi ad quod rite obeundum aliquis aptus est, adeoque illud præsupponit. Monuimus jam supra (*not. §. 874.*), quod eruditi haud raro ad ambiendum munus, ad quod obeundum parum apti sunt, adducantur lucro panis, nec desinat hac ex parte exempla etiam inter Professores academicos. In horum censum veniunt illi, quos supra jam notavimus (*not. §. 873.*), cum de officio eruditorum, qui certum vitæ genus sequuntur, ageremus. Pertinent huc etiam, qui, cum non sine laude quadam docere possent, ad alia docenda sese obrudunt, quæ multo rectius ac utilius ab aliis doceri poterant, partim honoris civilis, partim lucri cupidine ducti, non perpendentes quantum distet honor verus ab eo, quem hominum opinio genuit, multo minus autem perpendentes, quid in munere administrando debeant aliis. Tanto turpius autem peccant, si satis sibi consciusunt, se munus, quod ambiunt, non ex cum laude administrare posse, cum qua munus, quo funguntur, administrant, immo nec suæ, quam adamant, Minervæ valedicendi animum habent. Qui munus ambiunt, ad quod administrandum parum apti sunt; non modo nullo jure hoc faciunt, verum etiam alijs, quorum jus imperfectum violant, iniquos se præbent (§. 239. part. 1. *Phil. pract. univ.*). Non est, quod excipias, eruditos etiam de facultatibus suis plus sperare solere, quam in eis est. Justa enim non censenda est ignorantia, quæ excusationem mereatur, ubi quis sibi probe conscius est motivorum, cur aliud munus, quam quo in presenti fungitur, ambiat. Raro enim continget, ut quis existimet, se majorem alijs utilitatem præstiturum, quam nunc præstare possit, consequenter quod aliud

aliud munus ideo ambiat, quia aliis magis utilis esse potest, aut etiam pluribus, siquidem ignoraverit, qualis ad munus aliquod rite obeundum aptitudo requiratur. Immo qui nondum satis convictus est, quod de aptitudine ad munus aliquod administrandum per se statuere possit, peritos consulere debet (§. 866.); quod ubi neglexerit, tanto minus excusabitur, quod se aptum existimaverit, cum non sit.

§. 885.

Quoniam nemo eruditorum habet jus ambiendi munus, ad quod administrandum parum aptus est (§. 884.); *commendatione nulli quoque erudito competit jus petendi commendationem ab alio petito, etiamsi intelligat, eam sibi maximo usui fore, si ad munus administrandum non satis aptus sit, consequenter si commendatio ipsi denegetur, vel alius, qui magis aptus est, commendetur, id tamen ferre non debet (§. 239. part. 1. Phil. pract. univ.).*

Absurdum est petere a me, ut te commendem, si ad munus, quod ambis, obeundum non aptus es: quando enim te commendo, significare teneor, te esse aptum ad munus, quod ambis. Quoniam ad verum dicendum obligatus sum, quid mihi videatur, de tua aptitudine dicendum est, non quid videatur tibi (§. 427. part. 3. Jur. nat.). Non multum tibi prodesset commendatio mea, si dicerem, te tibi videri aptum ad munus quod ambis, sed me ob has, vel istas rationes sentire aliter, si vel maxime in dubio relinquerem, utrum tuum, an meum judicium verius sit. Salva igitur amicitia tibi denegare possum commendationem meam; tantum abest, ut tu inde colligere possis inimicum in te animum. Injuriam mihi facis, ubi conquestus fueris, quasi commodum tuum promovere nolum & a te ornando alienus sim. Ceterum probe tenendum est, si de aptitudine ad munus, quod quis ambit, judicandum, non sufficere, ut quis imbutum habeat animum illarum rerum cognitione, quae ad istud rite administrandum requiratur; sed necesse esse, ut iis etiam virtutibus instructus sit, sine quibus assiliter administrari nequit.

§. 886.

*An comm-
mendare li-
bet, de cujus aptitudine ipsi non constat, adeoque multo minus hoc
ceat eum, de facere licet, quando nobis certum est, eum aptum non esse. Ete-
sujus aptitu-
dine nobis
non constat.*

Nemo eruditum, qui minus aliquid ambit, commendare de-
munus, quod ambit. Quodsi ergo ipsi certum est, eum ad
munus istud non esse aptum, moraliter falsum loquitur (§.
152. part. 3. Jur. nat.). Quoniam vero ejus, cui quis com-
mentatur, interest, ut norit, utrum ille aptus sit ad munus,
quod ambit, administrandum, nec ne, quod per se patet,
adeoque commendans ad verum dicendum eidem obliga-
tur, quando vero ad verum dicendum obligamur, falsum lo-
qui non licet (§. 164. part. 3. Jur. nat.); si quis certus est,
eum, qui munus aliquid ambit, ad id administrandum non
esse aptum, eum commendare non licet. Quod erat unum.

Quodsi de aptitudine ejus, quem commendare debes,
non satis constet, dubius adhuc es, utrum aptus sit, nec ne,
vel etiam idem profus ignoras, consequenter moraliter ve-
rum non loqueris, si dicis, eum aptum esse (§. 152. part. 3.
Jur. nat.). Patet igitur ut ante, te eum commendare non
debere. Quod erat alterum.

Inter eum, qui aliquem commendat, & alterum, cui is com-
mentatur, intercedit quasi contractus de dicendo vero. Ere-
nim aut aliquem commendas ei, qui vult ut commendes; aut
tua sponte hoc facis. Qui vult ut commendes, sufficienter in-
dicat sese velle, ut dicas verum, & præsumat, te hoc facturum,
alias enim a te non peteret, ut aliquem commendares, nisi com-
mendationi tuæ fidem sese habere posse crederet. Tecum adeo
quasi contrahit, ut verum dicas (§. 504 part. 5. Jur. nat.).
Quodsi tua sponte commendes, tu vis, ut commendatione
tuæ fidem habeas, adeoque ipso facto significas te verum di-
cere, quod, cum ille hoc a te præsumat, utpote qui velle nequit,
ut

ut falsum dicas, contra te pro vero habetur (§. 427. *part. 2. Jur. nat.*), consequenter nec tu præsumere aliter potes, quam quod velit, te verum dicere. Atque adeo denuo patet, te eum ipso quasi contrahere, quod verum dicere velis (§. 504. *part. 1. Jur. nat.*). Quamobrem cum ex quasi contractu alteri obligeris ad id, ad quod obligatus fuisses, si revera contraxisses (§. 505. *part. 1. Jur. nat.*); ex quasi contractu etiam ei, cui aliquem commendas, obligeris ad dicendum verum, consequenter ad non commendandum eum, de cujus aptitudine tibi non constat, vel quem aptum non esse ad munus, quod ambit, administrandum certo nosti. Ex hoc igitur quasi contractu alteri perfectum jus nascitur a te exigendi; ut dicas verum, consequenter si moraliter falsum dicas, jus ejus perfectum violas, atque adeo injuriam ei facis (§. 859. *part. 1. Jur. nat.*). Non igitur tantummodo officium est, ut verum dicas; sed ad verum dicendum quoque alteri te obligasti. Quodsi falsum dicas, fidem datam fallis (§. 758. *part. 3. Jur. nat.*). Hæc ideo addere visum est, ut turpitudine commendationis ejus, qui aptus non est, tanto manifestior fiat. Eam vero perpendere debent non modo illi, qui alios commendant, ne in commendando nimis faciles se præbeant; verum etiam hi, qui ab aliis petunt, ut commendentur, ne justam commendationis denegationem ægre ferant, nec sine jure eandem petant.

§. 887.

Immo in genere nemo alteram commendare debet ad aliquid præstandum, quem ad id præstandum aptum non esse novit, aut de cujus aptitudine ipsi non constat. Ostenditur eodem modo, quo idem de eruditis demonstravimus (§. 886.).

Pertinet huc commendatio artificum, opificum, operariorum, famulorum. Et in genere subsistit quoque demonstratio de quasi contractu inter commendantem & eum, cui quis commendatur inito (not. §. 886.). In casu particulari commendatio injusta alijs quoque officiis contrariari potest, ex quibus nascitur obligatio naturalis ne commendes: quo in casu fortior efficitur obligatio.

§. 888.

*De laude
merita eru-
dito unicui-
que tribu-
enda.*

Unicuique erudito tantum laudis tribuere debemus, quam merita erudito tantum meretur. Etenim unusquisque alteri tantum laudis tribuere debet, quantum meretur (§. 648. *part. 1. Jur. nat.*). Quamobrem cum eruditi, qui non modo intellectum (§. 876.), verum etiam voluntatem perficere debent (§. 879.), consequenter virtutes intellectuales ac morales sibi acquirere (§. 547. 209. *part. 1. Jur. nat.*), laudem mereantur, prouti huic obligationi naturali magis aut minus satisfecerunt (§. 550. *part. 1. Jur. nat.*); unicuique etiam erudito tantum laudis tribuere tenemur, quantum meretur.

Tribuimus alteri laudem, quam meretur, si virtutes ejus intellectuales ac morales commemoramus & per facta ex iisdem profecta probamus (§. 550. 551. *part. 1. Jur. nat.*). Cum non eadem sit rerum cognitio ac scientia, quam eruditi habent (§. 858.), nec omnes sint ejusdem ordinis (§. 859.), nec qui certum vitæ genus sequitur (§. 872.) eadem aptitudine instructus, neque etiam in eo, quod ipsi agendum, easdem virtutes morales, quæ ad recte agendum requiruntur, prodant; ideo diversa admodum laus est, quam eruditi merentur. Quamobrem non adeo facile est, unicuique eam tribuere laudem, quam meretur. Quæri hic poterat, utrum etiam Poëtæ ac Oratores officio laudis aliis tribuendæ satisfacere teneantur, nec ne. Cum officium hoc pertineat ad omnes homines (§. 648. *part. 1. Jur. nat.*), Poëtæ quoque ac Oratores excepti non videntur ob immutabilitatem obligationis naturalis (§. 142. *part. 1. Phil. pract. univ.*). Quoniam vero nemini laus vera, adeoque ea, quam meretur, tribui potest nisi ab intelligente (§. 542. *part. 1. Jur. nat.*), obligatio Poëtarum ac Oratorum in laudando ad impossibile extendi videretur, id quod tamen absurdum est (§. 209. *part. 1. Phil. part. univ.*). Vulgo dicitur: Poëtis ac Oratoribus mentiri, hoc est, falsum dicere licet. Quod si intelligatur in eo casu, quo falsum dicere velle presumunt.

sumuntur, vel quia non intelligunt, quænam laus alicui sit tribuenda, vel quia ad laudandum conducti sunt, vel ob rationes probabiles alias in dato casu manifestas, admittendum utique est, nec officio laudis meritæ alicui tribuendæ adversatur. Etenim tum perinde est, ac si quis diceret, se rem falsam dicturum. Si quis vero dicit, se rem falsam dicere, is falsum non loquitur (§. 173. part. 3. *Jur. nat.*), aut, quod vulgo dicitur, non mentitur. Exempli loco adduci solet illud *Ovidii* lib. 10. *Met.* 302. Desit in hac mihi parte fides, nec credite factum. Lex naturæ in laudando alio veritatem logicam præcipit pariter ac moralem. Quando vero quæritur, an Poëtis ac Orationibus falsum dicere liceat, seu mentiri; de veritate morali tantummodo quæstio est, siue veritatem logicam norint, siue ignorent.

§. 889.

Quoniam unicuique eruditorum tantum laudis tribui *De jure eruditorum* debet, quantum meretur (§. 888.), consequenter laus, *ditorum ad* quam non meretur, tribui non debet (§. 722. part. 1. *Jur. nat.*); *laudem nemini eruditorum jus est ad laudem, quam non meretur* (§. 23. part. 3. *Jur. nat.*), consequenter; *quando ea eidem non tribuitur, aut denegatur, de iniquitate, vel injustitia* (§. 239. part. 1. *Phil. pract. univ.*), *aut de injuria sibi facta conqueri nequit* (§. 859. part. 1. *Jur. nat.*).

Ita erudito infimæ ordinis, qui nominis historicam rerum cognitionem habet (§. 859.), tribui nequit scientia, in sensu scilicet philosophico (§. 594. *Log.*); si vero tribuatur in significato vulgari, quo scientia etiam pro simplici rerum notitia sumitur, perinde omnino est, ac si scientiam et competere negares. Atque adeo puerile est affectare laudem scientiæ, ut videaris esse, qui non es, si quis forsitan ad significatum vocabuli non attendit animum, quando tibi scientia tribuitur. Injustæ vero sunt querelæ, quas moves, quando in significato philosophico negatur, tibi scientiam competere, cum ipsemet

fateri cogaris, non nisi simplicem rerum, quas cognoscis, notitiam tibi esse. Vide, quæ supra eam in rem jam annotavimus (not. 859.). Similiter Geometra, etsi primi ordinis, eam laudem affectare nequit, quæ tribuitur erudito ob præclara in Remp. merita, quemadmodum absolum foret, si hic sibi tribui vellet laudem, quæ Geometræ primi ordinis debetur. Uterque sua sibi debet laude, nec laus unius cum laude alterius quicquam commune habet. Aliud enim est excellere rerum geometricarum scientia & arte veritates geometricas inveniendi, aliud prorsus bene mereri de Rep. Similiter qui laudem boni Oratoris meretur non eam affectare potest laudem, quæ Philosopho propria. Et laudem eximii Theologi perperam affectat, qui linguarum orientalium peritia excelsit. Ecquis non rideret Medicum, qui ob rerum medicarum scientiam videri vellet egregius Jctus, aut Analysta? Præterea hic notandum est, non posse inter se comparari eruditos, qui diversarum prorsus rerum cognitionem ac scientiam habent. Laudes enim, quas merentur, heterogenæ sunt, quæ ad invicem rationem habere nequeunt (§. 126. *Aristot.*), ut periade fit, si quævis, cuiam major laus debeat, ac si in Geometria, quæres, quamnam rationem habeat punctum ad lineam, linea ad superficiem, vel superficies ad solidum. Longè vero alia quæstio est, si quærat, cujusnam eruditi majora sint in Remp. aut genus humanum merita, tum enim Geometræ ac Jcti merita in Remp. communem quandam mensuram habent. Quod si vero ob merita in Remp. laudandi sint eruditi, vel ob merita in genus humanum; fieri omnino potest, ut eruditis infimi ordinis majorem laudem mereatur erudito vel primi ordinis, immo in primo ordine inter eruditos sui generis principem locum obtinentis. Videmus adeo, quam arduum sit de jure ad laudem alicujus eruditi pronuntiare sententiam & quam difficile sit non fieri arrogantem, si quis nondum didicerit gloriam spernere, ne scilicet existimationem, honorem ac laudem intendant tanquam finem (§. 562. *part. 1. Jur. nat.*). Quid de honore civili tenendum sit, suo docebimus loco; quæ enim ad statum civilem pertinent, ea nunc seponimus.

§. 890.

Quoniam unicuique eruditorum tantum laudis tribui debet, quantum meretur (§. 888.), ac nemini eorum competit jus ad laudem, quam non meretur (§. 889.); *nemo quoque eruditorum alteri invadere debet laudem, quam meretur.* *De laude merita alteri non invadenda.*

Invidia commune eruditorum vitium est, ut in proverbium abierit: Figulus figulum odit. Maxime autem laudi ac gloriæ invideri solet. Ipsa vero invidia laudis atque honoris abunde loquitur, quam sint a virtute alieni, qui eadem torquentur, & quod destituantur palmario quodam veri eruditi requifito (not. §. 879.), ut adeo propriam laudem deterant, dum alienæ invident.

§. 891.

Unicuique permittendum est, ut alteri tribuat laudem, quamcumque & quantamcumque velit, etiamsi eam non mereatur, modo id non faciat in contemptum tui. *De laude im-merita aliorum.* Permittendum enim est, ut unusquisque in determinandis actionibus suis suum sequatur iudicium, quamdiu contra jus tuum nil facit (§. 156. part. 1. Jur. nat.). Permittendum itaque est, ut unusquisque in laudandis aliis suo stet iudicio, consequenter ut alteri tribuat laudem, quamcumque & quantamcumque velit, etiamsi eam non mereatur, quamdiu nil facit laudator, quod est contra jus tuum. Quamobrem cum contemptus fiat contra jus perfectum tuum (§. 857. part. 1. Jur. nat.); unicuique permittendum est, ut alteri tribuat laudem, quamcumque & quantamcumque velit, etiamsi eam non mereatur, modo id non faciat in contemptum tui.

Meritam alteri tribuere laudem difficile est, cum nemo laudari possit nisi ab intelligente (§. 542. part. 1. Jur. nat.). Quamobrem nihil frequentius, ut eruditus unus alteri tribuat laudem, quam non meretur, cum eruditi non omnes sint ejusdem ordinis, nec in eodem ordine ejusdem gradus (§. 859.),

(Wolffii Jur. Nat. Pars VI.) X x x x & pro-

& prouti diversa vitæ genera sequuntur (§ 872.), diversarum quoque rerum cognitione imbutum habeant animum (§ 973.). Quemadmodum vero in quolibet actionum genere affectus homines in transversum agunt; ita etiam in laudandis aliis plurimum iisdem tribui solet. Accedit, quod multi laudem intendant tanquam finem, quod facere minime debebant (§ 562. *part. 1. Jur. nat.*), atque adeo sibi placeant, modo laudentur ab aliis, sive laudem, quæ ipsis tribuitur, mereantur, sive eadem digni non sint, consequenter alios laudent, ut laudentur. Quicquid horum fiat, id te parum movere debet, quamdiu laus, quæ alteri tribuitur, conjuncta non est cum contemptu tui, ubi contemptum tui ferre non debes, nisi silentio possit vindicari, tanquam ab eo profectum, a quo contemni præstat, quam laudari. Nec est, quod excipias veritatem esse defendendam. Ecquis enim tibi dedit jus veritatem laudis defendendi, quam natura non habes, *vi presentis*. Aut quis te constituit judicem actionum alienarum, quæ te minime tangunt?

§. 892.

*Eadem porro
expenditur.*

Quoniam unicuique permittendum est, ut alteri tribuat laudem, quamcunque & quantamcunque velit, etiam si non mereatur, modo id non faciat in contemptum tui (§ 891.); *nam quoque alteri invidere debet laudem immeritam.*

Nimirum si quis alterum laudat in contemptum tui, duo sunt actus a se invicem probe distinguendi, unus, quo laudatur alius, alter vero, quo tu contemneris. Cum laude aliena nihil tibi negotii est, sed tantammodo cum contemptu tui. Quamobrem etsi necesse sit, ut contemptum tui vindices, non tamen propterea tibi jus est laudem alteri tributam impugnandi, sed eam potius in medio relinquere debes, nisi contemptus tui, quem vindicare teneris, sine refutatione laudis immeritæ vindicari possit. Vindicatio contemptus sui res ardua est, nisi quicquam committere velis, quod officio cuidam erga reipsum, vel alios adversatur, quando is cum laude tertii indivulso quodam nexu coheret. Ast in hæc inquirere non est presentis instituti.

§. 893.

Nemo eruditorum alterius famæ ac laudi sive merita, sive De non de-immeritæ detrabere debet. Etenim nemo eruditorum alteri *trahendo* invidere debet laudem, quæ ipsi tribuitur, sive eam merea- *landi alteri-* tur (§. 890.), sive minus (§. 892.): consequenter nec id *as.* agere, ut laudem alteri tributam diminuat. Quamobrem cum laudi alterius detrahat, qui eam diminuere conatur (§. 870. *part. 1. Jur. nat.*); nemo eruditorum alterius laudi detrabere debet. *Quod erat unum.*

Quoniam fama est communis hominum aliorum sermo de virtutibus intellectualibus ac moralibus ejusdem (§. 553. *part. 1. Jur. nat.*), virtutes vero intellectuales ac morales laudem pariunt (§. 551. *part. 1. Jur. nat.*); fama est quasi laus, quæ in omnium ore versatur. Quoniam itaque nemo eruditorum alterius laudi, sive merita, sive immerita detrabere debet, *per demonstrata*, nemo quoque alterius famæ detrabere debet, sive eam mereatur, sive minus. *Quod erat alterum.*

Commune eruditorum vitium est, eorum præsertim, qui ad nominis gloriam contendunt, laudem tanquam finem intendentes, aliorum famæ ac laudi detrabere. Invidia plerumque in causa est, quando famæ ac laudi merita detrahitur, eaque maxime torquet eos, qui paria præstare nequeunt, aut qui suam tantummodo, quam colunt, magnam videri volunt Minervam. Dedecet invidia eruditos (§. 890. 879.). Ac ideo famæ ac laudi propriæ multum detrahunt apud æquos rerum æstimatores, qui alienæ detrabere conantur. Quantum enim sint a vera virtute alieni, & quid in virtutibus intellectualibus desideretur, ipsi aperte probant ac abunde perspiciunt rerum moralium intelligentes. Quando in Philosophia morali signa virtutum ac vitiorum demonstraverimus, confido fore, ut etiam hi id perspiciant, qui sibi persuadere solent, quasi quoad ea, quæ

in animo latent, facillime aliis imponi possint, modo voluerint attentionem afferre ad ea, quæ sine attentione percipi non possunt.

894.

*De fama
defensione.*

Erudito competit jus famam suam adversus alios, qui eandem lacerant, defendendi. Etenim homini omni competit jus famam suam defendendi (§. 1033. part. 1. *Jur. nat.*): Ergo etiam erudito hoc jus competit.

Quoniam nullus eruditus alterius famæ ac laudi, etiam si eam non mereatur, detrahere debet (§. 983.), adeoque multo minus alterius famam lacerare (§. 867. part. 1. *Jur. nat.*); nemo quoque eruditorum privilegium habet laudibus ac famæ alterius obtrectandi. Natura ipsi hoc datum non est, nec contra naturam hoc sibi acquirere potuit. Quamobrem nec jus defendendi famam suam adversus obtrectatores erudito ademptum, quod natura ipsi tributum (§. 1033. part. 1. *Jur. nat.*). Quæ itaque de defensione famæ prolixè demonstravimus (§. 1039. & seqq. part. 1. *Jur. nat.*); ea etiam ad eruditos pertinent, ut adeo opus non sit eadem repeti. Optandum tantummodo foret, ut jure defendendi famam quoque uterentur, quemadmodum permissum, eruditi, qui adversus obtrectatores eam defendere volunt, ne abusu juris sui famam, quam defendere volunt, ipsimet contaminarent. Turpe omnino est, si eruditus videri nolit se habitu quodam intellectus carere, aut non in eo gradu eundem possidere, quemadmodum putabatur, deesse tamen sibi virtutem & ex adverso esse animum vitiorum labe infectum ipso facto ostendat, cum non minus obligetur ad voluntatem ac noluntatem, quam ad intellectum perficiendum (§. 879.), ac celebritas nominis, quæ virtutibus intellectualibus debetur (§. 553. part. 1. *Jur. nat.*), virtutibus moralibus demum nitescat. Defensio famæ alia verbalis est, alia realis (§. 1048. part. 1. *Jur. nat.*), quarum illa non utendum, ubi hæc sufficit (§. 1052. part. 1. *Jur. nat.*). Quoniam eruditi aliorum famam lædere conantur, objiciendo imperfectionem intellectus; ideo si qua opus est defensione, maxime realis convenit, ut factis contrariis ostendatur, se ista in-

telle-

tellus imperfectione non laborare. Obtrectatores plerumque ex errore quodam admissio imperfectionem quandam intellectus arguunt; sed oppido falluntur, cum non una de causa contingat, ut usus intellectus, qui in potestate erat, a facultatibus inferioribus, subinde etiam appetitu sensitivo atque aversatione sensitiva impediatur, ut adeo in proverbium abierit, bonum etiam subinde dormire *Homerum*. Nonne absurdum foret ex errore calculi inferri, te esse Arithmetice imperitum, & nonne rideretur, qui ob eundem te Arithmetice imperitum argueret? Eadem vero facilitate erratur in cognitione rerum universalium, ut adeo æque absurdum sit, qui errantem imperfectionis intellectus redarguere ex errore quodam admissio audet, ac æque sese intelligentibus deridendum propinet, dum hoc facere non erubescit. Haud facile est reddere rationem, cur quis a vero aberraverit, etiamsi usus intellectus in potestate fuerit. Supponit enim distinctam facultatum animæ eandemque in usu ac non usu a se invicem dependentiæ, immo etiam dependentiæ ab appetitu sensitivo atque aversatione sensitiva, itemque omnium facultatum animæ a causis externis dependentiæ cognitionem: quæ an multis eruditis tribui possit, judicent alii. Immo si in Psychologia & veriori Logica versatissimos supponas, ut nihil eorum acumen atque attentionem effugiat; supererit tamen adhuc difficultas in applicatione, quæ talia haud raro supponit, quorum natura in potestate nostra non est, ut etiam acutissimi iudicium vix ac ne vix quidem ad aliquem probabilitatis gradum ascendere possit. Quod si in rationem erroris inquirere vellemus, aut possemus, haud raro puerile videretur ob eundem alterius laudi ac famæ detrahere velle. Immo subinde deprehendemus, errorem committi non potuisse nisi ab eo, qui insigni intellectus perfectione gaudet, ut ipse error præbeat materiam laudis. Si obtrectatoribus laudis alienæ incumberet demonstrare, quomodo is, cui insultant, in errorem inciderit, aut saltem probabiliter de eo statuere; facile animadverterent, id in potestate sua non esse. Alteri vero imperfectionem intellectus tri-

buere & quod recte tribuatur ostendere non posse, non laudi ducitur, sed vitio vertitur. Atque hinc clarissime elucescit, quam puerile sit sibi persuadere, quod intellectus perfectione alterum vincat, qui errorem quendam ab altero commissum videt. Minus autem excusate peccat, si quis imperfectionem intellectus alteri tribuit, cujus contraria specimina multa dedit. Sed quemadmodum vulgo dicitur, multum esse in rebus inane; ita non immerito exclamaveris: Quantum est in eruditorum obtretationibus inane!

§. 895.

De fama per contemptum aliorum ad nominis gloriam contendere. Neminem enim contemnere debemus (§. 790. part. 1. aliorum acquirenda. *Jur. nat.*), sed potius operam dare, ut sit existimatione & honore ac laude dignus (§. 545. 546. part. 1. *Jur. nat.*), consequenter ut virtutes intellectuales & morales acquirat (§. 549. 550. part. 1. *Jur. nat.*) & eas sibi esse factis ostendat (§. 551. part. 1. *Jur. nat.*). Quamobrem patet, quod non liceat per contemptum aliorum ad nominis gloriam contendere.

Frequens eruditorum vitium est, quod per contemptum aliorum ad nominis gloriam contendere velint. Maxime autem familiare est hoc vitium iis, qui nihil præclari præstare possunt. Quoniam videri volunt meliores iis, quos contemnunt; eos imprimis adoriuntur, quorum illustria sunt in Remp. literariam merita. Et qui supra omnes eminere volunt, aliorum dicta & facta omnia virgula censoria notant, quasi nihil recte dici ac fieri possit ab aliis. Quamobrem ab hoc vitio quoque non semper immunes sunt illi, quorum eminentia sunt merita, quando nimirum pares ferre non possunt, adeoque multo minus superiorem, etsi, cum laude sua frui possent, hoc pacto non parum eisdem detrahant (§. 879.). Si vis laudari, virum te præsta. Nulla laus tibi accedit ex eo, quod alii laude non sint digni, multo minus autem, quod tu velis eos dignos non videri. Neque

que etiam meritis tuis ac laudi tuæ quicquam decedit, quod etiam aliorum merita celebrentur ac laus merita aliis tribuatur. Nemo solus omnia præstare potest, ac ideo eruditi conjunctis viribus rerum cognitionem ac scientiam promovere debent (§. 863.). Vere igitur erudito, hoc est ei, qui cum virtutibus intellectualibus virtutes morales conjungit, nihil grarius esse debet; quam ubi viderit, alios quoque bene de scientiæ mereri, nec, qui scientiam amat, quicquam magis in votis habet, quam ut multi sint, qui de eadem bene mereantur. Laudabit igitur se multo inferiores, quod novit, laude incitari liberalia ingenia ad præclara præstanda, præsertim si laudentur ab iis, quorum illustria merita ipsis non sunt ignota.

§. 896.

Quoniam per contemptum aliorum non licet ad nominis gloriam contendere (§. 985.), sed unicuique laus, *studio circa quam meretur, tribuenda (§. 888.)*; nec nationis studio cum gloriam contemptu aliarum nationum, *vel detrabendo laudi exærorum nationis suæ gloriam comparare licet.*

Nationi alicui omnino laudi cedit, si apud eandem promoveantur scientiæ ac artes, & si ea multos numeret in quovis eruditorum ordine ac genere supra alios excellentes. Universitati non licet, quod illicitum est singulis, & quod singuli singulis, id etiam universitas quædam alteri cuidam, adeoque nationi debet. Cujuscunque igitur gentis quis fuerit, ejus merita sunt prædicanda & merita laude condecoranda. Præposterum adeo est nationis studium, si eidem dediti fuerint eruditi. Quæ modo de singulis annotavimus (*not. §. 893.*); ea etiam applicanda sunt ad integras nationes. Quemadmodum vero nihil insolentius est, quam si quis eruditus alienam laudem sibi arrogat, vel quatenus videri vult ea invenisse, quæ ab alio detecta sunt, vel quatenus sibi solus omnia debere prætendit, quæ novit, aut scit; ideo quoque ferendum non est, si qui nationis studio eo sese adduci patiantur, ut vel ab exteris inventa

suar

suæ nationi tribuant, vel eandem sibi omnia debere; nihil ab exteris accepisse contendant, etiamsi contrarium nullo negotio ostendi possit. Suorum quoque gloriæ magis nocent, quam consulunt, si in aliquo scientiarum genere eminentes & laudem summam meritis immeritis quoque laudibus non sine detrimento scientiarum tumulent. Cum unicuique laudem, quam meretur, tribuere debeamus (§. 888.); minime reprehendendi sunt, qui nationis quoque suæ merita in scientiam prædicant, sed propterea non excusantur, si aliorum in eandem meritis derogare non erubescant.

§. 897.

*De laude
exterorum
cum con-
temtu con-
terraneo-
rum non ex-
tollenda.*

Non licet laudes exterorum extollere cum contemtu conterraneorum. Etenim unicuique laudem, quam meretur, tribuere debemus (§. 888.), neminem vero contemnere (§. 790. part. I. Jur. nat.), nec cuiquam invidere laudem, quam meretur (§. 890.). Non igitur majorem laudem tribuere alicui debemus, quam meretur, quia extraneus est, nec laudem invidere alicui, quia conterraneus est, multoque minus eundem contemnere. Quamobrem non licet laudes exterorum extollere cum contemtu conterraneorum.

Virium hoc eruditorum vix alibi notum est, quam in Germania. Et quamvis familiare potissimum sit eruditis infimi ordinis; subinde tamen reperiuntur etiam nonnulli in ordinibus superioribus, qui ab eodem non sunt prorsus immunes. Neque hoc semper matrem agnoscit invidiam, quamvis sæpissime ex ea nascatur; sed dantur ejus causæ adhuc aliæ. Sunt enim, qui omnem gloriam in eo positam esse opinantur, quod libros exotica quadam lingua impressos, vel extra Germaniam editos legerint. Unde etiam satis laudari arbitrantur eum, quem libros exoticos legisse dicunt. Atque hi exteros extollunt, conterraneos suos contemnunt, etsi parum competentes sint iudices, cum ultra historicam rerum cognitionem non progrediantur, nec in ordine infimo eruditorum emineant. Extollunt

tollunt nimirum, ut & ipsi laudentur præ aliis conterraneis suis, quos promiscue omnes exteris postponunt, quando honorifice de iisdem loquuntur. Ex re igitur esse duximus, hoc quoque vitium non intactum relinquere. Mihi eruditi omnes, quacun- que in regione degant, cum conjunctis viribus rerum cognitionem ac scientiam promovere debeant (§. 863.), sunt quasi socii, inter quos ipsa natura societatem instituit, quæ *Reip. literaria* nomine venire solet, & quos arctissimo legum vinculo inter se colligavit, quemadmodum ex iis liquet, quæ hæcenus demonstrata sunt. Concives itaque sunt, qui communi jure fruuntur, ut adeo nemo eorum pro extraneo haberi possit. Quemadmodum omnis homo hominem alium amare debet tanquam seipsum (§. 819. *part. 1. Jur. nat.*), nimirum tanquam æque hominem (§. 81. *part. 1. Jur. nat.*); ita quoque eruditus unusquisque qua eruditus, alterum amare debet tanquam seipsum, seu æque eruditum, sive in hac orbis terrarum parte habitet, sive in alia. Et quoniam eruditorum est veritatis partes agere, & ipsa natura eandem tutelæ ipsorum commisit; nil magis dedecet eruditos, quam si inter se veritatem non colant. Non minus igitur damnanda est *Exteromania*, quam *Natiomania*: liceat enim mores barbaros vocabulis barbaris appellare. Cum vero turpe foret doctori, si culpa redargueret ipsum; absit ut etiam nos a veritatis tramite recedamus, dum aliis eandem sequi commendamus. Nemo igitur existimet, nos negare, quod in nationem seu gentem aliquam laus eruditorum, qui ejusdem gentis sunt, ab ipsis derivetur. Aliud vero est de gente quadam judicium; aliud vero de singulis, quod fertur, judicium, & alia sunt gentis cujusdam in scientiam *mentis*, alia singulorum. Ast quoniam, ut dixi, quod genti competit, id nonnisi a singulis in eandem derivari; de gente qua erudita veritati consentaneum fieri nequit judicium, nisi ante constet, quid de singulis non dissentiente veritate prædicari possit.

§. 898.

Naturaliter unicuique erudito competit jus defendendi se-De jure de-
 (Wolffii *Jur. Nat. Pars. VI.*) *Y y yy* *mam defendendi se-*

*famam alio-
rum erudi-
torum.*

famam alterius contra obtrectatores, si eam defendere possit. Operam enim dare debemus, ut, qui merentur, famam consequantur (§. 650. part. 1. *Jur. nat.*), consequenter nec ferre debemus, ut alterius fama lædatur vel laceretur, aut eidem detrahatur (§. 867. 870. 722. part. 1. *Jur. nat.*). Quamobrem cum ex obligatione nascatur jus (§. 23. part. 1. *Jur. nat.*), & famam defendat, qui ostendit falsitatem eorum, quæ dicit obtrector, aut veritatem contrarii (§. 1049. part. 1. *Jur. nat.*); unicuique erudito competit jus famam alterius contra obtrectatores defendendi, si eam defendere possit (§. 209. part. 1. *Phil. pract. univ.*).

Quæ de fama defendenda tenenda sunt, ea a sibi jam demonstravimus (§. 1039. & seqq. part. 1. *Jur. nat.*). Quodsi quis famæ alienæ defensionem in se suscipit, is partes alterius agit, adeoque non plus juris eidem competit, quam propriæ famæ defensori. Non igitur opus est, ut hic demonstretur, quamnam defensoris famæ alienæ sint partes. Id vero per se patet, defensionem famæ alienæ non esse posse nisi verbalem, realem vero non cadere nisi in defensorem famæ propriæ (§. 1038. part. 1. *Jur. nat.*). Quoniam nemo laudem intendere debet tanquam finem (§. 562. part. 1. *Jur. nat.*), ac modestia, quæ appetitum circa honorem legi naturali convenienter determinat (§. 563. part. 1. *Jur. nat.*), eruditum maxime decet (§. 569. part. 1. *Jur. nat.* & §. 878. b.); defensio realis maxime convenit defensori famæ propriæ, verbalis vero rectius relinquitur aliis. Non confundenda vero est defensio veritatis cum defensione famæ, quarum illa rem, hæc personam respicit, quamvis subinde ex parum a se invicem distent, ut non cuivis facile sit intra suos unamquamque coarctare limites. Quodsi eruditi officio de conjungenda emendatione voluntatis ac noluntatis cum studio perficiendi intellectum curatius satisfecerint (§. 881.), ut modestiæ exemplum illustre aliis præbeant (§. 882.); verendum non erit, ut in defendenda veritate contra modestiam quicquam committant, nec in defensione famæ sibi sumant, quod aliis rectius erat relinquendum. §. 899-

§. 899.

*Eruditorum secundi ac primi ordinis est disciplinas ad eam De discipli-
certitudinis gradum evehere, ad quem evehi possunt, ac verum a nis ad certi-
falso separare. Etenim eruditi rerum scientiam promovere tudinem
debent (§. 863.), consequenter cum id demum sciamus, evehendis.
quod demonstrare possumus (§. 594. Log.), certum vero
sit, quod demonstrari potest (§. 568. Log.); eruditi operam
dare debent, ut ea, quæ in disciplinis docentur, certa sint,
adeoque disciplina ad certitudinem evehatur. Quoniam
vero certa rerum cognitio non semper in potestate nostra
est, quod a posteriori constat, adeoque hic sumendum, ne-
mo autem ad impossibile obligatur (§. 209. part. 1. Phil.
pract. univ.); eruditorum omnino est, disciplinas ad eum
certitudinis gradum evehere, ad quem evehi possunt. Quod
erat primum.*

Enimvero quod demonstrari potest sive directe, sive
indirecte verum est (§. 544. 557. Log.). Quamobrem cum
eruditorum sit ea, quæ in disciplinis traduntur, demonstra-
re per demonstrata; eruditorum omnino est verum a falso se-
parare. Quod erat secundum.

Enimvero eruditi infimi ordinis historicam saltem re-
rum cognitionem habent, eruditi autem secundi ordinis phi-
losophicam & qui tertii ordinis sunt habitu veritates laten-
tes inveniendi pollent (§. 859.), consequenter eruditi in-
fimi ordinis tantummodo cognoscunt, quæ sunt atque fiunt
(§. 3. Disc. prelim.), adeoque tantummodo norunt, quod,
quid dicatur; verum, non vero demonstrare possunt quid sit
verum, sed hoc eruditis secundi ac primi ordinis reservatum
(§. 6. 9. Disc. prel. & §. 457. 460. Psych. empir.). Quamob-
rem cum nemo obligetur ad ea facienda, quæ in potestate
ipsius non sunt (§. 176. part. 1. Jur. nat.), cui vero amplior est

- facultatum, virium ac rerum usus, & auxilium alienum majus, is ad plura præstanda obligatur (§. 177. part. 1. Jur. nat.); disciplinas ad eum certitudinis gradum evehere, ad quem evehi possunt, ac verum a falso separare non eruditorum infimi ordinis est, sed eorum, qui secundi ac primi ordinis sunt. *Quod erat tertium.*

Eruditi infimi ordinis alieno negotio se ingerunt, si disciplinas ad majorem certitudinem evehere, vel verum a falso separare audent. Non est, quod existimes, eos ab opere cepto destituros, ubi deprehendunt, se id præstare non posse, quod voluerunt. Etenim cum nesciant, quid ferre possint humeri, quid ferre recusent, facillime sibi metipsis imponunt, ut sibi oneri ferendo pares videantur, quod ferre non possunt, ac præstitisse, quod præstare non poterant. Quodsi distinctam diversorum graduum intellectus notionem haberent, unde diversitas ordinum eruditorum dependet (§. 859.), non sibi viderentur qui non sunt, & peritorum consilium sequerentur, quemadmodum debent, quando per se statuere non possent, quid sit faciendum (§. 866.). At cum eruditorum ordines distinguere non didicerint, plus de facultatibus suis sperare solent, quam in iis est, & plures sunt causæ, cur vitia eruditæ familiaria, maxime iis, qui in ordine infimo subsistunt, vanam de se opinionem alant. Quamvis autem affirmemus, eruditorum secundi ac primi ordinis esse, ut disciplinas ad majorem certitudinem evehant & verum a falso separant; non tamen propterea existimandum est, quemvis promiscue eruditum secundi ac primi ordinis in quocunque disciplinarum genere ad verum a falso separandum & ad quameunque disciplinam ad certitudinem evehendum aptum esse. Etenim in quolibet ordine eruditi distinguuntur in varia genera pro diversitate rerum, quarum cognitionem habent. Quamobrem in dies experimur, in aliquo genere excellentes de rebus aliis ad idem non pertinentibus pueriliter judicare. Neque insolens est, ut sibi etiam circa eas præstitisse videantur, quæ non præstiterunt, nec præsta-

præstare potuerunt. Ita fieri potest, ut Geometra & Analytica in primo ordine eminentes de rebus metaphysicis pessime judicet, vel causas physicas rerum quarundam naturalium sibi derexisse videatur via vere analytica, cum qualis sit hæc via prorsus ignoret. Consulrum adeo foret, ut circa eas res subsisteret, quarum cognitioni sese mancipavit, nec rebus aliis se ingereret, quibus cognoscendis quod parem operam non impenderit sibi probe conscius est. Hoc nimirum pacto facile evitare poterat, ne opinionum commenta, quæ dies delet, pro veritate venderet. Non inconsultum igitur duximus, propositionem sequentem addere.

§. 900.

Quoniam eruditorum primi ac secundi ordinis est disciplina, ad eum certitudinis gradum evehere, ad quem evehi possunt, ac verum a falso separare (§. 899.), fieri autem non potest, ut quis in rerum cujuscunque generis cognitione eodem modo sit versatus; nemo quoque eorum sibi sumere debet judicium de iis rebus, quarum cognitioni non eandem operam navavit, quam iis impendit, in quibus excellit, consequenter nec velle disciplinas ad majorem certitudinem evehere, in quibus nondum versatus est, aut non satis, ac in iis verum a falso discernere.

*Idem alterius
us expenditur.*

E. gr. Nosti te disciplinæ cujusdam non esse peritum, aut non esse satis, nec cognovisse ea, quæ ab aliis in eadem tradita sunt, ut ea ad examen revocare possis. Inanem utique operam sumes, si eam ad majorem certitudinem evehere velis ac in eadem verum a falso discernere, etsi in alia disciplina, veluti in Geometria sublimiori te heroem præstiteris. Ita qui in calculo algebraico excellit, in methodo tamen *Euclidis* ac verorum Geometrarum excolendæ nullam operam collocavit, non præstat quod laudari mereatur, si ea, quæ per calculum eruta sunt, synthetice demonstrare voluerit. Multo minus autem satisfaciet methodi hujus peritis & rerum intelligentibus, si quæ ex-

tra sphaeram suam, demonstrare conetur. Non defunt exempla illustria, quibus confirmari poterant, quæ dicuntur; sed ne videamur aliorum laudi detrahere velle (§. 893.), ea commemorare nolumus: sit ita, quod laudi ducatur iis, qui sua sponte id agnoscat. Magna sunt Newtoni viri summi in Geometriam sublimiorem ac Analysis merita, quod tamen ipse doluerit, se juvenem methodum demonstrandi Geometrarum veterum syntheticam non satis excoluisse, sed ad Algebram statim properasse, merita ejus non minuit, sed eadem potius illustriora efficit, quatenus animum ab omni arrogantia liberum (§. 566. part. 1. Jur. nat.) & ab omni fastu procul remorum (§. 583. part. 1. Jur. nat.) hac ipsa confessione probat.

§. 901.

De jure corrigendi ac refutandi aliorum errores.

Qui errores ab aliis commissos corrigere valet, vel refutare; ei jus est ad hoc faciendum. Etenim eruditi conjunctis viribus rerum cognitionem ac scientiam promovere debent (§. 863.). Quamobrem si viderint falsum pro vero ab aliquo venditari, operam dare debent, ut error agnoscat, & veritas in apricum producat. Quoniam igitur hoc fit, si error refutetur (§. 1017. Log.) & corrigatur, lex naturæ autem dat jus ad eos actus, sine quibus obligationi naturali satisfieri nequit (§. 159. part. 1. Phil. pract. univ.); eadem quoque eruditis dat jus ad errores ab aliis commissos corrigendum, vel refutandum. Quoniam vero jus est facultas moralis agendi (§. 156. part. 1. Phil. pract. univ.), & naturæ lex nos obligat ad actionum rectitudinem (§. 189. part. 1. Phil. pract. univ.); ea quoque jus ad errores aliorum corrigendos, vel refutandos dare nequit nisi ei, qui hoc facere valet.

Nihil absurdius dici potest, quam alicui natura tributum esse jus, cujus capax non est, consequenter ei competere jus ad errores aliorum corrigendos, vel refutandos, qui nec corrigere, nec

nec refutare valet. Nonne rideretur, qui contendere vellet futuri competere jus corrigendi picturam, aut defectus, quibus laborant, indicandi? Annon diceremus cum *Appelle*; ne futor ultra crepidas? Veritas adeo propositionis præsentis in omnium oculis incurrit & ab unoquoque facile agnoscitur. Hoc tamen non obstante nihil frequentius fieri videmus, quam ut alios refutare velint, qui non modo illarum rerum, de quibus agitur, prorsus imperiti sunt, verum etiam eo facultatum usu destituuntur, qui ad refutandum errores requiruntur. In promptu ratio est. Plurimi eruditorum plus sperant de facultatibus suis, quam in iis est, ac sibi videntur, qui non sunt. Et quo quis indotior, eo ad refutandum alios sibi videtur aptior. Influit autem in præposterum refutandi studium etiam appetitus sensitivus non uno modo, quatenus hac, vel alia vitiorum labe infectus. Sed talia discutere non est præsentis instituti. Pertinet enim hoc ad praxin moralem, adeoque ad Philosophiam moralem, seu Ethicam. Negari tamen non potest, multum obesse incremento scientiarum præposterum refutandi studium, cum tamen illud unicuique erudito curæ cordique esse debeat (§. 863.) Inprimis hoc contingit, ubi animus persequendi autorem ad refutandi ausum accedit: id quod haud raro fieri solet. Tum enim non id agitur, ut veritas in apricum producat, sed ut supprimatur, & vel ignorantia, vel errores falsæque opiniones, immo fabulæ pene aniles ad posteros propagentur.

§. 902.

Quoniam eruditi infimi ordinis nonnisi historicam re- *Quibus jus*
rum cognitionem habent (§. 859.), adeoque tantummodo *istud non*
norunt, hoc dici verum esse, & hanc esse ejus, quod fieri *competat.*
constat, rationem (§. 3. 8. *Disc. pralim.*), quod autem ve-
rum sit, vel hæc illius sit ratio, demonstrare nequeunt, cum
hoc facere non possint nisi eruditi secundi ac primi ordinis
(§. 859. b. & §. 594. *Log.*); *eruditis infimi ordinis nullum com-*
petit

petit jus ad refutandum alios, multisque minus ad errores corrigendos (§. 901.).

Ordines eruditorum distinguuntur in quolibet cognoscibilium genere, ut adeo fieri possit eruditum aliquem, si certum quoddam cognoscibilem genus spectes, locum non infimum, immo superiorem quandam occupare in ordine superiori, qui infimum saltem occupat in infimo respectu aliorum cognoscibilium generum, immo prorsus nullum in eodem meretur, utpote rerum ad hoc genus pertinentium prorsus ignarum. Quamvis adeo ipsi competat jus ad errores corrigendos, vel refutandos in eo, quod colit, cognoscibilem genere; nullum tamen sibi arrogare potest in alio quodam genere. Ita Ictus vel etiam Theologus de rebus ad Astronomiam, vel Geographiam mathematicam spectantibus iudicium ferre nequit, consequenter nec sibi arrogare potest jus Astronomorum placita refutandi. Etenim aut statuet ex notionibus communibus, ex quibus ea, quæ affirmant Astronomi, non deduxerunt, veluti si ea, quæ de distantis Planetarum & magnitudine semidiametri Telluris tradunt, se refutasse sibi persuadeat dicendo, quod nemo a Terra in Lunam ascendere, vel ad centrum usque terræ descendere potuerit, ut distantiam Lunæ a Terra, vel centri Terræ a loco superficiali, in quo consistit, mensura manu applicata metiri daretur; aut falsas, quas fovent, opiniones iis, quæ affirmant alii, opponunt, veluti cum Patres quidam Ecclesiæ rotunditatem Telluris negarent, quod terram esse discum aquis innatantem a Præceptoribus suis didicerant; aut consequentias cumulant, quæ legitimis ratiociniis inferri nequeunt, veluti cum Patres quidam Ecclesiæ impugnantur antipodes, aut alii Theologi incolas Planetarum, quod unus tantummodo sit Christus Salvator totius generis humani, admissis autem antipodibus, aut Planetarum incolis plures fingendi sint Christi aut Christum non esse totius generis humani redemptorem. Hæc non alio fine a nobis exempli loco adducuntur, ut tanto manifestius appareat, quam sit periculosum sibi arrogare jus refutandi ac corrigendi errores, quod lex naturæ non

non tribuit, & ut ex alieno casu discatur, quid sit vitandum. Quamvis vero jus ad refutandum errores non conveniat eruditus infimi ordinis in aliquo rerum cognoscibilem genere; non tamen videmus ad refutandum proniores, quam hos ipsos. Nostros præsertim moribus refutando alios inclarescere conantur, qui vix discenarium numero exempti sunt, aut qui præclari quidpiam præstare non possunt. Et vix unus impugnare cepit autorem quendam, præsertim talem, cujus vel magna est autoritas, vel celebritas, ac statim ingentem videas sociorum, qui refutatores videri volunt, catervam. Caninis enim utuntur moribus, ut latrante uno latrent quoque ceteri. Et coryphæus mirifice sibi placet, quod tor habeat sectatores, atque triumphum ante victoriam canit consensum multitudinis tanquam argumentum invictum allegans, quod a parte sua stet veritas, non memor pervulgati illius, multitudinem errantium non parere errori patrocinium. Quodsi ergo vel de unica quæstione litigeretur, intra paucos annos ingens prostat scriptorum eristicorum numerus, in quibus eadem vel centies repetuntur, quasi quæ obijciuntur iterata sæpius repetitione acquirant pondus, quod per se non habent. In Logica impugnationem distinximus a refutatione (§. 1017. 1018. *Log.*), quam differentiam si omnes perpenderent, aut capere possent, qui ad refutandum alios adeo proclives sunt, numerus illorum, qui refutando alios inclarescere volunt, multum imminueretur. Differentiam istam omnino probe perpendere debet, qui alium refutare voluerit, cum ex aptitudine metiendum sit jus (§. 901.). De veritate disceptatio est, non de eo, quod tibi videtur. Nondum enim satis intellecta tanto absurdiora plerumque videntur, quanto quis ab iis intime perspiciendis remotior. Quo quis adeo imperitior, eo plura ipsi subnascuntur dubia, ut multa sibi habere videatur, quæ opponat, etsi nihil haberet, si iis intelligendis eandem operam impenderet, quam in refutando, aut potius impugnando collocat.

§. 903.

*Alterum directe refutaturus demonstrare obligatur propositio- Obligatio
(Wolffii Jur. Nat. Pars VI.) LZ 22 nem eius, qui di-*

recte refutat. *nem veram falsæ oppositam, vel modum, quo is in errorem incidit, aut utrumque.* Obligamur enim ad recte agendum (§. 189. *part. 1. Phil. pract. univ.*). Quamobrem cum directe refutari non possit error, nisi demonstrando propositionem veram falsæ oppositam, vel modum, quo quis in errorem incidit (§. 1036. *Log.*); alterum refutaturus directe utique demonstrare obligatur propositionem veram falsæ oppositam, vel modum, quo quis in errorem incidit, aut utrumque.

In Logica demonstravimus, quomodo refutatio recte fiat: est in Jure naturæ ostendendum, quod ad recte refutandum sumus obligati, ut adeo nemo existimare possit, quasi libertati suæ relictum sit, utrum regulas in Logica præscriptas in refutando observare velit, nec ne. Ipsam naturæ legem transgreditur, qui in eas impingit, adeoque peccat (§. 440. *part. 1. Phil. pract. univ.*). Peccat vero non modo, quatenus minus recte agit, cum ab agendo abstinere potuisset, ac debuisset; verum etiam quod sibi arroget jus, quod lex naturæ eidem non tribuit (§. 901.): etsi hoc parum agnoscarur, præsertim ab iis, qui ad refutandum adeo sunt proclives, non tamen propterea desinit esse verum. Eruditorum actiones promiscue omnes non minus subjacent æternæ isti ac immutabili legi, quam humanæ aliæ, adeoque ad hanc normam exigendæ, ut quoque hoc nomine eruditi obligentur voluntatem juxta intellectum perficere. Ceterum per se patet, eum, qui contrariam propositionem demonstrat, errorem ab alio commissum corrigere; qui vero saltem ostendit modum, quo is in errorem incidit, eum simpliciter refutare alium, seu falsitatem ejus, quod asserit demonstrare.

§. 904.

Obligatio *alterum indirecte refutaturus sumere debet, quod alter asserit,*
ejus, qui in tantquam verum & inæ syllogismorum concatenatione inferre proposi-
directe re- tumem, quam ipse falsam agnoscit. Obligatur enim ad recte
fat. *refu-*

refutandum (§. 189. *part. 1. Phil. pract. univ.*). Quamobrem cum alter indirecte refutetur, si, quod asserit, sumatur tanquam verum, & syllogismorum concatenatione inferatur propositio, quam ipse falsam agnoscit (§. 1039. *Log.*); alterum indirecte refutaturus obligatur sumere, quod alter asserit, tanquam verum & syllogismorum concatenatione inde inferre propositionem, quam ipse falsam agnoscit.

Quæ ad præcedentem propositionem modo annotavimus (*not. §. 903.*), eadem de præsentis quoque tenenda. Quoniam præter refutationem directam & indirectam non datur alia, lex autem naturæ nemini tribuitur ad refutandum, nisi qui vel directe, vel indirecte errores ab aliis commissos refutare potest; ex iis, quæ de utroque refutandi modo demonstrata sunt, quemadmodum dijudicanda est aptitudo ad demonstrandum, ita quoque metiendum est jus ad refutandum alicui competens (§. 901.). Quodsi adeo demonstrationem propositionis præsentis ac præcedentis consideres, facile animadverteas jus ad refutandum originem suam deducere ex obligatione ad recte agendum. Indirecta autem refutatio non confundenda est cum praxi consequentiariorum (§. 1048. *Log.*), quæ nisi daretur & pro refutatione vulgo vendicaretur, rari admodum forent refutatores, seu qui ad refutandum animum appellerent, cum defectum virium suarum facile agnoscerent, nec sibi viderentur, qui non sunt.

§. 905.

Refutator non alium finem intendere debet, quam ne pro vero habeatur, quod non est, aut de quo nondum certo constat, utrum fuitatore invenum sit, nec ne. Etenim eruditi conjunctis viribus rerum cognitionem ac scientiam promovere debent (§. 863.), ad eoque operam dare, ut veritas detegatur, consequenter ut verum a falso, certum ab incerto separetur, cum rerum cognitionem ac scientiam habere nondum dici possit, qui non-

dum agnoscit, utrum propositio vera sit, an falsa, adeoque certum ab incerto ac verum a falso discernere non valet (§. 564. 505. *Log.*). Quoniam itaque qui errat refutatur, si ostendatur, falsam esse propositionem, quam pro vera habet (§. 1017. *Log.*), consequenter etiam si ostendatur falsum esse, quod certo jam constet, aliquam propositionem esse veram, finis autem est id, propter quod agimus (§. 932. *Ontol.*); refutator alium finem intendere nequit, quam ne pro vero habeatur, quod non est, aut de quo nondum certo constat, utrum verum sit, nec ne.

Finis hic intenditur vel respectu errantis, ut is ab errore liberetur; vel respectu aliorum, ne ad errorem seducantur. Atque adeo facile judicari poterit, quandonam finis necessitatem quandam imponat alterum refutandi. Equidem vix quisquam erit, qui, cum ad refutandum animum appellat, videri nolit veritatis defensor; non tamen sufficit videri velle, cum non sis. Oppido autem falluntur, qui sibi persuadent, se videri aliis, qui non sunt. Qui enim amore veritatis ad refutandum non ducuntur, satis superque produnt, saltem acutioribus ac veris verum æstimatoribus fines, quos revera intendunt veritatis defendendæ prætextu, & quas dissimulare nondum didicerunt (§. 717. *part. 2. Phil. pract. univ.*). Omnium autem ineptissimi sunt ad dissimulandum, qui verborum contumelias dicunt & argumento ab invidia ducto utuntur (§. 1049. *Et nat. §. 1056. Log.*).

§. 906.

À quibus refutator abstinere debeat.

Quoniam refutator non alium finem intendere debet, quam ne pro vero habeatur, quod non est, aut de quo certo non constat, utrum verum sit, nec ne (§. 905.), convicia vero ad aliud non profunt, quam ut ignominia afficiatur, qui refutatur (§. 815. *part. 1. Jur. nat.*), & argumento ab invidia ducto in placita alterius odium concitatur, ut opprimantur

(§. 1049.

(§. 1049. Log.); *refutator a convitiis & argumento ab invidia ducto abstinere debet, consequenter & a praxi consequentiariorum* (§. 1046. & seqq. Log.).

Ostendimus jam in Logica, ea non convenire refutationi (§. 1046 & seqq. it. 1056.); hic vero ostendendum nobis erat, refutorem obligari ad abstinendum ab iisdem. Merito laudantur Scholastici *Grotio*, qui ipse a perverfis mutorum eruditorum moribus valde alienus erat, in Prolégom. ad libros de J. B. & P. §. 52. quod in ipso diversa tuendi studio laudabile præbeant modestiæ exemplum, rationibus inter se certantes, non convitiis, turpi fœtu impotentis animi, & hunc morem literas inquinare recte judicat (§. 879.). Cum refutatio tam directa, quam indirecta difficilis sit, nec conveniat nisi in eruditos secundi ac primi ordinis; idcirco missa directa in praxim consequentiariorum convertitur indirecta & cum argumento ab invidia ducto conjungitur, præsertim cum in progressu augeatur fervor disputandi, nihil moderabile suadens. Et quoniam ad argumenta probabilia, præsertim extrinseca confugunt, qui methodum demonstrandi ignorant, aut saktem ejus usum in potestate non habent; tanto liberius extra oleas evagantur, quod Logica probabilium nondum in formam artis redacta & certis regulis adstricta. Regnat igitur in bello literario eadem licentia, qualem in bello inter gentes indulget Jus Gentium voluntarium ac consuetudinarium, de quo suo loco dicemus. Et dolendam est, eam in statu civili tolerari, nec legibus positivis coerceri, quibus non minus securitati eruditorum, quam civium aliorum prospiciendum erat. Sed de eo dicemus apertius suo loco.

§. 907.

In rebus dubiis unicuique licet dubia sua modeste proponere. De dubiis
Quamdiu enim res dubiæ sunt, aut saltem adhuc videntur, proponendis.
 nondum satis constat, cuiusnam contradictionis parti assensum præbere debeamus (§. 417. part. 2. Theol. nat.). Quoniam
 LL 22 3 itaque

itaque eruditi conjunctis viribus rerum scientiam promovere debent (§. 863.); ideo si dubia quædam adhuc supersint, quæ assensum aliorum remorantur, alii operam dare debent, ut eadem removeantur. Quamobrem cum removeri non possint, nisi proponantur, lex vero naturæ det jus ad eos actus, sine quibus obligationi cuidam naturali satisfieri nequit (§. 159. *part. 1. Phil. pract. univ.*); unicuique etiam in rebus dubiis dubia sua proponere licet. *Quod erat unum.*

Enimvero quia modestia virtus est (§. 563. *part. 1. Jur. nat.*), eruditi autem ad virtutem omnem colendam obligantur (§. 878.), immo etiam ad præbendum exemplum bonum aliis (§. 882.), ut gravius peccent aliis, si mala prodant (§. 883.); dubia quoque sua modeste proponere debent. *Quod erat alterum.*

Juri nimirum proponendi dubia adhæret obligatio ut modeste id fiat, quæ usum juris respicit. Juri per se non inest obligatio, quemadmodum ex collatione definitionum juris ac obligationis patet (§. 118. 156. *part. 1. Phil. pract. univ.*); sed quatenus lex naturæ nos obligat ad recte agendum (§. 189. *part. 1. Phil. pract. univ.*), adeoque etiam ad recte utendum jure suo, ideo juri quoque obligatio quædam accedere potest. Quia tibi jus competit, ideo facere licet (§. 170. *part. 1. Phil. pract. univ.*); sed id te non liberat ab obligatione naturali, quæ proflus immutabilis (§. 142. *part. 1. Phil. pract. univ.*), ut in exercitio juris quicquam committere liceat, quod alias illicitum. E. gr. Cum Geometriam indivisibilium publici juris faceret *Cavalarius*; licebat Mathematicis, quibus dubia quædam circa eandem adhuc supererant, ea publice proponere citra injuriam auctoris, quamvis ab ejus parte staret veritas, modo id fieret modeste, neque idem hoc ægre ferre debebat.

§. 908.

De jure Si quis hypotheses proponit, ubi veritas reposita nondam est; erudi-

eruditis jus est ad eas examinandas & vel refutandas, vel ad dubia circa hypothesibus, quibus urgentur, indicanda. Hypothesibus enim philosophicis in philosophia locus concedendus, quatenus ad veritatem liquidam viam sternunt (§. 127. *Disc. pralim.*), consequenter hypotheserum proponere licet, ubi veritas reperta nondum est, ut ad veritatem inveniendam via sternatur. Quoniam vero hypotheserum hunc usum habere nequeunt, nisi examinentur, ut appareat, an ex iis sequatur, quod veritati sit adversum, aut num adsint rationes probabiles, cur ea, quæ sumuntur, tuto sumi non possint, ideo necesse est, ut examini subjiciantur, & vel falsitas earundem demonstretur, vel dubia, quibus urgentur, patefiant. Quamobrem cum eruditi conjunctis viribus rerum cognitionem ac scientiam promovere debeant (§. 863.), lex autem naturæ det iisdem jus ad eos actus, sine quibus huic obligationi satisfacere non possunt (§. 159. *part. 1. Phil. præf. univ.*); si quis hypotheserum proponit, ubi veritas reperta nondum est, eruditis jus est ad eas examinandas, & vel refutandas, vel ad dubia, quibus urgentur, indicanda.

Necessitatem hypotheserum, ubi ad veritatem liquidam pervenire non statim datur, dudum comprobavit Astronomia. Quodsi enim in eadem hypotheserum admittere noluisset Astronomi, nunquam ad eam perfectionis gradum illa evecta fuisset, ad quem hodie perductam videmus, sed crassa omnino rerum astronomicarum ignorantia adhuc laboraremus. Docent vero etiam Astronomi exemplo suo, quomodo hypotheserum sint examinandæ ac emendandæ, & earundem falsitas, vel veritas detegenda. Qui adeo hypotheserum omnes ex disciplinis eliminandas esse contendunt, illi aditum ad veritatem præcludunt. Hypotheserum autem viam ad veritatem sternentes facile discernuntur ab opinionum commentis, quæ cum dies eadem delectat, refutatione non indigent, consequenter nec examine digna sunt, modo animum advertas ad ea, quæ sumuntur, & probabilitatis intrinsecæ notione non destituaris.

§. 909.

De libertate philosophandi, unde nam sit. Libertas philosophandi eruditis natura competit. Etenim si ne libertate philosophandi nullus est scientiæ progressus (§. 169. *Disc. pralim.*). Quamobrem cum eruditi conjunctis viribus rerum cognitionem ac scientiam promovere debeant (§. 863.), lex autem naturæ tribuat jus ad satisfaciendum obligationi naturali necessarium (§. 159. *part. 1. Phil. pract. aniv.*); libertatem quoque philosophandi eruditus largitur, adeoque ea iisdem natura competit.

Libertas adeo philosophandi jus est, quod natura eruditus competit, atque propterea ipsis adimi non potest (§. 64. *part. 1. Jur. nat.*). Quoniam philosophiæ objectum est omne cognoscibile, quatenus cognoscibile, in statu ideali spectatum (§. 29. *Disc. pral.*); libertas philosophandi hic sumitur in significato latissimo, ut ad omnem rerum cognitionem, qualescunque tandem eadem fuerint, extendatur. Quod si vero in significato hoc generali *Libertatem sentiendi* dicere malis, per nos hoc licet: nullus enim inde nascetur in re dissensus.

§. 910.

Quid inde sequatur.

Quoniam libertas philosophandi, aut si magis, sentiendi eruditus natura competit (§. 909.), libertas vero philosophandi consistit in permissione publice proponendi de rebus philosophicis, seu iis, quæ possibilia sunt, qua talibus (§. 29. *Disc. pral.*), sententiam suam (§. 151. *Disc. pral.*); *naturaliter unicuique permittendum, ut de rebus philosophicis, seu, de iis, qua cognoscibilia sunt, sententiam suam proponat, nec minus permittendum est aliis, ut, quid sibi de ea videatur, publice dicant.*

Qua uteris libertate, ea etiam competit ceteris eruditus, adeoque ut ea utantur ipsis quoque permittere teneris, quare nus tibi cum re, non cum persona, negotium est. Quemadmodum enim tibi permittendum, ut dicas, te hoc pro vero habere,

habere seu tibi hoc probabile videri; ita quoque permittere debes alteri, ut dicat, se hoc pro falso habere, seu sibi hoc probabile non videri. Cumque nihil asserendum sit sine ratione, quemadmodum tibi licet recensere rationes, cur hoc statuas, ita quoque alteri rationes asserre licet, cur idem statuere non possit. Et qui hoc faciunt, utuntur jure natura eruditus tributo (§. 903.), ac uterque vestrum satisfacere conatur officio de rerum cognitione ac scientia conjunctis viribus promovenda (§. 863.). Quoniam vero jus hoc natura tribuit in rem, non in personam, quam potius tuetur (§. 388. 893.); lingua quoque temperanda est, ne verbis utaris, vel quando de re sermo est, quæ respectum quendam ad personam habent. Ita non ferendum, ut dicas, errorem esse puerilem, dignum, qui rideatur, non qui refutetur, neminem sanum sententiæ huic subscribere posse & ita porro. Aliud est judicare de veritate, vel probabilitate ejus, quod dicitur; aliud vero de persona, quæ hoc verum, vel probabile esse pronunciat. Jus in rem tributum non intelligitur etiam tributum in personam. Non est quod excipias, refutantem directe posse quoque ostendere modum, quo quis in errorem incidit (§. 903.): hoc quoque fieri potest ac debet ea linguæ moderatione, quæ a vituperio, multoque magis a conviciis atque contumelia prorsus immunis est. Quodsi linguam ita moderari nondum didiceris, tuum de sententiâ alterius judicium suspendere debes, donec linguæ impotentiam correxeris, neque enim natura, quæ prohibet vituperium (§. 848. part. 1. Jur. nat.), contumelias (§. 832. part. 1. Jur. nat.) & convicia (§. 833. part. 1. Jur. nat.), usum juris, quod eruditus tribuit, concedere alicui potest, cum vituperio contumeliis ac convitiis conjunctum. Quando jus tribuit, nos quoque obligat ad idem recte exercendum (§. 189. part. 1. Phil. pract. univ.). Non quod una manu dat, altera aufert, quippe sibi nunquam contraria.

§. 911.

Libertas philosophandi, seu sentiendi non tollit obligationem Libertas naturalem eruditorum ac hominum promiscue omnium. Etenim philosophandi non sit a

(Wolffs Jur. Nat. Pars VI.)

Aa aa a

obli- di nan. sis a

*natura re-
stricta.*

obligatio naturalis quæcunque, adeoque tam ea, qua eruditi tenentur, quam illa, quæ homines omnes in universum tangit, necessaria & immutabilis est (§. 141. 142. part. 1. Phil. præct. univ.). Quamobrem lege naturæ nobis tribui nequit jus, cujus exercitium eidem contrariatur. Quamvis adeo ea tribuat eruditis libertatem philosophandi, seu sentiendi (§. 909.); non tamen ideo eosdem liberat ab ulla obligatione, qua vel ut eruditi, vel ut homines tenentur. Libertas itaque philosophandi, seu sentiendi non tollit obligationem naturalem eruditorum ac hominum promiscue omnium.

Videmus adeo, quod naturaliter restringatur libertas philosophandi, seu sentiendi per officia tam eruditis in specie, quam hominibus omnibus in universum præscripta. Quomodo vero restringi debeat in civitate, suo ostendetur loco. Ast quoniam videmus, libertatem philosophandi, seu sentiendi per officia restringi naturaliter; ex his usus & abusus dijudicandus, &, ne eadem abutaris, probe perpendendum est, an officio cuidam erga te ipsum, vel erga alios, vel etiam erga Deum repugnet, sententiam tuam publice proponere.

§. 912.

*An servi-
tus philoso-
phandi juri
naturæ ad-
versetur.*

Servitus philosophandi, aut, si mavis, sentiendi juri naturæ adversa. Etenim eruditis philosophandi, seu sentiendi libertas natura competit (§. 909.). Quamobrem cum ex collatione definitionum libertatis ac servitutis philosophandi pateat (§. 151. 152. Disc. præct.), illam cum hac consistere non posse; servitus quoque philosophandi juri naturæ repugnat.

Si natura tibi concedit libertatem philosophandi, alteri conferre nequit jus servitutem philosophandi tibi imponendi; quod

quod utique absurdum, cum, quod una manu daretur, altera rursus auferretur. Ceterum philosophandi servitus non confundenda est cum restrictione juris docendi in civitate, quod legibus civilibus subest, & de quo suo loco dicemus. Neque etiam confundenda est cum restrictione libertatis philosophandi in civitate, in qua superiori suum quoque jus est suo loco ac tempore enucleandum. Hic enim saltem docemus, quid naturaliter obtineat, citra respectum ad Rempulicam.

§. 913.

Quoniam servitus philosophandi, seu sentiendi juri naturæ adversa (§. 912.), ea autem consistit in coactione defendendi aliorum de rebus philosophicis, seu cognoscibilibus quibuscunque sententiam tanquam veram, utut nobis contrarium videatur (§. 152. *Disc. pralim.*); nemo quoque cogi potest ut aliorum de rebus cognoscibilibus sententiam defendat tanquam veram, utut ipsi contrarium videatur. *Quod inde sequatur.*

Non datur dictator in Rep. literaria, cujus judicio ceteris sit standum. Eruditis competit jus verum a falso discernendi (§. 899.) & errores refutandi ac corrigendi (§. 901.); at nemo prætereundere potest, ut non habeatur pro vero, nisi quod ipse verum esse profiteretur, ac ut ceteri suæ subscribant sententiæ. Si istiusmodi jugum eruditis imponatur, progressus scientiarum nullus datur (§. 169. *Disc. pralim.*). Repugnat igitur servitus sentiendi officio de rerum cognitione ac scientiæ conjunctis viribus promovenda (§. 863.). Multo magis autem juri naturæ adversatur, si servitus sentiendi in tyrannidem degeneret, ut ob diversa tuendi studium aliquis veretur ac misere affligatur, quasi hostis sit, qui aliter sentit, atque adeo in eum licita sint, quæ in hostem licere putantur. Sicuti absurdum est dictatorem agere velle; ita prorsus improbum est, esse persecutorem. Veritas defenditur rationibus, non vi.

§. 914.

*De jure ve-
ritatem de-
fendendi.*

*Eruditis competit jus veritatem defendendi adversus impu-
gnatores.* Etenim eruditi rerum cognitionem ac scientiam
promovere debent (§. 863.); consequenter nec pati, ut
pro falso venditetur, quod verum est (§. 722. part. 1. *Jur.
nat.*). Quamobrem cum is, qui veritatem impugnat, con-
tendat, falsum esse, quod verum est, atque insufficienter
probet (§. 1018. *Log.*); eruditorum est demonstrare, quod
propositio, quam veram esse constat, ab altero nec fuerit
refutata, nec refutari potuerit. Quoniam itaque verita-
tem defendit, qui demonstrat, eam ab altero non fuisse
refutatam (§. 1058. *Log.*); eruditis utique competit jus ve-
ritatem defendendi adversus impugnatores.

Quomodo defendatur veritas, docuimus in Logica (§. 1059.
Et seqq. Log.). Hic saltem ostendendum erat, nos ad veri-
tatem defendendum obligari. Quoniam vero obligamur ad
recte defendendum (§. 189. part. 1. *Phil. pract. univ.*); ideo
defensio fieri debet juxta regulas in Logica demonstratas, ubi
ex ipsa notione defensionis deduximus, quomodo ea fieri de-
beat. Ibidem adeo demonstrata hic tota non repetimus. Ce-
terum non confundenda est defensio veritatis cum refutatio-
ne erroris, etsi adeo sibi invicem cognata sint, ut saepissime
invicem non distinguantur, ita ut praeterea veritatis sese tue-
ri soleant qui eandem, impugnant. Etenim si quis conten-
dit verum esse aut probabile, quod non est, eum refutamus
vel impugnamus (§. 1017. 1018.); si quis vero veritatem im-
pugnat, aut negat simpliciter, verum esse, quod pro vero
tenditur, vel quod erroris suius veritati opponat, vel
quod refutationem non mereri existimet, quod verum di-
citur, nos vero demonstramus, eam ab altero in casu
priori non esse refutatam, in posteriori non posse refutari;
veritatem defendimus (§. 1058. *Log.*). Perperam igitur ri-
gnatores, qui tempus omne in controversiis agitandis consu-
munt,

munt, veritatis defensores videri volunt. Quemadmodum in bello defensoris partes non agit, nisi qui ab altero vi impetitur; ita quoque defensor veritatis non intelligitur nisi is, qui impugnatori ejusdem sese opponit.

§. 915.

Veritatis defensor non est, nisi qui demonstrare valet, eam Quinam sit ab altero non esse refutatam, aut refutari non posse. Etenim veritas defenditur, ubi demonstratur propositionem, quæ ab altero impugnatur, non esse refutatam (§. 1058. Log.), consequenter si simpliciter negatur, veram esse, ostenditur, eam refutari non posse. Quamobrem veritatis defensor non est, nisi qui hoc demonstrare valet.

Distinguendum nimirum est, utrum quis habeat animum veritatem defendendi, an vero defendat. Qui habet animum defendendi, veritatis defensor esse vult, sed quia plus sperat de facultatibus suis, quam in iis est, defensor non est. Esse autem & velle esse utique differunt. Neque etiam propterea defensor veritatis es, quod tibi vel aliis imperitis esse videaris: nullibi enim facilius, quam in moralibus, contingere solet, ut sibi ac aliis esse videantur, qui non sunt. Quodsi vero genuinæ demonstrationis notionem habueris, quam integro capite sufficienter explicavimus (§. 549. & seqq. Log.), & eam ad defensionem veritatis applicaveris; defensorem veritatis facile agnosces. Disputari potest de veritate alicujus propositionis, ubi unus defendentis aut respondentis partes agit: sed defendens in disputatione, seu bello literario non statim est defensor veritatis. Utinam hæc probe perpenderent illi, modo ea tractari decenter valerent, qui hoc sibi datum esse existimant, ut veritatem defendant, quasi publici defensores veritatis constituti, cum tamen ad nihil magis sint inepti, quam ad veritatem defendendam, judicium sibi sumentes de rebus, quas non intelligunt, nec intelligere possunt.

§. 916.

*Cuinam
competat jus
ad verita-
tem defen-
dendam.*

Quoniam veritatis defensor non est, nisi qui demon-
strare valet eam ab altero non esse refutatam, aut refutari
non potuisse (§. 915.), lex vero naturæ nos obliget ad
recte agendum (§. 189. part. 1. *Phil. pract. univ.*) & dat jus
ad ea, quæ ad recte agendum requiruntur (§. 159. part. 1.
Phil. pract. univ.); eruditus quoque jus ad defendendam veri-
tatem habere nequit, nisi demonstrare valeat, eam ab impugna-
to non esse refutatam, aut refutari non posse.

Rixatores itaque ac persecutores prætextu veritatis defen-
dendæ non exculantur. Superior in civitate nemini hoc jus
dare potest, quod lege naturæ tributum ipsi non est; sed
tantummodo impunitatem litigandi inter homines. Nec ubi
hoc facit, recte facit. Neque enim imperia civilia tam ac-
curate exercentur, ut a rectitudine nunquam defleat. Sed
de his expressius dicendum in sequentibus, quando de impe-
rio civili acturi sumus.

§. 917.

*An veritas
vi defen-
di possit.*

Veritas vi externa defendi nequit, nec defendenda est.
Qui enim veritatem defendere vult, is demonstrare tene-
tur, eandem ab impugnatore non fuisse refutatam, quem-
admodum sibi persuadet, aut aliis persuadere vult (§. 1058.
1018. *Log.*), consequenter cum certum sit, quod demon-
stratur (§. 568. *Log.*), tam impugnatorém, quam alios
convincere vult, quod adversus veritatem nil valeant, quæ
impugnator in medium protulit (§. 982. *Log.*), seu quod
is non ostenderit falsum esse, quod pro vero recte habetur.
Quamobrem cum in demonstrando nulli usui sit vis externa,
ut alter vincatur (§. 991. *Log.*); veritas quoque vi ex-
terna defendi nequit.

Quoni-

Quoniam vi externa defendi nequit veritas, *per demonstrata*, lex autem naturæ obligat ad recte agendum (§. 189. *part. 1. Phil. pract. univ.*), nec dat jus nisi ad ea, sine quibus obligationi naturali satisfacere non possumus (§. 159. *part. 1. Phil. pract. univ.*); nobis quoque eadem jus dare nequit ad veritatem vi defendendam, consequenter nec vi eandem defendere licet (§. 170. *part. 1. Phil. pract. univ.*). *Quod erat disseruim.*

Absurdum omnino est, veritatem vi externa defendere velle. Qui enim veritatem defendit, non aliud intendere potest ac debet, quam ut alter assensum præbeat veritati. Assensus actus intellectus est, quo judicamus propositionem esse veram, falsam vel probabilem (*not. §. 1003. Log.*). Equis vero sibi persuaserit, iudicium intellectus vi externa extorqueri posse? Vi externa equidem extorquere potes actum externum a libertate voluntatis pendentem, est nullum actum internum. Quamobrem id quidem vi efficies, ut quis dicat, verum esse, quod falsum esse putat, consequenter ut moraliter falsum loquatur (§. 152. *part. 3. Jur. nat.*), nunquam vero efficies, ut veritatem agnoscat eidemque victas det manus. Alia vero quaestio est, an in civitate tolerandum sit, ut errores præsertim nocui disseminentur, & num vis externa licita sit in eos, qui disseminant. Sed de hac agendum erit suo loco.

§. 918. *

Bellum' literarium dicitur, quando duo eruditi vel plu- *Bellum lit-*
res de veritate, vel falsitate alicujus propositionis inter se *varium quid*
disceptant. Quoniam eruditi conjunctis viribus rerum *fit.*
cognitionem ac scientiam promovere debent (§. 863.); *si*
disceptetur eo sine, ut veritas in apricum producat, ac ita di-
sceptetur, us veritas tandem pateat, aut ad eam propior fiat adi-
ans, bellum literarium illicitum non est.

Quomo-

Quomodo gerendum sit bellum literarium, ut finis iste obtineri possit, per antecedentia ac ea, quæ in Logica demonstrata ibidem supponuntur, facile patet, ut adeo de jure in bello literario plura demonstrari non sit opus. Quemadmodum vero miles, qui in bello munere suo rite fungi debet, non destitui debet armis ac habitu ea tractandi; ita quoque qui in bello literario militat, & sufficiente rerum cognitione instructus esse debet, ac Logicæ non modo apprime peritus, verum etiam pollere habitu regulis ejusdem rite ac dextre utendi. Sunt enim regulæ istæ arma eruditi & rerum cognitio tenet vicem rerum ad usum armorum necessariorum, habitus vero regulas logicas rite ac dextre in tractandis controversis applicandi respondet habitui arma recte tractandi. Quemadmodum vero in bello plurimum peccatur, nec id ea religione geritur, qua geri debebat; ita quoque bellum literarium non una labe inficitur, ut omnia permissa putentur, quæ unicuique placuerint. Nullus tamen dubito fore, ut, qui bellum literarium gerere voluerint, agnoscant, quid veritati ac sibi invicem debeant, si ea didicerint, quæ de officiis ac jure eruditorum demonstravimus, ac diligentiam suam in officiis istis exequendis ac jure suo rite exercendo desiderari non patiantur.

Finis Partis VI Juris Naturæ.



CONSPICE

CONSPECTUS

PARTIS VI.

JURIS NATURÆ

CAPUT I.

De Dominio utili & ejus speciebus quibusdam, p. 6.

CAPUT II.

De Feudo, 117.

CAPUT III.

De Interpretatione, 318.

CAPUT IV.

De Jure ex communiōne primæva residuo, & jure necessitatis in genere, 413.

CAPUT V.

De Officiis erga mortuos & Jure sepulturæ, 551.

CAPUT VI.

De nondum natis & Officiis erga posteros, 650.

CAPUT VII.

De officiis & Jure Eruditorum, 858.

FINIS CONSPECTUS.

(*Wolfii Jur. Nat. Pars VI.*)

B b b b

INDEX

INDEX

VERBORUM ET RERUM PRÆCIPU- ARUM, IN QUO NUMERI PARAGRA- PHOS DENOTANT.

A.	
A bandung,	793
<i>Absurdum</i> num in interpretando vitan- dum,	483. 484.
<i>Accidentalibus contractibus</i> quænam dicantur,	n. 163.
<i>Accidentalibus feudis</i> quænam dicantur,	163
<i>Actus irritos</i> quæ faciunt num sint odi- osa,	498.
<i>Advocati</i> ,	872.
<i>Ædes superficiariae.</i> Definitio, 131. an novas extruere liceat, veteribus col- lapsis, vel conflagratis, 132. qua lege alienentur, 138. an locari possint, 141. an alienari, 143. num in alie- natione laudemium præstandum, 144	
<i>Ædes superficiariae</i> , in quibus dominium utile conceditur, quando fiant pleno jure domini soli,	139
<i>Ædes vicinas</i> num sæviente incendio de- struere liceat,	677
<i>Ædes vicine</i> , una domo incendii causa diruta, quando a contributione libe- rentur,	681.
<i>Æstimatio rerum</i> in contributione ob ja- ctum,	628. 634.
<i>Afser Lehn</i> ,	300.
<i>Afser Lehnmann</i> ,	300.
<i>Aggressoris res</i> num perdere liceat,	620.
<i>Alienatio feudis</i> quomodo licite fiat,	169 & seqq.
<i>Allodium.</i> Definitio,	192
<i>Allodial-Gut</i> ,	192
<i>Amor alterius</i> num morte ejus extingua- tur,	736
<i>Amor universalis bonitatum</i> quamdiu du- ret, 737. ad posterosextensus, 851.	
<i>Amoris signa</i> num erga mortuos edenda, 738. num in removendo corpore mortui e conspectu nostro edenda,	739.
<i>Amphibolia.</i> Definitio, 480. quænam in interpretatione de ea notanda, 480. si aliquoties in pacto occurrant, 481. si obscuritatem parit, quinam signifi- catus præferendus,	482.
<i>Anatomia.</i> Definitio, 819. usus, 820.	
<i>Anatomia cadaverum humanorum</i> num licita,	823.
<i>Animus bonum bono referendi</i> qualis sit,	720.
<i>Apprehensio rei feudalis</i> , 216. quando ipsi contractui insit,	217.
<i>Arbores</i> in gratiam posterorum plantan- dæ,	857.
<i>Armorum alienorum usus</i> ,	615.
<i>Armamenta navis</i> periculi communis vitandi causa dejecta, vel casâ num requirant contributionem,	665.
<i>Artes</i>	

Index verborum & rerum precipuarum.

<i>Artes ad posteros num propagandæ,</i>	
852. num generi humano utiles scribere liceat,	852.
<i>Artes liberales. Definitio,</i>	871.
<i>manuaria. Definitio,</i>	871.
<i>mixta. Definitio,</i>	871.
<i>Artium divisio.</i>	871.
<i>Avaria. Definitio,</i>	671.
<i>Avaria communis. Definitio,</i>	671.
<i>Avaria magna, sive grossa. Definitio,</i>	671.
<i>Aussagung des Lehns,</i>	407.
<i>Auständigung des Lehns,</i>	407.
<i>Auxilium quando uni ferre liceat cum discrimine alterius,</i>	594.

B.

B <i>Belohnung,</i>	219.
<i>Bellum literarium quid sit,</i>	918.
<i>quænam eius justa causa,</i>	918.
<i>Benefactoribus mortuis num gratias agere debëamus,</i>	723.
<i>Boden-Zins,</i>	124.
<i>Boden-Zinsmann,</i>	120.
<i>Bonum bono referri num in aliis alicui possit,</i>	716. 717. num ad hoc faciendum obligemur,
	718. 719.
<i>Bonum censiticum. Definitio,</i>	110. quomodo liberum evadat,
	116.
<i>Bonum emphyteuticum. Definitio,</i>	13.
<i>num infeudari possit,</i>	299.
<i>Breve testatum. Definitio,</i>	226.

C.

<i>Cadavera humana num cremare liceat,</i>	
764. num cremare & sepelire perinde sit,	762. num absque omni so-

lennitate ad sepulchrum deferenda, 757. num sepelienda, anatomia ab soluta, 829. num eorundem anatomia honori humanitatis repugnet, 828.

<i>Canon. Definitio,</i>	14. num præteritus a novo superficiario sit solvendus,
145. de superficie non soluti pœna;	
152. num subemphyteuticatione facta solvendus,	93.
<i>Canon emphyteuticus. Definitio,</i>	14.
<i>quomodo determinetur,</i>	16. quatenus solvi possit,
17. num fructibus respondere possit,	21. si respondeat,
quid tum præsumendum,	21. in quo consistat,
19. an augeri possit ob meliorationem,	18. num diminuendus ob partialem interitum,
77. an remittendus ob utilitatem cessantem,	22. quando remittendus & non remittendas,
23. quando solvendus,	20. quali jure exigatur,
24. an non solutus ab alio possessore exigì possit,	25. an ob solutionem neglectam, vel directatam emphyteutis amittatur,
20.	
<i>Canon in feudo censuali non solutus num sit felonia,</i>	440.
<i>Casus a lege prohibitiva quinam exceptus,</i>	572.
<i>Casus emergens, qui non satis convenit cum officiis humanitatis, vel erga se ipsum, num excipiendus in pactis,</i>	538. qui pugnat cum voluntate ob rationem naturalem, num in pactis & promissis excipiendus,
	536.

Bb bb b 2

Casus

Index verborum & rerum precipuarum.

- Causa necessitatis* quando lege exceptus, 570.
- Cavillationibus* num sit locus in pactis & promissis interpretandis, 477.
- Canosaphium*. Definitio, 791. 749. ubi & quando extrui possit, 792. 793. cui nam extruendum, 795.
- Consualte*. Definitio, 110. quale habeat dominium, 111.
- Census*. Definitio, 108. in quonam consistat, 113. quomodo determinandus, 114.
- Census constitutus*. Definitio, 108.
- reservatus*. Definitio, 108.
- Ceremonia funebres*. Definitio, 794. earum usus, 794. quotuplices esse possint, 801. quales esse debeant, 802. num naturaliter licitæ, 804.
- Ceremonia funebres universales*. Definitio, 803.
- Ceremonia funebres singulares*. Definitio, 803. ubi nam habeant locum, 806.
- Cibaria consumendi causa navi imposita* num propter jactum in contributionem veniant, 645.
- Clausula* pactis quoad interpretationem adjienda, 475.
- Cimiterium*. Definitio, 773. num detur in statu naturali, 775.
- Cognitio rerum* conjunctis viribus promovenda, 863.
- Cognitionis rerum utilitas* quotuplex, 869.
- Collisio eorum*, ad quæ quis æqualiter obligatur, 547.
- Commendare* num liceat cum, de cujus aptitudine nobis non constat, 886. 887.
- Communio primava* nam locum faciat juri necessitatis, 602.
- Computatio* ejus, quod contribuendum propter jactum, quid supponat, 648.
- Concionatores*, 872.
- Concordia inferiorum & superiorum textus* quamdiu observanda in interpretatione, 888.
- Conditionem accipere* quomodo dicatur, 559.
- Conditionem offerre* quomodo dicatur, 559.
- Conditionem offerentis, an accipientis verba* num in interpretatione magis attendenda, 560.
- Consiliarii*, 872.
- Contractus substantialia, naturalis & accidentalia* quomodo differant, n. 263.
- Contractus censuales*. Definitio, 112.
- Contractus emphyteuticus*. Definitio, 16. an cum novo emphyteuta renovandus, 33. num renovandus immutato domino emphyteuticos, 41.
- Contractus feudalis*. Definitio, 172. objectum, 173. quando contineat traditionem & apprehensionem rei feudalis, 217. cur renovandus, 222. num cum vasallo novo renovandus, 209. num renovandus immutato domino, 240. 243. num immutari possit in renovatione, 242. quando mutato domino renovatione non sit opus, 243.
- Contractus libellarius*. Definitio, 98.
- Contra-*

Index verborum & rerum precipuarum.

Contractus subemphyteuticus qualis esse debeat, 90. quatenus subsistat, 91. quando totus nullus, 92.

Contractus subfeudalis, seu *subinfestatationis*. Definitio, 305. quanam in eo substantialibus superaddi possint, 308.

Contractus superfictarius. Definitio, 128.

Contributio ob aedes incendio scæviente destructas, 677 & seqq.

Contributio ob factum naufragii evitandi causa factum a quibusnam & quomodo fieri debeat, 627 & seqq. quomodo dividatur inter eos, quorũ res e navi ejecta, 650. quomodo computanda, si res quaedam per factum deterioratae, 652. 653. num facienda ob armamenta navis dejecta, vel caesa, 665. an si navis a piratis redempta, 667. 668. & si quis suas saltem res redemit, aut piratae unius, vel alterius res abstulerint, 667. quando cesset 663 & seqq.

Contributio ob transitum mercibus concessum, 691.

Conventio nuda intelligatur rebus sic stantibus, 535.

Cultus divini interni obligatio in furioso & mente capto suspensa, 580.

D.

Dammum communi periculi depellendi causa datum, re aliena perditã, quomodo dividendum, 622.

Dammum casu in nave datum ad quem pertineat, 666.

Dammum culpa nauta datum ad quem pertineat, 669. 670.

Dammum destructione aedium vicinarum datum, incendio scæviente, a quonam refarciendum, 677. 678. quando non refarciendum, 679.

Dammum jactu datum quando ad magistrum navis pertineat, 664. cuiusnam sit, si res quaedam deteriorescentur, 651.

Debitor defuncti cuiusnam fiat debitor a morte ipsius, 714.

Debitum quando morte debitoris tollatur, 713.

Defensor veritatis quinam sit, 915.

Defuncti memoria quando conservanda, 781.

Demanatio quando in alienatione emphyteuscos necessaria, 64. quando sit fraudulenta, 65. an ob eam emphyteusis amittatur, 66. quid juris domino tum competat, 66.

Deus ex structura corporis humani cognoscendus, 822.

Didascali, 872.

Dominii translatio in eventum mortis, 705.

Dominiorum restrictio, quae inest introductioni eorundem, 562.

Dominium nuda amittatur a moriente, 701.

Dominium directum. Definitio, 3. quomodo constitutur, 10. quomodo acquiratur, 11. quando ab utili separabile, quando non, 257. quo effectu ad utile accedat in emphyteusi, 61.

Bb bb b 3

quomo

Index verborum & rerum præcipuarum.

- quomodo differat a dominio emphyteuseos, n. 61. num sine consensu emphyteutæ transferri possit, 42. quomodo in feudo oblato restringi possit, 236. quomodo actu restringatur, 237. num in feudo alienari possit sine consensu vasalli, 258. quando alienatio invalida, 239. num usucapi & præscribi possit, 425. num amittatur per feloniam, 452. quomodo fiat commune in feudo, 293
- Dominium utile.* Definitio, 1. quomodo constituatur, 10. quomodo acquiratur, 11. num in feudo præscribi & usucapi possit, 425. num sit cum jure possidendi conjunctum, 214. num in subinfeudatione totum transferatur, 314
- Dominium utile* in ædibus superficialibus concessum, 139.
- Dominus census.* Definitio, 110
- Dominus directus.* Definitio, 4. jus, 4. num sine consensu vasalli jus suum alienare possit, 238
- Dominus emphyteuseos.* Definitio, 13. jus ejus quoad proprietatem unde metiendum, 27. quale jus ad rem emphyteuticam habeat, 56. quando fiat pleno jure dominus, 55. quando jus emphyteutæ auferre possit, 72. quodnam habeat jus, si res deterioretur, 71. num habeat jus protimiseos, si emphyteusis alienetur, 58. num si habet, idem alii cedere possit, 67. num ad oppignorationem requiratur ejus consensus, 84. quo effectu consentiat in oppignorationem juris, quoniam in oppignorationem rei emphyteuticæ, 83. an consensus in oppignorationem officiat juri protimiseos, 79. cujusnam sit ejus jus, si sine successore moriatur, 62. & quomodo tum hoc acquiratur, 63. quod ab emphyteuta pro domino superiori recognoscendus, 32.
- Dominus feudi.* Definitio, 158. quale jus habeat in re feudali, 160. ad quam vasallo præstanda obligetur, 179. unde ejus jus & obligatio metienda, 172. an vasallo ad fidelitatem præstandam obligetur, 247. quomodo de rei feudalis substantia disponere possit, 343. quodnam sit ejus jus, si res feudalis deterioretur, 339. an feudo alienato jus protimiseos habeat, 396. an rei feudali servitutem imponere possit, 344. an consensus ejus requiratur ad subinfeudationem, 309. 318. num adversus vasallum præscribere possit, 428. quænam sit ejus obligatio in feudo de cavena, 265. item in feudo soldatæ, 269. & quamdiu hæc duret, 271.
- Dominus feudi novus* an vasallum compellere possit ad contractum feudalem renovandum, 241.
- Dominus feudi pignoratitii* si non solvat, quomodo satisfaciendum vasallo, 367.

Index verborum & rerum præcipuarum.

- Dominus fundi, sive solti.* Definitio, 120. unde jus ejus metiendum, 129.
- Dominus juris libellaris.* Definitio, 110. quale jus habeat. 182
- Dominus subsolvi.* Definitio, 300. unde jus & obligatio ejus metienda, 306.
- Dominus utilis.* Definitio, 2. jus ejus, 2.
- Domus incendiis causa diruta,* quæ jam ardet, 680.
- Dubia* quando proponere licitum erudito, 709.
- E.
- E** *Jgentlyhmlich Gut,* 192.
- Emphyteusis.* Definitio, 12. quot modis concedi possit, 29. quale sit jus, 43. qua lege alienetur, vel transmitatur, 50. num alienari possit sine consensu personarum, pro quibus constituta, 47. 48. num amittatur, si sine consensu domini alienetur, 31. num amittatur ob canonem non solum, 20. an ob rei emphyteuticæ deteriorationem, 71. 72. quando extinguitur, 60. 61. 46. an interitu rei extinguitur, 76. num domino remitti possit invito, 59. ea finita quid fiat, 55. an consolidatio fiat, 57
- Emphyteuseos alienatio* quando nulla, 30 31. quando valida, ibid. quando domino denuncianda, 64. quando facta sub clausula, *salvo consensu domini*, 68. an hæc clausula a pœna commissi liberet, 69. quando denunciatio sit fraudulenta, 65. quinam hujus effectus, 66.
- Emphyteuseos remisso* quomodo fiat, 59. quid operetur, 60. num ea facta consolidatio fiat, 60
- Emphyteusis ad certas personas restricta* quando extinguitur, 45
- Emphyteusis perpetua* si alienetur, 52
- Emphyteusis temporaria* ad quod tempus alienari possit, 51. quando extinguitur, 44
- Emphyteuta.* Definitio, 13. quale jus habeat quoad proprietatem rei emphyteuticæ, 27. quale in ea alienanda, 28. 30. 31. quale in re immutanda, 28. num rei emphyteuticæ servitutem imponere possit, 59. an sine consensu domini eandem oppignorare, 78. an in gratiam domini remittere, 59. an canonem solvere teneatur subemphyteuticatione facta, 93. an rem deteriorare ipsi sit permissum, 70. quod dominium superius recognoscere teneatur, 32
- Emphyteuta novus* an laudemium solvere obligetur, 37
- Emphyteuta mortuo* ante tempus, ad quod emphyteusis concessa, quid sit juris, 49
- Emphyteuticatio.* Definitio, 87
- Epitaphium.* Definitio, 747. 796. cur monumentis sepulchralibus & cenotaphiis addenda, 796
- Erbgur,** 192
- Erblehn,** 12
- Erbzinegur,** 13
- Erbzinemann,** 13
- Erb.**

Iudex verborum & rerum precipuarum.

Erbsinstecht,

12.

Eruditi. Definitio, 858. eorum ordines, 859. vitæ genera 873. quales fines intendere debeant, 870. quorumnam sit verum a falso separare, 899. quinam disciplinas ad certitudinem evehere debeant, 899. num cogi possint ad aliorum sententiam amplectendam, si contrarium ipsi videatur, 913. num virtutem colere debeant, 878. an gravius peccent, si defint officii naturalibus, 883. num ipsis liceat per contemptum aliorum ad famam contendere, 895. num famæ ac laudi aliorum eruditorum detrahere, 893. de quibusnam rebus iudicium sibi sumere debeant, 900. num liceat iisdem dubia sua adversus sententiam aliorum proponere, 907. *Eruditorum jus* circa hypotheses, 908. ad laudem, 889. ad famam defendendam, 894. ad veritatem defendendam, 914. quibusnam competat, 916. ad refutandum errores, 901. quibus competat, 902. ad ambiendum munus, 884. ad petendum commendationem ab alio, 885. *Eruditi obligatio* quanta sit, 878. ad perficiendam voluntatem, 879. ad bonum exemplum præbendum, 882. ad juvandum alios in veritate cognoscenda, vel derogenda, 864. ad locum aliquem in aliquo ordine obtinendum, 860. ad non subsistendum in eodem gradu, 261. 862.

Eruditi officium quoad usum facultatum cognoscendi, 875. quoad intellectum in specie, 876. quoad appetitum, 877. quoad voluntatem in specie, 879. in rerum cognitione & scientia promovenda, 863. 864. si ignoret, quid ad scientias amplificandas, vel propagandas conferre debeat, 867. in refutando, 903. *Seqq.*

Eruditorum officium, qui certum vitæ genus sequuntur, 873

Eruditi infimi ordinis, vulgares, triviales quinam sint, 859.

Eruditi medij sive secundi ordinis quinam sint, 859

Eruditi primi ordinis quinam sint, 859.

Eruditorum superioris ordinis officium in consilio dando iis, qui sunt inferioris, 865.

Etymologia. Definitio, 472.

Etymologi officium, 472

Exceptio quænam insit omni officio erga alios, 575. quando in pactis & legibus facienda, 539. ob necessitatem inevitabilem ac irresistibilem a lege facienda, 566. ob impedimentum inevitabile, sed resistibile non facienda, 569. quando fieri possit per conventionem, 553. 554. num pactis adjici possit, 555. num sorti committi, 556.

Exceptiones in legum collisione faciende quale sint jus, 565

Exceptionum in collisione pactorum faciendarum regula generalis, 557. an speciales præferendæ, 558.

Excer

Index verborum & rerum precipuarum.

Exceptio tacita legum præceptivarum, 567.

Exequia. Definitio, 748. num mortuis debeantur, 756. num invitati eas comitari debeant, 755. an hic comitatus ad funus pertineat, 758.

Exteromania quale vitium, n.897

Exteriorum eruditorum laudes extollere num liceat cum contemptu conterraneorum, 897.

F.

Factorum differentia respectu aliorum, 789.

Factorum defuncti memoria quænam conservanda, 780.

Facta mortuorum famæ ipsorum adversa num propagare liceat, 726.

Factum in sine. Definitio, 702. quamnam laudem pariat, 702. cujusnam sit usus, 783. num unum altero præferat, 787. quod post obitum commemorandum, 784. ejus etiam memoria conservanda, 785-788.

Famæ eruditi num detrahere liceat akeri, 893.

Famam per contemptum aliorum num acquirere licitum erudito, 895.

Famæ atrocitas num det jus alterum occidendi in summa cibi penuria, 587.

Favorabile quid dicatur, 494. quid sit in in pactis, 495.

Felicitatis posterorum cura præcepta, 856.

Felonja. Definitio, 434. quot modis committatur, 435. 436. a quonam committi possit, 437. in quo consistat, 438. 439 & seqq. quomodo (*Walfii Jur. Nat. Pars VI.*)

contra fidelitatem committatur, 443 & seqq. 448. & seqq. quomodo in non recognoscendo dominio directo, 451. in eodem alienando, 450. in subinfeudando, 449. num remitti possit, 453. num a patre commissa noceat filio, 456. num a vasallo commissa imputari possit ceteris, ad quos feudum certo ordine devolvi potest, 454. an noceat successori, si propter eam feudum amittatur, 455.

Feudum. Definitio, 155. ejus substantialia, 161. naturalia, 162. accidentalia, 163. quinam constituere possit, 165. an a non domino facta constitutio sit valida, 252. quomodo constituatur, 170. quot modis constituatur, 175. pro quibus personis constitui possit, 176. ad quodnam tempus, 177. num cum onere in gratiam tertii adjecto, 183. in quibusnam rebus constitui possit, 259. & seqq. num in re aliena, 251. an in re communi, 255. an in re communi, 255. an in rei communis parte indivisa, 256. an in jure, quod quis habet in re communi, 261. & quo effectus fiat, si res communis postea dividatur, 262. num ignorantia in re propria, 253. an & scienti, 254. an in jure percipiendi provenus metallicos, 260. num revocabiliter constitui possit, 180. num pure vel sub certa conditione revocabile, 181. num ejus qualitas ante constitutionem definiti possit, 225. quamprimum id acquiratur, 212. 213. num

Index verborum & rerum precipuarum.

- committatur, contractu feudali non renovato, 211. num alienando species mutari possit, 206. num amittatur per feloniam, 452. num per eam finiri possit, 457. num extinguatur cessante præstatione conventa, 248. quando præscriptione extinguatur, 429. num finiatur rei feudalis interitu, 422. 423. quando morte vasalli finiatur, 419. num amittat qualitatem feudalem, domino directo sine hærede mortuo, 334-335. eo finito quale jus competat domino, 326. num morte vasalli finitum revertatur ad dominum, 420
- Feudi alienatio* num sine consensu domini fieri possit, 197. an sine consensu eorum, qui succedendi aliquam spem habent, 394. qua lege fiat, 202.
- Feudi constitutio* lucrativa, vel onerosa, 174
- Feudi promissio* quo effectu fiat, 223. quale sit constituendum, acceptata ejus promissione, 224.
- Feudi restitutio.* Definitio, 407. quando refutetur domino, quando tertio, si refutetur successor, 413. si remotiori, 412. si successor, cui refutatum, ante-refutantem vasallum moriatur, 416. in gratiam extranei facta quid sit, 414. 415. quando domino fieri possit, 408. quando non, 409. 410.
- Feudi revocatio* ab eo facta, qui jus promissæ habet, 400. an fieri possit, vivo alienatore, 401. num ab eo, qui in alienationem consentit, 392. num a filio, si pater in alienationem consentit, 393. an ab eodem, si feudum a patre alienatum, 380. an si feudum sine ullius consensu alienabile, 374. an a remotiori, si proximior non revocet, 380. 389. an si domino refutetur, 411. remotiori refutatum quando revocari possit, 412. an possit revocari, si sine consensu successorum alienatum, 377. an si per feloniam amissum, 458. an si sine consensu eorum alienatum, ad quos devolvi poterat, 378. an si alienatum in remotiorem, 379
- Feudum revocans* quid probare debeat, 385. num pretium restituere debeat emptori, 381. 382. an qui non revocet, quia possessori id relictum vult, potestatem revocandi sibi adimatur, 390
- Feudum ab alio recognoscendum*, quam a constituyente, 249.
- Feudi apertura.* Definitio, 329. quale per eam jus acquirat dominus, 330
- Feudum apertura proximum.* Definitio, 331. quando fiat, 331. an alienari possit, 332. 376. an alienatum revocari, 376. an dominus pati teneatur, ut alienetur, 333. num oppignorari possit, 358
- Feudum antiquum.* Definitio, 188.
- Feudum de caverna.* Definitio, 264. num constitui possit, 264. quo fundamento nitatur constitutio, 263. quænam in eodem sit domini obligatio & jus vasalli, 264. ad quasnam res naturaliter extendi possit, 266. an subsistat, in manu domino, 267

Index verborum & rerum precipuarum.

- Feudum censuale, seu pensionarium.* Definitio, 184
- Feudum commune* quomodo constituitur, 292
- Feudum datum.* Definitio, 166
- Feudum emsum.* Definitio, 189
- Feudum faminium.* Definitio, 190. alienatio ejus, 205
- Feudum francum.* Definitio, 185
- Feudum habitationis.* Definitio, 274. num fit juris naturæ, 274. quodnam ejus fundamentum, 273
- Feudum ligium.* Definitio, 187.
- Feudum non ligium.* Definitio, 187.
- Feudum masculinum.* Definitio, 190. ejus alienatio, 205.
- Feudum mixtum.* Definitio, 190. ejus alienatio, 205.
- Feudum novum.* Definitio, 188.
- Feudum oblatum.* Definitio, 168. quomodo res in feudum offeratur, 167. quænam naturalia & accidentalia eidem adjicienda, 169
- Feudum pecunie.* Definitio, 281. quale sit feudum, 281. an datum & oblatum esse possit, 282. quomodo constituitur, 283.
- Feudum perpetuum* quo effectu alienetur, 204. si simpliciter constitutum, pro quibus personis constitutum intelligatur, 208. quando exringuatur, 208.
- Feudum pignoratitium.* Definitio, 191. ejus finis, 191. an sit juris naturalis, 191. quando finiatur, 365. & quonam effectu, 366. quando non alienabile, 368. 369. inalienabile quando sui possit, 368. quando idem cedi domino non solvente, 370. an bonis ceteris vasalli accenseatur, 371. quinam in eo succedat, 372
- Feudum precarium* quando finiatur, 418. quando revocari possit, 374
- Feudum repudiatum* ad quem devolvatur, 387
- Feudi revocabilis* alienatio, 207.
- Feudum soldata.* Definitio, 268. ad quasnam res extendi possit, 268. quænam sit domini obligatio & quodnam jus vasalli in eodem, 269. quænam res in eo præstandæ, 270. in quo constituitur, 272
- Feudum sub conditione concessum* quando finiatur, 424.
- Feudum temporarium* quando finiatur, 421. in quem transferatur vasallo ante tempus mortuo, 201. ad quodnam tempus alienari possit, 263
- Fidelis* quinam dicatur in jure feudali, 154.
- Fidelitas* quid significet in jure feudali, 154. quomodo præstanda determinantur, 244. an jurato promitti debeat, 221. 222. quænam a domino præstanda vasallo, 246. quomodo contra eam feloniam committatur, 438. 443.
- Finis* ab eruditis intendendus, 868. qualis recte intendatur, 870.
- Fœtus in utero* num dominium acquirere possit, 832. si ei quid detur & tibi tradatur, 839. quo effectu juris hoc fiat, 840
- in Fraudem legis vel pacti facere* quid signi-

Index verborum & rerum precipuarum.

significet, 521. an quæ sunt, fieri
voluerit legislator, 522. an fiant con-
tra legem, vel pactum, 523
Fraus legi vel pacto quomodo fiat, 521.
an licite fiat, 524. quomodo facien-
da reprimatur, 525
Greylehn, 185
Fructus rei feudalis num oppignorari
possunt, 360. quam qualitatem habe-
ant percepti, 320. ad quem eorum
periculum pertineat, 321
Fundi immutatio quando vasallo non li-
cita, 341
Fundi emphyteusici immutatio quando
licita, 73
Fructuum periculum in emphyteusi ad
quem pertineat, 74. ad quem in feu-
do, 321
Fumus. Definitio, 748
Fumus imaginarium. Definitio, 749.
Fumus legitimus. Definitio, 749.
Furtum num committatur auferendo
domino res necessarias in extrema
necessitate, 598

G.

G*ratia* quomodo mortuis agatur, 722.
quomodo rependatur in aliis, 724.
Gratus animus in mortuos præceptus,
721. eius in defunctum, qui in bo-
nis ipsius succedit, 742
Grund. Eigenthum, 3.
Grund. Herr, 120.
Grund. Recht, 120.
Grund. Zuse, 124

H.

H*abitatio* sede expulsi quando conce-
denda, 693. quale sit jus, 698

Haverer, 671.
Historicus, 858
Homines num nudi sepeliendi, 810.
Hominum vivorum sectio num licita, 827
Homonymia. Definitio, 480. quænam
in interpretatione de eadem notanda,
480. si in textu aliquoties occurrat,
481. si obscuritatem parit, quinam si-
gnificatus præferendus, 482
Honestum magis num minori præferen-
dum, 550.
Honor quomodo mortuis deferatur,
725. quod sit deferendus, 753. quod
deferatur comitatu exequiarum, 754.
Honor humanitatis. Definitio, 759. in
quo consistat, 759. an unicuique de-
beatur, 760. an mortuis deferendus
in modo, quo eorum cadavera remo-
ventur, 761.
Hortus in solo alieno habendus, 148.
Humatio mortui. Definitio, 744. num
sit juris naturæ, 765. 766. num mor-
tuis debeatur, 767.

I.

I*actus rerum* evitandi naufragii causa
num licitus, 625. quando necessitas
eius adesse putetur, 626. si navis serva-
ri non possit, quid sit juris, 657. 658.
si servata postea intereat, 659. 660.
Actus lascivus. Definitio, 662.
meticulosus. Definitio, 662.
non pure necessarius. Definitio, 662
temerarius. Definitio, 662
Actus, 858
Impensa solius navis causa factæ, cujus-
nam sint, 673. in merces, quæ sunt
in navi, factæ ad quem pertineant,
672.

Index verborum & reram precipuarum.

672. in recuperationem rerum jactarum factæ num exigant contributionem, 656. in curationem vulnerati in conflictu cum piratis, aut in ministerio navis factæ, 674
- Impedimentum inevitabile, sed resistibile* num faciat exceptionem a lege, 569
- Inæqualitas* num in pactis odiosa, 496
- Infeudare* quinam non possit, 297
- Infeudatio.* Definitio, 156. quomodo fiat, 156
- Inimicos mortuos* num amare debeamus, 740
- Instrumentorum alienorum* in restinguendo incendio usus, 616
- Interpres verborum suorum* num quis in pactis & promissis esse possit, 461. quando quis esse possit, 462.
- Interpretatio.* Definitio, 459. cur ea sit opus, 460. num certas regulas requiratur, 464. quænam rejicienda, 483. 485. quomodo ex non prævisis facienda, 515. quomodo ex iis, quæ sunt origine conjuncta, 487. quomodo in favorabilibus, 500. quomodo in iis, quæ unam tantum partem onerant, vel plus onerant altera, 507. quomodo in iis, quæ poenam continent, 508. & quæ actus irritos faciunt, vel de prioribus quid immutant, 510
- Interpretationis* regula generalis, 512.
- Interpretatio extensiva.* Definitio, 516. quidnam ejus causa investigandum, 517. quid faciendum, si plures sint rationes voluntatem moventes, 518. quomodo ratio in ea spectanda, 519. quomodo facienda, 520.
- Interpretatio recta* quænam fit, 465
- Interpretatio respectiva* num habeat locum, si rationem secundum potentiam moraliter consideratam sub se comprehendit, 552
- Interpretatio restricta* quomodo facienda ob utilitatem, vel æquitatem, 505.
- Interpretatio restrictiva.* Definitio, 526. quando locum habeat, 527. 528 quomodo facienda, 529. & seqq.
- Inventores.* Definitio, 859
- Investitura.* Definitio, 219. num naturaliter requiratur ad feudum, 220
- Investitura abusiva* quænam dicatur, n. 219. propria quænam dicatur, *ibid.*
- Iter* quando jure superficiario comprehendatur, 142
- Judices,* 872
- Jus an a moriente* amittatur, 700. in quem amissum transmittatur, 710. quando idem non extinguatur, 709. an transferri possit in eventum mortis, 705. quando sic translatum in alium transmittatur, 708. num transferri possit in nondum natos, 833. quomodo intelligendum sit, si quis se jus in eum transferre dicat, 834. quodnam competat in eum, qui nonnam incendit, 618. in aquam profluentem, proprio facto flumine, 688. quale sit eorum, qui in eandem scapham in naufragio insiliunt, 588 & seqq.
- Jus ad bona defuncti* cuiusnam competat, 712
- Jus ad rem* num per mortem amittatur, 704.

Index verborum & rerum precipuarum.

- Jus a morte alteri debitum* num morte amissum extingatur, 711
- Jus alienandi* quomodo restringatur, 7.
- Jus censiticum.* Definitio, 108. quale sit jus, 109. quamdiu duret, 119. quomodo extingatur, 118. 119. pro quo pretio remittendum, 117
- Jus collatum sibi ac descenditibus suis* quando acquiratur, si vobis simul competere potest, 835.
- Jus commemorandi* in alienis terris, 692. quale sit, 698
- Jus comparandi* sibi res in aliis terris, 694. quale sit, 698.
- Jus commune* quando reviviscat, 600
- Jus commune ad res reviviscens* quale sit, 601
- Jus domini feudi* in genere, 160. ad exigendum renovationem contractus feudalis, 210.
- Jus emphyteuticarium* num oppignori possit, 84. quomodo ejus oppignoratio differat ab oppignoratione rei, 80. & quemnam effectum producat, 81.
- Jus erigendi monumenta & epitaphia,* 797 & seqq.
- Jus eruditi* ad munus ambiendum, 884. ad petendum commendationem ab alio, 885. ad famam defendendum, 894. ad defendendum famam aliorum eruditorum, 898
- Jus ex communiione primæva residuum* quodnam dicatur, 561. an detur, 563
- Jus exigendi canonem emphyteuticum* quale sit, 24
- Jus exigendi laudemium* quale sit, 38
- Jus immutandi fundum* quomodo in feudo restringatur 195. quando restringatur utiliter, 8. quando inutiliter, 9.
- Jus in ades vicinas,* læviente incendio, 677.
- Jus in re feudali* quomodo usu capiatur & præscribatur, 426.
- Jus in re libellaria* quale sit, 104
- Jus in retia aliena,* in quæ navis impulsæ, 676
- Jus libellarium.* Definitio, 98. quodnam intervenire debeat, si constituitur, 99. quo effectu remittatur 106. quando extingatur, 107
- Jus necessitatis.* Definitio, 564. in quo consistat, 564, num detur quoad officia erga Deum, 578. quodnam detur in communiione primæva, 602. quam late pateat, 603. quodnam competat, cibariis deficientibus in navigatione vel obsidione 611. 612
- Jus necessitatis in res aggressoris,* 620. in res alienas, 595 & seqq. quousque hoc extendendum, 598. in rem alienam ob commune periculum, 621. in rem se moventem, veluti equum alienum, 614. in arma aliena, 615. in instrumenta aliena, incendio orto, 616. ad res, quæ in navi sunt, 613. in res comparandas, 608. 609. in venditionem frumenti, 617
- Jus necessitatis ex communiione primæva residuum* quale sit, 604. quam contineat obligationem, 605. 606.
- Jus personale* num sit transmissibile, 707.

Jus

Index verborum & rerum precipuarum.

- Jus pignoris* in re emphyteutica quando extinguitur, 85
- Jus possidendi* num per mortem amittitur, 703. quomodo acquiratur a domino utili & vasallo, 215
- Jus promissaris* ex recta interpretatione, 466.
- Jus protimiseos* num tollatur consensu in alienationem feudi, 402. 405. num competat domino feudi, 396. num agnato, feudo alienato, 395. in quam alienatione locum habeat, 397. quo ordine sit exercendum, feudo alienato, 403. 404.
- Jus protimiseos habens* quando feudi alienationem prohibere possit, 399. quando feudum alienatum revocare, 400. num vivo alienatore revocare possit, 401. quamdiu eodem uti possit feudo alienato, 406.
- Jure protimiseos utens*, feudo alienato, quod pretium offerre debeat, 398.
- Jus providenda majorum questum.* Definitio, 847
- Jus sepulture* num detur, 768. quo fundamento nitatur, 769. an omnibus hominibus competat, 770. quale sit jus, 772
- Jus servitutis amulum* quando a vasallo concedatur, 346
- Jus succedendi in feudo* num renunciari possit, 417.
- Jus superficies, seu superficium.* Definitio, 120. quomodo constituatur, 121. 126. 127. an gratis constituatur, 123. a quonam constitui possit, 125. quando comprehendat iter, vel viam, 142. quando extinguitur, 137. an committi possit, 449. an ad aliam superficiem, quam conventam extendi, 150. num ad res alias extendi possit, 148
- Jus transmissibile.* Definitio, 706.
- Jus non transmissibile.* Definitio, 706.
- Jus transmittendum morte possidentis in alium* quomodo acquiratur, 836
- Jus vasalli* in re feudali, 159. in subinfeudatione num augeri, vel minui possit, 316
- Jus vendendi* rem alteri, 696. num in terris alienis alicui competat, 697
- Jus vindicandi superficiem* num superficiario competat, 146
- Jus utilitatis innocua.* Definitio, 675. quod detur, 684. in introductione dominiorum exceptum, 685. quale sit, 687

L

- L***ata interpretatio* quando locum habeat, 501. 502.
- Landemtum.* Definitio, 34. 228. in quam consistat, 35. 229. ejus quantitas quomodo determinetur, 230. quomodo jus ad idem acquiratur, 230. an mutato domino solvendum, 231. quando a novo vasallo solvendum, 232. quando nullum præstandum, 233. quo fine constituitur, 35. jus ad id quomodo determinetur, 36. quando exigendum, 39. 235. an debeatur, mutato domino emphyteuseos, 40. an a novo emphyteuta solvendum, 37. num a successore in emphyteusi, 53. an si emphy-

Index verborum & rerum precipuarum.

phyteufis alienata redit ad alienan- tem, 54. an alienatis ædibus superfi- ciariis, 144	<i>Literator,</i> 858
<i>Laudis factorum illustrium</i> diversitas, 788	<i>Locarium ministrorum navis</i> num in contributionem veniat propter ja- ctum, 644
<i>Laudis officium</i> num mortuis debitum, 715. quamdiu debeatur, 729	<i>Locarium vectorum</i> num in contributi- onem veniat propter jactum, 641
<i>Laus</i> eruditis quænam tribuenda, 888. num immeritam tribui permitten- dum, 891. num eidem detrahere li- ceat, 893. num eandem alteri invi- dere liceat immeritam, 891	<i>Locatio ædium superficariarum</i> num per- missa, 141
<i>Leges plures</i> quando in eodem pacto contineantur, 541	<i>Locus</i> inter eruditos ut obtineatur, o- pera danda, 860. in quonam gra- du subsistendum, 861. 862
<i>Legis positiva collisio</i> in casu emergente cum lege naturæ, 537	<i>Luctus.</i> Definitio, 815.
<i>Legum collisio</i> in casu emergente, 539	<i>Luctus mortuorum</i> an licitus, 816. 817
<i>Legum præceptivarum</i> tacita exceptio, 567	M.
Lehn-Brief, 226	M <i>Agrivatus,</i> 872
Lehn-Dienste, 186	<i>Magister navis</i> quando damnum ja- ctu datum resarcire teneatur, 664
Lehn-Empfangnis, 219	<i>Majores</i> quinam sint, 849
Lehn-Geld, 34	<i>Male facta mortuorum</i> num excusanda, 728. quo sine dicere liceat notoria, 727
Lehn-Gut, 157	<i>Malum par</i> si tibi & alteri imminet, quid faciendum, 574
Lehn-Wahre, 34	<i>Medicus,</i> 858. 872
Leichen-Begängnis, 749	Meher. Eigenthum, 3
<i>Liberi homines</i> num in contributionem veniant propter jactum, 640	<i>Membrum corporis insanabile</i> num ab- scindere liceat, 584. 585.
<i>Libertas comparandi</i> sibi res alio æquo pretio, 695	<i>Memoria eorum qua recte ac bene fecit</i> <i>defunctus,</i> quod conservanda, 780
<i>Libertas naturalis</i> quoad ceremonias funebres, 805	<i>Merces in nave</i> quando non veniant in contributionem, 673
<i>Libertas philosophandi</i> an sit juris natu- ræ, 909. quomodo naturaliter re- stringatur, 911. an erudito unicui- que concedenda, 910	<i>Merces pro re feudali locata solvenda</i> quam qualitatem habeat, 323
<i>Litera investitura.</i> Definitio, 226. an iis sit opus, 227	Minder. Eigenthum, 1
	<i>Mixta</i> ex favorabilibus & odiosis quæ- nam sint, 499
	<i>Monumentum.</i> Definitio, 747. quibus- nam

Index verborum & rerum precipuarum.

- nam erigendum, 798. 799. jus ad erigendum num detur, 797
- Monumentum sepulchrale.* Definitio, 790. an sepulchrum contineat, 790. cuiusnam extruendum, 795
- Moram & moram nullam habentia* si collidantur, 558
- Morborum cognitio* unde pendeat, 821
- Mortuus* cuiusnam bene faciat, 741
- Mortui* ubi sepeliendi, 774. quando in sepeliuntur, 745. quales iis conveniant vestes, 811. an omnibus eadem, 812. an injuriari possint, 732. num iis injuria fieri possit, 730. num eorum famæ ac laudi detrahere liceat, 725. an iisdem infamiam adspere, 731. quomodo gratiæ eis agantur, 722. an eos ignominia afficere liceat, 731. num mandere, 750. 751. num veste lugere, 818
- Mortuos humare* num sit juris naturæ, 765.
- Mortuorum cadavera* num cadaveribus brutorum æquiparare liceat, 734. an canibus ac feris abjici, 735. num ex conspectu vivorum removenda, 733. quando spectanda exponi debeant, 814
- Mortuorum imitatio* præcepta, 8. in quibus illicita, 779
- Mortuorum vestitus* quando ad ceremonias referendus, 813
- N.**
- Nachkommen,* n. 849
- Natiomania* quale vitium, n. 897.
- Nationis studium* circa gloriam illicitum, 896
- Naturalia contractus* quænam dicantur, n. 163.
- Naturalia feudi* quænam dicantur, 162
- Naulum.* Definitio, 629. quando non debeatur, 629. an in contributionem veniat propter jactum, 630. quantum veniat, 632. quando restituendum, 631. quomodo in contributione spectetur, 633
- Navis* quando non veniat in contributionem ob damnum, 672
- Navis si in retia aliena impellatur,* num ea discindere liceat, 676
- Necessitas* num liberet a peccato, 568. quando faciat licitum, quod alias prohibitum, 573. quamnam vim habeat in jus æquo pretio res sibi comparandi ab alio, 610. in jus petendi res necessarias, vel earum usum, 599
- Necessitate cessante* quando pretium rei consumptæ restituendum, 607
- Necessitas inevitabilis, cui resisti nequit,* num faciat exceptionem a lege, 566
- Necessitas irresistibilis* num detur respectu cultus divini interni, 579. num respectu ejus, quod prohibetur, 571. quam vim habeat in cultum Dei externum, 582
- Nexus feudalis.* Definitio, 431
- Non dum nati* num jus habeant, 830. an possint acquirere, 831. an in eos jus transferri queat, 833
- Nullitas* in interpretatione num admitenda, 485
- O.**
- Obligatio* num morte extinguatur, Dd dd d 700.

Index verborum & rerum precipuarum.

700. 704. num detur ad actum inter-
num, externo impedito, 583. quæ-
nam sit ejus, cujus culpa, vel dolo in-
cendium ortum, 681. qualis contine-
atur in jure necessitatis quoad res, quæ
usu non consumuntur, 605. quoad
ear, quæ usu consumuntur, 606. 607
- Obligatio feudalis.* Definitio, 432. ratio,
432. quamdiu duret, 433.
- Occidere* num liceat alterum ob famis a-
trocitatem in summa cibi penuria, 587
- Odiosa* quænam dicantur, 494. quomo-
do interpretanda, 506.
- Officium erga Deum.* num in casu collisio-
nis officio erga se, vel alios præferen-
dum, 576. qualis sit ejus observantia,
577
- Officium erga se, vel alios* num cultui Dei
externo præferendum, 581
- Officium erga se ipsum.* respectu mortuo-
rum, 777
- Officium eorum,* qui per se de rebus statu-
ere nequeunt, 866.
- Officium erga posteros* quoad artes & sci-
entias, 852. ejus principium generale,
850.
- Onera* in emphyteusi ad quem pertine-
ant, 75. ad quem in feudo, 354. 355.
- Onus* feudo in gratiam tertii adjectum, 183.
- Oppignoratio fructuum* rei feudalis, 360.
- Oppignoratio juris* & rei emphyteutice
quomodo differat, 80.
- Oppignoratio rei feudalis* num fieri possit
absque consensu successorum feudali-
um, 359, si fiat cum consensu domini,
sed sine consensu successorum, 361.
362. quomodo tunc facta intelligatur,
363. & quodnam jus inde consequen-
tia creditor, 364
- Oratio sinebris.* Definitio, 793. obje-
ctum, 793. cuiusmodi haberi possit, 800
P.
- Pacificus* quomodo loqui tenean-
tur, 467
- Pacta* quatenus legibus assimilantur, 540,
quando legi præceptiva, prohibitiva,
permissiva æquiualeant, 542. num in
iis quilibet verborum suorum inter-
pres esse possit, 461
- Pactorum collisio* in casu emergente inter
se, 539. cum lege naturæ, 537. affir-
matorum inter se, quando nihil fieri
permittit, 552. eorum cum diversis di-
verso tempore initis, 546. jubentis &
verantis, 545. permittentis & jubentis,
543. permittentis & verantis, 544
- Pand. Libri,* 891
- Parentatio.* Definitio, 793
- Pecunia mortua* num possit, 730.
- Pecunia* quando manentem præstet utili-
tatem, 277. quomodo efficiatur quasi
res inconsumibilis, 275. quasi res, qua
uti frui datur, salva substantia, 278.
quomodo ad infeudandum apta effi-
ciatur, 276. quomodo infeudetur, 279.
- Pecunia allodialis* quænam sit, 284
- Pecunia feudalis* quænam sit, 284. an sit
feudalis ea, pro qua feudum vendi-
tum, 285. num quæ ad feudum emen-
dum destinata, 287. num quæ re feu-
dali utendo fruendo acquisita, 324
- Pecunia ex feudo redacta,* quando feu-
dum aliud emendum, 288. quando
hereditibus feudalibus defertur, 289.

Index verborum & rerum precipuarum.

an in feudalem converti possit, 390.
Pecunia in navem credita num propter
 jactum in contributionem veniat, 675
Pensiones præmobiles quænam sint, 153
Peregrinis quid in transitu debeatur, 699
Periculum quodnam alteri præferendum,
 586. quando vitare liceat cum præ-
 senti discrimine, 593. quando in eo-
 dem alterum destituere, 592
Periculum fructuum ad quem in emphy-
 teufi pertineat, 74. ad quem in feudo,
 321
Physicus, 358
Pignoris jus in re emphyteutica quando
 extinguatur, 35
Platz-Rechte, 120
Piscina in solo alieno habenda, 148
Pena ob non solutam pensionem ammu-
 nam a superficiario, 152
Pene conventionales num admittant ex-
 culationem in interpretando, 509
Penalia num sint odiosa, 497. quomodo
 interpretanda, 508
Possessio num per mortem amittatur, 702
Posteri quinam sint, 348. quinam tui, 348
Posterorum felicitatis cura præcepta,
 356.
Præscriptio vasalli adversus dominum,
 426. 427. 430. domini adversus vasal-
 lum, 426. 428
Præsum pro remissione juris censitici sol-
 vendum, 117. quodnam intervenire
 debeat in contractu libellario, 99
Principium hereditarium de feudi vindica-
 tione, 384
Professores, 372
Progressus continuus ad cognitionem ul-
 teriorem præceptus, 362

Promissa quando non habeant tacitam
 conditionem, si res maneant, quo sunt
 loco, 533. 535. quando habeant, 534
Promissi jurati & non jurati collisio, 548.
Promissa liberalia quando strictè inter-
 pretanda, 511. 513. contra quem in
 iis verba restringenda, 514
Promissi penalis cum alio in casu emer-
 gente collisio, 549.
Promissarius num verba promittentis in-
 terpretari possit, 463.
Promissor num verborum suorum inter-
 pres esse possit, 461.
Proprietas quænam jura contineat, 5.
 quot modis restringi possit, 6. quomo-
 do restringatur ad alium quoad jus ali-
 enandi, 7. quomodo quoad jus immu-
 tandi fundum, 8. 9. quomodo in feu-
 do 193. 194. quomodo in emphy-
 teufi, 26.
Proprietas verborum quando in interpre-
 tatione non attendenda, 484. 486.
Protectio conventa si non præstetur, an sit
 feloniam, 442.

Q.

Q*Uasi spes acquirendi jus factus in utero*
 qualis sit, 837. num ea eidem adimi
 possit, 838. si foetus in utero quid de-
 tur, num eidem adimi illa possit, 841.

R.

R*aptua* num committatur, si domino
 invito vi eripiat res necessaria in
 extrema necessitate, 597.
Ratio eorum, quæ funeris causa fiunt, un-
 de desumenda, 763.
Ratio in interpretatione extensiva quo-
 modo spectanda, 519
 D d d d d 2 Ratio-

Index verborum & rerum præcipuarum.

- Rationi voluntatis* cur interpretatio conformanda, 489. si plures fuerint, quomodo interpretatio faciendâ, 490.
- Rectè interpretatio* quod jus conferat promissario, 466.
- Refutatoris finis*, 905. a quibusnam is abstinere debeat, 906.
- Refutatio feudi*. Definitio, 407. quænam de eadem tenenda, 408 & seqq.
- Regula generalis* exceptionis faciendæ in collisione pactorum, 557.
- Regulæ interpretandæ* num sint necessariæ, 464. quod demonstrandæ, 465.
- Rhetor*, 858.
- Renunciatio* pro nondum natis num expressa esse debeat, 844. an sit valida, 842. num fieri possit salvo jure nondum natis acquirendo, 843. num pro fœtu in utero sit valida, 842.
- Renunciatio juris succedendi* in feudo, 417.
- Repudiatio juris transmissibilis* num noceat nondum natis, 845. an fœtui in utero, 846.
- Rerum universitas* num infeudari possit, 310. num in feudum offerri, 311.
- Res* quando æquo pretio ab invito comparari possit, 608. 619. quando pro re alia, 609. quænam in contributionem veniant ob jactum, 635. quomodo in ea æstimentur, 634. num ad infeudandum offerri possit, 167. num una pluribus in feudum dari, vel offerri possit, 291. quænam ad infeudandum aptæ, 258. quænam infeudari non possint, 258. 294. an possit dari, ut feudum tertio in ea constituitur, 250. quomodo infeudetur ea, in qua dominium utile habemus, 298. quænam præstandæ in feudo soldatæ, 270.
- Res aliena* num ob commune periculum perdi possit, 621. quænam electio tum faciendâ, 623. 624.
- Res allodialis*. Definitio, 192. eum feudali permutata num sit feudalis, 286.
- Res communes* adhuc natura num infeudari possint, 295. an rei communis pars infeudari possit, 256.
- Res consumptibilis* quomodo efficiatur quasi inconsumptibilis, 275. quomodo ad infeudandum apta, 276.
- Res dubiæ* si fuerint, quid faciendum, 866.
- Res deteriorate per jactum* quomodo in contributione æstimentur, 653.
- Res ejectæ* navis levandæ causa si recuperentur, quid contribuendum, 654. & seqq. quænam in his servandus ordo, quando ejiciendæ, 646.
- Res emphyteutica*, seu emphyteutica. Definitio, 13. num sine consensu domini oppignorari possit, 78. 84. quomodo ejus oppignoratio differat ab oppignoratione juris, 80. & quo effectu fiat, 81. num servitus eidem imponi possit, 86. ejus interitus totalis, 76. particularis, 77.
- Res feudalis*. Definitio, 157. quomodo tradatur & apprehendatur, 216. num locari possit, 322. num oppignorari a vasallo, 356. 357. an aliter

Index verborum & rerum precipuarum.

- teri infeudari*, 299. num ejus interitu feudum finiatur, 422. 423
- Res infeudanda* num alienabilis esse debeat, 296
- Res libellaria*. Definitio, 101. quale in eas jus habeatur, 104. an de ea disponi possit sine consensu domini, 105.
- Res ministrorum navis* num veniant in contributionem propter jactum, 644
- Res necessarias* num domino auferre liceat in extrema necessitate, 595
- Res pretiosa* navis levandæ causa ejectæ, si ante jactum non indicentur, quomodo spectentur, 647. num quæ sunt vectorum, in contributionem veniant propter jactum, 643
- Res militaris innocua*. Definitio, 682. car alteri indulgendæ, 683
- Res trajectory in scapham* navis levandæ causa quod habeant jus, 661
- Reservations mentales* num in pactis & promissis interpretandis admittendæ, 476.
- Retia aliena* num discindere liceat, si navis in ea impellatur, 676
- Revocatio feudi*. Definitio, 373. quando fieri possit, quando non, 374 & seqq. quando eidem actus sit locus, 386. num sit vindicatio, 383. si feudum in unum ex pluribus pari gradu existentibus alienetur, ad quos devolvi poterat, 391
- Ricardienste*, 186.
- Ritus*. Definitio, 807. quando differant a ceremoniis, 808
- Titus funebres*. Definitio, 807. quales esse debeant, 809
- Rügsche Zinsen*, 157
- S.
- Sanctæ cognitio* unde pendeat, 821.
- Scoletus*. Definitio, 824. usus, 824. necessitas, 825. jus fabricandi unde competat homini, 826.
- Scientia rerum* quotuplicem habeant utilitatem, 869. quod conjunctis viribus promovendæ, 863. num ad posteros propagandæ, 852. an humano generi utiles reticere liceat, 853.
- Seclio castaverum*. Definitio, 819. usus, 820. an sit licita, 823.
- Sententia orationis* num divisim, an conjunctim accipiendæ, in interpretatione attendendum, 402.
- Sepulchretum*. Definitio, 773.
- Sepulchrum*. Definitio, 746. quando commune detur, 776.
- Sepultura*. Definitio, 744. 746. num mortuis debeatur, 767
- Sepultura officium* cuius præstetur, 771
- Servi* num veniant in contributionem propter jactum, 636
- Servitia feudalia*. Definitio, 186. quando & quænam a vasallo præstanda, 178. an non præstata sint feloniam, 439. an sit feloniam, militaria non præstare in bello injusto, 441.
- Servitus philosophandi* num juri naturæ adversetur, 912. quid inde sequatur, 913.

Index verborum & rerum precipuarum.

- Servitus predialis* num rei emphyteuticæ imponi possit, 86. num rei feudali, 342. 344. quomodo eidem imponi possit, 345. quamdiu a vasallo imposta duret, 347. an a vasallo acquiri possit, 352. an acquisita remitti, 353.
- Significatus verborum & terminorum* quinam a paciscentibus attendendus, 468. quinam præsumatur in paciscendo, 469.
- Significatus stymologicus*, vel *grammaticus*. Definitio, 473. an in interpretando fit usui, 474.
- Significatus lator*. Definitio, 493.
- Significatus improprius* cum in interpretatione favorabilium admittendus, 303.
- Significatus proprius* quamdiu in pactis & promissis interpretandis attendendus, 470. quando eidem strictissime inherendum, 475.
- Significatus strictior*. Definitio, 493.
- Solutum*. Definitio, 124. num sit solvendum, 133. num novus superficialarius id solvere teneatur, 135. quale sit jus idem exigendi, 134.
- Solum*, cui impostæ ædes superficialiaræ, qua lege alienetur, 138.
- Sortis usus* in determinanda exceptione in casu emergente, 556.
- Studere* quid significet, 880. quomodo fit studendum, 881.
- Studiosus*. Definitio, 880.
- Subemphyteusis*. Definitio, 87. quando perimatur, 96. quid ea finita, contingat, 97.
- Subemphyteuticatio*. Definitio, 87. an naturaliter licita, 88. quomodo fiat, 89. num quid immutet in emphyteusi, 94. quale jus in ea transmittatur, 95.
- Subfeudum*. Definitio, 300. an denuo subinfendari possit, 315. quando extinguatur, 336. si ad dies vitæ, vel precario constituitur, 337.
- Subinfestatío*. Definitio, 300. num naturaliter licita, 307. quomodo perficiatur, 304. quando fieri nequeat, 317. a quonam fieri possit, 301. num requirat domini consensum, 309. 318. quando subinfendendo feloniam committatur, 449. num quid immutet in nexu feudali, 302. an in obligatione vasalli, vel domini, 303. quotuplex sit, 313.
- Subinfestatío particularis* rerum universitate infeudata, 312.
- Subinfestatús*. Definitio, 300.
- Substantialia contractus* quænam dicantur, n. 163.
- Substantialia feudi* quænam dicantur & sint, 161. quomodo alie determinationes iisdem superaddantur, 164.
- Subvasallus*. Definitio, 300. ejus jus & obligatio unde metienda, 306. quænam onera ferre debeat, 355. quamnam utilitatem in re feudali percipiat, 319.
- Sucessio in feudo pignoratitio* vasallo mortuo, 372.
- Sucessor in bonis defuncti* eum amare & signa amoris edere debet, 743.

Succes-

Index verborum & rerum precipuarum.

Successor feudalis. Definitio, 327.

quid fiat, successore deficiente, 328

Superficiarius. Definitio, 126. jus

quodnam sit, 130. quale jus habe-

at in solo, 122. respectu soli, 140.

unde jus & obligatio ejus metienda,

129. num solarium solvere teneatur,

133. num suis sumtibus superficiem

factam rectam servare debeat, 147.

quidnam possideat, 136. num su-

perficiem alienare possit, 143. num

jus suum ad aliam superficiem exten-

dere, 150. num usumfructum su-

superficiem alii concedere, 151.

Superficiarius novus num canonem sol-

vere teneatur, 145.

Superficies num vindicari possit, 146.

cujus sumtibus facta recta servanda,

147. num ejus usumfructus alii con-

cedi possit, 157

Sylva in solo alieno habenda, 148

T.

T*Ermini technici* quomodo inter-

pretandi, 478. quando laxius in-

terpretandi, 502.

Traditio num ad perfectionem feudi re-

quiri possit, 218. in quonam consistat,

216. quando ipsi contractui insit, 217

Transitus per terras & flumina propria

quando personis concedendus, 689.

quando mercibus, 698. an ob hunc

contribuendum, 691

V.

V*asallus.* Definitio, 158. ejus ob-

ligatio ad fidelitatem præstandam,

245. jus in re feudali, 159. unde

ejus jus & obligatio metienda, 172.

quamnam utilitatem ex re percipiat,

319. num a domino compelli possit

ad contractum feudalem renovan-

dum, 241. quomodo re feudali uti

debeat, 340. quando fundum immu-

tare nequeat, 341. num servitutem

rei feudali imponere possit, 342. an

deteriorare liceat, 338. num omnia

onera ferre debeat, 354. quamnam ser-

vitia & quando præstare teneatur,

178. num vitam domini propriæ præ-

ferre, 446. num feudum alienare pos-

sit, 196. quando non possit sine con-

sensu domini, 196. 197. quando non

sine consensu eorum, ad quos trans-

mitti poterat, 198. 199. 200. num feu-

dum subinféudare possit, 301. num

rem feudalem oppignorare, 356. 357.

num usumfructum in ea concedere,

325. 348. an usum, 325. 349. num

rem feudalem meliorare, 350. num

immutare, 351. an servitutem prædi-

alem eidem acquirere, 352. an acqui-

sitam remittere, 353. quando feloniam

committat, 443 & seqq. 448 &

seqq. quando non, 446 & seqq. num

committat defensionem violentam adver-

sus dominum, 447. an consensu do-

mini ad alienationem non requisito,

448

Vasalli jus in feudo de cavena, 265. in

feudo soldatarum, 269. si dominus feudi

pnorantii non solvat, 367.

Vasallus novus quando laudemium solve-

re teneatur, 232. quid de eo in alie-

natione conveniri possit, 234

Recto

Index verborum & rerum præcipuarum.

- Vectores.* Definitio, 637. an in causa sint, ut jactus fieri debeat navis levandæ causa, 638. an in contributionem ob jactum veniant, 639. 640.
- Venditio frumenti* quando cogi possit, 617
- Veste* num lugere liceat mortuos, 818
- Vestes vectorum* quando in contributionem veniant propter jactum, 641.
- Vestimenta* quænam in contributionem veniant propter jactum, 649.
- Vestitus mortuorum* quando ad ceremonias referendus, 873.
- Verba cum relatione ad aliquid sumta* quomodo interpretanda, 49
- Veritas* an vi defendi possit, 917.
- Via* quando in jure superficiario comprehendatur, 142.
- Vinea* in solo alieno habenda, 148.
- Vite genera*, quæ eruditi sequuntur, 872. quale ab unoquoque eligendum, 874
- Virtutes morales* num ad posteros propagari possint, 854. num debeant, 855. an una præstet altera, 786.
- Vocabula aliquid secundum gradus significantia* quomodo interpretanda, 479.
- Voluntatis originaria defectus* quomodo intelligatur ex absurdo, 529. quomodo ex cessatione rationis, 530. quomodo ex materiæ defectu, 531.
- Vorfahren*, n. 849.
- Ufus* num in re feudali constitui possit, 325. an a vasallo concedi, 349.
- Ufusfructus* num in re feudali constitui possit, 325. an a vasallo concedi, 348.
- Ususfructus superficiæ* num alii concedi possit, 151.
- Ufus loquendi* quinam in pactis antiquis interpretandus, 471.
- Utile magis* num minori præferendum, 550.
- Utilitas cognitionis ac scientiæ rerum*, quotuplex, 869
- Utilitas innocua.* Definitio, 682.
- Utilitas manens* quomodo ex pecunia percipiatur, 277.
- Vulneratus* navis defendendæ causa, vel in ministerio, cujusnam sumtu curandus, 674.
- Z.
- Zins. Gut*, 110.
- Zins. Zerr*, ibid.
- Zins. Mann*, ibid.

Finis Indicis Partis VI. Juris Naturæ.

